


四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社



四庫全書存目叢書

集部  
第一六三冊



責任編輯：孫言誠 賀 偉

ISBN 7-5333-0615-5



EB26/01

# 四庫全書存目叢書·集部一六三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第一六三冊目次

## 集部·別集類

御龍子集七十七卷(二)

〔明〕范守己撰

重慶市圖書館藏明萬曆十八年侯廷珮刻本

一

李于田詩集十二卷

〔明〕李化龍撰

北京圖書館藏明萬曆刻本

三七六

郊居遺稿十卷

〔明〕沈懋學撰

故宮博物院圖書館藏明萬曆三十三年何喬遠刻本

五六八



御龍子集七十七卷(二)

〔明〕范守己撰

重慶市圖書館藏明萬曆十八年侯廷珮刻

本

附《四庫全書總目·御龍子集

七十七卷》提要

吹劍草卷之三

御龍子二十七

消上范守己介儒著

寧夏侯廷珮校

泰山賦

泰山勝槩甲天下諸嶽鎮舊矣或云即蓬玄太空洞天又云三宮空洞之天列僊傳以為石室懸絕中有金床玉几尸子謂有神房阿閣雖難盡信而郭璞注高四十八里漢官儀紀曲道五十餘盤其周迴或稱三千里或稱百六十里要

御龍子集

吹劍草卷之三

一

一

之各有指謂其雄勝因可知已歲戊寅秋予以入賀道徐充去嶽不百里而遙欲一往眺以迫不果暨竣事南下又舟道漕渠不能假羽東望極目漠漠耳懷仰彌篤因檢嶽志一帙反覆尋繹得其迴磴攢峰之詳干天落瀑之狀喟然歎曰山靈已邀我于五雲表矣是真可以小天下也迺撮其幽異爰著之篇因寫

胃中之磊塊云

粵維古昔無始氏崛起空濛之野簸弄玄虛搏  
揉渾沌虛漉清濁開拓頑洞爰命太始氏握乾  
叙軌秉度攝靈八紘若紀七曜受成于是眇眇  
良震之陴軫維終始之府特簡東皇氏往泣厥  
土東皇氏拜手稽首曰噫予稟炁上清分符下  
界灌莽翳鬱歆塵靈變畫多喧冠夜多沉瀝隔  
幽天人而何熙載太始曰俞哉予維女居其為  
之岱迺命盤固築基條忽督役女媧搗石愚公  
運簣夸蛾移峰巨靈分熾磅礴庫三千餘里巖

御龍子集

次劍草卷之三

二

巖聳撐天而絕地爾迺嵯岬萃律突兀嶺岈群  
峰挿玉絕嶺蜚泉拔起四千餘丈縈回五十餘  
盤欽崙疊嶂縹緲層巒下青霄而直上摩白榆  
其可攀其峰則丈人鳳立獨秀龍蟠鷄籠聳翠  
獅子嘯寒飛鴉高者四雁孤翔蓮花簇錦芙蓉  
耀顏嶙嶙峋峋密密矗矗歆萬仞之危崖俯千  
尋之幽谷聳日觀之巍峩窺海波之夜旭其嶺  
則青嵐飛靄黃峴橫空思鄉吊影圓馬驟風長  
城據嶮分水流春升仙蛻委明月腫臃磊磊砢

砢嶽嶽嶽嶽走赤虬而激浪聚青螺以冒雪規  
仙間之巉巖更孤騫而供遠瞥至若云云亭亭  
肅然梁甫鞍牛徂徠神霄玉女石馬雕窩傲來  
蒿里鳬繹龜蒙遠環近峙或拱或伏如孫如子  
其它丘尼旦秀于南隅長白跨雄于北陲千佛  
據勝于乾維九女羅翠于坤紀恍忽兮呖岱之  
傲風微杳兮丘垤之抗兩石則仙影劍匣虎阜  
龍文臘脂方正望海試心峪則石經石壁鬼兒  
仙趾鄧都佛寺桃花椒子其天紳其醴白鶴飛

御龍子集

次劍草卷之三

三

鸞水簾香井羊舍玉環是為山麓之蒙泉白雲  
金母迎陽朗然白鶴金絲蛻仙鬼仙是為山側  
之洞巖之上數者宵窳澹澹嶢嶢瓌璋列芳爭  
奇晶瑩耀美烟嵐幻其昕夕風雷釋其積滓蓋  
翼翼庫接鈞天而鄰帝都不徒為斯世之塊壘  
也迺命蒼精鼓素象罔摻珎洪纖羅列飛走并  
臻其巔多白玉水玉玫瑰瓊英鍾乳雲母玄壁  
黃琮赤白石脂紫白石英韞雜奇詭揚輝曜精  
其趾有紫金黃鑰銀鎔鉛錫龍芮石硫松肪栢



實的樂繁錯炫碧呈赤至若卉木樛參百千異  
狀蒼蔚蒙茸緣崖附嶂山榴感火野棠搖風彌  
桃綴紫羊棗翻紅團翠蓋今樹與楸而聳列架  
青幄兮榕抗藥以穹窿迺有葛蒲赤箭漏蘆青  
芝景天百部女蕤茵芋芎藭澤漆歲靈地榆玄  
胡之索鼓子山梔或華或實延綿歲莖併太乙  
之餘糧俱疾疢之鹽梅其茂育而遊于林藪者  
則有猗猗之獸如狔而韞珠兩足之兔跳躍而  
趯趯斑文之魚應時以生息桃蟲之鳥變化而

御龍子集

吹劍草卷之三

四

拚飛至若脊令唯雉翡翠画眉山僧拖練文雉  
黃鸝殊音異彩娛飽號饑益可以見神嶽之大  
而顯化育之元機自軒轅御曆體道凝真建宮  
表嶽以通崑崙迺遣七女子雲冠羽衣以脩以  
焚其一慕道舍虛合神是為玉女號曰元君迺  
藐東皇潛居斯嶽肖形龜石肆其斯削東皇眎  
之亦為漠漠或曰元君即天帝之孫織女之侶  
天帝命之以察斯土東皇敦讓莫之敢侮其雲  
冠羽衣者隸為從伍于焉遊嬉以侍尊俎是

脩真之士踵踵繼至皆欬抃天倪索靈秘翩翩  
焉超太清而絕塵寓白光老父稷丘隱君餌石  
張子賣藥崔文安期呂公笑傲追尋依依山麓  
玩弄風雲雖蕪裨益于神嶽而可嘉尚其清襟  
至若便設之臣夸毘之見借四望而佞柴燔導  
萬乘以事封禪五輅奔雷六龍馳電屯輿衛而  
遍林遙走黼冕而登絕嶺金泥宣祝玉簡高函  
斬千齡與萬禩欲咸五以登三蹈祖龍之故轍  
尋漢武之遺鑄將欲取媚于青帝而徒貽羞于

御龍子集

吹劍草卷之三

五

天孫者也於乎隆古無聞往蹟可鑒軒皇遺弓  
有無難辨虞帝陟方蒼梧不返秦皇紀德沙丘  
遺怨高宗啟釁明皇養祀宋真東封群邪釀患  
慨山靈之蒙恥諒東皇之見厭哲士達觀邃古  
有幾宣尼辨馬伯牙避雨曾參作歌榮期樂死  
郭璞注經張華聞鬼雖識越之不同于斯山乎  
有取彼秦松棲兩漢栢園雲豐碑無字磨崖有  
文李斯小篆唐玄八分蘇頲之書法類晉張說  
之頌序擬秦徒皆封而蘚蝕供雨泐而風燭何



足計有無而嗟沒存也哉嗚乎於皇維嶽維天  
所命而世主廼號為天齊加之仁聖罔以王帝  
誇其尊奉袞冕圭璜古今輝映維皇視之腐鼠  
斯並麾斥不遑而亦何有于格應惟我國家  
統一區寓養正諺習以返隆古革號稱神崇裡  
飾宇拒封禪之邪說新岳麓之廟廡于是重欄  
礙日畫棟栖雲週垣障霧幽閑絕塵樓榭璀璨  
以峻嶒界愚瓏璚而氤氲丹雘耀紫白堊翻銀  
髮髯兮青都之烜赫依稀乎紫極之輝煌廼妥

御龍子集

次韻草卷之三

六

神靈虔修歲事玉版金帛珍香種至宗伯祠官  
寅清一志致天子之精白竭執事之敬畏以故  
三靈效順六氣布祥騶虞遊野瑞禾垂疆河流  
屢清海波不揚輦皇圖于磐石固金甌之熒  
煌於戲盛哉廼又充拓昭真之觀崇飾靈應之  
宮檐牙啄電廊召嘒風盤鬱俯礪凌厲摩空絢  
彩碧霞之額肅將玉女之英睹威靈之震耀遍  
寰區以嚮風由是遐邇嘖嘖盼嚮可即橐籥  
帛橐橐枝赤緡錢積委朽索很藉國帑籍之以

寬民力又有長春升元天書龍泉皆古今玄觀  
倚麓附巖或剝或落有頽有完竹林普照谷山  
靈巖皆古今鉅剎嶂抱峯環禮寔祈福闡黎盤  
桓及夫過化之樓巖巖之亭飛雲之閣御香之  
庭醴泉靈液環翠五松建廢不一踞立崢嶸皆  
可以豁逸人之幽抱寄遊客之高踪是以縉紳  
先生烟霞野老褰袂來遊曳踵登眺歎清風而  
挽白雲探奇葩而搽幽草暢逸志于絕峯奮玄  
思于遠島奚囊漫啟絳筆驟提藻思泉湧墨澤

御龍子集

次韻草卷之三

七

淋漓合綦組以成章截匹錦而逢疑摹石遍壁  
輯草盈編琬琰曜目綺麗蜚烟皆有以發山靈  
之秘秀而寓神明之機誠於戲光哉于嗟噫嘻  
受乾靈殿坤紀莫大于嶽總希夷握玄牝莫先  
于岱亘天地而無始攝鬼神而無外凌厲蒼茫  
者塊然之形幻化雲雨者倏然之性彼其誕精  
毓秀終始萬彙固自有超于形氣之先者在所  
貴哲人體化君子合神壁立千仞磊落絕塵絲  
絲若存萬有之門依稀虛與東皇者相揖讓因



無事于步羣微而攀嶙峋

三泖賦

無心于宦於雲間再易寒暑日往來乎姑胥恒  
泛舟于泖之沮滑滑焉披紛牘于蓬牕而忘其  
川澤之脩阻二日盛襟少豁旋自雲陽絕婁淞  
而闕葦澤走卑舸而鼓鳴榔櫓啞啞以激波颿  
縮縮以辭櫓窮斷連之瀦蕩凌灝淼之沈茫于  
是乎啟扃而出緣舷而步徘徊于維纜之所護  
踟躇而四顧望津涯而辨方隅官乎皇皇而錯

御龍子集

卷之三

八

憚迺招舟子使陳其故舟子有亡是叟者蓋賢  
而隱於漁也養然進曰先生未知澤國之勝槩  
乎抑未知此水之源派乎夫自儵忽鑿渾沌之  
竅而地多舒壑共工觸不周之山而水歸東南  
洎禹乘之既歇滙震澤以泓涵肆浸淫而旁溢  
歸長泖之澄潭水連綿其如一勢續斷而為三  
其上則吞潞山之流波來金澤之滉渺納白牛  
之泛滔引葑渚之漭浩洶洶焉涌涌焉爭趨並  
下而不辭滂凹之湫小其下則寫涸湍於黃浦

導汎濫于吳淞通別港于槁李散微浜于五茸  
邕邕焉溶溶焉支分派析而不計衆流之纖洪  
其中則派沙平湧茂木林立梵宇耀薨雁塔飛  
級閣黎翻貝頭陀縣汲樹薜蘿兮灌杜蘅焚椒  
蘭兮爇玉粒曠兮與塵世其若違恍兮接員嶠  
而拱揖其四望則洞庭鬱于西北下扃千丈之  
龍穴天馬蹲于東南上來萬姓之燔蕪崑岡遙  
峙鍾賈并列聳九峰之孤碧羅海角之封凸矗  
矗然鬱鬱然挿五湖而表三江皆可以翹首而

御龍子集

卷之三

九

引臂若此者固松郡之巨滙吳會之名湍往來  
之利津游眺之奇觀先生之邈邈久矣而尤未  
得其倪端乎無心子輟然有間曰形勝之槩既  
已知之其亦有利翕郡耶叟復盱眙而對曰於  
乎孰水不滋孰滋不利而况汪洋激激吞吐浸  
漬之若斯者乎故自其繁育于深淵類聚于廣  
瀰或泳或躍或介或鱗鱗鱗之異其種鯪  
鯢鯉鯢之別其群金鯢穿藻玉鱸翻蘋輸稻芒  
兮紫蟹齒荻芽兮河豚墜蟻蟻蟻兮與鱖而

為伍鱸鮪螭虬之並飼鱧而俱淪凡若此者可  
網可笱可筒可綸乘舴舨而矛射于茫漾携筭  
簞而掇拾于涓濱可炙可繪可飮可珍貪矣乎  
罾而厚得其值富矣乎剖而燕樂其賔此固敷  
利之大而猶為三泖之纖塵若夫澳隈之所沮  
如之旁茭蘆彌望蕭葭垂蒼菱角泛紫荇帶浮  
香莢之實兮啄鷄味于泥滓此之茲兮挿鳬足  
于淖壤堪采堪刈堪剥堪嘗為菟為薄而資藉  
之不匱以登以且而賓筵之有光此又種植之

御龍子集

吹劍草卷之三

十

利而亦未盡其無方至若清曠之濱空廓之渚  
乃有屬玉聯翩陶河並舉鸕戛戛以長鳴鸕翻  
翻而覓侶群鷗浮兮點白雪於碧波孤鶩游兮  
泛綠羽于清泚鈎輈格磔兮鷓鴣飛鳴嗚嗚  
唼兮鸕鵒調語鴻雁窺稻梁而來賓鸕鵒挹清  
汎而振羽或以矰或以繳或以網或以檠光澤  
乎籠鞬而擾馴腴美乎宰割而烹煮斯又禽鳥  
之利而猶不止于如許迨夫沆瀣之流衍滂汗  
之旁敷引之而為溝為澮穿之而為汙為瀆尋

圩岬以達畝起陂陀以分隅或架桔槔或為輶  
輶或以牛運或用人跣滾滾乎收白浪于軸輻  
滔滔乎輸洪波于壤壚遍南畝而既優既渥盡  
西疇而載泥載塗以杭以糯以秀以稭綠雲堆  
野黃波翻區穫之而秉穰之盈畝歛之而芒穗  
之連輸萬寶入兮盡百室而充盈三農慰兮各  
四民而驩虞斯則田疇之大利借三泖以豐腴  
者也至于清淑所萃靈秀所鍾豪傑並起英彥  
晞蹤聚之為人文之藪達之為國士之宗康績

御龍子集

吹劍草卷之三

士

以行誼顯遐抗以功業封機雲之詞章尤著故  
興之忠烈彌隆梁唐迄宋科目不窮迨皇明  
之撫運荷聖化之陶鎔文班班以爭曜材濟  
濟而奮庸或宣臚于北闕或勉錦于南宮或  
秉鈞于黃閣或輸皂于丹楓其他攀鱗附翼  
宣力効忠藹藹乎麟馳而鳳躍繩繩乎魚化而  
鴻翬又孰非淵澤之靈異風烝之偉功先生之  
盤旋已二載矣尚未知衆利之充豐乎無心子  
聽既憮然曰大哉泖乎其利于邦畿若斯乎夫



魚鳥之繁夥種植之敷暢猶云利民而未及利  
丁國也至若灌溉禾稻而國家之供億所  
需孕毓賢詰而國家之禎祿所賴則將利及  
天下矣叟其退諸吾今而後知澤國之所以名  
天下也已

### 洧上賦

知白子閒居洧上靈丘丈人過而問焉知白子  
與之言洧上之樂丈人追然而咲曰蹢躅亡鯢  
鯨部婁亡松栢子知洧上而已爾烏足與語通

御龍子集

大朝草卷之三

十一

邑大都遊也知白子胡盧而對曰丈人彈丸吾  
洧庫夫洧有熊之故都也軒轅肇曆道崇千古  
三五既還誕惟夏土商號桑林周為鄭圃桓武  
建邦溱洧是主食邑分采公家為輔秦漢以來  
兩邑並建南隸潁川北屬畿甸二千年間疆域  
互換唐廢金興乃有斯縣其墜則北盡逢澤南  
控桐丘右倚岸門左窺太溝鴻臺積翠大沼凝  
流三亭列障桑野橫秋東里岡巒之倚伏大隧  
山礪之糾切竦赤坂于巽維亘延秀于坤維

蒼葱兮柏岡之磅礴灝灝潢潢兮漸澤之崩流至  
若向匡隼制長舍思鄉臨春茅邑升燭汶倉期  
畢山氏平侯華陽焦暨憑丘異趾同壘俱古今  
之名城歷千禩而就荒沒汜康溝華期重泉青  
龍白雁大蓋牛眠玉溪橐駝虎澗龍淵散味換  
赤紫光青源長明溝之澆潯墊龍泉之潺湲川  
瀆允溶而勾互波寢淫鬻而瀾漫爾乃育桑柘  
茂荏苒聚萍藻散芙蕖蔭紅蓼間綠蒲插赤柳  
種白榆藏菰蔣芋薛莎奄閭葭析苞荔青蘋觚

御龍子集

大朝草卷之三

十二

盧翁鬱蔚奮被縹緲渠鳥獸于焉而翔處蛇龍  
因之而遊娛是以名隸職方掌自虞衡傾動人  
主輦轂雷轟商湯憂旱白茅自纓禱于桑林六  
事陳情淫淫裔裔雲罕輓旌綠陵被陸萬騎同  
鳴羌樹雨之立降見川澤之含靈乃及周穆來  
遊來疆八駿馳風七萃飛霜珥節洧許容與回  
翔揭魚須之曲旃綴明月而騰光泛龍卒于大  
沼觀桑者于林鄉于是犀飲許男命祭公釣新  
澤休范宮食魚桑野搏虎葭中舞二八之白

齊十駟于奔戎至于宣王克緇祖武車攻馬同  
復待斯土萬國咸臻會同率舞赤帝金烏輝映  
林莽播為聲雅榮施千古至若齊侯平宋衛于  
瓦屋鄭伯宴魯公于棗林盟大隧而結好遷制  
田以謀隣東汜之勞子蕩曲洧之會王人晉次  
師于桐丘鄭盟齊于石門俱具千乘之威儀飾  
九章以輝焜緬旆旗之翳日薦幣玉之繽紛若  
夫東里之居賢相圃澤之隱真人射犬御車以  
致楚燭武掉舌以却秦考叔闕隧以悟主游古

御龍子集

吹劍草卷之三

古

攻盜以安民三陳之聚德星諸阮之播清芬黃  
司徒之直諒徃徃戴德高觀察之文學騷雅為  
隣是皆間世之奇英百代之偉人予亡知識幸  
生斯隆規印古今周攬遐睎帝都王圻興亡不  
廢翠華瞬息穆宣同逝王侯卿相朱紱軒冕聲  
施後世鄭國其選掀揭炳耀浮雲過眼矧春煠  
之既降豈勛業之足讓予是以消搖于洧上而  
通邑大都之遊有之不加益亡之不加貶也生  
于斯遊于斯友千古之聖詰為終身之師資躋

成湯之聖敬廣封人之孝思體軒轅廣成之旨  
思穆王化人之栖仰列子御風之術從百豐養  
養之宜冀憑虛而御氣庶徜徉于崦嵫此洧上  
之真樂非庸衆之與知也靈丘丈人聞既噤口  
搖目逡巡而退知白子乃纂而次之因以眎摩  
洧之人

御龍子集

吹劍草卷之三

十五

吹劍草卷之三



吹劍草卷之四

御龍子二十八

消上范守已介儒著

寧夏侯廷珮校  
扶溝李時芳校

古樂府

飲馬長城窟行

青青澤畔柳耿耿閨中婦閨中不可出愁見梁  
上鴛梁上鴛鴦相逐傍我牕我牕鏡自懸不  
向整華鈿冠蟬有綫鬟績縷有匡入門多巧  
笑不問予却妝宿昔夢遠征飲馬長城窟與君  
同携手踟躕訴契濶予擘澤衣祛眉結凌波韞  
御龍子集 吹劍草卷之四 一

為言相見難相見誓言長歡

君子行

君子樂天真無然念浮沈蜉蝣出以陰蟋蟀俟  
秋盈黃蘗不馨芳桃李不冬芬榮彫各有時嘿  
嘿隨屈伸傳說在版築帝夢亦何因一朝躋巖  
廊千載睹其勲

長歌行

青青山畔薇春日何芳菲一朝逢嚴霜摧落堪  
傷悲莫恃夏日長瞬息如飛羣長河落淮汭誰

挽上崔嵬壯年不樹立哀暮徒嗟咨

燕歌行

北風淒栗雪飛颺摧落山松倒枯桑嗷嗷回雁  
向空翔思君不見淚霑裳鄰家執籥招遊房何  
獨踟躕在異方賤妾嫫嫫臥匡牀思君耿耿意  
不忘憂來起立自傍徨呼兒釀酒一臨觴到手  
鬱陶不能嘗試簡圖籍鑒古良中有太姒與文  
王嗟嗟懷人意何長卷耳胡為棄周行

白雲謠

御龍子集

吹劍草卷之四

二

白雲在山橋陵崔嵬莫我南服諸夏縻之將君  
是來

瑤池歌

白雲英英載覆而埜子歸三年其來顧女

越人歌

山有椒兮江有渚采江蘿兮思公子曳長裾兮  
入君門推鳴珮兮荷主恩荷主恩兮重複多無  
以報兮將奈何

采葛婦歌

千以米葛山之幽思君不見淚交流陟彼崔嵬  
望帝州

蹕林歌

呼韓邪叩闕下漢家迎虜勞車馬勞車馬靖邊  
城今歲蹕林大集兵

鉅鹿公主歌

邯鄲美姬貌如玉能歌襄陽大堤曲耳上明璫  
照朱襖笑鼓秦箏醉華屋可憐嫁與厠養僕搔  
首空庭自躑躅

御龍子集

吹銅草卷之四

三

捉搦歌

長安女兒年十九嫁作城南估客婦夫婿不解  
大垂手唱向橫頭漉濁酒

東家女兒富珠翠西家女兒工繡纈夜半勞勞  
厠亂吠誰問女兒拂其悅

新豐大道有富旅聞說城南杜曲女引微緹商  
歌金縷爭散黃金尋柯斧

夫去長安騎駿馬妾在空閨淚盈把雙雀歷歷  
鳴北瓦悶拾丁香粒兒打

烏棲曲

君在燕山妾在楚思君不見淚如雨金銀約臂  
綉羅裳蹋歌一曲斷人腸

揚柳依依烏夜棲思君不見翠眉低獨按瑤琴  
調新譜月明窗外聞人語

誰家女郎夜相訪坐對銀燈問續紡歎語無六口  
呼侍兒為寫金卮慰別離

欲停卮酒奏鳴琴眼前沒箇是知音聞道臨淮  
馳駿馬願隨耕車走都下

御龍子集

吹銅草卷之四

四

折楊柳

我欲折楊柳楊柳枝交加上有雙黃鸝宛轉啄  
柳花

柳花紛且飛黃鸝不為戲相逐綠陰裡唧唧聞  
金衣

金衣嬌且黃派光照絳楊相顧各自愛葉底競  
深藏

團扇歌

白團扇皎潔如明月流光驚顧盼涼思散炎熱



承恩近顏面常恐秋風來君心忽爾變

白石郎曲

白石郎何頡頏  
紉蘭為佩錦為裳  
荆榛匿離帶  
夜光郎未居江涘  
綽約如處女  
東鄰有美人三年窺不許

青溪小姑曲

青溪淙淙白石為砭  
小姑不嫁自謂無雙

湖就姑曲

北遊玄武湖南望鳳皇臺  
遙憶綉羅襦羅襦綉

御龍子集

吹簫草卷之四

五

雙鴛大姑舞垂手不共小姑言

石城曲

誰家遊冶郎銀鞍連錢  
馳擁抱倡家女走馬石城東

倡家妖冶兒裙子石榴華  
與郎同携手婀娜走郎家

江南二三月天飛飛丹雪  
與郎共徘徊笑解同心結

菴開蜂子忙菴落蜂子散  
廢盡千黃金相思不

相見

子夜歌

芙蓉種水滸秋曙芙蓉花  
但得郎相念何愁不到家

儂年十五時嫁作郎君婦  
儂顏比菴花日與郎携手

郎去上林遊儂在長千里  
一日復一日相思無終已

儂與郎相見新歡勝舊歡  
別淚滴衫袖留痕與

御龍子集

吹簫草卷之四

六

郎看

東門行

出東門翹首望歌何為眺  
華陽華陽洞裡客白石爛煮充宿糧青蛇出袖裏嘯傲五湖傍玄鶴

翻翻飛舞啣來芝草五雲香  
五雲香朝餐易遷府故暮入九華洞房男兒雄名願通玉京馬

高軒適自戕男兒雄名願通  
玉京馬高軒適自戕哲士計行藏山林城市豈相當

西門行

出西門共徘徊相逢不行樂當復何為有江水  
北去無還時謝傳登山著屣千古是吾師君吹  
笛我擊缶共為竹林飲傍人能解否人生貴適  
志富貴吾何有豈無公與侯身名終俱朽自非  
吹笙王子喬緱氏山頭豈復來自非吹笙王子  
喬緱氏山頭豈復來自與君結久要忘機勿復猜  
行行重携手東上鳳皇臺

饒歌九曲

朱鷺

御龍子集

卷之四

七

朱鷺丹其睛藻下行魚在蒲危厥生鵠何愚啄  
其蚌上書諫明聖

上之回

上之回赤羽來自將兵登高臺十萬羽林郎蹶  
張材日逐走呼韓馳漠南空王庭移五柝宮中  
朝侯王郡國來同樂未央

巫山高

巫山高尚可陟江水深尚可方勿復相思君樂  
他鄉山何巖巖水何流流何以為樂漁與菟知

獨四顧樂極生憂願歸甘泉及爾優遊

將進酒

將進酒稱我觴奏浩歌以徜徉有所悲不堪聽  
塞上枯骨鬼火青君之愛將奮長戈昨日殺胡  
奏凱歌聞之不悲柰爾何

芳樹

芳樹扶疎而葳蕤上有黃鳥聲啾啾下飲甘泉  
啄錦葵行也踰踰蜚也輝輝芳樹擇落黃鳥哀  
秋風瑟瑟胡不歸家有茹蘆紅似火攜手高臺

御龍子集

卷之四

八

無不可黃鳥高飛弋可加我欲顧之心似麻

有所思

有所思乃在燕山隈何以贈遺君葳蕤珊瑚枝  
薦以鴛鴦錦綴以金縷絲更函相思子鈿盒錯  
黃金聚以合歡帶繚為同心結用意良獨深聞  
君肯念舊殷勤顧我珊瑚枝啓鈿盒憶相思反  
袂以掩面盈盈淚下願從今以後載入閨閣若  
復睽離有如此盒如此珊瑚枝枝顏背聞此誓  
言諗我諸姑我復如何朱顏非舊柰若何



雉子斑

雉子斑嘒嘒鳴中林黃鸝來掠青雲雲外嘒嘒  
遺好音爾何不飛與我同歸前有網羅爾羽斑  
斑柰爾何雉子蹌蹌惜毛羽我飛十丈樂無已  
翔以南翔以北朝向蓬蒿遊暮雉鳴耳側

聖人出

聖人出應叶光慶雲生武功振文教興日重輝  
月重明駕六飛何騃騃聖人哉聖人有父為天  
子仁及荒服來肅矢建章宮內集獲龍貽謀綿  
綿多燕喜

御龍子集

吹劬草卷之四

九

臨高臺

臨高臺望淮水淮水瀲灩入江汜日暮黃雲四  
野平南來不見美人子笑倚高臺問鳳皇鳳皇  
何日向朝陽醴泉竹實不易得臺邊誰問鳳皇  
食

猛虎行

饑不受嗟來食貧不收僮來妻僮來豈無意志  
士重天桑瓜田蚶納履死下羨成蹊所以大夫

夫侃侃頭不低

江南弄

長干女兒弄琵琶銀甲雙雙照臂紗十二金釵  
刺鬢鴉歌玉樹清且哀公子去王孫來  
倭墮髻兒盤茉莉黃金條脫約雙臂杏黃衫子  
綾紋細低聲語問小姑比鄭旦妙何如  
三千曲子歌檀塲迴風流雪韵悠揚笑拍紅牙  
顧周郎顧周郎曲不悞纏頭錦莫計數  
十二朱樓閨冶容蟬鬢蛾眉箇箇工玉笛一曲  
御龍子集

吹劬草卷之四

十

未如儂未如儂人爭眇心自想心自歎

吹劬草卷之四

吹劍草卷之五

御龍子二十九

消上范守已介儒著

寧夏侯正親校  
扶溝李時芳校

五言古詩三十三首

和古詩十九首

行行復行行遊子重別離今朝岐路側明日各  
天涯遠道永相望有懷不共知鴻雁惜離群鷓  
鴒戀故枝去君日益遠行道日益緩雲樹起秋  
風遊子思還返懷君意聯綿歲時常恐晚相逢  
知何時晨夕恒忘飯

御龍子集 吹劍草卷之五

其二

粲粲園中花依依河畔柳綽約誰家子嫋嫋出  
戶牖明月為耳璫金釵約素手昔作邯鄲姬今  
為遊子婦遊子輕別離空閨難自守

其三

童童巖畔松磷磷水中石人生宇宙間奄忽逆  
旅客及時不為樂戚戚何自薄金陵遊冶地青  
山似中洛走馬臨長干佳麗恣撝索宮闕盤五  
雲巍巍帝王宅夾道聳飛樓廣陌近百尺歡宴

逐良辰西山日易迫

其四

歡會宴華堂笙簫雜沓陳載鼓雲和曲錦瑟妙  
入神世無師曠耳何人識其真中心有所願各  
情未得申人生須臾間弱草栖輕塵瞻彼牽牛  
星終歲望河津有懷不得吐黯澹自酸辛

其五

東北有高樓樓高壓青齊上有疏綺窓下有白  
玉階鳴琴誰家女清怨不勝悲云何為此曲無

御龍子集 吹劍草卷之五

二

乃蕩子妻蕩子行不歸空樓自裴徊一彈猶自  
可再彈何其哀不為離思苦但悲知音稀願為  
雙黃鵠與君比翼飛

其六

入水采江離入山采小草采之樂盈掬懷人棄  
周道所思在天涯翹首雲浩浩身遠心所同與  
君期偕老

其七

薰葭露為霜寒蛩鳴四壁青天碧幕垂白榆何



歷歷賓雁逐秋雲雉鳥羽毛易飛沉以時遷欲  
避將安適嗟我同服友高飛誇健翮視我搶榆  
枋掉臂去無跡鷙鷃望搏競黃犢欲服輒人無  
久要心交結亦何益

其八

糾糾檜栢根乃托吳山阿人生為夫婦倚附如  
松蘿松蘿生不離夫婦聚樂宜與君為婚姻遠  
隔千里陂冰泮是何日駟車來獨遲相彼芙蓉  
花含英正輝輝過時不見采芬芳應自萎君諒  
御龍子集 卷之三 三

其九

涿水長菡萏華發見榮滋為君折一莖千里寄  
相思清芬溢把握憐君未見之道遠莫能致徘徊  
自移時

其十

明明綠綺窓灼灼紅顏女粲粲白玉指日弄黃  
金杼遊子不言歸涕落如紅雨結襦感君恩同  
心終自許道遠情何極嘿嘿誰共語

其十一

携手上高臺下臨長安道冠蓋何紛紜驂駟嘶  
芳草人生能幾何安得不衰老菡萏待夏開芬  
芳苦不早志士壯請纓碩人樂自考我有卞氏  
璞三獻豈足寶

其十二

薜蘿倚芳林纏綿自相屬幽谷起回飈蘭葉不  
復綠蛺蝶復育子遷化亦何速轅駒鳴悲風服  
駕何踟躕促車上遊冶兒當軒耀裝束夾轂羅少  
御龍子集 卷之四 四

其十三

人壽無百年奄忽歸丘墓憂思以焦勞驅入重  
泉路靈脩不及時悠悠近衰暮慘慘兩眉顰老  
死良不寤相彼舜華開冉冉矜朝露夕陽微風  
發翠蒂不終固靈藥豈易得白日難飛度舉世  
重夷齊虛名終自悞不如事浮丘舉手謝親素

其十四

人生寄世間落落幾相親北邙何處舊冢與  
新墳青青礪頭柏奄忽摧為薪傾城何足辭絕  
代少佳人所以李協律高歌事有因

其十五

世路苦無逢囊錐非所憂孤遇良獨難聲名在  
交遊奮翼豈無時躑躅嘆今茲媿阿非吾意徒  
為智者嗤凌雲奏狗監齷齪非所期

其十六

御龍子集

卷之五

五

幼婦在閨中秋深悽以悲夫君事遠遊誰為授  
寒衣鳴琴自不御歲晚傷朕違憶昔重新婚瓊  
英燦容輝轉轉軒車中素手把柔綏御輪為三  
周及子以同歸胡為輕別離含泣守空閨恨非  
雙黃鵠隨君比翼飛徙倚上高樓臨牕為遠睇  
野嶺多紅樹涕淚一霑扉

其十七

嚴冬霜雪凝長夜寒淒慄獨寐不成眠思君在  
宴列何處聽新聲不念舊情缺十載隔關河

書無一札錦被裁鴛鴦雙雙不暫別啼淚點衣  
斑留取休磨滅此心有微誠恐君久不察

其十八

千里寄相思尺素裁文綺古人重故交今人胡  
不爾客自遠方來遺我鴛鴦被終歲自獨藏夢  
寐不思解頭言報君德無物堪稱此

其十九

三星當戶牖微光照羅帷思君在遠道起立自  
徘徊雙燕去海外及時猶自歸動如參與商中

御龍子集

卷之五

六

懷可告誰出戶還入戶潸然淚濕衣

和王仲宣雜詩三首

日暮遊北軒徙倚暢幽情池水添荷綠林木敷  
芳榮上有雙黃鳥嚶嚶向我鳴懷人隔關山欲  
往憚遐征繁思勞夢寐恍忽見其形倏閃不得  
語啟目恨冥冥道遠心寔通感遇在精誠龍劍  
會延津神物有合并

其二

積陰飛朔雪飄飄墜我裳俯見青溪水仰睹王



樹光飢鳥向空號三五紛縱橫鳴雁一何悲  
歷向南翔稻梁非不足悠悠思故鄉誰謂江水  
深方舟可代梁歲暮絕音書愁思斷人腸

其三

西北有婁桑童童如車蓋傷哉遠別離寤寐不  
能會凌晨望北山朝躋起蔚蒼壯士矜鷹揚周  
南恨留滯中懷歆具陳秦人視越人

和曹子建雜詩六首

廣埜起悲風飄飄楓樹林之子在他鄉憂思良

御龍子集

次韻草卷之五

七

獨深相彼轅下駒局促非所任昭明在阿閣詔  
詔肆微吟道遠歲云暮逢人問德音方舟不可  
渡江許自傷心

其三

浮萍無深根飄泊逐長風朝在吳江涓暮入五  
湖中泛泛隨流波浩渺無終窮之子去故鄉結  
束學臨戎杖策隨馬首蓐食腹不充莫自嗟遠  
道樹勲乘未老

其三

思婦在幽閨意緒何續紛離憂寄機杼宛轉錯  
迴文問渠心何苦夫壻在燕雲所志樹勲名棄  
繻壯終軍高柳鳴倉庚歲時忽暮春飛燕歸華  
屋呢喃樂逐群願為北向雁隨風遠覓君

其四

南國有淑媛艷若葩與李朝游玄湖北暮宿青  
溪汜未得充下陳姑姊誰見齒眉黛自含顰春  
陽不可恃

其五

良鳥疾鵬鵬志士慎交遊嗟昔輕膠漆嫉忮奄  
若仇世無雷與陳古道焉足由矯翼思奮飛冥  
冥絕等流辟彼寒江津欲濟無輕舟倏閃非吾  
意盈盈抱隱憂

其六

歲暮寒風急隘巷絕高軒步出城北門夷猶望  
中原壯士慕長風所志豈安閑輕談思蔡澤登  
床重華元鼓鉞歌慷慨涕淚灑吳山誰度徐淮  
去為予向君言

御龍子集

次韻草卷之五

八

和陶淵明雜詩二首

結軒臨幽曠而無鳥雀喧問君何為爾愛靜性  
獨偏種竹北窓下悠然對遠山四壁羅圖書終  
日自盤桓此中有真樂欲語亦難言

其二

隴梅傲霜雪凌寒敷芳英玩此清標趣達我曠  
世情俗物遠屏絕醺醑聊獨傾誰家吹玉笛嚶  
嚶傍林鳴徜徉竹隈下詡詡足平生

和謝靈運齋中讀書詩

御龍子集

吹劍草卷之五

九

哲人寓名都雅志在林壑寄跡白雲曹宦情更  
漠漠訟牘喜清絕圭窬可網雀高齋恣優游染  
翰閒述作縱觀二酉藏良朋時恢譔仰懷劉更  
生青藜照夜閣綺筵紛經管雜沓豈云樂世路  
多傾歎達生幸有託

和謝玄暉直中書省詩

庭栢凌風峻廣櫺訐清敞白日豐優暇部領無  
鞅掌空階翻兔葵幽徑置雀網疎櫺嵐靄過曲  
壁流景上解囊美焦桐鏗鏗林木響曲罷總忘

機宇宙閒俛仰浮雲度太空與之俱流蕩願言  
振雙翰扶搖恣幽賞

和謝玄暉怨情詩

金屋貯尹邢長門悲歲晏遠侍長信宮淚濕白  
團扇出入君簾櫳翻恨雙紫熱不惜玉壁沈  
惜蒼蠅變一言誤主聰頓令璫璵賤故人心如  
爾故人何時見

御龍子集

吹劍草卷之五

十

吹劍草卷之五終



吹劒草卷之六

御龍子三十

浦上范守已介儒著

寧夏侯廷珮校  
扶溝李時芳校

五言古詩

洛陽阻雨八韻

飛輓餉西陲驅車來洛下淒雨帶悲風故阻駸  
駸馬郵舍久停驂蕭條契合寡迴飈透瑣牕瀑  
布飛鴛瓦徙倚遠危欄離菊正飄灑噉童具滴  
研援筆一揮寫細和景陽詩摘辭無艷冶鶴翔  
下院庭喜是知心者

御龍子集

吹劒草卷之六

一

寓隆德中秋夜望月不見

銀漢飛天鏡一年幾度明中秋雲偏密不令玉  
蟾生桂樹搔何處霓裳舞自輕嬋娟羞閉貌怕  
動故人情空欲乘鸞去山嵐四野橫

戊寅立春日常熟署中

江南宦遊久又逢一年春東風度海嶼孑孑欲  
親人回首茸城近白雲飛泖濱斑衣不遂著椒  
觴忍入唇獨步園林靜時禽對語頻古栢蜿蜒  
螭遠峯插嶙峋對此一抒懷雙縱兩眉顰

古意

妾本邯鄲女自幼嬌復癡十五學紅妝羞為時  
世姿明月穿雙珥瓊珠絡玉肌步搖金的樂條  
脫玉蕤蕤曾學文媧瑟宮商自得師二八出閨  
門幸為君子姬嬌羞不敢語日望理桐絲良人  
不我顧使我主晨炊寶釧暗零落明璫照釜爇  
絃索無暇理塵埋錦袋緇欲遂斷徽墨中心自  
好之弄玉善吹簫不與鳳鸞期况復婉孌容自  
古無終饑勿忘律呂意有日郎自知

御龍子集

吹劒草卷之六

二

追賦張公洞凡三十韻倣昌黎體

太始闢乾坤山阿如積瘡倏忽七日鑿混沌歟  
然死窟竅既已開崑穴昌以哆緬惟張公洞豁  
訝更硯礪余昔好探幽拉伴曾一抵竦身下危  
階仰視燁如綺大叱有神工繪塑安能爾玉乳  
疊疊垂參差不可紀或長丈以尋或短尺有咫  
攬攬老鵝拳矯矯蒼龍尾密攢似蜂房遙啄如  
鳳嘴或如麻姑怒玉鞭空中指或如子春噫鐵  
柱壚中起下墮欲及地纍纍不終委上揀欲支

傾琳琳還自倚牙然欲相擊齟齬不合齒的  
五色明晶瑩萬狀美母乃女媧氏煉石滴成藥  
恐是癡龍窟罅漏滲石髓排禁更深入似啗龍  
領裏踵歎不展趾有縮天壓已冥摻忽中豁與  
突藏僊趾丹竈有遺踪石榻餘床几東南不可  
極廓落有積滓疑是種芝田蒼茫莫辨矣回首  
一隙明忽透山東時從此出人間茫然忘故里  
寄聲索隱士勿笑山形鄙

紀夢

御龍子集

次劔草卷之六

三

歲曜步單闕大梁留義御葉落無餘英扶桑呈  
海曙覲然未展肯忽見群僊聚長跪問僊人而  
我終焉翫僊人文豹裘南面蹲而語携示八分  
書為我算住去感顙叩僊人風炬曷永熾一僊  
骭辭言笑傲嗔其倨東面衣裾者塵尾綴上著  
中貫玲龍毬團轉循衡柱向我一粲然謂僊吾  
其助慷慨原宿青臨難暗呵護神理不可詰恍  
忽如可據大造注彭殤來往何喜怒我辰應反  
震神將視其作抱一非所能履信為良謨寧事

守庚申天權其灼燭長沙賦鵬鳥年少猶匪茹  
靈椿不固根柯葉亦薦菸騶虞不斲生盤辟誰  
其踣方寸自惺惺而敢離須臾

北固山下觀大中丞閱兵

義馭走寔沉祝融初駐節驟隨大中丞講武城  
北闕大纛擁高麓旌幢飛踈樾將軍抱旗鼓號  
令摧萃峴一鼓虎貌鳴再鼓風雲發三鼓驚鶻  
擊叱咤聲咄咄忽訝奔濤流乍驚群石斫魚腹  
沙頭壘千年聞崩潰魍魎見應愁而敢嬰其剗中

御龍子集

次劔草卷之六

四

望甘露寺  
丞盛文襦緩帶垂明玦嗚然一顧笑鳥奴勿草竊

北固何嶺岼上有維摩境古剎依危崖雲構鬱  
鶻嶺長廊赴陂陀高坪敞露井間榭翳疏松風  
弄婆娑影中有遺世徒而自便寂靜舉趾一振  
衣颺然欲倒景俯視長江流去去浮斷梗而我  
逐逐突引首發深省

江頭閱水兵

飛礮震龍窟流矢錯鯨浪艤舳振輕帆往來



潏潏鼓角引闔闔指麾在大將咄嗟驚濤噴出  
沒何跌宕揮劍泣鮫人握槩愁罔象大將擁樓  
船抱桴循其輶裂皆罵蜃蛟而不畏吾創江頭  
一輶然威武胡其壯

惠泉

誰人開雲根蓮此蛟龍窟潛通大液津冷冽無  
塵涵澈澈有餘清溜渥猶為滑輶來盈玉盃微  
香應秘醇淪煮武夷茗渣滓絕杪習一盃澆渴  
吻煩鬱頓除豁承露鑄金章笑爾空搢搢

御龍子集

卷之六

五

桂圃

雲間理署前左有隙地可圃先是灌莽  
極目為狸狔窟數署內舍人兒多患之  
歲戊寅秋予命徒誅蕪夷泔闢為圃構  
小亭其中環以藜桂間之雜卉井井然  
可遊目已因題曰桂圃志其多也公餘  
或夷猶其間以豁塵襟不覺天機勃勃  
爾躍也為漫賦之

青青園中桂羅列孤亭傍苑苑百花藜灼樂何

芳今為蘭蕙晚昔為蕭蕭場翦蕪滋其昌而  
迺差可望薜荔縈三逕疎離擁蔓牆海榴蹙夏  
火鞠蕙待秋霜而我一盤遊悠然與世忘案頭  
非無牘捧檄亦助勦所志在幽獨藉以培清明  
靈府銷積滓而何有批糠

其二

河陽花滿邑彭澤秫盈圃達人無俗懷所志豈  
鹵莽而我後簿書揮毫常覲縷咄無二仲遊開  
逕羞將詡鳳鳥戀梧枝搗趾危苞相矻矻事案

御龍子集

卷之六

六

牘由由無城府誠不辨勞逸而寧昧去取餘風  
吹我衣清泉滌我無輿到扣石歌飛鳥翩翩舞  
土直何足論嗒焉喪今古

詒張幼于

舉世事奔逐獸向隆中卧心遠地俱閒而無紛  
拏挫嗟弄薄吳歛吊古詠楚步演易數不窮草  
玄日有課考槃湖之隈悠然蜚鳥過亭亭山畔  
松扶疎何其大鳴鶴競歸依松聲如唱和不聞  
東陵侯青門瓜可破

其三

青青茂苑竹燁燁吳山梅風敲清音遠月照影  
低回共伴幽人居不上越王臺臺上闌纖腰樂  
極生餘哀達人忘義皇却掃絕塵埃薜荔紫三  
逕芳若蔭綠苔數流珠隨唾援琴鳳可來一笑  
喪今古白雲為徘徊

題芝林

太酥不虛鍾瑞應歸醕惠翳翳三秀草挺挺昆  
山不歲蕤事千莖輝煌逞五色赤標珊瑚枝白

御龍子集

吹劍草卷之六

七

紛瓊玉幹燁燁紫雲披扶疏紅霞亂僊人咀嚼  
餘種此供瀛既以遺無機翁晨夕代饗饔服食  
同沆瀣白日生羽翰翱翔隘八極壽命無窮并  
昔有紫芝翁今有潘司馬靈藥豈虛生神麻歸  
大雅拭目昆山巔翩翩玄鶴下

憶張文忠一首宿提獄廳作

相葉標古今曾從此地遊霜風吹衣袂山月照  
吳鉤嚴更雜野柝中宵嘆滯留一朝下重書歸  
去鳳池頭志士未遭逢白眼同庸流聞曹航

子誰云重五侯汲孺歎積薪所志不自酬而我  
事深藏營營欲何求

詠劉母鄭太孺人節榮

燁燁夫容華淒其寒礪側獨烏自哺雛夜半饑  
啼血所志在天常榮枯豈思憶蒼天宛張弓抑  
抗原不忽所以劉氏母榮名終赫赫兩髦失所  
儀長夏寒冰雪孤轂方黃口形影吊羽翼拮据  
羹荼蓼寸腸累萬結一朝奮孤騫銜恩自北闕  
百里著賢聲 綸音重褒錫翟瑜爛朝霞明璫  
御龍子集 吹劍草卷之六 八

送衛比部出守溫州

秣陵秋風起群芳漸消歇翩翩衛使君驅車入  
東越回首爽鳩曹白雲暗林樾與子同金蘭意  
氣俱飛越分符事遐征一朝遠離別雲樹永相  
望明河路阻隔所志在雄蜚而何歎倉卒願言  
傾尊酒長笑發明月雁宕有回翔尺素尋霜翮  
初冬同陸梁彥張幼于夜集吳汝則池亭



承約得歲字

離菊欲彫殘四序將改歲厭厭連夜飲群僂惜  
分袂淡月愛王猷疎鍾聞張繼李重與士龍頤  
頽睨一世不厭范冉貧相視如兄弟呼盧浮大  
白共剖盤中鯁惡危引清尊珍重開五齊而我  
病相如不承金露惠采采菊頭英森森月中桂  
指顧有餘清高談驚夢寐抵掌笑踴鵲仰嚇何  
其盤歸來御張藏明河落淮汭

挽蕭母

御龍子集

卷之六

九

白楊蕭蕭下四野起悲風靈輶赴廣原遊魂依  
幽宮賢安入陽洛劍化亦堪惆青鳥來何日雲  
輶苦不逢有子空驚驚赤霄路未通而我事邀  
遊聞音慄不悰巫陽不可詰愁問馬鬣封載賡  
濯露歌鬱陶我心忡

渾天行有序

予遊司天臺見古銅儀形具而已三辰  
不載無裨實用乃以暇日探繇為愁大  
若一斗盎淫思數日爰定二極寫三五

二十八舍諸星其上復絡鍊綫為黃白  
二道走二九以象日月因以考朔望薄  
食之故明若指掌一舉目而六合俱見  
也既成朋舊聞之過觀者戶屢不絕有  
命為歌以識者因漫賦之不知其詞之  
不工也

渾沌浩無極三辰誰區分璇衡闕天軌四維露  
其真玄哲有巫咸其德與石申可名三百二黑  
白聚有倫周髀迷斗極宣夜暗屈伸渾天宗唐

御龍子集

卷之六

十一

洛經營有妄人千載絕師模具體徒困輪下欲  
識天倪淫思疲精神恍惚凌倒影摹形為具陳  
紫微真樞紐銀漢倚天津太微與天市帝座環  
臣鄰十二列辰次四七辨曉昏黃白橫二道交  
加路相侵日月躍二九遲速互追尋晝夜隨遷  
變弦朔認加臨薄食按計羅起復有根因舉日  
窺元化指掌遍蒼旻自笑在塵宇揶揄弄乾坤

送吳汝則守潤州

循良名漢代洛下重吳公千載絕真響百世無

此蹤嗟嗟爽鳩曹凌厲有飛鴻分符下漢署  
馬入江邦朱轡高雙耳綈綈青蔥兒童戲竹  
馬父老望赤幢練湖澄夜月北固長春松城間  
鍊甕鑰江靜蒜山風曲蓋餒陶向徵書速冠龔  
回首秣陵近郎署憶過從償金笑不疑吹笛懷  
馬融勿言勞簿書尺鯉寄緘封

閱孝陵有感

鬱葱浮佳氣茲山何壯哉名聞三國日龍蟠帝  
基開孫吳初割據埋骨近山隈霸氣一消磨鐵  
御龍子集 吹劍草卷之六 十一  
鏢何愚駭千年 皇運啓神功闢草萊錮泉貯  
銀海攻石辨劫灰寢廟嚴宸極松楸遍崔嵬森  
陰接翠幄斑駁長秋苔翁仲森行列石麟傍砌  
臺明祀延千紀遺思係八垓浩劫無終已山靈  
護不衰

宛陵行吊陳宗伯迪

日月彰天軌山嶽壯地維侃侃孤竹子長餓志  
不移乾坤賴支撐高名敝兩儀光嶽無完氣首  
陽久復顏宛陵執諒節千載嗣其微孤憤存冠

徒勒勲拒鼎桑首領輕如芥鉄質耳若飴命授  
六尺孤神泣五噫詩萬古欽遺烈 熙朝重挽  
醵白日回幽壑明榼肇野祠回首王與魏區區  
良足嗤

其二

太白入朝歌古道日暮莽不有西山薇天缺誰  
能補桓桓陳宗伯抗節凌千古慷慨蹈白刃殺  
身報故主父子同夷戮血肉落如雨赤心向日  
傾剛腸委塵土所志在天常寧辭刀鋸苦高誼  
御龍子集 吹劍草卷之六 十二  
薄秋旻鬼神泣酸楚凜凜二餓夫百世獲其伍  
題潛德冊貽陳贈君  
嗟淒幽谷蘭托根在山阿歲晚不見米萎敗同  
秋蘿苑為芬芳枝因風襲綺羅君子紉為佩輝  
光亦何多所以陳長君潛德不終磨孝友自天  
植意氣高岳嶺偃蹇不自拔林石共婆娑有子  
翺天衢柱後冠巍峩為郎司五兵遇 主覃恩  
波 璽書下彤庭篤生並褒嘉 綸綍發幽光  
愍行共傳播天道宛張弓抑抗信無頗為語獨



行士勉力勿蹉跎

癸未除夕夜坐

為郎卧舊京歲晏情何極脩途動遐思高飛無  
羽翼霜華上鬢絲大藥終難得人生非松喬寒  
暑苦相逼今宵是何宵斗杓橫東北獨坐意惘  
然菀蘊填胸臆天地固不仁藏舟憚有力願言  
開尊酒酩酊無復識勦軒逾夜半春風應來逼  
早晚辦青鞋三花尋嵩側

同歐楨伯方子及李惟寅陶懋中李道夫

御龍子集

次劍車卷之六

十三

遊幕府山

巖巖何崔嵬盤礴橫江左尋陽九派流飛湍直  
東瀉晉室昔不綱倉皇渡五馬龍化此山隈風  
雲聚吳野矯矯始興公遭遇世云寡寶劍照寒  
波彫戈驚林雅殺氣護儲胥旌旗散紫邏今日  
何蕭條眴眴山如赭雲根苦見鑿逞逞遭劫火  
辟蘿搖谷風林麓藏蘭若我來正莫春含蕊紅  
萬顆冥摻排白雲徙倚遍磊砢當年建牙跡指  
點迷真假不見玉帳寒祗見煙柳韞榮名安足

論感念淚欲灑為語高陽徒且進手中竿

懷七子詩

以下入詩草

趙夢白

燁燁若木幹皎皎瓊樹枝舉世競光華誰與比  
奇姿之子窺正始搗蕊故無嫌濯纓桐栢水振  
衣五城埤談天碣石宮劍佩光陸離我來謁閭  
閻適逢予告時問字楊雄宅茫茫無後期

屠長卿

矯矯東海生詞林稱大雅詩句兼陶謝文章追

御龍子集

次劍車卷之六

十四

班馬沉冥谷水旁問道南岳下矢志滅三彭邀  
遊汗漫野蘭省一振羽吐氣洪河瀉青蠅苦相  
侵白璧為土直掛冠歸吳市無乃為福蝦所惜  
在群疑誰辨真與假燕市不逢君言之淚盈把

周元孚

舉世重蛾眉一笑千黃金長顰非西施誰來問  
捧心君無巧笑姿骯髒自悲吟詩賦班騷雅材  
名重執林羞為婀娜容抗志叫青旻擁鼻人偏  
刈撥蜂見自真三黜同柳下九塞任浮沉賜環

終有日此際淚難禁

李于田

白下分曹久風雨動經過摘蔬不厭貧凭欄一  
浩歌論文抵牾少揮筆珠璣多藻思屈應劉巖  
句陋陰何芟除六臣篇千年一正訛爭探奇字  
書二酉恣撿羅相看多意氣歲月任蹉跎一自  
雁行分永夜望明河四序冬復春青青髯欲皤  
燕市無漸離閉戶自吟哦

方子及

御龍子集

吹劍草卷之六

十五

任達七閩彥自號高陽生詩律王摩詰風流阮  
步兵文字窺先秦不數漢西京奔走半滇粵采  
擷多菁英竭來爽鳩曹肝膽遂同傾青溪夜步  
月梅水畫濯纓自聽唱驪駒歲序忽已更不見  
加餐字愁聞伐木聲

陶懋中

翩翩佳公子黃金絡馬頭手提玉如意結交半  
王侯摘辭亞班揚琢句逐曹劉昔在碣石宮談  
天故無儔不道霜蹄蹶落魄向南州重登白雲

司意氣喜相投追逐沈約園徘徊孫楚樓彈碁  
日有約街盃夜不休一別玄湖上道路阻且脩  
二月春蘭發竟度江洲

李道夫

黃初既已遠詩道重陶韋舉世競春華達觀有  
是非一洗鉛華靜斯人其庶幾矯矯起長安詞  
林有光輝往歲厭承明策馬走南畿相逢白下  
壘握手共歔歔憶守度支日關洛相追隨調笑  
兩不猜摘藻有歲規芝蘭氣味同邂逅願不違

御龍子集

吹劍草卷之六

十六

車馬每過從談詩聽解頤別後思雲樹愁見塞  
鴻飛

吹劍草卷之六



吹劔草卷之七

御龍子三十一

浦上范守已介儒著

寧夏侯廷珮校  
扶溝李時芳校

七言古詩

四懷詩

張平子有四愁詩寄意深遠因倣其體  
為之各言所志寓情固不同也

我所懷兮在燕山欲往從之隔江干側身北望  
意嬾媛美人遺我碧玉簪何以報之雙南金道  
遠莫致自沈吟踟躕搔首倚城陰

御龍子集

吹劔草卷之七

一

我所懷兮在曲浦欲往從之隔江水側身西望  
意沸起美人遺我錦綉襦何以報之大秦珠道  
遠莫致自嗟吁踟躕搔首倚城隅

我所懷兮在夷門欲往從之隔江濱側身西望  
意續紛美人遺我一琅函何以報之水晶簾道  
遠莫致自盤桓踟躕搔首倚城南

我所懷兮在綿竹欲往從之隔江曲側身西望  
意馳逐美人遺我五色芝何以報之珊瑚枝道  
遠莫致自嗟咨踟躕搔首倚城隈

送劉長欽監兵滇南因簡王鄭二臬使

丈夫慕奇勳萬里控胡越渡瀘是不毛千古欽  
諸葛昭代幅隕盡八荒祥柯越嵩無壅閼請  
纓無地繫蠻王終生壯志空咄咄長欽此行何  
軒昂大纛油幢度夜郎祭戰崢嶸連五溪索鞭  
擁護下陸涼時清不用孫吳茗銜星寶劔塵生  
鐐子淵端為碧雞行司馬應裁印笮作點蒼飛  
蓋眺春暉洱海樓船卜夜酌邇來蠻徼握符者  
諸公纍纍盡文雅聲名堪比雙南金臨毫珠玉

御龍子集

吹劔草卷之七

二

隨揮灑傳筒新句總堪矜好覓飛鴻示舊朋君  
不見郝參軍陰就姬隅躍清池區區蠻語亦驚  
人

大隧歌

逢母岡頭大隧道鄭莊逢母憂如掃借問誰為  
畫此謀賴谷封人納約巧駕言闕地及黃泉遂  
令母子終相保公賦大隧中姜賦大隧外融融  
洩洩樂無涯共念小臣忠獨大天留此跡至今  
存萬古綱常未有賴逢母岡首陽山撐持人倫

都一般莫道遺羹讓采薇孝子忠臣仔細看君  
聽大隧歌試比小弁雅遊子聞之淚盈把却笑  
秦廷伏鎖人無能舉誨祖龍者

易水歌

風蕭蕭兮易水寒壯士一去兮不復還誰為此  
歌聲太苦令人骨悚淚雙彈圖中七首計何愚  
朝入秦關暮見誅借問荆卿成底事坐令社稷  
為立墟矯矯兒童秦舞陽秦廷意氣何倉皇當  
時聞歌不解愁豈是愚騷興病狂捐軀報主人

御龍子集

次劍草卷之七

三

所難擊筑漸離亦慘然縱使白虹能貫日樊將  
軍死亦可憐燕丹兮燕丹秦廷兮生還何為兮  
抵怨國破兮身殘易水兮長流終古兮潺湲我  
來過此心如搗翻笑古人何草率留得千年俠  
骨香身後浮名安足寶復怪韓國張子房博浪  
擲鎚亦倉忙大索十日不相值却比荆卿計慮  
長

帝京篇

春日韶華滿 帝京士女新著春衫輕五陵遊

子好狹斜招呼俱是高陽生貂裘初換整羅襦  
金鞭微舉駿馬驚追隨金張同蹴鞠結交趙李  
共投瓊青樓坐擁倡家女銀甲徐彈碧玉箏酣  
歌不辭十日飲豪侈爭尚五侯鯖美人一笑千  
黃金青童絡臂玉麒麟呼盧不知明月上浮白  
誰問銀河沉醉後旁招酒家胡徒倚同園黃公  
壇遲明歸去馳天街誰何那怕執金吾我來  
朝天遇道畔羸馬辟易人驚顛疑是漢家武安  
侯誰知北輩亦炎醜翻恨窮儒卧牛衣方朔金

御龍子集

次劍草卷之七

四

門亦忍饑

題沈封君墨竹

達人盤礴坐茅屋拈筆寫出蒼筤竹一枝浥露  
染湘斑數莖敲風鳴碧玉王猷乍見應盤桓酣  
飲寧論晉七賢歲久累累欲結實分明能引鳳  
皇餐安得醉日可移取吾欲植與松梅伍夜半  
幽窗吹玉笛一聲寥落搖風雨

題小祇園

舟州山人本謫僊來自十洲三島間袖裏出沒



千蛟螭胸中吞吐萬星躔馭乘黃翺八極鳳  
皇嘒嘒伴孤騫歷覽燕齊閩晉楚岱衡諸岳不  
堪觀歸來指顧崑東麓為我歛生弇州山叱石  
不用初平術驅山不假祖龍鞭縮地移來洞庭  
骨突兀挿向龍湫邊高者嵌崖挂白雲庫亦硯  
礪疑莫煙崑崙太華總卷石一一羅列橫闌干  
遙分婁水統峒崑甸塔砦礧隨址旋十二樓臺  
闌水許縹緲峯頭取可憐画閣春巢雙紫燕雕  
檐畫舞一青鸞萬竿翠竹搖金縷千樹碧桃傳

御龍子集

吹劍草卷之七

五

粉鉛欲採珊瑚採深淵錦纜牙檣青雀船弇州  
山人愛清閒獸步林巒一輒然長天鳥語三杯  
酒小渚月明一弄絃不投明珠駭劍客不求丹  
藥駐童顏興來朗叩琅玕石錯落宮商並虞縣  
我來尋幽到僊閣萬朶寒梅正閨妍群玉峰頭  
爭獻秀一泓泉裡欲飲璇縹緲樓邊春正媚主  
人拉我共蹢躅此區自是神僊宅何必營營問  
侄侄山人元是金閨客但恐白雲難繫羈一朝  
幢節歸廊廟山外柴扉盡自關

古椿行贈王漆溪翁媪偕壽

君不見太古椿霜皮鏤榦枝困輪八千歲後一  
番春萬古亭亭玉柯新又不見北堂萱三春雨  
露筍先穿年年秀色渾如昨不比朝菌一日蕪  
洧外仙翁共仙媪靈根並固長不老飲溼猶嫌  
彭李殤伐毛笑指方朔小兒孫不記真歲月但  
見童顏映華髮共稱翁媪八十年對舞斑斕歡  
不歇浪傳海上王方平麻姑相約過蓬瀛海枯  
波淺渾閒事爭似溱流千古清東王公西王母

御龍子集

吹劍草卷之七

六

歲歲蟠桃共尊俎雲房進爵飛瓊舞

閩州城西月下即事

鏤甕城邊幾幾許入夜鳴柝雜人語隔舟忽唱  
白銅鞮蛾眉半額誰家女絡臂斜連珊瑚鈎笑  
指明月示伴侶明明月明月轉長空月裏僊人長  
行旅今夜奔騰淮水西明宵復上海東嶼淮西  
海東無定踪悔吞靈藥能輕舉長安女兒惜陽  
春仰見明月淚如雨

虎丘行

虎丘山上多墓土那是吳王與愛女珍寶藏來  
滿墳穴金銀騰氣躡白虎吳國女兒癡復嬌  
得君王寔近郊殉葬不惜傾國帑臨窆闔國盡  
號咷吳王靈輶尤烜赫千官擗踊俱衰經新君  
行擁雙白旄六宮啼淚染巾幘園陵初就儼宮  
寢歲昔禰薦恒凜凜樵採誰敢傍山麓遙望寒  
松氣已噤一朝滄海變桑田白虎堆頭狐兔眠  
敵人劒戟軟重泉牧子牛羊卧廟壩真娘竊地  
亦埋骨野鬼題詩聲咄咄生公占作說法堂點

御龍子集

次初草卷之七

七

頭白石空突兀而今群君浮圖子雁塔摩空壓  
梵宇遊冶往來如蠶多誰念吳王與愛女

拂水巖歌

虞山高高以森磅礴嵯峨三十里參差橫亘江  
之陰下有陂澤林壑窅窅而蒼鬱上有疊嶂重  
巒巖壑而嶮嶇嵐煙霽靄晴常霽檜黯七星霜  
皮冷塚高齊女玉骨深言公井上雲似霧巫咸  
祠北石如簪我來泛舟無它事拉朋共躋礧硤  
之蜚岑撥石撿流見浸淫一泓旁寫聲欽欽焉

愛澄澄潭對斟一觴一詠樂且湛下瞰區宇窮  
沈沈恍超塵寓騰天心歷歷白榆仰可捫搯擊  
要剗昂與參須史銀河色慘澹欲見寶月揚輝  
炤祛襟酒漸闌情轉歆移几晶瑩之玉碁邀蟾  
之影叩素琴寥廓晴空共賞嘹唳之鶴音瑤臺  
閭風知何有不羨東來翩翩青羽禽笑問今人  
徒慕古後人豔慕應同今留姓氏待追尋莫使  
蒼苔碧蘚侵

昭關嘆

御龍子集

次初草卷之七

八

吳楚隔越三千里誰遣孽臣渡江水漁父逃名  
漫市恩包胥憂國誰堪語行乞丹陽困不屈退  
畔吳楚心未已魚腸一進王僚戮馬策鞭尸荆  
國毀可憐兩主俱人君一朝禍生亡命子關兮  
關兮汝何為帶山倚水空硯礪為吳不能禦暴  
客為楚不能拒姦回古來既起蕭牆內楚王信  
讒吳王悖招戎起釁自有由關兮關兮汝何尤

言張氏子

元氏鹿走中原秉群雄奮足爭角倚誰家健兒



敗魚鹽來捉姑蘇臺下麀闔閭城中豎旌幢  
圖宮內肅冠履虎踞東南三五州橫斷舳艫扼  
江水大乙真人起淮西江漢長鯨殛彭蠡大將  
東出霍嫫姚無知崇侯猶固壘鷁尾高掠橫睥  
睨城頭流火懸飛矢數月拆骸空可憐驚見登  
陴士如螳宮裡蛾亂塗劒戟殿上沐猴下階祀  
繁頭曳紕入石頭衛恩得賜經漬死于壁么麼  
空爾為促秦豈屬繩樞子白駒場邊屋數椽姑  
蘇城闕安足比

御龍子集

次劒草卷之七

九

題張幼于石湖別墅

浮黛樓頭秋如綺楓紅竹翠蒼茫裏西山決  
崱白雲南浦瑩心澄碧水中有幽人逃世焚洞  
簫吹遍武陵春笑指姑蘇臺畔月吳宮廢後幾  
回新

霧豹行送焦北都治兵肅州

君不見南山豹霧雨七日不下食一出肯禽  
炳耀又不見西山鹿高卧巖阿戢爪牙藜藿不  
採山之幽眼底紛紛雞鶩群飛揚共詫焦使君

馮唐幾老為郎日充國終立大將勲 天子西  
憂酒泉肥玉門關內列雄鎮索韃迎來紫塞寒  
旌旄蜚去白龍震歎建高牙卧虎符飽飼韓盧  
防狡獍西域爭歸漢班超匈奴膽落霍嫫姚沙  
蹟春深堞中合牀頭閒卧大食刀孟堅不用勒  
燕然水衡終是服先零爭看 天子下尺書收  
取夔龍入禁垣

羅浮歸去箱送歐楨伯還南海

君不見疏大夫歸去供張空西都又不九賀秘

御龍子集

次劒草卷之七

十

監鏡湖賜田人爭豔莊舄越吟亦何為伏枕猶  
耽楚執珪人生貴在適志耳紆朱曳紫空栖栖  
忽憶羅浮便歸去于今復見歐虞部作才名  
動二京含香畫省非不遇抗疏辭榮願掛冠還  
自山中依桂樹五羊僊侶共盤桓學鍊葛洪竈  
裏丹銅鼎溪頭雲母水玉鵝峯下鮑姑壇秋深  
薛荔開三逕月滿石樓萃二難幽棲載和思玄  
賦初衣不為聲名誤留得琳琅滿人間歸來  
傲白雲處采芝紉蘭餐紫霞白眼看人涉路

我今把酒送君還見着幅巾淚欲彈明年萬里  
思雲樹欲辨青鞋道路難聞道朱明洞絲遠通  
句曲洞三僊人應往復山中僊遇蘇玄朗好寫  
加餐慰躑躅

乾陵行

乾陵陵是唐宗者周主祔塋何為也行人但道  
阿武婆唐家天下不稱爲一杯之土昔乾六  
尺孤兒已棄舍長夜有心陵下逢未語應是顏  
光緒生前神思已僭竊死後尤將園氣假五追  
御龍集 劔草卷之七 十一  
大日本郵船 和鬱鬱淚暗灑君下心玉環  
血草根紅寂寂遊魂自巡馬

吹劔草卷之十終

劔草卷之八

御龍子三十一

浦上范守已介儒著

寧夏侯廷珩校  
扶麟李特芳

五言律詩 金陵草

秋夜同歐楨伯虞部集大鴻臚方公允治  
齋中分韻得為字

促席齋頭夜空庭月影移平蕪迷曲徑疎柳暗  
高碑座有青雲客人傳白雪辭良宵能幾許不  
醉欲何為

遊靈谷寺四首

御龍集 吹劔 八

初地一經過禪關倚四阿長林迷徑草頽壁蔭  
城兼古殿無梁棟閒定有薜蘿相輪殘照裏縹  
繞白雲多

其二

地接橋山近園多祇樹林金繩分界闕玉井濤  
源深花雨催清楚鍾聲助苦吟浮生渾碌碌此  
地可投簪

其三

聞道番僧至逢迎屈冕旒禪林聽梵唄檀越聚



華輶仙樂音仍在佛燈照未休如何百載後灰  
燼一荒丘

其四

誌公埋骨地突兀起浮屠石几供僧臘風簞亂  
鳥呼露濃苔徑滑雲去相輪孤為問王筠筆莊  
嚴事有無

至後積雨

玉琯微陽動金陵積雨多江城消凍雪池水掩  
枯荷愁濕羣鳥起啼餓旅鴈過長安有餓殍日

御龍子集

吹劍集卷之八

二

夜聽悲歌

齋居遇雨夜坐四首

吏散衙齋靜門扃院落荒開軒無錦帳掛壁有  
胡牀雲擁山椒暝風飄澗栢香篝燈聊夜讀細  
雨灑幽篁

其二

寓直郎官省獨憐布被寒雨催譙鼓早風送漏  
聲殘展卷臨燈困吟詩得句難帝城隔咫尺  
遙望路漫漫

其三

燕坐齋頭夜疎櫺細雨過陰風吹短燭暝色暗  
長河宿鳥移枝亂冥鴻逐侶多鄉心何所寄懷  
慨一悲歌

其四

嚴更催夜柝郎署亦清幽雨細松花落天寒鼓  
角愁援琴聊自鼓刻燭欲誰酬一枕莊周夢翻  
翻過戍樓

第七女生志惱

御龍子集

吹劍集卷之八

三

二毛侵旅鬢豚犬未成羣剖蚌珠難得栽桃花  
易殷香奩吾計拙蘭蕙爾徒芬婚嫁他年事衙  
盃且欲醺

夕惕齋夜坐有感二首

園土重關夏福堂只尺臨嚴更來暝色急柝散  
寒陰劒氣疑衝斗鍾儀似鼓琴偶思周尉語呼  
吏與談心

其二

三載為郎日若盧五度臨銀鐺春寂寂鈴閣夜

沉沉燭暗廳穿壁霜寒鳥避林三更渾不寐隔  
舍有呻吟

夕惕齋早起

畫地人爭避扃門我自閒徘徊無寶劔悵望有  
雲山索莫冰霜地威稜虎豹關泣囚頻有淚衣  
袂欲成斑

題周儀部育德承休冊為封君壽

聖代垂綸客荆山抱璞心箕裘傳世業韋布易  
朝簪四姓名為最三吳衆所欽香山應結社白

御龍子集

吹劔草卷之八

四

傅是知音

其二

伏擬閒騏驎承家有鳳雛橫經臨壁水拜 詔

起鴻儒白髮籠紗帽方瞳照玉壺賓筵饒跪起

鳩杖未須扶

莫春三百方子及陶懋中諸曹長集余池

亭有作

三月逢三日郎官列騎過開樽花近幙促席鳥  
爭歌山色饒煙雨池光倒薜蘿蘭亭遺事在吾

輩可蹉跎

送姜可叔唐仁卿北上

瀟灑共為郎君今赴 帝鄉春歸荻渚岸酒罷  
石城傍魏闕西山兩吳都夏木涼相思知爾地  
莫說住巖廊

其二

春風送玉珂無奈別離何尊酒三山暮江流一  
騎過入 朝應獻賦懷友自興歌試問昭王館  
談天客幾多

御龍子集

吹劔草卷之八

五

送顧道行觀察山東

聖主遴英俊輜軒過濟東觀風臨海岱弔占問  
龜蒙樽酒江頭別才名漢署空登高如有賦為  
我一傳筒

螢

夜色來天地羣飛過短牆入懷疑太白當戶照  
流黃盤走明珠媚衣承火焰涼兒童齊拍手爭  
啓紫絲囊

其二



腐草先秋化流光逼夜來傍花微見蕊落砌故  
藏苔扇底寒星亂池邊皓影回江城多暮雨莫  
近楚陽臺

靈壁道中雨行二首 以下入詩草

畿甸行來遠 帝鄉雨露多  
憺惟驚滴漏 裴馬厭衝波  
欲續愁霖賦 還憐雲漢歌  
先早三農已失望露足意如何

其二

瀟瀟朝暮雨疑自楚陽臺  
寒色連齊魯風聲撞御龍子集

吹劍草卷之八

六

草萊馬頭飛石燕  
劒服點青苔不信淋鈴曲  
今成跋涉災

過太丘驛

行經太丘驛因思陳太丘  
德星懸象緯美政著春秋  
尸祝今仍在棠陰世不休  
潁川吾故里長厚更誰儔

姜里

聖德參天地窮愁亦著書  
行藏隨否泰文字洞盈虛  
環堵風雲護蘆歲月舒  
千年訪古迹行

道一趙趙

車騎關

車騎通燕趙中州第一關  
封疆分甸服形勝倚西山  
北望神京近南臨滏水  
殷棄縞元我輩候吏莫嗔顏

入張掖門

纔渡桑乾水驚看百雉城  
三年留故國二月到神京  
紫陌青帘動朱門畫戟盈  
故人多趙李莫向御街行

御龍子集

吹劍草卷之八

七

懷鄒爾瞻

乾坤有正氣稟受在斯人  
諫草光青史朝班謝紫宸  
閒曹堪辟世幽谷擬回春  
杯酒論文處相看意更親

懷汪蔚翔

皎皎新都子師門數典材  
論文薄魏晉紬思掩鄒枚  
宦味諳郎署鄉心繞釣臺  
黃生不見久懷抱向誰開

懷唐仁卿

嶺南唐伯子白社有雄名抗議同孤憤論心雖  
兩生郎曹甘執戟仙侶共吹笙却恨經年別愁  
聞上苑鶯

懷陸梁彥

吳地多英雋爭看陸士衡青萍銑未露白雪調  
初成憶別驚華髮紫思傍短檠待君燕市裏談  
笑續前盟

懷倪潤仲

華亭曾握手白下又聯鑣談笑愁方破離歌竟

御龍子集

吹劍草卷之八

八

復銷月明江樹暗雲盡楚天遙不見衡陽鴈今  
人憶柳條

辭朝有感

乘春遊上國暫接紫宸班忽爾辭天闕那堪  
憶聖顏趨蹌渾似夢徙移不知還何日承  
恩命重來玉陛間

兒為鏞年十有二廁名諸生後聞之志喜

小子何知識慚無正字材青衿聊挂籍黃卷  
全開泮水芹堪采階除挂可培介翁方便笑

進手中杯

送廣上人遊姑蘇

飛錫遊何處東吳訪太師六塵自我淨三昧幾  
人知彼岸應須到慈航不可期爭如初祖意面  
壁更無為

重遊牛首借宿山房一首

蘭若重來日三年憶舊遊松聲寒佛窟暝色散  
江流貝葉朝翻靜曇花夜雨稠幽窗回客夢山  
月滿牀頭

御龍子集

吹劍草卷之八

九

遊祖堂山幽栖寺

覽勝來初地僧寮靜不塵獻花徵佛果卓錫對  
江濱梵唄飄金界慈雲護相輪化城聊可住不  
必戀楓宸

花巖寺新剎小集

小刹憑虛構霜林拂檻齊大江來木末雙闕倚  
城隄塔擁浮煙動山環曲逕迷耽幽忘坐久日  
影欲平西

莫愁湖別省中諸友

以下入賀草



故人惜遠別祖道駐鳴騶南國佳人地西園公  
子樓湖前有作公子園樓館其間云論心把袂久看劒  
引杯稠去住情何極湖名自莫愁

### 龍江渡阻風

解纜中流下風波不可行遙憐浦子口回傍石  
頭城索莫推蓬語夷猶戀關情牙檣隨自動不  
必問王程

### 度黃蘗嶺

江浦寒雲靜悠然見翠峯驅車馳峻坂翹首望

御龍子集

吹劍草卷之八

十

孤松地接石城近山連幕府重不因王事急登  
眺一扶筇

### 過滁西清流關

足馬過西澗晴嵐開遠山振衣凌翠嶂叱馭度  
重關岩寫清泉急松栖野鶴閑豈因瞻紫氣眺  
望不知還

### 蒙城道中遇雨

乘輅來遠道黯淡度淮西雨細千家暝雲低四  
野迷泥塗深馬跡落木墜鴉栖彈劒荒村夜

### 皆一聽雞

#### 阻兩宿白龍王廟

擁傳過畿服驟駐毫東僊雲彌楚野宿雨護  
龍宮孤枕寒侵袂遙天夜度鴻中原纔咫尺不  
與故人同

#### 十月十日亳州道中

二毛侵短鬢踪跡任勞生客邸懸孤日堂前戲  
綵情夢魂空鞅掌跋涉欲零丁安得浮丘鶴高  
飛到涓城

御龍子集

吹劍草卷之八

上

### 其二

蜉蝣天地裏四十四年過燕息粉榆少萍遊吳  
楚多王程今毫社釋子共燕歌不謂梁園杳其  
如涉屺何

#### 亳州署中逢拜老母

不見慈闈久那堪初度辰征途憐戲綵客淚  
沾巾拜舞瞻雲切吟哦集樹頻高堂應見  
酒樽含嘖

#### 晨行亳西

裘馬西風急郊原驛路平雲深薄氏邑鴉度漢  
家城地接仙源近泉流渴水明鄉關遙在望不  
禁故園情

過太清宮 在鹿邑城東十里老子生處也

青牛西去久此地見真源世主崇仙派豐碑紀  
混元故宮餘粉畫丹檜偃丘樊衰歇今何極徊  
徘徊駐轅

其二

大道通無始祥源啓賴鄉先天崇母后古殿儼

御龍子集 吹劍草卷之八 十一

衣裳官後有祠霄宮唐尊李仙李名仍在丹爐

夜有光年來也牧豎無處奠椒漿

過太康林明府招飲別館卽席口占一首

花縣封疆閭神君政令閑開軒迎驛使鋪雪避

塵寰時落大東帶殊元亮微歌出小蠻有優童

慚非羊叔子留戀不知還

扶溝道中雪行憶詩友李伯實

小春初應律飛雪遍中原泥滑勞鞭馬寒生困  
負韃興來堪訪戴堅臥欲尋袁不是遊梁客誰

同賦兔園

扶溝張明府招飲劉氏園賦謝

扶亭思頓轡仙宰更攀轅焉問南都賦先開北  
海尊辟疆園可涉郢市歌仍喧坐久忘寒夜星  
輝動小軒

過鄢陵錢宰郊迎因集陳氏園至夜方散

別後有述

到家纔一舍莞爾聽絃歌茂宰勤鳧鳥郊原走  
玉珂開尊花塢靜投轄管聲多賸有街盃興其

御龍子集 吹劍草卷之八 十二

如落日何

夜入洧城

遊子還鄉日郊園步步看那禁寒夜裏遙度舊

河灘燈火人家暝星霜鼓角殘入城聞擊柝月

影上闌干

發洧上夜次尉氏縣

消盤初秉轡逢澤復經過夜色催鴻翼霜風歸  
牧簑停驂燈掛壁訪友月明波脉脉懷諸阮臨  
臺一肅歌



渡黃河

王程催驛使河水正流漸  
鼓棹黃頭猛鳴柳白  
驚移參差冰岸闊欵乃掉歌  
遲為念懷沙客中  
流一賦詩

次衛源進王功曹

河流分鴈序百里候征鞍  
塵土匡牀冷風霜衣  
袂單有書聊自玩無客可同歡  
日暮占鳴鵲雲  
迷衛水灘

題湯陰岳王廟

御龍子集 吹劍草卷之八 古

勛業高江左祠堂此地開  
霜風鳴劒戟殺氣護  
樓臺俎豆諸生禮旂常太史裁  
何如秦相國長  
跪隱蒿萊

其二

故里崇遺像中興第一臣  
風雷隨鐵騎孤兔散  
奎人報國心徒苦犁庭志未伸  
千年神不滅猶  
得靖胡塵

銅雀臺

霸業三分盛獨憐銅雀臺  
紅顏羅綺戶寶曆照

青苔歌舞歸塵土煙花付草萊  
西陵何處足凝  
望一徘徊

疑塚

累累三十六埋骨憶曹瞞  
玉碗藏何密竹書闕  
欲完荆榛迷狡兔風雨暗曾  
戀霸略雄千古泉  
臺膽亦寒

邯鄲懷古

故國誇三晉名都擅七雄  
藏符臨代野完壁出  
秦宮胡服開疆遠黑衣進諫  
工抵今銷霸氣臺

御龍子集 吹劍草卷之八 古

畔柳搖風

過黃梁夢有感

大夢誰先覺盧生醒自遲  
行藏俱幻跡得喪總  
支離白髮頭顱短黃金藥鼎  
疑抽簪須及早莫  
待呂翁嗤

其二

幻夢傳仙枕紛華歲月長  
世多羞白屋誰復問  
黃梁真誥歸司命參同著  
伯陽吾師應不遠休  
得自傍徨

順德北逢王藩甫計部還自都門道語

述懷

白下分攜久中丘蓋復傾夔龍聞上國裘馬嘆  
浮生旅况騷霜鬢王程駐覲旌有懷渾欲吐寒  
色襲塵纓

栢鄉懷古

漢祖巡邊日鑿與畏栢人小臣輕犯蹕子壻共  
嬰鱗亡國嗤羣輩全生賴聖仁千年詢往事涕  
淚一沾巾

御龍子集

吹劍草卷之八

六

過趙州

故國城池壯神京驛路遙禪宗尋古寺仙跡覓  
長橋山近雲常暗霜嚴木欲凋齋頭聊駐節風  
急馬嘶驕

藁城北履冰過漚沱河

晨至漚沱岸堅冰欲渡疑馬蹄鳴玉砌芒履步  
瑤池乍慮鯨波動還驚黿背移豈因王霸語臨  
難競先馳

過無極宿稿蓬民舍

迢遞征途遠黃昏暫駐驂匡牀移翠幄塵壁倚  
華簪孤枕寒何極三盃興欲酣夢魂關不住猶  
自到江南

過定州有感

路入中山境令人憶樂羊謗書憐滿箇戰伐自  
銘常明主真難遇忠臣幾見傷有懷頻看劍灑  
淚叫天閭

慶都懷古

仁聖參元化流虹肇此鄉璿璣齊玉曆千戚舞  
御龍子集

吹劍草卷之八

七

蠻方雲日千年麗文章萬古芳榮名歸母后崇  
祀世無疆

涇陽驛用壁間楊司空韻述懷

風塵驅薊北魂夢憶初衣布被高紅日茅簷近  
翠微羊求元有約竹帛志難違待請胡煙後綸  
巾一笑歸

安肅南逢清苑劉觀察喜而有作觀察初

為侍御按部河南左遷累官至今故及

聽馬觀風日中原草木春一朝成偃蹇十載



塵奮翼來燕闕乘輅問楚津相逢聊把袂為  
報野棠新

定興憶高明府

幽冀重來日仙鳥何處飛河陽花黠澹彭澤柳  
依稀白簡聞多誤青雲願已違桑榆猶可望其  
得掛冠歸

涿州

軒轅昔御曆涿鹿戰蚩尤帝德羣靈助神功萬  
古留雲霓翻大纛山才橫長矛號令今猶在邊

御龍子集

吹劍草卷之八

大

城隍魅愁

宿良鄉金剛寺作

百里王畿內停驂蕭寺中金繩斜映日琪樹細  
搖風禮佛聞生滅談經悟色空閣黎堪對語隨  
意問圓通

過盧溝望京作

系乾重渡後舉首望楓宸日射千門曉雲盤五  
色新鵝班曾接武散座憶垂紳指日承明殿還  
同獻歲春

抵京寓承恩寺閑居

重入京華地僧寮寄客蹤旅懷朝對酒清夢夜  
聞鐘貝葉欣相傍金錦恨不建牡門聊避俗白  
日下高春

馮咸甫孝廉待對公車辟居山寺中詩以  
訊之

乘春遊上國爭識孝廉船圖駿黃金重衡星紫  
氣旋漢廷行對策蕭寺暫聽禪把臂知何日相  
思罷草玄

御龍子集

吹劍草卷之八

九

夜過鄒爾瞻司勳小酌話舊

分袂鍾山曲相逢薊北春過從偏卜夜問對可  
書紳情密憐投轄名成嘆積薪有懷難盡吐回  
首憶江濱

王諫議黃銓部王侍御馬職方四年丈招

予及王比部飲於別墅有述

折簡長安市連翩集玉珂共傾桑落酒追憶鹿  
鳴歌座伴青雲侶辭聞白雪多歸來過夜半殘  
月倚明河

雪夜過孫以德翰林小飲

為憶經年別重來訪玉堂情深開几席興至倒  
壺觴綠綺欣同調玄經問欲詳坐忘寒夜久新  
霽月蒼涼

御龍子集

吹劔草卷之八

干

吹劔草卷之八

吹劔草卷之九

御龍子三十三

消上范守已介儒著

寧夏侯廷珩校  
扶溝齊時芳

五言律詩 還南草

涇陽驛公署次壁間周元孚韵述懷

擁傳盧龍郡紅塵驛路遙寒鴉移曉樹歸鴈度  
晴霄翠黛浮山色黃金入柳條旅懷曠索寞四  
首憶河橋

又次壁間無名氏韻

客路春衣薄寒生睡起餘索韃憐負弩珠挂問

御龍子集

吹劔草卷之九

一

行廚馮暖羞彈缺洪喬嬾置書籃興乘夜發歸  
去訪耕漁

無極縣夜坐有感

嬾飲中山酒鄉思滿客襟星光搖暝色林木起  
春陰路憶壺公杖囊空季子金故園千里外寂  
寞對寒禽

趙州道中喜聞李于田司封北上極欲一

見遲之而作二首

獻歲吾歸早君今亦北遊相逢期夜酌獨坐重



春愁龍劒分須合星輅去復留憑誰堪寄語日暮騁驂駟

其二

同是南都客相聞汶水旁我來歌大隧君去賦長楊臺築黃金峻尊開綠蟻香與君各努力不必問行藏

次栢鄉聞于田西走高邑訪趙夢白司功

為之悵然因而有作

遲爾沙丘北先期過栢鄉故人偏趙李佳會勝

御龍子集

次初草卷之九

二

山王尊酒知同醉盤餐恨獨嘗驅車臨晚發回首憶高陽

內丘縣遇里中人北上訊家音不得因而有作

有作

喜見粉榆客悲無尺素傳萍遊雖兩月羈旅已經年應有徵蘭夢寧無織錦篇如何逢驛使不寄彩雲箋

梁原鋪次壁間徐侍御韻

二月梁原道春風拂客衣隴頭麥細細河畔柳

依市蜀中山酒家鳴織女機郵亭聊可駐獨坐欲忘歸

豫讓橋

國士酬恩重危身報主頻忠魂依華表意氣掩朱輪城郭嚴祠廟千旌奠藻蘋千年留勝跡無復步清塵

磁州遇南曹楊武選喜而有作

淦水停驂日江南路正遙忽逢楊伯起喜殺范功曹促席論心久臨岐握手勞風塵多白眼誰

御龍子集

次初草卷之九

三

復念綈袍

見邸報以賤名陪楊武選同點山西僉事

志喜

邂逅班荆處人傳除目來慚無匡國術欣茲濟時材名辱山公啓官勞聖主裁績貂終有日隨分且銜杯

次彰德督學趙觀察校士其地招飲話舊

退而有作觀察父西垣先生子學校師也故及

遂君涓水上絳帳罷橫經促膝看霜鬢論心倒  
玉瓶披香荀令座問字于雲亭追憶兒童日相  
將過鯉庭

過衛輝王諫議年文惠以酒殺賊謝

拜節城隅外登龍恨未遑多君憐鴈侶惠我出  
瓊漿羹下鹽梅少餐餘齒頰香為諮中饋者歸  
去誇糟糠

渡黃河

一水分梁衛年來幾度過舟輕隨雪浪帆正任

御龍子集

吹劍草卷之九

四

風波高岸搖新柳踈蓬掛短簑番疑楊子渡日  
暮聽吳歌

過瓦子坡設食馬生莊

小墅閒階靜停驂憶馬良壺餐隨處有杯酒揔  
堪嘗柳密金垂立苔生翠滿堂主人勞避客日  
暮自傍徨

晚次中牟

驅車官渡水夜色襲塵韁漢代循良地曹公戰  
伐塲沙明春草細雲密兩痕香燈火人家寂遙

疑是故鄉

尉氏界喜見杏花

衛北寒猶壯梁園見早春一枝斜帶日數點正  
憐人淡頰調朱粉仙妝厭紫塵田家三五樹莫  
道是清貧

抵家

兩月遊燕市歸來已隔年柳明堪帶雨草暖欲  
浮煙慈母詢京邸兒童戲几前一尊聊共酌還  
有孟光賢

御龍子集

吹劍草卷之九

五

春旱

春來農事急旱魃苦為災林木餘桃李池塘變  
草萊應龍空繪塑雲漢自昭回安得君王澤  
餘財散鹿臺

長夏苦旱

不雨連三月驕陽肆虐頻蘊隆蒸道殣疫厲臥  
疲民地豈衙城近山還巫峽鄰如何無霖霖涸  
轍救枯鱗

復往南都別家有感



留滯周南久那堪更浪遊出門雙淚眼把纒白  
搔頭去去王程急蕭蕭驛路愁高樓莫騁望不  
是慕封侯

次雍丘侍御何丈訪予署中話舊有述  
重來杞子國傾蓋媿高賢驄馬人爭避綈袍我  
獨憐雲亭堪載酒月榭共聞蟬歲暮論文處相  
思動隔年

次寧陵懷呂黃二省丈

甯城聊駐節夜雨暗華蕙坐思巖廊客同高啓  
御龍子集 吹劍草卷之九 六

事名元臣終呂望盛譽共黃瓊室邇人俱遠難  
禁此夕情

次歸德謝太守聞司理留飲不駐賦此奉  
謝

行役年來苦商丘幾度過曉煙迷楚樹白露墜  
殘荷地主思連榻行人問荷戈梁園堪授簡道  
路可蹉跎

夜抵石榴固

驅車來穀熟驛路亦何長柳逕連雲暗落花過

兩香干花隨落月燈火近康莊候吏傳呼急郵  
亭供隱囊

商丘道中

晨發石榴固塞帷望遠天蔚藍升旭日莽蒼引  
晴煙客路檐榆薄王畿雨露偏行潦深幾許策  
馬自盤旋

登濟陽鋪樓有感

晨炊依依舍寂寞一登樓水遠真源近山連芒  
碭稠塵飛看驛使驚起見河洲回首梁園道蕭  
御龍子集 吹劍草卷之九 七

蕭落木愁

鄧陽鋪感舊

去年長夏日旅舍此曾經稚女啼冰藕佳人倒  
上瓶重來開戶牖不復隱輜輶獨坐搔雙鬢那  
堪庭樹青

永城道中

重入淮南路驂駢度永城地連豐沛澤人說太  
丘名雨色寒隋柳雲衣護漢旌道傍逢饁婦還  
似去年程

入宿州界

行跡如蓬轉淮徐我復來間閭多茹蔗黍黍半  
蒿萊木落臨睢渡雲迷戲馬臺帝鄉知咫尺  
慚媿太冲材

宿宿州

客路間關久重來宿宿州城烏驚負弩砌草散  
鳴騶悶絕排塵榻吟成付酒甌淮南無桂樹誰  
共小山遊

過靈壁喜見賈學博君集二首

御龍子集

吹劍草卷之九

八

為憶經年別靈陽一駐旌鬼神聞賈傳文學起  
匡衡絳帳春恒滿青氍夜不驚論心甘罷酒隨  
地可班荆

其二

去歲金陵酒玄湖弄玉危猗蘭宣父操春樹杜  
陵詩傾蓋堪攜手談經欲解頤不妨十日飲同  
醉臥離資

虹縣道中

淮浦東來道郊原指顧迷短禾栖野渡衰柳陰

長隄刈楚腰鑣鋸踏歌聽鼓聲鄉關覺遠隔鸛  
鶴數聲啼

虞姬墓

下分攜日紅顏付草萊芳魂千古夜寶劍一  
哀珠淚留溥露羅裙見野苔道傍車馬客日  
暮自徘徊

晨行虹東二首

復與凌曉發跋涉傍淮防衰草連天碧枯楊照  
水黃村民蓬作戶旅客棧為糧牧豕誰家女簪

御龍子集

吹劍草卷之九

九

花學麗妝

其二

野水迷津逕平蕪接遠天村莊叢薄裏旅肆草  
橋邊種豆時烹藿懸鵝日擊鮮千年湯沐邑不  
貢水衡錢

泗州道中

泗濱幾百里彌望盡蓬蒿狐兔營三窟鷓鴣匿  
九臯山花空自媚野菜不堪挑為問耕桑者十  
年九遁逃



雙溝鎮設食民舍不終而去

茅屋臨官道停車一午餐酒危空欲酌飯顆不堪攤白板門雙掩青萍劍自看隱囊聊坐起搔首步河干

夜宿包家集

野館聊停節鹽梅待煮羹移燈剛賦草欹枕聽鐘聲露冷吟蛩苦至明宿鳥驚匡牀渾不寐夜半起長征

泗州城西渡湖水作

御龍子集

吹劍草卷之九

十

卜里洪波湧輕飄一葉舟千旌浮白浪僮僕倚黃頭日影隨蓬轉山峯入水流風聲雜鼓吹斷續過沙洲

次泗州拜李侍御舉主

憶別東吳久拒驄不再逢卓囊推一鶚紫氣散雙龍消水思雲樹淮陽見玉峯行行聊且止坐語下高春

盱眙署中

山館臨淮水層巒揖畫堂砦風敲翠竹石火煮

黃梁鷄噪聞鷹羽鷗飛見客航夜來山月小桂影照回廊

中秋寓泗上有感

王程多軟掌不記是中秋凌水飛金鏡流光照玉樓虹橋何處擲玉笛幾聲幽回首關山遠能無憶舊遊

蓮塘次壁間韻

空庭看步馬雲際晚山晴詩和嵇中散書臨歐率更采蓮何處唱負弩幾人迎獨有淮西月相

御龍子集

吹劍草卷之九

二

將不世情

張公鋪用壁間韻

小軒憑草舍秋暮薜蘿長旅食朋從寡輶車去住忙銜盃驚綠蟻欹枕問黃梁壁上留題處陽春曲獨良

天長縣拜 聖壽

帝鄉開壽域舞蹈集冠裳雞報龍樓曉鑾鳴雉尾涼嵩呼傳旬服岳牧憶巖廊華封三祝切聖壽與天長

重過江都有感

五載離京口梅花憶水曹  
重來楊子渡復聽廣陵  
濤鮓菜餘三韭風塵感二毛  
誰人憐范叔邂逅贈綈袍

觀屏上美人圖走筆戲書二首

誰貌羣娃態蛾眉散石塘  
花間爭鬪草竹下暗鳴璫  
妙舞堪流雪清歌似遶梁  
可憐弓樣巧不解踏春陽

其二

御龍子集

吹劔草卷之九

十二

紅頰非關酒清波欲媚人  
依稀張盼盼不是趙真真  
展鏡掠青鬢臨池采白蘋  
誰能為暮雨覓夢到花裯

易計部省丈招飲鈔關

建業分曹久維揚忽遇君  
呼童頻促席把酒細論文  
白首羞顏駟玄經問子雲  
坐來日欲午牆影橫河濱

買珠篇

買珠合浦市光彩動江濱  
向月猶含淚懸空

避塵季倫一斛美交甫二妃珍  
歸去還依蚌傳生數顆勻

儀真江口阻風二首

進艇臨江岸蕭條阻石尤  
斂帆迎少女醺酒醉陽侯  
夢遶金山寺雲迷白鷺洲  
誰家門外柳終日映寒流

其二

御龍子集

吹劔草卷之九

七

翹首鍾山近江流一葦過千帆  
依浦岸三老問風波夜月寒  
衰柳殘陽暮短蓑蓬牕無箇事  
把酒聽吳歌

泛江四首

東風一夜發畫舫入江濤  
掠水飛青雀凌空帶白蘋  
山驚隨浪去日訝戀舟頻  
回首維揚道茫茫不記津

其二

岸閣迷蘆葦洲空識蓼花  
帆檣隨旅鴈簫鼓奏仙槎  
孤艇臨潮急層峯隔水賒  
白門何處是翹首暮雲遮



其三

長年頻擊楫縹緲水雲程  
林惜丹楓去洲憐白鷺  
迎濤平雙槳慢帆正一航  
輕欵乃餘聲裏山光接帝京

其四

星槎來甸服日望五雲鄉  
岸近蘆花白洲連行帝香  
三山通海嶠九派憶潯陽  
日落寒烟起漁燈散渺茫

夜宿瓜步港

御龍子集

吹劍草卷之九

古

暝色寒江水維舟向野塘  
星明螢火亂風細稻花香  
鼓角嚴兵戍謳歌聽估商  
呼僮聊問酒殘月照匡牀

港行紀見

鷓鴣首隨溪轉綠流錦纜牽雞鳴叢薄外菊綻短籬邊  
草閣人窺戶沙汀女艤船蕭蕭蘆荻裏堪把釣絲懸

江潯阻風望燕子磯有感

荻渚維舟久橫江識燕磯  
山形連幕府巷口

烏衣冠蓋傾蘭省魚龍傍翠微  
重遊應有日瞻眺欲忘歸

泊江外遙望都邑作

旅泊長江外琴書靜不收  
推蓬孤墅遠維纜小塘幽  
城郭聞雞犬煙波誤馬牛  
嶙峋雙闕裏遙見五雲浮

暮泊龍江關

不到白門久臺城木欲彫  
江天低夜色燈火散寒潮  
市近人聲雜山高樹影搖  
匡牀渾不寢殘

御龍子集

吹劍草卷之九

五

月上橫橋

抵京僦居不得閤而有作

留邨今三至安居不可求  
青山遠故墅紫燕覓重樓  
畫省名空在蓬門媿自謀  
宮牆惟一畝容膝可優游

就居廖衡州小閣閑居偶成

小閣臨衢構凭欄四不遮  
林疎來夜月山近度鳴鴟  
寄傲堪欵枕耽玄欲割霞  
登高寧有賦流覽足生涯

九日對菊

不謂重陽酒還來醉建康  
鬢非前日綠菊似去年  
黃臥閣憐風雨看山恨  
渺茫何人堪落帽改  
席一傳觴

送史稽叔省丈入計

君去朝天闕雙旌動石城  
故人一榼酒祖道數  
年情座惜班荆語途憐  
彈缺行長楊應有賦好  
去獻承明

其二

御龍子集

吹劔草卷之九

末

白雪聞歌久驪駒難書思  
急就草人慕遠遊冠接武  
變龍近奉恩殿陞寬知君  
留畫省應念舊時歡

贈王茂才

下帷窺正始振鬣待春雷  
片玉蒐賢急千金圖駿來  
材名高北斗諫草重西臺  
二令君家事還看躋上台

吹劔草卷之九

吹劔草卷之十

御龍子三十四

浦上范守已介儒著

寧夏侯廷舉扶溝李時芳

五言律詩

關中草

初春寓乾州夜坐書懷一首

獻歲春方始索居客邸情  
城臨埋土地山接種金坪  
月度唐宮冷雲迷漢時平  
有懷頻看劒獨對斗文橫

乾州有感

奉天天子氣當日已全消  
城郭今仍在人民昔

御龍子集

吹劔草卷之十

一一

盡凋少陵甘橡栗仲蔚隱蓬蒿  
欲遣登臨興青山路復遙

立春日醴泉道中

秦地立春日輕寒柳欲黃  
褰帷度谷口攬轡問長楊  
榮憶青絲美盃傳柏葉香  
五陵多俠客何處鬪紅妝

咸陽春望

望春春欲至野色正蒼茫  
山擁青螺小川明白練長  
殘梅枝半綠叢竹葉猶黃  
試問春遊客尊



鼎事已忙

咸陽署中月下有感

咸陽今夜月昔日照阿房複道連雲漢高旗拂  
棟梁若非三月火未了萬民殃渭水流不盡凭  
欄一感傷

夜坐

行春聊委轡撥悶強搜詩病渴思金掌遊仙詠  
玉卮月高山氣薄風細露華滋鄉思渾蕭索那  
堪聽竹枝

御龍子集

吹劍草卷之十

二

元日同姚李二方伯艾憲長余督學原叅

藩飲沈陳二閫帥官署觀燈及煙火口

占二首

三五春宵永筵開大將家銅鞮歌小隊火樹擁  
高牙花落非關雨煙飛欲作霞公榮堪對飲况  
是翫僊葩

其二

虎帳分瑤席熊轡集玉驄花開能頃刻星走任  
西東爆火驚春蟄燈光散彩虹酒闌頻促席同

醉月明中

同州道中

馮翊經行處寒雲護使車春回沙苑柳晴散澗  
原霞野磬聞僧寺漁歌聽水涯因思蕭太傅曾  
此問桑麻

過沙苑

黃沙三十里彌望寂無春唐苑餘秋草齊鋒雜  
野薪輕塵迷兔跡疊浪隱龍鱗日暮寒飈起三  
峯辨不真

御龍子集

吹劍草卷之十

三

登岳十吟

憩青柯坪

四望羣峯繞千盤一路通岩居皆羽客懸度總  
仙宮樹影搖深壑泉聲落半空登臨聊駐足屐  
齒欲凌風

又詠青柯二首

山高無草木此地見青柯翠蓋盤雲雨虬枝掛  
薜蘿岳蓮遙掩映仙桂共婆娑遮莫幽棲者臨  
風發浩歌

登白雲峯

攀緣登絕壁迤邐到危峯亭榭盤飛石雲岩壓  
短松千尋垂薜荔百疊擁芙蓉回首塵寰隔微  
聞下界鐘

憩細辛坪

艱危歷萬險初到細辛坪洞口千峯聚羊腸一  
線明浮雲埋澗谷嵐氣變陰晴夜久渾忘寐風  
聲萬壑鳴

登東峯

御龍子集

吹劍草卷之十

四

振屐凌千仞天風吹我衣層巒羅几席雙洞對  
霏微甘露留仙藥玄門泄道機明星何處祀時  
見彩雲飛

登蓮花峯絕頂

鳥道迴還上仙踪次第尋蓮花垂玉井瀑布掛  
瑤岑擬陟青霄外堪求白帝心凌雲一縱目吾  
意欲抽簪

宿玉女祠

奇石懸丹壑神祠倚翠屏三峯環戶牖六甲護

精靈彷彿聞仙珮夷猶叩玉荷洗頭盆內望石  
半浴明星

小憩鎮岳宮

三峯分巖處鎮岳起玄祠林樾飄金磬雲煙護  
玉墀蒲團聊試隱羽化遽難期欲逐乘麟者蒼  
茫不可知

觀玉井

玉井穿何歲源通太液津藕藏十丈種花發幾  
千春古甃銀牀冷澄波玉醴新令人思太乙蓮

御龍子集

吹劍草卷之十

五

葉以高真

望仙人掌

山靈如有意仙人掌傍危巒欲挹芙蓉露疑彈司  
寇冠雲來披玉袂日上弄金丹指掌傳真訣還  
當仔細看

吹劍草卷之十終



吹劍草卷之十一

御龍子三十

消上范守已介儒者

寧夏侯廷珩校  
扶溝李時芳校

七言律詩

送陳北部還朝北部華亭人論囚淮南便

道歸省故云

聲華藉藉動仙曹  
銜命維揚有勩勞  
寶劍光寒淮海月  
錦帆色動廣陵濤  
香飄漢署春風暖  
傳擁吳門紫氣高  
此去明光看起草  
白雲司靜任揮毫

御龍子集

吹劍草卷之十一

十一

十月一日舟泊濟寧州西望夷門不能假

羽賦以志感

三年飄泊思先龍  
此日風塵過濟東  
誰向九原傾酎酒  
獨摧五內灑寒風  
麒麟臥處迷秋草  
仙鶴歸時倚暮松  
最是傷心行道側  
夕陽亂蕪楮衣紅

望嶧山

青連齊魯數峰攢  
遙揖龜蒙接岱巒  
降岳真人雲自落  
擇鄰老母夢初殘  
千岩雨洗莓苔綠

堅風號檜栢寒我欲凌空一縱眺  
秦碑剥落不堪觀

過南陽鎮入新河有感

南陽在濟寧南百里嘉靖乙丑河決飛  
雲橋潰漕大司空朱公議改昭陽湖左  
以避河患渠成利之先是有異議者幾  
危公舟過感焉

潯溪汶泗接南州  
匹練光搖入貢舟  
玉簡曾符滄水夢  
牙樁免抱呂梁憂  
春潮雪擁吳航日夜

御龍子集

吹劍草卷之十一

十一

雨雷驚沛署秋辛苦老臣恢  
國脉玄圭魯賜

御埤頭

泗亭驛

祖龍河岳九州同  
落魄劉郎寓沛東  
裘馬悲風寒寶劍  
素韃落日飛鴻斬  
蛇妖媼啼明月收  
鹿鄉臺歌大風四  
百餘年赤帝錄開  
基祗在此亭中

東皇甫司勳

水國芙蓉照五湖  
仙郎別業倚孤蘆  
薜蘿秋上

蓬壺月鶴驚朝飛金井梧吟成白雪爭憐郢  
起青蘋欲動吳一與追隨文字飲終看遺論憶  
潛夫

江中望北固山甘露寺

翠微高鎖玉芙蓉幻出江南第一峰絕壁橫天  
嵐欲合孤根拔地水常春風過江外聞清梵船  
坐潮頭聽暮鍾最愛摩雲亭上月清秋十里照  
寒松

夜直都官獄

御龍子集

吹劍草卷之十一

三

籃輿初入暮煙橫回首白雲迷鳳城燐火漸乘  
落月起法星獨傍上台明篝燈夜柝臨牕急歌  
枕霜風繞磴鳴為問南冠今幾許夜深時見玉  
繩平

壬午元日

四十年過又一春椒花滋味幾嘗新菜盤行玉  
京華地花勝紛羅太液津人向初旬占甲子天  
從元日起庚申白雲司冷無多事閑閱遺編體  
聖真

壽蔣母七十

吳野高懸寶婺光潘輿還自五雲鄉風輕綵袂  
明丹帔露冷金卮醉盡堂碧海香飄苑正熟洞  
庭霜落橘初黃年來莫道桑榆暮七十春秋日  
正長

送衛君大比部守溫州

五雲宮闕楚天秋仙吏鳴鑣下帝州白雪材  
名高漢署朱轡威望動江洲人來越嶠傳新賦  
鴈過吳山憶舊遊為問明年橘柚熟可能相寄  
御龍子集

吹劍草卷之十一

四

慰離愁

壽湯靈璧母夫人七十

寶婺光搖泗水濱稱觴侯國太夫人桃來碧海  
三千歲人度彤闈七十春香煖金猊煙縷動光  
生瑤席玉璫新門廡辭客多珠履共仰高堂賦  
大椿

登冶城山

千年故國鎚爐地此日登臨曉色寒鐵冶銷沉  
芳草合琳宮突兀瑞雲盤萬家炊火浮煙動九



陌風塵落葉殘最是鬱葱堪極目鍾山龍臥護  
長安

遊弘濟寺

雙闕嶙峋逕半遶毘盧高聳護金沙薜蘿秋鎖  
蛟龍窟祇樹晴穿星斗槎梵唄聲隨款乃度雲  
幢影逐玉峯斜登臨欲問無生訣為揖閭黎叩  
法華

遊雨花臺

漠漠寒雲四極開楚入風雨一登臺城頭雙闕  
御龍子集  
吹劍草卷之十一  
五  
連峰暗木末長江擁雪來地自蕭梁成佛土花  
隨講座布山隈而今誰問雲光事滿目陂陀盡  
草萊

登大報恩寺浮屠時毘盧廊廡俱已罹災  
矣

鋪金勝地已銷殘雁塔巋然壓井幹極目雲煙  
開海日傷心灰燼傍星壇悲風野嶺霜林脫夜  
雨郊原曙色寒欲問竺乾三昧法僧寮何處隱  
雲鸞

壬午除夕

任苒流光感二毛為郎羞臥白雲曹長卿消渴  
憐金露曼倩浮沉醉碧桃傲吏王公誰倒屣故  
人廊廟戀綈袍閒愁都付今宵盡明日春光到  
復陶

贈崇府王良醫代作

傳得葛翁肘後書王門許爾曳長裾橘垂秋徑  
繁新實杏滿春林繞故居授簡梁園堪作賦燒  
丹淮邳欲凌虛故人千里遙相憶桐栢雲深醉

御龍子集

吹劍草卷之十一

六

王除

元夜同京兆李公鴻臚方公王方二計部  
集景金吾邸舍

金吾甲第石城東元夜衣冠集王駟社共粉榆  
俱肺腑燈燒珠碧照簾櫳舞翻流雪金猊冷笛  
弄落梅火樹紅最是良宵堪劇飲海天復上月  
瞳朧

遊牛首山

雙鸞縹緲散芙蓉臺殿參差倚玉峯石燈偎雲

迷殺齒金鋪栖雨濕扶筇辟支洞古懸崖暗峴  
率岩高錦壁重為問諸天應咫尺拂衣欲去跨  
飛龍

郭哲卿侍御 召還原官賦以訊之

承明一上薦賢書忽向三衢問謫居姑蔑雲深  
寒劔佩仙霞路隘偏籃輿賜環此日看新詔焚  
草當年憶故廬驄馬重嘶湖畔月霜風一夜老  
芙蓉

送董中丞鎮撫耳州道洛歸觀

御龍子集

次劔草卷之十一

七一

寵頒黃鉞五雲間鐵騎長驅出漢關劔戟過秦  
橫殺氣橐鞬入洛慰慈顏月明青海黃榆靜日  
閃朱旗紫塞閑克國功成屯聚後徵書遙擬下  
燕山

劉參軍以護作昭陵蒙賞為題其卷

報道山陵使者歸紫泥書下動朝暉朱提珍重  
蠻方貢綵幣光分織女機仙仗曉霞瞻 御來  
天街夜月整朝衣承明拜捧絲綸重一寸丹心  
向瑣闥

中秋十四夜同大鴻臚方公比部方子及

集歐楨伯青溪館分韻得星字

高齋清燕欲忘形太史行占聚德星風細竹香  
來別院月明桂子落閒庭蕪蔭媿我休變樹醺  
醉多君滿玉餅好放襟懷同一醉人生聚散本  
浮萍

送楊選部子安入賀長至

秋風拂轡馬蹄輕望裡雲煙接上京路入中原  
搖劔佩星臨北斗近台衡綴行鵷鷺千官肅拜

御龍子集

次劔草卷之十一

八

衣龍墀兩闕晴聞道 君王方側席好將金鑑  
奏承明

發南京夜宿江浦縣懷部中諸丈

三載為郎帶舊京朝天此日出江城雲迷浦口  
三山暮月上石頭二水明錦被翻牽行客夢綈  
袍偏戀故人情重來把臂知何日愁見南天雁  
字橫

固鎮驛阻雨

淮浦北來擁傳行那堪風雨阻王程淒涼書劔



郵亭夜遼邈雲山塞鴈鳴僊去淮南無桂樹路  
通吳越有桃笙不禁旅况濃如酒更取濁醪獨  
自傾

睢陽懷張許二公

蕭蕭秋草遍睢陽城外猶存古戰場胡虜承恩  
終誤主孤臣忍死為勤王千年氣結愁雲紫百  
代魂搖落木黃欲吊神祠何處是寒鴻飛度幾  
殘楊

入河南界

御龍子集

次初車卷之十一

九

九載中原兩度還鄉音重聽解愁顏不因郊廓  
安周鼎自是歌謠異楚蠻茅店秋深停野水柴  
門日暮見晴山歸來漫擬遊梁客辭賦鄒枚未  
可班

過歸德謝守招飲賦贈守名表予同門年  
丈也

師門名姓共彭宣旅食金臺笑語偏分散十年  
傷渭北崢嶸五馬下幽燕城專闕伯棠新茂地  
關梁園賦欲傳邂逅祇今成繾綣高城白日照

寒煙

抵家有感

三年不侍板輿行歸見慈幃百感生篋底斑衣  
還自著雲中孤鴈向誰鳴園滿蓬蒿憐仲蔚逕  
存松菊媿淵明當年青鬃蒼如許贏得兒童問  
客名

謁考叔祠

遺英悟主重天常左史開編姓字香地主古今  
嚴廟貌村翁伏臘供椒漿風生大隧長聞賦雲  
御龍子集

次初車卷之十一

十一

擁黃泉擬見姜夷道森陰槐栢老每因瞻拜一  
徬徨

過夷門大中丞臧公招飲因問 雲陽事

時正月十有三日也歸而有述

計吏停駮汴水濱夷門春霽月華新羯來祭戟  
傳開府細酌盞觴問上真笛裏落梅摧火樹繁  
中生菜掩冰輪不因禮數寬吾輩青眼論心意  
自親

十四日藩臬諸公招飲大梁驛座有華燈

戲劇賦謝

繁臺月色滿城頭，冠蓋連翩占驛樓。豈是遊梁能賦雪，止因過宋共椎牛。高齋燈火珠璣爛，小隊笙歌笑語稠。虛左夷門真勝事，慚無籌策報君侯。

西亭王孫碩予署中因索予書目視之堅欲招飲以程迫辭免賦贈

十年投刺舊知名，此日梁園蓋復傾。問字楊雄偏載酒，讀書劉向志調羹。相逢欲約平原飲，別

御龍子集

吹劍草卷之十

十一

去其如北海情，謾道五車聊奮塵。與君談笑主齊盟。

元夜宿延津偶成

春雲散盡月華明，旅客徘徊河上城。嚴柝霜風鳴短壁，孤燈寒夜倚長檠。舊京閭巷銀花合，下里謳歌竹馬行。獨對嬋娟思遠道，故人何處不關情。

過鄴城驛

辭賦千年幾變更，鄴中七子擅雄名。翻憐多士

屠龍技不向三巴附，鳳鳴銅雀春深朝侍酒。西陵月冷夜談兵，穉穉今惟有漳河水。流作波濤繞故城。

過順德懷于鱗先生

分符畿甸幾專城，追憶翩翩歷下生。三輔材名歸北海，兩朝辭賦重西京。檐帷春暖桑田雨，保障秋深鵲雀兵。棠蔭祗今還蔽芾，因聽民頌罷長征。

過真定痛太中丞李公

御龍子集

吹劍草卷之十

十一

南國傳觴隔幾秋，忍聞丹旆去并州。纔來馮翊分銅虎，忽上雲霄記玉樓。紫塞旌收風慘澹，蒼公督紫荊等。白溝木落水奔流。羊曇誤入西州路，痛哭徬徨淚不休。

懋保定城南署中王守出顧語次驩如故

交賦贈

驅車北過望都山

望都山在定州西

石郡城隅暫閉關

豈意朱轡垂顧罷，忽開青眼坐談間。雙旌拂雪星軺倦，五馬嘶風日影閒。為問陳蕃能好士，安



排下榻待南還

過定興喜見縣令高年丈

鹿鳴歌罷幾經霜不見加餐字一行分袂常思  
燕市裡班荆喜遇薊門傍春花滿縣聊堪娛仙  
鳥逢人且漫翔莫道中原麟鳳少如君六翮自  
飛揚

過涿州新石橋敬賦橋蓋 兩宮太后發

帑金命寺人督役所建也

長信宮中降紫泥貂蟬疊石跨山谿驚湍雪擁

御龍子集

次初章卷之十一

十一

龍門隘馳道雲連華表齊自是波心通輦轂任  
教水底走鯨鯢漢臣題柱非吾事為頌媯皇駐  
馬蹄

過琉璃河行宮故基有感

閣道森陰俯大川漢家宮殿數牛泉真人入侍  
燒丹後野老懸思駐蹕年零落瑱題隨逝水摧  
殘青瑣起荒煙小臣不為悲禾黍一度徘徊一  
黯然

望見都城喜而有賦

十年不向 帝京遊依舊長楊陰御溝百二河  
山連紫塞九重宮闕比金甌雨餘郊野紅塵靜  
日上蓬萊御氣浮早晚朝 天瞻 鳳表神都  
擬賦獻 宸旒

寓城南觀音堂

雪消城堞薊門春習靜招提暫隱身漫對緇流  
緇目葉不禁清夢繞楓宸雲迷色界幢幡冷風  
掃空庭鳥雀馴欲學無生終執掌誓尋初地解  
朝紳

御龍子集

次初章卷之十一

十四

京邸閒居

二月終風入塞寒蕭條客邸任凭欄城堦日晚  
黃雲靜宮殿春回紫氣盤篋裡明珠聊自翫琴  
中流水向誰彈來朝擬上長楊賦猶恐 君王  
不自看

入朝有感

當年獻策到明光雙袖曾携玉殿香一自為郎  
留故國幾回翹首至天閭風高魏闕龍鱗動雪  
滿楓宸雉尾涼此日朝天疑夢寐好隨鷁鷺一

越路

春夜吳北部明輔携酒過予邸舍話舊有感

當年吳地共徬徨  
蘆荻秋風折鴈行  
南北官分司寇署  
晨昏夢想令公香  
多君邂逅還青眼  
我蕭條滯異鄉  
載酒論心悲往事  
不知新月墜西廊

月夜同羊王二丈集黃司功宅話舊

十五年前聽鹿鳴  
梁園賦雪喜同聲  
別來各躡

御龍子集

吹劍草卷之十一

十五

王喬鳥次第還吹子晉笙  
浪迹中原渾夢寐  
高情北海重逢迎  
移燈細話萍遊事  
城堞春陰醉月明

劉中舍載酒過予叙舊有作

薦書同領各髫年  
猶記夷門說墜鞭  
歲月驚看雙短髮  
別離夢想一華筵  
官聯薇省天顏近  
旅寓金臺友誼偏  
駐馬勞君重載酒  
不妨沉醉卧青氈

喜見孫以德翰林

明光獻策喜同君  
惠麓傳觴意更殷  
別後雙龍分劍氣  
竭來百里聚星文  
宮闈碣石談天處  
人在瀛洲弱水濱  
載酒雲亭期問字  
高齋明月坐氤氲

御龍子集

吹劍草卷之十一

十五

吹劍草卷之十一



吹劍草卷之十二

御龍子三十六

消上范守已介儒著

寧夏侯廷珩校

七言律詩白下草

秋興八首

萬壑森陰檜栢秋白門衰柳最關憂  
淒涼雲物迷雙闕蕭瑟江風動二鉤  
碁枰千家敲夜月禾麻百畝憶林丘  
中原翹首逢池近決瀨寒江怨釣舟

其二

御龍子集

吹劍草卷之十二

一

石頭城外草蕭蕭白鷺洲邊起暮飈  
三國雄圖空割據六朝霸氣已全銷  
黃塵起後寒煙靜白馬來時御柳凋  
最是傷心秋夜月淮西依舊掛晴霄

其三

搖落霜風碧樹殘  
蕪蔭白露滿江干  
千年丘壟埋禾黍  
百歲光陰迅羽翰  
玩世終當學阮嘯  
解紛何事弄遼丸  
忽驚白髮侵雙鬢  
欲覓蓬壺

冷難

其四

燕雀湖頭玉闕高  
先皇神武剪蓬蒿  
吳越那憐豐鎬宮  
鎖林光冷桔槔  
江送清聲還噴薄  
雲連山色自週遭  
黍離千古悲宗廟  
莫把遺音向月標

其五

昂湖龍去杳難攀  
聞道木冠堊此山  
白虎晨昏蹲棘石  
麟風雨長苔斑  
燕山六轡巡郊禁  
吳地千秋冷珮環  
供奉橋陵唯左徹  
西風不禁灑潺湲

御龍子集

吹劍草卷之十二

二

潺湲

其六

五雲宮闕度城鴉  
獨足臺邊聽暮蛙  
露冷丹楓藏翡翠  
風高白雁起蕪葭  
銅龍索寞空棲雨  
金井淒涼自落花  
閒陟覆舟山上望  
不堪回首憶京華

其七

玄武湖邊風露涼  
殘荷搖曳墜蓮房  
雲迷雁字千峰黯  
浪迫鼉梁一水長  
鳳去空臺憐蔓草  
鴉

鳴落日倚殘楊故園梨棗三秋熟安得歸飛取  
次嘗

其八

吾家大隧有槃東少學屠龍家已空鼓瑟齊門  
終接浙吹簫吳市任飄蓬思鄉夢遶藤蘿月識  
歲蒐搖鳥鵲風極目中原雲黯淡煙波幾處有  
漁翁

九日齊中對菊

孫陵岡外商飈館蕪沒前朝九日臺何處登臨

御龍子集

次韻草卷之三

三一

憑眺望吾家池館自徘徊東籬對菊開尊酒斜  
日臨壇坐草萊不是淵明歸栗里白衣誰肯送  
秋醅

林大理宅賞菊

朱羸冉冉殿群芳玉葉憑君聚一堂名入楚騷  
連薜荔種分井谷到柴桑星羅忽憶盧謚賦金  
盞還憐鮑照章總為凌霜標晚節與君共賞醉  
斜陽

其二

為郎畫省已三年每遇黃花一粲然世上何人  
分菊蕙籬邊空爾布金錢凭欄華髮愁相照對  
酒紅顏恨未堅為憶南山閒坐久欲修三逕自  
盤旋

送任子薦比部予告還蜀

十年通籍共綈袍落拓為郎念二毛蘆荻風高  
分塞雁薜蘿月冷聽江濤峽經滬瀨聞巴詠路  
入瀟湘憶楚騷消渴文園母久臥 君王側席  
簡時髦

御龍子集

次韻草卷之三

四

送劉長欽大理監兵滇南二首

萬里風煙擁傳行僊曹持節下昆明五溪月冷  
油幢度九頂雲高寶劍橫籌筆氣吞西洱漲建  
牙威壯夜郎城他年再奏唐蒙績共覩徵書下  
帝京

其二

握蘭漢省接仙班漸負材名伯仲間落拓吾仍  
玄武署飛騰君到碧雞山銅標路闊蠻煙靜玉  
壘雲生幕府閒回首金陵朋舊在魚書好遣過



江灣

李于田司封見貽一律賦以奉答于田剛

定六臣選注故及

蕭散為郎臥舊京衙齋吏散寂無聲梧桐院落  
時鳴鶴風雨樓臺夜吹笙刪後六臣歸大雅吟  
成七子讓雄名閒曹我亦沉冥者堪笑支離悞  
一生

次許太常八十述懷詩韻因以為壽四首  
雪髯猶勝麴米春吟壇飛動彩毫新青雲又息

御龍子集

吹簫草卷之十一

五

扶搖翼綠野常閒自在身西嶺扶筇搜玉檢北  
窓臥閣倚霜筠清朝丘壑多元老名世如公復  
幾人

其二

生來僊骨自延齡不向陰君學煉形倚杖風雲  
隨玉鳥開尊花月照銀甌十年吳市藏梅叟數  
世咸陽見歲星豈是扶身須藥餌籠中漫擬貯  
參苓

其三

八千初見大椿年花底笙歌日啓筵蓮社傳詩  
要白傳秦淮聽曲共樊川人遊竹下頻中聖地  
近華陽遇洞仙遶莫五陵高俠骨玄經草罷任  
閒眠

其四

翹首吳天紫氣遙真人蕭散臥終朝鼎鑪大藥  
時常就仙苑靈椿久不凋籌筆彩雲飛皓月吹  
笙白鶴下晴霄他年三老桓榮在袒割還期見  
聖朝

御龍子集

吹簫草卷之十一

六

甲申元日

一官落落寄江南愁數行年四十三春到難消  
雙鬢雪詩成還憶百花潭天朝雨露來常暮  
宦郊風塵久自諳不為高堂思未報歸心早已  
傍瞿曇

送汪俊先還婺源

青眼相逢白下亭過從促膝問黃庭駐顏媿我  
無丹訣飛步看君上紫冥洞裡神芝應共採琴  
中流水更誰聽別離莫恨蓬丘遠只尺東方是

歲星

題鄭武選三壽冊壽其父柳州公及其兩

母

五馬歸來臥浙東草堂春納浣花風庭幃三壽  
朋黃髮綸綰雙函下紫宮舞綵蘭香傳漢署稱  
觴醪醕走郛筒鄭莊盛有長安客誰獻仙桃到  
西櫳

壽李祠部乃翁封君六十有五

派分成紀衍仙宗七泰年來不杖筇有子今為

御龍子集

吹劍草卷之十一

七一

蘭省客承

思重換紫泥封靈椿枝光燕山

主井蓮開太華峯家近

天朝多雨露百年沉

醉臥高春

早春同陸史二比部及俞公臨周文美集

方子及青蓮閣有作

俠客招尋上井幹江城日暮共凭欄浮空佳氣  
青山近入夜春陰紫綺寒人是公榮堪對飲情  
非王粲自多歡萍遊此會知難得留取新詩醒  
後看

題青蓮閣內供畫佛設銅浮屠傍有竹榻

子及日遊其上予得一登賦此貽之

閣外春陰接御溝禁城梅柳暖香浮千山宿雨  
迷朱拱三殿晴雲照玉鈎蘇縉逃禪依繡佛元  
龍寄傲臥危樓登臨愧我沉冥久也到諸天最  
上頭

春興

南國春陰壓帝城辛夷花發暮雲橫衡陽雁

去迷湘水浦口潮來過晉營池草偏牽靈運夢

御龍子集

吹劍草卷之十一

八一

桃源翻憶武陵行郊園此日堪歸臥沈約移書  
志未成

宮中詞

聞道蓬萊紫氣濃金盤露浥玉芙蓉曉煙朱力

迷歸燕夜雨銅池起臥龍御輦宮中隨地駐

翠翹花下有時逢明朝擬幸耳泉殿誰奏長楊

到九重

秣陵早春倣李義山體

晴日瞳眈轉建章艷陽偏入五雲鄉風吹御柳



垂金縷兩灑宮梅洗靚粧春水蘆芽肥玉鱖暖  
煙蝶翅上沙棠長安走馬堪乘興無奈緇塵汚  
素裳

壽西寧侯宋忠甫曾太母八十侯故咸寧

公主裔也故及

王家富貴世承恩壺內春風紫綺溫星宿千年  
垂婺女簪纓四世見曾孫絲綸御墨題宮錦冠  
蓋行人致上尊八十年来歌燕喜幾回酌酒對  
蘭蓀

御龍子集

次制草卷之十一

九

詠楊孝子孝子父給事黃門以言事為忌  
者所擠下吏論死孝子哀慟而殞

請劍孤臣入網羅空囊稚子奈愁何索饋甯武  
憐叢棘流涕王哀廢蓼莪招過楚魂歸不得恨  
同蜀魄淚空多九原曹否聞新詔伯起榮名已  
不磨

寄題楊太宰桃花嶺

海上僊山接帝畿真人別業鬱巍巍桃栽方  
朔千年種霞散蓬萊二月輝隱几輕香徐入戶

開尊紅雨欲霑衣乾坤整罷堪歸臥未許漁郎  
問釣磯

壽黃封君及其夫人

吳野高懸處士星輝連婺女照青冥隱同蔣詡  
聞三逕教比玄成有一經拜詔封中泥盡紫  
稱觥堂上鬢雙青百年蕭散渾無事花底笙歌  
倒玉餅

上陵

松楸十里護橋山黯淡群靈擁帝關七萃當

御龍子集

次制草卷之十一

十

年屯虎旅九京何日起龍顏雲迷寶鼎湖光暗  
鳥散蒼梧竹影閑最是小臣悲杖屨徘徊此地  
不知還

送錢工部克賢監榷蕪湖

纔得逢君又送君白門離思總繽紛來叔寶  
看如堵別去真長意不群画艇波澄生渚月高  
城風度小孤雲遙知估客歸仁後平準書裁太  
史文

後湖堤上作

玄武湖頭爽氣多為郎匹馬日經過三山黛色  
浮金鏡十里荷香送玉珂臺榭當年餘草逕圖  
書昭代護煙波歸心欲逐扁舟客蘆葦秋風覓  
棹歌

送鄭二歸海鹽

握蘭爭識鳳皇毛忽憶鹽官問海濤十載岩廊  
憐執戟三秋澤國任持螯湖平橋李扁舟穩雨  
歇吳山屐齒勞病肺還須金掌露莫貪午夢老  
江皋

御龍子集

吹劍草卷之十一

十一

送郭曹長入計

留滯周南鬢欲斑西風足馬入燕山醵頭露冷  
參仙仗雉尾雲開璫聖顏名動山公勞啓事香  
分荀令散朝班君主近有耳泉幸賦就長楊莫  
更刪

送陳世勉入計

驚座名傳漢署郎入朝爭接令公香翻憐玄武  
湖頭月嬾上黃天蕩裡航玉殿秋雲明翡翠天  
街夜月走飛黃與君共訂平原約待我同來典

鷓鴣

送韓克一計部北上

與君十載共飄蓬此日驪歌送去駉秋水寒星  
馳薊北晚山落木憶江東綈袍故友寧無戀辭  
賦甘泉欲早通我亦束裝隨驥足可能相待訪  
山公

壽黃母王太安人七十

江許爭瞻婺女光潘輿來自具區旁風輕翟服  
明黃髮日暖萊衣舞畫堂子為三遷成金德歌

御龍二集

吹劍草卷之十三

十三

聽五袴見循良上樽應有

君王賜好頌白華

獻壽觴

次歐楨伯述歸詩韻因以贈行

乞骸疏廣古今疑正是西京全盛時白首未蒙  
文帝問青山應與向平期壯遊勝地行當遍詩  
思歸途總不疲惟有故人多悵望每從清夜夢  
光儀

吹劍草卷之十二



吹劍草卷之十三

御龍子三十七

洧上范守已介儒著

寧夏侯廷珮校  
扶溝李時芳

七言律詩

送鄒爾瞻曹長北上

曾輟清朝供奉班只因抗疏忤龍顏拾遺自古  
難容杜啓事于今不姓山雲冷秋曹人自去帆  
飛江水杳難攀 君王此日收英雋好聚夔龍  
殿陞間

送賈君集博士應試南都還靈璧學舍

御龍子集

吹劍草卷之十三

一

洛陽才子重西京講授淮濱化雨清久卧中原  
懷玉璞竭來上國奏咸英龍泉自是需雷煥狗  
監應知進馬卿莫嘆廣文官獨冷看隨計吏上  
承明

送范原易郎中出守南昌原易先令南城

擢比部主事故及

當年塵甑數萊蕪此日專城握虎符候吏爭看  
新五馬兒童猶識舊雙鳬西山月冷窺仙洞左  
蠡雲開泛大孤為問褰帷行部日可能思憶到

玄湖

壽沈封君

南極星明瘴海間隱君雙鬢欲成斑碧桃花自  
名山種紫誥恩從帝里頒鑒落盃中分玉露惠  
文冠底認童顏遙知萊服蹢躅日階下猶多玉  
笋班

送王藩甫計部入賀長至

我去君來似轉蓬我來君去又匆匆傳觴乍飲  
三山月擁傳還朝五柞宮金埒霜寒嘶駿馬彤

御龍子集

吹劍草卷之十三

二

廷日冷度飛鴻知君上罷長楊賦應與夔龍集  
禁中

送魏司勳入為光祿丞

江左山濤舊有名重遊青瑣列勳卿乍看朱雀  
橋頭月歸聽長楊樹哩鶯御苑風高頻候輦大  
官署曉試調羹 君王吐哺求忠諫骨鯁無忘  
獻聖明

送林廷尉守石阡

虎符新綰下陪京五馬長驅萬里行民雜荆蠻

勞無字路通益部久澄清法星移照銅標近卿  
月遙連玉壘明莫惜長干輕遠別微書指日下  
江城

送勞曹長入計

三載明刑獨著勞如君聲價重西曹石城乍別  
玄湖冷金殿重趨紫氣高計吏名尊光答事故  
人情重戀綈袍耳泉對罷天顏喜湛露承恩醉  
碧桃

其二

御龍子集 次劍草卷之三

三

欲唱驪駒不忍聽與君攜手勞勞亭洞庭橘熟  
憐卿月鍾阜荷香聚德星北舍逢迎頭近白臨  
岐惆悵眼偏青知君留侍承明殿應念蕪蔭傍  
水汀

題游贈君隆中半榻圖

一村煙雨望中迷下有南陽處士栖聖世自甘  
雲臥穩蓬門獨對月華低圖成紫氣移細素展  
玩清光映佩觿我亦沉冥求避俗那能卜築傍  
前雞

題蕭司理寶綸樓

二十餘年夢羽衣祇今甲第見翬飛蓬萊仙去  
遺丹竈井幹樓成帶翠微落力溪流分皓月捲  
簾山色送晴暉鸞書漫道君恩重猶有庭前  
玉樹輝

送陶懋中駕部入計二首

曾列鵷班侍紫宸周南畝滯幾經春名成爭易  
王忱草宦拙寧如汲黯薪日冷秦淮看驟馬雲  
高魏闕聽批鱗驪駒此際聊同賦別後春林滿

御龍子集 次劍草卷之三

四

渭津

其二

白社過從不憚勞交情歲久戀綈袍閒曹我惜  
分龍劔上國人爭識鳳毛績畝山公裁啓事賦  
成辭客讓揮毫漢家白虎收群俊知爾承恩  
近復陶

訓廖明河先生

明河夜望靜無塵萬里懸流不可親兩界星分  
環北極九霄月滿印平津橋通靈鵲憐牛女石



取支機媿漢臣安得凌風生羽翼與君嘯傲去  
垂綸

丙戌長至齋宿偶成

寒威栗烈襲胡床漢省誰添五夜香庭樹風高  
聲颯颯湖山雪霽曉蒼蒼空聞藜杖窺中壘未  
許荆釵犯太常寂是秋曹偏落寞何人止輦問  
馮唐

與諸省丈夜酌話舊有感

衙齋夜話喜連牀衣袂重披荀令香幾度歡騰

御龍子集

次劔草卷之三

五

樽酒綠十年潦倒鬢毛蒼時清漫學嵇中散眉  
白空傳馬季長却怪宣城終偃蹇晚來詩賦動  
情唐

寄送方子及省丈入計北上有序

已不佞得同子及周旋郎署間二歲于茲足  
稱莫逆交乙酉冬予以入 賀行明年留滯  
消上者數月計子及當為計吏矣緬惟揚舲  
之日供張都門外歌驪駒者不知其幾百人  
也予忝朋從若之何其以隔遠廢下里也乃

為詩一章命倅馳祖之情見乎辭

為賦閑居滯消盤聞君六月發江干遙憐客邸  
應彈缺曾向秋曹共握蘭受計明堂高漢室獻  
書北闕動長安絲綸符竹尋常事湛露恩波出  
大官

壽劉司封翁媼八十

南極星連寶婺光白頭雙進紫霞觴傳經劉向  
名長在批脯麻姑體自康碧海桃成千歲實紫  
泥書下五雲鄉莫將萊綵誇仙吏還睹兒孫滿

御龍子集

次劔草卷之三

六

建章

送桑省丈入計

益部人傳撫字勞握蘭意氣重西曹仙郎歲起  
明光草計吏春瞻御苑桃獻納有時隨玉輦逢  
迎到處念綈袍知君五馬歸來早莫向風塵感  
二毛

丙戌除夕

不信微名誤此身殘年猶滯大江濱空傳起草  
煩仙吏未有加餐慰故人藜火總憐劉向讀綈

袍誰救范睢貧歲華屢度成何事羞見蒙頭白  
髮新

丁亥元日

去年曾侍紫宸朝此日陪京轉寂寥  
容散吏冠裳未許聽仙韶寄身南國雙魚少回  
首中原二室遙何日承恩分虎竹行春到處問  
民謠

元日庚寅大雨雷電癸巳甲午大雪志異

有賦

御龍子集

次劍草卷之三

七

攝提初見斗杓迴漠漠寒雲鬱不開  
雨過轉雷翻石壁風來飛雪滿山隈  
沅澌澱地蛟龍起舞絮漫空鳥鵲哀  
為問春秋書異後更生洪範幾人裁

人日

幾度春迴白下亭高齋坐臥對玄經  
淒涼雲物逢人日潦倒風塵滯客星  
攬鏡髮非前歲綠出門眼得幾人青  
閑曹最喜無多事好把柴扉日高

送少司空方公還南陽二首

五十投簪僅見公勲名况是漢司空  
淮南桂發聞車過蔣詡堂開有逕通  
家近鹿門身共隱歌隣郢市調逾工  
萍遊愧我羈微祿未許過從到漢東

其二

共擬家居曳履行那堪解組問春耕  
夢龍暫爾違芳躅泉石聊為結勝盟  
花滿江皋開祖帳雲深雉犢擁霓旌  
知公歸臥無多日應有徵書下

御龍子集

次劍草卷之三

八

帝京

贈胡太學大慎寧陵人亦知詩者

南國青衿集辟雍於君邂逅見林宗  
馬逢伯樂堪稱驥劍到延津欲化龍  
感舊綈袍增意氣論文樽酒任過從  
相如應有凌雲賦未得鄉人奏九重

之官關中別部中諸友

六載同為漢省郎追陪常接令公香  
星軺江月催駉服雲樹天風失雁行  
攬轡范滂慚解綬



金直以故傾囊秦關此去三千里回首吳門欲斷腸

曹長方子及出察滇南予亦叨後關中臨

岐悵然賦此為別

握蘭漢省共馮唐慚媿蕪葭玉樹傍憲節一朝  
分去路昆明兩地坐相望三秦夜月迷承露六  
詔晴雲麗點蒼最是關情行部自能無飛雁過  
衡陽

別同年諸丈倣唐人失粘體

御龍子集

吹劍草卷之三

九

白下分曹媿濫竽春風幾度醉屠蘇安身廊廟  
君仍在執掌風塵我自徂秋陰渭汭低紅樹夜  
雨江東長綠蒲追憶當年携手處能無搔首一  
踟躕

次楊州同鄉沈侍御招飲臺中夜既壯

丹賦謝

星輶重向廣陵遊邂逅逢君意氣投坐久渾忘  
驄馬使尊空欲典鷓鴣來春風移檻天香發夜  
雨挑燈海氣浮不為綈袍憐范叔那能沉醉去

還金

過盱眙望拜祖陵有感

皇家圖錄慶源長三祖神栖泗水傍漢世園陵  
初署令周京畢郢盡鍾祥石麟風雨群靈護華  
表雲煙野鶴翔展拜幾回思劍鳥松楸獨對一  
徬徨

次新鄭慟高少師肅卿

東國當年贊帝猷先朝王袞儼宸旒姚崇死去  
名長在盧杞生全恨不休東里新祠高鄭相西  
御龍子集

吹劍草卷之三

十一

州舊路慟羊侯所忠未有君王問封禪遺書肯  
上投

虎牢關有感

穆滿禽荒肇虎牢千年鼙鼓役群豪晉侯城戍  
工謀楚董相屯師派拒曹蹄較祗今通汴洛關  
河依舊枕碣磬慚予空是終生侶匹馬西遊嘆  
二毛

過鞏洛吊宋諸陵

當年石櫨斲南山此日蟾蜍出世間白虎不

躡墓棘蒼梧誰復染筠斑春深杜宇啼紅血日  
暮樵歌起碧灣寂是傷心翁仲侶道傍猶自守  
朝班

義昌懷古

野鎮名存古義昌董公曾此說高皇指揮立見  
摧強楚談笑猶能固首陽俎豆千年嚴廟祀功  
名一代著折常乘輅魏我經行日未有蘋蘩侑  
一觴

宿硤石驛

御龍子集

卷之三

十一

山行終日苦盤跚喜遇郵亭一解鞍門繞白雲  
千嶂合庭栽古木兩虬蟠囊中藥物聊須酒市  
有藜羹可當餐為問秦中何日到先驅應已動  
長安

函谷關憶尹喜

青牛西去此經過關尹曾占紫氣多文字五千  
傳道德河山百二染煙蘿仙源媿我迷蹊逕羽  
化憑誰到大羅欲向關門尋勝事枯楊蔓草過  
山阿

潼關覽勝

雄踞秦都百二關路當崤通檻河山城臨疊嶂  
千巖拱門扼驚濤九塞還日閃朱旗寒虎谷夜  
聞刁斗落雲間 聖朝重譯通方國客有雞鳴  
亦等閑

華陰道中望岳二首

峻嶒碧玉望中懸欲眺三峯隔紫煙祠有明星  
堪避俗門容箭栝可通天雲衣高護仙人掌瀑  
布長滋太乙蓮為學長生憐勝地囊中惜少買

御龍子集

卷之三

十一

山錢

其二

百疊芙蓉簇太華層巒中有古仙家壺公室內  
遺丹竈玉女峯頭落彩霞勢逼雲霄通絳闕青  
連秦隴到龍沙欲從白帝尋真訣望斷藤蘿路  
轉賒

驪山溫泉二首

石火陰焚燎劫灰釀成神漢煖如醅春生玉甌  
飄香膩皮繞銅池煮翠苔繡嶺宮深勞想像華



清名在漫徘徊堪憐舞罷霓裳曲鼙鼓漁陽動地來

其二

清沁雲根吐玉泉驪龍應抱火珠眠脉通銀海燒魚燭地近華峯長石蓮神女浪傳消唾跡明皇虛費洗兒錢臨流欲滌塵襟淨為憶娥眉一點然

重遊少林

名山初地又經過秋嶺雲深老玉柯石隱高僧

御覽十集

吹劍草卷之三

十三

還面壁泉飛壘嶂自懸河三花欲採迷金界二室平分擁翠螺為愛禪林來問偈翻嫌塵鞅惱頭陀

天宮白松

亭亭玉立望中懸根托瑤姬事浪傳三冷瓊枝疑帶雪月明珠藥半含煙扶疎色借浮丘鶴綽約情深姑射仙自是千年塵外物無人移植謝庭前

其二

聖龍飛落碧霞宮片片龍鱗散朔風翠血盤雲連遠麓冰肌如雪倚長空歲寒色共梅花白麗光分鶴頂紅為問瓊林應似否千年呵護神功

御覽十集

吹劍草卷之三

十四

吹劍草卷之十三

吹劍草卷之十四

御龍子三十八

消上苑中已介儒著

寧夏侯廷珩校  
扶溝李時芳

七言律詩

皇極殿拜 聖壽敬賦

月轉彤廷紫氣浮，雞人初報五更籌。  
衣冠總集三千國，拜舞遙瞻十二旒。  
雲近翠恩明雉尾，香生寶鼎散龍樓。  
臣同效華封祝，朝罷徐歸鳳沼頭。

出京次良鄉簡都下諸友

御龍子集

吹劍草卷之十四

入朝喜接令公香，無那驪駒送客裝。  
碣石宮深談自劇，桑乾水淺路初長。  
天街憶爾搖仙珮，旅邸憐吾挾隱囊。  
一望五雲盤魏闕，不堪搔首賦河梁。

途中與黃丈偕行時近重九賦以訊之

蓬萊同上萬年杯，况是郊原接踵來。  
客路風塵憐我共，窮途懷抱為君開。  
班荆喜叩匡時畧，入國慚無奏賦才。  
九日登高元勝事，欲尋佳地一徘徊。

九日淇門道中次黃丈韻

征衣黯淡染紅塵，勝日蕭條過衛濱。  
野渡沙明漁釣歇，高原風急馬嘶頻。  
題糕未敢先吟客，落帽何妨做古人。  
為問囊中錢幾許，前村遙見酒旗新。

九日次衛北志感一首

去年茲日秣陵遊，今歲馳驅衛水頭。  
籬畔黃花應自放，盆中綠蟻共誰浮。  
登高何地堪乘興，擁傳還鄉足破愁。  
漫把茱萸思遍插，白雲目斷大河流。

御龍子集

吹劍草卷之十四

二

陽陵錢明府禱雨有應賦贈

茂宰憂民禮社神，塵途匍匐苦連旬。  
天回酷暑留殘稼，人似洪濤救涸鱗。  
百里棠陰長蔽芾，兩河仙令自嶙峋。  
蒼生海內思霖雨，應作商家一畝臣。

沔池署中書懷

西入秦關北地過，朔風颯颯妬鳴珂。  
雲迷晉嶺歸飢雁，水滿河梁罷釣簑。  
旅邸何人憐范叔，雍



門猶自因韓娥會盟臺畔餘秋草為憶相如一  
浩歌

贈姚方伯報寂承恩一首

抗疏當年批逆鱗頭復見鳳毛新名成九牧  
推西土望起三台動北辰詔下紫泥承寵渥親  
仍黃髮受封頻行看入接變龍武昭代于今有  
世臣

過藍田南山作

千岩迴合劍鋒攢路入青冥叱馭難幾處泉流

御龍子集

吹劍草卷之四

三

歸大壑數家煙火傍危巒寒惟嵐染檐榆濕倚  
馬風吹袴褶寒回首白雲迷漢樹西京相望路  
漫漫

藍橋懷古

藍水潺湲繞磧鳴裴航此地遇雲英野春爭似  
聞仙杵山色渾如到玉京為憶瓊漿生百感因  
窺玄兔欲三更如何空號神仙宅不見瑤姬弄  
月明

過秦嶺謁韓公祠

詩草名爭日月光誰憐足馬向潮陽詩成秦嶺  
雲常暗夢破藍關跡已荒地為千年存廟祀風  
欽八代起文章我來瞻拜無蘋藻聊賡巴人當  
一觴

題四皓祠

皓首巖栖豈浪遊強扶國計為留侯本因王呂  
成誅呂未必安劉是滅劉丹水幾家供伏膺白  
雲千載護園丘當年多少從龍客廟食于今俱  
已休

御龍子集

吹劍草卷之四

四

出關戲簡余君房學憲

出關爭問棄繻生何物西來浪請纓二載長安  
成底事幾回函谷賦于征雲深渭水迷秦樹星  
度華巒照漢城此際行人堪立馬西京辭客正  
縱橫

次靈寶夜逢長至起拜 聖壽

計吏乘輅出漢關苑林彌節對南山仄飛律管  
黃鍾動座落勾陳御宸闈仙仗旌旗隨豹尾嵩  
呼澤陞見龍顏欲將膚帶具符去獻與重瞳

九還

陝州道中

分陝當年說召公，  
棠今日亦成空。  
山連一華通周道，  
河入三門見禹功。  
風雨東來還自避，  
干旄北去與誰同。  
寨帷欲問巡行事，  
古木蕭蕭一梵宮。

汚池懷古

汚水滔滔繞趙營，  
當年鼓缶事堪驚。  
停驂欲問盟秦處，  
擊節還高謝蘭情。  
地接嶺函餘霸氣，  
途

御龍子集

吹劍草卷之四

五

愁風雨滯王程，  
隱囊坐對湖東月。  
一任啼鴉報晚晴。

悼內

輜輶隨我入秦關，  
無那乘鸞去不還。  
泉路自應悲綠鬢，  
歸魂誰與問青山。  
秋風敲竹霓裳冷，  
夜雨挑燈角枕閑。  
最是關情兒女輩，  
泣分梨棗向雙鬟。

抵涓上

欲到鄉關感路岐，  
秦隄羸馬自遲遲。  
秋深波靜

黃崖水日暮風高，  
白雁陵塵裡孤城回。  
睥睨林中稚子避旌旗，  
相如不為題橋至。  
寄語王孫莫浪疑。

涓上吟八首

涓上當年駐翠華，  
范宮擬作帝王家。  
圃田虎旅傳清蹕，  
大沼龍舟泛暮花。  
飲酒許男開湛露，  
捧綸祭父走蕪葭。  
自驅八駿崑崙去，  
漸澤垂楊隱暮鴉。

其二

御龍子集

吹劍草卷之四

六

春朝携客一登樓，  
地抹平蕪見涓流。  
北盡經林連制澤，  
南來赤坂倚桐丘。  
雲迷魏戍三亭暮，  
雪壓韓城七虎愁。  
最是宛陵牆畔月，  
夜深猶照紫光溝。

其三

平沙漠漠半蒿萊，  
曾記鑾輿出狩迴。  
法從三十三星并，  
合天閑十二錦雲來。  
葭中搏虎琯戈轉，  
桑野食魚翠幄開。  
惆悵井公空對博，  
來遊未有矢音材。



其四

參辰兩界應星文南北封疆此地分陰坂夜低  
沙海月宛城秋度瑣侯雲驅車渡水看駝牧倚  
杖臨臯數雁群自是中原饒氣色消盤仙靄尚  
氤氲

其五

憂旱商王淚不禁白茅自繫禱桑林鑿車影度  
康溝月雲罕風高豫數禽天自犧牲回造化龍  
從陂澤起井霖當年王輅歸何處賸有靈湫自  
御龍子集

吹簫草卷之四

七

古今

其六

中原地敞曠襟期欲傍林鄉覓酒旗逢澤秋深  
楊柳岸桐丘霜老碧梧枝臨流擊楫思東里問  
道扶筇謁具茨我自沈冥耳市隱不妨擬作詠  
懷詩

其七

古今何地不風塵為有名賢可卜鄰嫁衛誰憐  
列禦寇遺羹爭慕賴封人瑣亭莽蒼餘秋草人

隨依稀隱畫輪欲問靈妃濯髮處月明曲浦有  
垂綸

其八

長明溝外草離離正是春光欲暮時月滿鴻臺  
回白雁風生號澗語黃鸝棊林色借平泉樹大  
沼波饒習氏池欲草玄經堪臥隱家徒四壁亦  
相宜

良鄉苦寒

燕野冬深白晝寒座間槐火映灰殘風生鯨海  
御龍子集

吹簫草卷之四

八

三山動霜暗貂裘五袴單吹律何人回黍谷踏  
冰危我渡桑乾欲傾斗酒迎東帝肺病于今入  
口難

盧溝橋

盧溝水上一龍蟠影入清流玉鍊寒翡翠千年  
通百越旌旄一路走三韓銀河鵲傍微垣結渤  
海神驅碣石殘不是支祁沉鐵鎖風波滿眼到  
今難

寓報國寺二首

計吏城隅暫索居禪關欲閉自攤書頓令身入  
維摩室且喜門無長者車閑聽聞黎繡貝葉夢  
隨清梵到華胥幾回識得瞿曇指不向人間著  
子虛

其二

行藏偶寄化人宮三殿氤氲在眼中雲遮蓬萊  
光爛熳月臨琪樹影朦朧未隨鷓鴣驚曉闌且  
傍菩提悟色空縱有綈袍憐范叔魚書不許故  
人通

御龍子集

次初草卷之古

九

寺中偶成

蘭若風彫季子裘分符誰識漢諸侯行藏漫寄  
蒲團外名姓高懸玉宸頭隨牒功名堪嘯傲積  
薪歲月自淹留來朝擬獻長楊賦未許明珠暗  
裡投

靈石道中即事

連朝驛路咏皇華行遍山坳與水涯洞口人家  
饒柳色灘頭院落擁菰花隋皇石古苔侵篆介  
子祠荒樹集鷗欲問春畊今幾許沿流無地藝

桑麻

過韓侯塚瞻拜遺祠有感

韓侯塚畔草離離為憶當年拜將時楚國山河  
初破碎漢家勲舊盡危疑椒房浸聽通絺語鐘  
室誰憐拒蒯辭千古松楸遺晉嶺行人涕淚灑  
荒祠

仁義驛懷古

驛乃唐太宗斬宋老生處

義旗初動晉陽宮戰伐南來第一功帝業自應

御龍子集

次初草卷之古

十一

歸聖主霸圖誰教佐征童山留王氣千峯合水  
護行營百折通吊古停驂頻看劍數聲鶴唳滿  
長空

過霍州懷曹正夫先生

先生為我朝理學之倡薛王陳胡皆  
其繼響者今議從祀止許四公而不及  
先生故末句及之

一代真儒翊聖綱書成不數子雲玄行藏文學  
匡衡老事業談經戴德傳十載青衿沾化雨百



年絳帳憶歌絃祗今俎豆諸生禮未許前賢讓後賢

望霍太山因早有所雨意

青連姑射玉為岑半挿彤霄揖岱宗晉地河山  
皆拱向中原岳鎮幾登封書遺原過要無卹壁  
寄秦池誚祖龍秩祀于今虔歲事能無膏雨慰  
三農

曲沃道中

攬轡蕭蕭驛路長緇塵滿眼漬羅裳青鋪麥隴

御龍子集

次知章卷之十四

十一

迷新逕經吐椒聊拂短牆北望藐姑思鹿女南  
瞻王屋憶雲房堪憐曲沃能圖晉霸氣于今總  
散亡

渡澮水觀孟姜女掌痕

姜女世傳蒙恬同時人然不見經傳莫  
可徵據顧澮水南岸有拍崖掌痕土剝  
復見亦大奇絕但恐出于附會耳意見  
乎點

野渡潺湲澮水流覓夫美女倍添愁天留掌跡

待湘竹人到河干憶栢舟勝事青編應有據芳  
名彤管恨無收揮毫欲續更生傳家世茫茫不  
可求

聞喜道中喜雨

三月輕塵塞路飛行人偏厭染征衣天驅屏翳  
來高岫水借馮夷浴落暉帶露野棠初韡韡和  
煙岸柳更依依農家應是開新釀明日携壺賽  
社歸

弘芝驛書懷

御龍子集

次知章卷之十四

十二

委轡泓芝日影斜開扉聊自飯胡麻風來香送  
桐花細雨過青添苔色賒采芑無三秀草乘  
輶憶駕五雲車何年解脫塵中累久逐仙人愕  
綠華

三月二十是兒鐫七日蒲州道中感而有  
作

天涯此日獨傷神憶爾魂歸戀有濱地下修文  
應幾載人間灑淚已連春車囊螢火光如在案  
服斑斕事欲陳最恨王郎能作賦靈光纔就便

沉淪

蒲州署中檢閱

橫經絳帳領諸生  
閉閣那堪對短檠  
夜冷青氈聊伏枕  
春寒白疊惡聞鶯  
火吹藜杖庭中墜  
露浥金莖思長卿  
莫道揚雄耳寂寞  
長楊賦就動西京

其二

手把新篇倦欲拋  
詩成寧復費推敲  
泥塗轅下誰憐驥  
雲雨池中漫起蛟  
肯傍名山探二酉  
欲

御龍子集

吹劍草卷之四

十三

尋福地問三茅  
玄經應有桓譚識  
不向時人著  
鮮朝

塲中觀士子作文

遙爐日上散晴暉  
坐閱群髦靜掩扉  
戰鎧分排魚麗陣  
春蠶爭織繭絲衣  
莫言結綠鋒難敵  
賸有乘黃步欲飛  
為憶明年龍化日  
滿門桃李競芳菲

學琴

閑將綠綺寫幽懷  
絃索聲銷韻未諧  
拾翠花時

逢浦淑鳴珂月夜聚天街  
歌傳虞帝風誰識  
音賞鍾期願已乖  
却笑相如名漢代  
琴心一曲動金釵

驚悟

高齋獨坐漫操觚  
庭樹搖風鳥亂呼  
宦况祇應餐二韭  
鄉心早已傍三奎  
夢中胡蝶終歸幻  
洞裏神芝差可圖  
不去河清誰可待  
滿頭霜雪自胡盧

寓蒲州簡潼關蕭使君

御龍子集

吹劍草卷之四

十四

河干分袂幾經春  
雲樹依然見渭濱  
玉女星明高二華  
函關氣紫照三秦  
談經愧我雞窓冷  
耀武憐君虎帳新  
欲訪山陰修禊事  
嵐煙岸柳滿蒲津

普救寺

門倚崔嵬草徑斜  
僧寮寂寂暎殘霞  
雲封雁塔低祇樹  
烏亂風箏靜法華  
名入辭林羞迦葉  
詩傳花影憶僊娃  
欲依初地談生滅  
忍見垂楊有暮鴉



運城同趙朱二使君登海光樓

危樓縹緲禹城西載酒同登聽午雞翠滴瑤岑  
雲外合光浮銀海望中迷風來水許檐榆薄人  
在壺天島嶼低不橫經食課士携書高臥待  
青藜

絳州署中即事

槐栢森森蔭短牆小橋流水過池塘葉搖蕙草  
香風細花吐葵心粉蝶忙琴奏石壇聲更好茶  
烹竹火味偏長閑來書卷成拋棄坐對松陰納

御龍子集

吹劍草卷之十四

十五

晚涼

其二

長夏山城景物幽綠波深處浴盟鷗花迎曉日  
歎榴火樹擁晴煙起蜃樓鳥語隨人紫客思泉  
聲入夢破離愁羲之賸有蘭亭筆獨坐山陰曲  
水頭

五日絳州述懷

客邸思親淚欲彈那堪佳節不承歡包金角黍  
憐誰共泛玉香蒲好自看遠勝兒童分壽縷垂

碧稚子動齊紈歸心飛度昭餘數千里雲山道  
路難

其二

薰風颯颯草芊芊五日欣逢靜曉煙朱戶誰家  
懸艾葉清波何處聞龍船相如病肺常辭酒屈  
子傷心自詠荃為憶當年分陝日碧苑花下對  
嬋娟

御龍子集

吹劍草卷之十四

十六

吹劍草卷之十四終

吹劔草卷之十五

御龍子三十九

有上范守已介儒著

舉夏侯廷卿校  
扶溝李時芳校

五言排律詩

抵蘭州

回首京華遠關山道路長終朝迷草徑此日到  
蘭疆城傍濬并麓民分秋與羌月升山无紫日  
落野雲黃風送胡沙暝寒侵楚簾涼邊陲寥廓  
極不必踰河湟

七夕迴文十韵

御龍子集

吹劔草卷之十五

秋到思離久鵲橋喜蚤成羞描雙黛翠笑擲一  
梭輕收盡機與錦飾齊瑤竝璫稠雲擁渚暗朗  
月映天清哀露酌色滿割霞堆案盈愁多話舊  
約別苦訴新情休問欲分袂却彈暗淚傾悠悠  
碧漢隔歷歷白榆明週歲憐孤影短宵嗟斗橫  
幽居自徙倚嘿嘿兩心縈

春日畧中卽事

遲日寒雲靜春風白露消江梅舒淡頰仄栢散  
青衫膏土催萱草韶光醉柳條覓花蟲趨輓

嫩雀聲驕紅吐薔薇嘴綠回篁竹腰蘭芽抽細  
玉桃蕊撮生綃石潤苔藏鯉松柔蒿逐鵲煙迷  
別院樹曦暖舊年蕉鴟遶池邊桺鵲銜欄外寂  
靜觀萬物意方寸愈陶陶

送秦寧侯陳公辭任留樞奉母北還

帶礪傳家久韜鈴荷主知承麻司筭簪擁燾  
馭熊羆豐鎬雲煙靜秦淮風日熙傾葵依魏闕  
戲綵戀慈帷鼎能崇養尊鱸不禁思陳情披  
悃素解組荷恩私馳傳綸音重扶輿翟弟移春

御龍子集

吹劔草卷之十五

二

風鳴榮戟遲日嚴旌麾新柳拂朱幘飛花點土  
璫依雲歸紫極就日覲丹墀朝請沐天寵團圞  
奉母儀膳分堯簋脯樹種漢園梨聖主欽獎  
德巴人奏俚詞閒居且莫賦樞筦恐相推

送葉可鳴北部出守南安

符竹分天府旌幢下帝鄉專城當楚魯攬纒  
近衡湘禁火需廉范還珠待孟嘗神君新握組  
僊吏舊含香五馬嘶彭澤雙轡遶豫章兒童爭  
戲竹郊野欲栖凰熊軾拂新柳鹿車倚茂棠章



江澄夜月庾嶺敷春芳冕服褰帷重徵書擁傳  
忙故人千里念吾輩有龔黃

壽湯母七十

奕世簪纓重慈幃雨露盈壽光連寶婺靈昭走  
飛瓊珠復集瑤席金貂簇玉璫六珈明彩盥五  
齊倒銀罍王母分桃賜麻姑批脯烹霞鳴曾少  
重笙奏董雙成戲綵卷龍前稱觥聚蟻明恩承  
九穀飯膳進五侯鯖翠鳳連翹舞青鸞傍砌鳴  
年年長夏日壽宴啟華甍

御龍子集

吹劍草卷之十五

三

白下書懷六十韵

晴牕自隱几忽憶少年場總角窺南畝班衣舞  
北堂斷機母教肅取果第恭彰車胤牧螢火匡  
衡引壁光蛟龍頭角短離鳳羽毛香志在爲霖  
雨心期效管簫雲雷爭變化風日競翔翔歲月  
蹉跎久鬢眉次第長暴腮魚屢困則足壁終良  
方歇搜騏驎公車簡棟梁鳴珂隨御苑嬰璧  
貢天閭玉殿傳呼永金閨姓字芳輝毫題  
雁塔正笏舞鵷行唾手留金馬彈冠侍御牀

露桃憐未種道李竟誰嘗名隸司徒署儲供張  
掖疆西風過灞澹朔雪近胡羌萬里王程急三  
秋驛路忙歸來棠樹萎虞罷柳條黃謁選山公  
署蒙除水國傍六年司郡理三尺視民傷桂楫  
徇吳會雲旌遍海陽爰書非鹵莽捧檄更助勸  
大慙逢羅網微寬出火湯覆盆多見日幽谷豈  
疑霜報最天顏喜論功帝錫慶寶綸揮  
紫錦僊帔煥雲裳泉壤榮新命荆簪易舊妝  
徵書擬下及困翮欲高颺媚竈心懷恥投珠怒

御龍子集

吹劍草卷之十五

四

若狂按圖索駿馬削牘禁神羊除吏權同古守  
株計未臧留都容拙宦卽署事深藏期會畢  
吾職馳驅問客裝馮唐雪滿鬢方朔米盈囊彈  
缺無魚肉延鑿問膏肓鹽車能蹙驥腐鼠豈矜  
鳳矮屋頭方縮凌雲志不揚馬卿空有賦楊意  
未同鄉秦郇貂裘敝延津寶劍亡一貧憐范叔  
對泣憶王章抱璞羞三獻跂星恨七襄解頤憑  
坐隱聚首聽傳觴強自尋幽勝逢人論秕糠湖  
光空黯淡山色總蒼茫蕪沒瓦棺閣淒涼石子

岡景陽井欲塞同泰寺尤荒寂寞石城月飄零  
荻渚航揮犀辭羽客掃榻臥禪房撥悶談金鼎  
療愁洗劍鉞誅茅開小圃鑿地啓橫塘菡萏紅  
連水簷簷綠映牆籬根培蘓蕙階畔樹莓苔疎  
柳交文牖新蕉蔭覆隍開軒當遠岫脫帽趁幽  
篁神王刪玄草菟搖嘆白楊畏途非盜蹠安寢  
是義皇守黑終爲式鳴堅必遇強從衡嗤鬼谷  
恬澹志庚桑富貴非吾好窮通任彼蒼

挽朱封君

御龍子集

吹劍草卷之十五

五

浩劫去無停憐君已脫形神迷千日酒養棄五  
侯鯖昧谷日方入泉臺晝欲局人歌殪露曲天  
暗少微星故老失黃髮元精上紫冥板輿來汶  
泗丹旄逐淄青蒿里過雲嬰佳城發柳銘緱山  
迴子晉華表語丁令曠士齊生死拘儒憶典型  
臨風三酹酒涕泗已交零

寄題楊太宰桃花嶺

乾坤開海岱厭次入平原路接蓬萊近山連不  
注繁赤泉流世澤伯獻起丘樊別業營新墅芳

林護短垣桃分磅礴種花似武陵源風紳回紅  
頰香濃襲綠樽霞明瓊樹暖月上火雲昏曉色  
搖書幌春暉散竹軒門牆依錦里父老共僊村  
千歲經開落三偷見吐吞玉盤隨阿母玄觀笑  
遊轅志拔河陽宰風高狄相門平泉歸臥日海  
畔卽崑崙

壽陳明府五十名文選代作

射策金門早飛章玉殿多豺狼橫道路日月遂  
蹉跎柱後冠曾換囊中草不磨澶淵司筦鑰江

御龍子集

吹劍草卷之十五

六

游靖風波飢離腰能折行藏鬢欲皤無非知伯  
王有夢到銅駝仲舉官仍達陳咸調若何賜環  
終擁傳飛鳥看張羅攬揆逢長夏銜杯且半酤  
冰盤沈緝李綺席舞青娥有弟羈鍾阜無因下  
曲阿遙看溟渤紫爲賦日升歌

方伯襄城姚公三年報寂 誥封其祖父

賦贈

七聖遨遊地忠良起世臣傳家積諫草報國慮  
胡塵敷歷恒分陝勲名久著秦保釐多雨露出



納總經綸岳牧勞稱取山公於獨頻官階除日  
重綸綽上恩新寵渥光三代榮名歸二親  
行看開幕府佇擬躋台苗伐閭知誰竝無庸嘆  
積薪

御龍子集

吹劍草卷之十五

七

吹劍草卷之十五

吹劍草卷之十六

御龍子四十

甬上范守已介儒著

華夏侯廷芳校

七言排律

送鄭比部之官滇中治兵臨沅諸郡

四月霜旌出帝城長驅萬里赴王程  
星明列宿高三署檄動百蠻耀五兵  
路入巫山前負弩驂停錦水暫稱觥  
從征印箠今司馬略定牂牁漢長卿  
寶劍光搖寒洱海長纓色動暗昆明  
夜郎應頌唐蒙績羌蕤終欽葛亮名  
此日驪歌聽御龍子集

吹劍草卷之十六

一

壽何封君

臯比橫經化雨繁黑頭解組臥丘樊  
孤松自撫陶潛徑二仲時遊蔣詡園  
金谷詩成山白眼蘭亭楔罷倒清尊  
壺頭雲過渠書潤陸口春深草木蕃  
千歲靈椿長蔽芾九苞雛鳳看騰鸞  
青鸞時致贈城信紫錦頻承魏闕恩  
戴月鳴琴挑

葉渡杖藜攜酒杏花村蘇門吟嘯真無累盤谷  
徜徉靜不喧莫向桑榆問日影南山松栢正翻  
幡

御龍子集

吹劍草卷之十六

二

吹劍草卷之十六

吹劍草卷之十一

御龍子四十一

消上范守已介儒著

寧夏侯廷芳校  
扶溝李時芳校

五言絕句

暮春郊望四絕

江南三月曉桃李正芬菲目斷長安路美人尚  
未歸

其二

夢遶鳳皇樓身羈鳴鶴藪芳艸路芊芊日望翹  
其首

御龍子集

吹劍草卷之十七

一

其三

燕山路何長一望三千里予美事遐征迢迢逐  
春水

其四

楊柳迷古渡江花爛熳開鯉魚傳錦字應傷五  
湖來

春日北軒小述四首

白日閒雲靜春風曉露收花香留過蝶柳色駐  
鳴鳩



其二

山靜嵐光翠池明日影圓繁花爭映錦細柳欲垂煙

其三

浮綠方塘煖霏紅小檻饒棠舒飛瓦雀桃綻隱鷓鴣

其四

芳草鋪茵翠天桃簇錦明風來香撲袂鳥過語如笙

御龍子集

大劍草卷之十七

二

北軒九詠

予衙齋有小軒為聚九物其間而縱吾身心以為適因命之曰九二軒其說見記中茲不復贅聊為九詠以寄興

其一書

遍搜二酉藏璀璨三千軸掃榻倚南牕焚香細細讀

其二渾天儀

璿璣倚玉衡濬哲欽平子象外見天機滾滾無

終始

其三畫

誰人拂練光寫此滄洲景坐我白雲間恍然凌倒影

其四碁

坐隱堪消日橘中事浪傳閒將三百六兩角關觸蠻

其五桂

為憶淮南詠移來夾運栽金門藏大隱何必住

御龍子集

大劍草卷之十七

三

山隈

其六金經

勺水注盆池畜此赤龍種有日際風雷高飛雲霧擁

其七荷

翠蓋映漣漪田田搖明月洛妃舞迴風高襯凌波襪

其八竹

覓將碧琅玕種此青溪曲一夜北風來數竿敲

寒玉

其九雜花

托根同土膏四時異芬馥莫道天工巧剪裁有遲速

文房雜詠十三首

象管筆

中山毛穎子象郡自封殖為我輸琳琅開緘常五色

銅康鎮紙

御龍子集

次劍草卷之十七

四

金馬空流譽銅駝浪得名何如鉅鹿子壓倒楮先生

嵌銀銅筆架

銅山饒鼓鑄銀氣散輝光所以管城子徘徊不離傍

象隱臂

皎潔比琅玕憑君散酷暑運肘欲臨池汗流不浹楮

玉印池

誰將卞氏璞鑿削藏丹雘為模篆刻文落紙紅灼灼

瑪瑙研紙

陸離秋水澄團圓似明月拂拭薛濤箋寒光應手發

玉釵唾盂

良工琢玉環肉好隨盂面唾吐濺珠璣交射晶光亂

玉虬墨函

御龍子集

次劍草卷之十七

五

宛轉碧玉虬蟠此玄精匣珍重莫臨池飛騰不可狎

玉柄刀

寶刀金錯落短柄玉光輝藏處白虹繞攜來紫電飛

玉柄錐

截來白玉簪粧此錐頭穎不是囊中物流光夜夜逞

紫檀呼童



俄客愛清幽齋懸一寸柝兒童戶外眠側耳聽  
剥啄

香鼎

高架博山鑪滿藝沉水香南華讀不盡一枕臥  
匡床

象柄塵尾

長柄削紅牙蛟螭蟠處冷攜來不用揮寒色逼  
日影

御龍子集

吹劒草卷之十七

六

吹劒草卷之十七

吹劒草卷之十八

御龍子四十二

消上范守已介儒著

寧夏侯廷珮校  
扶溝李時芳

六言絕句

復酌對菊

月上寒林皎皎風來絕壁淒淒對酒黃花欲語  
凭欄白雁爭啼

警悟

曦馭誰能頓轡還丹我欲封爐口裏雌黃易定  
壺中歲月難圖

御龍子集

吹劒草卷之十八

一

閒居四首

几上牙籤漫展匣中寶劒頻磨鳥啼牆邊弱柳  
風翻沼裏新荷

其二

雨細芙蓉放葉風輕茉莉飄香悶至三杯濁酒  
興來一曲清商

其三

介憤牀頭跏坐芒鞋淨雪遠滌一卷南華在手  
數聲海燕臨頭

其四

玉笛鄰家自弄銀鈎天畔遙懸日暮高巢歸鳥  
風清疎柳閒蟬

御龍子集

吹劍草卷之十八

二

吹劍草卷之十八

吹劍草卷之十九

御龍子四十三

消上范守已介儒著

寧夏侯廷珩校  
扶溝李時芳校

七言絕句

鼎湖驛

鼎湖龍去千年久那是衣冠古墓丘滿眼雲山  
蒼翠裡洪波隔斷首陽秋

長安有感

長安自古帝王都漢武秦皇建嘉殊勝幾千年  
隨渭水終南山色自堪圖

御龍子集

吹劍草卷之十九

一

監軍庄

帝子監軍築塞城沙丘遺詔恨難平亡秦竟  
阿誰者一諫坑儒禍已萌

邠州

萬山堆裏覓城頭一派閭閻依斷丘七月遺風  
今在否行人猶說古公劉

中秋日夢未刈

五月麥秋傳自古西涼別自一人間飛殘白雲  
天如水翠浪翻風倚半山



鄉思

三千里外孤身客五鼓床頭一夢迴滿耳疎櫓  
風弄雨不聞雞送曙光來

春日迴文一絕

晴色曉添新柳綠暖烟晨擁艷桃紅鳴春候鳥  
啼聲巧迎日鮮霞錦拂風

重九後一日發京師通州道中三首

紫宸辭罷下神州爛熳黃花已暮秋回首燕山  
丹樹老更無萸子掛枝頭

御龍子集

吹劍草卷之十九

二

其二

灞橋東路走塵車堊老登高纔到家爲問重陽  
一夜雨庭前催放幾黃花

其三

長安道上野潦收衰柳新豐黛色秋獨酌馬周  
人不識落英笑買泛醪醕

月下抵張家灣一首

茫茫野水海天秋萬里晴霄月滿舟今夜不知  
涼幾許使君新下帝玉州

河西務晨起大霧迷川二首

睡起推牕望水東縹緗霏霧滿長空孤帆搖曳  
翩翩處人在蓬壺雪浪中

其二

空濛飛靄塞川頭咫尺誰能辨馬牛聖世久  
無涿鹿戰豈應十里護蚩尤

夜泊東光城外

碧天瑤月玉樞明幾轉曲流百里程夜泊不知  
何處所城頭譙鼓已三鳴

御龍子集

吹劍草卷之十九

三

其二

月轉蓬牕露滴涼孤燈攜卷臥匡床東光城裏  
三通鼓遠逐西風到野航

高唐州西潁遇雨

漠漠行雲遠碧空霏霏夜雨暗隨風巫僊喜赴  
高唐約錯認襄王在濟東

廿六晡後經清平西野心忽煩憤忡忡然

有感志之二首

一絨尺素慰慈闈二十餘朝朔雁飛應是高堂

念遊子開函啼淚欲沾衣

其二

封人大隧近吾家井幹樓頭栖暮鴉忽想遺羹牽遠夢覺來依舊臥星槎

子房山

烏江齒劍韓讎雪沛上歌風漢業新請得留城封域近歸來猶見故園春

其二

黃石有神已受祀赤松無伴欲投簪不知棄却

御龍子集

吹劍草卷之十九

四

人間事曾否綸巾到故林

彭城驛二首

秦家霸業隨灰燼衣錦歸來耀故鄉一去鴻溝不復還彭城雲暗月蒼蒼

其二

沛上兒郎入漢郊東南王氣已潛消彭城自古非都會誰教將軍耀錦袍

下邳驛

秦皇酷烈方坑士孺子橋頭復受書英雄自古

神人護大索非關法網疎

其二

穀城黃石豈能神橋下傳書應有人料是老翁埋姓字恐人談說到西秦

其三

六籍方飛秦火煙老人何處有遺編橋頭却恨傳兵略不授三墳二典篇

宿遷縣項羽生處

學書學劍總無成何用生兒蓋世英人厭秦皇

御龍子集

吹劍草卷之十九

五

為假手八千子弟是佳兵

其二

項伯輪將衛漢君只拚卮酒便盟姻不知舞劍鴻門後曾否承恩下壁纁

泛黃河八首

碧垂四野蔚藍天浩浩滄波裊裊烟一葉輕舟隨逝水蓬壺海上走飛僊

其二

十里平沙十里湍晴波渺渺水雲寬一剪清風



標鷁尾回頭飛過野狐灘

其三

新月懸鈎釣水涯寒星數點傍洲沙輕提桂楫  
隨流去莫問崖頭織女家

其四

羲和纔駕五龍車紫浪千重走赤蛇翹首碧天  
低四幕誰傾金液照窻紗

其五

飛霧空濛暗雨隄畫橋高柱帶雲霓蒼山幾點

御龍子集

吹劍草卷之十九

六

橫波水不辨峰巒指顧迷

其六

飄飄寒雲片片開碧天赤水共蒼埃波心靜處  
飄紅日疑是觸舟萍實來

其七

浴鷺渦邊排浪堆險如灩澦亦奇哉數聲款乃  
煙雲裡珠濺雪飛一路開

其八

轉轉曲流望眼黃不知何處是淮揚舟人指點

桃源近雲裏荒城見女塢

桃源縣

淵明當日志桃源水畔山崖草樹繁是僊人  
能縮地又離絕嶺到平原

桃園驛

易水王孫建鼓鞞股肱先得兩熊羆下邳駐牧  
流離日不是桃園軟血時

秋日同宋孝甫曹長觀分牡丹

閒曹小院靜無譁坐見南山紫氣遮吏散衙齋

御龍子集

吹劍草卷之十九

七

人寂寞呼童分種牡丹花

其二

國色天香絕世姿秋來枝葉總離披移根欲種  
瑤臺上分付西風且莫吹

其三

無術能開頃刻花且隨時令養瑤葩根深莫怕  
霜風妬待得陽春吐絳紗

其四

仙花分種倚欄干好護枝頭一寸丹爲想明春

應爛熳與君攜酒更同看

金陵雜詠二十三首

臺城

荒臺暮雨草芊芊十里湖光接碧天為問當年  
同泰寺梁皇曾此夜聽禪

石頭城

嵯峨十仞固金湯不管降旗出建康日暮寒煙  
凝薜荔至今猶自色蒼蒼

樂遊苑

御龍子集

吹劍草卷之十九

八

元嘉禊飲賦新詩春滿園林闕綺辭千載復  
山畔月空隨銀漢照旌旗

華林園

脩然林木動遐思晉帝風流日在茲闕闕私  
三十里更無魚鳥駐遊絲

新亭

新亭灑淚幾人愁回首中原恨未休江外陸沉  
三百載至今猶自笑南囚

勞勞亭

離別當年折柳條江干把酒怨星軺祇今縱有  
陽關曲不向荒山聽晚潮

青溪柵

一曲青溪抱古城佳人長恨太阿橫千年弱柳  
搖風雨猶似當時涕淚情

景陽樓

五夜鐘聲動景陽宮娃爭起闌紅妝東昏去後  
無消息白日寒鴉度野棠

商飈館

御龍子集

吹劍草卷之十九

九

翠華九日上高臺接踵千官奏賦來誰道孫陵  
岡上月秣今索莫照青苔

昭明讀書臺

萬卷牙籤攤滿牀當年抽繹費雌黃日攜辭賦  
欽名姓為覓峯前白玉堂

沈約郊園

帶眼頻移憶瘦腰郊園歸臥避塵囂繁蔬密果  
今何在極目平林落暮鵲

驃騎營



雲屯十里聚貔貅坐擁旌旄護帝州問鼎當年  
多大慙不聞一旅靖江洲

受禪臺

受禪荒臺倚石城姦雄移鼎慕高名長江獨抱  
興亡恨日湧波濤瀉不平

臙脂井

宮中恰唱後庭花鼙鼓聲來散鬢鴉一自軍人  
窺井後至今珠翠委泥沙

龍天王井

御龍子集

吹劍草卷之十九 十

妬婦纔投已化形梁皇寶懺竟何靈井邊空享  
龍天祀爭似宮娥詠小星

覆舟山

六朝殿閣鬱嵒嵒勝日登臨御輦過不謂黃塵  
料理後松雲巖月映寒波

花木雜詠

木蘭

寒香裊裊散晴煙幾朵春雲護白蓮檻外一枝  
斜照水瑤池波上舞飛仙

杜鵑花

望帝春魂啼夜月淋漓血淚灑枝頭殘霞片片  
迎紅日不禁騷人一段愁

玉簪花

雲間夜過許飛瓊遺落仙簪掛杜蘅幾度西風  
明月下化成白鶴欲飛鳴

吳下呼為白鶴花以其開後形相似也

鳳仙花

彩鳳翩翩下五雲枝頭飛舞日成羣西風一夜  
歸天去遺下碧桃落水漬

其子似桃故云

御龍子集

吹劍草卷之十九 十

幕府山六詠

達磨洞

佞佛梁皇慕上乘眼前猶自失真僧折蘆一去  
無消息洞口春深掛綠藤

梅花水

春風到處有梅花為愛臨池玉影斜爭似壽陽  
妝束罷鏡中幾點對窗紗

湧泉菴

飛錫何年卓此山龍湫淺濬護禪關臨流似洗

塵襟淨欲共瞿曇住不還

嘉善寺

磬外招提夾翠峯白雲深處隱疎松山僧不慣  
迎遊客為具袈裟起暮春

觀音巖

圓通妙相倚靈巖檻外慈雲護石函我欲皈依  
觀二勝徘徊不忍着春衫

旣雲石

石壇突兀掩山隈玉立雙峯入望來過眼春雲

御龍子集

吹劍草卷之十九

上

隨住去莫教錯認是陽臺

發京師東走通州

長楊獻罷下神京潞水東來掩去旌莫道新  
豐饒柳色邊城三月未聞鶯

夜抵三河王明府就飲署中話舊有感

十載分飛失雁行薊門相見柳初黃憐君載酒  
堪同醉欲借雙鳬到滄陽

關中雜詠十首

沉香亭故基在景龍池旁

名花國色兩相依曾侍君王醉不歸一自清平  
歌調歇胡塵飛上縷金衣

興慶池

即今景龍池地

興慶池頭駐翠華阿環半醉闌奇花祇今臺館  
猶堪娛不是當年帝子家

曲江

千門宮殿憶前朝細柳新蒲夾御橋不道當年  
遊冶地春來野叟問耕樵

雁塔

御龍子集

吹劍草卷之十九

上

雁塔峻增幾百秋題名恩重比金甌祇今空有  
慈雲護青史全無一字收

說經臺

五千文字啓玄風妙指千年恨未通為問尹文  
成底事說經徒傍化人宮

漢陂

簫鼓樓船泛漢陂風流長憶少陵詩祇今十里  
南山曲惟有寒流繞路岐

馬嵬



駙馬當年泣至尊  
倉皇玉碎豈堪論  
翻憐七夕  
丁寧語不吐  
綵珠解報恩

阿房

阿房宮殿一何巍  
複道纔通帝不歸  
天為亡秦  
平衆怨故教盡棟作灰飛

銅狄巷

金人十二計銷兵  
夾道猙獰怒目橫  
自是秦皇  
誇瑞應祗應移入櫟陽城

承露盤

御龍子集  
吹劍草卷之十九  
承露金莖逼漢間  
一杯玉液駐童顏  
武皇去後  
無消息不見吹笙駕鶴還

吹劍草卷之十九

吹劍草卷之二十

御龍子四十四

甬上范守已介儒著

寧夏侯廷珩校  
扶溝李時芳

詩餘

大江東去  
用蘇東坡韵

留都乍入檯望眼遙睹金陵景物鍾山王氣千  
年盛盤繞丹崖翠壁雲外長江風中激浪平地  
堆寒雪爭古奪今銷磨多少豪傑○天啓皇朝  
神祖剪翳除氛號令雷霆發定鼎功成卜世永  
萬古應難磨滅剝虜當年憂民乙夜蕭蕭蒙華

御龍子集

吹劍草卷之二十

髮民到而今瞻仰如懸日月

滿江紅  
用武穆韵

佳氣龍蔥盤鬱處幾曾休歇笑六代區區爭強  
成何功烈鐵索空煩江內火石頭虛照淮西月  
聽商歌一曲後庭花空激切○百王耻今方雪  
萬古忿一朝滅憑赤手補完西北天缺龍下鼎  
湖難共挽弓遺烏號堪泣血繞神都百萬舊  
山河環幽闕

憶秦娥  
次朱淑真韵

秦樓曲淡黃衫子人如玉人如玉青鸞信杳愁  
眉頻蹙○雲鬟倭髻新妝束玳筵開處相追逐  
相追逐行雲散後巫山六六

眼兒媚 次朱淑真韵

灞橋板折柳絲柔啼淚住還流芳年易老幽期  
難再目斷秦樓○池塘日暖雙鴛起無柰惹離  
愁薜蘿山下丁香樹底步步回頭

虞美人 次何仲默韵

巫僊夢裡垂青盼臨去秋波轉嬌嬌杏臉帶微

御龍子集

吹劍草卷之二十一

十一

醺眉畫遠山雙鬢綰烏雲○陽臺雨歇無消息  
恨少凌風翼春桃一夜墮殘紅無限思量盡在  
柳煙中

右三辭原韵見戴仲鶚集中余弱冠時取  
而和之以視劉翁高翁高瞻然曰可以衙  
官蘇黃矣亡何失之茲檢故帙得其艸欲  
付回祿氏不忍也姑存于此以見幼年手  
筆乃爾耳

吹劍草卷之二十

吹劍草卷之二十一

御龍子四十五

消上范守已介儒著

寧夏侯廷珮校  
扶溝李時芳

序類

送黃翰伯出守廣南序

國朝甲令諸尚書即高等多出為郡刺史郡刺  
史最親民元元若否所關非尚書即不可而夷  
徼為尤重非行能軼出等夷質有其文武者不  
之予意若云靖荒服匪易易云不與甸綏諸郡  
相等埒也然善辟匿者往往規易地跳重難亡

御龍子集

吹劍草卷之二十一

一

不如所幾以去即不幸一注遐陬亡論莽錯驗  
熾間關萬里外即少邇亭障與圻圻相隔越亡  
不錯憚狂眎汗涔涔不自禁欲捐其籍而去之  
矣則何以故難其稱也初翰伯由貴溪令異等  
徵守尚書戶部郎司留都錢穀度支當大司徒  
倚重如左右手滿三歲計最

天子下璽書褒嘉予一級爵寵光渥甚亡何尚  
書比部郎缺縣官深惟民命拔翰伯守比部郎  
每大司冠有所疑讞輒移翰伯曹亭法當臯無



所比撓署中籍甚大司寇倚重不減尚書戶部  
時歲辛巳滿再考復齎計上時當出守不疑衆  
咸幾必得股肱善易地乃翰伯誣誣自好亡所  
庸趨舍其間及除書下得滇之廣南衆咸噴噴  
不為翰伯稱幸乃翰伯無幾微見顏色語不佞  
以縣官需材務當如卷中庸固宜掄置萬里外  
第土酋桀黠每不與縣官吏相能往懼無以得  
要領填撫其地以報塞 明命萬一又何敢望  
縣官不近畀吾守也不佞嘉其義擊節久之嘗

御龍子集

吹劍草卷之二十一

二

聞諸父老言廣南在古夜郎比明之南裔其南  
即日南地自漢武郡縣後未幾輒沒無復有桀  
入其阻者唐宋大一統俱不能入版圖我國  
家覃敷聖化斬灌莽而疆理之翦入幅員然亦  
以夷夏吏酋雜治之不比于中國其為俗輕僞  
驚驚者利好關與之比偃蹇驕譎不比拂起如  
蝟毛踞踞詭莫可譙讓其酋目顙擗懿刺任  
夷中法從事不說我約束吏守茲土顧不難哉  
雖然猷不云忠信可行蠻貊而盤錯別利器耶

翰伯之器干將也刺傳無留行且目無全牛遊  
刃于有間剗如也又何宵蔡大輒之能為翰伯  
之行至行也潛寇默移異類或且傾注而襲衣  
冠圓帝化者顧將木石其心耶君侯往矣毋報  
塞不能是懼予將拭背以睹滇南之裔行與渤  
海潁川比最也異日有以 天子下璽書萬里  
外徵二千石為大司農等官來報者必翰伯其  
人矣

消學 先師殿落成圖序

御龍子集

吹劍草卷之二十一

三

消學 先師殿落成之有圖也蓋圖許大學鴻  
構之功云學有 先師殿舊矣大學何構為儻  
敝不新成守土責耳而又何所事大學范子曰  
此大學之義為弗可及也已蓋消之學宮初自  
俞公廷芳當洪武草昧初規畫陋甚二百年来  
婁厓脩葺唯是墜漏皮頽炫以丹堊母令見剥  
落已爾亡論垢蠹中幾亡以肅矣 神明即使  
完禔若閔宮而棟宇堂廡規撫湫小亦非所以  
壯吾道之宮牆聳衆人瞻仰也嘉靖甲子歲安

定王公植來令我洵欲撤其舊新之苦無所需  
就計于大學大學教然諾之歸白母氏母氏曰  
若果贏于訾邪吾慰若之施寧毘廬剝舍以為  
德也學宮迺風教地 先師殿又 天子崇聖  
詰而錫民極者曩若惠徽先人寵荷 天子明  
錫遊藝于其中得有所籍資上觀 帝雍而比  
之造俊之士惠至渥也則夫毘 天子弘聖化  
非若責邪而何以白為當是時耳大學之諾者  
或駭汗竊嘆以為其言不我信而大學則已筮

御龍子集

吹劍草卷之二十一

四

日往除堂皇矣亡何王公以憂去大學不為中  
止經營愈力蓋庀材鳩工絲髮不以奸縣官而  
昕夕躬督其下分任亞旅以程其工而稟之食  
井如也經始于乙丑九月訖工于丙寅八月靡  
鏹千有一十緡而棟宇闢阿始稱鴻鉅矣為高  
尺計四十有五為週尺計二百有四十眎肯殆  
倍蓰之操黜丹雘燦然炳耀落成之日上下改  
觀咸以為聖道富美至是始有所宣世也當是  
時嘉大學之義者自部使者而下交檄旌之僅

篋錯于庭復重其母義方之訓並揚其發節為  
樹堅珉鐫顏以表厥里報至稱也迺博士王君  
省吾范君俊張君坤復命史繪落成圖遺大學  
使藏之家意若曰微大學之力不及此縣大夫  
不得而有之云而問序于不佞不佞以為世之  
贏于訾者何限歎怪夫白圭已寡婦輩撻笮推  
之術亡一善狀俱垂名史策千百世不朽至或  
傾動人主為懷清之臺以風者謂之何哉大史  
公所謂人富而仁義附者豈其然乎而白清輩

御龍子集

吹劍草卷之二十一

五

乃亡可稱數矣至漢卜式願傾帑餽粟助邊亦  
唯是從史人主自為尊顯地乃武帝竟大拜式  
卒副其初心而式亦何裨國家理道至褻縣官  
爵予為也大學非贏于訾者又亡所覬覦乃至  
靡簠金數十百鎰新學宮而恢拓之其眦卜大  
夫奸寵為何如而白清輩筮盈縮自肥亡毫髮  
裨益國家者見聞之當媿汗泚淫下矣而當事  
者未聞條上 天子議所以顯庸風當世惡在  
其為報至稱也他日搢史筆者儻特書其事當



必照耀簡策而百世而下豔慕之籍籍不容口  
則大學之榮施無既矣是圖之有無又烏足為  
輕重哉

壽范貞一先生五十序

蓋不佞嘗閱新都圖經云其山谷糾繆岬嶺想  
其无磅礴而盤鬱隆隆起不替也或者曰人生  
其間也必蔚有文不佞曰固也无之英英爾已  
厚曰必貴有位不佞曰固也无之莽莽爾已厚  
吾意其幽悠龐固者鍾之其間必有隱君子抱

御龍子集

卷之二十一

六

貞而志怙鬱為眉壽與古綺角者埒而未之或  
聞也則今范伯子本丞者殆其人辱哉不佞未  
識伯子而聞之辱其弟原易甫原易甫敦篤君  
子也與不佞同對公車又同守尚書郎 留都  
曹其稱言伯子行殆不妄云蓋伯子少業儒家  
言勤伊吾不勸欲由博士弟子為用世計會其  
父松林公捐館舍無可持家人產者乃棄伊吾  
從計然術為鹽筴淮楊間欲逐什五奇勝而特  
籍其贏而性顧質直不欲為筭權計又仁不忍

人急有請輒貸之去至或徒手丐可得不計其  
券有亡也于是橐中裝稍旁落矣乃逌然曰使  
吾賈幸而取贏紫鉅萬且不得與逢掖齒况未  
必贏辱而吾何事握蹠闐闐間為也吾不有仲  
氏服儒而可藉辱蓋自是趣裝歸里中不復事  
家人產矣亡何原易舉于鄉乃益杜門為恬養  
計時取百子言涉獵之間有所會意則手自劄  
記成編帙久之殆盈篋纏纏皆格言矣性善飲  
稍勞即浮白大醕之不至醉即醉亦温温飲襟

御龍子集

卷之二十一

七

坐不妄出一語以故人狎愛之每燕集衆咸喁  
喁爭効觴不忍輕舍去而伯子復篤友于誼與  
昂季處油油如也初原易下帷時饘粥一藉橐  
中裝即羔雉費亦歲不貲伯子分賈所贏供之  
不幾微見顏色及原易計偕後又十年而讐南  
省居常同七箸內外雍穆無間言其二男子俱  
令從原易課詩書不問其勤惰唯間為德誼語  
勅勉之里中兒重其篤行也有所爭曲直輒來  
質成得一言亡不人人懌悅也亡復有後言先

是有族豪弱伯子兄弟漁其家人產者後原易  
警公車貴顯矣或勸之直于官伯子曰吾仲氏  
不以發軔奸有司而報族人睚眦為也其人聞  
而歸所漁信誼孚于宗黨蓋如此不佞以為世  
之儼捷佻巧子何限以賈則撻而縮計纖毫而  
取贏或繁鉅萬以居里閭則挑之詞譎持他人  
短長賈其智而罔之名非不竭然動邑里之豎  
子哉而烝竭則僊乘之曾未幾何而溘先朝露  
矣孰與夫伯子之恂恂也得永常貞固之道耶

御龍子集

文御草卷之二十一

八

吾聞伯子年已五十矣鬚髯色澤勐力神爽若  
方少壯者自此而耄耋而期頤不著可知古所  
謂綺角者流非斯人其孰與歸按禮五十稱服  
政不言老壽亦不言賀而茲壽伯子也非以其  
五十也以其有耆壽之德又鍾幽悠龐固之烝  
當享永年自今日而履其端爾故書之以授原  
易使聊藉手以稱觴也不知原易以為然否

壽陳世安先生七十序

歲壬午之正月蓋陳世安先生七十壽云先是

先生未耳順時則弟世勉領鄉書薦于 廷又  
四年甲戌錄于公車對策 殿陛間而先生年  
六十三矣世勉為贈餘姚公莫年子少先生三  
十有一歲其成進士業皆先生所隆就故其德  
先生為深而思有所報先生至是由縣令高第  
守尚書刑部郎與下走連曹署又同登上也亟  
過走謀所以藉手壽先生者至微所以為壽狀  
則鬱陶言吾伯兄氏蓋得之深仁厚積而亡所  
發故食報于未艾云初伯兄氏治經生業為博

御龍子集

文御草卷之二十一

九

士弟子聲籍甚始為新安潘尚書督學時所拔  
士公秉人倫慎許可以故人人器重伯兄氏即  
伯兄氏亦自負恃不終搶蓬蒿間而數奇要不  
讐顧時時自檢敕脩冉閔行事先府君與兩妣  
氏色養亡少違先府君晚歲始舉不佞最勗生  
不佞六年見棄先府君又四年先妣復不祿而  
不佞乃筓筓不自立待命伯兄氏當是時其不  
殫殫財賦蘭絲耳又何敢微有今日幸伯兄氏  
轍手駸哺不致隕蔑復課不佞學不勸蓋嘗教



不佞云吾生平勤伊吾不能博一命以榮顯先君子是爾兄負也償爾兄之負是在仲子矣而不佞乃時時執經就伯兄氏授講讀與群在帷下者共質難疑義蓋終身無外傳而竟用錄于縣官矣方伯兄氏授經時群弟子解屨錯戶外而家方旁落不能具饌粥乃雉鷺外無所責問每曰吾豈以鬻糶為也其與姻黨及里中兒處俱由由無町畦肺腑洞然人人各極意去無不稱愉快至或以訾利相問遺即緘介不撥也故

御龍子集

卷之三十一

十一

郡邑察操行者必歸焉會有詔予博士弟子久不售者爵時督學宋公察伯兄氏行誼當予乃檄有司以章服往伯兄氏不欲受強之勉為一御終衣故衣弗屑云下走嘗念詩稱壽考必歸樂只而尼父論仁亦必以壽終之顧世每以回跖反鑑為疑端則天道者果遠難知哉是不然矣世安先生醇行未易舉數乃事親孝乃受徒庶乃與姻里由由無町畦乃受章服若不屑俱可稱仁而未也若夫鴻淫沫長弱仲惺然

餘而傳之德業而翼之扶搖之翮亡論李世握臚子即古甚盛德何以加諸理當得上壽無疑則從心之年乃日之昆吾鳥次之景尚未離乎女紀爾且也踟躕多蘊籍任巖廊器而弗偶于肯知非天之故耶要褻也聞先生有丈夫子若適孫各讀其父祖書遨遊膠序間而待沽于公車則其憤先生之負固不啻一仙弟已耳則先生之食報于期頤固未有涯而厥子若孫復將以其貴貴之而綸命赫奕又何但今日之所

御龍子集

卷之三十一

上

被服云下走嘗緬惟閩海之濱夷衍磅礴氣隆隆亡所寫其間必有麗厓皓顛叟如漢黃綺其人者出而徵國家之盛則先生是矣則先生是矣他日傳隱德者當必首先生又何所藉吾言哉

壽焦母杜大宜人七十序

初嘉隆間予蓋聞諸鄉父老言嵩陽焦德元之行甲豫中云時不方滯踰屢問思其世不得則莫知其隆就之所自今上辛巳秋予入守

尚書刑部即得與德元連曹署而德元則承璽書進金秦臬當治兵燄煌張掖間趨裝行矣顧過予言不佞無他叔季且母氏春秋高而乃欲問關數千里外圖尺寸若子職何至徵所以為春秋數則明年滿七十矣先是予入留邸時常聞粉榆薦紳士道焦母杜太宜人賢以為太宜人嫗嫗得之天性與贈大夫南田公同事姑氏祇若無違顏南田公任俠好賓客門外屢常錯需酒食亡時太宜人輒為具稱豐約若夙戒

御龍子集

吹劍草卷之二十一

十三

然即時少絀之私脫簪珥佐具亡不人人厭意去南田公有弟錐廢箸各為嬰尚同第居太宜人與嫗姒處踰三十載無少還意見顏色其馭群僕僮怡然有恩予群僕僮嚴憚南田公而樂太宜人寬無不竭心力以報者亡何南田公捐賓客時德元方弱冠執紼立為博士弟子財二歲業幾無所就太宜人顧拮据攬家秉躬課畊織為終歲計不以累德元乃時時教德元勤伊吾以為致身地每曰若母勤夙夜以逸若若復

自逸豫不求報若母亡論負若母恩即他日何以尉地下以是德元日奮厲聲籍籍起每群角必連拄五鹿口不數年而警執于縣官入對大廷矣既而德元守無為州奉太宜人教從事聲稱籍甚連擢守尚書戶兵禮曹郎亡何櫻時忌復出守六安德元遂巡若不欲往太宜人引義讓之曰若之仕仕道抑仕人耶如其道則合不合固也而何欣戚為仕而人也人人而比之始得若道何而若此而猶有蓬之心耶蓋德元

御龍子集

吹劍草卷之二十一

十三

始不敢復言去而積勞至有今日矣予時聞其槩喜譚久之而未悉其年壽之如何蓋已深願其享有期願以觀德元之所竟也至是徵其壽于德元而知太宜人之壽之方永又直德元有秦臬之命而見太宜人食報之方隆則雖德元馳驅數千里外不獲即左右養而福履榮名皆歸之太宜人太宜人固憚說無疆而况四隣宴然燄煌張掖固無異天子宇下也即太宜人從德元而西享祿養臬郎亦無不愉快而德元



又何歆然為也予又聞太宜人當五十有四時則已受 天子誥封為太宜人又十年復受誥如前封 國朝功令同級毋再封者而太宜人得之蓋異數云于此見太宜人得天為獨厚而繁祉壽考當必有駢臻不窮者其膺國家之寵錫以極冠帔之華寧有限量耶他日登耄耄膺期頤黃髮兒齒燕喜無疆更必有名大史紀其盛而予固無所容喙也

送焦君出僉秦臬治兵肅州序

御龍子集

欽定四庫全書

十四

蓋我 國家重邊臣而西塞為甚西塞重鎮以十數而肅州為尤甚自肅至嘉峪不百里而遙為西域諸羌門戶諸羌人入貢俱叩關納譯書使者署使者為置達大中丞府廡其如格始內其人而傳致之蓋以坊譎給因禁通谷蠡以斷匈奴右臂云自肅東南為山丹為甘肅為永昌鎮番為涼州為西寧莊浪而抵蘭鞏蓋千有餘里皆左匈奴右氏羌中縣一綫路為我有旁羅戎卒而藩籬之其間撫治大中丞一治兵副憲

二僉憲一分守叅知政一分駐甘涼西寧諸鎮皆極揀選以共靖塞外地而肅州監兵使者

天子更注意焉蓋肅又其涼諸鎮之藩屏也辛巳冬前監兵使者以瓜期去選部材焦君德元以名聞 上報可乃下 聖旨趣君往時君為尚書刑部郎方入計返曾署而同舍郎難公別謀所以為供張者君乃語不佞以趙水衡奏績金城為千古最時夫關隴湟水班定遠都護西域則東望玉門若不復得入而終享建侯之利

御龍子集

欽定四庫全書

十五

亦適有天竺為之不殺材薄班趙而分虎符從事酒泉張掖關恩無以塞 明命萬一也其若之何不佞以為君計過矣是操大阿之利而慮官祭者也夫肅亦何足以難君今之治兵者非若充國定遠其任也亦覈兵籌餉較辦譎晰偽受成事而已公之昔也嘗守巨郡矣爬蠹搔汰猾胥亡敢奸其紀公府之嚴君若神明然其入守度支則鈎校剔剔孔竇咸塞而與阜成飭調兵曹則案尺籍核士伍統裒羸釋亡所讐其

詐而肆其侵牟至于守刑部而議灋比也斤斤然絜三尺以平庶獄而微賤闇習亡不片辭立曙而亡所庸鈎鉅是君之材見之行事而成效可稽者則治兵雖稱劇不越錢穀士伍諸情偽已爾緣前所注措以涖之而又何足以難君今天子神武震動異域呼韓邪稽顙塞下受諸侯王爵而比之外藩敕沿邊酋長亡敢有拔一鏃睥睨徼外者而烏思藏諸夷亦皆矢赤効琛虔脩職貢不復向之桀黠矣則君亦坐建高牙受

御龍子集

卷之二十一

十六

諸夷貢書而已雖壯猶屈班趙而亦何所于用哉然亦有可加之意者漢世祖統一函夏日逐款五原白馬羗率種內屬四裔咸賓矣而猷閑玉門謝西域豈其力不能我有執其為慮至深遠也往正德時羗人挾哈密以市朝廷邊臣閤于幾而與之市西陲不靖者數十年賴二三大臣踵朱崖之議而患始彌今諸藩固無哈密可復貨者而執牛耳于北酋得不挾北酋重以要我乎去歲茶市之請其端矣萬一得讐而無

厭其累不在哈密下而況北酋之類毛種種且盡厥子以猷猷而就事豈其性哉一旦老酋物而弁髦其璽書亡論狎主羗盟即自窺邊徼吾不知其所終也善乎詩人之送戍帥也曰豈敢定居一月三捷其千古籌邊之訐謔乎君于是馬加之意斯得矣

### 賀鄭母李太宜人八十序

歲暮維單闕之季春朔蓋鄭郡丞時復迺母李太宜人八十壽云太宜人蚤承贈郡丞君有丈

御龍子集

卷之二十一

十七

夫子三人各未貺贈郡丞君捐賓客去而太宜人與嚴太宜人共矢志居嫠課丈夫子學不勸未幾嚴太宜人亦捐寢而太宜人益惇惇立益課丈夫子學不勸余嘗聞武林諸耆舊譚當是皆闡閭閻淺薄見以為鄭氏之宗將不亢鄭孀將不厚其終問之曰涸魚煦鴻鴈溼沫若而何自致江湖而疇適知其今日也蓋太宜人勸郡丞君兄弟曰君高大夫官尚書郎若曾大夫官卿大夫既稟學宮若而年而增增然思之



人而弗獲遂償而父之負若等無意邪不則未  
亡人其曷辭于地下若寢于闕闕之抑掄邪以  
故郡丞君奮自振拔辛酉遂薦于鄉大亢家聲  
既而刺胸山丞松郡所至有聞積勞考上考  
天子覃大誥贈封備至而太宜人之惇惇立益  
課學不勌者大食其報矣且也覃封之歲適維  
八袞之歲下食其子大夫祿養上承其 天子  
五品冠帔賜外錫其君子贈爵之榮無論亢宗  
所謂厚其終非邪且也人亦多八十壽無論厥

御龍子集

金匱草卷之十一

十九

男子弗類沒齒不獲沾斗餼祿而白首啜藜藿  
即厥男子克類而沾斗餼祿而免于白首啜藜  
藿不有以來 彤庭紫泥誥錫冠帔寵榮其身  
亦非壽之祺吉即來 彤庭紫泥誥錫冠帔寵  
榮其身而有所席藉徽福其君子匪致之自其  
身則亦壽祺之常常耳若鄭母之壽之寵榮之  
自其身致幾何人執君子曰鄭母于是羣永壽  
矣則何以故蚤歲惇惇立貞也課太夫子學不  
倦勤也寵榮自其身致順也貞則精常固

神常運順則氣常裕精固則載營神運則載魄  
氣裕則營魄愈載三者合則抱一能無離羣羣  
止邪而期願莫之已已郡丞君父于松其同服  
杜君維漸蔣君德甫雷君立甫俱德其交與予  
尤周旋久甚故三君基余序之而系之詩

譚譚僊宗誕阿母少廣真詮曾親受中年藁砧  
逢陽九自將鸞驚環篋畝餘膽功成名不朽燁  
燁 帝誥光榮厚真炁神精渾長守羣羣期願  
豈云久三月莢英方抽首上元使者遺瓊醪玉  
御龍子集 金匱草卷之十一 十九  
女來薦太華滿麻姑麟脯親為剖共隨斑斕遞  
為壽斲取朱顏易黃耆

吹劍草卷之二十一

吹劔草卷之二十二

御龍子四十六

海上范守已介儒著

寧夏侯廷珩校  
扶溝李時芳校

序類

壽封大鴻臚方翁七十序代作

初予與允治奏對大常也蓋翁年已五十云於是允治成進士而翁亦先脫博士籍貢之帝廷矣乃允治與予言不佞惠徵福于宗祏得與我二三兄弟同對公車不征于鄉也匪不佞是能亦唯我家君之庭訓是服而幸償其所負亡

御龍子集

吹劔草卷之二十二

一

為家君羞蓋家君之材十倍不佞者強葆時大父為負劔辟呬口授六籍語輒吾伊不終忘已而就外傳里中師器其材也而習之以五經終歲輒卒業弱冠補郡諸生每督學使者行部至宛校其文亡不褒然稱首者乃六薦于鄉終不獲一偕計吏居常以此自負也故數數課不佞讀欲責償于不佞不佞固謝薄亡能及家君什一而乃今若此幸厚孰甚焉予聞其言洒然既謂允治曰如是我伯父之食報足下其亡極紀

矣則何以故人情孰不欲自致身青雲之上故

有白首佔嚙不忍委諸其子者則亦曰人貌榮

名我何假此于子哉而乃用子自託跨三命以

臨鄉里為也碩士結髮受章句繁年窮經既不

能一出牖下即稱子大夫對揚休問于殿陛間

乃依依不忍去至于精竭氣耗而猶欲與新進

少年角一日之長亦左矣以故朝夕事披誦目

眊舌彊俛得俛失憤鬱關絕以切其身而後已

又何能終享天年食子孫之報亡窮也唯是伯

御龍子集

吹劔草卷之二十二

二

父可自致者而不求自致而付右券于後之人

以優游順養而樂觀其成斯得之爾居亡何允

治令江都以莊皇帝在宥封翁為江都令已

而允治守尚書吏部郎領司勳氏事也以今

上嗣服封翁為尚書郎又十年允治為大鴻臚

復用皇子恩封翁如其官于是翁壽蓋七十矣

十餘年間三錫命于帝廷爵以九列之尊而

允治又以積勞進廷尉分理南都歲致奉入

市醪醴為翁壽翁之食報為何如予間過之



允治又為予言翁三命茲益恭也與鄉人處僂  
僂特甚日與所善厚醪飲泉石水竹間衍如也  
不復問家人產郡刺史招致賓飲于鄉一再赴  
輒不往非大典禮足不至城府部使者輜軒過  
其門屏不與見也予嘗覽古賢豪士如洛陽九  
老輩皆遺榮厭薄流俗日與同志酬宴詠歌以  
樂其天年而皆龐眉皓首舉踵曳杖日盤桓尊  
壘間不少衰中古稱壽考者必歸焉至豔慕之  
不置當其舉白相屬時不自知已之故有榮名

御龍子集

吹劍草卷之三

三

與不也又何官輟飲食逢迎輜軒使用夸耀間  
里為哉而况盤辟修禮容踵至郡縣堂皇也必  
不然矣我伯父之榮名不在九老下而與鄉人  
處僂僂特甚日與所善厚醪飲泉石水竹間不  
問家人產非大典禮不至城府部使者過其門  
屏不與見也則九老之行何加焉行同而所以  
怡神恬慮者若合符節矣如是而九老之壽又  
何難焉而况有子如允治駸駸嚮用不至于三  
有事不止也自是日奉大官膳酌五齊就養周

滋天祿其不登大莖期頤歲拜申錫之命者幾  
希矣九老何足以望之

又壽方翁七十序

代作

不佞某攬閱載籍蓋南陽有甘谷水云或者曰  
谷傍多鞠家其上者壽或至百數十許以飲公  
水故已而覽圖經見宛穰間有雉衡胎簪諸山  
起伏盤礴為中原奧區其多壽父老也母亦堅  
氣使然哉何論其谷水獨私念兩漢繼興其間  
名大臣半出南陽而其父老登耄耋蒼顏皓首

御龍子集

吹劍草卷之三

四

者不可謂亡之乃終漢世不聞一下璽書封某  
大夫若某卿相父如其官漢其真少恩哉間嘗  
予民爵一級給長老帛絮若酒肉而諸臣父老  
獨不與故或子三事而不獲一命以臨鄉里亦  
何不幸而不得乎齊民同受縣官隆施也然則  
南陽雖多耆壽輒近世以前未有為卿大夫父  
老用子自貴跨三命榮施當世者有之乃自方  
翁始方翁者南陽世族也有五丈夫子而仲君  
允治者以射策甲科累官廷尉卿翁因三命為

大鴻臚當是時翁壽方開七秩耳已婁歷天  
子璽書尊顯其身名列于九卿若此嗣是而習  
壽無疆其錫命亦無極紀計當耄耄之期當  
必位登上公與三事同烜赫聖天子歲遣行  
人致上尊養牛存問其家者冠蓋相望結軼于  
道路也取兩漢諸大臣父老數之相距奚翅什  
伯哉或謂翁少年卓犖者下帷發憤有志用當  
世以諸生高等大比于鄉者凡六固謂致身廊  
廟間若俯拾芥爾乃終身不獲一第而充賦王

御龍子集

火劍草卷之三

五

廷至假命于其子雖稱至尊顯亡所由自效其  
翼諒其眎岩穴諸叟白首龍鍾曳扶老槃散丘  
壑間何擇焉固知其中有不愉快也是大不然  
吾聞仲君令江都時嘗請命于翁矣翁教之以  
毋扱綸而餌陽喬毋操下若束濕薪毋察淵魚  
毋理亂絲而紛之也仲君謹受教奉以周旋以  
故治行甲海內入贊冢宰以有今日且每移一  
官又未嘗不稟受訓言而見之于行事則仲君  
之所張弛皆翁之猷為矣又何必身蹈官寺親

操縱部領而後謂之自效也吾又聞仲君為廷  
尉與正史賢者亭疑瀆甚多凡自耐刑以上鬼  
薪白粲城旦舂輕重諸比亡不詳慎讞議竭五  
聽之術而參伍之求民之不寃凡此何者非翁  
之夙教何有非翁仁心之流布所謂壽命之源  
于此益培矣登大耄位上公又惡足云異日者  
仲君當鈞軸為國元老聖天子思念篤生  
兼重黃髮之臣安車蒲輪修申公故事致之京  
邸而嚴事之以容訪治道不則袒割祝鯁噎以

御龍子集

火劍草卷之三

六

修國君養老之典也當必翁歸之此不特南陽  
藉有光榮而已于我中原有重貺焉故因里閭  
諸君之請而次其德美以為贈

壽顧女周太夫人六十序代作

初不佞令掾南則時時聞東吳顧司勳賢南北  
都人士譽之不容口且曰司勳氏德若政皆得  
之太夫人不佞竊識之而未知所以得之太夫  
人者及不佞守選部郎得與司勳連曹署日左  
右其議論蓋不翅都人士所口云至微所以得



之太夫人狀則曰孤之先太夫府君幼業博士家言馳聲旆林未及讐不祿孤小子方在祿負不有知識吾母氏保抱植立得不隕滅少長課孤讀日夜勿惰命嘗教孤小子曰若父勤伊吾齋志莫信蜀末亡人責償于若若弗自振拔猶乃握齕衆族中終負乃責未亡人異日何以藉手復地下孤小子于是蓋不敢輟課讀矣且每掇古昔人行誼事跡孤使知所矜式孤于是始不敢妄有所置足以此得藉經生業濫竽公車

御龍子集

吹劍草卷之三

七

占仕藉而母氏益諄覆以忠廉之訓奉以周旋故少能不墜若爾而未知所以為母氏報也而今母氏年六十矣其若之何道我而効之乎母氏不佞嘗謂世之貞淑多出自名裔而壽考而福祿則往往于勤瘁憂苦中得之顧名裔者驕軼視瘁苦若鳩毒然而欲由假豫蘄壽考福祿難矣哉太夫人以恭簡公為父吳之世閥也而歸贈司勳公贈司勳公父為良刺史歲受祿二千石其福澤埒恭簡公吾謂太夫人當不期壽

軼莫之禁者何能其勤瘁憂苦也乃一旦贈司勳公捐館舍而太夫人以婢妾鞠遺孤瀉澤煦沫藉弱轂而翼飛之亡論勁節苦心烈嚴霜而寒白日即其課訓諄覆日教厲司勳亡少勸蓋備嘗勤瘁憂苦而其之矣不翅不啻驕軼已耳其于壽考福祿也何有昔歐陽母鄭太夫人早為崇公所捐保永叔而訓植之克允厥宗終受大國之封年登耄耋今司勳固伯仲文忠者躋位二府參預大政當不後文忠也則太夫人之

御龍子集

吹劍草卷之三

八

壽之福寧不與鄭母比隆哉而司勳更何事他有所効也

### 壽陳母韓太孺人七十序

初陳君令房山奉其母韓太孺人往人曰陳君子哉以其祿養太孺人曰否吾觀若施爾吾豈以升斗祿子吾子也已而南兩月太孺人趣輶車還陳君長跼留之不可徵其故曰吾始虞若弗晰于政來將養之今不若虞矣蓋歸以主家人產而安能事升斗祿為就養計也乃歸居三

年陳君報政最 天子嘉予之下司封氏議贈  
迺父青溪公如其官封母為太孺人曰陳君  
子哉以其親顯太孺人曰否吾豈以并辛寥易  
一壘書哉又三年陳君以治行高第徵入為廷  
尉評受署 留都道家省太孺人因乞奉太孺  
人之留都而太孺人仍不欲往第敕陳君謹亭  
法母使元元橫離文閣耳亡何陳君華實蔚起  
而太孺人則年已七十矣陳君欲歸一稱觴為  
壽而不可得也乃造范子而問所以遥祝計且  
御龍子集 卷之三 九

謂不穀不子弗能悅我母氏思奉板輿而不可  
得乃今壽開七袞矣而未嘗安享不穀一日養  
則不穀其何為之辭且也母氏終始以憂瘁輯  
吾家植立吾莖莖也而不知所以為報者初相  
先君子事我祖考妣而祖妣張則素嚴重益為  
督責以觀我母氏母氏卒未得所以媚之也乃  
及先君子併進居別墅而遠之使不得為左右  
養母氏益泝泮統為致滫醢間因肺附共共  
司其茹吐竊欣戚焉久之不怠祖妣乃誥

是煩也吾固以為知孝理而今果然矣還之家  
而善視之于是母氏方少慶得舅姑意而先君  
子湊不祿則不穀廷訓才垂髫孱孱五也母氏  
上代先君子脩子事下課不穀業博士家言而  
自勤女紅為雉鷺資茹嘗百苦蓋積十有四年  
而不穀始得濫竽鄉書也而母氏之憂乃為少  
解又十有四年而不穀令于房又六年而上計  
得不殿以徵有壘書封則母氏之憂庶其殄哉  
乃今忽屈桑榆矣燕喜幾何而隙駒之途促矣  
御龍子集 卷之三 十

不穀之愛日當若之何而若之何不獲一稱壽  
觴也吾子其重之一言以為不穀所藉手范子  
曰君以稱觴為孝之大乎則北山之大夫又何  
稱焉且太孺人望君非以其昕夕具服稱觴堂  
皇下為愉快也亦欲其多所平反以康壽元元  
使亡有以囂齟罹大瘥云爾而君之奉職則無  
或墜厥指矣茲欲藉手上無疆壽無所庸他有  
所取也惟簿錄兩歲中諸所亭疑法狀獻之所  
雪殊死以下大辟若而人城且春鬼薪司寇



若而人舍都官若盧長繫若而人讞重比臧允  
若而人則太孺人間之有不色喜而心豫者亡  
之吾聞仁人壽民以壽其親則君之所以壽太  
孺人者不越乎此固太孺人之所以眉壽無疆  
者也嗣是而耄耋期頤不佞當載筆頌之矣

息機堂稿序

下走自攻丹鉛初則聞吾中原有何李二先生  
云李扶溝鄉校弟子員也葉成為妨者所擯乃  
跡祖父所自起西走長安遂衰然為關中舉首

御龍子集

次劔草卷之十一

十一

因稱北地生實終始僑寓夷門未嘗一舉踵過  
咸陽西北阪也何後李起信陽以古文辭相切  
劇異標同趨並騁而極所長所為聲詩不為大  
曆以下語駸駸乎軼少陵而後先之將與周南  
汝墳諸風相等埒亡論吾中原海內稱譽鳳云  
二先生後逸響遂幽歎一高子業頗闢其藩籬  
多鄰連之致而亦往往先語而索又中闕未竟  
所詣識者傷之數十年來運會麗洽寓內握槩  
之士雲擁蠡起人人自謂先象罔而掇玄珠而

實則上者蚘蛄其餘馥目為已有下則據腐鼠  
而仰嚇將謂竹實醴泉之不此愈也乃李于鱗  
猷得之以名歷下王元美並振之以名東吳彬  
彬大雅為世所傾注而吾中原顧寥寥焉亡論  
闕允佚彩為二先生羞即周南汝墳之遺風漸  
熅殆盡矣天下走嘗竊搯擊欲為二先生一振旗  
鼓恢廓其墮緒而選奕弗克自樹又亡大將可  
馮藉次且者久之已而在秣陵得御南陽方公  
譚及執文寢寢頗相入公因折節交之出其所

御龍子集

次劔草卷之十一

十一

為詩眎下走守已得卒業焉迢然意日是不為  
二先生振遺響哉思若發天倪而氣若吞海嶽  
沛然湧溢而動亡少闕淤隨物匠形情景融洽  
乍披之蒼黥峻拔若寒松千章挺挺臨風堅令  
人神爽欲驚迫而答之條理精密若流黃之絢  
綵音節清亮若金石之在縣意趣雋永若蹠脰  
之適口二先生遺編具在試携取而參伍之相  
距不能以寸所謂樹大將旗鼓者公殆其人乎  
守已不佞竊為負察韃從事先驅矣昔人謂壯

少陵詩以窮愁益工因謂貧懷諸景入語易佳  
自公觀之乃大不然也公以進士起家為廣陵  
令入守尚書吏部郎司銓衡者五六載已而墜  
位九列數歷兩都所據皆顯融墜而其為詩乃  
颯颯乎猷超物外不冒一綺麗語則何以故豈  
昔人之謂亡足馮邪蓋公自名其堂曰息機息  
機云者游心于太虛云爾太虛無心故其意氣  
吹萬不同而成天籟之餘公心乎太虛故發之  
吟咏不芥蒂于名途華宗若一如此者恐少陵

御龍子集

吹初草卷之十三

七

氏當之不能與公並輒割矣二先生不知其何  
若也南陽古隆中墜漢陰丈人諸葛氏所盤遊  
者丈人倡息機之說以服子贛達者達之諸葛  
氏妙契其指而澹泊清靜不為物累發之為梁  
甫之吟其調可掬也公心忠武之心其聲詩不  
在梁甫下異日所由敷施當與忠武同耀竹素  
也二先生云乎哉

送吳汝則比部出守潤州序

吳大夫汝則之為都官郎也蓋與曲洧范子連

曹署云癸未春汝則擢守潤州同舍郎陸梁彥  
過范子而諗曰介儒而知吳大夫之所以守潤  
乎初大夫筮仕尹遂安遂安浙罷邑民訟窺爭  
扞文罔不奉吏約束大夫至而揉之不朞月若  
于其訓至今士民口大夫不置卒用高第入守  
尚書虞部郎虞部覓水衡錢供諸官寺營葺費  
至不易給我國家推江喫葭蘆充之而洲渚遷  
易小民因緣為姦利至不可究詰大司空以屬  
大夫大夫案藉根括俱得其延袤以責之郡長

御龍子集

吹初草卷之十三

十四

吏課其勤惰而殿最之經用有賴大司空嘉大  
夫成績以聞 當宁旌別之此 天子所以諄  
大夫也已而移守都官郎則入介介曙臺比日  
持三尺與長吏爭可否曹亡冤民 上亦聞之  
日者潤州告缺守主爵難其人而以大夫請  
上亦以非大夫不可也而俞之故大夫之守潤  
州 天子之選任材賢也不則臺課郎署宜出  
守者何限而何必于大夫乎使之也范子曰固  
也汝則亦知潤州之不易為乎我 國家曹



仰給東南舳舻萬艘皆京口乎出之儻一夫荷  
鍾而狂譟則榜人辟易亡敢鼓柁丹徒間且也  
小民僇悍易動隱衷而眇慮日者錢貨一壅遽  
群聚鼓譟張券以相嚮是可為寒心哉邇又  
陰蓄角梁之謀譟張鼓衆尤為不逞幸徼國  
家寵靈神禱其魄旋就梟夷不則甌豈淺鮮也  
是故當寧以為憂而付之汝則汝則所以憂其  
憂者當必有道矣予嘗讀史至趙子都尹京兆  
郡中盜賊輕俠其根株窟穴所在及吏銖兩之  
御龍子集 吹劍草卷之三十一 十五

矣天子選任材賢之意庶其亡負哉梁彥曰  
有是乎其次而書之以為贈吳大夫必有味乎  
其言也

送葉可鳴先生出守南安亭

葉君可鳴初以進士高第宜拜尚書郎不則亦  
不失州刺史緣予告不以期上當衡者故抑其  
籍俾令石埭石埭最爾邑也人皆謂絀君乃可  
鳴不以易視石埭而綏善良威豪猾亡不既迺  
心治行由是首三輔云已乃徵拜留曹都官

御龍子集 吹劍草卷之三十一 十六

即君益兢兢絜三尺灋平亭庶獄大司寇倚重  
之每有疑不決必問葉即中云何可鳴具以對  
未嘗不泠然稱善也君又開敏洞達當機應卒  
指顧間亡不立解大司寇益器重君使主章奏  
視草尚書省不復恩以細事而謫大獄傳大爰  
書猶必屬君已而以格當出守衆咸籍籍謂必  
得大郡及除書至乃橫浦諸曹即瞿然曰孰謂  
縣官急材急則可鳴不橫浦矣橫浦郡之石埭  
者也而若之何復以絀可鳴葉可鳴曰不然余

初治石埭不知石埭為邑之小又安知橫浦為  
郡之小耶余性嗜暇豫在石埭時日得什五在  
節署日得什八余方慮橫浦之輜軒絡繹而恩  
吾不獲其什一也又何敢小橫浦不佞守已則  
以為諸君易橫浦耳夫橫浦為邑皆四歲輸不  
二萬易矣而亦知其難且重耶橫浦南通百粵  
為五嶺門戶大庾一綫路竟南海諸郡國幾天  
下半北接廬陵控扼洪都所關豈眇小哉而柳  
桂章貢為狂獍逋逃窟藪寔其比壤潢池弄兵

御龍子集

吹劔草卷之三

七

者不時竊發正德間藍謝諸寇虎踞桶岡橫水  
諸險荼毒元元南康上猶之間躡為榛莽無敢  
有擁節旄鳴劍鎬綽佯其塗者至歷大臣徵集  
兵旅徵四五大夫分部戡定逾歲而後殲其成  
功至勞也今橫浦固久安枕而難湖羊牯腦諸  
蠻悍悍猶昔能保桂浦之常靖乎况其堅磽確  
而瘠歲輸常數少加意于催科即苦誅求而擁  
傳馳驟者又輟蹙蹄接亡間斯夕民力亦既燠  
矣是不可以易而治也夫守居常端委飾灑比

實帑庾爬搔擲束以改觀而易聽誰不可者至  
一當緩急踴躍然咋舌而驚顧此所謂宜置高  
閣徐議其任也者而可使之握阨塞之符哉可  
鳴之治石埭綏善良威豪猾陵陽之民亡不帖  
帑安枕頌君之政不衰而其當機應卒之材尤  
足以銷隱憂折逆萌而制其死命此天子所以  
付之橫浦用分南顧憂也焉可以易心脉之乎  
可鳴往矣其勿求暇豫如石埭時可也昔渤海  
漢之僻郡也計下邑戶口不及諸大郡什三宣  
御龍子集

吹劔草卷之三

八

帝獸憂之選能而使少卿少卿體上至意化盜  
賊而社席之尉安牧養不遺餘力細至榆蠶葱  
韭彘雞菱芡亡不留意勸課勞來循行罔自暇  
逸郡中乃稱大治聲施至今向使龔君易渤海  
或鄙夷之欲自高枕卧且不可得又何以稱宣  
帝付託意也南安今日固不廢亂如渤海而係  
當宁之憂亦畧相若可鳴之治其亦勿忘少卿  
而已勿忘少卿則數年後必下徵書如少卿矣  
予其拭目望之



吹劍草卷之二十二

龍子集

吹劍草卷之二十一

卷之二十一

吹劍草卷之二十三

御龍子四十七

消上范守已介儒著

寧夏侯廷珮校  
扶溝李時芳校

序類

壽石城許公八十序

代作

予閱金陵圖經見鍾阜蜿蜒而西爲龍廣覆舟  
雞籠諸山又西崛起爲石頭城蓋屹然立江濱  
云而江水自西南來環抱若襟帶予謂其墜氣  
聚而固穹窿磅礴當必有名世之英高尚而耆  
壽者生乎其間也已而詢其人則太常許公者

御龍子集

吹劍草卷之二十三

一

家其旁石城其別號云公生于弘治甲子負瓌  
瑋之材出試南宮褒然爲天下舉首爲文踔蹕  
駘蕩海內學士咸宗師之歷官清白爲大雅所  
鄉遠而今年登八十矣倘所謂名世之英高尚  
而耆壽者非邪說者乃謂公之得天猶有所畀  
而不使大究其用爲公惜是殆不然世之遭時  
徼靈寵貴爲上卿若相者何限而德義不脩名  
辱身危或遺殃其子姓其貴也爲階駝乃若貴  
爲上卿若相而賢矣而遭時多難置其身于憂

戚拂逆之衝思一掛衣冠歸遊其泉石而不可  
得其貴也為桎梏貴而賢而名遂身退矣而其  
子若孫或不能承志就養亦非所以愉快終身  
也以公之才非不可致多卿相樹德伐於旂常  
乃董董為符臺卿而止不無少且之嘆然而為  
銓曹奉常督學使者皆務直已行其所信不骫  
骳奸時相綽有令名已而晉符臺嚮用矣少不  
如意輒自投劾去角巾私第徜徉於松菊三徑  
間交鳴鶴狎飛鷗日從二仲為博塞鳴琴之遊

御龍子集

吹劍草卷之二十三

二

蓋嗒焉樂而忘斯世也且也諸子若孫振振雅  
多以家學進而孝廉君偕計上公車射策有  
為能具滄髓戒壺觴蒔花木先意承志而公  
怡閒耽散不問鉅璽鑿否惟座客常滿為愉快  
此其所得眎前所云為何如達觀者必有所去  
取矣不佞嘗謂石城者言言壁立足為保障具  
遭時澄平亡所用之則亦與煙嵐風雨孤鶩殘  
照共適於江皋野麓間而千萬年如一日向使  
為時所急非不屹然著保障功恐機石變為

或遂突不能全其有常之體若斯也而公之出  
處適似之則其壽考榮名當與石城共敝天壤  
也亡疑予羈留都欲一掛冠自適其適而不  
可得於公尤有深羨故因都官郎顧子之請而  
為言以訊公

送顧汝翼先生入計序

國家放洛鎬遺意並建兩都咸秩六官承以  
大夫庶士翊贊康猷乃六官之長暨其大夫庶  
士滿三歲輒簿錄其政詣冢宰御史大夫核殿

御龍子集

吹劍草卷之二十三

二

最而上之天子彰黜陟載在功令厥典重矣  
而南都諸大夫若庶士又兩都部臺大臣  
雜核之其有勞伐懋著及名實相應者往往入  
計至都下輒被新命出守大郡或為部使  
者監兵諸要地以去亡什一還守舊官者以故  
諸曹郎有行其寮友輒供張都門外不翅為  
祖道計重其行亦念一往亡復交臂期用是以  
寄別况云歲癸未秋都官大夫顧汝翼以入計  
行同舍郎劉君敬脩過不佞守已而問言以為



贈不佞盱衡而諗曰余其曷言將揚誦勞伐華  
厥行辱則簿書所列備矣言別而寄永懷辱計  
汝翼之在曹歲皆幾何而若之何得被 新命  
以去也敬脩曰唯唯諾諾歎不云汝翼有積勞  
縣官有不次之令與夫汝翼之守尚書郎也匪  
自今始蓋自初對公車後即領度支云於昔平  
輸納慎鈇帑賢聲藉甚三年以最聞 天子嘉  
乃丕績降璽書褒予寵至渥也已而祿以大夫  
之秩嚮用甚殷乃忌者中以窳言留滯至今不

海龍子集

吹劍草卷之三十三

四

然豈其藩臬是靳至為漢署父老哉乃汝翼澹  
然不以見顏色為別駕則既乃心別駕為郡丞  
則既乃心郡丞三佐要地仁浹元元七載勛勳  
載還郎署為勞亦既多矣而其為都官則又滿  
三歲也其間按大慙識大抑枉亡慮數十斤斤  
然挈三尺從事亡敢以梗陽謀奸其左右者而  
大司寇昔有所操舍亦必問顧大夫云何大夫  
指授爰書亡不立就大司寇聞之未嘗不泠然  
稱善也故諸曹事多或聽大夫此介儒所知也

茲而入計 天子下司功第其勞當必受顯庸  
下司銓權其歲月當必居不次吾意監兵諸使  
者不足以辱大夫分符出守此其昔矣則爽鳩  
氏之曹欲復來汝翼共五聽三覆之議也可更  
得耶不佞守已蹶然曰有是哉吾稱詩以贈可  
辱乃舉都人士之首章及九戩之三章以見意  
而復中之曰使汝翼入而不即被 新命以往則吾  
與若為知言使汝翼入而不即被 新命其以  
吾與若言諭諸司銓氏當必以其語為匪佞云

海龍子集

吹劍草卷之三十三

五

林世典賞菊集詠序

林廷尉世典於物澹然亡所好獨好菊歲莪數  
百本躬自壅灌溽暑弗輟也華發則部分欄楹  
間星羅霞爍郁馥襲人日速同志者酣暢其傍  
而性頑不嗜醕唯以浮大白觴客為愉快客去  
喀焉自失也歲治具捐數十金以為常不復計  
橐中裝有亡比舍有范子者從世典遊三歲矣  
一日謂世典曰君誠好菊其若菊有榮瘁何盍  
謁諸同志共歌詠之東而為帙一聞械而爛然

者固在目也一披誦而觥籌交錯者固在左右也眎歲中數日之適為何如世典蓋然日子以吾為好菊者哉夫好菊者所見亡非菊也所見亡非菊則物于物物于物者喪厥我吾非好菊者也吾適吾之適而寄之菊也夫菊吾見其清標逸態有絕塵離俗之韻不競時以苟榮不屈節以敗常不零亂以喪志物之適者莫尚焉吾得之心而寄之乎菊蓋不知菊之為我也我之為菊也而又何所事歌詠為且也朋至之樂亦

御龍子集

飲劍草卷之二十三

六

欲使適吾之適而已而亦何庸人効其誇詡也人効其誇詡是將黥我以好菊之目矣惡乎可惡乎可范子盱衡而諗曰君之于菊非興起于屈陶者乎靈均餐英非騷曷聞淵明就酌非傳曷著君之適其適也碩不欲後人步其芳躅耶而柰之何不為歌詠圖也世典默然亡以難也范子廼授簡諸同志詠其事亡何帙成以視世典讀既贖蹙曰是固黥我以好菊之目矣百世而下其誰謂我為無懷氏之民子其為我終酒

之范子唯唯因序其語于簡端使後之覽者有以識世典意世典見之而後其喜可知也

贈洧令邯鄲李公臺獎序

不佞守已嘗讀兩漢循吏傳蓋深嘆守令之難其人也漢有天下四百餘載而薄海內外又皆其郡縣也乃以循吏稱者止若而人若而人中最著者又黃潁川魯中年已耳至考次公治潁川為條教置父老師帥伍長班行之民間勸以為善防奸之意吏民見者語次尋繹問他隱

御龍子集

飲劍草卷之二十三

七

伏以相參考仲康在中年化及童子馴擾其鳥獸皆亡它卓詭異行然而照耀史冊聲施至今不衰者知所崇尚故爾其它若趙子都輩發奸摘伏譚者驚若神明而史氏不之予意可識矣予官留都數聞吾邑父母李公賢已而入計道洧上里人頌公政者紛如也亡何御史大夫楊公旌以金幣勞問備至邑博士許君某等謁予丐一言揚其盛予惟洧上故潁川墜中年其鄰邑也潁川自次公後中年旁近邑自仲康後寥



寥千載亡良守令何幸于我公見之公燕趙慷慨士也其為人斤斤曙大體自綰綬以來亡論爬搔櫛束拔齊民之疾痛而衽席之即其隱校毛舉中人之隱伏一言而聽者股慄駭汗涔淫下遠邇稱為神君矣然而非公雅意也公雅尚教化敦氣節好延禮逢掖士尤加意師傳為飾橫舍序既稟嚴為約束以程其業而董正其執復念齊民子弟有累歲吾伊甕牖下數以筴干有司而不獲颺袂一登膠庠之闕心甚苦也乃

御龍子集

吹劔草卷之二十三

八

力言于督學使者廣為甄拔上副縣官所以毓材至意督學使者重遠公以故所錄倍常歲其子弟通一執以上亡不隸籍博士容與于俎豆間也又拔其中雋異者偕故弟子員共肄經生業躬為省試校其殿最而鼓舞之故洎之人士彬彬然質有其文矣其所注措崇重在此不在彼明甚固藹然與次公同其勸率盎然與仲康同其德化也金幣之旌勞孰曰不宜予又聞公嘗與守言洎之民力竭矣比歲河溢旱熯相繼

為管民食不半救而督賦使者日操簿書誅求其不逮若之何其不瘠死溝中也守聞之色動為奏計大中丞歲減免洎賦什三又念小民苦括田為猾胥所魚肉而貢不任土仍高下其歲額為閭左困復力言于大中丞為彼故籍而伸縮其利病此又次公仲康所未及舉者傳有之民有田疇子產畊之民有子弟子產教之跡公所為其殆國僑之流亞與洎故鄭郊也東里為子產舊居公其聞僑遺風而興起者邪它日傳

御龍子集

吹劔草卷之二十三

九

循吏者當必進公與子產伍勞書惡足以盡之又贈李公堂獎序

李公尹洎之明年填撫大中丞楊公得代以去乃疏其部中監司若守令治行高等者于朝而旌別其賢者能者馳檄勞以金幣崇勸率也公治行在高等宜列名疏中顧獨得勞書人多為公不直大中丞洎簿王君尉陶君謁御龍子而問故御龍子曰是不難知大中丞易吾洎爾意若曰洎固最爾邑也令洎而治易易耳惡得

與諸大縣比材諳縣官誠急材不能適郢林悉  
尋以斧斤已不知消在兩漢為新汲死陵二太  
縣分隸潁洛二部號稱難治金元以來并為一  
邑直汴許孔道部使者巡行其間冠蓋相望而  
乘傳縣次續食者號接轂擊亡虛日也乃官寺  
郵舍日就頽圯軒輶諸使送送露次敗檐下莫  
可信宿而去且也城堽之外田多斥鹵畝收不  
及斗鋤而歲賦取盈民困誅求邇年俗尚盜竄  
習為澆薄之行一主錢穀輒恣乾沒至颺袂入

御龍子集

卷之三十三

十

倡家彈第六博以為常闢出官怒視如土苴一  
朝而盡亡復顧忌其齊民輒直尚氣俠一朝之  
忿不勝鞅鞅輒自絞死賈旤于所忌苟罣訊牒  
污巖莫解司土者臨之眎諸大縣盤錯為何如  
公自下車以來講求民瘼昕夕不勸復廣用偵  
刺微知民力羸縮以詘信而役使之故任負徒  
御諸傭環行汴許間而民不知罷鳩工庀材葺  
頽直敝官寺郵舍漸次就新而民不知費徵求  
不擾民樂供輸綜覈精嚴猾胥斂手漁獵侵牟

之計亡所復讐而國課不虧明察周知民隱不  
遺亡事鉤鉅而殞軀賈旤諸姦一訊立見民稱  
不究其它威惠流專綱目畢舉士庶頌不容口  
此獨優于治消已哉放而施之巖邑鉅郡亡不  
遊刃有餘地者卓魯諸循良何加焉大中丞未  
之真知爾大中丞而真知有不疏公當宁以  
儲禁聞之選者乎而何帝馳檄勞問已也詩有  
之鼓鍾于宮聲聞于外言實之不可掩也嗣是  
觀風之使入境問政而知公一鶚之薦又焉攸

御龍子集

卷之三十三

十一

歸况今天子殫精數猷志登良偶而司銓衡者  
廣諮詢核名實以拔幽滯治行如公有不列名  
啓事上達宸聰為異日徵拜地者耶而又何  
事大中丞之一疏也二君道然曰匪公言下走  
終為李公不直大中丞矣請遂書之以為李公  
白

### 賀潁濱張先生榮授章服序

不佞守已昔總角嘗蓋從潁濱先生授魯論及  
孟軻氏書云初先生業博士家言聲藉甚屬督



學使者缺攝事者材先生署為弟子員已而督學至反攝者所為悉除之于是先生家旁落矣而故賦猶昔也大為誅求所困乃舍其家人產不顧而以所業博士家言教授洧潁間而不佞守已得與諸伯仲從事几席下矣是皆不佞年才十稔耳孤鰥孱孱膚立也于伯仲中最為謏劣而先生獨器重不佞眎若汗血駒云其講授書指每謂不佞開敏亡難色而教之以公車業也又謂不佞擿擿窮體要能得輪扁氏所不傳

御龍子集

吹劍草卷之十三

十一

常以之示同業子令范樸之同業子初不為意也亡何冀北亢公來督學務首拔先生為禹郡文學士而不佞亦得濫竽洧潁間矣先是先生為教博辟廣諭善開發人意志故學之者領悟為多事不勞而功倍繼不佞而登黌序者五六人皆先生所就也先生既隸士籍自是家人產之廢棄者皆復為先生有而先生有丈夫子二又皆個儻善承弓冶業以是其家遽大贏所交內皆郡中豪俠二其姻婭俱聯大姓矣而先生

益務為退讓且吾伊不少輟其志將以究厥施也而郡中薦紳士亦亡不口先生為譚先且以遠到目之乃竟不偶次且者久之先生慨然曰與吾白首青衿以希伏申之遇也孰與夫輟讀而優游終吾身之為得乃購章服服之以儒官稱蓋自別于士子云爾初不佞舉于鄉與計偕上嘗自洧拜先生于其家先生有斯志矣允豫未決及不佞奏對太常輓饗西北隅也復道禹拜先生而先生之志決矣又七年始踐初志人

御龍子集

吹劍草卷之十三

十一

咸為先生不獲大用惜不佞以為夫士何常之有為龍為蛇眎所遭乘何如而于已固無加損也東京時任叔本景漢伯趙長君輩俱明經巨儒一時聲稱藉藉范蔚宗傳之儒林中名光史間至今不朽也夷論其世亦不過教授述古訓已爾未嘗沾一命以見其用先生之學之行眎三子不啻過之非不可以驤首青雲樹功名不朽也而所竟若斯不無共憾然猶有章服之榮以儒官顯于時視三子之韋布終身又不侔矣

他日有傳儒林者當必以先生為稱首又何必  
紉朱曳紫而后為光榮哉不佞故備而書之以  
備太史公之采錄云

御龍子集

吹劍草卷之二十三

十四

吹劍草卷之二十三

吹劍草卷之二十四

御龍子四十八

甬上范守已介儒著

寧夏侯廷珮校  
扶溝李時芳校

序類

贈靈璧令劉君應麟婁厓臺薦序

莊皇帝馭寓之四季蓋不佞守已與應麟同舉  
于鄉云于時不佞習應麟而賈君者予枌榆莫  
逆交也遲予歸而問僑焉予曰應麟為譚先賈  
君叩其韞予曰是不將為賈董學不則不失為  
卓魯已而應麟困于公車賈君讓予予謝不寐

御龍子集

吹劍草卷之二十四

一

言久之予自秣陵歸道靈陽之壑見其衛塗亡  
不治也橋梁亡不飾也田疇亡不易也問其令  
輿人誦應麟以對予擊節賞之亡何賈君謁選  
銓曹適為其邑博士日與應麟周旋習其政而  
後信予曩言言果不謬妄云越數月寓書不佞  
曰日者君材劉公下走未知所以材近君授經  
之役得從與阜後趨走劉公日見其行事不超  
過之則何君故靈璧故淮濱堡也其民輕僇而  
易動近計智亡害然多大姓能籠山澤利君奔



走齊民而收園俵子雜居獻澮間為元元病吏  
相與比周傳舍其長吏而輕扞文罔因緣為姦  
利莫之顧念且也土多斥鹵歲恒不登秋百里  
若歐脫然民苦于徵求國課常殿此其墜號  
稱難治者前後長吏多以選悞去公至獸易眈  
之不假毛摯驚擊而民罔不威不事鉤鉅鉅篇  
而情罔不得伯格有長鄉校有師力田有令若  
盧有懸而民之票姚者皆窳者牆齋而鄙者媮  
媚而喪志者鉗欬而陷于危者亡不喁喁然帖

御龍子集

次劔草卷之二十四

二

于理道遂其願欲其吏銖兩之姦必廉知之亡  
得緣絕其簿書弄三尺塗民耳目其田塹盡辟  
耒耜銓艾相尋于道路亡不樂供輸最其常課  
其國人芻牧盡利亡不以時上毛物于罔鄉其  
它善政莫可更僕數以故治行居淮陽第一而  
行漕大中丞涇陽李公直指使者東光馬公大  
僕臨安蕭公各騰薦剡疏公名于朝雖其評  
騭言人人殊亡不謂為治行高等當備瑣闥之  
選者君局知公之素而曩昔言若執左券也下

走之長欲君復惠一言臣為劉公異日重何如  
不佞守已嘗謂今之守若令其列諸臺薦疏者  
何限顧上焉者爬搔擿剔釣奇詭為名高不則  
標術馭智摘發姦伏譚者驚若神明又不則養  
私交游聲譽秦越其民人而莫之卹此其效非  
不赫然鼓動其監司及部使者褻然稱舉首也  
乃縣官一急材按籍登之亡裨尺寸何者名實  
不相應故爾應麟之為人樸茂而周慎忠信而  
燕潔其施于政理亡非根心之形見諸臺之薦

御龍子集

次劔草卷之二十四

三

揚廉得其實矣豈釣奇詭為名高操術馭智游  
聲譽者同日語哉方今天子側席思登循良  
之吏以佐百姓卓魯之褒當在不日間矣異日  
者璽書下徵入為黃門令臣致主而庇民端  
在是也而又何所事不佞言

送范原易出守南昌序

今天下大都會二南都為重都會十有三大江  
以南為重大江以南都會九豫章為重則何以  
故南都國家豐鎬墜也踞嶮隘要南服焉是

控而江以南九都會實屏翰之豫章密邇圻服據上游為南都孔衛一有不逞者辟倪其間餘皇東下建瓴水之喻也高皇帝用是簡畀親臣唯西藩是樹而日尋我戈矛與漢人角逐彭蠡湖口間不殲其類不止故漢人一殲而勝國不足虛矣其墜不重甚哉二百年以來柄國者體縣官至意恒急豫章守而原易之為尚書郎也度支當縣官材之乃不次畀以豫章顧原易不德色過不佞守已而問政焉守已迎謂曰豫章有以難君哉曰予固難之曰母以其墜當都會為填撫大中丞直指等諸御史暨部使者駐節之區日嚴事之不暇朝其長吏哉曰否母亦以其路當要津為百粵之門戶輜軒諸使擁旌旄而乘傳者蹠轂相摩也守跼蹐衙左問遺班餽不一而足帑竭力殫莫可為計哉曰否母亦以其豪家大姓交扇為姦利而猾胥反寄耳目輕扞文罔其巨室扱綸錯餌迎吸如陽喬不可茹吐也哉曰否守已齎然曰不佞固知亡以難

君也夫希譌鞠臆次且躡嚅則臺部諸臣亡不說其佞然而非獲上之術素鞿負弩壺餐加璧則輜軒諸使亡不器其材然而非揚名之道投鉅置匱鉤鉅伺察則豪猾諸姦狀亡不得其情然而非馭下之方使原易而計此又何以稱塞縣官急材至意也史稱豫章南楚也其俗大類西楚剽輕易發怒地薄寡于積聚好辭巧說少信風俗之敝所從來久遠此而不亟反之則雖引繩批根窮竟其所謂豪猾者而傳之瀛日亦不足也惡能勝其任而愉快乎緣是不變而欲希譌鞠臆以獲乎上素鞿負弩以求游其聲譽也能乎哉必不然矣君其逞焉其于風俗焉加之意可也以淳龐易其剽輕以力穡禁末作廣其積聚以忠信奪其好辭巧說豫章之民其庶幾乎昔龔水衡之治渤海也亟以犢牛易刀劍敝俗乃至雞豚墜非亡不為民畫經久計而渤海遂為樂土漢主亡東顧憂脫令豫章之俗如水衡所移易則所謂剽輕易發怒好辭巧說而



少信又何慮焉而原易之治行當為昭代稱首  
矣然而原易卓犖者其令南城守留曹皆有異  
政可稱述吾固知其有以辨此也故于其行也  
重有望焉

送蒲坂樊君之官承天司理序

我國家建藩裂隄保乂元元咸置李官呂三  
尺平萬民任至重也而隄李為尤重則何以故  
隄李直指所與共微群吏者也微而名實應也  
乃或謠風指亡呂當上意不則阿風指微人陰

御龍子集

吹劍草卷之三

六

事飾貝箕呂危瀾中之乃名實不相應所弗卹  
也難辱為下矣夫直指所軒輊群吏之所望風  
而奔趨者乃至消名實阿上風指吏治若之何  
不溺其職也亡論骹三尺殘民呂逞已耳隄李  
顧不重哉蒲坂樊君豫藩之李官也期年而藩  
曹亡冤民大中丞直指材之呂攝我消事消上  
之民復呂為不冤司銓者乃按呂李承天國  
家並建四都承天一大都會也其民被服帝  
化固不至剽輕易發怒好辭巧說而亡情實如

史遷所稱西楚風俗者即使大豪猾胥通飲食  
為姦利輕扞文罔反寄耳目呂齟齬我齊民苟  
聖訟牒詣官寺君呂五聽之術折之亡不咋舌  
稱神明矣此曷足呂難公歎前所云與直指共  
微群吏者所當加之意耳楚墜廣大為隄者十  
五為州者十六為邑者百有七部中群吏不下  
數百千人皆君輶軒所得歷覽而微其治行者  
也儻若阿上風指名實不相應其于吏治民瘼  
所係不為淺渺不佞聞君初令寶雞念括田病

御龍子集

吹劍草卷之十四

七

民力除河堰之賦呂蘇罷困當事者銜其異已  
中呂浮言紕之小民為之板轅既而攝我消事  
也又念汙潦病民與旁邑令力爭河渠思極墊  
溺當事者計其便利為主其說君之直諒忠信  
孚于上下匪一日矣執是以達而全楚群吏之  
臧否肯毫髮阿意其間辱其有簠簋惟薄之聞  
或可警議而突梯脂韋廣交遊游聲譽者必不  
比周呂長姦而悃悞亡華屨卹民隱不為皎皎  
之行呂自銜鬻者必不耳視呂蔽賢其或卓犖

跂負遠俗之累而材可肩鉅輶直疆項不為  
趨承而力可以推強暴鎮浮俗者必不索垢苛  
責且杜進用而謂君不顧名實務求當上意必  
不然矣于肥李也何有君攝清期年善政不可  
更僕數冰蘖之聲仁惠之流上下藉甚此自有  
觀風者采之且獻 當守備大史公循吏傳草  
也不佞不必備書故于其行也列其所以李肥  
者如此

送別樊君圖序

御龍子集 吹劍草卷之二十四

八

樊君以藩司司理攝我清政期年而百務咸釐  
黔首載歌允既迺心青衿之化秉人倫識鑒以  
樊拔材賢作新士類凡隸博士簪業經生辭義  
者一被品目輒駸駸軌于正始標幟執林而王  
生唐卿其尤也以故與公契誼尤篤是歲賓興  
王生遂以尚書褒然首舉于鄉與計偕上公開  
之洒然稱愉快也為置橐中裝甚備資遣之居  
亡何縣官廉公治行擢理承天趣裝欲行王生  
繾綣不忍舍乃為圖惜別而門序于不佞不佞

清之編戶也沐君德厚矣載筆更端亡能悉公  
善政者顧惟文翁治蜀猷飾吏民子弟詣都  
受學而顯用之以風百姓治化至今稱之吳公  
為河南守拔一賈生于朝聲施後世人艷慕之  
不衰君之攝我清也亡論惠利元元為小民所  
愛戴即物色一王生品目而翼飛之資以橐中  
裝薦紳先生亡不多君重材賢者君侯選矣王  
生之拔轅與旄倪即轍者交錯道路間有以也  
是圖所貌匪虛矣異日者王生奏對公車 天

御龍子集

吹劍草卷之二十四

九

壽司儀張翁及王孺人八表序

不佞蓋嘗讀老子而知養生家言意若曰不足  
以取餘也不大以成大也清淨澹泊與世無涉  
云爾間嘗以此律世之人則貧窶顯蒙者多得  
之而富有力者不與焉則何以故富則多事有  
力則可欲之物易致多事則滑吾齎可欲之物



易致則拙吾精若之何而澹泊而清淨與世無涉也故長年之慶巖居穴處之士居多不則絕樞甕牖子爾而飫膏粱席安飽者恒難飫膏粱席安飽者而有是其純白之衷不滑于物可知矣非甚盛德其孰能之蓋余與文學張君為昏姻而習其所稱翁媼壽而深有概焉翁尉之大姓也以居羸甲邑里數世矣翁幼事伊吾非所好乃棄而治家人產數致千金嗣先業不衰牛蹠角百羸馬蹠二百僮指千乃性好簡約耳目

御龍子集

吹劍草卷之二十四

十一

口體咸節其汰亡與從服食鳴瑟跼蹙陸博諸嗜亦亡姬姜媵侍而好義重然諾樂施務予久之不少輟有彭祖鎮者鄔尉孔道也橫途有故洧水秋冬民病涉翁且令辟八萬許為梁其上行旅德之而鄭水在朱僊鎮旁鎮民共為梁不克就翁復捐金助之始通蹠較邑之學宮壞有司不能葺理翁毅然為新其半費鏹二百餘緡其助婚喪振貧乏閭左待以舉火者甚衆亡論也隆慶庚午歲饑甚翁捐粟二百斛分振貧民

所全活甚衆部使者義之為聞于朝為授王府典儀以旌其賢命至子孫具冠服以進翁躍然非其好也歲裁一二服展先墓其接里中兒幅巾自若邑大夫郭君者重其為人為折簡賓飲于鄉以養老之禮禮之翁一二赴亦不復往其清淨澹泊類如此而翁配王孺人初以華裔來嬪奩飾甚都化翁德俱卸而不御縞衣綦巾穆如也晚年諸子婦更迭饋食輒命以女婢代之曰毋自勞苦為也與翁處相對如嚴賓皆

御龍子集

吹劍草卷之二十四

十一

富媼所難能以故夫婦齊眉壽翁七十有七孺人七十有八俱顏色亡異少壯肌膚豐潤耳目聰明豈非所云得于老氏之指者耶翁諸子俱以諾重鄉邑而季允頴秀有聲諸生間諸孫十人曾孫七人其中多偉器將昌大其門閭是翁取其約而報之以其豐翁處其不足而貽後之人以有餘母亦天道之固然哉春莫幾望翁攬揆之辰余適以入賀道里中得隨翁諸子稱觴為翁壽故序翁所以壽者如此而藉手焉

及其孺人見翁之内外脩德也

壽車母韓太孺人八十有二序

初予有從姑為太孺人冢婦以故予習知太孺人賢已而太孺人女孫歸予從子則益肯肯聞太孺人行事蓋古賢淑不翅云母生七丈夫子四為諸生仲君與予為昏姻仲之言曰遂不佞終身伊吾不能博一命顯榮其母氏唯是歲肯具青衿稱觴為母氏壽少可稱愉快而未得名公大人一惠言華其堂皇子職之謂何大夫以

御龍子集 吹劍草卷之十四 十三

文名寓內而不佞遂辱托葭莩幸至昂也能無意一言相加遺俾遂得有所藉手歲肯先脩灑為母氏慶予聞之洒然頽謂仲君曰母德著人耳目矣欲有以鋪張而揚厲之予不敏不足以為役第年壽今幾何勛力猶強固耳目猶聰明否無已則徵其壽以左券于異日仲君贖蹙曰母氏以勞悴故勛力耳目衰矣其年雖大耄膚理色澤固猶然康愉也勞悴云何母氏衣冠之裔也伯仲弟姪皆業儒幼歸先府君先府君亦

以儒遊諸生間母氏日夜勤女紅佐先府君晡晡丙夜不輟迨先府君遊帝廷振鐸內丘乃少暇逸而不佞輩又以次就外傳矣于是復課不佞輩勤伊吾課諸婦綈綈以佐雉羔費復日夜不少輟蓋數十年一日也故年未及耄而精神憤恹頽如矣守已嘗謂壽考福祺之盛每自勤勤勞悴中得之語曰戶樞不蠹流水不腐無亦以宴安逸欲戕生之斧斤哉太孺人以大姓名裔厭輕暖飫膏粱蓋自其襁褓而固有之

御龍子集 吹劍草卷之十四 十三

笄而字之行歸華胄驕奢燕暱曷不至者乃能抑損警惕相司訓公問學而揚之于王庭課諸子誦讀而列之青衿者過半終始五十餘年夙夜勤動不自暇逸殆有得于養生之指者其年躋大耄而膚理色澤猶然康愉也固宜精神之憤恹何損焉矧自今而後諸子皆行誼重鄉評以詩禮名州郡諸孫皆芝蘭玉樹蔚起不乏太孺人之志慰矣此而優游恬養日享其滑以永其天年將無終極雖登期頤無難也詩有之黃



髮兒齒得壽理者髮齒猶變而之壯矧勗力耳目一衰而不可復哉君歸而日市醪醴擊鮮享脆率弟妹為斑衣舞太孺人當益愉快迓福履無疆不敏異日當更搢觚為九十百年賀也

壽楊叟八十序

予幼以鉛槧故習劉生久之聶五茸白下通尺一者幾希也歲丙戌者予以事道扮榆劉生介紹呂請願得一言藉手為其姪楊叟壽予詰其所以壽生鞠臆而諗曰叟蓋長昂樸茂者居常

御龍子集

吹劍草卷之二十四

十四

醇醇然不能出一語而性喜空乾教目服膺之不厭晨起與醕即蕪香理貝葉不復問家人產井澹泊蠲醪羞日齋蔬蔬飯糲衣敝冒臙顏恰呂為常日與比丘高足者遊叩雙林與義而樂施務予振急拔難傾橐中裝不顧也叟有三丈夫子伯仲蚤亡其季文學君問稱引儒家言片諫叟道然曰此非爾所及吾豈能歡前人糟粕為世蚍蜉哉吾終不能以此易彼是則楊叟而已矣守已不佞呂為世之麗眉皓首者何限乃

說者謂為多自其顛蒙者得之碩商山洛社諸英其智至於殿宗祊工聲詩而皆不滑其天籟總之登耄耄而望期頤是遵何德哉不佞嘗觀養生家言唯齋早服早服謂之重積德是謂深根固蒂長生久視之道而浮屠氏宗指則呂無意識無無明無老死為最上乘不二法門夫齋匪慳施者予過自菲薄之謂塞兌黜聰勿挫爾精怡神於恍惚窈冥之域廣莫亡何有之鄉是已此與禪家所云意識無明之俱泯同厚異厚

御龍子集

吹劍草卷之二十四

十五

此其所以長生久視而無老死盡商山洛社之英予未知其習知二氏否而跡其生平不呂顯晦榮辱奸其念慮謂之無得於養生家言必不然矣楊叟非知養生者乃消浮屠氏而得之若所為商洛諸豪賢亡呂易之其登大耄而耳目勗力不衰也固宜君歸稱觴而呂予言質之叟當必有大愉快者在也

贈消學許先生臺獎序

予為尚書都官郎分猷南曹也則時時聞都昌

許先生賢已而按圖經蓋都昌適趾匡廬云匡廬江以西名山也磅礴率律為神明窟藪而彭蠡滙流其左流晶毓秀以故其墜多英特士先生之賢蓋有自矣亡何先生來秉洧鐸予聞之憇曰洧之人士其有興哉已而守已入計道洧上適直指姜公大中丞楊公交檄旌先生諸生劉濟民黃應科等謁予一言以識其事予問所以為旌狀曰其言不足以盡先生蓋亦得其大都云先生江右之名流也幼習經生業洞其指

御龍子集

吹劍草卷之二十四

十六

歸諸經生與先生譚亡不連拄其口而勉之席遂以明經首舉于鄉偕計上長安諸貴人及諸老先生亡不屈指先生者聲名籍甚顧數奇不讐于大常先生眎之坦如也乃請命司銓欲得領郡縣鄉校事與諸生周旋橫經質疑義以瀟聖天子作人之化司銓嘉其意從之而洧之人士始得以北面先生矣夫洧俗嬖倖之餘習也先生不鄙夷其士而鰓鰓焉日挾鉛槧與諸生校豕亥因商及執文提綱挈要月旦課殿最而

孚翼之諸生因是而窺先生之蘊蓋浩乎其閑肆而不見津涯秩乎其有倫而亡少紛錯也先生其殆天下士矣顧謙沖退抑澹然其亡欲而不見可拔瑩然其亡疵而不見可指古稱敦德允元之士先生其庶幾哉旌書烏足以盡之守已嘗謂漢重師儒故師儒之任亡不極其選者如匡衡楊震輩<sub>選</sub>仕文學為諸生祭酒而名一時搢紳景慕<sub>選</sub>卒皆位三事策勲名為國元老至今人豔慕之不衰後世不重師儒縣官以此

御龍子集

吹劍草卷之二十四

十七

縻天下拘攣士及以訓詁鬻糈為昕夕計者故其師儒亦不自重不復念縣官作人至意而行部使者蒐羅儁彥為國家六館需于學官得一人焉不翅聖世麟鳳云溫文篤行如先生是豈輒近世所多得哉兩臺之交旌有以也異日先生奏對公車聖天子臨軒稱子大人親試策問賜上第而尊顯之以備三事先生之勲名固不可量不則縣官采臺臣議徵先生為六館師漸躋綸扉備清問先生之勲名亦不可量



匡楊之照耀史冊為古今豔慕者又何讓焉不  
伎言不足為先生重特因諸生之請而次之以  
俟徵言者有所采取也

御龍子集

吹劍草卷之二十四

十八

吹劍草卷之二十四

吹劍草卷之二十五

御龍子四十九

消上范守已介儒著

寧夏侯廷珮校  
扶溝李時芳校

序類

贈邑侯劉公兩臺交獎序

予里中有父老袁公者初貳渭南歸譚其令劉  
長公賢不容口亡何徵拜侍御史以冠後惠文  
漣彈壓六卿嚴憚于朝廷至徵所以治渭狀則  
洞晰民隱惠利元元而衽席之不沾沾以為惠  
故下無弗安而一無弗獲疏薦于 當宁者紛

御龍子集

吹劍草卷之二十五

一

如也勞書不可更僕數歲戊寅予在雲間青浦  
令屠長卿投刺來謁語次盛譚行海使者劉長  
公賢至為滄海波恬賦以頌之而深感其有國  
士之遇也則予益以習長公父之見海父母來  
令我消蓋長公之仲弟云為人卓犖有氣槩大  
類長公自綰銅墨以來一以長公之治渭者治  
消不數月聲稱藉甚行部使者道出其塗無不  
擊節嘉之而御史大夫諸城臧公御史華州劉  
公之旌檄先後至矣先是隣邑有犬獄久弗決

者部刺史以移公公按覈當部刺史讀其爰書材公每郡縣有殺人若自殺誣其仇家諸大獄輒以移公月十數至公一一按覈之輒嚴濫當上意民稱不寃而歲適旱暵民饑甚四邑閭閻間輒有挾徒寇人橐中裝及執大梃四出夜刈人禾稼者間被收詣官以旱故置不問公惻然曰是長民亂也守令者安靖民是務而亂之母乃不可辱歟申三尺禁賦民民無敢有不逞者境內歟得安枕而臥于是始議勸分振困乏奏

御龍子集

吹劒草卷之二十五

二

計請蠲田租停催科勤撫字天乃雨民得載播種而免于流亡凡此注措皆軼旁近邑而出庫其右下之所以無不安上之所以無不獲也兩臺之旌揚有以哉其它若修治道途更新門觀以利往來疎觀瞻移置養濟院以拯墊溺惠鰥寡較量權衡以革筦庫之士陰肆朘削種種善政又皆旌書之所未錄者嗣是而諸臺有所廉舉其首登薦剡無疑方今聖天子側席賢良合選造俊士而登崇之不問其所繇渭南之徵

固公家芳躅也異日者又何讓焉

又贈劉公兩臺交獎序

初予理雲間則華亭隸其城郭云間曰檄攝其政日朝其鄴長若閭胥而訓之曰文罔之不可行常繇之不可以訶謫而跳也則受命其若讐乃踐更卒亡終祇事者候人亡不亡其戈受者胥史亡不狎眦其符傳而弁髦之者有司惻然日督過其下而察或遺淵魚倖不免輶軒使所讓吳俗之輕脫難治類若是匪其出差立辦之

御龍子集

吹劒草卷之二十五

三

材大讐其心志而勉之魄未有能勝其任而愉快者有故鄭許墟距吳二千里而遙顧其民乃大相若且皆窳甚踐過更罔不剗厥膚吏斯土者選悞不事事則見曰為煦濡狀志于齊民而班僚若餽罔或共于命導人游徼卒若帷帟厄區諸具罔或便儼鮮華即行部使者得曰六條旁撫其後其一二果敢吏搢搢焉思曰振墮頽歲事而飭度而運罔或必乃卒至潭民抑亦弗若于吏議斯其收消也不尚藉于華邑哉我父



母劉公初丞華邑貳牧事先後牧習公先正胃  
即事事罔不容度公曰故其治甲三吳先後牧  
俱徵拜內臺而公亦籍甚不容口縣官亟材公  
以畀我涑土涑土之民雲霓其來而恐或晚也  
至綰銅墨朝邑人詢民所疾苦一如其所治  
華者而信縮之井如也居亡何頽罔弗興廢罔  
弗舉歲事餘度咸以正亡缺其乘遽而道其壅  
者班籥若解下至臺與干柝諸徒廬次茵簣盥  
饋飲酬諸具亡不便儼鮮華倉卒若夙戒然而

御龍子集

吹劍草卷之二十五

四

民不知罷肯填撫大中丞臧公惟一直指劉公  
士忠廉公賢勞書皆至金幣旅于庭寵至渥也  
所言若自為辭其所以材公若出一口于是守  
已自長安道出涑上習公矣而許大學學顏師  
孝廉如霆王孝廉樂舜屬余一言揚其休余不  
佞亡能為役且也公櫛廷尉公初曰李官徵拜  
禁閹伯仲觀察公初曰令徵拜柱下史計部公  
曰令擢丞大郎而公秉跣蹕之材日稔其嚴訓  
友儀而試割于茲小邑使假之歲月鳥鵲之

首兩河而交馳矣一札勞書局足為公重輕也  
而揚訓之為歎私念國僑鄭之良也從政一年  
與人猶然楮伍興謗已復蠶尾其賦嘖有煩  
言何曰故政譽之不可驟得類若此公涖涑不  
四三月百度一新名實遽加于上下賢于子美  
遠甚日者鳴琴餘暇日求民瘼而燠休之曰早  
故奏計部使者歲蠲民租之半餘黎子遺有若  
更生中丞御史臺目擊而耳鑒之當賢公逾益  
甚異日者簡良儁上達 黜黜用備禁閹柱下

御龍子集

吹劍草卷之二十五

五

之選舍公稱首又焉攸歸也余故于茲勞書而  
喜譚之不厭

贈張國儒榮授侯門教習序

國儒余內弟也父友古隸博士籍窮年伊吾癯  
志切其身切後其孟子始歸余工是國儒蓋方  
錢齒云既而從里中祭酒遊業箕裘不就遂棄  
去亡何余對公車從余遊京邸余輓餉河湟從  
余遊臯蘭余理雲間從余遊吳會余分曹 留  
罷從余遊白下余巡關中從余遊長安蓋步武

相為不云初內父當彌留昔居恒謂余余子  
豚犬耳亡能為甥後唯是蚤莫誘掖亡忘我立  
隴為幸厚余識之不能忘迄今三十稷矣而國  
儒猶然未慕也則來諭余曰先君子以下走累  
節下節下母能忘而下走常布終其身亡論亡  
以見先君子墜下即春煠展先隴不能具冠裳  
一詣首子職之謂何節下能亡意庫余曰是不  
難若能正容端委為童子師庫曰能若能長居周  
旋侯門庫曰能若能辨禮經章侯度翼胄子于

御龍子集

吹劍草卷之二十五

六

周行庫曰能修此三者亡難也迺削牘介紹于  
泰寧泰寧者國之元侯也其侯陳君良弼筦  
前軍督府篆等重矣而雅好文儒嘗交驩余聞  
國儒行誼乃廷致賓席令諸弟子從之遊亡何  
諸弟子斌斌質有其文陳君視之而後其喜可  
知也遂按甲令請給章服國儒遂齒于薦紳已  
而歸謁丘隴里閭以為榮其姻家余弟守科暨  
友人孟松張守義等問賀于余余惟教胄所以  
師小子侯也小子侯微父兄寵靈世享國祿

貴不期驕富不期侈也者教行于小子侯亡不  
可教之人矣國儒能爾爾則內以教厥家子姓  
弗納于邪也邇以教厥鄉比閭弗即于淫悖也  
外以教厥邑州里弗奸于有司也一方之榮寵  
何如之不則自底不類冠裳雖具握蹠庸衆人  
不若也能母為鄉邑羞矧有光于前人國儒勉  
之是乃所以為賀爾

方塘釣叟集序

下走間閱釣臺集豔慕嚴陵之為人蓋萍濺六

御龍子集

吹劍草卷之二十五

七

合塵芥軒冕舉世亡足當其意云而歎不能忘  
情于釣羊裘而相羊所志與渭濱固不可同日  
語已而閱志蘇轍父辭見其寄傲煙波恍忽與  
若士遊汗漫志又不在于魚矣下走欲為披綸  
錯餌而不可得歲丁亥道鄴下颺司憲張玉車  
出一帙視余作而言曰此家大人微寵諸君子  
而歌詠其所有事願益一言圖不朽余受而卒  
業願惟玄真子以釣空鳴唐季今釣空豈其  
裔邪空幼業博士家言十比于鄉而不讐



忘情斯世者晚年厭薄世故卜林壑而夷猶焉  
呂方塘為湖海呂琴書為竿綸呂詩酒為餌糖  
呂萬有為游魚亡求亡得若存若亡歎蘭亡呂  
喻其神六鰲亡呂方其大唐釣空惡得而儼之  
是集也記頌詩歌亡慮數十百首闡幽惠揚世  
躅言人人殊眎釣臺集為允已不佞亡能為也  
特因王車之命而識容之所呂釣者如此云

贈都閫高君榮晉參戎序

秦墜古稱四塞譚者每侈言呂九泥封函谷蓋

御龍子集

大綱章卷之十五

九

可高枕而臥云余不佞嘗攬載籍呂周宣神武  
獵狄至居焦獲侵鎬方涇陽而不能禁漢至文  
帝號稱綦隆而烽火告警吏不絕書抑何大羊  
寇突之易若是惡在其為高枕臥也當是時匪  
方叔壯猷莫收大原之功條侯屯細柳至使天  
子不得馳驅其壘亦厯厯保無它虞未聞匈奴  
受一大創甚哉茲墜守禦之難也方今呼韓款

塞四陲宴如固無獵狄匈奴之患而旱沴頻仍  
古稱沃楚之區俱成旣脫呂三秦犷悍之民室

多縣罄將宛轉為溝中瘠其不相率為雀苻漢  
池盜者幾希也不有方叔條侯之材曷克綏寧  
而戡定之高君朝那之世胄也分閫長安者五  
歲于茲縣官拊髀而思頗牧之材援君閫帥中  
以為副大將軍參理陝以西戎務藩臬之長重  
君雅誼而喜其保障猶昨也問贈言于不佞余  
惟三秦之帥古今無方叔條侯若者方叔嚴翼  
莫敢定居一月乃期三捷條侯節制之師天子  
動容方珥烽火之警高君亦兩人是師已爾余

御龍子集

大綱章卷之十五

九

聞君世忠勇俱馬革裹屍邊庭君能讀父書諳  
六韜與義不泥章句其舍中兒皆材官蹶張士  
緩急可恃為用且也千金結客五陵豪俠及蒯  
緄之士莫不慕君風猷思効其一割是方叔條  
侯之流亞也于戎務也何有余不佞將拭目望  
君之勲烈銘旂常勒鼎彝畫形容于麟閣上矣  
而又何事于他言

贈南陽司理張君之官計部序

國家功令郎司理治行高等輒徵入為諫議柱

下史或為尚書即分理諸曹亡大軒輊其間而  
陘裘皮相見以為左右不相當夫即官上關乾  
曜何可眎為常調為也涵溟張君為山以東右  
族起家成進士筮仕南陽司理脛脛自好居常  
秉三尺亭八郡疑濫多所平反亡論殊死諸大  
辟咸麗于絜令即鬼薪城旦春白粲諸比亦皆  
五聽咸用不鳴于肺石且也秉人倫精瑩水鑒  
日與部使者挈衡程量人物咸應于名實聲施  
為兩河最部使者有所薦揚每每首君人咸謂

御龍子集

卷之十五

十

諫議柱下史之選舍君莫他適也顧徵書時下  
不之及屋厘補尚書計部即而止人多不為縣  
官稱平余惟 國家建立六曹倣古黃帝六相  
成周六典遺意而司徒經邦國鳩人民為國根  
本所關最為鴻鉅即官翊司徒揆猷摠慮贊康  
國裕民之大計厥職顧不重哉矧邇年以來歲  
婁告侵江淮河濟之間千里若旣脫然民艱半  
菽相枕藉為溝中瘠且邊事巨測供輸告匱大  
司農日執簿書計財賦贏縮慮亡以稱塞上

意縣官緣此故急材尤甚特簡智計淵茂之士  
畀之司徒使康濟瘁時藉而君適當此選其所  
注措當必有蘇民困裕國經建萬世之長策者  
在卓功懋勛有不與臺諫諸名臣同垂竹素必  
不然矣初君在南陽逢歲大比典文衡者徵君  
分校髦士卷君得吾邑王樂舜為多士最樂舜  
德之故于其行也丐言于不佞不佞稔君賢故  
次君之所以理南陽者而寓期望之意云

送丁先生解涖篆還禹州序

御龍子集

卷之十五

十一

自孔門岐文學政事為兩科後世志人物者遂  
有儒林循吏之目亡呂經術經濟不相為用兼  
材自古難之邪輓近世才不逮古遠甚焉或隨  
用輒効兼古人所弗兼是遵何德哉古處其真  
後竊其似古采厥實後銜厥名若之何弗炫且  
冒也不竊不銜所在名實輒相應恒于樸茂恬  
澹者得之余于丁先生蓋屋見焉先生楚材之  
翹翹者呂明經起家兩仕為博士亡論據臬比  
橫口之所譚根極理道折五鹿之角柱諸生之



口即所搯觚論著為古今文辭亡不出入風雅  
上下莊騷為學士大夫所稱許而性頹謙冲不  
矜已不戾物其所評隲執文纚纚一軌于先正  
亡少阿曲諸博士弟子橫經質疑義者人人各  
得也模其模範其范者亡不顧化而隆其就而  
博士之職舉矣部使者廉察其能借貶我洧事  
洧士人亡不喁喁喜也先是洧上災沴頻仍舊  
尹頗崇桑孔術事誅求民苦于奔命流亡者什  
三四先生代綰銅墨洧瀉不遺餘力緩征繇省

御龍子集

吹劍草卷之十五

十二

供億簡刑獄息訟牒不三月而仁澤大流流亡  
者接踵而至洧上諸父老德先生不置僉曰微  
先生吾其為溝中瘠矣曷可得噎半菽待命彼  
天邪初先生至自陽翟坐堂皇朝其洧吏民洧  
吏民或少先先生私相謂是握鉛槧畦黃赫蹠中  
語者曷可問爰書當否摯三尺恫惴走卒也先  
生若不聞而厝注黎然咸當于衆志豪猾吏至  
咋舌而走居亡何而政報成矣儻所謂兼文學  
政事而時出者非邪方今縣官急材其所拔用

不遺疏逃如先生者且莫擢宰百里治行當什  
伯洧上為世循良它日所就固亡量不則入  
六館助成均德化其所就亦亡量余固喜譚  
識去後思而孝廉王君樂舜大學許君學顏等  
俱從齊民被先生歲澤于其去也扳轅歎切迺  
問贈言于余而次其行事如此固衆口之同辭  
也

贈仝伯子仲子同入雋選序

洧有仝伯子仲子者同父母兄弟也各七歲向

御龍子集

吹劍草卷之十五

十三

學穎悟不羣伯子年十八選隸博士籍為弟子  
員仲子年十七亦與選竝遊邑庠歲戊子督學  
使者李君于田校士論秀伯仲俱入高等給伯  
子既稟錄仲子學額中咸比于鄉已而弗偕計  
歸修經生業益勤其姊夫范為錡暨其舅氏何  
惟一陳明東等丐言于余贈以勉之余惟國  
家昉化菁莪造士恪有成典令甲可稽已由鄉  
而升之司徒稱名不一一惟成周之舊郡縣有  
學學有博士弟子兼法漢典歲遣法臣巡行部

內課殿取拔尤異用呂譽髦斯士為縣官樹材  
賢濫至備也諸博士弟子下帷挾筴罔不思奮  
翼青雲樹鴻名于當世而多不免握齷為庸衆  
人則何呂故乘黃驤裏之奮足也不崇朝而千  
里而駕駘則終日仡仡不能歷塊越壚矣材使  
然也鵠雖之翺翔雲表也非竹實不食非醴泉  
不飲鵠據腐鼠而嚇之有所弗顧志使然也鵠  
鵬之徙南溟搏扶搖羊角而上必九萬里去呂  
六月息然後圖南斥鷃之搶榆枋有所弗知力

御龍子集

吹劍草卷之二十五

古

使然也全子伯仲之材乘黃驤裏拔駕駘罔  
其後矣伯仲之志鵠雖拔鷃鼠邈其卑矣伯  
仲之力鵠鵬拔斥鷃靡其小矣材偶則進必  
速志大則到必遠力顯則業必精繇此致身青  
雲之上何有哉全子勗諸余其拭目以觀之

贈靈璧令尹君臺獎序

縣官計安元元責守令能否于冢宰大中丞冢  
宰大中丞董正百僚聽旌別淑慝于直指使者  
直指使者廉察羣吏砥治行高卑而殿取之高

等疏聞于朝下冢宰大中丞揔核名實備徵用  
次則勞呂金帛而上其狀于冢宰司功氏中丞  
柱下史備除用第功令不廣而未有額選選治  
行居高等而起家不由公車受事不滿歲及滿  
歲而溢于數之外皆在勞書列中似不得與名  
通黈纁者伍而程功課寂寔亡大軒輕其間急  
材者選選一體徵除不呂其疏薦弗及而終弃  
之靈壁古巖邑令其墜者多材有司顧縣當孔  
衡輶軒之使蹠轂錯于郊衢民罷奔命而田多

御龍子集

吹劍草卷之二十五

十五

汙萊蕪穢若甌脫歲收畝不及畝民藉半菽且  
也民生僇佻易動有先楚遺風睚眦評語之細  
輒扞文罔奸犯于有司稱取不易治尹君以於  
越儁材筮仕茲土政崇桐鄉之軌不事苛求泣  
事以來留心民瘼加意拊循不暮月而黔首樂  
生童交頌德駸駸寧若出溝壑而衽席之部使  
者廉其狀材君籍甚推轂于直指使者直指使  
者材君亦為譚先也一鶚之章急欲甄收而時  
不滿歲格于功令不得及廼檄部使者勞呂金



幣而上其辭于銓曹中丞府意若曰此其治行  
宜居高等而令未可舉也者需且歲月當執疏  
薦諸君子勉之勒也曷可且先後語能否余嘗  
讀卓魯諸循吏傳治行有光史冊當其時未聞  
有部使者移一勞辭矧列直指疏中廼政成而  
名微一人微入為九列若彼尹君之自期許朕  
卓魯為何如顧一歲中輒得勞書如是矧三年  
之報政也其不為卓魯不然矣余未習尹君得  
其狀于博士賈君集君集信人也其不余欺明

御龍子集

吹劔草卷之二十五

六

甚故采其政而論列之

吹劔草卷之二十五

吹劔草卷之二十六

御龍子五十

消上范守已介儒著

寧夏侯廷珩校  
扶溝李時芳

序類

奉贈大中丞瀋陽李公以方岳奏績榮膺  
恩命序

國家內外臣稱峻秩者至二品而止其上則公  
若孤為輔弼重臣匪臣子所得易幾其間而  
二品者內則上卿六及御史大夫外則方岳十  
有三耳皆得以考績追崇其大父母父母恩

御龍子集

吹劔草卷之二十六

一

至隆渥而當計者以其隆渥也輒傳舍其外秩  
不令得三年淹與六卿御史大夫同徼靈寵受  
國家殊典以為常以故外秩之大父母父母得  
受二品封為臣子一大愉快而世所稱奇遺異  
數者也瀋陽李公為御史中丞秉節鉞填  
撫全晉陞貴重矣又何所藉外秩二品封寵榮  
其先人也守已不佞蓋私謂此天子所以  
急報公至意不欲待躋位卿輔而後尊顯其所  
自出爾何以故岳伯卿輔等相埒而遠進則有

差矣率其差而登進之不十年許不二品封也  
方公之為岳伯也三晉方病歲民乏半救而雲  
中橫煩諸塞赤籍者皆枵腹而待哺嗷嗷如也  
公日夜持籌而計贏縮下不欲百姓苦誅求而  
灌輸期以時至上不欲大司農捐帑藏而膏澤  
期以下流二三年間疋贏者得以振喙而含咀  
崩維組練之士亦或有椎牛挾纊而不至脫巾  
號譟者誰之力也當是時天子側席而急疏  
附之臣詎不欲登公內臺假節鉞填撫一方哉

御龍子集

吹劍草卷之二十六

二

而取績未奏則寵渥不得以先及寵渥不  
得以先及則天子所以急報公至意不究故  
需以三年而後徵書驟下也徵書下而所以  
登進公及所以尊顯其所自出兩不負云雖然  
天子固欲急報公亦以急晉民毋使失公也公  
博大敦篤不苛責細故輶軒所至為一路福星  
居方岳一日民受方岳之賜一日為撫臣一日  
民受撫臣之賜一日先是撫金晉者有人也故  
父公為晉方岳脩有間故拔公為晉撫臣晉為

國家右輔墜扼要控塞常塵天子西顧憂以  
故惓惓之若此由是以觀其所以簡在公駸駸  
嚮用公寧有既耶守已聞之公之先大父刺  
史公愷德淵懋為一時造俊之良而隄于下位  
德施未溥公父贈侍御公醕醢而厚厥積隱  
德弗耀天其意者令食報于今日也二品之追  
崇烏足以盡之自時厥後兩公之宅兆固當有  
綸綍之章不時至者而世德之昭宣弘遠矣

壽師公七十有六序

御龍子集

吹劍草卷之二十六

三

世有養生家者其言曰惟嗇早服早服是謂重  
積德旨哉言乎所以養壽命之源者此焉在矣  
夫嗇亦不可一律盡也有豐于人嗇于天者有  
豐于天嗇于人者有天人俱嗇不失其為豐者  
均之為早服重積而可以長生久視于一世余  
嘗以此律世人其嗇于天者什九而不能善承  
其天嗇于人者什一而終或盡戕于人亡惑乎  
松喬彭篯不多見于天下也吾洵師公子嘉生  
而穎異幼習博士家言有聲膠庠間諸博士弟



子與之譚經角執未嘗不解順匡鼎而哀然為青衿稱首也且不自滿倏負笈從夷門曹少司馬遊因而遍交汴上知名士及其鄉先達薦紳先生諸薦紳先生知名士亡不口公為譚先也而公之聞見乃日益廣蒐羅乃日益富上自丘索風雅以及莊騷太史諸所論列下至卜筮衆技及我國家締造經畫人物臧否莫不摭攬而覈其要淵涵岳峙儻所謂園澤之雋髦者非耶乃婁比于鄉不得偕計一上公車卒以里選

御龍子集

吹劍草卷之十六

四

奏對 大廷而策名廣文之館非所謂豐于人而嗇于天耶且也公自祖禰以來為死陵著姓以財雄邑里姻婭皆當世名卿相厥配張安人者乃新鄭少師高公之姨中牟少司寇張公之姑也族類赫然盛矣富貴福澤何所不輻湊于公而公之冢子又以明經克賦 天府而貳政于巖邑仲子又采芹于泮水長孫又奮翼于青雲天之厚公亦何至也而公乃過自抑損不為世俗煇煇態衣裘取完潔不務華靡第舍輿馬

取容膝代步不務壯麗內無姬姜綺縠之飾外無鳴琴躡屣之娛其為南陽太陽祭酒也青袍自守不校士子雉羔有亡而茹蕡餐水以為常非所謂豐于天而嗇于人耶卒之掛冠歸臥隱約矣而冢子亦以蜚語擯長孫又以膏肓切一年之內既敗壘至而公抑情忍性不以外感滑其蘇則天人俱嗇而不自失其豐者也嗇于天則有所留待償于後嗇于人則有所餘將厚厥終天人俱嗇則否塞既極罔機自返不啻早服

御龍子集

吹劍草卷之十六

五

重積德而已 蓬蒿期頤固有不期然而然者七十有六也又烏足為公異方今冢子石首君婆娑林泉日舞萊衣滌澣其左右桂子蘭孫王立庭除間皆可以奮六翮而鳴天衢公亦大有媿快者在也予將拭目以睹祺壽之盛異日者珥筆而贊彭錢耳故因公弟引伸之請而論著其壽原以為贈

#### 四禮要畧序

家禮一書朱先晦參酌古今撮為要約最易

可率由而門人楊氏復乃不能無異議謂與古儀禮多鑿枘不相入也顧元晦豈師心好自用哉古禮繁縟節文太備昔人以為忠信之薄漢代去古未遠憂世者尚欲損周之文致用夏之忠何論宋季也禮本世俗人情而為之節文自古記之奏鈞天廣樂于啟舳舫鉤艇之間不若欽乃之為適講節奏和鑾于追犇逐北之頃不若磬控之為得古今風會異流不翅蒼素而欲飾芻狗于已棄之後則惑也丘仲深不袒楊氏亦

御龍子集

一 吟劍草卷之六

六

不步趨元晦儀節之作添蛇足矣它若魏堂之會成朱廷立之輯覽皆祖仲深而信縮其間涉沱汜而忘江流又何知有濫觴也日者洪溪袁公刪而為節要淡菴朱公編而為易簡庶得考亭之遺意第南北異俗瑟琴異好猶有不能強其所不欲余懷鉛槧辱與三晉士周旋屹屹焉欲挽叔季而夏商之古禮繁縟殆不及講欲取元晦本書刊布講肄第恐學者固泥文義苟趨省約亡以貴時人之耳目將謂先王典禮固

乃爾乃不自揣量少加會通庶使繁簡適宜要約可守責青衿而肄習之或者不病其難從也嗟嗟禮教久弛人情樂因循而畏拘檢一旦驅以先王之禮如冠裳條纓而調之以揖讓也有不裂毀而犇佚者幾希矣孔子曰齊一變至于魯魯一變至于道言移風易俗有其漸也今之俗一變至齊猶曰難之故導之必自其易簡始有志復古者自有先王儀禮在亡埃余贅也

輯肅外史序

御龍子集

一 吟劍草卷之六

七

昔孔父財經定哀俱筆子長纂史景武咸詮察百步而眉睫是留達觀者病其闕已故商古之士不遺摧今左子綴傳尤覩縷于獲麟之後也况後主所是一代之絮令存焉苟闕而不彰即有如荀卿者欲法魏相者欲條將焉由之是故典刑斯在皆蒐輯宜及而謨烈攸關尤闡揚欲急者矣我國家自高帝以來二百餘載勳華顯承日星炳烺其為掌故所籍太史所編摩者充牣石室媲美典謨而垂千古矣其他拾康衢之



遺誼掇講德之緒論摛網餘馥矜以辭章豹斑者亡慮數十家雖其辭寡體要事多舛譌而學士讀之亦得以窺神功于萬一識帝德之髣髴其所弘裨豈淺哉我願其為述皆止 毅帝而往 肅皇以降攬撫莫及粵稽四十五年之間神謨廣運泰道長亨其所以芟翳林棘觀光揚烈軼 六宗駕 二祖咸五帝登三王者沮誦聃佚窮日不能殫其紀編韋殺青充棟莫克究其筆蓋將埒二曜之不磨與天地相為昭

御龍子集

次劄草卷之三十六

八

章者也可使秘諸金縢械之蘭臺愚黔首而不欲其知我予聞之太史氏曰日者纂我 世宗之實錄也官分六曹草脫十稔為編五百六十有五為言蓋千有五百餘萬云即使頒之學士課以繙閱將有皓首未窮其帙者而何窺功識德之能為已自髫歲志存典墳至于 昭代故實尤所悉心居常念陳氏通紀草次亡文采摭雖云不苟而蕪俚可厭步王君懋之故武鄭公大政記筆削率意鉅細不倫比之孟堅帝紀似

為整繁以方麟筆難免捧心之強矣薛子憲章錄廣掇群言自銜博綜而拾唾餘以當珠璣寶武夫而充秘帙是刻仲豫之鵠而失焉者也高氏鴻猷錄目取紀事義殊編年事必核夫始末而 高帝初年諸條則分析璅屑動必繫之歲肯而奏 詔往復誅賞銓進則月日未審求之千古蓋自我作故不有范模者矣每思兼採諸都官曹事訟牒煩簡得以其隙肆力丹鉛欲蹈

御龍子集

次劄草卷之三十六

九

初謀終苦絲閣念有四家之緒言姑作緩圖廼聚羣劄創撰 肅謨事鉅者稍挈其領用為標識非敢自附于竊取關治者備徵其詳匪為雞肋聊以廁之臚臚也材童足于識小說或異于稗官雖于 聖神治化之隆未能仰贊其什一而視于睂睫庶幾不殊百步耳苟有推今者欲法而條之或者不外乎是其間 國是從違忠佞紕信一惟近世名賢之話言是據當時元夫之疏論是憑不敢毫髮自用肺腸觀者幸諒

而原之母眡為魏收之穢史可也萬曆壬午夏  
六月涓川范守已書于建康之九二軒

涓乘御龍子自序

昔先大夫宣子以保姓為不朽叔孫穆叔援三  
立折之宣子辭遂屈宣子固御龍之世也御龍  
而上其功德豈遽朽哉蕩蕩難名巍巍乎成功  
遐哉不可尚矣御龍而下靡有失德隨武范文  
夾輔晉室為諸侯盟主所不足者言耳數十傳  
而及御龍子藐在二千年後總角親載籍即鰥

御龍子集

吹劍草卷之三十六

十

鰥焉欲追武文之緒而困莫之能未嘗不惘然  
自失也年逾強仕猶以升斗祿留滯金陵作而  
歎曰穆叔所謂三不朽先子以一而詒我乎不  
則曷假以立言之會也居亡何邑大夫以涓乘  
見屬于是始細經傳稽往牒參伍群籍錯繅  
而論列之小司寇方沆過而問曰邑乘何為而  
作也其履隘其掇拾也不閤其籍汶汶其聞見  
也淆亂而弗精其稱物也微其取類瑣尾而不  
可整其政鄙其拙思也咽而弗工以此而修

輶之業欲方駕子長軼孟堅而上之也是侈十  
家之市與國幣爭贏絀也而若之何徒散精神  
也太史公纂史上自黃帝下至麟止恍乎與孔  
父同符證是歲而麟復生天其意者以絕筆屬  
子也若之何其小用之御龍子盱衡而諗曰惡  
是何言與圖南之翼搏扶搖而上也與榆枋同  
適亡它六翮各具背毛腹毳皆均爾周禮小史  
掌邦國之志大祭祀讀禮灋亡不與聞春秋莒  
鄆滕薛其地不及漢一大縣而史志亡不詳具

御龍子集

吹劍草卷之三十六

十一

左氏得據而采之蔚有文辭我國家幅帙廣  
大眡周殆倍蓰然乃周有千八百國而今之為  
縣者千有一百而止挈長校大一縣之疆域古  
小國不足以方之今丞雖微子男卿大夫之選  
也而若之何其少之矧涓為中州巖邑軒轅之  
近郊湯穆宣二天子臨幸其陞赫奕至今其它  
軌轍輻湊選選見于春秋自漢以來啓宇建治  
離合靡一散在方策皆可考而鏡者而二千年  
間卒亡有摭括成編以昭眡後之人至使往



懿軌聞留弗彰是誰之過與予生也輒暗于知識上不能為國家紬金匱石室之藏以續麟止之業下不敢私有論著以表鉞世人自附于春秋若復薄邑乘而不為則穆叔所誚先大夫終有遺憾矣子其若之何司寇揚袂而退乃卒其編

軒轅肇跡許鄭分疆漢縣隋州遷徙靡常貞觀裁冗興定建官綏民保聚百世之安作疆域沿革志第一

御龍子集

卷之十六

十一

岡陵盤錯川澤縈洄莫維流晶豐民育材旱乾水溢維民厥病溝渠疏鑿當官首政作河渠山澤志第二

衛永莫阻高深是守布令懸濶萬民趨走廬旅置郵國體所關經始扶頽功俱不刊作城隍廨舍志第三

右文覃教橫舍崇飾鄉邦義彥捐金効力禦災捍患祀典攸存嚴潔廟貌維民所尊作學宮祠祀志第四

則壤任土經國裕民錄役誅求元元之貧撫字催科存乎良牧胥史獎源幽隱必燭作田賦力役志第五

歷代異制隣邑接壤離合廢興明若指掌寡昧拘孿者見目曉而闇古始語焉不能詳也抽簡牒明畛畔作沿革表第六

捧符檄綰銅墨歲更而月易長貳師儒傳舍其墜者參錯而不齊不稽歲昔莫知繇宋之終始作職官表第七

御龍子集

卷之十六

十一

登崇良儒國之鴻制甲乙殊其科鄉國異其歲連袂而接踵者幾希也明疏數驗盛衰言不盡意作科目表第八

桑林圃澤大沼洧盤振古之區鄉邑之士日將焉亡能按其際先民之恥也蒐穆傳稽水經采左氏撮羣史作古蹟考第九

司牧司教民之具瞻凡吏茲土皆天子之命吏也既去而姓氏莫傳薄于逆旅矣雜見祠刻之刻文者至幸厚也聚而書之作官師考第十

民生既夥英氣間值顯晦示卑惟其所就功業著于春秋姓名湮于閭里卹師鄭長責焉攸辭辨邑里別品目作人物考第十一

王跡熄霸圖興晉楚鄭日憑陵戰無義盟可憎韓魏國漢晉間惟鋒鏑多悖鯨披諸史審筆刪

作古事述第十二

魯春秋詳災異水旱蝥成劄記謹天戒重民事雖小邑不可忽物反常亦妖孽慘往牒續聖則作祥異述第十三

御龍子集

卷之五

古

帝錫命渙天語雲昭回鳳翔翥重綵綸欽當宁謹籍記視後人勸臣忠厲子勤作 綸音述第十四

賢哲興人文著經史子各有據研性命決猶豫碑碣傳序與詩譜建置存德施簡名筆擇可師作藝文述第十五

司牧良民受其慶不則其殃豈弟君子父母一方去思無疆作循吏傳第十六

強毅明決藜陞可剗闢磚玩惕功罔不戒先正

其前轍撮往碣爰申其說作能吏傳第十七五鹿嶽嶽朱雲折其角汗青之倬循循邑傳為士先覺尚亦有洞于糟粕作儒林傳第十八述矣靈修萬夫之望處貴丘園出重巖廊尚亦有銘于旗常古今異疆莫可或忘作名賢傳第十九

鳳皇景星世仰其靈見而至止所在炳熒矧賢哲之芳馨作游寓傳第二十

董女熊錢後世共傳事之荒唐弗擇焉矧彼江

御龍子集

卷之五

五

環一念之堅作孝行傳第二十一

匪躬之義無間疏逃奮身効勳畢命鋒鏑是為臣的作忠義傳第二十二

晦于前顯于後穀貽孫子命被龍首尚亦有聞于不朽作恩錫傳第二十三

發婦泣寒白日相在爾室閱其淒漂司風罔悉其誰云卹作列女傳第二十四

食雞蹠者或惜其肋聚狐腋者不棄其尾鉅細咸登以備一方之故實作雜記第二十五



結繩既遠載籍繁興搽觚之士家丘明而人遷  
固師心匠意交訾平譏耳鑒者迷方而莫適迨  
輓近世其極矣予不揣量志復古始以郡國其  
邑而柱史其志米鹽凌雜網羅不遺挈綱會要  
務歸于雅正而後止第恐拘牽之士以為卞氏  
而冊誚之不有先容按劔而覲明月者紛如也  
乃申復其意作自序以終篇御龍子曰予采古  
今言為消乘二十六篇始事于麟生之月其終  
也斗柄東指矣

御龍子集

吹劍草卷之二十六

去

仕國草序

唐呂詩鳴世而曰詩鳴唐世者厯厯若而人若  
而人今可屈指數也顧選唐詩亡慮數十百家  
言人人握霸虵珠也者何呂故各役其偏師呂  
摧堅而拔趙幟則亡不馘有首虜矣呂之建大  
將旗鼓八面受敵師指顧咄嗟間龍虎鳥虵變  
幻而雜出敵不知其所攻而我不知其所呂勝  
舍若而人亡從歸也明興呂來鳴唐之鳴者  
朝不乏人獸北地信陽剪荆棘啓周行為一

鼻祖歷下吳郡再拓幅員使斯道廣運與亭毒  
同其變化唐若而人不得而美矣自昔厥後人  
抱陵陽之璞家藏交甫之珮蒼壁黝璣筐篚錯  
陳見之者迷迷月眩而心眩選唐不足呂盡之  
郭舜舉觀察吳興名流也于學亡所不閱顧默  
好為詩所至搽觚為五七言古近諸體輒至成  
帙見者爭傳誦之不容口余交舜舉也晚歎得  
所謂仕國草者披翫不釋手作而歎曰唐若而  
人茲今其又有與哉蓋舜舉呂開美之才博綜

御龍子集

吹劍草卷之二十六

去

羣籍呂沉潛其思而郁馥其辭古體與于安昇  
之相上下近體與少伯仲武幼鄰輩比軻聯鑣  
而前却其步武也藉使遇青蓮少陵接軫轂亦  
未必其和鑾不錯鳴文相愉快矣彼役偏師者  
烏足呂擬之初舜舉為尚書郎選來南北都也  
有二京稿尉懷仁有三雲稿宅憂里中有西翠  
樓稿數文嶺南有粵游稿琬琰盈編不可殫述  
茲草乃入晉一斑耳又烏足以盡舜舉特因舜  
舉之請而猥引其前用付剞劂氏使觀者得呂

索其餘而盡舜舉

御龍子集

吹劍草卷之二十七

下

吹劍草卷之二十七

吹劍草卷之二十七

御龍子五十一

浦上范守已介儒著

寧夏侯廷珮校  
扶溝李時芳

記類

遊張公洞記

歲丙子春三月予有事于義興問其尹山川之  
勝丁尹懋建予同登士也以張公洞對月之二  
十有八日邑人黃君應乾褚君棟遂約予及韓  
克一同往向午出東郭挈舟由東九邑有東九  
九江也陽湖汊東南去其水皆紺碧色晚抵洞山之

御龍子集

吹劍草卷之二十七

一

麓明日士戌詰朝登復輿西北行約里許抵山  
下有頽宇數楹邑胥戒榼罍其中要之飲姑醖  
一杯茗卽舍去黃褚二君戒輿人曰從洞尾入  
可輿人不之省徑走山巔其山陵夷上高不及  
里兀若伏龜耳其洞口正當其脊嶢然開張窅  
不見其底徐察之有城道可下于是相與扶曳  
下約百餘武一坪如席仰視則洞口欲合瞻天  
若窺隙中矣口畔石覆若屋玉乳疊疊垂以千  
萬計參差百狀不可方物有長及尺者有長及



尺者有長及尋丈倍蓰者麤麤蟲蟲出累累有縣若龍尾下將及地有植若玉柱上將支訖有上下相當中斷若斬不連者不能以寸洪纖維杳晶瑩幻眩至明不能窮其變大巧不能肖其形天下之奇觀是焉極矣迺布榼一酌其下而石罅滴水若雷且喜且厭為之支蓋以飲才一二斟復罷迺勑輿人戒火炬鼓人序金簫導人尋盤磴自石林入東下數十武見二石對峙如人或曰此張公夫妻遺骸所化也又東則

御龍子集

吹劍草卷之五

二十一

石簷橫垂當人胷以上平理若削必俯僂而過之過則黝黯無所復睹須火迺有見矣又東循石以上崎嶇危峭上石亦折而高行皆可仰而捫上下石相距終無及尋丈者高庳相隨越不曠不阻又東南則又下上下下各數百武勑力焊竭不得中止下復極暎火東南眈見其頽洞廓廖導人曰中有丹竈芝田人跡所不及也迺轉而東北上忽微光透石罅見之喜甚再上則光愈融朗乃洞尾透山趾也于是魚貫以出日晷

已及高春矣相與席石茵草而酌恍自仙窟中來因思天地之氣結而為山乃有空洞沕寥若斯石乳融流凝鑄若斯殆非頑塊所能有或曰聞之古昔茲山罅如也一夕雷破其巔有蛟龍者出而去遂哆然為洞然則石之融液固雷火所然灼已而何訝之為是殆不然夫石礪物也焚則灰而不液吾聞龍火能銷金燔木矣未必能流石而滴之也意者渾闔之始天生水而流土凝地生火而脂土堅當是時山骨始生石理

御龍子集

吹劍草卷之五

三

未固而伏火薰灼曲暢旁達固宜其鍊之融渙而垂之懸結也後世之石頑而枯何有于是夫東南陽方也火鄉也故山多空洞而石多懸結西北則否而又何疑于形質之怪詭

### 遊玉女潭記

是日去洞山飯於東南之麓顏字中黃褚二君曰此去不一里而遙有玉女潭亦奇觀也予聞之沾沾然喜動眉睫間迺攬衣登輿西南去轉一陂陀見翠竹夾道繚漫山麓清脫幽匝觸目

可人忽前驅，驀然驚走呼有虎。頃之一鹿突竹而來，見人逸去，復整隊而前。石徑蔭翠，曲折尤嘉。竹盡遙見山木鬱蒼，童童千章，迺穿林登峯。忽見兔葵、緋紫相望，遡羊腸，銜迤邐而上。忽一危樓兀然孤聳，山頭飛棟，臨風綺疏，洞啓迺舍車趨觀。其下至則前臨巨泓，石崖斗縮而下，深將數仞，周廣方數十百武，水色正碧，深不可測。崖口覆以灌木，蒼藤野蘿，雜施不罅。其近水西南隅呀然一洞，竅不知其所，極水石相為吞吐。

御龍子集

吹劍草卷之二十七 四

形色俱異，眎之駭神，不覺毛髮淅瀝，疑有神物出沒其中也。詢之卽玉女潭，登樓俯瞰，益見幽絕。叩其名潭之自莫知所始，或曰此西嶽明星玉女遊浴處也。予笑而記之，索輿而返。

### 遊三山記

潤州形勝甲江左，諸郡京口形勝甲潤州，諸處三山形勝甲京口。諸山遊者云：焦山形勝甲，固二山則予未見。時所不信，蓋金山予見者數矣。壁立百仞，陡拔洪流中，如堆斯削，如峯斯斷。

如螺斯疊，翳疎樾，竦雲構，增以七級浮屠，直插雲表。而丹堊蒼翠，雜遝若幻。每自蓬牕中仰之，恍然一玄閤也。而未嘗一陟其巔，窮極其所。上同予陟其巔矣，又且頻然至，必以夜無所騁吾目。他日嘗晝至環走而俯之，眎楊子其拖疋練，金焦二碁石耶？左右浮水面，不少移而終惑於遊者之言，思一抵焦之麓，以肱斯矇而不可得。歲庚辰六月下弦，以事抵潤。明日辛酉，偕蘇郡王丞事、聖常、邵韓司理、辛善、具刺謁行，驪馬御龍子集。吹劍草卷之二十七 五

公于金山僧，昔公病瘵，未瘳，杜門不之見。迺相與夷猶其山中，汲中泠而飲之，步出寺關，尋呼龍所在。望石牌山，讀夏桂洲大江詞，及張祐等鐫石諸詩，辭意灑灑，與江水飛動矣。復徧睇大雄殿、江天閣，妙高亭，諸勝參差掩映，足稱奇弄。乃登水月樓，飯瓊花館，以盡逸興。遂尋涯歸舟，欲返潤城。忽王子曰：今日無它政，焦麓三望而風日恬，鮮放舟而窮其勝，不其可乎？予曰：所素願也。乃解維順流而去。是日也，晴霄垂碧。



寸雲不翳東風徐過水心如鏡乃一二孤舟泛  
泛而浮其中前却眎之杳無涯際左右顧烟樹  
亦遼邈矣約五里許見南岸突兀青蔥秀拔  
子指曰此北固也去岸稍遠過而不顧  
又五里見波中橫沙延絲林木茂密訝而叩其  
處舟子曰焦之西麓也轉眎間已維其趾乃相  
與舍舟登麓入禪寺門外有雙刻獅石瑩白如  
玉及石坊從立殆玉柱然乃入瞻焦隱士遺像  
及大雄殿諸方丈庭除之勝俱金山所未有昔

御龍子集

吹劍草卷之二十七

六

溽暑烜赫揮汗淫淫盈把握乃即其殿中班胡  
牀相向坐以納北扉微涼因而對奕一二局但  
覺涼颼颼入肌不復知其溽暑也已步擱仰  
眎見山峯斜壓欄上茂木龍蔥若青鸞之舞雲  
際蟬鳥雜鳴幽爽厭志習習然欲飛步而凌其  
自西南迤邐北去路稍平假輿以行緣水許  
傾壁穿密林轉巨石其懸崖突岬處多有剝削  
鐫刻文字者不遑洗認逕走西北隅轉折而南

石磴崔嵬不可輿致乃下輿命二僮扶曳上後  
人昂首等前人足前俛見後人頂步武相緣不  
得肩比纍纍若貫魚扶曳者牽擁後先亦不

等如是者數十仞迺得一坪折而北過

一小扉有大士菴四楹西向面江爽氣逼人一  
衲僧出茗飲之已復出小扉東南上約百餘步  
復折而東北石磴嵯峨益峻絕不易行又數十  
百仞皆草木蒙翳蓊蓊然浮動不絕一徑僅容  
單武耳林窮卽抵絕頂平曠畝許中構吸江亭

御龍子集

吹劍草卷之二十七

七

一四面臨江風來無礙旁有石鐫楊椒山一絕  
迺相與振衣其中周覽八際番恨江流若隘似  
不足以容斯峯也回眎金山眇乎卷石矣山東  
潯有沙一區約數千百畝烟樹相望畝澮秩如  
也宛在水中中央與外人跡絕望若蓬壺中人排  
丁衣持刺紙至問之曰楊判棟招飲甘  
露寺語當亟往不則日且曠昧谷耳乃相與  
故武下泝風行駛甚瞬息收甘露港舍舟而輿  
則義馭已入西崦翠微中矣泊躋山巔已需火

而行迺穿斜廊略佛刹西遶大士菴北及關俸祠走摩雲亭俯瞰江流則二山在恍忽中若若無不復記向之勝槩已迺譙于露坪評其

壯哉斯遊一日而窮諸勝蓋吾數年前夙戒連日約一往臨期而不可得者今始償之無陰雨之阻無風波之蕩無雲翳之迷山靈所素怪者盡以眎我矣韓子曰然則三山之勝孰為優御龍子曰金山之勝秀以峻北固之勝繇以密焦山之勝洪以壯

御龍子集

吹劍草卷之二十七

八

遊拂水巖記

歲丙子林鍾之月望後三日余舟過海隅昔蘇郡赫司理登甫按部至邑日晡無事相與放棹虞山下旣而邑尹留龍德至譙嚴承相園虛閣上對眺虞峯嶠岿嶺嶠執若蜚動花笑鳥鳴山一覺神意飛越遂相與下閣譙復輿循山麓迤邐而上皆羊腸衍行三二里有小檐楹負高面深中象漢關侯甚肅傍有小宇倚峭壁下瞰林壑已數十百丈迺穿洞過與渡

里衙益隘石壁巉巖繡色炫耀突兀旁出欲傾欲壓仰眎殆若支天及俛目回眴又飄飄然身在雲霧表也復里許衙若斷齧審眎無容武

迴磴盤曲而上輿轅直立身偃茵內若懸度然石岩益萃聳嵯岬令人神色都阻過此則抵絕嶺修行夷曠四顧無際若自為一區宇云其東有望海亭可見滄渤惜棟欄頽圯惟餘石柱兀然其北有梵宇甚宏敞亦漸剝落因相與小飲僧舍遂散步尋拂水所在迺在梵區

御龍子集

吹劍草卷之二十七

九

西南一泉浸浸然流草石間迤邐十餘步落一石級下淙淙有聲又跬步許又落一石泓若小盆池澄澄可掬已而散流石罅間瀑濺崑下昔無凱風亦不見其飛拂也余與二君佈輶泓側置觴俎屏去輿隸止二三童子侍斟觴詠其間一覺神意下眎鳥鵲投林若斥鴳之捨蓬蒿然已而白榆耀芒舉手可摘籠燭炤豆捫瑛鉤蓋不知身在何處所也少頃耳熱仰睹河漢澹澹欲沒因登危厓視之月輪已在高春流



頃下暮玉峯四望晶然若在銀海嶼中因又移觴一大石上高平方廣可二丈許趺坐其間邀月入杯更覺心神怡暢恍栩栩于丹丘矣

御龍子赤壁之遊刻石鐫賦至今

豔慕之今吾儕觴此石間獨不可鐫此為邀月石以詔後人乎矣知後世不以蘇子眎我儕也因相與抵掌大笑而下尋道歸舟夜已央矣惜欲卽為一識因循不果越明年冬余復有事海隅盤旋旬日欲再尋前遊竟以匆忽不遂悵望御龍子集

御龍子集

吹劍草卷之二十八

十

奇踪如在玄閣迺授一作歌恍如山靈在目六也併識其始末云

八劍草卷之二十七

八劍草卷之二十八

御龍子五十二

浦上范守已介儒著

寧夏侯廷琳校

記類

遊攝山棲霞寺記

予初至金陵卽聞棲霞牛首之勝欲一往眺遷延不果行歲癸未正月大司寇殷公以蜚語罷將歸里謀為攝山之遊予與比舍郎六七輩追隨之廿五日己卯詰朝出太平門由蔣廟東去出姚坊門畧雉亭衡陽訪山皆童不甚佳傳

御龍子集

吹劍草卷之二十八

一

間見東北突兀若百疊芙蓉翠微嵐靄紫碧青遙知其攝山也問之果然急走抵麓下有短牆為陸開櫺戶以入入則蒼松翠栢挺挺林立小徑迤邐其下幽色已逼人矣約半里至寺門遙望寺後峯巒鬱律若連屏然而南北二嶺夾寺左右若兩龍夭矯交護靜土者舍而不顧入門數十武見新構大雄殿未成柱礎森植枅格支撐皆良材合拱抱亦雄建也穿礎直入問殿八所在則往遊白雲菴矣先是參幕陳建中獨

隨公至諸曹郎何一舉繼至兩君者侍公譚遠  
衆不來乃先遊近地云予聞之馳往白雲菴略  
石淨脣蓮花泉大佛岩轉折而東循中峯磴左  
右以行磴水闊不盈尺突流亂石中瀟瀟有聲  
聽之灑然磴上跨石為虹隨流轉折穿度左右  
亦可喜也及至白雲菴則殷公復往白乳泉矣  
予復循磴追之遇于中途蓋公已覽畢而還也  
謂予曰若初抵此乎曰然曰白乳泉石壁頗佳  
盡往從之復謂何陳二君曰偕范先生一往吾  
御龍子集 吹劍草卷之二十八 二

立此遲之于是二君偕予東抵泉處則泉水竭  
絕已久獨有大書三字鐫石壁上而石壁硯硯  
斗拔高數十百仞丹蘚斑駁可愛寺僧指其巔  
曰此陸羽試茶亭故基也予望之林莽蕭蕭爾  
遂還見公公復謂予適睹白鹿泉乎曰未也公  
曰此泉不嫌再至吾同若復往遂西行逾白雲  
菴數百武度磴北夾道有老梅二株高二尋餘  
榦大數拱偃卷扶疎特花才蓓蕾耳清瘦可翫  
又數十武入小院有殘屋數楹穿屋後則白

鹿泉也水出石壁下匯為小泓不盈一席清澈  
見底有二穴吞吐水際遊魚出沒其中東南有  
小洫導其盈穿屋趾而去其石壁斗懸高百仞  
丹黝眩目上鐫白川王公遊記及李惟寅隸書  
三大字殷公命予三人環坐泉側令僧掬泉烹  
茗以飲清沁脣舌須臾諸曹郎葉可鳴郭漸甫  
陳世勉至公亦命三君往觀白乳泉遂其還同  
為他往三君遂去移時不返良久葉可鳴來問  
郭陳二君則往遊東峯矣公曰如此勿復俟也  
御龍子集 吹劍草卷之二十八 三

乃命觴三醕出而西北共登千佛嶺而二君始  
匆匆至道遮酒人攬觴以飲可鳴自嶺上搖手  
止之謹以示罰二君不之顧也大噉而上千佛  
嶺者中峯之西足也自東宛偃而來鬱隆數百  
尋凸石磊砢可愛蕭齊時明居士子仲璋鑿龕  
其下大小數十處各像佛于中參差不一約數  
十有餘金碧猶有存者稍西一軒臨深竦立內  
雙龕獨深像設頗整公及諸君少憩其中復  
至默坐亭不甚整又西登石冠峯峯舊名



卓立羣石上四面皆有龕像其形類冠僧云其上  
有泉予攀緣以登跂足頻眎之有小方池水  
滿其中蓋雨瀝所聚非泉也諸君螳附皆上予  
乃先下追殷公于古佛菴公醜紗帽之名顧予  
易之予請易為今名從焉少頃諸君皆至遂相  
與西觀功德水其水在浮屠下短垣繞之溝石  
為曲折形中若玉玦兩翼回旋若帶水自東翼  
出循溝宛轉至西翼穿垣而去澆澆有聲蓋流  
觴曲水之制也第不知水自何來若潛從中峯  
御龍子集 吹劍草卷之二十六 四

礧伏地而至者然不見其蓋覆跡也視已至僧  
舍聚食扁書第一清規衆笑之食已北走視珍  
珠泉泉方二尺許構亭其上水自東山脚浸淫  
來穿砌出泉中時或噴珠然不常有也復穿砌  
西去淙淙然可聽逾亭北走數十武折而東數  
百武至般若臺院落甚整有小禪堂像設供具  
俱麗入坐啜茗聞有僧能談禪者呼之不出以  
疾辭堂南有經樓四楹羣僧檢華嚴其上其南  
有施生臺刻石為基磨礧甚整高丈餘中

花柱一莖高四尺許柱端平潔可與龍相久之  
下復北往折而東約半里許逾小梁抵天開巖  
巖石崢嶸削泐懸結可翫一徑如壘門闊二尺  
許兩壁夾立如峽嶙嶙峋峋可捫而上徑中疊  
石為階止容雙武公與諸君魚貫而入予隨其  
後可鳴世勉又在予後登數仞徑窮復折而西  
又數仞有坪盈尋可佇立遠眺然去山巔尚數  
十仞也時殷公在坪上欲下而予猶在半徑無  
側臂處乃躡巉石緣東壁上攀木分蹊疾走而  
御龍子集 吹劍草卷之二十六 五

陟其巔可鳴世勉隨之而上可鳴復中止獨世  
勉追及予相與四眺諸峯盡出其下足稱達觀  
矣然羣峯猶臨其上恨其闕予之目也已乃從  
坪間循徑而下則殷公已在圓覺菴矣遂窺戶  
而入見公公曰此有入定僧盍往觀之乃入北  
廬然燈視之一僧瞑坐暗榻不動不語問其徒  
對曰坐此十有二年矣問飲食否曰飲食問何  
處飲食曰或就几案或在榻間問入廁否曰入  
予曰然則曷言其靜坐也予不知其中果空諸

有乎倘空矣果真空矣况未必空耶彼見人來而瞑目不語吾何由知其所存也不知其所存則吾欲教彼不可得欲受教于彼亦不可得何以觀為遂出從殷公往登東峯時諸曹郎顧汝翼范敬之始至遂攜而往殷公乘復輿先去汝翼又一舉建中漸甫隨之行予與可鳴世勉敬之在後南上中峯乃轉而東約百仞足力已罷予疾走峯頭危頓而坐世勉可鳴敬之繼至亦坐憩良久乃起向東北去約百仞又坐憩敬之

御龍子集

吹劍草卷之二十八

六

恃捷先往不數武亦坐予與世勉旁過而走其前凡四憩乃抵凌虛亭顏檐敗宇不可就憩可鳴登圯垣東望則大江已在睫下矣予亦隨望之北視絕巔猶在半天可鳴意不欲上予曰如殷公遷之何乃先奮足獨往行數百武兩足如靱重石咫尺不能前復坐憩少許又行又數百武復憩僧在巔上見予危頓趨下送茗一甌予受飲之神爽稍復下視凌虛亭藐藐若在山麓矣乃呼一隸掖之而上約五十仞體若節解足

蹙蹙若遡逆流喉若曳鋸而道傾不可坐踣立久之又極力以上再三十仞乃至絕頂見殷公于大士菴公曰來耶此大觀不可不到命坐啜茗良久敬之世勉可鳴乃至俱色若槁木衆咸喙之已而出闕四眺大江縈迴若帶羣峯若支隴不知孰為中峯及南北二嶺也聚堦而已殷公大以為快徘徊久之已乃循道而下日已就暝矣是夜侍飲于清規堂予即席賦詩上殷公公命復為記鑱之堅珉以垂不朽飲闌夜已將

御龍子集

吹劍草卷之二十八

七

分退而揮筆代公為記一通翼旦上之復會食食畢出視明徵君碑乃在寺門外道右北向唐上元間所立也楷書甚佳視已索輿而返復自記之

### 遊牛首山記

遊攝山後四日癸未寔正月晦日也殷公往遊牛首予與比舍郎任子薦廖伯才陳汝晦鄭文敘鄭子良黃尚舍追隨之予由聚寶門出安德門循郭垣東南行沿山阜迤邐而走約三十里



抵山東麓轉折西行青松夾徑塊石突兀羊腸  
屈曲而上約二里許忽聞松間有擊柝聲山坳  
疎鍾應之不知其故須臾羣僧迎蹠道左則抵  
弘覺寺門下矣寺據山前倚崖附巖而構殿閣  
廊廡鴈塔軒宇層出疊映直至山巔遠望之如  
一畫圖相傳始建自蕭梁時殆不妄云其山本  
名牛頭以雙峯巒然如牛角也東晉時名天闕  
蕭梁時名天窟今改牛首自山門入凡石階三  
截計六十餘級至二門門內十數武又登石階

御龍子集

吹劍草卷之六

八

百級至金剛殿名其階為白雲梯階旁夾植松  
杉石楠森列可翫殿門內左有白龜池右有虎  
跑泉皆覆之以石鑿口便汲其水不及覆石四  
五尺耳計山足至此蓋已數十百仞矣而水常  
盈滿闔寺取汲不窮亦一異云又登四十餘級  
至露臺其北為釋氏殿臺南有銀杏一株大連  
二抱枝幹扶疎相傳為唐時物先是余伯祥翰  
林范原易計部汪蔚翔客部來餞殷公與公邀  
遊其上予故止于西麓僧室以遲諸君已而諸

君至公飲余汪祖筵去予乃與諸君同登臺殿  
由西序北上至禪堂前南眺花巖祖堂諸山皆  
羅目前亦天下之大觀也再西至西室闔戶光  
自門隙中入帷上倒懸塔影衆咸異之予曰此  
何足異不見鴈塔峻嶒直當其東乎衆曰是固  
然矣胡為而倒懸也予曰隙孔小則影入必反  
故物在左者影入于右在右者影入于左歷驗  
皆然塔嶺在上而本在下影入隙中如之何不  
倒懸也若隙孔稍大必不爾視已復轉而東乃

御龍子集

吹劍草卷之六

九

北上復二百餘級循修廊而西直當西峯之前  
為辟支洞洞深二尋餘闊不盈尋像辟支佛其  
中前為佛刹四楹又前稍下有石浮屠高五六  
仞僧云內有舍利子不知然否然石崖崩剝擊  
壓欲墜矣復循廊而東北上三百餘級至山之  
巔夷衍數畝而兩峯夾植其高尚百餘仞乃出  
一小戶西上約及半里始至西峯之巔西望長  
江在重阜外闊若數丈遙若里許問之相去尚  
三十里也東望東峯猶出其上然不可得而登

也乃下復入小戶迤邐而東至東峯之前登憑  
虛閣閣負峯臨深殆數百仞寬敞壯麗最可盤  
桓然諸君無一至者獨予登之默坐移刻而下  
復轉而西下數十級又東行循脩廊而東觀文  
殊洞洞小于辟支一倍亦屋其前而事文殊焉  
規制頗不整又東入一佛舍轉屏而出後戶則  
堦率巖也巖高數十仞懸石蒼赭突屹欲墮下  
可坐二十人一山之勝盡在于是遊人題詠勒  
石頗多惜有一小室閔目除之可也巖之東南

御龍子集

吹劍草卷之二十八

十

突石與佛舍之東榮殆相摩中砌一階傍巖板  
榮而上高四十餘級闊不盈尺登者為之神懾  
階盡東行二十餘武復緣危石猿攀而上足踏  
崎嶇中無復級磴約二仞餘至一小坪中植石  
浮屠高仞餘四週止能容武下臨巖壑殆數百  
千仞名曰舍身臺人無至者予與陳汝晦黃尚  
舍奮衣登其上下視林莽蒼茫可懼上視絕壁  
巖屹可愛相與徘徊久之乃躊躇探足拾級而  
下聞崑上有辟支佛足跡峯後有昭明太子飲

馬池及自鳴之石鼓自焚之小竈俱不及觀而  
罷是日宴殷公于西麓之舍成刻乃散明日甲  
申二月朔日也早起欲從殷公遊獻花巖祖堂  
山而風雪大作頃刻玉屑滿山麓因入見殷公  
與計行止而公寓在東峯前與衆踏雪登階約  
數百級乃至其室推牕南望則宇宙混合如銀  
海茫茫煙雲不辨上下矣公大叱以為奇觀而  
恨其不能他遊也乃揖予曹使還自俟開霽往  
眺二山予與諸君遂別公而返

御龍子集

吹劍草卷之二十八

十一

遊燕子磯及弘濟寺記

辰出太平門北去折而西過佛國寺又折而北  
數里復折而東北計二十有五里至觀音門門  
據兩山間天險巍峩為京師外藩逾門俯視  
則大江橫目前而燕子磯亭榭掩映在望矣乃  
馳輿而下東入闌闌中度橋而北而西約半里  
許至磯下舍輿而登經關侯祠至大觀亭憑欄  
西望則臨江山石突屹蒼黝浮動可人亭壁間  
多遊人詠和列石殆滿不能遍讀而出稍北走



折而東上皆羊腸道迤邐千餘武夾植長松森  
列可捫林窮一亭孤峙則俯江亭也據磯頭最  
高處四面承以短垣可憑而眺下視其磯半入  
江水中而南面稍連江干林木鬱翳似與江曠  
市廛相隔絕磯高百餘仞江濤舂擊其下砰砢  
有聲估艘漁舟往往自雪浪中翻然而至維纜  
其麓條忽如飛鳥之投林亦可喜也予與世勉  
徜徉久之因布榼浮白其中時殘暑尚溽而為  
天風所振搖淒其特甚肌膚生粟乃索衿衣禦

御龍子集

吹劍草卷之六

三

之移時乃下飯于羽流之室已而出門西南走  
覓舟渡港而西約半里許則弘濟寺徑也一嶺  
自南山直插江中中斷為徑口兩壁竦立若門  
皆懸石峭拔高數十仞斑駁可仰卽大觀亭所  
望突岬浮動者也過口循山麓而西南傍懸崖  
上多茂樹翠蘿綽約可望北臨江水疊石為岸  
岸下多張罾罟捕魚輒輒有聲約半里至寺門  
古木交蔭爽氣逼人其寺亦傍崖臨淵而構闊  
處不及四尋狹者纔丈有咫耳隨崖高下因坪

廣狹而為佛舍參差不律有一剎負岑而江最  
為幽勝門外去深淵才二尺許而岸高十餘仞  
乃為短垣護之灌木叢沓以掩其險過者得不  
心怖予躍然曰江山之勝其在此乎已而略剎  
西去復數十武則峭壁數百仞懸石突岬燦若  
結綺員負而戴者蹲踞而倚者傾欲墮者壓欲  
墜者欹側而欲轉者奮迅而欲飛者縮欲匿者  
顛欲怒者攢簇而欲支撐者不可盡狀丹堊黝  
赭蒼黃縹紺五色炫爛奪目駭心予不覺大詫

御龍子集

吹劍草卷之六

三

以為神奇注目久之再西附崖躡級而上曰觀  
音閣登閣視之飛棟附懸石上閣內石巖巖粧  
下垂龕岬布像尤為奇絕其閣前橫直立江中  
高四五尋羣柱如林攢植水際憑欄頗之飄飄  
然如隨波往來也不覺神爽欲喪既而遠眺江  
流潏潏無際而江外諸山如眉黛之照鑒中浮  
翠可人又勃勃然喜動清揚間也遊人題詠多  
鐫石嵌巖上相與摩繚讀之移時而還

遊獅子山及天妃宮靜海寺記

獅子山舊名盧龍山 高皇帝易以今名在都城內西北隅歲甲申四月八日甲寅予往遊焉由儀鳳門內北行數百武折而東北復百餘武入盧龍觀觀負山附麓而立門東南向山峯三面抱之若玉袞然入門十餘武石階累累約四十級為高以尋計者五乃夷衍為前殿又十餘級約尋有咫為後殿兩甍環拱若翼階下蒼松森立若幢若葆亦大幽勝又三十餘級約尋者四為後軒實居山坳高已頗二殿矣東眺足暢

御龍子集

吹劍草卷之二十八

古

人意予抵此兩踵已蹙蹙不欲前趺趺久之乃出戶由南榮西南上羊腸盤出草樹間殆不容武且也坎土承趾無受踵處曲膝抵胷趾乃及上坎而後足欲躡前武無復措趾處乃撮草根以肱力代股而後逆趾投坎而上使置武少不固將顛越重岸下數十餘仞矣殆哉如是幾五十步乃循坪折旋而走迤邐以上約里許至巔卽 高皇帝所闢閤江樓故基也東西約八步南北十步平若砥石草芊芊若翦四周錯植松

杉偃伏異狀榮瘁雜立亦奇勝也東南眺闔閭井井室廬若比鱗鍾峯遙峙若抗若揖餘阜皆聚垤耳西眺長江縈其外若漢若虹南自慈姥北盡沂攝皆陳目下秦淮漕瀆洛其內若鉤若帶舟檣若比櫛南眺黃泥石頭諸山若案若俎真都城之偉觀因思日者偽漢東下目無金陵高帝操奇筭兼施山巔一鼓而挫其銳有以也蓋以高臨下蚍蜉可數其為當幾應卒之助不淺歟矣周眎城堞迤邐繞麓下若崇牙隱見草

御龍子集

吹劍草卷之二十八

事

樹間不知其能限內外也尚羊夕之乃拾武扶曳而下復至觀之後軒足盤踞幾不能步急就樞筭踞噉道人問閤江樓建置故須臾一道叟振袂累足拾級上至則氣呿呿若不出口矣問之年八十餘鬚髯龍鍾徐揖而對乃知 高帝作記後遂停此工初不為樓迨今二百載址若新闢亦可異也已步城下至後殿啜茗一盃而出乃登輿別叟南旋西出儀鳳門往遊天妃宮宮去城闔不百步與山雖隔城隍實亦附麓下



也妃姓林氏得道為水仙 國家列之祀典奉  
常修歲事司空葺其宇故為名區其東有閣高  
殆十尋奉玉皇其上巋然壓城表可望也予先  
邨住持房閱道藏久之乃登閣四眺其山峯突  
然北窻外列若翠屏亦一奇勝久之西入靜海  
寺寺與宮比鄰而邃亦有閣在宮閣之後東瞰  
獅子峯南西北俱瀕大江而隍水復繞其趾若  
襟礪然暢心快目倍徙于宮閣其柱拱撐楹  
宮閣亦壯麗也予登之瞻眺不忍下其東南有  
御龍子集 火劍草卷之二十八 六

小石山突起平地峯巒錯出壁立而巖斬其下  
豁然空洞容數十人自西北陬入洞俯僂而進  
顛凹行地中幾二十武乃豁然大通則達東北  
陬矣其北亦有小竇達洞腹匍匐乃可入其東  
石壁尤嶮崿磊砢蒼碧可愛近建玩咸亭其旁  
以攬其勝真奇絕也其洞口多前代所鐫字漫  
漶不可讀細辨之有曰陳可行重陽前一日同  
王文泰何安云云又有幕府山三字鐫其下不  
知所指按今志幕府山在城北十餘里下有

蘿峯達摩洞此復云爾可疑也問之寺僧則此  
名三蘇崖亦不知所據其上有靈石閣頗瞰磊  
塊亦一奇也予徘徊顧戀不能去久之寺僧具  
飯促就食乃下一飯而出復循城南去觀繡毬  
山山在儀鳳門南數百步下臨隍水有怪石齒  
齒分散疊積亦可人意山原無名其名繡毬者  
土人附會獅子山也覽竟索輿而返日下暮矣

### 遊幕府山記

幕府山在都城西北隅距城約五六里由太平  
御龍子集 火劍草卷之二十八 七

門轉折而去則二十里也歲甲申三月下弦日  
予及李惟寅歐楨伯方子及吳公擇金持甫陶  
懋中李道夫史稽叔諸君約往一遊惟寅先至  
具盤餐湧泉菴遲之菴在崇化寺後枕山負麓  
門外為梅花水水出石崖下匯為池清碧可鑒  
其地無梅不知所由名或曰水自崖巔落池內  
沸起若梅花亦亡所據由菴後迤邐西北上約  
里許逾嶺西望見大江南來澎湃潏潏循山趾  
而北帆檣連來若遊鱉然亦大觀也循嶺西南

去復里許橫谷絕徑乃緣崖而下逾谷復陟嶺  
巔又里許又逾谷乃轉則突石間累足而前其  
下則夾蘿峯也亦不知名峯所自或曰梁末西  
僧達磨者渡江西去兩峯夾其追者弗得及因  
名夾驢峰聲訛為今名云自此西去復數十步  
石巖突起高殆數尋其下崕岬辟然深可十數  
筵袤可二十筵曰達磨洞中容數十百人面深  
負高江濤風帆悉在目睫下疑自槎上望之則  
洞在翠微間矣正德間太原喬莊簡公刻石鐫  
御龍子集 吹劍草卷之二十六 六

三字其上旁紀姓名實江上幽勝地也初楨伯  
忠甫先惟寅至乃先走洞所及予與子及懋中  
稽叔來追楨伯不及遇于嶺口揖別而往惟寅  
使蒼頭攜榼櫺尾之至則趺坐洞下浮太白  
逆酌而懸霜滴錯屨間且厭且喜久之江氣浮  
爽欲殫人肌膚乃舍而還抵菴而持甫道夫裁  
至相與一餐遂出觀梅花水酌于池上衍如也  
已乃循澗澹東走不半里入嘉善寺寺甚幽整  
惟寅復陳具其中莫有就者俱東走觀音巖巖

在寺東北山麓下龕石為大士象建閣奉之戶  
外一巨石穹窿若千斛圉高將及閣昔人鐫其  
旁曰玩雲臺名頗不類閣後怪石截業中啓一  
硤若劈若劃闊不盈四三尺兩岸壁立十數仞  
峯律相向若欲合而未能欲避而未遠者仰眈  
蔚藍裁若衣帶然土人名之曰一線天磊磳窳  
窳奇勝甲白下諸品云予乃由硤中攀崖倚木  
而上履其石巔見硤畔有泐長數丈闊不盈尺  
深與硤石等最下一竇通硤石乃令人偃僂由

實而入仰視通明尤為奇絕予尚羊久之復迤  
邐抵山巔下眈羣峯如聚螺然獨西山猶偃然  
橫天際而江流環抱聚螺外湖水若勺尤暢心  
目已而諸君後先至乃羣坐草石間大酌數行  
而下移酌于玩雲石上復數行又移酌于松逕  
間盡歡而罷相與探題命詩索栗而別予惟物  
類在霄壤間稱名布遠流著亡窮不惟其當與  
否亦有幸不幸焉舜井禹穴亦豈必壤異卓詭  
與衆殊哉而名與天墜俱敝託之庠其人也其



它絕品秘嵌韞靈藏奇名不著于圖經美不掛于齒頰者豈盡少哉是山以晉元君臣顯洞以達磨顯亦既大有所遭矣而一線天奇勝若斯乃不得與諸洞岩竝著何不幸也喬少傅雅稱冥梭而此巖見遺九原可起當不亡深恨矣且也梅花水何環何異而少傳亟口道之至以冠茲山將竝慕脣之名而掩之又何幸也感物興思為之三嘆故援筆著之篇後之遊者或亦有樂于斯文

御龍子集

吹劍草卷之二十八

二十

吹劍草卷之二十八

吹劍草卷之二十九

御龍子二十九

甬上范守已介儒著

寧夏侯廷邦校

記類

同登太華山記

海內神岳凡五獨太華稱絕勝山踞咸林商洛間週迴殆數百里峯巒從峙如攢劍聚螺不知其幾百重也而三峯獨拔立其中膝抵諸峯為神岳主經稱四方削成高五千仞其言得其大都云古今登者諸羽士亡論漢有梁伯衛度

御龍子集

吹劍草卷之二十九

一

世唐有李白韓愈明有王履喬宇李攀龍日者吳同春刑侗許浮遠其接武也東萊原仲文獨三登其巔古今罕與儷者初予過咸林嘗一遊裁至長硤神懾目眩而止後習仲文譚三峯勝處復沾沾喜鄉往者久之謀所以卒其志歲戊子正月下旬及仲文有事于馮翊仲文曰此距咸林不百里而遙曷謀爾私予強其偕予亡難色已酉遂走沙苑南次潼津明日庚戌始涉翠微三日乃窮其巔而下其所經歷皆譚說不

能悉繪畫不能貌者因為序次如左使臥遊者有所考鏡云

記一 自雲臺觀之青柯坪

雲臺觀在華陰城南八里許唐宋舊址也觀分左右凡二皆鴻構左觀門適直張超谷口谷中水出谷散流石隙間少西折而東北經觀前匯為瀆而去過瀆抵山麓為玉泉院院在谷口西麓上宋隱士陳圖南臥處也有石岩山孫亭圖南所創迺葺至今存是日亭午仲文速予飲其

御龍子集

吹劍草卷之十九

二

院也登亭南望山色蜚動若為速予遊者乃釋冠服檐榆扶輿而去緣谷東澣入谷口水淙淙有聲可聽聞亡何逾谷緣西澣仰首上眺兩壁皆直立如削高千餘仞行里許山峯愈峻從立峯巒若競高然谷底闊不盈尺寬者或二三尋石巨細錯其中亡鱗地其山左右避谷隨之東趾突出數十丈則西趾縮亦如之西趾突出則東趾縮谷流轉折隨山趾亡匯亡閼殆天成然行其中前却眈亡去來路至始知其向逞約五

御龍子集

吹劍草卷之十九

三

里許有巨石突立塞谷口為石門其不通行者人佝僂上若隧道然是為第一關上有神祠三楹及小瓦室有事可據以守自此深入兩壁山峯益峻谷水流伏石下觸石砰礫可聽行三里許遙見東壁上一竇窳窳崕崕導者曰此希夷硤也至其處巨石三四皆若千斛困磊落其下幾亡置足處迫而察之壁趾有祠二楹貌圖南其中嚴祀之有羽流者司鍵供汛埽祠西一石空其中若巨穴內奉天帝神北向頗嚴潔先是

圖南遺蛻在硤上木樁內羽流每攀緣負下眈遊者以索施予嘉靖末姚直指殯于祠內香積下神頗就寧其南東峯上為上方唐金仙公主修道處鳥道縈屈不可上又南二里為婆羅坪山至是兩壁各縮約十餘丈谷澣寬平如几東西有長廊數十楹南北各有祠祀天帝及岳神遊者過禱之祈陰佑又南二里許有雲屏坊路少平衍過坊則漸巉巖不可陟又里許有飛石自西壁墜下大若垂天之雲墜將及地而止下



有小石度之壓欲碎行者偏仄過其下莫不促武又里許復有大石懸壘突塞谷口若天塹然有小石門裁能通使與直轅而上是為第二關谷流至此殆絕惟有小涓滴出門左右鐔中灑灑赴壑爾自關以上道益峻至不可躋有峻阪二十餘折折每數仞前者履後人頭顧行以去約二里許阪窮則青柯坪也坪在聚峯中張超谷至此始窮岐為二小壑左右去南壁峯巒巖出左右上左右峯至此亦凌霄漢虧蔽日月矣

御龍子集

次劍草卷之十九

四

坪西南有庭宇府涵以息遊者踞庭北望則谷口諸峯俛焉亡所見惟座空蒼茫若陸海耳約山麓至此已高千餘仞坪之西為北斗坪水為雲臺峯南為蓮花峰之北趾仰眠皆在天際其東南石壁上岢然中壑下有赤白石若鏡影仲文曰此瀑布飛流處雨後則垂下如虹赤白石際有洞在瀑布裏是為水簾時旱膜未之見繞坪東去懸崖上鑲青柯坪三大字未知何時所作字南鍊絙下垂上有寥陽洞洞旁架木為宇

祀天帝其中挽絙上下亦一奇觀是日及仲冬坐洞宇中久之乃還宿坪上為明日登岳記

記二 自青柯坪之雲臺峯

寥陽洞迤北皆石崖壁立直挿雲表遙望之猿鳥弗能上徐轉神祠而北有城道表以石坊為升岳門戶逾方東南望一硤自崖頭來闊可二丈許高可五百仞土右雜沓內有九折道可緣焉先是仲文與一羽士高姓者為方外友至是來謁予與語頗合是日辛亥羽士者先後予以

御龍子集

次劍草卷之十九

五

登不數十武力輒竭為繫足練脇下命一人牽挽而上二人翼其腋或擁其後以隨硤窮有大石突立滑不可置足乃為坎以受武為領以受手屏去衣裾束短褐跼蹐上左手探領定則移右武右手探領定則移左武挽翼擁護益力石窮乃折而北一峯直立高數百仞劃焉中巔為二若鋸曳痕痕深數十尺左偃而右覆狀如夾壁人自其壁中行闊尺有咫高百有餘尋俗稱千尺初上疊石為城道窮橫尺薪為梯狀梯

坎石為級左右壁各有額受手額窮懸以鐵繩  
自汲以代足時予猶賈勇三憩至其巔折而西  
坐通天門下遲仲文時一頰眊搖搖然雲霧上  
也少選仲文至乃緣崖北去行草根榛刺裏瀕  
于深壑可畏不百餘武復有峯如前而殺亦中  
崩其夾壁益狹裁容人兩腋磨壁石以行上有  
塊石撐之若恐其復合者俗稱百尺坎其城道橫新  
益斗絕凡三折乃窮始得二尺道衆稱坦途矣  
迤邐北去數十武轉而東途窮架石深雷上凌

御龍子集

吹劍草卷之十九

六

空以度者二是為二仙橋又東途入石壁底欲  
折而北亡所措手足乃穴壁琢鑿找其中上橫  
小木倚壁以度已乃屈膝斗折而上危殆萬狀  
過此未有不塊搖者又北則飛猿道下臨無地  
足二分垂在外手納石領面壁左右移俗稱胡孫愁  
約二十餘武乃得盈尺道古稱太行飛狐嶺殆  
不足多云過此一石少平行可容五六人下瞰  
渭水若帶予遲仲文至竝憩其上喜若得堂奧  
又北則折而東南復里許為車箱谷南倚壁上

若箱上者累累扶箱以行稍易又數十仞則石  
壁挿天若剗若削復亡置足處徐眊之有水雷  
一道自上而下直若引繩深若發韜俗稱老君溝乃  
為坎其旁受茅足如硤中行若屏息累從以上  
攀枯藤引枝蔓乃躋其巔險倍壁中又上百餘  
仞險隘如雷內而曲屈齧足趾壁或摩耳尤可  
畏過此則至嶺脊矣嶺闊不盈丈嶺東之壑眊  
西壑尤深俯之覓飛循嶺而北二十餘武有坊  
曰雲臺峯第一門又五十餘武復有坊曰白雲

御龍子集

吹劍草卷之十九

七

僊境度坊而北石如馬背可坐憩為展廟其上  
及仲文偃臥數東西峯頂不下數十許參差頗  
印若攢筆然已而又北去有大石倚嶺東狀若  
覆危挽絙拾級而上又北疊石為洞由洞左迴  
磴以北復數百武又有大石若龜印首狀坎其  
領下為岩可容十餘人亦奇觀也石北復數百  
武為峯頂廣袤三丈許平行如掌新構倚雲亭  
其上未就而四周有短松數十株可翫倚欄四  
望三峯猶在天際其東則有良掌諸峯西則有



毛女諸峯北則有蠟炬諸峯爭高競秀其僂焉在下者巒巒巖巖不知其凡幾也直生平所未睹至此為一大媿快亡其嶮殆矣

記三

自雲臺峯之細辛坪

自雲臺峯南去復出第一門半里許道右石巖漸高乃循岩東畔轉而南路漸隘不盈尺是為僂人砭又南數百武路忽絕乃挽絙拾級登一絕壁上壁窮乃在石巖下仰眇五十餘仞下縮上豐欲傾欲壓石黝色若蒼壁上有赤形若日

御龍子集

吹劍草卷之十九

八

白形若月是為日月巖其下選石為金天洞南向頗開朗而洞頂震泐一隙闊將五寸長二三尋天光下照可畏洞口巨石若半九廣十餘丈卽下所登之絕壁也滑甚恐墮行者為短欄以衛踵其西俱懸崖如巖而殺循崖西南去復半里許有三元洞東向衆設鼓鐸俱具又南數十武道隘不盈尺下眇數千仞不辨水石是為閭王砭行者度是真為人鬼關也至此南望乃見僂人掌在東峯下長十餘丈五指齊峯頂又南

巖窮乃行嶺脊上兩旁俱深壑不可倪眇嶺窮乃行亂石上石參差若鉏鋤乍陟乍降尤危頓可駭石窮一石若蓮屏直立道右有小逕緣屏趾循屏而度屏盡一石少闊為坊其上曰升岳御道其南則三峯之麓也倚坊仰眇麓高二千餘仞斗拔立礪中若天塹然不可以階幸有蒼龍嶺自東南垂下斜倚御道坊前若千丈丹梯然其闊不盈二尺或一尺下臨無地遙望之若長劍之倚天外也人行其上若飛度賴有短欄

御龍子集

吹劍草卷之十九

九

可攀不至為猛風飄落耳嶺窮入一石岩下轉折而西翻身飛上其險尤甚其南或行巖傍或行嶺脊復十餘折俱羊腸道忽石巖一松長數十丈折垂山坳間橫壓道上乃俯伏以過問之此將軍松也其一尚亡恙上干雲際不知為何代物又南道窮有石嶺如馬脊乃自東逾石而西若鴈馬狀石兩旁俱如削逾者膽落又南道復窮一石亘跨嶺際為單人橋又南登五龍岡過靈官祠至宗土祠而止此又三峯之肋脇處

其上猶壁立高懸千仞矣。僂掌在其東北隅，石黑白相間而成，拇東引直探峯頂，亦一奇觀。惜道險不得至其下耳。過宗土祠，路稍平衍，循玉女峯西麓西南去三里許，至細辛坪，寔南峯之背，處南臨大壑，深數千仞，北傍石壁，道不盈咫，為短籬以障足。西行約百餘武，有坪一方，可容數十人，北有朝陽洞，東南向一老黃冠居之。洞外架屋為廚，蕭如也。是夜借宿洞中，假廚為炊食，頃大風撞壁，萬壑齊鳴，洞扉札札有聲，不知身在懸崖上也。明日啓戶流覽，則壑外諸峯如聚鋒鏑，如奮蜎毛，嵯峨嶺岼皆變幻于嵐煙雲霧內，露頂坪下若俎豆然，不覺大叱以為神奇。方知坪在五千仞上也。

記四 自細辛坪上登岳頂諸峯

經稱太華山四方削成，意指三峯而言。蓋三峯總為一大峯，週遭十餘里，直立諸峯之上，至巔始分三嶺，相為倚伏。三嶺之間有二谿焉：一自細辛坪北去，直界山嶺為二；其東則東峯及玉

御龍子集 吹劍草卷之二十九

十一

女峯西則南峯及蓮花峯也。一自玉井東來，抵玉女峯下，與南谿合，中有二十八宿潭。上下相輸灌，并南谿之水，直寫北崖下，是為瀑布飛流也。宿朝陽洞之明日，壬子，乃自坪東過谿口，迤邐登巨石上，約里許有缺坊曰太極東玄門，逾坊折而北上，復有石崖突起，洞其趾，祀天帝。其中洞前方廣可一畝，皆巨石夷衍，上有小坎三，曰甘露池，亡他奇也。予及仲文各題名洞口，而還踞石南望，其壑外諸峯嶙峋，玉立不可屈指。

御龍子集 吹劍草卷之二十九

十二

數益僂焉下伏，惟一、二峯差與相抗者，亦裁若木末挺翠耳。崖頭南下有小峯，平嶺當岳峯之背，其上有缺瓦亭一區，缺基一枰，黃冠曰：此衛叔卿圍碁處。路由懸崖下，缺紐自縋，約十餘丈，絙盡，蹠崖自度，得壑南峯，嶺乃釋絙，行崎嶇中，九折乃至其所，亦危甚也。一羽流徑逞舉，基子相眎望之，不覺股慄矣。時薄雲半霽，日朦朧照，見人影而峯上飛雪撲袂，栗烈尤甚，乃循故道，下欲尋坪北鳥道，直上南峯，顧積雪深尺許，盈



坎不得措足乃循谿北去遂登蓮花峯約三里許至其趾憩仲文所遺蓮花洞內少選西至玉井樓羽士曰此鎮岳宮也細閱山志非是蓋宮在蓮花峯頂倚岩而構今亡矣此名玉井樓耳仲文以足勑不肯前獨憩井後神祠內予扶筇力登蓮花峯數轉乃至其巔觀巨靈足跡及神香子斧劈石足跡在石嶺上長三尺許深一寸許奄然踵趾痕理不可曉斧劈石其說尤怪誕第石內空處儼然人形亦可異也其石長十數

御龍子集

吹劍草卷之二十九

十三

丈浮置峯頂斬焉斷而為三其北斷處若夾壁上覆石一卷其下若門裁可容人自其中西窺千峯錯出壑外其石下臨深壑五千餘仞也石東亦斗削直至谿底置足少不謹則為溝中齒矣觀已題名夾壁石而還復循嶺南下望南峯猶在天際其峯大小凡五而中峯獨高其路由西峯南趾迤邐上經巨壑四五可至其巔上有仰天黑龍等池在其峯東其絕巔為落鴈峯下瞰東西峯若肩之載頭顱也瞰雲臺在掌中

女等峯若在股下由峯頂東南下為避詔岩東華洞路險隘如僊人砭而峻天下為賀老避靜處以雙絙下絕數十仞至板道上挽絙面壁而度足垂板外三之二里許裁至其處其板道缺杙搯絕壁間不知所經始望之羃羃欲散矣又下里許乃至細辛坪北阪予未能登羽士者為指其槩云初仲文約予必躋其巔既以雪淖止玉井樓予自西峯還仲文遲予復觀玉井井口不及尺深可數丈水盈其中係葛為繡第

御龍子集

吹劍草卷之二十九

十三

餅壘可汲飲耳已乃循谿東下南上玉女峯峯在東峯右同趾而異巖上有巨石若龜狀懸度峯嶺腹下有石室一黃冠居之背上壘石為玉女祠頗修整祠前度石梁而南一石突兀廣二丈長十餘丈上有坎可容五斗水羽士曰此玉女洗頭盆也未知是否餘坎容升斗者尚多石北有泐可五寸其深莫測是為唐人進簡處峯東一谷闊裁盈丈谷東即東峯之右壁一石鑄成高千仞蒼黝可玩時日已薄暮相與宿祠中

烹茗啜粥而寢宵中塵慮不覺殆盡

記五

自岳頂還青柯坪

明日癸丑為正月晦日子早起禮神祠出登巨石上再望三峯見左右迴合正抱玉女峯而谿間松杉互蔭彌望不窮吾以二三蚍蜉夷猶其間恍在增城懸圃間也因憶韋布時曾夢與純陽呂公登天其天架木若八面梯食頃乃躋其巔下瞰寰中雲霧濛濛耳天頂不盈尋尺許吾二人偕坐問養生家言未罄而寢在吳下時又

御龍子集

吹劍草卷之五

五

夢一日者語予前生為僊家僮因示以師名予因記憶從師負藥裹行雲霧中若踏山巔狀今日之遊與二夢若相符應云已乃循東谷北下至宗土祠展廟而坐仰眎三峯益見削成之勝自此以下雪融水津津流行淖中危甚一人維練挽其上二人擢足其上裁敢移踵已刻始下蒼龍嶺回首反望三峯如在天上矣日亭午飯于雲臺峯神洞內已而南望見削成而下又一削成其水自岳嶺懸流而下飛落宗土祠西大

壑中北流里許又懸流而下飛落蒼龍嶺西大壑中乃自小峯西趾流入張走谷而去蓋山形正如古佛跏趺蓮花上南峯其頭顱也東西峯其肩胛也宗土祠而下其兩膝盤屈也蒼龍嶺而下其蓮花座臺也瀑布二疊其上若唇吻其下若臍器也四週千百餘峯皆其蓮瓣之卓立者山靈之法象神矣哉已乃循故道西下危頓萬狀薄暮始達青柯坪恍自閩風而來復入塵世見輿隸紛沓心中輒作惡態已乃登輿歷折

御龍子集

吹劍草卷之五

五

阪而下仰眎雲臺峯復在天上追憶諸險毛髮為之浙瀝云夜出張超谷口見官胥迎道左燈火交輝如入夢中乍睹槐安南柯境界也予素有山水癖遇佳勝處輒至忘返此遊大慰生平因志其槩以貾同志者

遊終南山仰天池記

出西安府南門迤邐東南去可十里為大鴈塔唐進士題名處塔方而豐下相輪及近嶺數級俱實隊其存者歸然耳色如塗土其下空洞處



多嵌石紀近時姓名唐人亡存者其前為梵宇頗弘敞嘉木森陰可遊憩又南五里許為唐曲江地江故匯流泉為之樹兩岸以蒲為宮其澣蔭以桃柳竹木掩映千門萬戶也為唐遊觀勝處今岸為犇潦所壅亡能受水壅焉全起矣獨有小泉流淫淫土膏間不蠶耳其兩岸民居頗夥稱一市廛云又南三十里為華原川川北地隆隆阜起也高三十餘仞行其上阡陌井如不知其隆起也臨斬崖而下瞰鄰眎浮屠相輪矣

御龍子集

次劬草卷之十九

去

其附崖梵區若民廬時見茂林虧處若蕭蕭之隱蜂房然竝川稻畦粼粼綠波映日何必滅江左水畊地也其浮屠在興教寺中寺負岩臨深面華原川萬頃碧雲盡收目前而終南峯巒競秀若在几席外眎之不數千武乃里計之猶云三十里也循崖暨輿而下約二十仞自寺後轉出寺左折而西乃得寺門而入茂木百章幽勝宜人出門復循崖暨輿而下約十餘仞乃至平地仰而眎之寺在介丘之坳矣出陸門西南去

道出稻畦間翠色襲人約十餘里渡白石灘一小川一又十餘里漸陟山阪有王莊可憩又五里為普光下寺寺在終南麓上倚山趾而構壯麗極土木入其門綠荷徧沼清香撲鼻沼中疊石趾架閣其上跂如也閣之後為坊者一為大雄殿者二為方丈者一皆弘敞像設甚都幡幢侈刺繡帷帟裁羅縠與金碧相煥發爛然炫目矣其階皆拾級上最後頗瞰前獸吻也其方丈祀一天竺僧像秦之中涓云愍王時卓錫于此

御龍子集

次劬草卷之十九

去

愍王居長安邸僧時鳴鉢輒聞焉王以為神而檀越之為啓靜土若是王一日從六旅造其所僧飯其旅取一小甌中三千人適足也故死而貌之余不知其然否出門復東循磴澗而南水號澗有聲也長松千章蔭道左幽翠逼人亡何逾澗而東迤邐東南上皆石砌承武樹轅而挽行者婁婁也西望峯嶺蔽天摩雲蜿蜒起伏若奮欲高者東南危峯外重峯橫翠如抹如簇如也若可餐啗仰眎恐亡去逕少選腰輿數折

已闖入其麓矣坡陀間萬松參差交蔭互蔽款款長風觸處微鳴行其下不覺塵襟頓清也盤旋三里許林菁愈幽隙處望見磬阿層出而軒翊是為晉光上寺也寺寔冠峯嶺四而臨壑而前獨深前壑之外橫峯如連屏高出雲表可望而不可攀其西則五峯突起上有大士殿是為南五臺也其門內有水一泓深可二尋許令辟為郭而梁其上從不及尋衡倍之是為仰天池其水清冷而甘烈大旱不涸寺僧賴之池北為

御龍子集

吹劍草卷之二十九

太

大士殿殿北為閣華構栖雲可登而遠眺其中頗眇下界雲樹蒼茫不辨蹊徑矣山最幽勝處先是董禮部基有事于秦定王園余與原參藩一魁陳間帥閏生貳其行定王園距華原川不二十里而近故竇中涓魁要余輩遊之午飯于興教寺申觴于晉光二寺而山光乃收日中爾還而夜走大鴈塔燐壁石而讀其記也時為萬曆戊子六月之二日

吹劍草卷之二十九

吹劍草卷之三十

御龍子五十四

甬上范守已介儒著

寧夏侯廷珩校

記類

量移私記

予理雲間幾六載前後填撫大中丞行江大中丞直指以按部校文巡鹺行江至者亡慮二十輩罔不嘉予治行籍甚不容口其以遷轉不竣事去者例不薦其屬勞以金幣至夥亡論也其疏薦者如王公藻宋公儀望郭公思極王公篆

御龍子集

吹劍草卷之三十一

一

褚公鈇胡公秉性房公如式胡公執禮胡公楨李公棟其疏留者如胡公執禮胡公時化言人殊各極其誇詡謂當備臺諫選其辭見歲紀中不復載乃庚辰徵選時漫不之及辛巳量移南部得一閒曹而去莫知其故久之詢于呂司功坤司功遺以札曰若與武進令不相能乎令言若忤刺事其縣彼收而摻其草若銜令中以飛語是以遭白簡也令能不若尤予聞之惛然不解所謂久之問韓克一克一曰固宜有之日



者予所按問有朱某者自言舊爲廳下皂後事其守嘗與其伍詎刺事其縣逆旅主人不之發也而徵卒殺之令縱某而箠殺其主人主人之子弗忍也求伸于直指爲下牒按其事不妄編其人于邊伍令之疑君以是乎余憮然曰有是哉予初不識朱也而何修怨于其令令以此摘我過矣先是令被白簡問故于監司徐公用檢公見直指田公樂餽之曰武進不職狀安所聞之聞之旁邑令乎田公曰否聞之赫司理乎田

御龍子集

吹劍草卷之三十

二

公曰否蓋拒之之辭而徐公不深察也出語令曰然則韓范兩司理爲之矣令誤以朱某爲予私人又旁索韓克一往有小怒遂真謂吾兩人者爲之而遍評于當路者吏科陳三謨其鄉人也力主其議吾兩人遂不徵而予初不知也韓克一知之不欲言初王公篆之行江也疏薦予于朝引爲門下士望有重報予謝以金幣不之受蓋銜其菲薄云予誤以爲廉士所復餽王初不忍絕也託其門下士松倅周某某者日諭意于

予且札求古名書予厭薄之若不喻其意者但購書以獻而已王乃益銜予辛巳春王貳銓衡遂擠予于南曹久之予入計至都有尚書郎江君鐸者武進令里中人也亦予同年士倅語予曰令之疑今解矣予問其故曰有里中胥役臺中者出謂令曰日見直指所采狀乃得之某縣不繇兩司理令深媿悔之繼而見吳君道卿又言若掄選時王公篆遺以厚餼其與皂謂若當有所報謝非五百金不可不之信已而卒置散

御龍子集

吹劍草卷之三十

三

曹予乃益信予官之南王之銜之也不誣矣令黃姓名承讚浙中人與予素相善乃倅以疑似陰中予噫嘻天也人乎何尤

### 倉變記

丙子冬予署華亭事十有二月領漕指揮龍江諸衛劉喬柯繼宗郭湖王誥等以漕卒千餘人至其縣予按故事延款之如禮越數日同至倉聽校斛口廣狹有悍卒十餘人突至其前倡言注米行槩俱許用伍伯輸戶以其病已也不之

從闕言于庭喬等不之禁予斥出之徐與喬等約軍民互注互繫不偏任以爲常從之而意固鞅鞅然不樂也何以故國家武弁士多弁髦其法紀而京衛爲甚彼席紈袴業不受諸直指彈壓居常走狗鬪雞呼飲酒家胡彈箏六博以爲常逞逞喪其家徒四壁立至不能具衣帶一領漕務卽率金諸漕卒爲衣帶飾而諸漕卒家多懸罄俱稱子錢奉之不饜不止以故臨倉塲勘斛索耗任諸漕卒所爲莫敢誰何而武弁

御龍子集

吹劍草卷之三十

四

者啗其微利也縱之與民爭矣是日勉從予約各散去越再明日諸武弁遣走卒速予臨倉予至西倉橋衆輪戶邏跪訴漕卒暴橫狀予揮去入倉城諸武弁蓋人人避匿也不與相見予不知有異謀徑就倉廳坐忽聞數十人閉關聲亡何有輪戶被髮頭顱創甚跣訴爲漕卒所捥扶乞爲呵護予呼其左證鞠之共言漕卒不容輸戶行桢且多索耗贈故構隙肆其虐予問漕卒卒據以他言怒目爲擲掄狀予謂衆有成約矣

何輒違戾因捽其卒笞之未下朴而羣卒睥睨門外者輒大譟發垣瓦亂擲入已而內外響應譟聲震遠近羣捽其輿隸吏胥捫擊之不置亡何皆乘城登室廬上大呼欲劫囚庫予坐不動移時喬等方徐徐來謂予曰公無恐若輩見公難其黨故少不靖但置勿問若當自解散予曰國家待漕卒優甚每百四十石致京百石爲耗不少復假溼潤故百石索耗三石亦云足矣而貪婪無厭欲索十有五石此何爲者至若頃斛

御龍子集

吹劍草卷之三十

五

飛桢填角淋尖復不下五石此皆小民脂膏宗之何以委谿壑也公等知有若卒吾亦知有吾民若輩縱恣睢其如我何喬等曰公勿爾耳矣少靖吾輩送公出矣予曰不出何害明日當有勦若者喬等乃辟諠者擁予以行不數十武諸卒邏闕于道有數悍卒執赫蹏向予曰此有筆墨爲我書約加耗十五石乃令得出予斥之曰痴囚奴吾身可磔民耗不可加衆競前塞道不令得行喬等故諭遣之衆稍戢乃掖予出倉城



得他輿以歸。嘗郡守賈公待問以入計行郡丞熊君汝器聞變馳至倉橋北坐野寺中遣一干戶入倉偵視安危亦未得其要領內外隔絕者半日人心洶洶有率其老弱走匿者熊君見予出慰勞久之予曰是何傷不死猶故吾耳又明日監漕使者房公如式至郡問故于予予言其始末兩學弟子員咸贊予言白諸卒不逞狀至有泣下者房公下檄督糧楊公世華爲禽其魁數人反接至倉城箠之八十徇于衆衆卒乃就

御龍子集

吹劍草卷之三

六

約束亡敢復言索耗矣是歲約省輸戶米三千餘石後數歲予爲南刑曹而劉喬者以事繫曹獄予適督獄事見喬問曰若誰雲問司理乎喬頓首泣血言死罪予笑曰吾不若輩校數日理而出之喬復頓首謝出語人曰吾今乃知大君子之德量

### 平反記

予司刑雲間承檄諫蘇潤延陵等郡五載內平反疑獄所活頗多遣配決發者開釋不計也

大辟四等姑志于此以疑坐凌遲者九人上海姚氏常熟毛氏俱以殺夫坐蘇州李堂華亭陳情周平張應元顧相郭春俱以弑主坐常熟葛森以弑兄坐以疑坐梟首者二人上海沈科華亭顧相以私鹽拒捕殺人坐以疑坐斬首者十有五人崑山程拱辰以偽造印信坐上海陸天奇馬錦無錫鄒乾長洲王春唐冕唐冠華亭顧留鎮江張虎青浦沈賢俱以強劫坐上海談玉談璧俱以毆主坐楊儒以姦殺坐華亭李時以

御龍子集

吹劍草卷之三

七

故殺人坐青浦吳懸以窩盜坐以疑坐絞者十有五人宜興凌應麒以謀殺加功坐華亭楊元上海陳六郎宜興周立俱以誣告人致死坐蘇州周宇以鬪殺坐上海張容以姦童女坐武進史衷以謀殺卑幼坐太倉張氏以因姦殺夫坐江陰郭大周喬無錫王得成俱以鬪殺坐丹徒郭子春以放火坐周照等九弟三人以謀殺加功坐俱非其辜悉辨釋之

### 九二軒記

予官金陵邸舍內有北軒二楹遙對鍾阜紫翠在望軒左有小池種荷右有叢篁前羅雜卉芬馥可愛予乃聚書玩于軒內有書三千卷渾儀一具圖畫若干方碁一枰桂二本金鯉數十頭畜于盎總九物予以一身一心日游其間因命之曰九二軒而自命爲九二閒人客或謂予曰身心二乎哉曰然人固有身在江湖心游魏闕者矣亦有身居廊廟心游畎畝者矣若之何不

御龍子集

吹劍草卷之三

八

游于此謂之曰九二孰云不然

南京錦衣衛重修中堂記

粵維我高皇帝肇統兩夏奠極江左跨有青淮之遙九剎諸寺翼布壘拱隆棟櫺比而錦衣衛踞闕城西與大都督諸府相參錯蓋眎之爲貴近云夫甲令衛帥位不過上輕車耳錦衣與諸衛埒顧獸爲貴近曷稱焉則亦惟掌帝鹵簿朝會侍殿陛間徵收諸不瀼出則具瀼從稱警蹕爲帝屏衛且也分主詔獄承

制鞠不軌諸大熬其株連不辜以出入而生殺之歟秉顧不重哉以故體類與諸衛迥而高牙連解眎諸寺稱閭壯云洪武初以鼎建費出水衡錢亡慮數十萬緡日走大司空郎吏董其卒徒再逾歲月而後就遷鼎以後日就頽夷正德間衛帥房潤等少加輯治不補什一至萬曆辛巳其中堂遂圯于雨繚垣耳舍什剝六七矣故事衛有蘆垣萬餘畝歲徵緡錢五十餘萬悉爲帥需繕傾輯圯于是乎取足不索于水衡裕如

御龍子集

吹劍草卷之三

九

也旣而詔損諸寺供億遂裁其半而歲入緡錢不能爲入賀奏進及歲葺鹵簿府費矣衛帥景君應光匡教士也婁欲新其堂皇以時拙莫能舉次且久之已而憮然曰是非吾責哉吾受天子璽書綰衛印于茲五六年矣徼天子寵靈輦轂舊墜內外無纖芥虞吾入直大內出夷猶長安邸無它事事而不能爲寺署支一椽整一垂堂瓦坐視其壞而莫之新豈徒索長安米爲哉亡論無以幹國璽上負



一人卽歲時臺諫諸君子辱臨其墜以資予諸  
緹騎相與指壁立問之吾寧不汗顏以爲士卒  
羞哉迺計其直非八萬緡不可爲請于大司馬  
覈之故減其直予三萬景君爲捐已訖足其數  
庀材鳩工檄知事白子珩顯董厥役以壬午七  
月立礎不閱月而訖工爲楹者四欄阿倍之于  
是堂室洞貫綺疏旁羅規制爲復脩云不佞守  
已以粉榆故善景君君請爲記用昭示後人余  
惟今之臣子業官奉職往往以修營爲戒至于

御龍子集

吹劍草卷之三十一

十

頽檐破壁納日星泥霜露移榻覆簷以辟風雨  
而不肖一爲之鼎新甚者垣堦唐汗振歎靡毀  
而不可出入則亦惟漠然若罔爲見聞此亡它  
畏染指之口也人人而若此不十餘禩天下無  
官寺矣若規制何至喜事者爲之則又飾故以  
爲新剏樸而爲面計直不當其物任人弗覈其  
效用才什伯而橐中倍徙其裝矣噫皆苟道也  
焉有君子而苟焉自居也景君奮起武弁歷中  
外要途三十餘載忠勤自敕士君子喜譚及之

乃其肯構不以時訕而阻其功不以捐金而膏  
其直豐約適度官常振舉是宜紀之堅珉用爲  
後則白子承檄底績力祛宿蠹瀾得并書故及  
之于是乎記

山東司新建西軒記并銘

不佞守已日辛巳杪秋涖官是曹適同舍亡郎  
官剛憲憇郎署已而詢諸吏日分署所在對在  
廳事西就眠之則斗室穿闌棖扉東北向櫳其  
中而度榻焉由廳事西北隅闔棖而入循櫳外

御龍子集

吹劍草卷之三十一

十

南走隘不容武櫳竟得折而西則牖下墜也董  
布一几亡復旋扉處愀然歎曰黜哉室庠其害  
能寓此而心靜而神安上副高皇帝德意也  
帝諭諄復日明智期吾曹仍欲其暢懷抱引觴  
而侶酌體臣子優甚柰之何湫小其廬而闢之  
俾廢面邪迺謀拓之難其址眠其壁西有茶廚  
可移去曰白大司寇殷公爲軒其墜計直當  
緡錢萬有二千發若盧贖緩充之得請卜日壬  
午六月甲辰定礎皮棟不旬日而告成閱文有

咫尺深二尋有一南向內日景窗東壁爲戶達舊  
廬斥故櫛木正房闔日廣寢處爲疏寮日通光  
明新穉枰日鬲潯寧由是軒廬倚抱塏亮回合  
庶幾哉可爲游息區矣臣子匪懈用恪厥職亡  
論引觴而侶酌其間卽鞠謫之暇一俛仰之寧  
不心暢神怡發之爲精明之慮哉其于瀟曹未  
必亡小補云因紀其歲月日示來者仍爲之銘  
曰游于斯息于斯屋漏有鬼神念慮皆知之母  
邪辟其志毋貪殘其思齊戒日神明其德庶克  
御龍子集

吹劍草卷之三十

圭

稱乎民命之司凡我君子念茲在茲

尉氏縣儒學創建魁星樓記

麗縣有學何日造士也羣多士其中敬業辨志  
則亦唯是一再命是幾出而爲國家樹尺寸尚  
亦有聞于永世乃至有闔麗連邑翹楚青衿中  
不可一二數而皆窮年佔嘽亡能偕計一上公  
車稱子大夫仰承臨軒之命而一二最爾墜乃  
或比肩接武翩翩焉射策殿陛間是遵何德哉  
此堪輿家言所繇日興也爲堪輿之說者比物

類象擷圖書星烝而離合之其司不庀于先王  
而用亦輒效母亦古人相原隰觀流泉之遺意  
哉故用之都邑廟社神人咸休用之學宮軒冕  
輩出有繇然矣尉氏故有學其日經生諫博士  
籍者殆二百人而由造俊士登之司馬間世而  
一人焉論秀于鄉比歲而不得一人焉豈逢澤  
太溝之壅墜霸弗萃其伊吾學宮盡庸衆人不  
足比數于當世哉則尉阮諸君子又曷照耀史  
冊先後同其榮施也亡論輓近世卽今譚經校  
御龍子集

吹劍草卷之三十

圭

執連柱五鹿之口者何限一遇掄拔輒遭躓蹶  
此其故可稽矣萬曆辛巳夏湘陰涂侯來令尉  
邑間進邑長老問故喟然曰是非其堪輿家言  
有所弗講也與哉乃環走學宮諦眡之已謂博  
士弟子曰有是哉龍首弗驤鵠尾不振而若之  
何其奮鱗羽而薄霄漢爲蓋于是始謀初樓觀  
于東南陬矣亡何樓成祠斗魁其上而冒之曰  
嘉名按史記天官書北斗杓攜龍角魁枕參首  
衡殷南斗夫參首下當坤陬距龍角不翅遠甚



而杓日運魁元化所均祠斗魁于蒼龍之維以昭庠進乎象矣且魁首名也天樞璇璣日首斗而亭毒肇其功文章日首士而勛伐開其始體侔義均稱名于是庠當矣魁戴匡文昌宮聚精揚紀輔拂竝居日成天象樓羽翼清廟標表聖宮日覃敷人文仰觀俯察連類于是庠彰矣侯之斯舉其有裨于黌舍不為淺眇豈曰堪輿家言是庸而已嗣今以選尉之多士含精咀華者出而與海內諸賢豪爭談天于碣石之宮折其

御龍子集

次劄草卷之三十

苗

角而勉之席旦莫遇之矣未必不藉于斯樓是役也經始于壬午之二月落成于四月既望庀材鳩工皆侯所規畫為高六尋有二尺欄阿軒翔亦一邑之大觀云侯名某由進士解褐為宰性通敏綜百氏尤長于堪輿家其治尉亡可紀特因博士某之請而記其樓系之曰銘銘曰有歸斯樓揖彼宮廡斗魁肇祀元精煌煌人文煥啓髦士奮揚維侯之績沒世不忘

山西藩司新建督糧道記

國家做古方岳之遺意分布大藩樹日岳伯恭從展采錯事日鞏固我皇圖而四維之肩至鉅也乃岳伯所主摠之庠惠利元元而詰戎而治采而守土皆慎固封疆之要務則二三寮案各日其成命共乃職不相浸假日為常于是庠各有其堂皇日朝厥吏民而董治之亡相凌雜山日西古全晉墜也北竝雲中句注樓煩諸塞亦籍之士枵腹日待哺錢穀皆仰給縣官皆委其成于治粟使者治粟使者下寸牒諸郡邑

御龍子集

次劄草卷之三十

圭

灌輸各日皆至甚至闕咽不能去而使者署乃隘甚且雜于闐闐間投牒者至不容武或吮雞子居民莫可辨詰亡日稱使者經國至意萬曆間任丘田公日參知政事來督晉饟始至顧其署曰是曷可以集羣吏殿取三晉守若令哉亡論不能日天子藩臣比齒齊民也思所日拓之顧安所得墜又安所得堂構資裴回久之而亡日為也亡何俸入頗贏乃奏計填撫大中丞潘陽李公直指使者東明劉公日走所治督

極公署者厥向昧谷與編氓共市塵喧囂湫隘  
亡足朝郡邑長吏計利病走今所相本司東南  
限有宗侯間墜若干武計直白金可若干鎰與  
增方廣可備規制走不敢靡費公帑一二緡錢  
亦不敢驅役閭閻一二踐更者且走所居俸入  
之贏庀材鳩工得稱不詘請徙廳事于所相墜  
二公主其議命如所奏計徙置之李公曰助且  
嘉石之入五十緡于是上海艾公麗水呂公爲  
左右岳伯寧陵呂公爲觀察使矣各出橐中裝

御龍子集

次劄草卷之幸

共

若干緡相厥成太原守韓君陽曲令侯君亦有  
所捐公乃購墜審方卜日定礫凡爲堂者二爲  
門者六爲翼室者八唐陳廚漏各卽其所不五  
旬而告成櫚阿黝堊軒翔炳耀而所奔走者皆  
應募問左子公厚予其直而日慰勞焉不色勸  
民不日爲厲已也計所費逾千餘緡落成之日  
公坐其堂皇顧朝朔望者而喜曰今而三晉治  
粟使者其有別于齊民哉是可亡記昭示後之  
人乃間過不佞而謀勒石計余維人臣受命

爲國家

開

國計當殫竭心

力且圖維之卽一解舍皆典制所必備何  
者非人臣所當修營而完繕之者顧世之齷齪  
者宦轍所至選選傳舍其邸第不官正一棖易  
一令辟而貪恠者臨之則又駕言鼎建陰脔削  
民膏爲自潤計此徼倖之士所爲痛心疾首而  
不官片不避之名也田公初召名御史按部三  
晉及東吳諸郡縣所至墨吏選選用柱後惠文  
漚彈治之望風輒解印綬去茲召方岳重臣分  
御龍子集

次劄草卷之三十

七

理治粟使者事兩歲于茲民賦國儲不假鞭  
朴而灌輸者輻輳並至歲課爲天下取忠廉計  
智于斯爲至矣乃者捧入贏金非不可且充囊  
橐廣交遊且自爲墜也顧盡捐而爲修營之資  
可且察廉厚直募民而日慰勞之梓匠瓦礫之  
徒子趨不倦可且察仁堂廉門墉構櫨壁璫煥  
然完具五旬而舉之可且察能一舉而三善備  
焉謂之國家之良臣也孰曰不然是故可書  
以風世之齷齪自好者且召昭示後之人使知



斯署所自始公名樂字某號某登隆慶戊辰進士勛名未艾姑不贅及

涪川縣儒學重新櫺星門碑記

夫子之門太極其棟乾坤其扉五行其振闢智維樞仁維宇誠維基敬維輪勇維垣墉包三才以立極者也櫺星一天田星爾夫子之門奚取于是按張宴云天田爲農祥漢祖立祠祀以大宰祈穀意也虞天性者自有康食始欲入夫子堂與可少是哉必以石者何邵康節以日月星

御龍子集

吹劍草卷之三

大

辰爲天四象水火土石爲地四體星者天少陽石者地少剛類也故星隕爲石象星者可外石哉洧學舊有櫺星門惟以木于星義無所取萬曆癸酉邑人吏目王崑上其狀于邑令畢公守正欲易以石畢公義之崑迺捐金鞭石琢龕營植鳩徒蒔事悉惟家之輸不煩縣官一役費鉅百緡閔工九月爲中門二楹翼門四楹跂然改觀事聞兩臺藩臬諸公交檄旌之明年新令楊君迎春等謀志厥績登永久命諸生王三錫

謁記于余余詰之曰王君新夫子之門乎曰然曰夫子之門萬古常新何待王君新之也僉曰石易其木茲厥初高易其庠茲厥初麗易其模茲厥初謂之新也亦宜余輟然曰未也茲所新者跡爾而所以新其門者在諸君勛之夫聖門之弗新匪楹礎傾欹丹堊剝落之謂也支離以摧其棟桀闔以排其扉冥行以突其振闢樞靈于固宇燬于忍基塌于僞鑰塞于忽垣墉圯下靡悞則是門也存焉者寡矣尚焉攸新當知聖

御龍子集

吹劍草卷之三

尤

人之門存乎一心新乎心卽所以新乎門也心雖方寸地而所以爲棟爲扉爲振闢垣墉者罔不畢備是在諸君新之耳王生革曰旨哉斯言請并鑱之石以爲出入是門者告

涪川縣重修城隍廟碑記

先王制祀典防庸道路在所不遺顧不及城隍豈以捍衛功反出防庸道路下耶古俗醇龐日囿于神功而不知爾自秦馮尚見夢于高帝灌嬰配饗于江州而城隍之神始著後世嚴祀之

殆與社稷相等埒云我太祖高皇帝紹天明  
崇祀事即阼之初首 誥郡縣城隍而爵命之  
使歲時主邑厲別百鬼良姦及監司守令新受  
命至其地必齋戒宿祠下夜與神誓而後乃受  
事其權至與君人者相表裏赫然威重矣洎川  
故有城隍廟宮寢嚴邃廊序繇延爲楹七十有  
奇中像神明而尸祝之旁羅諸曹雜設冥考狀  
猗猗可畏中唐跨以崇閣時奏伎樂其上以娛  
神人門外表以坊額焚瘞營以樓榭以言乎事  
御龍子集 一 史劄草卷之三十一 十一

于己丑而櫛阿炳煥廟貌尊崇跡昔蓋有加矣  
廟祝者介余從父九臯問記于余余惟城隍之  
祀秩在 國典與山川土穀之神同列于壇墠  
所以神明之也廟而饗之不幾于人鬼乎然歷  
觀古載記楊子雲主羅鄴石曼卿主芙蓉城寇  
平仲主閭浮提以人鬼而神明其職者比比而  
然廟而饗之孰曰不宜矧 高皇帝命別百鬼  
良姦且與命吏相陟降福其善而禍之淫則一  
方之陰事固其所摠攝者若之何而不嚴事之  
御龍子集 一 史劄草卷之三十一 十二

也茲今廟貌新矣威命靈爽殆昭彰可卽矣入  
其闕而瞻拜者能無惕然省乎有決行而人不  
及知及知之而徂詐以逃不麗于灋或麗于灋  
者什九而幸脫者什一一對越間當必有思汗  
涔淫下者而民行可潛興矣斯爲得敬共明神  
之至意不然陰賊殘刻居常若鬼域而假塗飾  
以徼福與夫牟金錢自潤陽斂而託之乎鬼神  
或聚羣不逞爲姦利其間恣遊冶而雜俳優者  
神其恫之矣冥考陰譴又焉攸追也此固崇祀



者之所當知其應募輸金及董役姓名不具書載之碑陰

御龍子集

吹劔草卷之三十

五

吹劔草卷之三十

吹劔草卷之三十一

御龍子五十五

有上范守已介儒著

寧夏侯廷珮校

紀行類

北上紀行

戊寅五月下浣委進賀 大婚表箋六月癸未  
肅啓行時徐少師董少宗伯泊徐太常陳封君  
等各郊餞舟中是日熱甚汗淫淫然下不能支  
酒罷歸舟解衣臥少許日已曛時風雨歛至涼  
氣襲人亡何同服賈守及杜丞招餞于白龍潭

御龍子集

吹劔草卷之三十一

一一

寺閣上西風颯颯若砭肌膚極歡而罷明早始  
解纜北發由青浦抵青洋江欲之太倉見監兵  
馮臬長以有手書辭不果行迺自崑山西泛又  
明日晨抵姑蘇辭糧儲徐叅轄遂視赫司理疾  
留語竟日是夜發舟九日陸行抵句容明早見  
軍門胡中丞慰勞備至是日迴抵舟十一日辛  
卯抵鎮江復候兵道及鹽法房侍御是夕鍾守  
招飲東觀明日晚得辭鹽臺吳司理及同服招  
飲甘露寺寺冠北固山俯大江古今名剎時

夜黯曾未得覽其勝云十三日癸巳渡江暮宿儀真甲午宿大柳樹驛是日行百八十里晚度清流關月色山光泉聲雲影清麗可人自是連日風雨行不得遠十六日才抵濠梁于路泥淖沒脛人馬按足而步或路值暴雨淋漓無遺衣又早行涼氣逼人若三秋然而衣著不時至侵心腹午後炎蒸如故于是難爲調攝矣十七日遇鄉達張公孟男時佐南太僕之任滁州甚急數語而別十九日又遇鄉達辛公自脩自起

御龍子集

次劔草卷之二十一

二

廢之任留都少尹道語移時是日抵宿州明日至夾溝驛又明日至桃山驛凡百三十里兩日方到蓋自宿以北皆大水用小農舟載輿自道傍溝中行者二十里擢膝抵腹而行者幾五十里輿夫用頭肩戴輿羣舁而渡水津者六七處蓋秀峨欄干諸山水俱寫道中故其艱阻如此二十二日壬寅抵徐州日才卓午揚戶部以忠招飲于黃樓樓在東北城上中象蘇長公絳紗闕之龕內問之樓蓋公所取黃土爲壇祭望因

而建也其下瞰城塹黃河自西來泗水從北注之二水交擁若不相下西北諸山隨塹起伏蜿蜒若矯龍狀東有平房諸山南望有雲龍山翠色交發最醒心目聞雲龍山有放鶴亭戲馬臺諸勝望之莫見少頃與楊君別循城頭東去出東閘渡河拜韓工部取善復留飲洪中石亭上亭嵒立河之中流巨石疊甃高聳餘方丈有半上乃置亭八窻洞啓前工部張公登雲所矧用巨舟達其趾梯登其中飄風淒其若秋冬之交

御龍子集

次劔草卷之二十一

三

已凭闌四顧天光雲影上下無際條條然若遺世表飲闌日已下春乃以小舟遡洄而上行三四里舍舟抵一旅舍憇焉明日抵滕縣又明日甲辰立秋日也是日徑嶧山過鄒縣抵兗州府晚覺大腸漫漫火下急取益元散飲之雖若解散而疾已作矣二十五日抵東平州身大熱得汗乃解明日經東阿崇山疊翠數十里目倦莫敢仰視疾益甚日晡抵桐城驛覓醫飲藥不能止又明日抵荏平縣臥疾益劇大熱若燎二十



八日戊申午抵高唐州復覓一醫診視以爲解傷兼外感症急治其標乃下發解劑于晨飲藥加被臥身如在湯火內無纖毫汗復問醫對以益元散可解乃加牛黃飲之飲二三口痰涎若湧汗汁若洗喘急若飛奔數十里口不能暫閉目眊若暈耳鳴若颺體顫搖若有撼撞心憤亂若有竊逃幾不能免食頃少定乃索紙筆欲囑後事至則握管上下動不能成字適命門役代筆口授十數語託賁僚以周邱意又命書役送

御龍子集

大綱草卷之三十一

四

表箋抵京託鄭丞代進命畢少臥身如被燎燄手如握熾炭口如吐鎔金心如浸沸湯閉目強忍不能支惟靈府惺惺而已又食頃忽門役持一帖至曰適某役求占得課卦賁其無傷領之而心不信復靜臥已黃昏矣似寐之際若聞滿室神語籍籍有若拂拭揮灑之狀者乃覺遍身安妥汗出淋漓遂得寧是夜頗穩寐明日已酉又明日秋七月朔庚戌俱日夕熱作如昨而少輕屢飲溫解劑不效二日辛亥念高唐非久

駐計因借吳州守臥與一乘移至恩縣是夕熱將作先發寒顫與前稍異三日壬子移抵德州詢知醫生宋址者頗精醫招使診視復語之狀曰此瘧症也當溫養以殺其毒乃可于是製劑以飲是夕熱作不甚久戌刻卽解明日耿州守薦醫官程啓明者善太素脉亦招使診視其說與宋子符因兩進其藥耿名思愛滑人能其官亦多情致云自是日至十一日庚申俱日一發皆移後其時刻初酉刻起子刻止次戌丑次亥

御龍子集

大綱草卷之三十一

五

寅漸移至卯未起已中止亦止膚熱心少寧矣其初作也皆先脊脊第十八十九追間冷然一縷冷浸浸起遂身心寒顫加被數疊不能止已而熱乃大作索水飲一二十甌移數時汗出乃解至十二日辰刻始作午中不汗乃索飲瓜汁一甌仰臥閉目覺脾胃系內有一二滴冷液滾入脊追中循脊下行至腎系之上追間盤旋浸漬一背皆寒心甚恐已而汗出隨索溫水飲下亦由前路遂入脊背大汗不止明日壬戌寒熱

始不作矣平生肌肉十消四五面如削爪膚如  
腊兔四肢蠕動如饑袋起不成步唯昏昏臥而  
已是日乃雇舟一艘移臥其中明日解纜由運  
河北上十五日甲子抵滄州十六日抵天津十  
八日抵河西務十九日抵張家灣一路日謀藥  
餌飲食以復本原猝不能復是疾也日進粥糜  
二三甌者十有五日鹽醋不入口者十餘日胃  
火內熾風邪外束夢寐多異心甚疑之一夕夢  
一佛坐大剎說法余旁聽之已而抵階下佛怒  
御龍子集 吹劍草卷之三十一 六

怏怏而出心已忖其不祥以故途中若此  
雪夜走陽羨紀行  
萬曆戊寅冬十一月督學侍御史郭公莊駐宜  
興校吳下士予還自京將投刺謁之是月九  
日自姑蘇登舟至夜欲解纜去忽朔風迅至疎  
篷皆琤琤響舟子刺櫂不敢動越二日風少止  
移舟寒山寺西復風驟不能動又明日始揚舠  
而北河冰已稍稍合矣仍曳舟破冰行過錫山  
冰堅不可破乃舍舟登輿輿轉毘陵以走是月  
御龍子集 吹劍草卷之三十一 七

望後三日謁郭公于署慰勞久之臨別公約曰  
校士公典唱序時當再一至遂辭去至十有二  
月初旬得檄云十有四日唱松江諸校士子序  
予乃于前五日乙卯發舟至松江渡泖過姑蘇  
至楓橋西復值風逆舟不得前十有三日已未  
雪大作明日庚申雪霏霏不少止平地將尺許  
乃冒雪挽舟又明日抵無錫西郭外舉櫂入水  
凍如脂凝漸刺刺有聲錮其舟不可動仍呼僮  
輿舍舟行欲復走毘陵因思後期不可乃訪捷



徑逕走西山是日已刻自無錫西門走錫山下見榜其坊曰九龍未解所謂乃由惠泉南東北去轉惠山東麓迤邐而北或穿林箐或傍田疇或陟翠微上下四三度行十有餘里惠山迺盡遂一望平疇皆膏沃地雪色如銀海矣忽舉目西北眎復一山突兀秀拔可愛不四三里而遙不覺神已先馳恨不一筵至其下早識山靈面顏爾移時乃至哈麓北而過南望峯巒隨步轉變惟恐行速易盡顧戀者久之須臾山盡遙望

御龍子集

次劄草卷之三十一

八

西北又一山突兀秀拔似不少減比至變幻顧惜皆如之比盡又復一山遙在望中如是者六七皆相去或一二里或四三里或五六里起伏連綿首尾相應大都惠山極爲峻絕以次西北遞覺眇小宛若蒼龍之尾始憶所謂九龍者殆以此耶無錫適踞龍首偶材挺生非偶然矣居人獸以惠山爲九龍恐誤也日晡山盡抵一候館殮食詢及候吏去錫山才四十里耳視宜興尚三之二食已卽西馳不六七里已昏莫不辨

蹊徑每遇徒杠便下輿扶曳過步雪蹟中寒風颯颯嗟嗟不自勝升輿中行又爐灰無復餘燼如踏層冰足縮縮寒栗不自知其已足也已而遇小杠從騎不能過皆遙轉去獨遺一輿曠野間四五輿夫而已燭炬俱盡黯然不辨東西輿夫皆甚恐大聲呼羣騎無所應乃舁輿沿埂堰流行幾一里許忽聞馬嘶聲乃從騎迤邐至也是復整列行已而居民持炬至導之始就道又五六里忽一儒衣者持刺謁道左曰聞從者

御龍子集

次劄草卷之三十一

九

夜過寒甚不可行請就敝廬少憩已列草具待矣予初意其未嘗具也暫欲得火一煬耳乃許諾遂抵其廬見果供具張列甚盛生舉爵進曰願留憩明日發騶予以失期辭三飲其爵發羹續食衍如也少頃辭之行詢其姓氏乃國學助教吳公欽之從弟曰介者肅恭備至彬彬禮法士也別去復西南行薄雲半破月色朦朧頗覺佳勝不十餘里忽橫川冰合兩岸陡絕上架木杠高尋丈長三二丈纔二三小杉杆相併旁

欄檻可倚輿夫不敢舁輿過予亦不敢舍輿過徘徊久之拉居民問可度計有一民陳五六策皆可資笑乃令沿河尋渡舟少頃覓得一舟在里許外乃悉衆破冰曳舟至緣岬登舟渡之去是時夜已過半忽暴風起寒威愈壯輿夫皆慄慄顫騎從皆僵足馬上月色轉昏炬火復盡沿埂漫行傾跌顛連不可勝記甚或輿夫盡躓擲輿臥道傍扶曳復起如是者亦四三次取後至一神祠乞火燎藝待旦詢之去宜興尚二十餘

御龍子集

吹劍草卷之三十一

十一

里是日壬辰辰刻方至邸卽謁郭公已自唱序一日矣先是在無錫時聞蘇郡理赫登甬常郡理韓克一俱先馳去以故兼夜以行及至邑二人不至後一日乃至乃由毘陵轉折來爾是行也困苦備至艱阻多端非吳生之具飲則不能行非土民之覓舟則不能行非神祠之借燎亦不能保無危頓者宦况若此可發一笑因記之以示後人使知服官之不易云

走姑孰紀行

已卯秋七月督學李公學詩校遺士于姑孰檄各理官往閱其文十有四日戊午予自松江發舟越四日壬戌自雲陽驛興行西走句容晡時入句容見中丞胡公執禮卽辭去南走溧水比出郭皆崇岡疊嶂迤邐西南去行峽中甚久抵暮稍平循一川西去昏夜行欹岸上亦甚危懼約漏下二十刻至候館憇焉明日癸亥抵溧水會吳尹仕詮留稍飲卽辭去由西郭西北行約十餘里一山橫亘多赭土逾嶺下眎陡壁千仞

御龍子集

吹劍草卷之三十一

十一

一水行山肋間兩岸俱峻嶺對峙石堅立如削如壘川形如磬如畫水闊不盈尋丈木桴旅舟往來其間一橋橫跨山巔去水不啻數千百尺心甚駭之乃問輿夫其故對曰此天生橋山自空其下水自穿其中予乃下輿睨之見其水迤邐搜石峽而來至此若無所去而橫石呀然空洞其下水得穿空而過至洞外復循峽而去洞孔參差不假人力特其上稍稍疊甃以行爾視畢登輿循峽岸西北去行十數里皆巨嶺疊翠



時時從嶺傍望見前峽皆深數十百仞岸壁石  
立如前所云詢知此水上通金陵下接宣歙因  
思造化工巧不可端倪高山聚石之中安得一  
峽如線疏通迴遠穿石罅流砂暖無少窒礙若  
斯耶人力不至于此豈其有神物劈畫如世所  
云巨靈者耶昔禹鑿龍門闢伊闕通洩大流世  
皆神之然予未睹其蹟思必有椎削遺痕二山  
之上或不渾成奇異若斯也縱使此亦神禹所  
闢寧不與龍門伊闕竝載簡冊耶後閩應天志  
此名騰脂岡

御龍十集

吹劍草卷之三十一

三

其河乃洪武時太祖命崇  
山侯李新所鑿故通漕舟云既而嶺盡峽亦不  
見遂迤邐西去往往遙見翠微微抹可愛又十  
餘里見西北紫翠插天峯巒從峙東西亘數十  
里不覺神施施馳去目注不暇詢之曰此西亘  
山在江寧當塗境上予思之或是慈姥山土人  
不知確名耳是晚就新店憩止明日甲子西去  
秋水彌望道斷不可行乃尋小農舟載輿自蕩  
內渡約里餘達潁從騎俱各單舟渡移時乃盡  
是日辰刻穿林嶺入姑孰謁李公時韓赫二理

官已先到一日矣八月丙子拙事竣欲由大江  
東北下以觀牛渚磯磯采石之勝弔太白于謫  
仙樓過金陵走京口不果迺買舟南走高淳溧  
陽出宜興而返于路山色頗多不勝記

御龍十集

吹劍草卷之三十一

十一

吹劍草卷之三十一終

次劔草卷之三十二

御龍子五十六

有上范守已介儒著

學夏侯廷邦校  
扶溝李時芳

傳類

曇陽僊師傳

僊師姓王氏姑蘇之太倉人父荆石先生名錫爵累官翰林學士禮部右侍郎母朱累封淑人以嘉靖戊午歲十有一月之廿一日生僊師于州治之東第時荆石先生方薦于鄉故命之曰桂迨後首成而聖師命法諱為燾貞號曇陽

御龍子集

次劔草卷之三十二

一

子云初母淑人患產難每妊輒憂至僊師在妊無它難彌月立語而生無血暈母淑人異之初求乳媪輒乳絕三易凡三絕常晝夜啼不止母淑人厭之有議聘者輒不許少長寡言笑不與群兒女娛嘗自縣幅紙壁間画若大士像者向之拜又時時為父母祝禧告天地父母迺稍奇之始受叅轄徐公廷裸子景韶聘既而授讀孝經小學不竟篇輒棄去壬戌春荆石先生大魁南宮官翰林院僊師從母淑人之都城邸

中居乃始習女紅亦不肯竟而每每閉戶獨危

坐人莫之測萬曆甲戌僊師年十有七徐公使

倅來議奠雁禮荆石先生報約有期而僊師若

罔聞知獨于淨室奉觀世音大士像叩首願

卒為弟子母淑人見而讓之答曰女欲了生死

耳何讓為母淑人益驚漫曰若旦夕為徐郎婦

何乃云爾僊師默不應已而曰女非忘若第若

無緣爾母淑人不欲詰而止一日僊師弟衡從

之遊僊師以石擊地訇然有聲已而以足踏之

御龍子集

次劔草卷之三十二

二

聲隆隆與履應久之見礎間有光若螢火隱隱

不絕連夕迺益鉅噴薄騰躍輪囷倏閃種種異

形衡以白荆石先生先生微伺之具見如衡語

是時僊師夢大士扶五色雲而下坐撫白玉

琴朱真君偶霰嬰侍立左右朱真君指

大士示僊師曰此爾朝夕所崇奉者大士顧

僊師而笑迺命偶姆然香香煙結成一善字

真君命僊師急吸之當證聖果僊師如命吸之

迺寤自是遂不復食惟少啖鮮棗及挑杏液劑



石先生以為病召醫診之僊師却之曰女何病俱言其故荆石先生及淑人迺不復強以食自是朱真君與偶姆連夕數至常有所指授大士亦每來解嚴開示朱真君復口授法照悟圓靈寶真經僊師覺後皆記臆之亡何徐子景韶病死其家以訃告母淑人匿其使就僊師詰前無緣之說僊師不應手書四字示之母淑人曰得非物故乎僊師愀然曰不祿久矣豈待今日乃出其所製縞衣履以示母母乃為之發

御龍子集

吹劍草卷之三十二

三

訃僊師蓬跣慟哭三日夜不絕已而御所製衣履以見荆石先生及淑人因而請曰女固徐郎婦也願卒為郎稱未亡人荆石先生謬以未醮拒之僊師曰然則未食祿者非王臣耶乃益慟哭以苦節誓當是時群真益數至往來不絕已而所居室前產玉芝燕故無稻庭前忽生芄芄並茂秀穎可愛僊師乃手授之以施鳥雀既而荆石先生遷國子祭酒僊師從之學宮官廨內乃請別築土室于廨旁居之適長至日大雪

僊師掃絮庭除若有所待俄而紅光自南西來群真自光中至腰以下皆白雲擁之朱真君手拂僊師髻上雪為訂金剛經句讀復解其疑義移晷乃去其光染庭雪若絳久之猶存一夕僊師夢謁大士已而至集真所凡坐而冠帔者十人首坐乃蘇元君聖師朱真君位第四偶霞姆居末元君貌僅二十許寡言笑亦微有所授真君則娓娓款洽家人母子然也當是時會有詔議王公守仁從祀學宮荆

御龍子集

吹劍草卷之三十二

四

石先生當屬議乃具草以為守仁陰依禪而陽攻之或不宜祀僊師見草謂先生曰父駁王氏學則可以朱氏學駁王氏則不可先生異其語為之削草而不知其何自得二氏學一日弟衡讀論語僊師亦取讀之謂弟曰此殆聖言衡曰然僊師曰我固知非聖人不能為此語又嘗舉中庸謂荆石先生曰天命之謂性此一言冒天下之道矣試為我草一論勿傍朱氏說可也先生驚阻終不敢下筆而止一日先生謂僊師曰

道果不食而已乎奈何詭跡以憂若父母僊師  
以為然乃命進粥糜及齧莖之第不雜鹽醢  
亡何其大父封公自吳來謂之曰聞爾久不食  
乃復食耶如初心何僊師復以為然遂再却食  
菹杏液亦不復進而聖師真君每每袖仙果  
圓長而黃者啖之自是群真益數數來頗示  
魔跡以恐惑僊師欲試其心僊師皆不為動  
聖師真君與偶姆迺大喜笑携僊師神往謁  
大士見所謂七寶蓮花座僊師亦不色喜大  
士器之出遇伽藍神關公于途面哲而酤其  
馬亦白僊師趨拜關公急止其拜稱為貞姑甚  
敬禮之未幾荆石先生移長宮案而封公與太  
夫人復來視見邸中隘無所容乃以僊師還太  
倉舊第居至則獨棲一樓上為龕奉大士像  
朝夕誦金剛楞嚴諸經不與諸姑姊相接狎如  
是者且周歲忽謂弟衡曰我人已兩忘心可謂  
矣乃下樓與諸姑姊相款洽委曲備至太夫人  
疑其不克終謂之僊師曰心以靜攝以事鍊

御龍子集

次韻草卷之三十一

五

自鍊心耳何怠為戊寅春荆石先生遷少宗伯  
僊師妻以手書趣之還曰仕可已矣秋七月先  
生乃乞侍養歸至則僊師喜甚左右承事殷勤  
備至母淑人喜且謂之曰汝嚮言欲了生死今  
將何如僊師曰逢之當見了日耳久之僊師語  
荆石先生曰女前覺腦中有聲仙音縹緲自空  
而來又覺元氣融融周流五內遂成丹粒初如  
黍米漸若彈丸其色正類朱橘常居下丹田亦  
時有所上下可吐而弄之掌光彩燁然吾道其  
有成乎先生為之喜明年己卯正月僊師危坐  
樓中其神出往東南方至兵臬署前見二人狂  
怒相擊神驚而返獨坐有憂色荆石先生問之  
僊師曰兒神乍出而恍若夢境且又驚恐豈陰  
神耶陰神迺鬼趣非性命雙徹之道也如負  
師教何又一日僊師謂荆石先生曰大人幸勿  
它出姑以守兒母令家人兒女子有所窺視先  
生許之僊師乃危坐于樓之南區先生守于中  
區兩楹之間其北區有戶階閑之母令得至

御龍子集

次韻草卷之三十一

六



更僊師目光下垂面發微絳果神出矣自午至酉先生不敢動俄而空中瓊然有聲僊師乃窺笑曰兒幸無它所歷殆千百里山川龍蛇種種俱見第思之皆吾五內之幻形爾今自反觀固森然在也道舍我何求哉吾將閉關以鍊吾形荆石先生許之母淑人不忍離也謂僊師曰汝必欲閉關可于扉上留一孔洞以遂瞻望僊師許之乃鑿孔方四寸許內復為小扉以時啓閉夏四月僊師語荆石先生兒開關期至矣乃別

御龍子集

卷之三

七

而登樓先生與淑人尾之不及登而關閉痛哭而返自是絕聲歎者凡三月忽一日下一赤札示先生曰兒今所出者廼陽神矣先生問其驗僊師曰無難也明日當自見翌日先生之書舍中見凡上有橘棗米餌等物幾二十種而為餠如故心異之復視其傍有墨書熹貞子神出至此字乃益心伏會女奴來白樓前庭中有動履聲先生急扶門隙窺之見僊師從樓上下有若飛鳥先生遽問曰何奇乃爾僊師曰吾鍊形

輕爾何奇也先生固請啓關一見僊師乃下樓啓外戶拒未已即騰身入樓窓中先生排闥仰視見窓外猶露衣帛尺許是歲將除僊師以一札白先生兒神欲出有所為數日乃返先生為之護其樓至庚辰正月之三日聞空中鈴聲泠然僊師乃返先生問所以出僊師曰可之王鳳洲所而問之前三日有所得否先是僊師神遊城內外殆遍其所到處俱題云曇陽子列仙到此復以黃冠內韜一銀環及真言一紙置鳳洲

御龍子集

卷之三

八

門屏間鳳洲者先都御史大理卿王公世貞元美也時待次林居文章德量甲流輩故僊師欲授之而元美不知也乃為一直兵拾之去荆石先生往詢元美無所得以白僊師僊師嘆曰此君猶有小障耶何乃爾雖然終不而遺也有老尼者元日蚤起禮佛忽見一女子授以黃紙封而去知其為僊師遺也不敢發持而叩閤人欲得一抵樓下拜拒之弗得入又五日荆石先生過于園亦得一黃封于逕間啓之內絨琥珀數

珠有署云孤峰奇遇古月重逢持以問僊師僊師曰此以貽頭陀隆魁爾是月望日前老尼者復詣荆石先生出其黃封言其故先生為發之亦緘琥珀數珠有署云二十年来一夢元宵得遇主人先生為宿之樓之下至子夜忽有光如赤日先生異之謂此尼有所證徹也以語僊師僊師曰不然兒以朱書其頰而內果其袖中彼皆不知此頑空耳何有于三昧吾力能使之不流墮爾明日元美甫蓐食有老嫗持盃水及絲

御龍子集

吹劍草卷之五

九

絲來請見自言戊夜之神祠見阜衣人授之令致王中丞處元美拜受其絲而醕其水又五日漏下十餘刻復有孺子來致黃冠自言初昏于飛雲橋遇褐衣媼授之使貽中丞元美受之見冠上有霞姆追環及曇陽子字內有數寸黃絹累銀環一及黃紙一上有小楷七十字亦有古月孤峯語不曉所謂翌日前直兵之得冠者亦携其冠來其環與書皆如之元美乃詣樓下謝僊師謂荆石先生曰吾前云不而遺不其然

乎復為書數百言授元美以道引之意二月城南有善家子遇僊師于途僊師脫所御黃氅予之其人不取受僊師曰汝積善人也第受之三月朔可持至王侍郎家問之僊師忽不見其人如期來叩荆石先生言其故先生導之樓下拜僊師自牕中慰勞之賞以銀錢一上有曇陽字一日亭午家人見僊師衣黃氅翩翩樓脊上踊躍高二丈許其問左右人亦皆見之荆石先生聞之風以投晦僊師曰兒豈不知韜光晦跡

御龍子集

吹劍草卷之三

十

冥契希夷之道顧世人不達上玄不得不以迹示之爾先生曰吾聞陰神能見人陽神能使人見若既爾何不使我一見乎僊師諾之先生乃奉其父封公及子衡夜宿一室令淑人奉太夫人及衡婦宿一室相去隔屋數區各扃閉不相通至丙夜香風颯然僊師忽到榻側問曰親公在此否封公曰在僊師不復答但聞循衣聲徘徊几案而去是時太夫人室內聞有叩扉聲問之不答不知其入也此各發燭視几上各有筆



書三紙屏象盒鎮之太夫人室內與處復題有  
素貞神遊至此字其篆文多言慶履及勸導語  
獨荆石先生一紙則畫墨圈一無所言翌日先  
生謂僊師曰昨聞其語耳非形見也請復以燭  
待僊師曰無庸燭也仍戒宿如前日至夜半僊  
師果復來口吐赤光如電已而為青金色中擁  
人形不甚辨照耀滿室先生不覺失聲光遂滅  
去翌日僊師謂先生曰父識此光乎此法身中  
真火人人有之不能自見耳父若傾心反求見

御龍子集

次劍草卷之三

上

能先容于 聖師以為之地先生曰 聖師可  
得一見乎僊師曰可乃為約日以候見是月清  
明日僊師命市冥金二錠內樓中已而乃掛徐  
郎墓署有曇陽字翌日為望日僊師召先生屏  
息竢諸樓庭之戶外須臾見群真颺然從空而  
降相次入樓下衣色各別獨元君 真君施有  
五色綬帶統肩及足第袖擁其面不得見顏色  
已而命取法水灑四壁間乃去先生啓扉視壁  
間餘瀝明瑩可鑒以手承之則純白如飴紙之

其冷異常顧謂僊師曰何不分我一杯飲而棄  
之壁間僊師曰後固不乏父供今未易爾又一  
日召元美隨荆石先生竢庭外 群真復如前  
入樓下 真君以元美初受誓為弟子乃向門  
隙作語曰不要悔不要悔云門啓元美入叩庭  
中僊師與之談化事乃以靈龜見託今學憲王  
公世懋者元美弟也肯自入觀來投啓願卒為  
弟子僊師初不許既而求謁益力肯 曹仙真  
周仙姪在樓啓視世懋非凡根從更許之世懋

御龍子集

次劍草卷之三

上

欲躬拜樓下僊師乃預置杯水井牀上世懋踞  
而酌之肯方病胃亡何良已世懋為啓謝僊師  
覽之曰此君何志隘病已止耶乃為書數百言  
勸勉之及示以脩真之要是肯衆真常群居樓  
上下檢視仙佛諸經為之標題顧時時聞環佩  
鏘然及笑語音或歌梵唄步虛歷歷可辨一日  
太夫人偕荆石先生過樓下聞天樂繚繞音太  
夫人遽叩頭願乞一語須臾下片紙云造化本  
無工衆生自造化其樂器有留于樓者先生自

門孔中捫之堅滑如瓊玉不可名質其親識婦女聞之多縈已來求見僊師不之拒每啓牕扉見之婦女欬稽首拜輒搖手止之有強拜者則引身以避之已輒于袖中出果實松栢枝等物貽之有郁媼者元美母姨也年八十餘居孀父甚一日携一老嫗來見僊師擲一荔枝下其老嫗得之復擲一龍眼果下郁媼得之歸欲剖食見內紙縷其中剖視之則書一絕贊其貞云僊師有幼娣受聘吳江一鄉貢子其子稚甚復携

御龍子集

吹劍草卷之三

三

其第一稚子來見僊師袖出金錢貽其子以一果貽其子之弟其弟睥睨金錢受果弗歡僊師曰吾固知子若爾復出一金錢貽之有蕭媼者性質直常杜門誦內典書年已八十矣人莫之測一日過僊師所見几上有栢枝漫曰吾素重汝乃餐栢枝耶何云不食僊師異之呼與語語未竟媼遽下拜願為弟子未幾以小紙封寄別示疾化去尸如瓊羅綿夏四月荆石先生與元美謀買地城西隅架屋數楹為藏修所僊師聞

之謂先生曰吾蛻亦當寄于是乃手書群真名號及位次令奉其中復篆其牘曰曇陽恬澹觀其文為龍蛇勢若飛動其群真則曰南瞻化主聖祖如來觀世音菩薩西池元始玄真女真教主太陰金母同龕居中累封九天玉闕高明弘靜上仙洪恩妙德蘇元君累封清微天宣化扶教太仙昭靈博德朱真君左右次之並南向西向而居首者封瞿羅天慈懿仁壽法師偶霞璵也次瀟洞府寒山子冲湛

御龍子集

吹劍草卷之三

四

神人許仙師次玉溜源當邁翊亮達道至人鄭仙師次鉢池山憬玄銓妙一仙人謝仙師東向而居首者朱陵洞行化妙通博濟真人純陽呂仙師也次封集道宮癸真應仙妃崔媽孃次上元宮助順洪善仙姑周菡娒次綿竹山善助恭靖仙人鄒菡娒共一十二位俱為主祀之是月僊師神遊携一巨蛇歸栖之樓下書櫺內以朱篆片紙置其傍其蛇不敢動一日有蒼頭見之懇欲斂之見有朱言以白荆石



先生先生訝其馴也問之僊師曰此蛇固猛且疾惡在兒前則爾可置之新觀適之先生命僅携往觀中至州治前躍而逸去不可復跡未幾復在僊師所五月十有三日荆石先生晨卧未起忽見僊師冠服佩劍侍于榻前時門扃俱未啓不知所由至先生驚問之不答徐請導之見封公見則拜之已而拜先生及母淑人復拜家廟封公怪問之曰道成致謝耳須臾家衆咸集僊師乃請于封公曰前未敢言兒欲一至徐郎

御龍子集

欽定四庫全書

五

墓封公不之許僊師長跪久之先生從史許之乃問僊師期至乎曰未也待過謁上真而後行爾是月晦前真君道僊師謁見大士大士慰勞之已而謁元君真君于集道宮是宮崔仙妃所主群真畢集僊師以前靈蛇見其蛇叩頭階下若有所乞真君憐之命之曰護龍使從僊師受教指六月朔僊師以啓請見金母金母命俟異日僊師不樂越三日金母乃許見僊師遂詣金母宮闕外其宮闕麗繁

御龍子集

欽定四庫全書

六

擁以白雲不見日月光而光朗逾日月僊師待命久之不得報徬徨終宵翌日真君至乃與群真俱入謁于階下金母解顏勞之曰子良苦何脩而證大道也僊師起立群真後群真多有舉手賀者南嶽魏夫人時在左班接語益溫須臾金母至集道宮答勞群真僊師亦隨去坐定僊師復前謁金母命賜天衣一襲紫金釧二枚僊師乃歸具語荆石先生甚悉其靈蛇仍歸僊師所僊師命置之小祇園乃籠而致之元美見而祝曰若既受師戒命當與吾輩共勵護法翊真其蛇昂首喑喑若諾狀乃籠致湖山岩洞中明日視之不可復得矣是月十日僊師具冠服拜辭大父母父母翌日天未曙群真集樓上送別已而樓中光歛發珮聲漸高僊師乃下乘篋輿入恬澹觀拜別群真主遂入舟抵徐郎墓祭之行八拜禮已乃就其享室東北隅庭中布罽坐謂其父母曰此佳地吾不歸矣母淑人力挽之歸不少動荆石先生知其

不可奪也乃許之自是僊師晝夜暴赤日風雪中時或大雨淋漓及蠅納吮最皆不動久之男  
女聞而求謁者日以千百記一切謝絕之後稍  
稍有所接見有求言者則舉其宿癖對人人媿  
服一日值叅轄徐公縣孤日則出新果四楹青  
篆福壽字各十種命僮慶之且曰女身在蓬跣  
不能效人間百拜禮耶鑄數字畧表孝誠秋八  
月十日忽出朱篆片紙付荆石先生令往園中  
呼蛇來先生如其言向山洞呼之了不知其所

御龍子集

吹劍草卷之三十一

七

在乃惘然曰是何能識篆書意已而抵瑩所則  
僊師迎謂靈蛇許我望日到矣至日風雨大作  
蛇果至其形將倍于初蜿蜒庭中殊自愉暢先  
生與元美撫而嘆曰吾輩乃不如若速契大道  
僊師曰若物耳止有一念故專人有百念何遽  
能爾九月二日僊師密問龕完否吾將于九日  
行矣元美乃趨載龕至而叅轄公為之治柵亭  
室外以辟囂穢又三日為座龕所僊師登座進  
所收弟子見之乃出訓誡一通令各信持質明

癸亥戒以授元美命張之壁其日乃見諸縉紳  
緇黃嬾孺來謁者殆萬人明日復倍之已乃進  
荆石先生及弟衡與之語甚詳先是下走曾託  
先生先容于僊師欲執灑掃役久之未得報至  
是下走以事走丹陽不及來僊師乃語先生曰  
范某者何在吾固欲見之已而曰第彼在宦路  
不能至爾乃出所書般若經一通付先生令貽  
之其經以丹砂作鍊線篆素躡鉛方秀整奪目  
已而與話別為之泣下明日具香几望拜宗祖

御龍子集

吹劍草卷之三十二

八

及拜大父母父母宗屬之尊者及外屬之尊若  
伍者是夕子夜偕荆石先生往叅徐郎墓已乃  
出袖刀落其右髻付先生令付叅轄公合葬徐  
郎墓乃歸翼室中命筆作書十餘通以別親知  
迨日卓午具冠劍珮履出與大父以下揖別遂  
就香几南西北向拜者各四已乃入龕檢其衣  
物之贏者于外復出握劍禹步呼水以揚枝灑  
之顧命左右取蛇來乃用錢籠貯蛇昇置龕前  
亦用水灑之摩頂授語若密囑然其蛇昂首以



聽已乃解其玉冠法衣以授封公後西向再拜以謝仙侶之來迎者已乃戒諸弟子毋退悔且曰吾乃左髻曇陽風小仙此行甚適衆亦羨之乎則何為不早修持也又屬荆石先生曰吾行後母使男婦近吾龕乃遂入龕出所書辭世歌及偈贊以授封公等復命女僮傳語吾乃曇鸞菩薩轉世歟有度引耳遂左手結印握劍右執塵尾端立而瞑昔午晷歟見二白虹隱隱亘天西去劍頭火光如升久之不散元美與諸弟

御龍子集

卷之十一

九

子就前泣拜則僊師目復微開手劍舉動人人為之股慄踰時乃閉其龕已而視龍蛇則龍閉如故而蛇無有矣越十有六日僊師見夢于荆石先生曰呼王子來吾欲有言先生寤呼元美同榻寢乃夢見僊師訓教百餘語問曇鸞菩薩何人曰久之當自知問蛇何往曰鄒仙姊袖歸靖廬矣元美寤與荆石先生交相質言無大異冬十一月二日乃移靈龕于恬澹觀又數日參輅公改葬徐郎于祖塋之東南以髻從先是僊

師命元美刻圖書一以為別後往來書記元美自篆刻之供于龕前至十有二月歲除前四日忽龕上有聲如擊元美驚往視之則圖書不復見矣明日復有聲如震荆石先生駭之已而視其榻上則有書一函啓之內緘金牌一面鑄有曇字及書一紙內云為道須要定持毋受他人詐惑鳳洲公用功甚勤將來必登上真又云移龕開寔吾悉見悉聞因仙侶到五陵路便留信云明日荆石先生亦為書一函置几上須臾不

御龍子集

卷之十一

十

見蓋携之去矣僊師生而沈靜外示不慧迹而中實了了及證大道益洞徹無遺照嘗曰母意毋必毋固母我所以為孔子勿正勿助勿忘孟軻氏其庶幾乎又曰道自和光入者乃真門也自無欲速修者乃真路也自不妄語始者乃真芽也驚高以求名獵等以誇異內沈五欲之海而外託菩薩行風斯下矣其答示求言諸君子札人人異指各極玄趣俱出入老子五千言上莊列而下不論也至于稱說佛法示頭陀無心

有則又深得真空三昧之妙曹溪以來所未嘗聞其為教大指不離澹字其要以用情不用為操持以絕慾少思省事寡言為要緊以忠孝節義為根基以存觀灌溉為作用其醇和粹美本儒者其清淨圓通本釋氏其專靜玄虛本老子惣持三教鼓動萬靈寔亘古所未有也其書法云得之 崔仙姊天圓采陽龍鳳鍾鼎等篆莫不精絕所為金字心經及三十二體性命字藏元美家陰符諸經及如來七十二體藏荆石先

御龍子集

吹劍草卷之三十一

五

生家其它縉紳士所藏真跡尤多輒斯籀所未能 贊曰愚嘗歷覽三教摛見玄微而知斯道在天地間不越乎靜虛而已靜篤虛極神明自來種種化機不假外得故天心無為而日月四時自明自運玄之玄矣聖人得之以宰萬化竺乾得之以照大千黃老得之以翺八極皆是物也第釋氏尚性以四大為幻軀羽流尚命以般若為妄境儒士兼言性命而非二氏之宗旨幽三為一自古難之矣我 僊師乃獨契道含真

法天軼聖舉佛老性命而一之豈非萬古之一人者哉觀其言曰夫道包天地離有無不出澹之一字又曰學道心欲澹欲死欲愚知學絕學善用無為其有得于靜虛者深矣此其所以妙明中啓而萬有之俱徹也於戲盛哉僊師為教不欲人讀參同悟真等書而極究心于金剛維摩道德陰符黃庭諸經又嘗手拓東華秘文授荆石先生曰此乃正教可以知所從入矣昔旌陽真人上昇之日曾為記曰是後一千二百四

御龍子集

吹劍草卷之三十二

五

十二年五陵之內當有八百證仙者今以甲子計之自晉孝武寧康甲戌迄今庚辰得一千二百有六載而僊師崛起自稱五陵教主大振玄風豈非斯世斯人之大幸乎吾人受有遺言當自勗矣

吹劍草卷之三十二終



劔草卷之三十三

御龍子五十七

有上范守已介儒著

寧夏侯廷珩校  
扶溝李時芳

傳類

宋君傳

大史公曰姦偽萌起其極也上下相遁吏治若  
救火揚沸非武健嚴酷惡能勝其任而愉快乎  
然漢自元封後義縱咸宣之流鷹擊毛摯快其  
意所欲得姦益不勝范子曰苟若所言所書不  
大紕謬哉而黃建成龔水衡諸人治郡輒效是

御龍子集

劔草卷之三十三

十一

違何德也故知在此不在彼明與二百餘歲吏  
治寢寢鄉風矣乃未聞有潁川渤海其人者足  
以耀簡筭視來世日者郡縣守吏一切操下急  
如束溼徒養私交為遊聲譽用獵取右秩而止  
母復有惠利元元為國家固本根者而魁宿輕  
黠子歆豪里巷為姦利往往視守吏所遷官為  
臧否幸徵拜要地母復敢訾議為至鐫樂石夸  
詡其所以不幸皇誤及為常調官即口語羣起  
若蝟毛語曰人貌榮名茲母亶貌而止則守士

者又曷肯不自為地而握鉅為民人也予讀功  
令見縣官所以幾守吏甚備而其寃若斯每為  
於邑及覽武岡九江郡乘見所紀載宋君政掩  
卷嘆曰是足比武龔黃矣而柰之何未厘太史  
筆也母亦以其常調故有所待乎而公之仕進  
則未艾矣美政難泯與論攸歸爰述其槩著之  
篇俟異日輶軒使者持赫蹠求諸芻蕘間也  
宋君純仁長洲人幼聰警長習博土家言嘉靖  
己酉舉于鄉久之卒葉南雍隆慶末謁選授武

御龍子集

劔草卷之三十三

二

岡守武岡楚南重郡也墜連谿峒民徭隸居多  
豪猾大姓椎埋為姦利輕扞文罔猾吏因緣為  
姦通俠表反寄耳目嫻弄守土吏君下車數日  
決曹上牘多殺人當案問者欲以觀君而大猾  
文廷源微尤睽昧前守莫能決初廷源報其子  
妻其奴復亂之廷源妬奴夜縛奴箠殺之置其  
屍囑中人莫知也奴家告言文父子實殺人然  
亡從得屍久之屍浮谿水內守錄文父子對簿  
文父子不之服獄久不具君初閱其牘亦疑之

他日以事走寶慶途直文所居未至一舍君屏車從從巡檢一各冒接離被檐褕蒼頭一後先之徒步至其里見楚祠內有嫠嫠因求漿飲呼與語問地方有何疾苦嫠嫠曰文氏以姦殺其奴州官數來核屍其從輒執吾薪此最苦君窮其詞得廷源報子妻狀甚晰乃馳去歸而廷鞠之廷源股栗輸罪當以死刑一郡稱為神明吏莫敢復欺君乃禁囂訟均更繇大飾學宮下至橋梁井泉亡不區畫周至士民樂業復念谿

御龍子集

吹劍草卷之三

三

峒小民樸野未知教化為圖古孝子行事各論著其下鐫木布之使知所觀法而民所疾苦乃濟水為最鉅每夏秋間城步大古諸水循山谷奔流而下勢如決壅乙亥歲為甚兩岸居民莖魚腹者殆數十百家即幸亦汙其田亡慮數百千畝君愍之疏其濬築便利狀奏記部使者部使者下記董治而帑藏罄竭莫知所措君圖維久之乃核民版籍有私授受其田賦不輸者悉者得數千家應輸緡錢二百餘萬君計券令

自塞决口咸免其罪署以尋丈各致芟捷趨事民樂赴之旬月告成凡為石防四百有六十六屹然壁立矣初水上有石梁絕流當夜即諸孔道蹶轂便之歲久圯于水而岷王者國其州者也其石為王所輦去小民爭之不得君愍民病涉計復故梁難其資適有承主者有新臺風君言于寶慶守令輸緡錢三十萬償其罪復以為梁故請于王王慚輸錢十萬俱發司工所選石礧治之鳩工墾其川令辟為堵越歲梁乃成為

御龍子集

吹劍草卷之三

四

壘者凡七計費緡錢二百萬不出公帑多君所措置州初多盜數殺掠居民君至捕其魁二十餘人論殺之盜遂止息而黎平之潭溪童與五開構卻道路為梗先是諸童女子及笄以夜行歌于野擇所悅私之其父母館穀以為常潭溪有子妻未歸者私亮寨見奔去潭溪童仇亮寨乃治兵擊五開意欲五開怨亮寨為已修怨而五開童不之服格殺亡已黎平守劉汝順者厭苦之為五開居間走潭溪說使解兵為



止六月不得還而守將槐寅按兵自為計不敢以一矢相加遺自綏寧西盡諸蠻峒方七百里道絕米鹽不相及疆圉危甚而部使者未由知以辟匿故君承檄過靖州目擊其難為奏記直指使者徵兵議勦直指下其議君又言一將可成功直指主之為督發守將往戰而以計進止畫方略責君君奉記日夜勞瘁自二月我兵入阻夏四月渠魁乃就禽地方獲寧初守將二俱屯靖州君又奏記當一移五開一移銅鼓分控

御龍子集

吹銅草卷之三

五

諸蠻峒為便不爾甌且未已直指欲疏聞而省臣適先言之議竟不行後數年五開復亂守臣請王師克之至有獵右職者人始思君言為有見云君在武岡凡三歲所建置便利民事亡慮數十卒以高第遷九江太守丞既去民益思之為勒石紀德政識不忘而九江墜並大江軍民襍處其難治復倍武岡君又行郡都尉事主賊曹境內湖陂襟帶為盜藿苻藪而大江尤甚舨皇出沒莫可究詰行江大中丞以文法繩郡尉

甚急君至治放武岡收豪敢卒與從事沿江置伯格長收司姦一歲中禽大盜剽江中者數十人賈私讎者如之盜稍辟匿復奏記舟多漿者夜至者皆禁勿得行而增邏卒給舨舫三十有六舍舍卒若而人行江使主之江盜大息又增城隍戍樓戒不虞纖悉備至嚴固矣而軍食不能充君按甲令衛有屯種田其入足食武吏而柰何仰給縣官也奏記部使者按括之俱為武弁豪猾卒所兼併初屯卒一田畝三十為分分

御龍子集

吹銅草卷之三

六

輸粟六碩供官奉歲久尺籍半耗田盡歸大豪招佃自為利君奉記按括得兼併田四千六百六十有八分計田一十四萬餘畝悉以歸屯卒責輸如甲令軍食乃裕然諸屯與民田相錯多並江咽而江水蓄岸沙善潰田多墊溺桑落洲為甚洲跨德化湖口宿松四三縣下抵彭澤延袤餘二百里而南昌蘄黃諸屯田皆錯其間江水時溢沒田亡慮數千百頃民多流冗大中丞潘公李馴檄君議為隄防君任其事而蘄黃隸

楚宿松隸畿輔非君令所得及君復奏記兩地  
大中丞督蔡卒徒併築之乃表栖苴齊高下下  
捷急流栖芻焚以開水道在民隄繇以畝軍計  
踐更蠲屯輸俱樂趨事亡怨急兩月告竣為隄  
八千有四百餘丈吐三尋有一巔二尋弱高準  
栖苴加若干尺丘隄不一種柳萬餘樹錮其上  
計括九湖十三瀆四縣三衛之水護田數十萬  
畝云君又計雨澇田潦亡由瀉復奏記鑿宿松  
渠五百八十有五丈道潦入湖波田乃大穰初

御龍子集

吹劍草卷之三

七

瀕江有三洲曰封郭一曰封郭二曰桑落先年  
封郭為患大中丞楊公成下檄隄之至是君隄  
桑落民德楊公及君為生立祠祀隄上勒石其  
中紀頌君德而君竟以勞瘁故便下血少間復  
喪明得新建鑿刮膜乃復其忘身急民類若斯  
在九江六歲葺學宮修戰艦鑿義井核荻渚水  
衡錢括田賦平更縣用寬民力諸所建置視武  
岡為悉捐奉錢亦不訾部使者察廉舉村賢  
奏聞縣官器重之徵為尚書刑部郎視事南

南都去九江一千里而遙九江民德君往往走  
南都起居君君在曹亭疑法多所釋聞其罪新  
城旦春下至罰二十以上亡不為大司寇分別  
其原所是受而決法所非即應謝時口言埃財  
察大司寇倚重之亡何馬逸墜折肱遂乞骸骨  
去以壽終

贊曰九江召翁卿守南陽好為民興利務在富  
之行視郡中水泉開通溝瀆起水門提闕凡數  
十處民得其利後徵為少府卿久之九江應詔

御龍子集

吹劍草卷之三

八

書郡二千石率屬奉翁卿祀而南陽亦為立祠  
善政之感人固如此宋君守武岡即武岡之隄  
岸井泉治丞九江即九江之隄岸井泉治武岡  
南陽俱楚墜而九江則翁卿之粉榆社在焉君  
其聞翁卿之風而興起者乎其它善政亦頡頏  
古循良亡惑乎二郡之民不能忘君也

### 吳處士傳

處士名某徽州歙人也生八歲父某客死光化  
處士聞訃大慟大母異之年十有四請赴光化



襄父事母其止之曰若藐爾童子胡能爾處士大號曰先大人暴骨六年矣見近有知其一日安乎乃鬻田為資斧以行至鄱陽值大風兩舟覆獲木以免蓋孝感云已而抵光化拊父棺三日哭因獻斛黍舍主人求隙地塋之先是父行貨糴陽將歿買者多負其金至是負金家聞吳郎至多亡去處士使人謂曰吾非收責來也第欲與約諸亡者乃稍稍出處士復飲食之謂曰我業已塋父諸君能為我守視不責金矣眾曰

御龍子集

次劬草卷之三十三

九

話乃焚其券有其氏者父側室也不欲之歛為擇孔某贍之乃還已而從其族某賈于雲間過別塾每遮諸生叩其所授書私識之數年能通孝經小學諸書某不之知也處士乘間奏計以為質錢便復為章條以請某驚曰若不學書計胡能爾已而知其遮諸生學也人悅携數百金予之為質雲間數年得贏數千金喜曰微子之力不及此請奉百金為母壽處士得金復之光化奉父柩歸塋焉已而出賈平湖有友汪某死

為卹遺孤息其訾議其長而還之歸建家祠祀其先復置塾延師群其族子弟讀書其中以時課殿最激勸之有二丈夫子俱令就學不復為積居業曰非所以業子也蓋處士雖業賈而志學好禮不為世俗狀其子某及弱冠為肅賓行三加禮處士田冠敝緇袍揖賓以入而子某曳革履且穿行不成步鄉人關戶嫻笑之賓愧無所容處士曰禮生于貧也焉用文之請以眎觀者卒成禮而退歛俗有舉冠禮者自處士始已

御龍子集

次劬草卷之三十三

十

而嫌其俗尚奢移籍臨溪又嫌其尚爭復去之居于桐廬之焦山數年母卒苦塊如禮歸其喪于郡還設二塾以教問左子師至諸父老皆衣短袴露頂顙徒跣以往直據上坐呼其兒往護牛羊牧至為嫚罵語不可禁師怒欲去處士乃詣塾躬饋食偃僂益恭諸父老見之咸驚咤謂吳父不當如是久之乃服習稍知為磬折狀諸兒微有能處士遽謂居吾兒上諸父老聞之感私相矜語間呼牧黃犢兒不樂去矣其躬善導

物類如此已而子某丞宛平適京邑早丞承上旨粥食餓者處士馳書曰若無負丞粥之惠民不如燭若盍為上言之是歲諸郡多飢處士取積粟散之全活頗衆又做行社倉法春散秋歛歲責耗不及什一中年半燭凶年盡燭著為條里中利之處士在桐久仁及其鄉其父老少年莫不愛重公嘗止田間爭畝餅餌以十數至處士為留其車與以食諸孫餘不盡取諸人蓋人人悅也去則環隨之不忍舍去以故處士

御龍子集

吹劍草卷之三

十一

亦愛其鄉士謂可終老云年八十餘以壽終逸史氏曰予讀子畏貨殖傳見所稱操計然術者何多賢豪也白圭有言曰智不足與權變勇不足決斷仁不能以取予彊不能有所守欲學吾術終不告也以是知非大賢豪不能操奇贏為素封業處士以孺子從賈數致千金儻所謂賢豪者非耶語有之人富而仁義附焉乃處士之孝得自天性則又富所由附者其它仁義當若鄒魯雍容士是豈既富而方穀者耶

儀封狂盜傳

儀封距開封不百里而遙與山東北圻地相犬牙居民混處莫可究詰萬曆初有睢人曹倫者僑寓其地以左道蠱衆陰謀不軌愚民被誘者數百人僭稱倫以位號倫亦內賄偽署官爵有聞興唐侯等目陰籍之未敢布之人遠邇亦有聞者其黨復陰役與皂中為偵謀計以故邑令卒未之知八年四月前令顧夢鯉以徵書去當路簡藩司都事王公延攝邑事是月二日公捧檄

御龍子集

吹劍草卷之三

十二

至縣首訊民疾苦無所聞是時倫利邑令新代可乘以逞乃約真定賊某同日響應期于是月十有一日破邑城稱觥縣堂上至九日倫黨七十餘人軟血飲于蠶岡狗子若吉廷有家款待真定賊同發而黨與多醉誑禁之不可乃乘夜先舉樹長白旗一自稱三乘教主仇殺居民虐寵以其頭祭之遂縱火焚燒民舍百有餘區遠邇大震皆走匿田野間死傷亦多質明倫衆走邑城下門于東門殺居民陶萬倉等凡五人皆



死已歆奪門入城時扁鑰方啓門者知變急下  
鍵走白公公聞變披襟乘脾睨分布戍守倫見  
有備乃率衆東南走初公聞遠報以為綠林白  
馬輩故嚴城守既而見其遽去謀知為白社徒  
也乃策曰是不能多亦不能戰蹄涔蛙子耳不  
勦何畏乃發戈兵數十人命典史某帥之尾其  
後不三四里及賊遂禽二十餘人及旗幟偽籍  
以還倫逸去時公在城上聞捷即進俘訊之首  
服無辭遂馘斬賊衆張景陽梟之以殉當是時

御龍子集

次切草卷之三

十三

人心疑懇動搖巨測公乃大書二檄為殲厥渠  
魁脅從罔治語徇于城中人始貼然翌日公進  
賊黨趙有福建鞠復得未獲賊姓名十有一人  
俱隱布城內有陳九現者為庖丁從公公首禽  
之餘皆就執乃飛檄報督撫大中丞周公鑑直  
指使者蘇公民望為下藩臬覆鞠無異疏聞于  
朝有旨悉斬于市是年八月倫亦就禽 野史  
氏曰自角梁煽旣炎漢祚移世之么麼子有所  
不逞往往藉以為要駕計非遇戡亂之才扼其

萌而芟夷之未有不挾尉繚繫為世大患者曹  
倫蚍蜉子耳乃鳩合蠹數十欲犯金湯而虺  
之門吁鑒矣哉王公以文儒乘陴談笑而揮之  
一日殲其黨固其所也雖然仙芝山童亡唐元  
其初幾何司土者捕滅亡策爾公能當機採籌  
鋤逆梗于俄頃亡論壯猶厥顧不懋哉

戶部尚書李公傳

公名瓚字宗器東昌濮州人宋李文忠公裔孫  
也曾祖義洪武中以人材徵除官不拜受錦衣

御龍子集

次切草卷之三

十四

衛緹騎以故為錦衣籍祖俊父賢俱樸茂以長  
厚聞公生而端諒不好弄少長誦讀經生語日  
夜不輟久之殆成羸疾弗顧也遂登弘治丙辰  
進士二甲第二人授刑部江西司主事尋陞員  
外郎以父喪歸服闋補戶部尋陞通政司叅議  
正德初逆瑾竊柄街公有口語撫公在部時不  
素計預邊餼謫判饒州公至饒有惠政適安仁  
盜王浩八為亂部使者議加兵公毅然曰此潢  
池弄兵兒易得勞王師橫戈也乃單舸詣賊巢

諭遣之浩八等倉皇不知所為皆還拜時有縛賊黨于治兵副使吳貫處者移公即訊公具列此皆良民所以不為盜狀吳盡釋之饒人德公甚已已陞江西按察司僉事仍監本郡兵而大冒山賊起巡撫大中丞俞公諫檄公進勦斬首數千級事聞賚以白金綵幣會瑾誅徵復原官尋拜大理寺少卿遂擢都察院左僉都御史整勅薊州諸路邊備兼巡撫順天諸郡是時孳顏酋花當把兒孫號稱桀黠外假入貢名中實巨

御龍子集

欽定四庫全書

十五

測公召至塞下面諭以國恩虜不屈強之跪受命虜怒激矢及公座公不為動益宣國恩威弗聽將禽爾汝虜乃懾伏去公遂條上邊務五事上嘉納之大司馬王公瓊謂公有統馭材勇改公以原官巡撫保定六郡提督紫荆等處諸關隘而歲適告饑民大疫死者相枕藉公檄郡縣為粥食貧民全活甚衆久之徵拜通政使掌鴻臚寺事公立要求飭官屬朝儀肅然歲己卯王公瓊建議白羊口密邇京師為虜騎

出沒之所最為要害宜遣重臣經畧其地廷薦公以左副都御史往公至躬閱近邊諸隘得其要領乃上言橫嶺長峪二處山蹊曠衍為虜騎闌入孔道當為城守計從之于是檄監兵部使者徵畚鍤具令辟往城其地閱月告完賜名鎮邊長峪城而移戍卒守之仍奏墾山田人給若干畝復其家三年其廬舍井垣皆官為築鑿初計費鉅萬金訖工乃不逾萬遂為近塞金湯云又以御史蕭淮言命築喜峯口來遠樓旬月

御龍子集

欽定四庫全書

十六

告竣而工費亦省數百千緡行邊御史疏公功宜加擢用會柄臣不悅公賚以金幣而已亡何遷工部右侍郎兼左僉都御史督理漕河公至徐議築橫隄以捍飛湍建石牌以蓄急流漕舟得不阻滯適嘉靖改元而山東盜王堂者煽聚數萬人勢猖獗甚蔓延曹單歸德間不可撲滅大司馬彭公澤奏命公徵集官軍逾河征勦而朝議復遣都御史俞公諫總制諸路兵馬及俞至而公已破堂降其衆矣俞攘公功以捷聞至



官其一子而公僅加俸一等不以為意也又明年甲申徵為戶部右侍郎總督糧儲先是漕卒入京中貴人遍徵茶餌歲率數千金公一切拒絕之令勿予巨璫街公甚至有為擲掄者公弗顧丁亥三品滿九載司功以取聞進本部尚書仍督太倉庚寅公有疾疏乞骸骨屢上許之遂家京師之崇文門內杜門却掃不復通賓客以為常壬辰正月卒于正寢享壽七十有三上聞哀悼久之諭祭營塋如禮贈太子太保為

御龍子集

欽定四庫全書

十七

一時異數云公孝友得于天性初垂髫時大父贈尚書公疾革公昕夕侍不忍去至親捧溺器戚里驚歎之及公久宦京師弟瑾廢著獨居濮公念弟甚携其子廷材育于京而厚置田廬于濮以居瑾其養妹以孤甥就公舉火者公分橐金衣食之不問需多寡先是公從金陵比部郎孫公學比公貴孫已捐館舍子姓無有存者公子廷相為南京吏部侍郎時公為文命祭其墓通索近郊無知者久之得于南山林麓中躬為

祭酹時以為德厚公在江西時就徵寧藩以黃金綵幣餌公拒不納弗能強也清標峻望岳峙斗懸所為古文辭直逼唐晉意興所到援筆立成而體裁渾噩人多傳誦焉

文敏公名廷相字夢弼贊長子登弘治壬戌進士一甲第三人授翰林院編脩以忤瑾改武選主事久之陞武庫員外郎職方郎中瑾誅復除編脩尋陞右春坊右中允兼翰林修撰侍講學士嘉靖乙酉以積勞當貳六卿而公父時為戶

御龍子集

欽定四庫全書

十八

部侍郎公謂父子不可同察處乃求移南京遂得南京吏部侍郎居二年公父進尚書公以念父故移疾歸庚寅公父致仕公以廷薦復補南吏部公父命公之官公曰兒初以大人故歸今再往子職之謂何父曰吾家父子八座世受國寵吾老矣爾忘聖天子恩乎公不能違乃往又明年以考績歸遂丁外艱服闋補兵部右侍郎尋改禮部左侍郎兼學士及太子賓客亡何遂陞戶部尚書總督糧儲兼官如故久之

入掌部務居三年以疾乞骸骨許之嘉靖甲辰七月卒于家享年六十有四贈太子少保謚文敏初公之兩為編修也同典南宮試事者三得偶為多主順天秋試者一其所拔識皆知名士太學士翟公鸞嚴公嵩尚書鄭公紳其尤也其在兵部時撰輯武階錄以清世冑之冒濫者後人便之既而為春坊學士等官日侍講筵啓沃開陳尤多裨益 帝嘉之 誥授奉直大夫辭極褒予至于敷歷南北所至有聲公餘遊戲

御龍子集

吹劍草卷之三十三

十九

翰墨辭意高雅不為大層以下語人尤重之惜其久而散佚無有存者

孝元字仁甫廷相子以廕讀書太學材藝過人久之待次銓曹鬱鬱不自得乃上言臣不肖得以任子法待選吏部然計其歲月非十許年不得入仕第臣祖贊以尚書奏績例任一子臣父廷相以講筵微勞亦例任一子乃臣仲父廷柱纔受祖廕不數月而殂臣父又止生臣別無弟姪可荷 國恩敢請併叙三廕免臣待次得蚤

除一官圖効涓埃 帝下其章于吏部覆議從之遂授都督府都事久之陞順天府治中南京都督府經歷遂陞廣南府知府以遠不之官自投劾去家居任達自放遊意聲伎祖遺家人產弗問也嘉靖庚申以疾卒年未四十先是公娶衍聖公孔某女為孔宜人蚤卒繼娶英國公張鎰姪女不數月而公捐館舍皆無出文敏公之後遂絕

御龍子集

吹劍草卷之三十三

二十

人以杏岡目公公友愛同氣育弟瑾之子廷材于京師恩同已子文敏公尤倚重之及廣南公歿而廷材遂柄家政奉文敏公夫人惟謹文敏公世所稱蒲汀者也敦厚周慎不及不嗣乃一傳而廣南公遂絕豈盛衰倚伏為天道固然耶廣南公有女子二長適鄭尚書紳孫男序班崇光亦蚤卒有甥一次適子有婦德今執家柄纔出一女子廷材子曰乾元德元化元亦克家

吹劍草卷之三十三



吹劍草卷之三十四

御龍子五十八

消上范守已介儒著

寧夏侯廷珮校  
扶溝李時芳校

傳類

消川縣循吏傳

古今循良吏代不乏人顧譚者必以卓魯為稱首不佞守已蓋嘗讀兩漢書考二公行事云茂樸實不為華貌行已在清濁間恭居中牟亡所事事間與童子遊卧桑下而已乃劉平輩不得與之伍何哉亦知所崇尚故爾大史公傳循吏

御龍子集

吹劍草卷之三十四

一

首推子產班孟堅取黃霸韓延壽而不及趙子都意蓋如此消故鄭堅在漢半隸潁川邱子產次公輩正先民之所怙恃者例得並錄顧僑為國卿霸延壽為郡太守非邑乘所得列列其輓近世之留心民瘼者其名實所就固不得與卓魯比久近要亦一邑之翹楚云俞廷芳浙江處州人洪武初知消川縣時兵燹之後百姓流移郊原鞠為茂草小民披荆棘藍縷以啓山林壁立外眈之若甌脫而縣治亡城塹護以儲胥官

吏僦居闕閭間朝其下以邊廬分至清也公泄任顯務德厚還定安輯其子遺存者拊循備至以流徙至者諭令闢草萊畫地而守之各為已業隨其力贏訕為廣狹弗禁也尋奉布國家德意令人得所至占籍復其家數歲所闢苗畝毋賦租以為常遠近聞者樂就之初年不滿千戶季年乃二千戶其官廨費舍行臺諸規制次第脩舉面方而區畫之從廣咸宜塗旣盡利而民不知擾官不知費後人永賴之秩滿擢濟南

御龍子集

吹劍草卷之三十四

二

府通判以去民不忍舍思之至今不衰也李文字彥章陝西寧州人成化中舉于鄉筮仕消川知縣見事通敏剖決如流小民以訟牒至者立分曲直而諭遣之不輕付爰書或按情重輕薄示敲朴而已時消城圯于水部使者奏計增築之檄藩臣蔡誌董其役誌以參藩重臣泣消程土物畚鍤版幹諸具日徵于縣而公應之若素戒然亡能難公小民趨役者子來不勸旬月而畢復役其餘力脩建馬驛行臺諸公廨

是縣無驛傳輶車至者挽御諸役悉仰給縣官  
公念洧為汴許孔道奏計部使者置傳使部使  
者主其議為請于 朝得請公乃庀材相地為  
起傳舍崇堂寢覈民之富有力者秣馬羸其中  
以待徵發越歲告完而驛官來主傳事矣縣困  
稍蘇復建府館一區以居守丞之行部者至今  
利賴之尤留心郵政在縣七年儲粟萬餘斛歲  
振困乏不匱也公去後三年歲人饑新令王曦  
者出公所儲粟散之所活貧民無筭去思益深

御龍子集

吹劍草卷之三

三

杜馴字克善太原徐溝人登弘治癸丑進士時  
洧邑困弊已久百姓嗷嗷不能計朝夕而司土  
者逞逞秦越其民自為橐中計于是邑人黃士  
英者為少司徒尊顯矣為言于太宰欲得一賢  
令在席洧民太宰為避公知洧川縣至則朝其  
吏民與父老約曰國有常賦吾不能為若等請  
命縣官減損其故額第利弊興革之間不敢不  
竭其愚耳汝母歿吾課吾不繫累汝汝輕扞吾  
文罔弁髦吾教令吾不汝貸吾受命君相來涖

爾土知有三尺法爾若等其如何聞者莫不股  
栗先是豪猾大姓逞逞通飲食為姦利眎其令  
君嬰兒然見公閭閻爽曙大體亡不飲跡遁去自  
是公庭亡舞文吏及反寄耳目者大中丞及御  
史臺奔走諸吏以符驗乘傳過其縣每每相戒  
毋索諸走卒金錢為杜令羞其民以兩造至者  
情偽立見梓其曲者扑而遣之民稱不冤尤留  
心于學校黌舍齋厨時崇飾之不使傾墜間進  
諸弟子員考正文義至親有所撰述以示矧矧

御龍子集

吹劍草卷之三

四

不色勸也以故洧之人文蔚然興起弘治八年  
夏五月穀苗始盛忽有飛蝗蔽空而至公懼齊  
沐虔禱于庭引罪自責蝗竟飛去不入邑境一  
時異之以為政和得天之驗云其它繁河防濬  
湖渠捍衛民田數十百頃課民種樹至數千萬  
株鬱然成林十年之後材木不可勝用復建倉  
庾九十餘楹數年儲粟六萬餘斛緩急有賴皆  
公之惠也部使者疏薦于 朝吏部以最聞降  
璽書進公階文林郎封其父某如其官及其母



妻鄰邑榮之秩滿擢授揚州府同知以去人謂  
司銓者未諳公材也縣父老念公不置為刻石  
頌德政焉後轉陝西按察司僉事

張勲湖廣均州人登弘治壬戌進士筮仕洧川  
知縣性梗介不撓權勢厚下愛民甘澹薄務簡  
約不規規于科條民自不犯時有殺人者莫知  
其名錄其疑似者鞠之亡所得公齊沐禱于神  
已而就寢夢寐若有告者覺而憶其名追錄之  
一訊立服人稱神明它以訟牒至者朕栗不敢

御龍子集

吹劍草卷之三十四

五

復為謾語旁近邑有疑獄多來質成部使者爭  
材之亡何徵拜侍御史為時名臣

侯九臣字元忠平陽翼城人嘉靖末舉于鄉隆  
慶二年授洧川知縣性通敏果敢寬仁愛下民  
以事至庭反覆開諭之不事簪朴而狡詐者不  
忍欺往往輸罪罷遣之不苟求也先是洧城傾  
圯過半盜婁潛入劫掠士民至執縛邑博士搽  
其橐中裝而去公至慨然曰是與盜共官帑也  
城可緩圖耶即奏計部使者計民田多寡為城

廣狹表以尋丈而區分之課民自築程以高厚  
之準如準即止民樂趨役不旬月告竣倍薄二  
之二增庠三之一易女牆以令辟屹如也墮以  
浚廣倍舊亦三之二深如之樓櫓周廬俱飾而  
民不知費譙呵者有所恃而不恐荏苒諸姦屏  
跡矣明年大雨水城完如故而陂澤河流交溢  
互浸沒民田什九歲不登秋公目擊時艱力言  
于填撫大中丞請粟振急涕泗交頤聞者為之  
色動而倉廩適空莫知所措公得請遍謁諸大

御龍子集

吹劍草卷之三十四

六

姓勸令輸粟各贍其閭左窮乏者凡得粟萬餘  
斛所活貧民數千人招撫流移二百餘戶各令  
還業給以牛種而尉安之民忘其歎初洧水流  
南郭外東注不半里折而南沿流樹以隄捍其  
橫溢而土疏水湍悍激水至輒潰隄齧其城蕩  
民室廬歲役丁夫數千人葺隄焚榷之費以不  
貲計公復奏計行河使者從之便得請為買民  
田百有七十餘畝鑿渠五百餘丈役民日數千  
人悉班之廩民不知勞再月而渠成河流

自盧家口東南直下不復侵南部矣歲省民財數百千緡河亦安流無橫溢患士民德之若更生然初議徙河時有謂與堪輿家說不合者以新渠遠城故或妨科目公曰不然亦勤吾伊熟業制義耳乃選諸生中穎異者十餘人群之學宮日課經生業暑雨不少輟公親為評隲刪易其紕謬歲餘躍然曰是可與海內士爭長執林矣毋謂洧無人是歲果有偕計二人明年登進士者一人公所就也洧之科目嗣是日夥公在

御龍子集

吹劔草卷之三十四

七

洧三年善政不可更僕數此皆其大者大學士新鄭高公稔其賢欲大用公會公有疾不能赴大計中途移疾昇歸家國朝功令入計不至者奪其官時新鄭行大宰事司功者議公當如令新鄭不忍棄公曰侯某寔病若之何棄之姑奪官二級需後用病差調德州判官擢知陞水縣所至有聲時新鄭被逐新貴人悉反其所為蜀部使者知公為新鄭所留中以浮言罷歸後卒于家

御龍子曰處州當草昧之初撫定流移再造洧民寧州役民而不擾惠流後人徐溝撤撤吏畏民懷至焚香祝天而飛蝗避其境魯仲康之流與均州禱神殺人者不能匿其名繼杜芳躅矣翼城築城徙河振饑造士元元懷德古循良何讓焉

洧川縣名賢傳

李大叔云部婁無松栢信斯言也天水石紐胡為辱聖神之托跡也洧隆雖偏小山阜川澤紆

御龍子集

吹劔草卷之三十四

八

立融結其鍾靈也不淺歟矣間世而一人焉非其所必至者辱其以偏長鳴者亡論也上下二千年間拔其尤得若而人為名賢傳洧之琳琅盡是矣

黃傑字士英幼有至性五歲尚不能言既言則五歲以前事纚纚不忘也七歲遭母喪哭不食者累日繼母周性嚴難事諸伯仲不能堪公獨承順能得其歡心父淵為六合令公隨至官所聞莆田林樵為南國子助教以經師名乃請于



父渡江從憇遊質尚書疑義已而卒業歸為邑庠弟子員天順初舉于鄉癸未赴試南宮塲屋災死者數十百人公冒火躍身叢棘中得不死成化初登進士第授濟南府推官歲饑有指稱貸而攘民穀者為邏卒所得守欲賞之法公以饑故悉縱之第約令歲償勿負民皆感悅守承檄發倉振饑民民聞入有蹂躪至死者莫知所措大中丞牟公俸聞之急檄公往公至為約以魚貫入受粟亡不得者樂陵民有謀不軌

御龍子集

歐劔草卷之三十四

九

者勢張甚大中丞慮難撲滅檄公襲之公率衆往得其渠魁收其籍所株連將萬人公曰此愚民脅從者不足問焚之牟公以為知大體欲上其功于朝公力辭乃不果上亡何徵為福建道監察御史奉命清理陝西軍伍按部應天諸府所至以風裁聞最後按部順天有易州李知州者所為多不法公偕錦衣千戶劉濟即訊或得李赫蹠語連朝貴劉深欲發其事公謂為右簡書置不問劉銜其左已密上之帝怒連

繫公詔獄廷咎者數十以言官論救得免已而擢丞順天復以忤權貴出為肇慶同知公至不鄙夷其民勞來備至群狙愛戴之時蠻峒為梗道路不通行者多以兵自衛公獨單車往來一日遇群狙于峽皆下馬邏拜曰此吾東徇清明之人也擁護而出其境弘治初遷知慶陽尋擢陝西叅政徵尹順天所至聲稱籍甚遂進戶部右侍郎督理糧儲公感帝知遇復念國計所在條析利弊之原知無不言歲省民膏以鉅萬

御龍子集

歐劔草卷之三十四

十

計三載報績重書褒嘉之進階通議大夫贈祖父如其官時帝嚮用方殷會公有疾累疏乞骸骨不許既而俞旨方下遂卒帝甚悼之遣官營塋諭祭有加焉

高叔嗣字子業洧川人徙居大梁遂占祥符籍公作定非亭記云高氏之先蓋徙自洧川云今許村保有高氏故居其族人尚多也子業生而穎秀夙慧絕人年十六著申情賦幾萬言人咸異之嘉靖初登進士第授工部主事尋改吏部稽勲司歷員外郎郎中以論事與新貴人

不合乃移疾歸涪城東讀書園游居其中日賦古文辭以自樂久之還部尋出為山西叅政湖廣按察使入楚不數月以疾卒年三十七所著有蘇門集八卷行于世兄仲嗣亦進士仕至南京禮部郎中文辭並美世比之二陸云

御龍子曰詩有之高山仰止景行行止無亦履丘垤蹈嶮巖者必至之情哉不然何孔子之小魯楊朱惡其多岐也洧之賢洧之高山景行矣仰行之懷獨洧人也乎哉春秋漢晉諸彥名乎御龍子集 欽定四庫全書 卷之三十四 十一

涪川縣恩錫傳

語曰何知仁義已享其利者為有德利之云者獨出食生前為然哉世之譚者以弘農累世三公為銅雀之報審若爾其為德不既細乎而柰之何天之報之也隆施于奕世也舉一雀而長厚之行可槩睹矣利不及其世及其子孫亡論

存沒其所享一也為作恩錫傳

黃剛西白人元萬戶寬之子也幼失怙恃贅于邑人張大大撫之若已子妻張氏與剛協力贊大治家人產家遂大贏剛父事大不為私已謀大有疾謂鑒不能愈剛默禱于天刲股肉為羹以進大疾遂愈事詳孝行傳中大感其義折已產予之不多受也剛後生子淵為六合知縣淵生傑為戶部右侍郎以孫貴 贈通議大夫戶部右侍郎妻贈淑人

御龍子集 欽定四庫全書 卷之三十四 十二

黃淵剛之子幼有大志讀書日數千言永樂中為邑庠弟子員聲籍甚數比于鄉不第宜德末以明經貢入大學久之還鄉家徒四壁立諸子困于芻牧怡如也一日淵他往妻彭氏獨居偶遺水戶外縣令過其門街之逮彭出以五木砭其指彭不勝楚終不言為大學妻已而淵歸知其故或勸誚其令淵引咎自責而已亦終不言其長厚類如此正統間為六合知縣寬仁厚下一介無所取滿六歲罷歸成化初卒于家後以



子貴福建道監察御史加贈通議大夫戶部  
右侍郎妻彭贈孺人加贈淑人

先府君諱九思字士寵生四月而孤鞠于嫡母  
及諸叔父年十餘歲宛如成人事嫡母孟及母  
李恭慎無違顏色見諸父屏息立侍不妄言笑  
諸父皆器之讀書通大義而止不求甚解年十  
五以家旁落聽諸父廢著為門戶計為人周慎  
言若不出口而僞儻好義已然諾好赴人之急  
為里中所推里中少年有爭輒求居間得一言

御龍子集

吹劍草卷之三十四

十三

輒解不願赴訴有司也居常以方潔自持不為  
物所動里閭信之隣媼有女頗不戒其悅一日  
府君他往家人求之弗得偵于媼家或謂媼曰  
爾家為他人游息地邪媼終不疑徐曰豈有長  
厚如若人撩人處子者乎行乎下人類如此姊  
有適人而貧者為居之宅畔衣食之時其所需  
傾橐不問也邑中長者聞其行多願交府君優  
常錯戶外父之嫡母孟以壽終府君悲泣不自  
勝設甚非校不能起既寔不忍舍去遂感

抱病卧三歲不愈遂卒年三十二邑里識與不  
識皆為流涕也配王氏抱二弱孤日夜泣欲從  
地下遊姑力諭之乃止已而拮据朝夕上事孀  
姑下撫育二子數年成立為具雉鶩謁里中師  
使從學而夜親紡績命二子吾伊其旁少倦即  
督責之以為常里中賢之萬曆初以子守已貴  
贈府君文林郎松江府推官封母王太孺人亡  
何加贈府君承德郎南京刑部主事加封母王  
太安人

御龍子集

吹劍草卷之三十四

十四

御龍子曰周禮父為士子為大夫塋以士祭以  
大夫公旦之達孝于是為未至矣若之何獨為  
追王也漢唐亡聞有之自趙宋始歐陽之瀧水  
阡表可睹記也 國朝之厚臣下超軼三代父  
祖之潛德逸行以子孫而彌彰何幸厚也志之  
以為仁民勸

吹劍草卷之三十四

吹劍草卷之三十五

御龍子五十九

洧上范守已介儒著

寧夏侯廷珮校  
扶溝李時芳校

墓表行狀類

明贈南京刑部山西清吏司主事陸公墓

表

初比部君之葬其父夢竹公也時蓋為諸生云  
葉已有誌及公配馬安人卒議合祔而比部君  
舉于鄉矣偕計謁今相申公更銘其壙名筆鉅  
而昭垂不朽第公猶稱處士也亡何比部君成

御龍子集

吹劍草卷之三十五

一

進士除守留都尚書郎得以

皇子恩贈公為今官而公配並贈為安人比部  
君訢然樂也復愀然悲過不佞守已而諗曰不  
穀不德不能及先君子之世微一命以榮其親  
而今則命及九原矣聊可藉手見先人于墓道  
而隧石之稱未正其若之何子其為我圖之不  
佞辭弗獲命乃為之表先是邑人俞君某者樂  
道人善蒐公之潛德附之邑乘予故索乘及誌  
而撮其大都云按誌公諱鏞字子器姑蘇長洲

人其先有諱信者自維亭徙居郡中信生士昌  
士昌生敏為竹坡公竹坡公善治生日居蘭絲  
為錦綺操贏奇利家輒大贏有三男子長即公  
公年十齡而竹坡公捐館舍公長孝思不置因  
自號夢竹云母顧氏年三十餘稱未亡人卓有  
操行念化居非婦人事乃盡鬻杼柚具散遺戚  
獲數百指擇鄰里居之而課諸子以伊吾  
業公幼有至性奉母訓力于學讀書務踐履不  
為口耳語久之以柄家輟讀益提身脩孝友行

御龍子集

吹劍草卷之三十五

二

事母夔夔先志意所交遊必敦慎士有遺行者  
絕弗與也里閭群少有就公居為券齒欲濟其  
私者公拒弗獲稱母命力絕之竊嘗私念養弗  
及父為子道缺因致力于其母朝夕具滫瀡就  
養不怠日有要公飲者必加母醪脯躬獻而後  
去曰寧忍已所飯歡豐于親也歲時果蔬不獻  
母不先入口或時親滌廁牕不令母知以為常  
嘗有群盜入其家公急負母間道走旁舍餘無  
所顧或謂公若所蓄何公曰蓄散可復得也



令母氏怖耶初公娶于張早卒繼配馬安人士族也婉嫕貞順化公孝事姑尤謹朝夕躬烹飪立視姑食或有所吐茹即蹶躅久之且也佐公友愛二叔二叔者公弟鏗及鉉也公視二弟如左右手酒食不與俱不樂飲食也鏗早卒亡男子公為殯葬如禮其所遺篋笥盡歸其子婿不以自殖鉉入貴遊太學為常山丞其橐中裝什五出公篋公不德色安人亦不少禁其中表親及所識待公昏葬者數十家待公舉火者亡筭

御龍子集

卷之五十五

三

不取必其償有為券期償者輒焚之以故里巷頌公德不衰大氏皆安人所左右也公母卒時公髮蓋種種白矣而哀毀逾禮幾至骨立安人亦擗踊哭不絕口其孝友篤至蓋天性云公卒于嘉靖癸亥享年六十有六有二男子長濱次即比部君沐初公識二子遠到器也日夜課二子讀不輟庶幾一見大公門然終其世二子隸博士籍而已說者皆謂公盛德不食其報為無天道乃公卒十年而比部君舉于鄉又七年而

策于公車明年除守比部郎又明年贈公如其官恩綸寵褒賁及泉壤靈爽有知當必泠然愉快也天之報公豈遼藐哉不佞日遊吳下耳公之懿行為悉及守留曹得時時過從比部君習其政行蓋偉然名世流也異日者敷歷中外登常伯躋三事俯拾芥耳公之晉錫榮名當無極紀表彰隧道自有名筆如中公其人者搢管從事也不佞言烏足以盡之

明文林郎南京大理寺評事申公墓表

御龍子集

卷之五十五

四

公之舉于鄉也不佞蓋附驥尾云已而同上公車公遂對大廷出尹崑山五歲不遷不佞亦承乏理雲間日過從其齋中丙子冬公以入計行明年以高第徵為大理評事分獻留都因趣裝南下過洧上有頃遂卒其大夫子所養走幣都門謁王大史祖嫡銘其墓復馳書諭不佞而屬以隧道之石曰此先君子意也予謝不敏後數年予守尚書比部郎視事留曹所養復以為請迺題其石曰嗚乎比有明評事申公之墓

因論次其世表厥懿美按狀公諱思科字登甫其先姓曰氏世居晉鄙至公曾大父某辟地于浦上改今姓父山有隱德母秦孺人以嘉靖丙戌正月二十有三日生公公生而穎慧異常兒少長即勤伊吾里中師器之坐髻為文辭粹有雅致督學使者奇其材署為學官弟子員久之聲藉甚每校文輒置高等譚經連柱五鹿口諸儕輩亡論也初公父不置家人產公又少孤益廢著徒四壁立而業成不譬于有司旁落為其

御龍子集

吹劍草卷之三十五

五

公廼授經邑里中翫摺自資或青衿從遊者錯從戶外公為之解疑義多所成就家稍就贏久之詔選經術醇正士卒業兩雍需縣官不時用公謂然曰與我終歲伊吾幾一第不可得毋寧為郭有道頴頴東都耳廼投刺與選中復不譬咄咄久之歲庚午始列薦書蓋年四十有五矣偕計入都遂登辛未進士公為人魁梧王立于思彰然選部材公奏為崑山令崑山吳巖邑也里中豪輕杆文罔吏緣絕簿書比周為

姦壘沃畝收率數鍾而國賦多逋負以為常先令務為摯摯姦益不勝公至以寬平反舊政與民約吾不摯戮汝最吾課政有以私權衡陰取贏溢者公為奏記部使者悉除之民德公寬且介也輸輒爭先至歲課遂為諸邑最自是民不私謁吏吏亡因緣為姦境內稱治直指使者行部至其邑猶以舊俗故問大猾于公公對亡有使者以為不信讓公公亦不辯使者竟銜公抑之不以材聞久之行江大中丞張公岳廉

御龍子集

吹劍草卷之三十五

六

公治能飛章薦公諸使者聞之人人疏公賢奏下司銓甄別公久之再計至京廼拜廷尉評縣官方欲歷試公將為大用需而公遽卒矣嗚呼以公之材賢拾青紫何遠弗屆廼窮年不獲讐中歲始得一第以公之治行即徵拜要地亦奚不可又初不免誚讓卒亦董董隸籍郎曹受一空名而卒造物者于公亦不仁哉公卒于萬曆丁丑四月二十有四日距其生得年五十有二元配白孺人先公卒合窆墓次繼配寧孺人夫



夫子三曰所蘊所養白出所存甯出女二俱白  
出所養所存俱邑諸生所養娶邑諸生師引仲  
女所存娶僉都御史高公捷女女適李際泰孫  
應魁際泰亦邑諸生孫男女若干初公在崑山  
語不佞曰吾苦憶尊鱸融顯非其志但一移官  
吾歸矣兩兒頗知攤書吾責以償吾負爾噫公  
言今在耳而公則已矣適者仲季二君果有聲  
諸生間異日接武公車躋臚仕當光昭公之令  
名償公之負豈虛哉

御龍子集

金匱章卷之三十五

七

亡妻安人張氏行畧

安人生嘉靖甲辰秋七月十有一日未浹歲其  
父嶺南公字于余越十有三年余為縣諸生又  
明年安人歸余先是字之之明年而先府君不  
祿余家漸旁落為諸生之明年而嶺南公亦不  
祿安人家亦旁落御輪之日茹薦蒿巾簪珥不  
具安人不色愠也時猶及事先大母而妙孟者  
家頗羸大母右之妙孟曰以與安人安人集蓼  
茹荼亡幾微見顏色家有戶達後園井其中以

忘情斯世者輒年厭薄世故卜林壑而夷猶  
日方塘為湖海日琴書為竿綸日詩酒為餌  
日萬有為游魚亡求亡得若存若亡歎蘭亡  
喻其神六鰲亡日方其大唐釣安惡得而儼  
是集也記頌詩歌亡慮數十百首聞幽惠揚  
蜀言人人殊眎釣臺集為允已不佞亡能為  
特因玉車之命而識安之所日釣者如此云

贈都閭高君榮晉參戎序

秦壘古稱四塞譚者每侈言日九泥封函谷蓋

御龍子集

金匱章卷之三十五

八

可高枕而臥云余不佞嘗攬載籍日周宣神武  
殲仇至居焦獲侵鎬方涇陽而不能禁漢至文  
帝號稱基隆而烽火告警史不絕書抑何大羊  
寇突之易若是惡在其為高枕臥也當是時匪  
方叔壯猷莫收大原之功條侯屯細柳至使天  
子不得馳驅其壘亦屢屢保無它虞未聞匈奴  
受一大創甚哉茲墜守禦之難也方今呼韓  
塞四陸宴如固無儼仇匈奴之患而旱沴頻仍  
古稱沃楚之區俱成騷脫日三秦曠悍之民

冬為余置侍兒一人無難色癸酉復舉一女子不育甲戌春余待對公車始納李姝于側室李姝者濮州人故文敏公廷相女孫也文敏公父璚俱尚書戶部僑居京師子孝元以任子歷治中出守廣南府卒無子家遂旁落其季父廷材者柄其家以其次女女余余初不知也月餘乃得其門伐悔恨久之初廣南公壻于孔氏衍聖公女也繼壻于英國公皆無出而王姬獨舉二女子長適鄭尚書紳孫男崇光一家貴重關禮

御龍子集

吹劍草卷之三十五

九

法李姝適余居京邸四閱月乃抵家安人聞欽遲久之入門愛若同產弟相得驩甚服食起居無少間是時安人舉一男子曰為鏞喜甚明年偕余之官松江余從部使者出理蘇潤諸郡歲什九在外安人率兩人者朝夕滄瀟太安人無遠顏余得無內顧憂久之太安人以冢婦居孀歸消上安人思之不置歲遣蒼頭致甘滑壽其母丙寅余七品滿三年上計司功安人得受勅稱孺人庚辰夏安人思太安人不置竟先

還消上具諸餅醴為太安人壽怡如也時堂構圯甚安人奏計太安人購大木崇飾之為廳事六楹頗弘麗安人力也明年余遷南刑曹過其家落成甚適隨偕安人之金陵明年皇子生安人以恩受今封居三歲余入計復偕安人還消上明年余復之南曹安人念太安人不欲行遣李姝隨余南居數月余入賀元日復道消上而安人復舉一女子不育明年余再之南曹而李姝亦不欲行矣余獨往過盱眙彷彿見一

御龍子集

吹劍草卷之三十五

十

女子綠衣白裳迺遷來稽首與下起疑立輒內隨輿以行余心異之至揚州西郭外乃不見入城易北部以巽來顧余言其事比部以為赤繩兆從史納一姬得陳媯初見綠衣白裳宛然輒內女子也抵南曹遺書報安人安人曰事有默定吾聞楊人每宜子無乃神所授乎當善遇之明年余遷陝右携媯過消上安人無遠言居亡何媯舉一男子曰為銓安人大愉快字之若已出也而李姝尚無子有一女數歲矣安人為



禹州李侍郎登雲男孫字之語人曰吾女可漫  
字人李家甥可少伐閱兒乎亡何李婿殤安人  
慟哭久之親往臨奠數月猶淚霑枕席也初姒  
孟居常侮安人泊余叨仕版則余兄抱病卒姒  
孟有二男子曰為鐸曰為鉞二女子皆未甦安  
人視若已子衣食所需皆以時致焉少長為擇  
塾師訓誨之為鐸年十六親為擇婦得車博士  
女孫輟已女簪珥往迎入室愛之不翅已出也  
為鉞尚幼稚亦為聘任文學女未娶長姪適黃

御龍子集

卷之三十五

十一

大光次姪適宮斗奩飾皆具不煩姒一錢而歲  
時問遺尤多出意外余亦時知也余有同產弟  
幼適本守才家窘甚余居之舍旁資給之弟有  
五男子三女子皆孱孱立安人皆衣食之兼資  
其婚嫁無有過時其族黨中待以舉火者甚夥  
安人每過家輒有所分予尺布斗粟不可更僕  
數蓋人人以為德厚我安人自金陵還家居幾  
三載散余橐中裝殆數百金半靡于振貧余下  
能難也是冬偕予之關中明年夏六月偶染

疾病中猶舉一子名之曰泰喜越十日遂不起  
嗚呼慟哉安人凡十一乳舉男子五長不名次  
曰應試殤曰為鐸年十二為博士諸生聘許太  
學學顏女曰為銘殤曰泰喜女子六長適孟做  
軻次適楊太學子應科次字新鄭高少師姪孫  
次字張文學汝則子餘俱殤側室張氏舉女子  
二男子一一字高鴻腫務已子一字陳中丞藥  
孫男男為鉉殤李妹一女今未字安人病且革  
謂李妹曰餘女俱已字人爾女獨存吾目不瞑

御龍子集

卷之三十五

十一

矣初嶺南公為縣諸生受業余從父平鄉公文  
阜先生與先刑部府君素交善故安人生還以  
寧余嶺南公猶及見余為諸生也公平安人母  
劉孺人撫安人及男女弟各一皆垂髫立安人  
即為柄其家泊歸余拮据凡三十年家始就贏  
而安人湔先朝露矣卒之日為萬曆戊子六月  
二十有五且距其生享年四十有五男女統鄉  
者凡十人初安人習聞儒家言不信鬼神久之  
稍敏佛氏樂施予病劇諄諄語多言鬼神傳

病且革言有神來錄若者所持牒多范氏名唱牒訖前來收若急命左右捫扶之神為退舍凡五收五扶安人泣曰神怒甚勿復扶為吾隨若去矣遂瞑久之復開視語人曰吾復來視吾棺必見而後去乃遍呼男女故舊名永訣而瞑嗚呼余不知安人竟歸何所也言之不免揮灑先是余獨入關初至邳夢一棺置中寢余心惡之已而安人至病謂余曰吾年二十時有人言吾壽四十五今其至矣將若之何余為默然豈造

御龍子集

卷之三十五

十一

物者固有定數邪今將遣安人櫬歸葬首丘謹掇拾內行丐言于大君子儻賜采擇銘諸墓道之石則存歿之感俱稱不朽

明故弟子員范元聲墓記

禮加元服廼字童而字之非禮也童不童不字廼字母亦非禮辱余慟吾兒甚故遂暗于禮因諮之父執僉曰蓋自采芹之歲以字行矣惡辱其靳之廼稱其墓為元聲墓而記之元聲者吾兒為鏞也母累封安人張氏年三十有二初舉

兒兒生二十月始能行亦始囁語始語即解字音辨指歸不隨他兒女口召一日餐燔臚問其姊曰曷名小妙姊給之曰小勝所燔也兒拽姊詰于余前曰兒見茲肉燔于媼姊言殆不爾余驚歎久之又一日姊以鮭菜布餅上曰當置一溜兒笑曰一路耳曷得言溜舍中兒恒言謂挹飯為較兒詰之曰杓有口薩乎此類皆非童稚語余大奇之四歲讀三言經輒成誦不忘五歲讀大學魯論語六七歲遍讀孟子八歲受講

御龍子集

卷之三十五

十四

論語輒解大義十歲學屬文輒有出人句十有一歲受講毛詩明年乙酉督學使者趙公耀考入縣庠為博士弟子員適十有二歲也又明年遍通經指丁亥六月督學使者李公化龍見其文義謂余曰森容爾雅即此可與計偕矣勿令復求奇鳴呼豈知兒才廼盡于此也是歲八月遂病疹久乃成癖逾年不獲痊又明年三月遂殂言之可為慟哭初余成進士輓餉西涼也行次洛陽邸夜夢余家堂隍後火出胥井中其隕



灼天聲如雷殷殷鳴也亡何水溢出井外不解  
是何祥父之旋自臯蘭知兒生于是日廼萬曆  
甲戌秋七月廿有六日也是夜里中人有見火  
光如斗大隕于余家者衆以為火祥後知兒生  
咸驚異以為必亢吾宗或文明宇內疇知其所  
就若斯止也嗚乎慟哉殂之日為萬曆己丑春  
三月二十日距其生得年十有六八歲時聘同  
縣許大學學顏女未娶兒為人德性溫醇寡言  
笑舉止周慎宛若老成人五歲餘即嚴憚余不

御龍子集

吹劍草卷之三十五

十五

敢娛戲其左右事其母輒知愉色婉容也其庶  
母李氏尤鍾愛焉兒事李氏親于母年十五其  
母張氏卒兒哭不止時抱疴羸甚猶三日不飲  
歡也其冬余入計留燕邸兒病少差輒代執家  
秉每事諮李氏行之母子相依若叩叩巨虛然  
所行亡不愜人意嗚乎疇知其君亡幾何遽爾  
殞亡也余未抵家五日而病作抵家五日而病  
篤又十日而不祿屬續前不及他語唯時時呼  
余急救兒也嗚乎余之謁醫巫竭其心力矣可

若何每思兒語令余五內俱摧泐慟哉曰為文  
銘銘曰

兒之生妖夢余驚兒之死諄覆余語豈余不  
德亡足享兒之赫赫從兒之母夜臺相守有  
歸其所惟兒之安

御龍子集

吹劍草卷之三十五

十六

吹劍草卷之三十五

吹劍草卷之三十六

御龍子六十

消上范守也介儒著

事更侯氏編校

誌銘類

明故孝廉師君墓誌銘

師君與余鏞兒同婚許氏余因托蔭葦末且也  
繼余武登中州賢書為消上一大雋者標鉛槧  
業古文辭頭角鬚然旦莫欲執余牛耳也余器  
重之不容口亡何溘先朝露矣訃至秦余灑涕  
給喪也明年鏞兒亦物故余幾蹈商之喪明也

御龍子集

吹劍草卷之三十六

一

每飲泣輟思及君未嘗不歎蘭玉並摧云久之  
其家丐志于余余攬狀潛然不自禁尚忍志君  
哉然誼弗得已乃積淚瀉毫而次其行事如左  
君名如震字先聲其先平陽洪洞人辟地于消  
按狀有隆者君之曾祖也有隱德呂長厚稱生  
祖引昌繇里選為平陸教授引昌生鳳亦曰里  
選卒業成均為石首主簿風配宮孺人生君君  
生而穎異不隨群兒嬉戲垂髫就外傳即勤伊  
吾不輟弱冠能精經生業督學使者選克傳士

御龍子集

吹劍草卷之三十六

二

第子員遊邑校萬曆己卯呂毛詩領河南鄉書  
與計偕上明年不第歸齋然曰吾豈能齷齪終  
為博士家言哉乃擷左國細遷固旁羅騷些禱  
杌黃初白杜諸篇而組合之欲勒一家言垂不  
朽父之婁困公車澹如也不呂詘信易厥志戊  
子夏疾作遂不復起寔五月二十有五日也距  
其生嘉靖乙卯二月二十有二日得年三十有  
四君為人坦易周慎亡疾言遽色脛脛自好不  
為俠邪行其孝友得自天性事父石首君先意  
承順不違顏色石首君愛之尤篤壯歲猶若嬰  
兒也昔或故怒呂觀君君怡然受之亡少怨尤  
父飲酒或醉寢君妻窺榻省眎不令父知有疾  
則躬侍鑒藥不離榻左右寢食俱廢也父宦楚  
其大父平陸君在堂事之尤謹米菰菽茹必曰  
供大父不先嘗不敢入口弟如斗亦為博士弟  
子員君待之驩甚當疾作皆如斗亦疾君力疾  
諦眎不能起乃已與鄉人處不設町畦振貧拔  
急傾橐中裝不顧也其行誼篤至類如此初君



成童皆聞余上公車心豔慕之畫余姓名几上  
且讀且拊示必步武意已而謁大常余則薄遊  
雲間矣聞余搽觚為雕蟲技心復豔慕之日手  
余篇什撫倣之少選遂得其槩駸駸然日就正  
始也余見其所締構未嘗不冷然稱善矣使天  
假以年肆其汪洋而激汰之其不為獻吉子榮  
也者幾希而乃未見其止也惜哉君娶許氏大  
學生學顏女生男子二長調鼎聘弟子員王世  
業女次和鼎女子一俱在襁褓卜呂某年月日

御龍子集

吹劍草卷之三十六

三

塋于祖塋之次某山某向調鼎年已舞象矣岐  
嶷不群和鼎亦奇風骨究天道張子之理二子  
必有以張君者故系之銘銘曰

胡豐其材而畜之年胡美厥辭而靳之傳玉  
毀蘭為為世永歎神遊八埏鬼歸此阡鳳毛  
翩翩可舞君之班斲可駕君之駉驪夜臺之  
安尚亦有聞于人間

明故慶府典儀正袁公墓誌銘

袁公以孝子著稱余于其未塋也亦既傳之邑

乘矣人無異辭或謂其嗣子曰若翁德光竹素  
云嗣子曰未也不有勒之金石哉矧片長之錄  
未備懿行也亡何袁公塋嗣子蒲服而諗余請  
謀隧道之石垂不朽余覽其所自為狀溢于乘  
之外者什七也得采掇以為誌按狀公諱弘  
彛字伯循其先靈寶人洪武初有名真者徙洧  
上隱德弗耀真生本為縣諸生本生富富生萬  
增萬增生公及弟弘仁弘訓公生而岐嶷初授  
讀塾師日記數十百言少長輒通訓詁能文章

御龍子集

吹劍草卷之三十六

四

年二十為縣諸生一十有五給廩食婁比于鄉  
不讐久之以里選卒業大學而父適物故母郭  
亦尋亡公哀毀膚立七日始歡粥飲水也既窆  
躬自舉土為馬鬣封數仞歷年迺就因結廬墓  
所三年不返既禫猶皇皇不忍去也遠近稱其  
孝部使者焦公廉其狀辟為塾中師授經其子  
有疑政輒與之揚摧公皆有所論說焦公未嘗  
不愉快稱善也居亡何謁選銓曹得渭南主簿  
公自矢不為潤習計簿主徵輸理戎伍公以平

恕行之課歲稱取又躬帥大姓率金新學宮宏麗甲諸縣部使者勞以金幣錯戶外檄攝邑篆尤有惠政再攝同官山陽二縣仁決元元有去後思已而權稅咸陽錙銖亡所染直指使者尤嘉之卒以亢直忤時擢慶府典儀正以去典儀諸侯王臣也亦華選第非流內銓非公所好也迺然曰人生適志耳豈能僕僕為王門臺隸乃陳牒部使者拂衣而歸歸廿有五年而後捐弃賓客也公為人嚴毅高潔不崇時所好已然

御龍子集

次初草卷之三六

五

諾振貧乏閭左重以為德直諒之行一邑推服邑大夫逞逞式其閭妻為賓飲于鄉也公一再逞亦不復出每出遇少年里中肅揖問桑麻不色勸有逸志者逞逞望之而走及公之塲遠近亡不流涕者公生于弘治十有四年九月五日卒于萬曆十有六年十有一月七日享壽八十有八卜塋于某年月日塋在先塋之次子山午向配盧氏以婦德著躬率側室事公如嚴賓無出以弟弘仁子胤田為其子胤田服父義方為

邑庠弟子員娶王氏生男子三人女子五人曰賦良為邑功曹娶范氏余弟守科女也曰賦善娶林氏曰賦厚娶孟氏女子長適陳四教次適諸生趙朝儒餘未受聘曾孫四人俱幼公亦不為亡後矣銘曰

確如者而踪也畢如者而封也德浮而宜有終也余銘而藏聞四邦也

明故曹州吏目王君墓誌銘

王君諱崑字子中其先長葛人洪武初有成者

御龍子集

次初草卷之三六

六

遷洧南成生整整生鑑鑑生冲冲生孝孝生二丈夫子君其仲也幼勤伊吾業不訾以貲為邑曹掾文亡害邑侯重之已而為京曹掾亭瀟率待次流內銓君慨然曰吾不能以母氏老年易升斗祿為養也乃授牒銓曹進授曹州倅以歸萬曆十有六年戊子夏五月癸未朔以疾塋于正寢距其生嘉靖三年五月三日享壽六十有六其子世業將以某年月日塋于先塋之次衰經灑泣而詣余曰吾先子待先生以不朽敢奉



治命以誌石恩先生余習君行誼有日矣曷可  
以不文辭初君兄習爵者蚤物遺孤大賓大賓  
又蚤物遺孤賀俱髮未髻也君再字之皆至成  
立為授家人產不少恡君初未雄于財日督畊  
為治生計耨耨有瀟歲收畝輒數鍾無出子錢  
而搯其贏家遂大贏而性好施予重然諾里中  
待以舉火者數十家貧不能婚塋者折券助之  
亡所責其稱子錢有負者亦舍責不問也歲大  
侵婁輸穀縣官振閭左貧乏全活甚衆縣學極

御龍子集

卷之三十六

七

星門圯為捐數百緡驅石新之宮廡有賴邑侯  
上其事部使者嘉予久之勞以金幣至夥也為  
表其間此君行誼大都可以誌而銘者曷可使  
汶汶亡聞後世也君配孫氏側室徐氏趙氏生  
男子四人長即世業徐出娶賈氏張氏次世芳  
孫出娶陳氏俱縣諸生次世祥娶張氏次世享  
幼未娶俱趙出女子五人長適諸生陳耀次適  
苗芳次適卽九疇次適陳三綱俱孫出次適韓  
某趙出孫男四人俊彥娶傅氏俊傑聘韓氏清

甫聘陳氏俱世業出清宇聘仝氏世芳出孫女  
六人一適張真樂一字師調鼎一幼世業出一  
字蘇韓文一幼世芳出一世祥出子姓蕃衍君  
之後其昌矣銘曰

隱于吏不緇于吏雄于貲不汨于貲生務而  
施沒寧而居燕詒以陶朱子孫保之

明故典儀張公墓誌銘

尉南右姓猷推公其孫文炤聘余女未醮歲壬  
申余自金陵旋消上公碩余里中勛力未衰問

御龍子集

卷之三十六

八

其壽七十有二矣余次其行為文藉手詣堂皇  
稱觴為壽公適然樂也又三歲余復過消則公  
溘然逝矣其子某蒲服求志于余誼弗獲辭迺  
撮其大都而系之以銘按狀公諱金字國寶其  
先原武人洪武初有道全者始家尉氏道全生  
寬寬生雄雄生仲德世以財雄里中仲德初無  
子為焚千金券祈神祐遂生公及弟銀公生而  
敦謹亡它慕幼習儒家言少解大義輒弃去為  
人重然諾樂施予為邑里重其仲父絕不嗣家

人產累千金公盡以遺諸弟亡所取里中兒待公舉火者亡慮數十家有求輒予弗望報或券取數十百金亡所恡有負責以物者臨而酌之焚券以去終無所言歲丁丑民間以大婚故急嫁娶多不能委禽公助其需獲偶者數十許人洧水舊經公居東秋冬民病涉公捐緡錢數萬易令辟為梁其上號穀便之朱仙鎮士民為石梁鄭水上弗就公助萬錢乃克就壬申歲大饑公輸粟數百碩振閭左貧家子全活甚衆填

御龍子集

史劄草卷之三十六

九

撫大中丞某公上其事縣官義公下司徒議賜公官八品得周府典儀正風百姓邑令奉上德意表厥宅里歲時鄉飲酒賓于學宮公一逞亦不復就也蓋公素性恬澹不好榮利不飾輿馬衣服亡姬侍踰庭之娛終其身其敦誼篤行類如此萬曆十有四年八月二十有一日以疾卒距其生正德七年三月十四日享壽七十有五配王孺人子男三長維衛省祭官娶霍氏次維翰驛丞娶王氏次維則縣諸生娶楊氏

一適賈良臣男孫十人文煜維衛子娶戶部郎中馬某孫女文炳文煌文燦文輝文禧俱維翰子文炳娶貢生蔡乾女文煌娶劉進德女文燦娶孟寓滕女餘幼文煒文炤文燭文耀俱維則子文煒娶諸生馬見周女文炤聘予女文燭聘諸生胡之萃女女孫一人霍氏出適洧川諸生賈慎曾孫九人俱幼維衛等卜以萬曆十有六年冬十有二月十有二日塋于祖塋之次亥山已向鳴乎世之詭行衛俗致位通顯者何限乃

御龍子集

史劄草卷之三十六

十

純白不完或掩蠟其表而滅其中為通人所不齒殆令子孫諱言之何足以災樂石視後世如公一田舍翁耳至義動人主賜官品耀郡邑其卓行可知此足以志而銘之矣銘曰

不炫而名不位而榮尚亦有聞于丹楹鬱鬱佳城萬年之寧

明儒林郎湖廣布政司理問劉君墓誌銘

劉君既歿之三年為萬曆癸未其子某等將以正月庚申啓其孤山之阡厥配某安人霍合塋



馬先一歲冬某旬走金陵謁余府寺稽顙而  
諗曰先府君不佞微以薄宦遊貴郡辱知于公  
日者將不祿也命某以誌恩公某重恩公又重  
違府君命也次且者二年下茲茲襄事迫矣非  
公無以慰地下敢瀝血以請惟公之卒惠之也  
余不文不能為君重第以編氓故習君政行誼  
不得辭乃為誌曰君諱某字某江陰望族也曾  
祖某初渡江墾洲田居之遂為靖江人父某為  
邑庠弟子員早卒母居孀課君讀為博士家言

御龍子集

吹劍草卷之三十六

士

君精勤不惰弱冠隸藉博士有聲橫序間屢舉  
于鄉不第乃用母命以貲入大學久之除貳磁  
州磁故南北孔道也候吏荷戈奔命罷不得息  
君至愍之白其守張公為數符檄凡名實不相  
應者禁弗予傳吏人得有所息踵入為飾橋梁  
芟夷衝途戒郵舍以速行旅旅至不留行也民  
賴不重困其與僚友處忠信周至不為町畦先  
後中張公某趙公某及其倅來君俱兄弟畜事  
君無有後言部使者行部交旌之已卯夏君滿

三載擢楚藩司理以去非其志也磁父老留之  
不得留其烏為鵠門頗以識焉君至楚亡何以  
殤子故遂謁告直指使朱公持其牒不下曰是  
子故所旌拔于磁者能事事且廉也謁告為負  
我君請益固乃從之資以舟車及路金而還初  
君未仕時家頗贏有族弟某以負國課論輸作  
責償迫甚君聞之曰是非我先人血屬我不可  
以當吾世而見此赭衣也為捐百金償其負復  
割膏腴數十百畝畀其子使為資生計其子

御龍子集

吹劍草卷之三十六

士

姓有能伊吾隸博士者各畀田畝四十供其雉  
羔費其友愛篤至類如此及君自楚還益敦故  
行族里德之亡何鄰家火君驚悸寢疾遂不起  
時萬曆八年八月四日也距其生嘉靖五年五  
月五日享年五十有五君娶某氏先君卒夫夫  
子二某某俱太學生孫五男四女一俱幼天報  
君以昌後之福當無量云銘曰

胡美斯政而弗昇呂美遷胡撫斯惠而弗綏  
呂長季有棠斯蕃于淦之暎歸彼孤山惟公

之安

明故贈中奉大夫山西布政使司左布政

使侯公暨配贈夫人王氏封太夫人楊

氏墓誌銘

代作

公塋四十餘年而楊太夫人捐寢舍卜啓公窆  
窆附塋焉有日矣其子中丞君以狀來言不穀  
不天生裁三閱歲先府君見背而先妣王夫人  
之塋也又先府君數載家窆不造于時襄事  
蓋草畧云以故隧道石至今未勒緬惟我二大

御龍子集

吹劍草卷之十六

十三

人質行純備何可終泯泯矧我母氏苦志勁節  
實長我二三兄弟保我宗祏曰微有今日而不  
穀輩憐亡知識亡能詣公車 奏下 璽書褒  
表其幽潛子職之謂何唯是奉有訓言亡隊我  
官常惠徵先大夫靈寵叨 恩縣官至再 頌  
綸綍曰籍有榮稱庶報塞其萬一而今母氏又  
捐養矣惡可亡誌曰詔來世尉幽冥敢曰恩司  
空惟司空之留意也予曰昏姻故誼弗得辭予  
是乎誌按狀公諱鐸字廷振其先領上人元末

有從義者初徙杞家城北之焦刺村生子欽祖  
欽祖生仲德仲德生興興生璽曰恩為壽官曰  
孫貴贈中奉大夫山西布政使娶劉氏贈夫人  
實生公者公生而穎慧幼治儒家言通大義即  
棄去治家人生產為就養計初公祖父曰世崇  
甲里閑樂施振貧昏喪多賴曰舉至公柄家益  
務施予不衰里中待曰舉火者甚衆而居積日  
益廣每折券已責不人人責償而公配王夫人  
者曰婉嫔理內政與公合德曰故睦族洽鄰紹

御龍子集

吹劍草卷之十六

十四

先志不替夫人名家子也父某母某幼率女訓  
有至性初歸公其姑劉夫人惟甚有姻親至輒  
曰吾家得賢婦呼夫人出拜曰為常久之室亡  
私蓄姑姊亡間言凡公所為振急已然諾諸行  
多夫人從吏為之嘉靖八年歲大侵道殣相望  
公捐義粟為粥食餓者全活甚衆有里人張希  
德者兒為城旦春輸作大梁公走夷門見而憇  
之謂曰為若具贖醵脫若赭衣能悛故行不希  
德長跼曰悛吾志也焉敢幾石父之遇願死幸



為我歸骨耳公竟捐緡錢贖之歸郭氏者鄰之  
嫠婦也死不克塋公為棺歛殯之且字其孤長  
而完其室其它多此類碩年逾強仕未舉子夫  
人名其叔鈞之子某為已子復為公納二側室  
為嗣續計楊太夫人及王氏是已夫人日嚴事  
大士象求孕育及王氏生子于楚夫人眎之而  
後其喜可知也已而夫人抱病卒楊太夫人始  
綰歲綈鑰笄家政明年生中丞君越三歲而公  
卒卒哭復舉一子當是時兩嫠婦抱三孤兒長

御龍子集

吹劍草卷之三十六

五

未垂髫立而小者呱呱草蓐間髮未燥也而族  
之強有力者從而辟倪之取美田宅自予已瘠  
惡遺孤兒蓋二嫠莫之能禁云里中胥弱其母  
子也且肆誅求而強有力者復不之禁內外交  
相殞不魚肉之不已大夫人茹荼雪涕外珥諸  
強暴而內拊循諸孤日泝泝統手至為戰瘁用  
呂資雉鷺而謁中丞輩于里中師使受經生語  
昕夕課兒讀不勌也少輟即督責隨之不怠委  
諸師父之中丞君舉于鄉隨成進士太夫人始

一解顏而笑也曰未亡人異日有呂藉手見地  
下矣已而中丞君司理平陽擢尚書戶部郎改  
諫議皆奉太夫人教訓所至有聲時呂 覃思  
故贈公刑科右給事中王夫人為孺人封太夫  
人為太孺人居亡何中丞君出叅江藩狀太夫  
人節槩謁當世名賢歌詠之久而成帙風淪乎  
繼響栢舟矣又數年中丞君為山西布政使復  
用 覃思故贈公今官二夫人皆有今稱越又  
明年而太夫人卒時萬曆十有二年秋七月十

御龍子集

吹劍草卷之三十六

六

有二日也初公卒于嘉靖十有八年夏六月四  
日相距蓋四十有六年云而太夫人清節凜凜  
內外亡間言可以凌秋霜寒白日其保孤亢宗  
功尤輓近世所未有中丞君業欲上 請褒表  
以風世而為功令所格弗得遂中心悼焉故圖  
勒之墓石昭垂乎後之人其用意良厚呂故弗  
敢畧公生成化十有九年冬十有二月七日享  
年五十有七太夫人生正德三年夏四月八日  
享年七十有七而王夫人則生成化二十年十

月十日卒嘉靖十四年四月十日享年五十有二丈夫子三孟于楚王出仲于趙即中丞君季于宋俱太夫人出孟娶某氏生某某仲娶某氏生某某季娶某氏生某某男孫蓋若干人女孫若干人嗚呼嗣續夥甚天之報公及夫人也厚矣哉乃為之銘銘曰

孰合而離之四紀含泣孰枯而榮之

帝命重錫母也用極維公之積先後同歸佳城是依宜爾子孫振振兮

御龍集 吹劍草卷之二十七

吹劍草卷之三十六

吹劍草卷之三十七

御龍子

消上范守已介儒著

寧夏侯廷鳳校

家乘畧一

范氏之先出自帝堯陶唐氏衰有劉累者學擾龍于豢龍氏盡其術事夏帝孔甲賜氏曰御龍以更豕常之後在商為豕常氏在周為唐杜氏宣王殺杜伯其子隰叔奔晉為士師遂稱士氏士會受隨范二邑初稱隨氏後稱范氏案堯本姓伊祁故晉代之范猶稱祁云至士吉射失守

御龍子集 吹劍草卷之三十七

宗桃子孫流徙無常越有范蠡楚有范增漢有范明友范升范冉范滂宋有范曄梁有范雲范岫唐有范履冰宋有范忠文鎮范文正仲淹等數族世代遼遠莫知宗系同異忠文有同產兄二曰鎡曰錯忠文未顯時兄鎡卒于隴城有遺腹子不知所在忠文謂人曰吾兄體有四乳是兒亦必然矣乃徒步求之兩蜀間二載得之果四乳名之曰百常有百禄者字子功仲父鎡之子也二人相友善百禄第進士累官中書侍郎



罷知河中府徙河陽河南百常皆從之百禄子  
曰祖述監潁州酒稅知鞏縣監中岳廟久之知  
台州主管西京御史臺靖康時辟地走汴州汝  
守趙子櫟邀共乘守城獨不陷百常恒依之南  
渡後詔棄兩河祖述及百常乃走台州遂為臨  
海人居縣之曲山百常子曰祖繼五傳而為余  
六世祖逸其名元至正末方國珍起浙東祖與  
第某辟地至關封象梓符之高廟洪武初聽民  
所在占籍祖乃入涓川籍象梓南之古賢里

御龍子集

卷之十七

二

是為曲山公其弟乃留梓符曲山公生子一諱  
得成娶劉氏生海及春海生泉泉生良其別子  
為僧良生金其別子亦為僧諱春者余四世祖  
也娶許氏生子七伯季逸其名次曰辛曰堆曰  
清曰玘曰剛辛生林林生盛盛生守才守洪堆  
生勉勉生江湖潭江生守仁其別子為僧清絕  
剛生雲兩兩生九州九州生守忠諱玘者為余  
曾大父配周祖妣生子五曰本曰廷玉曰廷臣  
曰廷實曰廷璋諱本者為余大父為縣功曹守

選吏部卒配孟李二祖妣李祖妣生余考贈刑  
部公諱九思配王夫人生兄守節及不肖守已  
廷玉生禄及九福九相九韶九陽禄生守言九  
韶生守敬餘俱絕廷臣生九陵九錫九有九陵  
遊太學知平鄉縣生守約守禮九有生守貴九  
錫絕廷實生九河九經九霄九棘九圍九經生  
守轍餘俱絕廷璋生九疇九臯九疇生守信守  
正守志守庶九臯生守科守第是為余伯仲以  
上世派也其子姓繁衍姑不贅及 御龍子曰

御龍子集

卷之十七

三

余讀宋史見隴城父子皆四乳余心異之及攬  
曲洧舊聞朱少張謂忠文公亦爾曰曰范氏多  
四乳此其所以異云余不佞亡能肖先宗公萬  
一顧得其四乳何與隴城父子受形獨詭異乃  
卒落落無成事不得與忠文並耀竹帛亦又何  
也子孫歷十餘傳並晦跡猷晦亡一奮鴻漸之  
翼而遺之音先公其有遺憾矣忠文其形者必  
忠文其聲施而後可

家乘畧二

曾大父諱玘字珍甫高大父春之次子也初曲  
山公至消上躬秉耒疆其閒田為已有碩子立  
亡它兄弟所疆裁數十百晦耳家屢立至子得  
成守先業母失得成生子二曰海曰春久之廢  
箸各為爨家並窘春有七男子而曾大父行第  
五伯仲夥甚其田不足業畊又不能具六禮備  
婚娶乃贅曾大父周媪家媪故不乏子幼資公  
為治生計家益裕久之釋甥館與周大母歸而  
家無立錫地矣公乃貸子錢買甌脫數晦以畊

御龍子集

大初車卷之十七

四

賴有天幸晦輒收數鐘家稍就贏于是歲出子  
錢取什一息自潤益買美田宅課畊桑家遂大  
贏初年田十餘晦季年乃數千晦盡膏腴僅指  
以數百計時從父海有子曰泉及公兄弟辛堆  
清剛皆落魄無常業公每推其贏分贍之人人  
以為德厚我為陰祇其稼穡亡有所擲榆公有  
丈夫子五因材而教各授以所能一為博士弟  
子員兩為邑曹掾俱以行誼著稱家聲隆隆起  
矣周大母性明智佐公理家人產有條僮監畏

之公卒後大母獨持家柄又十餘年率正諸婦  
尤有儀範諸婦承事惟謹亡敢有驕佚者以故  
一門家法至今稱著里中云

御龍子曰自曲山公初家有南食貧蓋三世云  
我曾大父力拓舊緒化弓冶而箕裘之遂富甲  
邑里為消著姓厥功碩不題與享有田宅者其  
勿忘所自始

家乘畧三

功曹公諱本字宗源曾大父玘之長子也幼席

御龍子集

大初車卷之十七

五

箕裘習博士家言通曉大義弱冠奪于繇後迺  
入貲為邑功曹而邑令張勲者襄陽名裔也以  
進士來視消事以嚴見憚諸曹掾時被督責公  
承以周謹獨見信任每事輒呼與語或詢及卑  
閑利病時口言不及人過失有以事索金為公  
居間者公揮手謝不顧徐曰吾豈挾令重自為  
苞苴地耶勲聞益器重公後徵拜侍御史猶念  
公不置語人曰范功曹其以吏隱云已而補  
留都諸曹掾文亡害計上吏部當除官待次



之迺歸展先墓留滄上者數年時與諸叔李猶同七箸錢穀出納皆自掌計內外無間言當是時僅指千牛蹠角數百馬羸蹠百而諸仲皆婚望族姻以內多驕佚婦公以至誠倡率小大雖穆母敢有嗜嗜者亡何家購一羸性蹠蹠公過之斂其肱俱倒奮拳槌其腋不少置得人箠之迺解創甚卧數月迺起亡何復抱病遂至不起正德乙亥六月二十有八日卒距其生成化甲午享年四十有二葬墓旁岡祖塋之庚穴

御龍子集

卷之二十七

六

述蓮公名廷玉字國璽性樸直亦為邑曹掾既滿謁選吏部除平陽之建雄所當晉孔道有牛數百蹠飯牛卒皆大點恂恂惕官吏無所不至公至悉絕以法亡不累足立有監司者多公庶欲資其橐中裝過謂公曰若牛肥瘠半其易之然牛本不瘠意公有所覈則飯牛卒將有所問遺而公不屑也曰所之民力竭矣牛縱瘠尚不廢縛軼行况本不瘠監司者憐服久之亡何筭一卒卒他日以疾死有獮卒族其家証公筭死訟

于府守謂公曰吾知冤若世豈有數筭能死人者公不辯遂掛冠歸邑念賢之折簡賓飲于鄉者數年以壽終

者英公名廷臣字國佐性任達不拘繩檢初舉經生言不進輒弃去諸仲季皆務裘馬爭鮮耀公獨澹然無它慕日督畦耒運來田畝間丙夜結單襦遍歷諸僮戶趣令蚤起崇墉與區亡不到也自嗜為樂不為疲中年長子平鄉公有聲秋林始簡出務間適省主賓客而已其為人輕

御龍子集

卷之二十七

七

財樂施予視群從子弟若已子晚年益為鄉評所重邑令署為鄉三老招置賓飲馬

義民公名廷實字國旅性述褊口吃苦咄嗟中年輸粟縣官振饑民全活甚衆有司上其姓名予冠服公不屑也亡何邑令署公竟六傳事其牛馬走多公里中子寂難使公以平直臨之受命皆若響晚年有五丈夫子林林立玉稱大愉快亡何殤絕者四一孫子立而已其家又旁落抑鬱而卒處士公名廷璋字國器幼習博士家言弱冠

遊邑庠為弟子員有聲久之棄去尚平林泉  
間豁如也其為人坦夷亡町畦與人處由由  
然不忍舍去視諸子尤有恩先刑部府君生  
四月而孤公愛護惟謹飲食衣綉必諱飾節宣  
之及長倚為腹心每事輒呼與語有所往必與  
之俱嘗欲畜他姬已館外舍矣以府君諫輒中  
止亡何府君不祿公憤鬱如失左右手晚年益  
恬澹無它嗜好壽七十有五無疾而終

御龍子曰余大父伯仲五人同七著者三十餘

御龍子集

吹劍草卷之十七

八

年當是時貫朽粟陳羅綺盈篋出入侈踴毅一  
時稱盛而五人者友愛篤至亡一日聞墻患非  
甚盛德何以有此余大父中年違棄先考生才  
百餘日兩大母茹苦鞠之諸大父保抱携持眎  
若己子同服食者又二十年卒使先考保有箕  
裘不墜家聲伊誰力也既而子姓繁夥廢箸離  
析猶且眷注不已酒食相徵遂歲時問遺踵至  
不絕鄉邑侈為美譚於乎休矣余生也輒不及  
見當時懿美猶見遙運公古貞修髯質行渾樸

義民公蒼顏皤髯舉趾軒翔處士公色澤玉潤  
不言而飲人以酥皆望之使人愛敬其德音在  
人耳目也固宜

家乘畧四

平鄉公名九陵字士升幼聰敏治經生業日誦  
數千言弱冠為博士弟子員有聲督學使者至  
校文輒置首選六比于鄉不讐年四十餘以明  
經獻大庭卒業大學歸而家旁落遂近競延  
致為童子師羔鴈成群里中譽髦士多從之遊

御龍子集

吹劍草卷之十七

九

橫經質疑義願卒為弟子者甚衆多有所隆就  
嘉靖末謁選吏部除知平鄉縣縣故罷民詣窳  
甚公至務為愛利亡苛令雞澤民有與縣民事  
水防者各執白挺相格鬪公聞之馳至其所令  
其民奮挺馳擊之雞澤民大走遂封其防為白  
河渠使者令毋得盜決防河渠使者主其議縣  
民德之民有為縣官牧牝馬者間歲納駒以為  
常前所納駒令過為苛責務求其駿小民苦之  
公令駕馬亦中程歲省民鉅數十萬公素有氣



疾在縣差作半病差輒事事然常作不差部使者行部至縣望其瘳不復他問亡何入計署下考將左遷郡祭酒未除而卒於郕初公為諸生即好古文辭搦管數千言立就渾噩閎肆有晉魏風晚年乞言者四方踵至公揮毫立授之不留其草碑碣志銘今有鐫勒存者餘俱散亡所著四書毛詩義亦逸不存從學者稱為文阜先生

九霄字士冲幼警敏日誦萬餘言輒識不忘垂

御龍子集

次朝華卷之三十七

十

髻通毛詩疑義為文雅正夜篝鐙讀古今義漏下二十刻不輟或勸止之曰六籍何止充棟柰之何以寸晷窮之也益嗜讀不少勸父之病肺喀血而歿年未二十

贈刑部府君諱九思字士寵生四月而孤鞠于二大母垂髫遊家塾事伊吾所授輒解大義亡何棄去性任達以諾重鄉里其為人長幹玉立朗豫不群望之者知其非庸衆人孝事二母出入必以告事仲季父亡違顏色有嘉蔬果必遍

致以嘗然後入口仲季父亦愛之若其子獨義民公偏甚嘗以事與府君恫惻之曰吾以一兒死若覆若宗矣府君聞之悲環堵走不自為白諸父代之白迺得不與父之義民公亦允若嘗諸昆雉于財皆務裘馬日從邯鄲倡挾瑟跼蹠以為常府君不屑也獨衣布絺綌綈榆策款段馬遲來邑里中與豪賢長者遊諸豪賢長者咸折節下之見其來亡不人人自喜也相與浮白為河朔飲歲時釀金爭為二母壽屢常錯戶

御龍子集

次朝華卷之三十七

十一

外府君日市牛酒為長者驩不問家有無里中諸年少咸嚴事之有所爭輒求居間得其言以為榮辱其操行謹至足不濡邪徑雖婦人女子皆知之一日有所往兩母偵之偵者誤之鄰媪家媪有處子及笄矣頗不戒其悅或謂媪曰人偵人于爾室可跡之媪曰爾謂范伯子詭人處子邪置不問季父處士公欲置姬獨携府君往既至館于別業命府君護其居不疑其它也其行乎于人類若是性尤輕財貨急人之急一月

西家火延焚者十餘家將及舍或謂府君曰急移若幣勿以屋為意府君曰幣吾一家需耳屋若焚不盡不止如東隣何吾以為撤屋便適督衆撤其屋已而火至得不東幣亦亡恙有一姪其夫家俱以侈敗來歸府君居之別業有所求輒予不問其餘史甥者姊愛子也戲挽羸絡蹶而死府君大慟久之為之殮瘞不需姊一錢其它甥皆子之若其子里閑稱之年三十病瘡數年不能愈識與不識皆惜之競致醫巫治療莫

御龍子集

史朝華卷之二十七

十一

之効嘉靖丁未二月二十二日卒于正寢距其生正德乙亥十一月二日享年三十有三葬延秀岡祖塋之甲穴萬曆七年三月以子貴贈文林郎松江府推官十一年三月加贈承德郎南京刑部山東司主事九臯字士鳴初為徽府長史掾徽王敗改周王長史掾計最上吏部除大同柴家堡草廠副使不之官輒棄而歸初公在吏部念父處士公甚一日忽心動遽趣裝還至則處士公亡恙也不數日處士公無

疾而卒公得視含斂人以為孝感云亡何兩子皆隸博士籍公務為幽栖不問家人產闢一小園蒔花卉種竹其中躬自壅灌不為勞間呼里中兒象戲六博訪古今遺事以為常已而除官歸徜徉自若也壽逾七十精神不衰

御龍子曰余先祖兄弟蓋三人季為忠文公發其身仲為錯發其子中書公伯為隴城公物故獨蚤其子孫亡發者積五百歲乃有平鄉公少試于民社七月而解組去我刑部府君壞瑋磊落行誼為月旦推重卒不得從辟召徵一命豈天欲厚積而重發邪守已不肖藉先人靈寵幸對于大常年近知命常未免積薪之嘆不可謂發時對越五百歲前能亡慙焉

### 家乘畧五

守節字希武余同產兄也幼讀書纔足紀姓名便棄去及長重然諾以任俠聞里中豪咸下之而家故旁落乃結客逐什一利頑性好遊與所各厚醖金為倡家飲彈第六博以為常而橐中



裝乃不乏歲壬申邑中饑甚君捐粟數十百碩振貧民有司上其事部使者嘉予之旌以章甫復其家初先府君捐館時君裁孱孱垂髫立余尤在繼蔭視余暱甚及長友愛尤篤同七箸亡間言余初為弟子員邑博士責雉羔迺見君為脫嫁之簪珥為具以往余四比于鄉往來夷門間君必與俱及予與計偕不警而還君慰勞久之亡何有倡家姬為人所齟齬亡命匿其家令人索之弗予余從吏出姬亦不聽先是君有

御龍子集

大初事卷之十七

十四

所臂兩角鷹日擲徒燭之然後馴常與獵徒逐兔圃澤數忘返也余諫之不少止至是諫匿姬又不從余懼令有所招撫乃走鷹室梓其一鷹死君知之大詬索利刃欲刺余余閉匿移晷乃免其姬不自安始求去君知余無它復善遇之甲戌春余奏對公車君聞之馳至都門授余金錢為衣馬費五月還抵家八月疾作醫藥莫能愈明年二月廿有二日遂卒距其生嘉靖己亥冬十一月一日年三十有七葬先塋之辛

六

御龍子曰余家自功曹公以下世承小宗乃皆不中壽而卒豈嫡長子孫得天獨畲邪堪與家乃謂北域所為其然豈其然乎顧余祖父俱以行誼重邑里人稱之不容口余兄綽有父風又為何如

家乘畧六

大母李宜人者涪川阜民坊李公女也幼事余

御龍子集

大初事卷之十七

十五

大父功曹公與孟大母相得甚驩年二十有二生先考刑部府君四閱月大父即不祿宜人抱遺孤朝夕哭孟大母慰勞之誓共拊循孤報先君子宜人乃雪涕共見孤諸父前長跽曰以此百日兒累諸叔父勿使若兄有地下恨諸父咸失聲曰所不存恤孤者有如日乃為經紀其喪而宜人日從孟大母辟居姑氏所矣姑氏周先大父母也時年六十許宜人孝事姑惟謹茹荼飲泣歷十餘年諸娣娵未嘗見其啓齒而笑也

及先府君垂髫立命之母事孟大母勿問所生卒以孝友著稱皆宜人力也年五十餘孟大母卒哭莫如禮始終亡違言亡何先府君復不祿余母復抱遺孤朝夕哭宜人歎曰三十年間再罹此咎命也若之何吾子一四月而孤若子二數歲而孤差易勿蓋爾姑余母謹如命鞠育訓誨一如前日又二十餘年守已蜚聲成立而宜人遘疾卒矣壽七十有五寔嘉靖乙丑四月一日也後五年守已舉于鄉部使者采有司言旌

御龍子集

吹劍草卷之十七

十六

其門曰雙節流芳云

王太安人同里王公仲起女幼適先府君事兩姑以孝聞年二十有八先府君遘疾卒時有兩男子長守節六歲次守已三歲一女子裁周歲太安人朝夕哭欲從地下遊姑李宜人勉之曰天不祚范氏妻矣而一綫猶存不及不祀仲子生又有異徵天其或者悔旣吾宗俾復有昌者而若自棄之不祥必忍死而圖吾宗忍死而圖吾宗若姑之所嘗也太安人乃收弟為撫孤計

亡何族內有俾倪其家人產者征錄出誅求輒倍太安人輒予之或勸勿予太安人曰余豚犬兒未成也彼不能蠶食吾田畝邪輒予以為常久之家漸旁落及余輩就外傳而雉羔束帛費皆自其機杼中出矣日則事女紅滌滌兩大母夜炳鐙紡吉貝或自補緝課兒伊吾其傍聲少輟輒督責之內夜乃就寢以故守已得援于衆中年六十子守節殂太安人哭之慟復鞠兩孫如昔日邑里稱之有司上其事部使者旌表其

御龍子集

吹劍草卷之十七

十七

門為雙節流芳云萬曆七年以子貴封太孺人十一年加封太安人

王氏守信妻同里生員王宗魯女年二十有一守信殂有一男子五歲一女子二歲王氏矢心撫孤或勸其他適輒泣曰我伯祖母我叔母何以有今日吾獨不能二母若邪吾不能二母若則亦亡以見地下人終不能奪乃育孤至成立日勤紡績家亦就贏而居孀終其身

御龍子曰余夫父刑家有則故一門之壺範



邑里取兩母之卓行又為一門取至其保孤元  
宗使不肖得以振忠文之墜緒有功于先世不  
淺歟也乃惇史不見錄輶軒之使不見采則亦  
何以觀風為也

御龍子集

吹劍草卷之三十七

人

吹劍草卷之三十七

吹劍草卷之三十八

御龍子六十二

浦上范守已介儒著

寧夏侯廷珮校  
扶溝李時芳

祭文

祭王封君文

嗚乎公之沒也尚有遺戚也乎我以年弗永  
則戚後弗昌則戚身弗顯則戚而公無有矣公  
之年耆艾而耄也考終正寢又焉戚公之後接  
武而奮庸也大亢其宗又焉戚公之身思綸  
所褒崇也冠裳燦炳又焉戚或者謂公撝醕德

御龍子集

吹劍草卷之三十八

一

韞襖瑋其土苴不可見而泄之庭訓則迺子得  
之以操大邦肅鉅臬迺孫得之以震兩臺摧群  
姦蓋可窺其抱矣用是以售于身何不至者乃  
不于其身于其子孫藉其地榮而為顯公能無  
戚戚邪且垂莫之年寶樹摧折考終之日藉孫  
而不藉子公之遺戚當不醒矣嗚乎噫嘻自古  
純懿之士不自登用留其餘于後之人則東京  
楊寶氏宋歐陽崇公謂我公一傳而菱厲青雲  
秉憲宣風再傳而伯仲連翩登台躋鼎而公之

聲施不在弘農瀧岡下矣又何必為之自我而後稱愉快邪况玉柯一萎而三鳳疊翥驥足乍歇而鵬翮長騰公寧不含笑為地下遊哉而更何戚戚為也第可戚者長君以豕孫而歛扶推之翼日哀毀于苦塊間而不吾與周旋耳念長君而不忍離思我公而不終醪也絮酒束芻聊寄吾戚公亦陰鑒而領之幸耳

祭徐少師文

於乎我 國家肇基撫運二百二十年于茲其

御龍子集

史劄記卷之三十六

二

間元臣碩輔翊 帝運贊 皇猷紀勲名旂常者亡慮數十求其華實並懋德業兼隆福祉壽祺永終無替者孰有如我公其人哉方公之射策公車名滿天閭抗章史館聲流荒裔固煒然而龍鳳翔蔚然而虎豹變矣及其躋台鼎握鉤衡當儉壬之既去而養養之猶存也公則力振頽綱獨挽狂瀾洗一時穢濁之風還四海清明之治 國家之四維賴以復張且也都俞密勿糾繆繩愆奏對禁中惡彰善朝夕為之謨明

官府因而一體使 國家靈長之祚為之彌

至於恭承 治命光播遺綸收數十年既渙之

人心培千百載將滴之元氣豐功偉績尤卓絕

乎今古矣夫是以名位極于一身福澤流于子

姓 眷顧不衰于林壑祿養獨豐金紫絡繹於

一門鳳毛繼起至於 璽書問年卷衣為壽式

廢延于世胄任子及于曾孫而人臣之福履于

是極矣立 朝五十餘年享壽八十一載篤始

令終絕世罕邁海內寧有二執守已叨附世誼

御龍子集

史劄記卷之三十六

三

復以承乏郡理日登龍門得以領畧其話言而

私淑其德範私心以為 天子方隆熙洽之治

而有黃髮如公繁一世之望者偃卧于林泉乃

天所勅遺以備詢謀之資補典刑之缺也其眉

壽無害當無極紀孰意其英蕩之使方返魏闕

而箕尾之乘遽比于列星耶言之於邑不覺隕

涕臨風三酹聊表哀衷神如不昧庶其來鑒茲

誠耳

又祭徐少師文



於乎維公降神斗牛之精乘時誕化祥異長庚  
顓英孺藻弱冠蜚聲承明對策名冠群英史館  
抗疏逆鱗是搜放歷中外洞晰民情早佐衡鼎  
大姦是丁文明柔順時靡有爭繼秉國均澄濁  
挹清論思密勿益梅和羹鎮撫四裔霖雨蒼生  
旋乾轉坤鞏固

宗祊祗受 未命義駕忠貞厚終虔始仁孝合  
并 二帝是郊光輔盈成名遂身退優游課畊  
恬夷冲穆為世法程廩人繼粟八駟示榮一十

御龍子集

吹劍草卷之十八

四

五載 帝眷靡更鳳毛蔚起世繼簪纓三子一  
孫並躋列卿桂枝玉樹森立崢嶸黃髮兒齒壽  
亞籤鏗富貴福澤世莫與京申錫無疆星軺繼  
征 綸音再頒養以大烹 朝野傾注倚為幹  
禎胡為一疾遽陟蓬瀛斗樞失光梁木萎菁世  
無指南行道菁菁某等叨附世誼懷仰景行聞  
訃盡心涕泗交傾祭酒東芻望告佳城惟神不  
昧顧我榮盛

祭王封君文

維公瑛光干壘厚植自天霧豹長隱彩鳳連翩  
飛鳴 魏闕為 國大觀趨庭有自教訓居然

甘處青衿而育雙梗伯也彥聖領袖時賢晉貳  
秩宗敬承六裡仲氏蔚起籍甚郎官出典文衡  
以廣陶甄 思推篤生 帝錫弘頒紫泥焜耀  
龍紋迴旋章服荐加累膺崇班拖金曳紫膝下  
承歡合德偕老婆娉林泉旨酒甘毳以樂天年  
戶屢常滿日啟賓筵載舞柔曼載奏管絃稱觥  
洗爵悅豫舫祖壽逼耳頌德劬體堅行希柳惠

御龍子集

吹劍草卷之十八

五

氣勝彭涓豪眉玉立尺鬚銀翻丹脣兒齒蟠髻  
童顏皎若玉樹望似飛仙我儀圖之鶴筭絲延  
胡為一疾遽去塵寰有孫誼道胡不躋攀想乘  
白雲依彼靈山某夙仰高風莫遂躬瞻聞訃哽  
咽東望長嘆因勞行役未薦豚肩斯懷耿耿積  
悃莫宣爰陳牲醴遙酌靈筵公焉戾止顧我微  
虔

又祭王封君文

嗚乎我公之逝也果返其真而與造物者遊耶

抑聚者不得不散而歸于無何有耶抑乘彼白雲遨遊八極而依告 大師于綿竹之巔耶夫公以醇醖之德篤生哲嗣祇庸于 大君而慶歸其身侈以崇封養以豐祿用物弘而取精多矣其神氣所歸必不隨形而沒也明甚且也賦形溫粹稟氣秀朗脩髯調直若玉線之臨風豪眉特起若蒼鸞之戴雪丹顏明潤若瓊枝之映日見者皆以為神僊中人終當凌倒景而觀無始而豈謂其隨形去來也况可謂之歸于無何

御龍子集

次聖卷之六

六

有乎意繁華露零 先師致歎炎火樂金所存幾何謂公之遽爾返真與造物者同遊愚亦不敢遽信也然則公果何往乎語曰一子登僊慶及七祖况我 大師通極性命妙徹幽玄洞契三宗主教五陵者而不奉其祖于大羅之途哉然則公雖不求于大師而 師自不能舍公矣愚故知其乘彼白雲往遊綿竹之巔也棄此塵寰皈依大道回首丘園漸覺穢滓公因含笑于冥冥矣愚以撲陋素荷延納傾露肝臆不啻父

子而俗心未撤猶不能無存沒之感謹輸鄙衷臨風一酌惟 翁其鑒而領之

祭朱封君文代作

嗚乎我公躬有純德不以其身顯庸于國篤生賢嗣為邦 司直抗疏承明聲滿八極簡在帝心倚毘方急惟公之慶載享鼎食胡為一疾遽歸儵忽嗚乎慟哉亡不盡壽匪期願亦近耄耄崇封 綸褒受命孔綽玉樹崢嶸伐閼方烈生順歿寧于何有惻 嗚乎噫嘻往事可憶讜

御龍子集

次聖卷之六

七

言一進虎尾是即逐臣在道憂心茱茱公于斯時寤寐反側解組歸耕既且叵測相對黯然咄咄鬱抑公於斯時向隅潛泣六載廢棄齒錄莫及龍臥泥蟠驤首無日公於斯時耿耿嗚咽孰謂斯今大明黜陟茅拔距脫鳴鳳振翼 帝念忠諫登進倏欵公於斯時載笑載色板輿隨士快觀 皇則宜享遐齡永觀鵬息胡不優游逢以歲月倏忽棄養奔我殯式素旆北歸靈輶遄發往即場廬哲人再躋某等叨聚烏臺誼惟同



服涕泗無從揮灑哽噎未由歌薤不遂執紼謹  
潔牲醴撫我衷曲靈如不昧鑒此微曲

祭舒比部夫婦文

萬曆壬午夏魯源舒君暨室人周安人俱卒于  
京邸秋八月柩過金陵其同登士某謹潔牲醴  
酌之而祝之以辭曰嗚呼慟哉君之夫婦其兩  
亡也而何不一留以視靈輶之南下也豈其誓  
重兩髦志期同穴歟秦鳳以凌鳴化韓鴛而並  
舞尚羊白雲不顧溼露之悲咽我當其莫陽鳥

御龍子集

卷之十八

八

觀瓊華斷樂羊之機縷剪文正之帷燈固欲其  
通藉金閨聯輝玉軸邀長安之甲第而飽大官  
之上羞也及其奮長翮翥上林俯仰卿曹委蛇  
即署又將欲戲絲襪于桑梓耀翟褕于枌榆侈  
季子之車乘而走長卿之秦鞵矣若之何覓旆  
疊懸霜旌並舉揚舲而簫鼓無聞挽絳而高楊  
繼和行旅傷玉卮之遊道路嗟寶樹之頽之若  
此也嗚呼父母舅姑倚閭在望伯仲姊妹姻  
同肝弟姪群從中外盡傷姑姊妹遠邇雪涕

君之夫婦其亦能灑然而無所顧慮乎抑亦反  
菟來歸戀戀而不忍舍去也晚蘭並育注駒獨  
遺三鳳尚爾群蜚五桂猶然並茂而同心者聯  
鑣物外比德者並幘窠中君亦可以脫然矣而  
某等不免交頤者則以其負環琦之抱而未竟  
其施有鴻鉅之材而不信其志秉寬裕之氣而  
罔備其福耳雖然白首龍鍾者何限青雲頤頤  
者何限竣封崇褒者何限子姪森列者又何限  
而名不出于里閭賢不著于春秋崇不承夫子

御龍子集

卷之十八

九

治則亦與殤繇卑微者等耳孰與君之靈修嫺  
行即署高其風卓操雅誼友朋讓其化之為福  
且壽耶于君又何戚戚哉臨風三酌不既闕秉  
靈若有知鑒此微曲

祭李封君文

維翁志懷嘉遜德重鄉評履仁抱義顏卓夷清  
孝友施政誦讀課畊大丘化盜彥方寢爭聖世  
遺賢蘄黃雋英崇崇堂構謀貽子治常經是傳  
彬彬大雅有子翩翩鳳鳴朝野觴映龍虎名

高鄴下價重蜚鳥風蕭颯馬阜蒙白簡日達建  
章勢碎狐狸道擊豺狼繡斧宣風冠豸浮霜

衣職是補萬幾多匡績取烏府聲滿天閭帝

曰都武馬生是錄爰下璽書載錫章服號

崇柱史秩華寵沃綸音褒嘉榮光煜煜

丕顯厥德勵世風俗維翁受寵橋梓名世父

挺大椿子森蓂桂仲公秉憲南服校執心戀白

雲舞綵未遂胡為一疾溘焉長遊乘彼箕尾大

化是還翔遊八極知翁解顏勉我仲公歸守故

御龍子集 吹劍草卷之十八 十一

山暫釋青雲能不淚潛覓旌斯去衆不可攀爰

有鳳毛六苞方繁翮啄泮芹未翬雲漢瞻馬顧

之能不心瘡胡不夕留幸觀蜚翰抱龜長號形

影斯斷仲公矯矯奮翼天衢栢臺久集欲齊要

樞胡不旬月以眎長驅而乃尚羊遊彼帝都

繫此驂駟三載向隅走等疏逖仲公是荷聞訃

嗚咽心焉如剉魂儻可招願詠楚些薤露蒿里

讀難一過載言仲公涕零無奈敬陳雖帛三酹

西風驟服欲脫涕泗無從聊寓生芻以寫悲哀

若有若亡庶幾來宗神其不昧鑒此哀悃

祭鄭京兆文

嗚呼世固有樸數瓊尾而龍鍾于大耋之年者  
其龐眉雪鬢匪不于庸衆中稱達老而無關世  
用則其存沒不足為重輕乃若瓌璋蹕蹕之材  
足以肩鴻鉅而係盛衰者顧往往湮先朝露闕  
繼而不竟其施豈造化小兒有不得不爾邪母  
亦靈脩之故而為上帝之所簡庸邪吾茲于  
公之逝蓋索之莫得其故矣夫以公之磊落踔

御龍子集 吹劍草卷之十八 十二

連皎玉樹而振金聲也非山川之英所鍾毓而

敦篤者乎而胡為乎醇醪醕之之若是也方公

之班青璣批龍鱗天子動色佞倖寒骨衆咸

謂為朝陽之鳳凰及公之煦蹄泮拔黔首化軋

三異誼踵二岐衆咸謂為百里之霖雨既而夷

猶即署頡頏卿寺振高標而駕長風衆咸謂為

三垣之景星嗚呼此國家之所望以為楨幹

而衆庶之所視以為典則者京兆之命天子

方以根本之重地付公以分南顧憂而胡為乎



燕不祿也使公而少需歲月則三事之選當不  
終外其所以煥勛猷而勒旂常者寧止今日而  
已哉而胡為乎盡不祿也嗚呼子建選須臾洪  
北斗回商脩文冠準浮提 帝天之簡拔材賢  
也寧與世主或異邪亡惑乎公不竟施而盡不  
祿於人世也則不願眉雪鬢何病哉予所哀者  
鳳雛方毅六翻未長神駒就乳汗血路茫而李  
方之風范正肅王祐之庭槐可仰又柯虞王樹  
之不茂而蘭蓀之不芳哉然則公之奄忽又何

御龍子集

卷之十八

七

憾焉予知公之無憾而猶若有不迫然者亦以  
太山頽梁木萎不能不隨衆嗟嗟耳而絮酒東  
芻聊輸我衷九原可作亦以予言為然否

祭袁安人文

嗚乎天生賢淑克相君子嗟嗟安人寔維女士  
毓德高門鍾靈河涘溫惠含章夙閑女史曰嬪  
選君嗣徽婉美胡不長年遽棄簪珥初諧伉儷  
先生戚里姑稱孝婦婦謂賢姒勤修女紅不廢  
絲枲橫刀趣機樂羊是詆致身青雲比翼奮起

宜爾偕老多受 帝祉胡為不祿中年已矣

綸音載頒鸞迴鳳跂翟褕輝煌匪不華侈 寵  
命方申茲惟其始胡不遐齡永睹金紫於惟選  
君乘黃駟駟霜蹄暫蹶越都立視朝刷燕雲暮  
抹彭蠡胡不信宿以睹轡緝有女居孀娉娉無  
依群弱在柵誰訓俞唯胡不永存俾有怙恃選  
君之悲曷惟其已予附粉榆夙昔仰止聞訃傷  
恫潛馬隕涕爰潔我牲載絮我醴陳辭遙酌言  
不盡惟惟靈有知庶其不鄙

御龍子集

卷之十八

七

祭姚恭人文

卓矣華宗誕茲女士婉孌其儀淑慎其止爰自  
于歸惟德之行既匡既勸肅肅雍雍衿纓晨夕  
祇奉騅娛孝事姑嫜終始弗渝芳徽夙邁百行  
不貳允迪前猷以貽內則克相君子致身青雲  
內政是謹克儉克勤誕膺 帝祉翟褕輝煌象  
服是宜厥德聿彰宜介多福發祥肇慶胡不上  
壽遽捐大命蘭芬易摧玉璫斯碎良人徬徨欲  
裂五內幽芳遽堙絕緒莫承愴悵嗚咽長慟撫

膺總帳空陳瑤觴虛列寂寂庭筵琴亡釵折麗  
公欲隱誰共鹿門陸通欲出誰辨亨也長風悲  
烈白雲慘傷疑見顏色明月屋梁神歸太始流  
芳未歇彤管清暉於昭日月飛旒翩翩同袍共  
戚鑿隧無期幽明異域哀音半札慰爾長歸聊  
陳薄奠寄此獻敬尚 享

祭笠江潘尚書夫人文

孕海靈以毓秀秉坤德而含章出簪纓之華裔  
而母儀閑熟相巖廊之碩輔而婦順明章於乎

御龍子集

次朝章卷之十八

十四

孰不有夫而孰能位崇槐棘晉九卿而勛名之  
赫奕孰不有子而孰能材奮琳琅躍三汲而聞  
望之熒煌福履繁而重禍列鼎不足以言其福  
紫誥之重頒蓋侈極品之榮而閭德之有光壽  
祺綏而黃髮兒齒不足以言其壽白首以同心  
蓋極惜老之願而迪吉以無疆於乎如夫人者  
亦既備不常有之德而膺不可致之祥迺今辭  
萊子之斑衣而就金母之瑤觴乘白雲而遊玄  
閭命青鳥以歷蒼茫又何憾于人世之去留形

質之存亡也耶某等叨郡服之職守仰德馨之  
芬芳謹臨風以告酌庶顧予而來嘗尚 饗

祭內閣嚴公夫人文

海濤鍾淑昆水毓精誕降名閥德秉坤貞克相  
元老福祿攸崇於維元老 皇朝之氏玉質金  
相難孺其匹一德相成光于桐裏煌煌紫誥燁  
燁綸衣不一而足益重母儀曷其致之維德之  
宜邃宇重闕金祝寶篆蓀桂滿前優遊泮渙數  
十餘年福延慶適知名長信通籍金閨 明明

御龍子集

次朝章卷之十八

十五

帝后資命重輝人生得者終古焉稀於維元老  
功成身退怡志林泉哇荅晚蕙于焉逍遙同樂  
餘歲曷爾青鳥倏其東來致音阿母迎致崑臺  
回首海隅佇立徘徊某等忝守鄰封寔切永慕  
薄具醴粢聊輸悃悃靈其昭昭于焉來顧

祭魏國童太夫人文

嗚呼孰無父母惟太夫人膏梁世守伐閱之後  
孰無仇儷惟太夫人上公是配克相壺內孰無  
子姓惟太夫人續承爵命以筮留政嗚呼噫嘻



是謂繁祉人生得者終古有幾惟太夫人求福  
不回溫恭專一以表庭闈乃及太保一德相將  
麟趾衍慶胤祚克昌篤生賢喆為國屏翰帶  
礪承家綏懷圻甸帝心簡在尊崇其躬綸音渙  
發大國是封翟裼褕衣玉珮瓊琚弗祿爾康其  
樂只且祿養萬鍾鯖食五侯高堂燕喜二十餘  
秋南岳歸去哀動一人臨軒遣祭牲帛錯陳  
宗伯致虔司空臨壙合窆佳城魂魄怡暢嗚乎  
噫嘻生榮死哀相範母儀厥惟顯哉某等具員  
御龍子集 吹劔草卷之三十八 十六

留曹欽仰徽音聞訃哽咽盡傷于心爰陳菜醴  
敢告 柩前惟靈有知鑒我泣然

吹劔草卷之三十八

吹劔草卷之三十九

御龍子六十三

甬上范守已介儒著

寧夏侯廷珩校  
扶溝李時芳校

祭文

祭何母太夫人文

惟母毓淮浦之靈秀邇汝墳之懿風終溫惠以  
淑慎汎婉婉而聽從由名裔以來歸脩內職而  
肅離字翩翻之威鳳育尺鯉以騰龍匪蘋繁之  
有託相子台以亢宗傲熊九而課讀踵荻畫以  
程功肆伯仲之聯鶩為文囿之鴻工振家聲于

御龍子集 吹劔草卷之三十九

不墜斐 帝德之休隆荷 一人之睠注覃

恩綸而崇封華冠帔以焜耀極綸翟之青葱通  
金閨而荐寵享太烹以日豐方申命之聿始胡  
眉壽之告終豈塵寓之是厭攀白雲而遐翬要  
金母以翔翔歸縣圃之瑤宮聽雲璈之玲琅忘  
寶樹之葱蘢儻允豫而延佇見佗佗之形容片  
遲留以歲月應端揆之同登承 寵渥以稠疊  
睹烜赫之勲庸乃遽返序冥漠重遐邇之盡恫  
繫聞訃而哽咽既執紼之無從爰臨風以揮灑

敬祭酒而徵哀儻幽明之無隔庶降鑒辱微悰

### 祭何檢討文

嗚呼勸我君之生也曾不下壽而長徂豈得天  
之或畜而命數之有拘何以負穎異擅奇聰蜚  
英聲而馳騁于金鋪方其下帷繼晷上苑校竿  
口柱五鹿軌軼三蘇笑騷人之閤筆陋吟客之  
斷續固將睥睨季一世而蹀躞季兩都衆咸望  
其經緯 國華黼黻 帝謨參 講幄齊台鼎  
而連翩于公孤胡為季溘先朝露習比晨星驟  
御龍子集 一 吹劍草卷之十九 二

鶴馭竊而馳返于太虛豈天上之王樓必當作  
記地下之脩文懸缺相需而人世之渙忍不足  
以稽其蜚荒哉某等薄遊 留邸未睹光模儼  
斗星之在望慕丹穴之鵠雛寔聞訃而盡心傷  
玉樹之頽枯嗚呼季子淵早逝仲淹湏臾俱託名  
于汗編哭千古而不渝君雖往矣而聲稱已馳  
于執苑姓氏已煥于石渠振迺祖之芳藻而後  
先接武駕伯氏之長風而昆季聯裾又何必龍  
鍾鮑考如喬松而後留聲于諸徒耶念宿草之

未萌聊嗽辭而敷芻儻英爽之猶存鑒予衷于  
一隅

### 祭楊母段太夫人文

於維太母體順含章作配 太傅一德是將內  
碩無憂顯力戎羌邊鄙不聳 國威用張內莞  
樞密外靖遼方位登公孤功在旂常 天子嘉  
予綸綍輝煌瓊琚玉珮翟裼袞裳既多受祉申  
錫無疆森森玉樹爭秀擢芳文齊賈董武寃孫  
穰並奮賢科繼躋巖廊為世麟鳳為 國棟梁  
御龍子集 一 吹劍草卷之十九 三

膳分大官昂腴是掌綵戲金紫為壽北堂八龍  
五桂雁次稱觴蘭芬玉立左右踟躕孫枝榮茂  
雛鳳嗶嗶百順攸聚福履是將胡不百歲永享  
燬昌遽辭塵寓歸彼杳茫雲軒鶴馭金母來將  
偕往增城笑語徜徉或乘白雲遨遊 帝鄉托  
劍示化遺蛻馨香 天子歸賙璀璨其光牢昂  
紛馥祭頌上方祠官從事濟濟踰踰 一人是  
詠榮名無量某等前以檇櫟寄跡膠庠伯也文  
宗實藉明揚裁同苑李誼重明 屬聞訃嗚呼



灑傍徨謹遣微辭載酌玄漿靈其不昧來格洋洋

祭宗室母杜夫人文

昭哉華裔誕降賢淑終溫且惠雖離肅肅天潢是配相內咸睦日侍茲幃時問寒煥令德彰聞蘭茁桂馥有子承宗祖妣似續德器早成渾金璞玉伊誰之力母儀是束光垂王牒譽重伯叔崇封是膺受此豐祿富貴福澤不一而足高堂燕寢巖巖華屋擊竹彈絲錦衣朱褵人生繁御龍子集 次初草卷之三十九 四

祭王太孺人文

萬曆十有三年秋七月靈璧尹劉應麟之繼母王太孺人卒于正寢守已聞訃揮灑乃絮酒多

雞附其邑博士賈君之伉而奠之告曰辭曰賢維庚午之秋守已與應麟同舉于鄉于時始習母之德音蓋不啻婉孌溫惠嗣微婢媿而有光于相儀而仁且慈幼亡間已出使應麟亡母而有母則舜閔之號泣隱忍所不能遭而睹記之自今矣且也斷杼鬻髡成子令名又陶孟二母所不得擅其美者此應麟之所以察廉舉孝與計偕上也已而出宰靈陽暮月政布飢散革心此窳易轍佗係者神舒較瘵者瘳滅又皆母之

御龍子集

次初草卷之三十九

五

慈訓義方施于有政矣嗚乎母德若是是宜食報亡窮享大國之崇封受申錫之帝命而眉壽亡疆者乃倏爾僊遊捐其祿養使豈弟之政不竟于元元神明之譽不熟于宸聰 璽書之徵不及下于南服冠帔之命不及被于北堂且奪應麟衰絰而亟走使臥轍者亡由挽其行借冠者不能申其說守已之聞之也亦雪涕之亡從矣母亦何去之遽邪豈南嶽之命方迫而劒化不可少緩邪抑大華之巔衆真期會而

往從之約不可爽也不則豈不可遲回歲月以  
觀靈陽之治化以承 綸綍之褒崇胡為乎使  
吾應麟與其邑士民交相悲痛也守已慕母之  
風十六稔于茲矣且應麟之政不及一稔故于  
其計也不覺盡心焉乃為文以寄奠母其鑒之  
幸甚

### 祭李大學文

嗚乎鄧林亡樸橄藍田繼武夫剛何呂故堅霸  
異禽乃馭駟七日起其所生而豫章七季裁知

御龍子集

次初草卷之三十九

六

其為豫章也此又顯晦遲速之大較也昧者迷  
迷見及目睫而止亦何足語張弓之理哉公託  
跡名胄屈琳琅之淵藪其孟仲皆連翩搏扶推  
而薄霄漢而公歎抱璞韞玉不讐于公車久之  
乃橫經辟水與郭有術相頡頏眾皆為公不直  
司命也豈陵陽之遭古今恒一轍邪且也陵陽  
弄奇而後偶猶讐之及其世而公別已矣不及  
其世矣古所謂責償于天者非邪而若之何其  
不然也嚙語是不可與塞上翁譚倚伏也白

之祥不以歲月計弘農之興也亦以易世豈寶  
之材行本震若拔風之積也不昂不足以負大  
翼覆一杯于堂坳之上以之泛芥為不浮也公  
材足以譬公車而不讐復學厥德以屈之故不  
及其世及其子其子蕭駟騏驥也行不千里不  
能止而今初發霜蹄矣歷都越塊亡難也疇謂  
天也不可責償哉不佞守已未習公而習公之  
子孝廉君因孝廉君而淑公其福祉其壽考皆  
足為公頌不之頌而歎戚公不讐于公車抑以

御龍子集

次初草卷之三十九

七

公或自感也故舉公之子以尉公想公聞之亦  
含笑為墜下遊矣絮酒炙雞未足以享公唯鄙  
辭是陋或可質于溲寘禽公其鑒之

### 祭車母韓太孺人文

嗚呼維母之生名門毓秀四德咸脩采婉華胄  
克相君子蜚聲文園揚于 帝廷先生間右有  
子七人蘭玉盈庭斷機畫荻各授一經青衿繞  
膝擬聚德星評高月旦養志林垌婦順既彰母  
儀允閑眉壽不害福履縣縣滌滌備嘗八十餘



年孫子繩繩綵服盈前曰予猶子叨居甥館予  
附松蘿稔聞彤管自昔三年得獻杯醖兒齒黃  
髮雙瞳嚮嚮惟茲初夏玉體猶康猥薦一言藉  
手稱觴敬祝期頤鶴笑無疆胡云二豎匿于膏  
肓乘彼白雲西逐金母永棄塵寰徜徉玄圃載  
曠音容莫聞莫睹臨柩嗚咽揮灑如雨恭陳薄  
奠寓我哀衷菡萏三酌用告幽宮佳城載赴白  
楊秋風靈如不昧來格來宗嗚呼哀哉

祭秦太妃文

御龍子集

吹劬草卷之三十九

八

嗚呼 太妃之生渭涘毓精性成婉婉德備幽  
貞徽音載嗣曰嬪周京睢鳩播頌樛木揚聲太  
妃之福早貯金屋副笄六珈宜是象服羅綺生  
香叙瑱懸玉步搖炫彩跳脫鑿栗太妃之胤載  
衍天潢分茅祚土宜君宜王續緒光前永保無  
疆東平河間芳美並揚太妃之壽上近期頤歷  
見曾孫珮王累累四世五王永奉母儀祿養綿  
綿優游委蛇今王嗣統 帝命方頒胡為一疾  
遽弃塵寰驟鸞駕鳳遊白雲間逌依金母共列

僊班某等各奉 簡書來泣西土欽仰懿風惟  
欣鼓舞聞訃盡心如失恃怙敬敷醴粢用輸衷  
綏靈兮不昧顧此牲脯

御龍子集

吹劬草卷之三十九

九

吹劬草卷之三十九

吹劍草卷之四十

御龍子六十四

有上范守已介儒著

寧夏侯廷珮校  
扶溝李時芳校

雜著

綸音碑後語

先府君字士寵家世具余太史所纂曾大父墓  
表中府君生正德十季乙亥卒嘉靖二十有六  
年丁未享季三十有五而捐棄不肖輩迄今乙  
酉蓋三十有九稔云府君卒之再明季而不肖  
迺從塾師遊知吾伊又八季隸邑博士籍又十  
御龍子集 吹劍草卷之四十 一

有三季與計偕 上調試于大常又四季徵先  
人靈寵對策 殿陛間登進士籍明季出理五  
茸又四季報政得最徵惠縣官而府君有司理  
之 命潛德幽允始因綸綽發揚其大都人二  
季不肖除守尚書都官郎明季以 皇子恩府  
君復有郎官之 命 天語烜赫再賁泉壤而  
府君久齋之志于焉少尉不肖生也輒情亡知  
識曩在襁褓時見背尚不能記憶其色澤矧知  
行誼既少長日聞諸父老言推府君不容口迺

益咨詢備知其行事每自慟悼不獲奉庭訓日  
循其步武也夫以府君之豪雋孝友純至信誼  
服里閭藉令當漢世亡論諸州郡馳檄爭辟舉  
即三公諸列卿府庶察所及亦將徵用之恐後  
矣曷不至者又藉令少有父兄得不倂倂立而  
殫心博士家言亦必馳聲執林頡頏諸制科為  
世名碩曷至汶汶終其身有缺今日之一再命  
也惜也遭家不造生四月而孤煦濡於二大母  
而所生李又冲齡唯孟母是恃仲叔季父是依  
御龍子集 吹劍草卷之四十 二

塵免殞滅少長躬為就養計不皇咄嗟而一二  
過家塾所得經生語財通大義以故不獲班青  
衿致身巖廊上而提躬勵行動與古人合軌轍  
事二母亡違顏色事仲叔季父亡違命事諸舅  
亡違言與朋友交亡忘父要與比閭族黨處亡  
相尤怨至德令聞籍甚至今而不獲與漢代徵  
辟之典則今茲 錫命其於府君之謂何九原  
有知不肖未知其大為愉快否雖然負府君者  
蒼旻也蒼旻以此責償於不肖不肖聞于仕宦



亡能塞萬一亦微靈府君望幸于國家嗣是以逞國家或者不憐申錫代蒼旻償所負若眎左券為足其齒云不肖亡敢取必唯敬守官常以待

報最驪歌冊引

同舍郎容潔夫以入計北上都官諸舍郎各為詩華其行而錫山顧汝翼名其冊曰報最驪歌夫驪歌云者惜別也而以報最行為日幾何諸曹郎戀戀若是也於戲是可以觀潔夫直不疑

御龍子集

吹劍草卷之四十

三

漢名流也古今高其風而同舍乃疑其竊金竊金至濫行此而見疑其素乏嫖節不齒于人倫可知使不疑有宿春之行吾知諸郎必不戀戀若今日也潔夫之濶達長厚不下不疑而矜節過之以故人人高潔夫居常樂親就與之上下其議論而趨走其步武或旦莫不望見潔夫蓋人人自失也况長安之行載歷寒暑把袂言別能不動驪駒之感又况潔夫在郎署三年于茲矣亭疑灋槐棘莫得易其聽績至最也此而聞

于當宁核于司功權衡于司銓晉錫之隆所不待言其擢置要路為國家布蕃宣之猷或在此行矣欲返轡秣陵聚首爽鳩之曹也得乎哉其于茲別宜平情不容已也今觀其所為詩言人人殊皆與潔夫有重戀焉非潔夫之嫖節偉績重于人人而何有于是是故可以觀潔夫予濫竽同舍又同登于公車其惜別潔夫尤甚故悉其名冊之意而為之引

雷天泉像贊

御龍子集

吹劍草卷之四十

四

其顏皙而豐其氣睟而充其肌瑩而澤其貌溫而恭中天臺之化人耶藐姑射之僊翁耶貌之者徒得其璠璣之形而不能寓其藻績之衷徒摹其冠服之似而不能揭其高尚之風彼其恬澹冲夷曠達玄同不蹢躅于勢利不皇皇于窮通挾日月而傲煙霞帶荃蘭而衣芎藭者固有超于聲音笑貌之外而豈毫素之末所能髣髴而形容也耶睹是像者慎勿嗤為拙工

萬峯惜別冊引

昔王子猷作桓車騎參軍問之不知何署嘗以手板拄頰云西山朝來致有爽氣其任誕如此乃諸賢稱之不容口至造竹所主人闔戶不令得去是遵何德哉此其為人必有足散衆心者在是以爾耳陽夏劉君自視去子猷遠甚其參武德軍也得代以去武德人人惜失君於乎此足以觀君矣初君以嘗遊都門參燕下軍而昭陵事暴起奉記護作方上以勞聞天子嘉之勞以璽書銀幣其得上若是宜其官白下而

御龍子集

次劄草卷之四十一

五

白下之人不能舍君也吾聞之代北土俗慷慨尚氣節見人有一善輒終身不能忘君逞矣他日遷喬尤必有卧轍及借寇者惜別盡乎哉

### 燕丹論

荆軻之事說者謂燕丹非挑禍挑亦禍不挑亦禍禍等耳挑之猶可倖萬一予謂不然丹之見奇專諸也第專諸刺僚能使僚亡光得其國軻刺秦能使秦亡燕得其國乎當是時趙高之釁未萌扶蘇賢世子也方在掖廷萬一舞陽不色

動統柱弗急秦王血濡縷而死秦肯舉國聽燕乎吾知扶蘇必續秦緒必報父仇于是聲罪而致討其直在秦其曲在燕矣滅亡之禍又何旋踵也安得與吳光論成敗故為丹計莫若養晦俟時養晦而秦兵或加直在我矣顧其勢終弗能支直亦亡不直亦亡亡一也直則可見先君于地下况國君死社稷丹非君也不必死國亡則亡命民間如楚心之牧羊可也不則深入海島如田橫亦可如是數年而楚漢暴興王侯之

御龍子集

次劄草卷之四十一

六

業可復幾矣乃計不出此而鞅鞅自試于虎狼殞身滅宗非不幸也

### 策問

問軍識曰將之所以為威者號令也故將無還令賞罰必信號令顧可以弗嚴哉乃尉繚子有束伍勒卒踵軍之令不一而足其詳亦可得聞歟將術抑果盡是歟漢唐諸名將李廣程不識郭子儀李光弼其選也其所崇尚乃爾殊途審如前所談說成功宜有所歸顧在彼不在此是



遵何道也 國家運際恭隆虜酋稽顙稱外臣  
沿邊諸將卒樵蘇之外無復事事坐靡 國帑  
弁髦三尺當事者少有拂逆輒爾鼓譟四起不  
役知有親上死長之義若是者豈將術不明號  
令廢弛之所致耶抑別有其故歟今 天子計  
安疆場至降 璽書 命廷臣閱邊實而誅賞  
之意至勤也為帥者當若之何塞 明命之萬  
一茲欲使將喻兵情兵識將意人人親上死長  
可生可殺而不可使為亂且伍伯畏偏裨偏裨

御龍子集

吹劍草卷之四十

七

長大將如臂指之相使米何道而後可諸生目  
擊時艱必有槩于中矣其詳著于篇以觀戡亂  
之略

問兵法有言三軍之衆可使必受敵而無敗者  
奇正是也奇正固兵家之要機云乃說者以先  
後分合為言無亦淺之乎言奇正也世傳握機  
文為黃帝兵法其詳亦可得聞與抑有得于奇  
正之指否與粵攷六韜司馬法尉繚子吳黃等  
書其言兵家之變至為纖悉何無一語及奇正

之要眇耶後世制兵陳者或布八行或名六花  
設物象度方圓亦得黃帝之遺意否關中為名  
將窟藪淵源所自代不乏人其用兵亦有可言  
者與 國家建武學羣統榜子弟教育而賓與  
之其網羅材官至豫且備也爾多士挾策而來  
行將有疆圉之寄其臨敵制勝之術講之素矣  
幸為我言之母曰兵家之勝不可以先傳也

策

御龍子集

吹劍草卷之四十

八

用衆不難所以使衆必為我用難使衆必為我  
用不難所以整齊其耳目固結其心志難兵法  
曰視卒如嬰兒故可與之赴深谿視卒如愛子  
戰可與之俱死愛而不能令厚而不能使亂而  
不能治譬如驕子不可用也此言整齊固結之  
術不可偏任而先後緩急之序亦具見矣為將  
者不可不知也說者乃曰威克厥愛允濟愛克  
厥威允罔功執斯以譚將術貴嚴不貴寬明甚  
若之何視若嬰兒赤子也故嚴非叱咤斬艾操  
下若束濕薪之謂寬非煦濡囁嚅順適其意欲

若養驕子之謂其所以交藏而互用必自有道  
請因明問揚摧之軍誠曰將之所以為威者號  
令也故將無還令賞罰必信而必先之曰與之  
安與之危故其衆可合而不可離可用而不可  
疲以其恩素蓄謀素和也故曰蓄恩不倦以一  
取萬恩以固結于先威以整齊于後雖百戰百  
勝可也黃石之略所以得將術之要眇與古之  
知此道者莫過尉繚子其書二十有四篇有束  
伍令勒卒令踵軍令其他分塞經卒井井有條

御龍子集

欽定四庫全書

九

軍令莫辯于此矣試舉其槩亡伍而得伍當之  
得伍而不亡有賞亡伍不得伍身死家殘亡長  
亡將如之此束伍令也金鼓鈴旗四者各有法  
正兵奇兵異節鼓失音者有誅誼譁者有誅不  
聽金鼓鈴旗而動者有誅此勒卒令也去大軍  
百里期于會地前軍而行為戰合之表合表乃  
起與軍者前踵軍而行合表乃起踵軍遇有還  
者誅之此踵軍令也其它教令不可更僕數大  
抵以嚴威為尚不事寬假然而論本戰之道則

曰因勝生而制之因所勝而顯之田穰之戰  
食之親鄉里相勸兵後相從使什伍如親戚  
伯如朋友止如堵墻動如風雨又有出于號令  
之外者何其藹然篤至也此尉繚之兵法所以  
鳴後世嗣是以還于漢得李廣程不識于唐得  
郭子儀李光弼不識正部曲行伍而廣行無部  
曲人人自便光弼治師嚴整而子儀寬厚得人  
將士樂從俱為時名將顧譚者每每右汾陽北  
平而左程李其功伐所就亦自懸殊何以故其

御龍子集

欽定四庫全書

十

所得者要不要也譬諸其人耳目聰察手足便  
捷非不可以捍衛其心腹而元氣一不流貫不  
蹶則折譬諸其家僮僕昨指臧獲累足非不可  
以承順其願指而意欲一不符合不叛則渙此  
治兵寬嚴之大較也我國家以龕亂治理名  
將輩出詰戎振武居有勝算邇者以皇威震  
疊四裔効琛遠鄙宴安將士驕惰至使赤籍荷  
戈之徒坐靡國帑弁髦三尺而不顧嬰兒其  
三師威護其伍伯動輒脫中反戈求覓其意



而後已當事者莫敢誰何俛首聽從冠履之分  
倒植為甚此固將術不明駕馭無方之所致其  
所由來亦自有漸矣何者古者卒旅伍兩之夫  
即比閭族黨之衆也居常無事同澤固其交有  
事比戈同其死故其衆易驅也黨正鄭長即為  
伍伯畜夫司牧即為裨帥無事則上下相維分  
誼素定有事各率其屬勿相陵奪故其令易行  
也 國家分建武衛編隸卒伍疆列九塞用固  
我郊保而官有定分卒有定隸臂指相使二百

御龍子集

吹劍草卷之四十一

十一

年于茲矣邇因軍伍流亡羸稚脆弱統袴愚駭  
肉食鄙陋無益于勝敗之數不得已而為募卒  
選帥之令募卒則蒯緱之士皆得以奮袂而請  
纓夫孰曰不善乃亡命駟僮姦宄不逞之徒皆  
得以微跡而匿其中烏合無論矣選帥則號令  
一新旌旗生色壯猷所振士氣倍增又孰曰不  
善顧貪權固位之徒廣結納游聲譽則苞苴潛  
通黷貨利充囊橐則漁獵公行秦越卒伍無論  
矣夫以亡命駟僮之卒睥睨其上苞苴漁獵之

帥秦越其下惟帳鞭弭之間已自隔越不相屬  
貫且也邊計告匱撫賞無措當事者逞逞腹士  
卒脂膏饕犬羊口習將吏承風益肆誅求駕言  
餌敵不顧竭澤致使張參被練之士枵腹待哺  
控訴無由益以激其不逞之心而無所忌能不  
脫巾反戈求遂其意欲也 天子軫念封疆  
深惟 國計親 命廷臣代閱邊實而誅賞之  
意至虛懸為帥者欲塞 明命之萬一使士卒  
親上死長可生可殺而不可使為亂其有它道

御龍子集

吹劍草卷之四十一

十一

哉亦于恩威之間知所先後而已醪有所不必  
分而饋饌必時錙銖無染則士悅牛有所不必  
擊而其苦必同拊摩備至則士悅雍有所不必  
吮而問疾吊喪存卹孤獨則士悅此之謂先之  
以恩所以固結其心志者在是矣或懲于六步  
七步誅無赦或懲于六伐七伐誅無赦左不攻  
于左右不攻于右誅無赦二令者誅留令者誅  
失令者誅必行勿二什長得誅十人伯長得誅  
什長千人之將得誅百人之長萬人之將得誅

千人之將左右將軍得誅萬人之將大將軍無  
不得誅此之謂後之以威所以整齊其耳目者  
在是矣恩以結之于先寬也非所以為地威以  
齊之于後嚴也非所以為雷由是衆志孚合上  
下齊一有弗令令無弗從有弗誅誅無或怨有  
不臂指其使生殺由我者我若茲而謂其猶  
有脫巾反戈之變乎必不然矣然猶未舉其本  
也尉繚子曰國必有禮信親愛之義則可以饑  
易飽國必有孝慈廉耻之俗則可以死易生古

御龍子集

次御龍子集卷之四十一

十三

者率民必先禮信而後爵祿先廉耻而後刑罰  
先親愛而後律其身此率下之要機也大將必  
明乎此而後可以勵士行得士心不則已貪而  
責人以廉已罔上而責人以忠已負國恩而  
責人以親愛我猶曲表而求直影也能乎我

又策

嗟嗟世之譚兵者孰不謂奇正為要機哉顧泥  
其名弗究其用則郢書而燕說襲其跡弗通其  
變則膠柱而鼓瑟篤其術弗盡其神則優孟而

抵掌叔敖也又焉攸濟用也變也神也三者兵  
家之至妙也神以盡變變以制用因機于敵而  
敵不知其所自驟發在我而我不知其所由則  
正也而莫非所以為奇也奇也而莫非所以為  
正也又何先後分合之可言哉孫子曰凡戰者  
以正合以奇勝故善出奇者無窮如天地不竭  
如江海終而復始死而更生其言奇正何蘊而  
辯也曹孟德乃云先用合戰為正後出為奇李  
衛公亦云各認旗鼓迭相分合此皆教閱諸將

御龍子集

次御龍子集卷之四十一

十四

之術耳豈足以盡奇正之變哉兵家者流鼻祖  
于黃帝世傳風后握機文黃帝本法也其言曰  
四為正四為奇餘奇為握機機也者奇者也大  
將握奇于中而四面八向皆取準焉臨敵制勝  
變化莫測紛紛紜紜闢亂而法不亂混混沌沌  
形圓而勢不散所以為奇正之至妙至妙者與  
嗣是而後知奇正者于周得太公望神勢之說  
曲盡兵要如云縱卒亂行以為變坳澤窈冥以  
匿形疾如流矢擊如發機以破精微詭伏設奇



遠張誑誘以破軍禽將四分五裂以擊負破方何者非奇正之互用也下齊得穰苴嚴位一篇妙達兵指如云用衆進止用寡進退衆以合寡則遠裏而闕之若分而迭擊寡以待衆若衆迎之則自用之擅利則釋旗迎而反之敵若衆則相衆而受裏敵若寡若畏則避之開之何者非奇正之互用也于梁得尉繚子其兵談曰兵之所及羊腸亦勝鋸齒亦勝方亦勝圓亦勝重者如山如林如江如河輕者如炮如燔如垣壁雲

御龍子集

卷之四十一

十五

覆兵如總水弩如羊角不言奇正而奇正之理無不備它如吳起所謂圓而方之坐而起之行而止之左而右之前而後之分而合之結而解之黃石公所謂端末未見人莫能知天地鬼神與物推移變動無常因敵轉化不為事先動而輒隨何者非奇何者非正何者非奇正互用之妙理也舉斯以譚是道闡于黃帝大備于司馬吳尉繚畧諸書炳若日星而世將猶多昧之不究厥指安望其神而明之也諸葛武侯于魚腹

沙上以石縱橫布為八行本黃帝方陣之遺法李衛公制陳隅落鈎連曲折相對名為六花亦孔明八陳之遺意但亮變五而為八靖易八而為六耳其陳間容陳隊間容隊四頭八尾觸處為首無弗同也其步數定于地行綴應乎天步定綴齊變化不亂無弗同也二公翹楚後世矣關中風氣剛勁為名將窟藪儻亦聞亮靖之風而興起者乎後先輝映不為無自要亦地氣使然耳干霄之木期于鄧林汗血之駒聚于大宛

御龍子集

卷之四十一

十六

無足多異枚舉其人而評騭之不可更僕數請齒其取挑戰弗出引歸追擊則有若王翦百騎遁敵下馬解鞍則有若李廣欲困先零急擊罕開則有若趙充國收轂堅壁坐敗羌夷則有若班超引兵踵擊夜掩虜營張仁愿之破默啜也悉軍追賊前後夾擊郭子儀之敗嚴莊也誘賊來攻精騎馳擊李晟之收西京也陌刀走險所向無前李嗣業之平勃律也之數公者前乎亮靖侯後而不惑後乎亮靖光前而不媿皆有以

達奇正之妙用識變化之神機謂無得于黃帝之遺意不可也愚生也輒聞于知識無能窺兵家之要眇繼先正之芳躅然肄業所及不無一得之愚請因明問而陳說之可乎夫正兵受之于君奇兵將所自出法曰令素行以教其民則民服此受之于君者也又曰兵不豫言君命有所不受此將所自出也將所自出故變動不居奇正之變不可勝窮以詐立以利動以分合為變其疾如風其餘如林侵掠如火不動如山

御龍子集

吹劍草卷之四十

十七

就得而測之哉已二而敵一則一術為正一術為奇已五而敵一則三術為正二術為奇吾之正使敵視以為奇吾之奇使敵視以為正孰得而測之哉以奇為正者敵意其正則吾奇擊之以正為奇者敵意其奇則吾正擊之如環無端形而無形孰得而測之哉以此勝我庶乎制人而不制于人致勝而莫知所以為勝先代之莫可以髣髴其萬一矣

吹劍草卷之四十

吹劍草卷之四十一

御龍子六十五

有上范守已介儒著

寧夏侯廷珮校

談類

揮塵雅談

劉向列女傳謂軻母擇隣以軻為少孤至今信之按軻強仕後其父方卒非少孤也臧倉云孟子後塋踰前塋樂正子云前以士後以大夫前以三鼎後以五鼎少孤否邪

軻書謂子濯侵衛庚公之斯追之子濯以尹公

御龍子集

吹劍草卷之四十一

一

佗故去金發矢按左傳衛孫林父出其君使尹公佗庾公差追之公孫丁御衛君子魚曰射為背師不射為戮射為禮乎射兩軻而還尹公佗曰子為師我則遠矣乃反之公孫丁授公轡而射之貫臂按子魚即庾公傳稱尹公學射于庾庾學射于丁故庾免其師尹欲不免而取貫臂之禍軻乃謂庾學射于尹尹學射于子濯夫子濯者未知是公孫丁否其庾與尹二書互異果孰為師孰為弟子也然



公孫于未聞喪衛而仕鄭其不為子濯明甚  
庚尹黨逆至而通衛君謂之端人吾不知之  
矣軻之誤筆乃爾

史稱晉景公立屠岸賈為司寇欲討靈公之賊  
韓厥以告趙朔趙朔不肯曰子必不絕趙  
祀于死不恨厥許之賈不請自與諸將攻趙  
氏于下宮殺趙朔趙同趙括趙嬰齊皆滅其  
族朔妻有遺腹走公宮匿生男賈索于宮公  
孫杵臼與程嬰謀匿真孤以他兒死之居十

御龍子集

吹劍草卷之四十一

二

五年景公病卜之曰大業之後不遂者為祟  
韓厥請立趙氏乃立趙孤兒攻殺屠岸賈程  
嬰死之纚纚數千言若有本據按春秋傳魯  
宣公二年趙盾與弑靈公而立成公宣公九  
年成公卒景公立宣公十二年盾子朔將下  
軍與楚戰于邲魯成公二年樂書代朔將與  
齊戰于鞏成公四年盾弟趙嬰通于朔妻趙  
莊姬五年趙同趙括放嬰于齊當是時趙朔  
蓋先卒矣故樂書代其位趙嬰通其妻也成

公八年莊姬為趙嬰之亡故譖于晉侯曰原  
屏即趙同趙括也將為亂樂邵為徵六月晉殺趙同

趙括武從姬氏畜于公宮以其田與祁奚韓  
厥言于晉侯曰成季之勲宣孟之忠而無後  
為善者其惧矣乃立武而反其田夫魯成八  
年乃晉景公之十七年也又二年景公病夢  
大厲而卒是景公十七年始殺同括奪趙氏  
田十九年景公卒矣安得復十五年景公方  
病卜立趙氏邪且同括之死以莊姬之譖也

御龍子集

吹劍草卷之四十一

三

莊姬之譖以私嬰也屠岸賈何與焉當殺同  
括時趙朔先死數歲矣莊姬安得有遺腹將  
謂私嬰而姬而嬰之放諸齊也亦三年矣反  
覆尋繹亡一當情實者史之踈謬乃爾此必  
趙之子孫諱言莊姬淫亂及有穿弑逆故駕  
言屠岸賈以亂其真子長不察采入世家耳  
山海經目後有侍中奉車都尉光祿大夫臣秀  
領校秘書言山海經者出于唐虞之際禹別  
九州任土作貢而益等類物善惡著山海經

晉賢聖之遺事古文之著明者也所謂臣秀乃王莽國師劉秀爾

秀即劉歆改名應麟

其云山海經

禹益所作人皆信之不知經中往往多漢代語謂之出于唐虞之際可乎姑摘一二言之如云柜山有獸名狸力見則其縣多土功有鳥名鵠見則其縣多放士長右山有獸名長右見則其郡縣大水堯光山有獸名猾褊見則縣有大繇禹益之時安得有所謂邵縣也如云狄山帝堯塋于陽帝嚳塋于陰文王皆

御龍子集

吹劍草卷之四十一

四

塋其所大樂之野夏后啓于此儻九代蒼梧山帝舜塋于陽帝丹朱塋于陰夏后啓之臣曰孟涂是司神于巴人后稷之塋山水環之在氏國西帝俊妻娥皇生三身國姚姓黍食成湯伐夏桀于章山克之斬耕厥前夏后開上三嬪于天得九辯九歌以下禹生均國均國生後稷後稷生修齡脩齡殺綽人帝念之潛為之國益雖聖知能知身後之事變乎且不曰夏后啓而曰夏后開避漢景帝諱也禹

益豈諱漢君邪如云淮水在期思北涇水出長城北山山在郁郅長垣北崆峒山在臨汾南少室山在雍氏南一曰緱氏九嶷山在長沙零陵界中貊國地近于燕燕滅之蓋國在倭北倭屬燕朝鮮在列陽東海北列陽屬燕益雖聖知能知後代之郡縣名乎吾不意劉子駿之博綜輕誣益輩如此也

孟子云夫章子子父責善而不相遇也為得罪于父不得近出妻屏子終身不養焉其設心

御龍子集

吹劍草卷之四十一

五

以為不若是是則罪之大者是則章子而已矣按國語秦假道韓魏以攻齊齊威王使章子將而應之章子變其徽章以雜秦軍候者言章子以齊入秦者三王不應頃聞齊大勝左右曰何以知之王曰章子之母啓得罪其父其父殺之而埋馬棧之下吾使章子將也勉之曰夫子之強全兵而還必更獎將軍之母對曰臣罪不能更獎先妾也臣之母啓得罪臣之父臣父未教而死夫不得父之教而



更焚母是欺死父也故不敢夫為人子而不忍死父豈為人臣欺生君哉據此非章子得罪其父乃其母得罪為父所殺爾其父殺母而理馬棧之下章子之心亦大感矣豈其諫父不從為父所逐邪然則出妻屏子孰曰不宜何通國皆稱不孝也

像事鬼神說者謂佛教入中國而後有按漢武帝時收休屠王祭天金人秦始皇帝銷天下兵鑄以為金人十二俱在佛教未入中國之

御龍子集

卷之四十一

十一

先又齊閔王時蘇代謂孟嘗君曰臣過淄上有土偶人與桃梗相與語桃梗謂土偶人曰子西岸之土也埏土以為人至歲八月降雨下淄水至則汝殘矣土偶曰不然吾西岸之土也土則復西岸耳今子東國之桃梗也削子以為人降雨下淄水至流子而去則子漂漂者將如何耳是又在始皇帝之先矣莊子云師偃為歌舞人獻王歌畢眴目招王宮人王怒欲誅偃偃乃剖析其人皆膠漆假合

則面目機發之巧又非後世所能吸特未施之鬼神耳范蠡去越越王以金範蠡像事之其後世嚴祀之始乎

語稱公山弗狃以費叛召子欲往子路曰末之也已何必公山氏之之也夫子有吾其東周之語予每讀至此不知夫子所謂及讀左傳至孔子為魯司寇使仲由為季氏宰遂墮三都於是叔孫州仇墮郈季孫斯將墮費公山不狃叔孫輒率費人以襲魯公與三子入于

御龍子集

卷之四十一

七

季氏之宮登武子之臺費人攻之弗克入及公側仲尼命申句須樂頎下伐之費人北國人追之敗諸姑蔑二子奔齊遂墮費將墮成公歛處父謂孟孫勿墮終不克墮是不狃之叛由墮費激之也墮費乃孔子本意而不狃不從至于稱兵以伐魯君圍于季氏之臺魯之君臣岌岌殆矣當是時不狃召子欲何為乎夫子欲往又欲何為乎吾意召之者將不利于子以洩其忿耳欲往者欲持正論以化

其暴使之戰兵而歸命于君也歸命于君而從其墮則家不藏甲大夫無百雉之城體統正上下安而東周之治可成矣豈至焉臺下之伐姑蔑之敗卒啓公歛之姦萌孰蓋至于公歛處父不肯墮成而夫子之獲不得盡行于三家矣是豈子路之所能知

水經注云侯甲水逕太谷謂之太谷水西北流逕祁縣故城南賈辛邑也辛貌醜妻不為言與之如臯射雉雙中之則笑也按左傳魏獻

御龍子集

卷之四十二

八

子分祁氏之田以為七縣司馬彌牟為鄔大夫賈辛為祁大夫辛將適其縣見于魏子魏子曰辛來昔叔向適鄭駸蔑惡欲觀叔向從使之收器者而往立于堂下一言而善叔向將飲酒間之曰必驍明也下執其手以上曰昔賈大夫惡娶妻而美三年不言不笑御以如臯射雉獲之其妻始笑而言賈大夫曰才之不可以已我不能射女遂不言不笑夫今子少不颺子若無言吾幾失子矣是射雉娛

妻者賈大夫也非賈辛明甚辛雖為祁大夫貌亦不颺原與賈大夫自是二人鄴道元乃合而一之謬妄乃爾

錄異記云平輿縣有仙女墓即董仲舒為母追塋衣冠之所傳云董永初居玄山仲舒既長追思其母因築墓焉秦宗權時或云仲舒母乃是天女人間無墓恐是仲舒藏神符靈藥陰陽秘訣于此宗權令裨將領卒百人往發之即時注雨六旬不止竟施玉不得是歲妨

御龍子集

卷之四十二

九

農因致大饑案仲舒乃西漢時人永為東漢人不得子仲舒恐永子亦名仲舒非對天人三策作春秋繁露者而今不可考矣董女事終涉荒唐或當時偶為邪魅所惑後人附會其說耳

世言老子出關西入流沙莊子乃云老聃死秦失吊之三號而出人以為寓言不信案水經注就水出南山就谷北逕大陵西世謂之老子陵又北流入于渭而水經謂渭水東過槐



里縣南又東北逕黃山宮南就水注之槐里  
今興平縣則老子陵在興平矣與盤屋說經  
臺相近莊言似亦有據而鹿邑志謂老子乘  
白鹿升天故以鹿名邑未知何據鹿邑古苦  
縣也唐宋為真源老子生處

古今詩多用非熊字案史記云今日之獲非龍  
非熊非虎非麋所獲者伯王之輔原無非熊  
字不知引用者何據予意龍非可獵之物且  
與羆虎等不類或者龍字原是熊字形聲相

御龍子集

次初草卷之四

十

近傳寫誤耳近讀竹書紀年正作非熊非羆  
不云龍也

千字文世以為周興嗣編次大王書中字故有  
逸少千文帖案古帝王法書漢章帝草有千  
字文一段二十餘句俱與今文同豈章帝能  
知梁武時事耶抑興嗣蹈用古句耶

韓湘子事仙傳莫之載近世有會造逡巡酒能  
開頃刻花之說謂湘子為退之從子退之命  
湘子種花湘子以盆覆少頃啓盆則牡丹爛

然開矣秦上湧金字二聯云雲橫秦嶺家何  
在雪擁藍關馬不前之句退之不解所謂亡  
何以諫佛骨謫居潮州行至藍關遇雪湘子  
迺邈而來曰伯父憶花上之言乎退之憮然  
為足其韻其詩曰一封朝奏九重天夕貶潮  
陽路八千本為聖朝除弊政及將衰朽送殘  
年雲橫秦嶺家何在雪擁藍關馬不前知子  
遠來應有意好收吾骨瘴江邊人皆信之以  
為人生行藏有定數也余按酉陽雜俎云退

御龍子集

次初草卷之四

十一

之有族子遨遊數年乃還退之問子何能曰  
能種五色牡丹乃于冬月用藥點染其根明  
年果開五色花雜俎段成式所著也其子段  
文昌與退之爭撰平淮西碑則成式正退之  
同時人其記退之事應不妄然曰族子而不  
曰從子曰能種五色牡丹而不曰花上有詩  
句則世傳之妄可知矣又案易叅集前詩乃  
示姪孫湘者湘係韓老成之子登進士仕于  
朝不聞能仙亦不名湘子也今秦嶺藍關間

有湘子洞及祠俱屬謬妄

論語臧武仲以防求為後於魯解者謂武仲據防求立後于魯耳不知為字是武仲兄名非立字意左傳云初臧宣叔娶于鑄生賈及為而死繼室以其姪穆姜之姨子也生紇長于公宮姜氏愛之故立之臧賈臧為出在鑄武仲自邾使告臧賈且致大蔡焉曰紇之罪不及不祀子以大蔡納請其可賈使為以請遂自為也武仲如防使來告曰紇非能害也

御龍子集

欽定四庫全書

十三

知不足也非敢私請苟守先祀無廢二勲敢不辟邑乃立臧為武仲致防而奔齊為字乃其兄名可知當云臧武仲以防求為一作後於魯一作讀乃是况後于魯三字文義自足不可連為字作一讀也

龜策傳云神能見夢于元王而不能自出漁者之籠賢能令人戰勝攻取不能自解于刀鋒免剝刺之患蓋謂卜者必契龜枯骨灼爇以辯吉凶也但臧文仲居蔡歷宣叔武仲三世

矣其間穆卜不一而足武仲猶致蔡于賈使納魯以請後是所居之蔡固無恙也曷未嘗剝刺而灼爇也豈古亦有用生龜以卜如今之撥龜旋轉以求卦影者乎

史記趙世家謂程嬰與公孫杵臼謀匿真孤以他兒死之卒立趙孤兒考之左傳已無是事第所謂他兒代孤者乃召穆公立宣王事或趙人取之以飾其先世耳國語云晁之亂宣王在召公之宮國人圍之召公曰昔吾驟諫

御龍子集

欽定四庫全書

十三

王王不從以及此難今殺王子王其以我為懟而怒乎乃以其子代宣王宣王長而立之是古今之言保孤者當以召穆公虎為稱首而後人不知反重嬰臼而標榜之其誤信趙人之飾詐而未睹左傳與國語也

司馬遷作史記自言采世本國語而不及左傳蓋遷實未見左傳爾左傳漢武時未出不列于博士故遷未之見如后羿篡夏事所關匪細故左傳明甚而遷作夏紀無一言及之



它姓名往往者如以鱗設諸為專諸傳公為釐公之類不可枚舉見左傳者如是乎於乎以子長之材使見左傳而鑄鑄其辭華模倣其體裁所作當不止此

詩言張仲孝友後世不能詳其人乃文昌化書載張忠嗣字仲宣王時繼父職為保氏兄恩允早世仲以其子憐陽嗣兄以慰母心王父母卒仲以孫承子服衰毀盡禮時以孝友稱字而不名尹吉甫在鎬有飛語聞于王疑之

御龍子集

卷之四十一

十四

仲作汚水之什以釋其意及後王心少怠老成之人有翻然而去者仲作白駒之什以刺且勸王留賢及幽王淫醜仲諫之不聽乞骸家居王一日賜酒飲之而死張仲之始末乃見化書雖箕筆所著神或不人欺也

予嘗疑周公無謚似為缺典及讀竹書紀年曰王有疾周文公禱于壇壇作金滕又曰周文公總百官又曰周文公出居于東則公固嘗謚文矣後人偶不考爾文公次子君陳為周

平公

牟子謂漢明帝夜夢神人傳教以為佛帝乃遣博士王遵等入太月氏國取佛經四十二部後人以為此佛教入中國之始案劉向列仙傳曰歷觀百家之中以相檢驗得仙者百四十六人其七十四人已在佛經故撰得七十可以多聞博識者邀觀焉即此則成哀之世中國已有佛經何言明帝時始入中國也又按魚豢魏畧曰漢哀帝元壽元年博士弟子

御龍子集

卷之四十二

十五

景慮受大月氏王使伊存口傳浮屠經則入自成哀之時益信

孫子十三篇今人不知誰氏所作或以為孫武非是按太史公曰世俗所稱師旅皆道孫子十三篇吳起兵法世多有故弗論論其行事所施設者語曰能言者未必能行孫子籌策龐涓明矣然不能蚤救患于被刑吳起說武侯以形勝不如德然行之于楚以刻暴少思亡其軀悲夫是孫子乃孫臏也非孫武明甚

武乃贖祖善用兵不著兵法

卷之四十一

隋藝文志曰夏小正一卷戴德撰後世多以為德書按孔穎達禮記正義月令注疏曰夏小正大戴禮篇名是小正乃夏后古書戴德收于禮記中因為之傳耳非德撰也德聖俱受禮后蒼而德號大戴嘗為信都大傳聖為小戴為九江太守宋集賢院所藏大戴禮板本其前乃云漢九江太守戴德撰亦誤

孟子曰孟賁之死其勇也西施之沉其色也楊

御龍子集

吹劍草卷之四十一

十六

用脩引之以明西施死于破吳之時不隨范蠡去陳晦伯不以為然謂嘉興有語兒鄉世傳蠡送西施于吳遷延三年途中乃生一兒至攜李兒能語矣故曰語兒可為蠡私西施之一証余謂此事誕妄不近情理固不足辨案國語曰勾踐之地南至于句吳北至于樂兒東至于鄞西至于姑蔑廣運百里是樂兒非語兒也且樂兒之名勾踐事吳之始已有矣不起于西施明甚又案曲洧舊聞云鄭州

有梨名曰語兒梨或曰樂兒正與嘉興地名同豈亦西施之故耶

御龍子集

吹劍草卷之四十一

十七

吹劍草卷之四十一終



火劍草卷之四十二

御龍子六十六

消上范守已介儒著

寧夏侯廷舉校  
扶溝李時芳校

疏類

險邪大臣陰結姦黨竄亂 朝政賊害忠

直乞 加追戮以正法紀疏

臣待罪南曹近見邸報該陝西道御史楊四知  
追論已故太師張居正欺 君誣國十有四罪  
奉 聖旨張居正虛心委任寵待甚隆不思盡  
忠報國顧乃怙寵行私殊負恩眷念係 皇考

御龍子集

火劍草卷之四十二

一

付託侍朕冲齡十年輔佐之功今已亡歿姑貸  
不究以全始終麗清馮昕着錦衣衛拏送鎮撫  
司打問尤七着錦衣衛着官校扭解來京今後  
大小臣工都要奉公守正各修職業以副自效  
不必追言往事該衙門知道臣聞之不勝忤躍  
仰見 皇上日月之明洞燭遺姦雷霆之威待  
時而動雖堯舜之罪四凶我 太祖之清姦黨  
亦不是過真 大有為之君 不世出之主也  
不惟臣某私心忤躍 南都群工庶民亦無不

鼓舞歡呼頌 聖天子能燭大姦者臣復欲何  
言哉雖然臣聞燭惡而不正其罪則為惡者無  
復忌憚其人雖死而後之倣尤者益將無所不  
至矣何也見為惡之利而不見為惡之害也  
陛下已洞察張某之姦矣然猶不加追戮不嚴  
根究者意以言官所列徒及其細而未及其大  
威有所待而重發乎抑張某之姦狡譎詭秘如  
鬼如蜮雖以 皇上之明亦或有所未悉乎臣  
請昧死歷數其姦惡之大者為 陛下陳之昔

御龍子集

火劍草卷之四十二

二

召公畢公同受成王顧命敬保元子二人同心  
輔政至二十餘年無少嫉忌此忠臣之極後世  
蔑以加焉者也及王莽欲擅國政忌何武王音  
等軋已陰令侍中甄邯以太后指風孔光劾奏  
武等策免就國由是大權盡入莽手終圖不軌  
載在史冊人共指為陰賊通者 先帝太漸時  
念 陛下冲齡召少師高拱及居正同至 御  
榻前 面命之曰東宮幼小今付卿等輔佐  
是高拱乃同受 顧命之臣且時為元輔不當

輕自斥逐者也居正嫉拱位居已上凡事輒已不得自行其私欲奪其位而顯其柄乃托逃軍徐爵陰結司禮太監馮保揚言高拱欲迎外藩矯傳太后懿旨皇上聖旨逐拱出京當時都下喧傳以為前旨乃馮保令徐爵私自捏為未經御覽先自施行臣不知當時事體竟是何如皇上試取前旨認之果出太后與皇上御筆否耶使果出御筆亦由保等蠱惑聖聰中傷元臣使果未經御覽則矯

御龍子集

吹劍草卷之四十三

三

誣帝命保與居正之罪可勝誅哉夫王莽之逐武等猶以太后指風孔光劾奏而後行是猶知有朝廷也居正乃陰結權璫擅出中旨以逐顧命之大臣此其心尚知有陛下乎且陛下即位去先帝賓天不出十餘日高拱果于何時為迎立外藩之謀也縱云有之果有何證可指據耶昔徐有貞欲貪天功誣于謙王文以此罪竟陷誅戮至今人猶不平居正踵有貞之陰謀仍欲陷拱以族滅之禍此其心尚知有

天道神明哉此居正之違背先帝矯誣陛下陰結中官傾陷元臣大罪之可誅者一也漢京兆尹王章大將軍王鳳所舉也已而劾鳳顯政蔽主乞行策免鳳乃令尚書劾章下獄殺之公卿見鳳莫不側目卒釀五侯之亂日者御史劉臺亦居正所取士也劾論居正有不臣之心此乃灼知其姦故不避知己之嫌飛章攻之爾剛正無私不減王章居正亦襲王鳳故智擬旨下獄奪官削籍亦足以泄其忿矣復因仇家訐

御龍子集

吹劍草卷之四十三

四

奏行遼東江西並加案覈又貽書巡撫王宗載毒苦凌霄煅鍊成獄亦竟死于道路雖覆案之禍成于訐奏而承望風指皆居正有以使之嚴嵩之殺沈鍊用此道也在昔折檻牽裾人主猶能容之况以臣子而殺國家之言官乎此居正之賊害忠直鉗制臺諫大罪之可誅者二也自古姦臣賊子大則欲傾覆國家小則欲顯固祿寵莫不交結宦官內外蒙蔽使人主孤立于上耳目塗塞然後恣其所為無不如意而國家



之禍始不可言故李斯陰謀必委心于趙高史  
高固祿必結納乎石顯自古蓋已然矣通者馮  
保貪佞姦猾竊據內莞收納亡命播弄威福其  
設心不忠路人所知也苟有臣子之心豈忍與  
之同黨哉居正乃深相結納誓同骨肉內外彌  
縫表裏為姦居正稱保有保護之功保稱居正  
為社稷之臣交相標榜搥亂聖聰其兩人稍  
有微勞互擬獎諭之旨誇詡不經炫駭聽聞  
人人扼腕其歷年旨簿可按而考也陛下

御龍子集

卷之五十二

五

試取而觀之與今所觀為人之實果皆相符否  
乎不知居正此心此慮將欲何為此其朋姦樹  
黨盤據壅蔽大罪之可誅者三也禮曰事親孝  
故忠可移于君三年之喪人子所當自盡者也  
故宋劉珙奪情起復疏辭不已誠有見于親喪  
之為重祿位之為輕爾我朝李賢雖曾起復  
然其初未嘗不奔喪也至于應召而起致有  
羅倫之劾當時賢雖恨倫亦謫之為市舶提舉  
而已至今人心猶于李賢不平居正乃聞喪自

若恬不欲去苟有一毫人子之心者必不若是  
愀然也至于某中行等抗疏論列亦欲居正勿  
喪人心而已未有犬罪于居正也乃密囑馮保  
擬旨奪名禁錮終身復杖之于闕下又暗嗾  
旗校加力行朴欲俱置之死地賴有天道不致  
殞滅至于進士鄒元標則死而復蘇者屢矣仍  
復編成窮荒不欲生還此何心哉然尚未死猶  
可說也至于南京傳流訛報假託海瑞姓名  
指斥居正此亦人心不平者之所為爾何由而

御龍子集

卷之四十一

六

知其主名也乃聽信諛佞妄執宣城縣生員吳  
仕期非刑考掠斃于獄中苟有一毫仁心者忍  
若是乎此戚倫賊賢妄殺無辜大罪之可誅者  
四也國家置帥乘障以固疆圉衛民生非為輔  
臣苞苴筐篚之資樹功加恩之地也前代債  
帥之譏猶謂本兵為之未聞關節通于政府也  
至于殺降立威者古人猶重非之况妄殺我民  
濫奏首功上下蒙蔽以徼恩爵之榮乎居正  
乃不思軍饗民命之重與遼帥深相結納遼帥

歲時饋遺黃金動以千計白金動以萬計紫貂銀鼠金玉器玩輦輪不絕于道居正驩然受之不以為異不復計所從來凡此孰非士卒之膏血也朕削既盡武備益弛夷虜一至如蹈虛境鹵畧虔劉際不可言未聞遼帥能整一隊出奇以挫其鋒者既而虜衆稠載出邊乃縱我軍四散搜山遇有避虜平民不計老弱盡數截斬以為首功乃更張皇戰伐飛章奏捷以欺陛下不思遠近耳目可盡掩乎 陛下試召遼

御龍子集

次劄草卷之四十二

七

東父老一詢問之則知遼帥所殺皆我民矣居正既已啗其賄賂不惟不行勘覈復從中揚詡其功風令禮部奏請宣捷因而襲有帷幄之謀徵求 恩廕荐加太師且市私恩濫頒封爵不思 祖宗慎重封賞肯以析圭擔爵之重加此殃民欺 君之姦邪乎昔魯銑志搜套虜計非不忠一通夏言俱罹交結近侍之誅臣謂移此律于居正百口又何辭也不寧惟是兩廣軍門燕有撫輯之責尤非遼東比也居正乃視為外

府簡其腹心任之風令通番舶海市求珍異歲時饋遺動以黃金金盒櫛滿貯明珠非數十篋不已乃聽其襲殺蛋戶妄報功次徵冒錦衣世廕無有敢訐其詐者是豈輔相之臣鎮荒服綏兆民者之所為乎此合汚邊帥流毒庶民欺罔君父濫徼 恩榮大罪之可誅者五也 國家置臺諫之臣所以擊佞逐姦為 朝廷驅險壬而大佞大姦乃往往籠絡臺諫用為已助附我者投之以膠漆異我者擠之于淵阱欲以潛消

御龍子集

次劄草卷之四十二

八

默奪不盡箝其口而不已唐之李林甫宋之韓侂冑賈似道所以久據台鼎而不可移者率是道也日者御史傅應禎朱鴻謨孟一脈等皆一鳴而輒斥矣居正猶慮給事中之多口也乃令其豪奴尤七與給事中李選結為婚姻風選要求同官俱戴居正同官羞之多不從選居正計無所惜乃假薦舉行取以收私黨故事巡按官復 命薦舉有司無不采訪與論者居正乃風各御史具牘請教某也應薦某也應否一一注



亦依而行之由是得薦舉者多居正之私人矣  
至于行取風憲官員故事吏部都察院及吏科  
職掌也居正亦令吏部具牘請教某也應取某  
也應否一一注示依而行之由是得與行取者  
多居正之故舊矣其中雖亦間及英賢以彰公  
道而一齊衆楚不勝謹謹故數年以來無復有  
明目張膽敢指居正一疵者矣此布黨植私陰  
塞言路大罪之可誅者六也 國家置立廠衛  
所以緝姦宄偵反側即漢司隸校尉城門校尉

御龍子集

大綱草卷之四十二

九

之遺制也漢之二職必選名賢居之故李膺為  
司隸而張朔就戮諸葛豐頌城門而堪猛論斥  
所司顧不重哉及王氏擅權乃以王譚領城門  
兵何進用事乃以袁紹為司隸校尉卒禍國家  
為後世明鑒邇者居正當軸亦用其鄉人某掌  
錦衣衛又聽豪奴尤七之薦用革職千戶馮昕  
在東司房掌刑則司隸之職皆居正之心膂為  
之美大監馮保掌東廠固居正之死生骨肉也  
又聽尤七之薦陞總旗龐清為錦衣衛千戶在

東廠理刑則城門之職皆居正之心膂為之矣  
由是都邑之中軍吏小民苟有片辭單語誹議  
居正者無不執繫囹圄中以危禍使輦轂之下  
側目累足敢怒而不敢言居正之心不知欲何  
為也此任用小人布置要害大罪之可誅者七  
也自古姦宄之徒莫不陰結黨與廣布爪牙纏  
綿依附牢不可破而後能盤據于永久章惇蔡  
京之任用群小是也居正明知徐爵以漏網亡  
命之徒竊弄威柄不惟不行案治反命子簡修

御龍子集

大綱草卷之四十二

十

結為婚姻延以賓坐夫以 天朝元老之子孫  
連婚因隸之裔居正亦何取于徐爵哉亦以爵  
為馮保之親密出入 大內得以窺伺 皇上  
起居矯傳 皇上詔旨故構為姻契共行姦私  
爾苟有一毫正大之心肯為此卑污苟賤之行  
乎不寧惟是吏部重地也則用其門生王篆為  
侍郎且令其子敬修結為婚姻于以把持其銓  
衡都察院要路也則用其鄉人王宗載為僉都  
南京六科亦要路也則用其邑人傅作舟為

事中于以辨轄其言官內外布置皆其心腹臣不暇悉數有為國之心者固如是耶此固結黨援分布羽翼大罪之可誅者八也 國家設科取士以羅英賢非以為大臣恩私地也自隋唐以來未聞宰輔子孫濫登賢科者實以 朝廷大公之典苟有臣子之心者不敢自干典刑爾惟宋之姦相秦檜乃陰脅主司私其子孫燔燬至今人唾罵之我 朝陳循王文最為怙寵二家子弟亦止得 欽賜舉人而已不聞主司承

御龍子集

吹劍草卷之四十一

十一

指混以甲科也有之自焦芳翟璵始然亦未嘗敢置首臚以眩 朝廷已而焦黃中奪官翟汝孝翟汝儉奪名俱罹 天討居正乃公然為之不少顧忌初御史向程監湖廣鄉試秉公持正不中居正子弟居正恨之向程恐懼無措送白金千兩求解于封君張文明文明不受反將前金封寄荊州府庫居正又風吏部陞程副使以去程驚怖成疾不愈月而身死此人人所共知也由是鄉會二試無不惟意所欲莫敢抗違而

三子皆登第矣又密通馬保移嗣修為榜眼傳 皇旨以懋修為狀元人生深願而不可必得者皆奪歸于一門是其心尚知有 朝廷乎皇上試于今日取三子面試之果能文理粗通否耶此威脅主司矯誣 上命污穢制科蔑視憲典大罪之可誅者九也自古相臣匡輔國家以因結人心為主本自商鞅崇尚刻薄秦祚以促王安石呂惠卿為青苗手實諸法宋業遂衰時政所係豈淺鮮哉居正竊弄政柄于今十年

御龍子集

吹劍草卷之四十一

十二

注措乖張日甚一日 祖宗時小民逋負屢賜蠲除凡以卹民瘼也居正則嚴為追徵不遺錙銖少有殿課即將有司奪官除名如吳江縣知縣王一言是也由是有司承望風指競為酷苛鞭朴捶楚至不忍言小民不勝痛毒鬻妻賣子以充父負顧天慟哭歸怨 朝廷洶洶然有不安其生者矣興學育才治化之首務也自漢以來未有不廣收博士弟子增廣生員者居正倡為額限之說以禁錮士類至使百不收一



取無望有窮年咕嗶而不獲一隸博士之籍者矣困頓之久流為異途阻小民誦讀之志壞國家作人之風不知居正果何所見而為此也鼓鑄者姦利之源無益于國而有病于民漢之諸臣言之詳矣世宗時姦嵩誤國鑄錢京師至使巧詐之徒盜鑄不已真偽混淆勢不能行小民失業商賈怨痛少師徐階力言利病之原世宗皇帝采納階議為寢其事民稍休息居正學術淺陋復啓獎源計令天下藩郡各得

御龍子集

次劄草卷之四十二

十三

鼓鑄此自古所無之事也夫利柄在上民猶私竊倣為况使藩郡分鑄姦累大開其工匠之夾帶私黨之摹擬假雜橫出不旬日而遍于邑里矣偽錢既多真贗莫辨無知者被誑以人手有見者慮賺而不收一遇交易誼譁立起浸尋不止遂成嘯聚居正不反其本復將無知小民誅斬梟示人心洶洶益為思亂此豈盛世所宜有哉國家經費自有常規固不容靡濫以病民亦不可剋削以病國正德時議減邊餉致有甘

肅之變嘉靖時議減軍糧致有南京之變此明鑒不遠者也居正假節省之名以欺陛下凡各經費無不剋削至使內外衙門手足莫措又議及兵餉亦行扣剋致使浙江操兵歸罪撫臣執縛而毆辱之至今結黨不受軍門節制異志日堅群嘯不已不知終作何狀見今撫臣自養家丁出入擁衛親視操兵有若敵國不敢一加誰何皆居正有以激之也可謂有謀國之忠哉國家田土屢經括筭俱有成額其間灘漲

御龍子集

次劄草卷之四十二

十四

走移欺隱詭寄雖未免有負累小民之患然亦什之二三耳聽民訐首而清理之自足弭姦何至一槩搜括如唐宇文融所為也居正因怙寵奪占民田至數千頃又慮糧稅繁重貽累子孫乃風福建巡撫勞堪倡為清丈之說延及海內遍處括筭因而脅令荊州府縣將伊田稅俱攤撒于小民自遺實糧七十石以沽清貧之名歟誰欺乎由是海內承風騷索不已有司觀望競事苛刻驅逐士民迫若追盜蹂躪禾稼踐若藉

蒙發屋而植表夷牆而引繩百姓翫然喪其樂  
生之願猾胥大俠因緣為姦民心痛恨決于骨  
髓莫不歎刺居正而寢處其皮有為國之心  
者顧若是哉以上五事皆失人心之大者其他  
暴苛不能枚舉俱商鞅之所未為而安石惠卿  
之所不敢為者也此變亂國是流毒兆民渙  
散人心剥落元氣大罪之可誅者十也凡此十  
罪苟有一二不容于堯舜之世况兼舉而並為  
之不臣之心可容誅哉而今已身死不及顯戮

御龍子集

吹劍草卷四十二

十五

其歷年濫叨恩廕賞賚及所私通賄賂冒中  
甲科不可不為之追奪藉沒以為臣子不忠之  
大戒也伏乞皇上大奮乾剛明彰國典將  
張居正歷年所冒誥命官爵錦衣世廕盡行  
追奪歷年所賞金帛衣物器皿銀兩盡數追收  
歷年所受餽遺賄賂珠寶珍異金銀器具盡數  
藉沒其死後所得僭贈美謚一併奪革以彰天  
討併將太監馮保及王宗載徐爵明正典刑以  
為人臣植黨欺君之永鑒庶姦邪知警國

憲常伸而無疆之祚可永保于萬年矣不然  
徒拘保全之名流為姑息之政為惡者見利而  
不見害亦將何所不至哉再照原任少師大學  
士高拱輔翼先帝忠勤正直贊政數年清介  
如一門無苞苴之入家無阡陌之富先帝諒  
其忠赤傾心委任大漸託以顧命庶幾社稷  
之臣也忽遭姦黨竊弄威福逐斥而去致令  
憂鬱抱病以亡沉淪冤抑數年不白亦可痛  
而保與居正仍內外串通減其祭塋停其贈謚

御龍子集

吹劍草卷之四十一

十六

不惟壞國家優禮大臣之典又何以仰副  
先帝之德意使在天之靈豫悅于於穆之表也  
伏乞勅下該部再加查議如果臣言不謬將  
拱補賜贈謚以為人臣効忠者之勸庶善善惡  
惡各得其正而天下為之大悅矣

萬曆十一年二月齋發至京因有阻者不果

上

恭陳治平十二議疏

聞泰山之高不讓垓卷滄海之深不捐細流



此所以成其高深非培塿川澤之所能及故自古神聖諸君莫不廣采芻蕘兼聽通言以為治道萬一之助而懷忠抱蓋之臣亦往往忘其固陋悉心獻納不敢緘默以苟祿也臣查祖訓有云今後大小臣工并百工技藝之人應有可言之事許直至御前奏聞此我祖宗廣開言路之家法超軼前代萬萬者臣待罪松江者六年待罪南曹者三年日靡國家升斗之祿而涓滴莫報瘝曠為多欲吐露愚衷仰荅聖

御龍子集

吹竊草卷之四十五

七

明久矣第君門遠于萬里踈渺小臣無由自達北望闕廷徘徊瞻顧者久之茲因給由赴京得覲天顏快覩熙明之運治化休隆將擊壤謳頌之不暇又何敢芹獻曝上瀆宸聰耶碩私心自念有所知而不言終為自欺況狂瞽淺見或有裨于軍國至計者不少也安可過自菲薄闕過表悖而不披露于君父之前乎又况聖明闕達廣屈羣策安知睿覽之際不嘉納乎一二耶儻蒙采擇雖一言得行

逾三錫而臣子之微忠亦得以少輸矣謹為故條具治平十二議上塵覽鏡惟陛下裁察如果臣言可采乞勅下該部覆議施行臣不勝戰慄待命之至

一議親政書言人君日有萬幾而詩之頌周君也則曰之綱之紀宴及朋友言事無巨細皆躬自綜理以貽臣下之安此君人之大致也我朝自太祖以來如成祖仁宗宣宗孝宗列聖相承莫不躬親萬幾日

御龍子集

吹竊草卷之四十五

八

召密勿大臣入侍便殿相與商確治道嘉予施行迨世宗肅皇帝蚤年承統即奮乾斷親決大議至使佐命諸臣唯唯受成無能獻替于其間真不世出之主也臣待罪松江時曾於故大學士徐階家見其所藏世廟時調旨小票無有不經御筆審定者以此見世廟勵精圖治雖春秋既高猶不倦勤若是未嘗恭默無為逸于任人而已恭惟皇上臨馭以來信任元臣推誠不疑

十餘年間坐享雍熙之化亦云盛矣第深  
居九重未嘗與大臣面商治道日者故相竊  
弄國柄擅作威福未必不由于此賴皇  
上神明一奮乾剛掃除而盪滌之四海之  
內莫不喁喁仰頌聖武矣但旨出禁中  
未嘗至召大臣面議可否昧者或謂為左  
右從御而然恐非陛下本意此無他未復  
祖宗親政之家法故爾伏願皇上深念  
乾斷不可以假手必于已午之際日御便

御龍子集  
次朝草卷之四十二  
十九

殿召內閣一二大臣趨侍殿中或命坐  
款語以洽上下之交徐取諸臣章奏躬親  
閱覽如宜下各部覆議者徑自批行如關係  
大計聖慮未決然後面付閣臣使參酌擬  
旨口奏以聞或賜筆劄使調旨呈覽  
陛下裁決而施行之如或聖衷疲于閱覽  
別命儒臣或給事等官二三員遞直捧讀  
皇上與閣臣同聽而商確之尤為簡便如是  
則謨烈日著聖化益崇儼然與祖宗

列聖相為繼昭矣伏惟聖裁

二議視農自古明王聖主莫不知稼穡之艱難  
蓋以民命國脉之所係也往籍無論我世  
宗肅皇帝深惟國本建無逸殿邠風亭  
于西內歲時常臨其地或觀刈麥或  
觀禾稼其為慮至深遠矣恭惟皇上臨馭  
以來藉田之禮雖行而無逸殿邠風亭未聞  
一至其所不惟稼穡艱難未嘗親觀其勞而  
聿追來孝之思亦或有所未弘也邇者無

御龍子集  
次朝草卷之四十三  
二十

逸殿災意者世廟在天之靈假此以警  
陛下乎方今農祥告正土脉聿興正農人春  
耕之候伏願皇上擇日駕臨西內因  
命主農中官秉耒驅牛啓土播種或召一  
二大臣共觀而樂之亦盛事也至于夏秋之  
際省畝省歛亦復如是不惟有以知粒食之  
原而以之供宗廟備粢盛則明德馨香必  
感格于祖考矣然此特內苑之穡事為  
穡人者必飽食而暖衣康顏而閑步未盡



民之情狀也更乞傳 命侍詔畫史繪寫小  
民稼穡之圖凡水耕火耨暑濕風雨之態與  
夫敝衣糲食餽餉顛連之苦及州縣官追徵  
租賦紐解筮楚之狀一一圖寫成冊各綴數  
語其下以備 御覽則裨益 聖德不為淺  
鮮矣伏惟 聖裁

三議 親蠶夫衣食之源莫重于農桑故視農  
親舍人君所當並重不可缺一者也我 世  
宗 皇帝有見于此既立 先農壇于西苑

御龍子集

卷之四十二

三

復建 先蠶壇于北郊歲 命中宮率諸嬪  
御親蠶其地其為慮尤纖悉也恭惟 皇后  
正位以來未講斯禮實為缺畧方今春和物  
敷蚕事將興之候伏願 皇上勅諭禮官檢  
求故典隨 命中宮親率嬪御往祀 先蚕  
因而觀桑飼蚕嗣是獻蚕繰絲以觀衣裳之  
所自出更 命畫史繪寫成圖以備 御覽  
尤于 皇上垂衣之化有所資補如以北郊  
壙遠不便往還即擇 大內隙地建立蚕宮

以舉盛典尤為便宜伏惟 聖裁

四議舉能我 國家徵舉材能莫重于臺諫諸  
臣而臺諫諸臣朝居郡縣望監司不啻霄壤  
而暮登廟廊乃與 天子公卿力爭可否則  
舉措之際所係顧不重哉我 國家不拘資  
格科貢咸登甚有得于立賢無方之義通者  
故相欲厚其私人乃倡為四一之說不幾于  
膠柱而鼓瑟乎夫人材之器局不一多寡難  
必使甲科而未必材也雖一二分何傷使舉

御龍子集

卷之四十二

三

貢而多材也雖二三分亦何傷要在隨時廉  
察務俾得人而已往歲徵取聞司銓者迎合  
相意必使分數適足無少贏縮至使凡庸之  
舉貢或至濫竿材能之甲科或至遺棄甚者  
偏禱貪鄙之徒夤緣故相之奴僕以求幸進  
而司銓者亦聽其順指氣使不敢依違于其  
間亦可嗟矣未幾水山一消穢迹並露大計  
羣吏之歲斥逐殆盡亦何貴于徵取也又况  
地方有繁簡政事有難易人情有險夷材器

有大小試舉其繁者難而險者什小材而治之矣但倉皇失措而已今郡縣官一無浮議不問其繁簡難易險夷一切以為治行高第而取之稍有浮議亦不問其繁簡難易險夷一切以為備磨而棄之不思取其材器而較量之其相去奚止什伯也此又臣之所未解者不寧惟是郡縣官之臧否莫逃于撫按二臺臣撫按二臺臣日與郡縣官日旋其地上下其議論知之未有不真者今有一官二臺

御龍子集

卷之四十五

五

臣以為賢騰諸薦疏矣先後臺臣俱以為賢騰諸薦疏不止十數矣乃以為不足信而訪諸卿紳又詢之旅客與或同宦地方者若一為不悅者所污蟻即以臺臣為偽妄而置之臣又不知其何說也方今徵取將行所當急議伏願 勅下吏部勿蹈前轍秉公持正務登俊良勿拘泥于分數勿掣奪于羣言庶真材可得無復遺珠之嘆矣伏惟 聖裁

五議禮制夫有一代之興必有一代之典夏商

莫之徵矣周承殷後有周禮儀禮諸書纖悉俱備以為子孫不刊之典漢有叔孫禮唐有開元禮雖體統曲折未合于古亦足以備典制而法後人我朝日太祖以來稽古禮文之事班班可考然未有纂集成書如周禮儀禮者豈非有待于今日乎至于 皇明制書一編臣未知輯自何年其中采掇雜亂辭欠雅馴且大典章大禮儀多缺而不備未可稱為全書往年 皇上大婚時臣嘗偶問

御龍子集

卷之四十五

五

禮官曾有 祖宗時行過六禮典制否對以無所稽核旋繕簿稿而已夫 大婚重典也六禮常經也 祖宗時亦嘗舉行矣乃至無典籍可按而惟憑據乎簿稿亦可慨嘆伏願 勅命禮部及翰林諸臣檢閱我朝行過典禮斟酌刪潤纂集成書其有未備者參考古今擬議成篇類分吉嘉軍賓諸目文依周禮儀禮諸篇上自 朝廷下達士庶洪纖俱備情文兼美然後繕寫刊印以為 聖子神孫



之法程以為百辟臣工之遵守傳之後世亦足以見 昭代經綸之迹 皇上述作之功矣伏惟 聖裁

六議刑律自古臯陶明刑為萬世之鼻祖唐虞三代皆世守而不變至周叔季呂候一取而更之世無議其妄者孔子曰五刑之屬三千是當時刑書科條詳悉纖毫不遺若後世之閭畧也以之明罰敕法亦云備矣乃子產復有刑書之鑄其所以補漏增畧者臣不知

御龍子集 欽定四庫全書 卷之四十二 五

其幾多也何嘗膠守畫一不為變通也我太祖高皇帝殫精悉慮為 太明律一書類分條析洪纖不遺真足為萬世法程何容置喙但人情事變萬有不齊而巧詐橫生奸宄百出容有出于 聖慮之所未及者欲以四百餘條櫟括而科斷之終不能一一召合也故近年以來有比附律條之說夫比附而擬議之誠是矣然而事事牽合條條附會未免移情而就律其事勢偶同有可比附者比之

必也其情態創見出于耳目心思之外無可比附者又將何如以處也况比附律條必待奏請取自 上裁輦轂畿輔之近行之可也至于閩越滇廣北距 都門萬有餘里亦必奏請候 旨裁夾則雖笞杖徒流之罪必因係經年而後得 旨其不死于絏紲者幾希矣伏願 勅下法司聚集精通法律之臣參酌互議各陳律中未備條件擬議應科罪名請自 上裁如果情理允當可與 祖律並

御龍子集 欽定四庫全書 卷之四十二 五

垂永久即 命附于 祖律本條之下名曰增定律條以便引用如或未常不厭詳駁務求精確而後已庶幾頒之內外法紀昭然奸胥不得以舞文罪囚不至于坐係矣伏惟 聖裁

七議蒐書臣見漢藝文志所載古今書籍不下千種而當時儒臣私所論著者乃居其半至于齊魯毛韓公穀諸人訓詁六經者則皆崇尚褒嘉列之學官以為士人之指南甚盛意

也迨及唐宋尤事蒐羅我成祖文皇帝統  
真敷教博采羣言纂集五經四書性理諸大  
全斤長必錄不因人而廢其言可謂兼收並  
蓄超軼前代者矣其後如林希元安民等自  
以著述詣闕恭獻先朝惡其炫鬻發還  
原籍焚其書而杖之蓋以警干進之私非惡  
其著作有犯請議也方今泰運熙洽人文宣  
朗鴻臣碩士役志述作或闡發經義或揚權  
理道或紬繹聖學或著明象數或纂述史籍

御龍子集

卷之四十一

五

或識記典章或發摭性靈或勒成志傳家藏  
珠壁人握璠璣無敢有自獻于闕廷之下  
者蓋懲熱而吹齋見壘而廢食爾恭惟皇  
上崇儒彰教搜羅名書真千載之一時伏願  
勅下禮部布告藩臬諸臣其或地方臣庶有  
所著述無論年月久近簡快大小一切摹印  
抄謄類解內府轉附史館以備他日之采  
擇以著昭代之人文其于治道教化不為  
無助伏惟聖裁

八議蠲賦臣聞聖帝明王之遇災荒也末有不  
蠲除租賦以裕民生者我太祖高皇帝撫  
有凶夏允濬斯仁故今年蠲江南明年蠲山  
東無有虛歲蓋以民為邦本故軫卹之若是  
其勤爾邇年以來災沴頻仍水旱蝗雹之報  
歲無虛日我皇上軫念民窮無不蠲除田  
賦之半或什之二三薄海內外皆仰頌陛  
下如天之仁踴躍歡呼矣但司國計者不  
體皇上至意往往止蠲存留諸賦而不及

御龍子集

卷之四十二

五

于正課夫存留諸賦郡王及宗室祿米也  
府縣官吏俸米也學官生員廩米也衛所官  
軍月糧也孤老丐戶口糧也凡此數者可住  
支不給乎蠲一分則缺一分不知將何以應  
之也故司土者必按追別項銀兩以補存留  
之數是名為蠲免而實未嘗蠲免也不幾于  
虛皇上之惠乎方今國課取盈庫有餘  
積南京戶部一庫亦有白金四百萬兩其在  
太倉銀庫者臣不知其幾萬萬也計其度支



可供數年之用矣乃荒歉地方不肯一蠲正課必錙銖之盡取此臣之所未解也伏願勅下戶部凡遇撫按官報有災傷即為蠲除國賦以蘇民困勿但免其存留徒滋紛擾則皇仁浩蕩天下蒼生幸甚伏惟 聖裁

九議鹽政夫筦山榷海古今不廢善為治者與民休息不操下如束薪可也 國家二百年來講求鹽法不遺餘策其有資于軍國之利亦多矣往年都御史鄔懋卿貪緣故相總督

御龍子集

次編草卷之四十二

五

鹽法乃妄意刻薄立為捕捉私鹽規格行令各處巡司永為遵守貽害至今未之或革臣不知其何說也夫私鹽橫行則官鹽阻塞捕之誠是矣乃弓兵一人每季限以起數又立上中下名目鹽有斤兩船有闊狹人多寡必合正數以上乃為一起其餘為零鹽不零起數有鹽有船無人無船亦不零起數其弓兵一人每季限捉上起若干中起若干起數足者許領工食不足者計其所欠

御龍子集

次編草卷之四十二

三

鹽斤船隻之價扣留工食入官仍問不應得為罪名故弓兵一年甚有不獲一錢白手充役者人亦何樂于為此哉至于狡黠之徒則又其棄工食抵補船鹽價銀而私自誣陷平民挾詐財物假口巡捕公販私鹽以為肥家之計矣此皆立法不善之所致也夫捕鹽之法與捕盜同未聞捕盜人役限以起數不足則扣工食以捕盜賊者也何獨于捕鹽而操切若是耶伏願 勅下巡鹽御史痛革此弊

但令嚴行巡緝勿致踈縱如有地方鹽徒事發在官者方根究弓兵責問罪名庶安靖不擾私鹽亦自可弭矣伏惟 聖裁  
十議稅糧夫任土作貢古有明言而川谷變徙不常土壤肥瘠頓異又不可不隨時有視改易稅額以盡地利以蘇民困者也我 朝洪武時安集流移地有起科不起科之異其後均攤稅糧履畝計課則無不徵之田地矣顧其額有多寡上下懸絕亦視當時之土脉定

其數爾二百年來川澤變為平陸流而為溝渠河洲淤而為膏壤沃野變而為砂磧確服而為菑畲平原廣野俱非昔日之舊矣猶按舊籍而索賦是刻舟求劍之比也臣不暇遠論以開封所屬諸縣言之太康舊有河水之患故稅額最輕畝止八合洧川舊為平行之區故稅最重畝至三升三合此舊則也今則太康河患既遠俱成膏腴歲饒麥豆木綿之利倍蓰他縣猶以八合起科不幾于姑息

御龍子集

次御軍卷之四十二

壬午

乎洧川被濬洧湖陂所淹沒多為沙鹵之區畝收麥豆不及斗斛猶以三升三合起科不幾于厲民乎舉一二縣而餘縣可推矣舉一府而餘府亦可推矣此而不更其舊則富者益富粒米狼戾而不知卹貧者益貧轉徙流亡而莫之顧豈久安長治之道哉伏願勅下戶部詳加酌議行令撫按重臣委官踏視務辨今日之土脉以贏縮其稅額而更定之如或恐滋煩擾但令各府于本屬諸縣錯綜

其數勿失府總之舊勿虧國課之常亦自簡易而不至太擾民生亦得以獲安矣伏惟聖裁

十一議星官周禮保章氏辨星土以察災祥所掌非細故也今之臺官是已春秋以來明乾象者代不乏人至我太祖成祖仁宗宣宗諸聖莫不洞悉三辰親稽象緯以詔休咎尤非前代英君之所能及故當其時時人子弟各精其業無敢有濫竽靈臺下者通

御龍子集

次御軍卷之四十二

壬午

來欽天監官能讀父書者有之守其典籍者有之未有能辨極妖祥如華湘其人者況其他乎試舉一二言之隆慶間客星守傳舍本為夷虜通貢之象應在順義王臺官不知以為守閣道謂為災變丁丑冬蚩尤旗出尾箕間行至斗牛而滅其象為兵其占為王者征伐四方所向克捷應在薊遼吳浙臺官不知以為彗星已卯冬彗出女宿掃墳墓星主有女喪應在楊貴妃臺官不知默默無言夫守



傳舍掃墳墓者不知猶之可也乃以蚩尤旗為彗星至使故相乘机假為除舊布新之說中傷善類引用姦邪其為國家之害甚不淺黜亦何貴于占驗哉方今賢才輩出縉紳隱逸之中必有深明乾象出于臺官之右者陛下試一訪問而招徠之使與臺官講明天官玉曆等書以為占驗之一助其于欽崇天道之意未必無小補云伏惟聖裁

十二議曆法自古迎日推策在璇璣齊七政曆

御龍子集

卷之四十二

五

數之原于此溫觴降及後世講求益詳代不乏人曆法漸密然皆用上古曆元積年月法以求今歲之日至推筭艱難數涉虛謬甚者牽合附會求符經文皆非至當之論唯元郭守敬測影驗天廢曆元而不用法頗精當我朝大統曆實用其術行之三百餘年無少差戾亦云善矣邇者羣臣往往謂歲久數盈漸差天度急當講求更定驗天求合而不可膠于一一定之見不知歲久數盈之說為歲差而

言也歲差之法起于劉倬虞喜何承天諸人蓋以周天三百六十五度二十五分七十五秒一歲日行三百六十五度二十四分二十五秒故冬至日躔歲差一分五十秒積六十六年而差一度此定論也自至元辛至洪武甲子積一百四年積差一度五十餘分故至元辛巳冬至日躔箕九度而元統諸人定大統曆以洪武甲子為始則冬至日躔箕八度矣自洪武甲子迄今乙酉積二百二年積差

御龍子集

卷之四十二

五

三度六分有奇故今年歲前冬至日躔箕四度此則歲久數盈漸差天度之說今曆法中已隨年筭差扣去一分五十秒矣更何俟于修改哉已卯歲河南鄉試策問程文俱不知此而妄為臆說尤可嗤笑也說者又謂邇歲日月薄蝕分數多寡起復方位每每不合以此而疑天度之漸差不知此乃里差之法未之講爾亦非天度之差也則何以故蓋日輪大而月輪小日行高而月行低日蝕者乃日

月會于正交路頭月魄掩日而蝕爾然而掩  
遮有偏全仰視有邪正故南北所見往往不  
同萬曆乙亥京師之蝕未甚而蘇松則晝  
晦星見矣此可歸咎于推步之未精乎大抵  
日蝕南北千里約差一分有奇東西千里約  
差一刻有奇月蝕分數亦當如是但閭射與  
掩遮不同容有不甚差戾者若里差之法不  
講則日月薄蝕之分數起復多有不同終不  
足以解議者之紛紛伏願勅下禮部行令

御龍子集

次朝草卷之四十一

三

疇人子弟講求其故參酌元史各處所測日  
影長短以定里差之分數至于推算之際詳  
開京師該蝕若干分秒某地方某地方各  
該蝕若干分秒京師該時刻某方起復其  
地方某地方各該某時刻某方起復布告天  
下各令瞻望救護則不惟羣疑可解亦足以  
補曆法之未備新昭代之典制伏惟聖  
裁

萬曆十三年二月二十二日具奏二十六

日奉

聖旨該衙門知道

御龍子集

次朝草卷之四十二

三

次朝草卷之四十二終



次劄草卷之四十三

御龍子六十七

消上范守已介儒著

寧夏侯廷珩校  
扶溝李特芳校

疏類

昭雪抑枉疏代作

原任少師兼太子太師吏部尚書中極殿大學士今已故臣高拱妻 誥封一品夫人臣張氏謹 奏為姦黨欺 君計逐 顧命大臣陰謀 陷害致死含冤懇乞 聖明洞鑒孤忠昭雪抑 枉俯 念微勞補 賜贈謚卹典以溥 皇仁

御龍子集

次劄草卷之四十三

一

以慰泉壤事臣夫拱由嘉靖二十年進士改庶吉士授翰林院編修奉 世宗肅皇帝命充 裕府講官侍 先帝于潛邸後累陞侍讀侍講學士太常寺卿吏禮二部侍郎掌詹事府事禮部尚書嘉靖四十二年蒙 世宗皇帝簡授文淵閣大學士入閣辦事隆慶初加少保兼太子太保吏部尚書武英殿大學士尋加少傅兼太子太傅奉 勅知 經筵事總裁 世廟實錄會有疾予告還鄉隆慶四年奉 穆宗莊皇帝

聖旨行取到京以原官掌管吏部事尋加少師兼太子太師建極殿大學士復授勲級柱國特進兼中極殿大學士隆慶六年五月內 先帝賓天臣夫以元輔親受 顧命遺詔見存至六月初十日恭奉 皇上登極首陳五事仰裨新政欲以上副 先帝之付託下杜姦邪之蒙蔽不意故相張居正時與臣夫同在內閣忌臣夫耿直不能容人之過又嫌臣夫位望壓伊不便行私遂與宦姦馮保交結成黨謀逐臣夫是

御龍子集

次劄草卷之四十三

二

月十六日忽傳 兩宮懿旨 皇上聖旨着臣夫回籍閑住不許停留臣夫聞命惶惑不敢辯明奔走還家閉門待罪至萬曆元年正月內有男子王大臣妾入宮禁時被捉獲居正與保乘機欲害臣夫逼令招攀臣夫家人與伊同謀遂擅遣錦衣官校前到新鄭捉拿家人一名赴京拷訊幸賴 皇上神明得不波及臣家而臣夫竟以憂懼愁苦抱病不起至萬曆六年七月初二日病故含冤九泉無由得申矣臣係女流

暗昧無識不知臣夫為時相所忌猶叙生前微勞具奏乞恩不意居正謀換原本削去功次故為迂辭欲以激怒皇上加以不測之禍又陽為伸救以掩其迹幸賴陛下仁慈俯念舊臣准復原職賜祭五壇營葬銀若干兩臣夫九泉之下已仰戴皇上浩蕩之恩啣結無地矣氏復何言但念臣夫在日遭逢熙朝位登三事叨荷世廟簡拔之重先帝委任之專竭忠盡慎久而彌篤治劇剗繁艱險不避其精白之心

御龍子集

吹劍事卷之四十三

三

堅貞之守可以質天地而盟鬼神乃為姦黨所嫉斥逐陷害死而後已復暗換奏本削去微勞上以蒙蔽朝廷下以戒捐祭葬臣夫至今實不瞑目是以不避鉅鉞之誅哀鳴于君父之前謹述臣夫歷官勤勞之跡仰瀆宸聰惟陛下鑒察之嘉靖間臣夫侍先帝于裕邸時值邪說蠱惑世宗皇帝將有奪嫡之議臣夫日夜憂懼百計調護危而後安蒙先帝御筆褒獎有啓發弘多忠貞懷賢之語隆慶間臣

堂管吏部考察朝觀官員悉心采訪秉公黜陟斥罷貪污保全善類一時仕路頓清至于霜降朝審重囚臣夫不徇法司開報悉取獄詞一一參詳開釋冤獄一百三十九名無辜小民咸得末減釋放一時稱平廣東徃寇韋銀豹倡亂蔓延日滋嶺表騷動臣夫揀拔督撫重臣授以方畧不旬月而勦平又建議添設州縣拊循遺民一方沾危之地于是獲安貴州土官安國亨與族類仇殺抗我王師守土者倉皇無措臣夫選

御龍子集

吹劍事卷之四十四

四

擇撫臣授以成算料敵選中其機宜故勘遂致其投順使一隅既挫之人心復就安輯東虜汪住等恃其強衆時侵遼東臣夫舉張學顏為撫臣遵奉廟謀戮力致勝至斬虜酋二名虜首五百餘級奪得夷馬六百餘匹夷甲二百餘副夷器無算胡虜大挫不敢復來者數年北虜掩答久為邊患誘我叛人趙全等分居板升擾我疆圉破我州縣屢屢先帝宵旰之憂臣夫因伊孫把漢那吉來歸力排群議寵以官爵因而結



好俺答令伊縛獻全等九人磔于西市邊境獲  
寧又因俺答通貢求封獨主 國是授以王爵  
至使桀虜效順世為外藩不敢復有異志此皆  
先帝神謀廣運 皇靈震懾之所致而臣夫乘  
時宣力亦効有微勞于其間往牒昭然著人耳  
目其在 先朝者蓋如此至于首受 先帝顧  
命身處危疑恭奉 皇上即位即陳五事杜塞  
姦萌處心積慮無非忠 君愛國之至念臣夫  
何負于 朝廷哉而張居正馮保內外締結陰  
御龍子集 史劄草卷之四十一 五  
肆姦險始而捏 旨斥逐繼而攀陷謀害必致  
死亡而後已又暗換奏本滅其宗莖使憂 國  
奉公之臣不得蒙 朝廷優卹之盛典此氏之  
所以日夜痛心不能已于哀鳴者也邇者 皇  
上大奮乾斷翦除兇邪居正父子俱已伏辜馮  
保黨類又皆斥逐凡被二人所誣害者俱蒙昭  
雪忠良顯遂邪正分明薄海內外莫不頌 皇  
上之神明仰 皇上之溥博矣獨臣夫九泉之  
下尚爾含冤是日月之明猶有所未遍 雨露

太子太師吏部尚書建極殿大學士復奉勅進  
階柱國少師兼太子太師吏部尚書中極殿大  
學士掌管吏部如故隆慶六年閏二月內 先  
帝不豫 召臣夫及原任大學士張居正同入  
乾清宮託以後事執手叮嚀至于再三臣夫不  
勝感激至四月二十四日申時 先帝大漸復  
召臣夫及張居正等詣 寢殿御榻前同受  
顧命至五月初十日臣夫恭奉 皇上登極是  
日陳緊切事宜仰裨新政內列五款大畧皆欲  
御龍子集 史劄草卷之四十一 七  
皇上親裁幾務親覽章奏票旨俱付閣臣奏疏  
不得留中以防中官壅蔽之患為計至忠也乃  
馮保以為不便于己深恨臣夫及原任工科都  
給事中程文等原任吏科都給事中雒遵等原  
任禮科都給事中陸樹德等原任御史劉良弼  
等交章劾保數其無 君恣肆之罪保又疑為  
臣夫所使益恨臣夫而張居正素妬臣夫軋已  
欲共排擠謀奪其位乃與保協謀造為訛言恐  
動內外遂構 中旨放逐臣夫臣夫彼時聞

命惶懼不遑他問歸家日久尚不知其得罪之由久之乃聞其謀緣保與居正誣臣夫有迎立外藩之志也夫臣夫親受先帝顧命感激圖報誓竭忠貞效之陛下旬日之間即奉陛下臨御大位不知迎立外藩之說果在何時乎縱使有之果何人聞知其謀可作證據何事可為左驗乎天地鬼神昭臨有赫保與居正無故而誣人以族誅之罪則亦何所不至哉彼時幸賴皇上神明不加族誅臣人亦且叩恩

御龍子集

卷之四十三

八

私家雖知誣枉無由控訴咄咄含冤而已然保與居正之心猶且不已至萬曆元年三月內有姦細男子王大臣妄入宮禁保與居正復踵初謀唆使大臣攀陷臣夫構去駕帖遣錦衣衛官校前來臣家收縛家人高來等赴京鞫問臣夫聞之不勝駭愕驚怖成疾復賴皇上明察辯釋無辜不至族誅而臣夫則憂懼不已遂成痼疾馴至不起矣此二人者表裏為姦終弄國威陰謀秘計逐害忠良死而後已此亦

中外諸臣所共知也臣夫死時戒臣勿請卹典恐惹禍端臣痛夫淪歿無以老老昏愚仍循舊例具本陳乞保與居正見之不爽內外阻撓復賴皇上明聖俯念微勞賜祭五壇給造墳銀二百五十兩臣家大小感激天恩莫知為報臣夫亦以叩結地下矣復敢何言第念臣夫筮仕三十餘年一念忠赤寤寐不忘歷事三朝勤勞頗著其在世廟時侍先帝于裕邸朝夕進講啓沃功多是以先帝喜悅眷注

御龍子集

卷之四十三

九

日隆其在內閣矢謨陳慮竭盡心力時值邊圖多事南北用兵臣夫揀拔督臣指授方畧由是廣東貴州遼左陝西以次奏功而虜酋俺答亦獻我叛人款塞歸化邊境寧息遂至今日此固先帝神謨廣運之所致臣夫運籌帷幄亦有微勞至于親受顧命不負付託恭奉皇上登極即陳保治之謨區區犬馬之力無所不盡也乃遭二姦構陷誣以不忠放逐陷害終蒙汚名而死臣夫九泉之下實不瞑目矣過者皇上



洞燭二人之姦屏斥削奪大彰 國憲凡為二  
人所陷如劉臺傳應禎等莫不昭雪錄用天下  
之人無不鼓舞歌詠誦 聖天子日月之明也  
獨臣夫之寃尚未昭雪是 如天之仁猶有所  
遺而未遍此臣之所以不避鈇鉞哀鳴于 君  
父之前也伏乞 勅下該部再加體訪如果臣  
言不妄乞將臣夫心迹昭示中外應得 卹典  
照例補 賜廢忠直不至含冤九泉之下亦知  
啣 恩思效犬馬于再生矣臣激切哀鳴冒瀆

御龍子集

吹劔草卷之四十三

十一

天聽不勝戰兢頓越之至

吹劔草卷之四十三

吹劔草卷之四十四

御龍子六十八

消止苑守凡介儒著

事夏後氏吳佩校

表啓類

賀 皇子表

伏以 麟趾肇瑞首開 主鬯之祥 熊夢協  
占載睹 懸弧之慶 天潢方衍 帝祚彌昌  
合神人以騰懽遍臣民而胥悅恭惟 皇上  
純仁至孝 德澤洋溢于華夷 聖武神文  
謨烈光昭于 祖考 刑家而化成穆木慶衍

御龍子集

吹劔草卷之四十四

一

後昆 錫類而祥谿螽斯芳流少海肆當萬寶  
告成之日適協一索得震之祥 華渚流虹符  
金天于少昊 斗樞繞電毓祁野之景雲日馭  
適臨于太微香飄 蘭殿月華正輝于南斗瑞  
靄 瑤齋此誠 皇天篤祐之隆而實 社稷  
靈長之兆也臣某躬逢 舜孝父致祝于熊羆  
仰荷 堯仁喜有承其七鬯觀前星之耀彩歡  
動山呼瞻 少微之呈暉欣同雀躍伏願 元  
良繼體永為萬邦之貞 皇穆宜君益篤百世

之枯疑 景命而有僕丕顯丕承歷 萬壽以  
無疆善繼善述臣無任抃躍歡欣之至

賀大司空潘公榮晉 宮保啓代作

伏以八座名高威望特隆于烏府三台位重  
恩光尤賁于 青宮晉錫自 天簡在惟 帝  
共仰懋官之寵莫勝頌德之私恭惟臺下湖山  
孕秀若雲鍾靈間世而生德望久孚于海寓應  
時以出勲猷更著于河漕自馮夷之不仁潰我  
瓠子而支祈之為虐拒彼淮濱國家每重南顧

御龍子集

八次初草卷之四

二

之憂舳艫屢屢北輸之苦惟我公之天啓夢遇  
玄夷追大禹之神明書尋宛委宣房築而波澄  
汶泗萬艇雲連淮甸清而路接江湖千帆雪擁  
是以 帝心之簡任特畀官保之崇班望已重  
于司空近少海而愈潤權猶攝乎執法傍前星  
以增輝固將榮晉乎台垣行看功懋于宗社矣  
某恭聞 榮命不任私衷謹輸芹曝之誠用彰  
綸音之寵伏惟炤鑒不勝屏營

賀張相公壽啓代作

伏以 黃閣風清八柱偕天而罔極 彤庭日

永三朋應地以無疆睹景曜之蜚輝感僊壽之

增算 君民胥慶遐邇同懽恭惟閣下降神自

天鍾靈維嶽當五百年名世之會鵲首聚日月

以誕精膺 十二朝贊化之司荆襄滙雲臺而

浴日功高伊傳調玉燭以輝煌業並召周絢金

甌而燦爛家共沾 九重雨露千古之 寵渥

獨優仁愈布四海陽春萬姓之詹依彌切邇者

辰逢初度時際六陽先天之卦氣方隆仲夏之

御龍子集

八次初草卷之四

三

月暉初朗壽曜聯南極海寓騰懽 台光映紫

宸天心錫嘏是誠欽箕疇之全福亦且延鶴算

之遐齡者也某叨荷滋培久沐門牆化雨思傾

涓滴遙瞻瑣闥喬雲恭遇昌辰敬伸私悃願天

蘇之順養與君德而俱新荷 帝眷之綿延固

宗祊于不替下情無任感激抃躍之至

賀蒲州相公壽啓代作

伏以 壽曜聯暉景度載昌于 紫府僊齡益

算瑞靄重溢于黃樞荷 帝祉之駉臻共延國



脉萃人心之懽悅遙動海隅恭惟閣下河華鍾  
靈尾箕誕化龍翔鳳躍材空冀北之群孔思周  
情德重斗南之譽五色絲綸輸鳳閣補帝來  
以輝煌九重密勿近龍顏輔泰階而平正是  
誠躋斯世于仁壽之域氣轉洪鈞罔黎庶于雍  
熙之隆治同太昊者矣茲值誕賓之候寔懸孤  
矢之期景曜重暉露清僊掌之皓月嘉祥協應  
滿分太乙之青蓮寶樹臨風霞觴綺繄爛之舞  
僊藜炤閣黃扉動星宿之未斯慶協于天人

御龍子集

吹劍草卷之四十四

四

而福隆于家國者也載考蒲州之往昔厥惟關  
羽為挺生今我公之誕降與之同辰斯前賢之  
聲華難以擅美則夫勲猷之橫被于海宇而名  
實之俱敝于天壤者夫豈偶然之故哉某久荷  
陶鎔思深銜結恭遇享嘉之會莫已抃蹈之私  
敬祝長年特修短啓下情無任激切懽忭之  
至

賀冢宰王公晉 宮保啓

伏以班聯八座冢宰獨運銓衡望重三台師保

尤關輔導名通鶴禁一人之寵賚維新位壓  
鵷班百僚之瞻企愈肅遙睹黃麻之重共慶紫  
誥之榮恭惟台下挺生澤潞材空冀北之群鍾  
粹寔沉德重斗南之譽善政肇跡于卓魯鴻猷  
紹業于皐夔兩典國儲三賦餘九年之積重登  
材館百鳥收一鶚之英水鑑無私早精識于裴  
儉權衡不爽邁直諒于韓琦在銘黜躍冶之金  
浮薄者遁跡暗投識夜光之璧奔競者寒心是  
誠為國家而樹人功云懋矣抑且簡材賢以事

御龍子集

吹劍草卷之四十四

五

主忠曷加焉是以受知遇于一人渙綸音于  
三錫借青宮弼直之任位進台階冠左棘鵷鷺  
之行光及泉壤茲固當守報功之懿典而實  
我公得君之殊榮者也某幸同枌榆久藉陶  
鎔之化恭閱綸綍莫勝抃躍之私謹輸葵心敬  
修芹獻伏惟炤鑒無任歡騰

賀大中丞壽啓代作

伏以栢府風清景曜開中天佳氣桑弧日暖昌  
辰協間世靈圖偕三壽以作朋岡陵並峙欽五

福而聚順朝野同歡恭惟臺下尾箕誕化彭  
鍾靈齊譽望于斗山 朝紳注目振綱維于廊  
廟海寓歸心葆餘含真 台光偕天而罔極育  
神抱一山嶽應地以無疆際此清秋恭逢景度  
桃未碧海千年種瑞滿庭階露探金盤百尺莖  
光浮杯竿金飈動而白帝命駕遙傳太華之青  
蓮紫氣浮而青鳥遺音共覩瑤池之玉醞猩唇  
鶴髮不湏藥餌駐童顏雪齒霜瞳應向蓬壺傳  
秘訣此誠 一代之元老而慶協乎天人百世

御龍子集

卷之四十四

六

之耆英而福流于家國者也其材同樗櫟叨負  
荷于栽培藥匪參苓終無功于滋助昌辰喜邁  
莫遂籠鵠之忱盛美躬逢聊伸賦鶴之悃願天  
庥之滋至繇壽筭以無涯道協泰階輔 皇圖  
于勿替位隆台鼎流慶澤于不窮下情無任歡  
忭踴躍之至

賀相公晉少傳啓代作

伏以紫禁清嚴惟公孤叅天而運化黃麻焜耀  
假爵命彰德以酬功 一人之寵賚維新八

柱之勲庸愈顯 君臣道合遐邇歡同恭惟閔  
下道同伊傳德冠夔龍輸五色之絲綸功存補  
衮侍 九重之鼎鵠志切調羹獨 一人于道  
德之隆觀耿光而揚大烈措國家于磐石之固  
輝玉燭而絢金甌是誠懋無前之偉勲所當膺  
不世之 天寵茲者 帝心簡在綸音特賁于  
黃樞 爵命加頒 台階並聯于紫府此國家  
報功之典矣而人臣摠忠之大效也某忝附粉  
榆恭逢嘉美仰羨遭逢之非偶不勝慶幸之獨

御龍子集

卷之四十四

七

深謹効區區聊申款款伏惟 台鑒揮存無任  
忭躍之至

元旦上相公啓代作

伏以四序回春璇衡周天而筆運三元履始福  
疇協 帝以維新慶合天人歡同遐邇恭惟閔  
下德函元始力轉洪鈞育赤子于春臺八紘戴  
赫煦之化回玄精于斗柄五炁順寒暄之宜冬  
日之愛方殷陽春之澤愈普茲者辰逢元朔福  
履方新日麗三陽亨嘉彌暢 帝眷隆而倚毗



愈切 天寵渥而敷錫無方某微同州莽久藉  
化日滋培寒並幽陰幸際春風披拂擬獻椒花  
之頌媿白雪與陽春思稱栢葉之觴望紫樞如  
玄闕恭修短楮敬達微衷伏惟 矚鑒下情無  
任忭躍慶幸之至

賀少宰啓代作

伏以 天成八柱運五氣必藉于斗衡 歲歷  
三臺統百宮寔班于槐棘 一人之寵綏方渥  
三事之傾向允隆道際風雲歡同朝野恭惟台

御龍千集

卷之四十四

八

下神由嶽降材自天培蚤掌銓司卑精識于裴  
儉繼登栢府邁直諒于王恬信百僚之師模為  
九重之心脊倚毘方重歲承 三錫之榮 眷  
遇允新時擅六曹之選茲者重登材館藻鑑懸  
而奔競寒心秩佐 天曹銓衡設而浮薄遁跡  
暗投識夜光之璧明並韓琦在鎔黜躍冶之金  
心同師旦不惟為 國家得人之慶抑且延君  
子彙征之期也某樗櫟庸材久藉春風之披拂  
葵藿微念長隨陽日以周旋恭睹 寵榮私切

歡忭謹摠誠于芹曝思報德于滴消無任忭躍  
慶幸之至

賀申相公啓

伏以運啓文明鳳毛絢綵于額俊福緣善慶驥  
足接武以空群歡同朝野喜動儒紳恭惟 閣  
下 謨同益稷 道重伊周輸五色之絲綸功  
存補 衮侍 九重之昂鴈志切調羹弼一人  
于仁義禮樂之隆覲耿光而揚 大烈奠九鼎  
于磐石苞桑之固輝玉燭而絢金甌教重義方

御龍千集

卷之四十四

九

庭列謝家之玉樹名成甲第汗灑杜氏之神駒  
搏羊角而圖南豈曰日邊紅杏超馬群于冀北  
非因天上碧桃某恭睹賢書歡寔同于雀躍欣  
逢盛事情莫已于鵠鳴伏願元愷重登一門皆  
天朝之羽翼慶龍接武三事弼 帝社之靈長  
下情不任忭躍之至

賀許相公加官保啓

伏以 鶴禁森嚴 師保功存輔導 龍圖清  
切 文淵職重絲綸 一人之寵渥方殷百僚

之瞻企愈肅 君臣道契遐邇歡同恭惟閣下  
謨同益稷 道重伊周日侍講筵功素隆于啓  
沃久恭 密勿忠尤懋于謀明茲者采群議以  
定 方中永延 聖壽辯三壤而營 玄闕載  
固 宗枋用簡在于 帝心特晉錫以 寵命  
位隆黃閣動大乙以然恭班接 青宮望少海  
之流潤此國家報功之盛典人臣受祉之殊榮  
也某等竚留京葵傾 魏闕睹綸音之弘播  
不勝揚眉仰 帝寵之荐加曷能結舌聊摠悃  
御龍子集 卷之四 十

謝慶王啓

恭惟 殿下 德播春溫 慶迂日麗 仁義  
洽于河朔 風廣被于岐豐茲 履三元益欽  
五福某空懷曳裾之誠未遂頌椒之念遠辱  
教令 寵逾百朋兼 惠隆施 榮同三錫登  
嘉敢忘乎九頌銘 感欲遍于百骸謹具啓稱

謝無任盤辟之至

壽姚直指啓

伏以 壽曜聯輝景慶載昌于 栢府 僊齡  
益算瑞霽遙布于 烏臺 慶協天人歡同遠  
邇恭惟 臺下 神由嶽降 德本天成 繡  
斧宣風 威稜澄清八水皂囊飛雪 彈壓鎮  
重三秦茲者 辰逢初度時際三陽先天之卦  
氣方隆首歲之月輝幾望祥開南極絢彩增麗  
于鼇山春布東皇釀酥載盈于海屋某濫荷

御龍子集

卷之四

廿

陶鎔歡深抃躍為此春酒莫遂稱觴之私載獻  
明尊共效龍鵠之悃伏惟 台鑒揮存無任慶  
幸之至

賀梅中丞考滿啓

伏以 鴻猷久著屬當及瓜之期 鳳詔遙臨  
忽迂采菽之寵 丹霄篤眷紫塞騰歡 節鉞  
彌光鹽梅可待恭惟 台下 天人偉畧 匡  
濟宏才功名夙著於薇垣位望薦隆於 栢府  
五兵不試莫西郡於金湯一矢靡遺固北門之



鎖鑰 乘旄已幾三載輸琛無異一時威振窮  
荒允矣文武之吉甫聲稱絕域展也屏翰之申  
侯茲者 崇勲上徹於 九重 賚予特隆夫  
異數錦文飛露色映六銖之奇玉檢絢霞光重  
百朋之錫肅衣冠而虎拜鼓將士以龍驤氣溢  
吞胡志存報 主其夙欽 虎畧快覩 龍章  
喜受饗於一朝懋膺多祉願顯陟於八座日近  
三台空切雀躍之心莫逐鳧飛之願敢將芹獻  
用抒葵誠伏惟 昭鑒無任積私

御龍子集

大初章卷之四

十一

饒姚直指啓

伏以 繡斧宣風八水仰 澄清之化 阜囊  
蜚雪百僚荷 栽培之私恨臥轍以難留 星  
輶既駕思負弩而莫遂 祖帳弘開恭惟 台  
下 材空驥北之群 名高栢府 德重斗南  
之譽 望重烏臺驄馬入三秦墨吏望風而解  
綬豸冠臨二華潢池向化以歸咍 政已成于  
期年 念切畫錦材復收乎群品章微 宸旒  
職等共荷 甄陶忝作 門牆苑李倏違 恭

履莫遂筐篚玄黃念驪駒之在門魂銷渭樹酌  
綠蟻以盈竿誠竭野芹伏 賜儼臨不勝榮躍

賀曹中丞啓

伏以 功成紫塞 一人之寵渥方殷 名動  
黃樞 三世之光榮愈赫歡騰八校喜溢百僚  
敢獻葵心用輸芹曝恭惟 臺下尾箕誕化材  
空冀北之群河漢連鑒德重斗南之譽 符分  
銅虎坐令沙海塵清節秉黃旄佇見王庭跡掃  
金城之籌策纔展威動先零玉門之鎖鑰方嚴

御龍子集

大初章卷之四

十一

魄奪谷蠡三年考績足稱 國士無雙四陲論  
功敢許 勛伐第一惟 帝心之簡在銘在大  
常故 天語之鋪張光垂信史 紫泥金簡  
恩光重賁于宗枋玉樹蘭芽譽髦無收于璧水  
此固 國家勸功之懋典而實人臣遇 主之  
至榮某久藉栽培睹 床光而空切舞抃常思  
啣結遇 盛美而莫罄揄揚敬篚玄黃聊摠赤  
素敢拜使而恩典謁特削牘以上 閣人伏冀  
照原不勝欣躍

端陽與軍門啓

伏以 朱明景麗朝那秋色借龍標 紫塞塵  
清河朔歡騰虎帳敢摠芹曝用薦蒲觴恭惟  
台臺 三晉人豪壯猷震瓊裘之膽 兩朝元  
光重望固鎖鑰之防月明青海磯頭普天絃誦  
雲平黃榆塞裏遍堊桑麻茲者節屆天中艾虎  
風高 玉帳辰逢地始綵絲光映麟袍收賓從  
于五原欣睹穿楊之技簡軍實于七校爭觀奪  
錦之雄某等辱藉 包荒免行吟于澤畔恭逢  
御龍子集 吹簫草卷之四 古一

與各院新正啓

恭惟 履端伊始歲序更新 道協陽亨福隨  
泰運 籌驟添于海屋 頌更獻于椒花某遥  
被 春風思炙 化日心同葵藿屢擬拜舞于  
台階身絆羈銜莫遂趨承于 烏府謹頌小吏  
代叩 聞人統惟原照下情無任瞻馳依戀之

至

賀中丞梅公生子啓

恭惟 台臺 麟趾肇祥孤矢光騰虎帳螽斯  
衍慶繡綬瑞映龍沙驚玉燕之投懷歡騰榆塞  
睹神駒之出水喜溢秦關某辱荷 陶鎔常效  
華封之三祝情深抃躍還期陳寔之二難莫遂  
堂皇之登欣觀 雛鳳遙聞 湯餅之會敬獻  
羔羊伏惟 揮存無任慶幸

賀撫臺王公生子啓

御龍子集 吹簫草卷之四 十五一  
伏以 麟趾呈祥繡綬光生八水 鳳毛毓秀  
桑弧色借三峯遐邇同歡家邦胥慶恭惟 台  
臺 德秉乾亨保釐仁浹西土道叶泰運 節  
鉞威震北胡雖 孫枝之向榮人傳寶樹而  
蘭芽之未茂久思國香豈知天上石麟化作懷  
中玉燕殊水為神玉為骨允矣河岳凝精力能  
跨竈氣食牛信哉尾箕誕化詎云紫成弓治真  
堪武繼夔龍某聽雛鳳之和鳴情深抃躍覩長  
庚之燦爛喜溢篇章思錯寫乎弄璋聊陳辭于



饋鯉下情無任欣忭舞蹈之至

與軍門防秋致餽啓

伏以 虎旅雲屯左甄震疊衆之膽 龍韜電掣前茅犁老上之庭瞻 上帳之遙移風清沙漠聽聰珩之臨蒞波偃洪河恭惟 台臺 三朝元老 一身係四裔安危 八座名流 孤忠為百僚師帥 固北門之鎖鑰雲靜黃榆鞏西塞之金湯月明青海呼韓邪崩角稽首已空幕南之主庭燕然山勒石刻銘欲掃塞北之

御龍子集

卷之四

六

鬼窟顧既濟猶謹衣衾乃未雨不忘綢繆時屆三秋恐遺孽猶然南牧戒茲六旅伏 皇武欲用北驅 班劍移而七萃雲仍魂搖谷蠡 轅門動而萬竈霧擁膽破休屠某等材嫺蒯緱柳渾之邊計識惟毛穎仰克國之師貞敢輸芹萍之私用伸葵藿之敬壺餐莫効贏庖聊班知吐哺之不遑懷同公旦助投壺之雅行功比登導下情無任瞻企顙望之至

與張先生啓

仰藉 鸞膠重諧鳳卜牽紅絲于繡幙敢忘月下赤繩飲玉漿于藍橋追念舟中儔侶况係名閥齊眉寧異孟光喜得淑媛莫繁堪同季女詩題紅葉篋裡珍藏藥搗玄霜人間記憶謹用不腆之幣聊酬不世之恩伏賜揮存無任抃躍

回張觀察啓

恭惟 台臺 名高九牧 望重三台 樹懸伐于封疆 垂鴻名于竹帛北門鎖鑰西塞金湯已不敏謬備末寮恭承 嘉惠將玄黃于筐

御龍子集

卷之四

七

篋巧奪天孫代尊疊以朱提珍分公帑謹三肅而拜 命嚴九頓以登嘉敬裁短章上答 洪

與潘府啓

恭惟 殿下 含英咀華 敦仁服義 同東平之為善 比河間之嗜書某久慕高風未瞻德宇徒懷芹萍之 獻久稽承筐辱先 金玉之音遠同加璧銘鏤何既揚厲難工一念謹放于曝背寸心祈 鑒于采封下情無任屏息

至

回申觀察啓

斗柄回春普天胥慶 鳳曆載紀率土同歡惟  
邊陲之宴然斯椒花可以獻頌賴鎖鑰之鞏固  
庶栢葉得以傳觴有脚 陽春爭睹來從句注  
無邊 光霽喧傳布自樓煩已欲薦萊盤未裁  
尺素辱 頌屠蘇之資感深肺腑無裕桃符之  
費銘在心胸九頓登 嘉三肅拜 命聊陳短  
楮附 謝洪私

御龍子集

吹劍草堂集

木一

回潘府啓

泰亨伊始 台祉方新獻 頌未遂椒花傳觴  
先承栢葉 榮施無既感荷何勝九頓首以登  
嘉三肅使而 賜屬聊裁短啓仰謝 鴻庥

賀潘王壽啓代作

伏以玄英御節屬 壽域之初開南極呈祥正  
福疇之時歛瑤光翕赫乍滿壺山淑氣鬱葱  
臨丹水光益增于 玉牒慶更衍乎 天潢恭  
惟 殿下 德邁東平為善而最樂 賢如北

海異政以相諮書成鴻烈之篇不羨雲間大吹  
賦比洛妃之句寧云波裡塵生 初度再逢喜  
修齡之方引 繁祉愈錫知 天祐之重申絳  
雪玄霜樂來仙品碧苑玉蕩羞列奇珍鳥復降  
自瑤池籌乍添于海屋其萃瞻 德宇喜際昌  
期遙懷籠鵠之忱莫遂稱觴之願獲稻而為春  
酒介壽自比于邠人陳辭而贊德馨致敬願同  
乎祝史伏惟 揮頓無任榮施

回關中諸僚啓

御龍子集

吹劍草堂集

十九

竊惟下走舊點 末班隨牒覲 天顏因采新  
于消上除書下 帝里遂須轡于汾陰戀戀綈  
袍之思寧忘張祿翩翩湖海之逝媿比陶朱華  
萼樓前沉香亭畔臨風幾度關心長楊宮裡細  
柳營邊對月數番回首萍跡浪遊于三晉葵心  
常向于五陵旣七襄之終日未有 報章阻兩  
地以經年徒懷結草冬深絳帳誰憐首荷盤空  
夜冷青氍自擁臯比座穩凍雲低句注如何比  
露湛金莖飛雪暗虎祁終須讓皇明玉女解順



無自投袂何時 璫函忽下珍重何翅百朋  
映貺重頒寵渥寧同三錫賸 朱提之晶焚感  
同拱璧撫 紫磨之焜耀價比連城謹九頓以  
登嘉用什襲而愛護聊裁短劄仰 謝鴻私祈  
轉呈 列位老先生望 均鑒一介公麼子

御龍子集

吹劍草卷之四十四

干

吹劍草卷之四十四

吹劍草卷之四十五

御龍子六十九

浦上范守已介儒著

寧夏侯廷鼎  
扶溝李時芳校

最注

吳善言

時為蘇州知府

器量恢宏才猷卓練溫潤若離璞之玉洞達如  
懸空之牕汪汪千頃陂襟懷浩無涯涘皎皎三  
秋月心境煥乎光明振法紀以摧奸跳梁者聞  
風而歛足推衷赤以馭詭突梯者望采以革心  
清徑編均賦額媮民之飛灑影射莫能售披案

御龍子集

吹劍草卷之四十五

一

牘閱文移黠吏之旁隙曲竇無所容獄折片言  
懸鑒緝囂囂者之喙冗裁百費持衡熄侵冒者  
之思處衝劇遊刃無難治刁頑指掌斯易首剡  
光三吳之薦疏口碑遍四郡之縉紳

居守

時為蘇州同知

資度簡重才識詳明司海防振作有方翫惕者  
為之厲氣給軍餉清查得要儆冒者悉爾潛踪  
屢署罷城在在發姦摘伏久褫剝郡人人樂便  
稱明操持則冰蘖騰聲運量則尺繩足準信

篤而無偽寔鎮靜以有為

史訓 時為蘇州同知

器宇溫淳才猷明練操持雅潔一塵不到於庭  
除敷施周詳百務咸諳於胸臆督開河港莫辭  
歷閔之勞形監兌糧儲切禁貪漁之肆志法紀  
嚴而飭散之吏縮頸鞠獻審而徃行之芋懸心  
肆載滇中懋著卓拔之績二政吳會益弘奇特  
之猷

劉介齡 時為蘇州同知

御龍子集

卷之四十五

二

敦樸資度明練猷為雅操堅於淬礪之深卓識  
弘於閱歷之久馭吏則鈐攝有要滑稽者蘊心  
緝盜則捕禁多方剽掠者褫魄清查戎伍勾攝  
不濫於平民署理衝城運量克集乎冗務利器  
能堪盤錯雅量不計窮通

周裔登 時為蘇州同知

資性明快器局安閑佐大郡欵播聲猷署罷邑  
多撫康濟查庫吏之侵冒抱蔓者縮手而就刑  
懲與皂之積奸濫竿者嚮指而避禁催科不避

怨謗逋負多完問斷不阿豪權冤抑必理迺實  
心而任事匪飾外以沽名

赫瀛 時為蘇州推官

修整雅度揮霍奇才襟懷如玉壑水壺洞然瑩  
徹器宇若寒潭碧月晬乎清明莖仕而諳練民  
情刃偏遊於官繁蒞官而精察吏弊目可矚乎  
肺肝雷厲風行胥吏之儇訥者削跡震擊電照  
訟獄之囂詖者輸心披紛牘若振蒙案無留疑  
決疑讞如執券冤多雪除清操厲於水霜宏才

御龍子集

卷之四十五

三

追乎騏驎

陳大統 太倉知州

軒豁器宇明練才猷裁冗費則節省獨多民脂  
頓免朘削積牘則沉閣俱理吏膽自爾驚搖  
議圖頭以催徵村落不擾查糧役之侵欠逋負  
多完法紀振而衙門之積蠹潛銷操持潔而庫  
帑之常羨盡革鞠審明悉珥筆者莫售其奸交  
接謹嚴懷刺者難獻其詐寔有為而有守更宜  
民而宜人



郝國章 吳縣知縣

沉潜器度明練才猷操持嚴而供應咸裁一塵不染按閱速而案牘俱理百務維新問斷曲盡人情犴狴無額天之怨防範深絕吏弊衙門除倚社之奸微輸有條一方課賦獨最勾攝不濫肆境民物咸寧履任方新蜚聲已遠

李堯民 長洲知縣

驚拔卓識敏練弘才剴刻繁迎刃立分案不留牘理囂囂縣鑑坐照獄無遺情厲精不間於昏

御龍子集

次劍草卷之四十五

四

朝百務咸歸振刷防範特嚴於左右群邪悉聽麾鈴議輸納洞見弊源催科寓乎撫字裁供應固塞利竇渾厚藏於精明華譽已宣卓績必著

申思科 崑山知縣

丰度端凝才猷明練出真心以當事注措不尚浮文勵清操以律身徵收嚴革餘羨頓嘆不苟與皂畏若神明撫字著勞鰥庶戴如父母審編裁濫免之例弊絕風清問擬熟比附之條情通法盡察奸慝而孤假者遠斥衙門之弊窟潛消

懲侵欺而蠶食者盡除糧里之蠹數漸熾薄書親校厲精不怠於宦成庫帑嚴局清白無改於茲始建哉循良之政允矣遠大之規

留震臣 常熟知縣

天資英邁識見精明剴繁而遊刃有餘事無叢胜馭衆而握衡不爽人服威嚴查豪猾侵欠之奸逋負者悉為易慮正積後占戀之梟盤據者頌爾潛踪守不染於一塵操持嚴於處女訟必窮乎兩造明允過於法曹政令改觀允矣懷康

御龍子集

次劍草卷之四十五

五

阜之畧風猷出色卓哉負奇特之才

趙舉廉 嘉定知縣

器宇軒昂才思英爽遇事而頃刻就緒比捷步之騁騁發然而指顧得情信利錫之于將查錢糧之侵欠累年逋負輒完緝地方之冗頑闔境善良稱快親買官布一日而收數萬疋允矣風力之過人申革羨銀數歲而省幾千兩卓哉水操之邁衆清紛牘若振落百務咸新刷積弊如拂塵群邪俱熄夷聲華之既懋信明作之有功

陳文 明知縣

涵養溫醇才識明練治島而經畫有畧保障一方勘荒歉而歷履無遺有鞠四境心恒切於撫字流移之返業者最多政尤急於作新遐荒之力學者漸廣嚴立保甲之法盜竊莫容詳求微公之情刁誣難售信為民之父母可稱吏之

八

御龍子集

劍草卷之

吹劍草

四十五終

吹劍草卷之四十六

御龍子七十

消上范守已介儒著

寧夏侯廷珩校

書類

與王元美先生

不佞猥瑣弗類索居溱洧間與蚩氓伍長從汴洛諸先生遊得聞足下駿聲以為李何之後一人竊心嚮往之然以僻遠故未能購一章什以豁蒿目洎除鶴城騶魯益邇快覩之私愈殷而無孔北海之舊猶阻龍門心悒悒者久之去歲

御龍子集

吹劍草卷之四十六

一

僊舲遊雲間不佞得隨輿隸後竊覩龍光不勝忻慰既而得獵艷異清裁等帙以為惠子五車殆不足多繼又購得四部稿然藜嘿誦不覺駭汗淫淫然下也若神龍出沒排山浪中變化叵測若威鳳矯翼天表孔翠翬翟之屬千億雲從五色熠耀眩惑心目竊又以為軋李杜軼屈宋矣李何又不足多云把翫之餘益切捧心數年舊癖不覺新養因昧揣量踟躕然欲抵掌摩挲放不免天祿按圖取伯樂之大咄也昨忘至鼻



之醜醜然欲試斤于匠石幸蒙不賜大叱假以  
溫顏復賞譽其一二不佞何以得此于足下也  
夫泰山之高可以小天下而梁父突兀凸然趾  
麓之側迺泰山忘其庫而封禪之際特與之齒  
比泰山之所以為大也足下其何異于是然劍  
或齧缺卷鉅稱以頃襄之劍則貴人爭佩之而  
撥刺之琴號之為鳴廉脩營昧者亦多鼓也是  
在風胡師消葦游揚之爾不佞又何敢必焉茲  
獻長句一章以發一嘆併具不腆如左足下其

御龍子集

卷之四十六

二

進而教之

又與元美

不佞微以不腆之詞受知于大君子得置盛煩  
間使立市之馬衰然環視而不敢議其賈誰之  
力耶第蹙蹙之足終不能與蒟駟爭後先每有  
所騁輒橫軼而不軌于衡匪泰豆氏之齊輯街  
轡諒末之如何已矣大君子其何以鞭策之淞  
婁不百里而遙明河在望不得數投刺聞人侍  
警欬之餘音詹馳當為何如夏初一登堂皇不

遂瞻依耿耿者久之日月不居忽已杪秋遙憶  
祇園芙蓉蓂秀鞠蕙含芳水際亭畔大添佳致  
日與公榮二三輩浮大白觴咏其間不復問頭  
上進賢冠有無足稱大愉快不佞安得一廁其  
側睹玄度真長風流也謹裁八行奉訊動履儻  
有玄言雅什不吝傳筒斯幸耳

又與元美

已謫陋未窺作者之津筏欲刻畫無鹽唐突西  
子亦足發一大噱乃承台諭欲付之梓人寔違

御龍子集

卷之四十六

三

巡惶惑不敢加災片本也又承不賜鄙夷力加  
鉛澤獎借進于古之人人豈不自知不佞固自  
膚立那得當此談談之許亦時加淬礪求無負  
于名言耳辱賜瑪瑙琰樂一具越絲二絨珍逾  
隋珠明月之投何足多讓云九頓登嘉莫知為  
報敢不珍藏什襲以鎮堂奧為子孫世珪也張  
仲蔚昨得一晤真開美士其古文辭琅琅有佳  
致當亦不終下人者益見足下鑑賞之精也

與王愛荆封君

金閨傾蓋一笑莫逆輒披肺腑聊不悵玄言聞  
及公真遠來秘密之跡走識之不能忘佩服高  
雅刻鏤心骨思得當呂報而莫之能日呂蕪草  
舉似記室欲發達觀一噓不意鑑賞獎借乃爾  
欲付剞劂布之人人似所不敢復從吏元美先  
生加呂玄晏之章使得與左思閑美並耀世目  
走何幸而得此于足下也辱頌佳貺尤荷殊寵  
拜手鳴謝莫聲素赤

又與愛荆

御龍子集

卷之四十六

四

昨辱賜延欸屈長公元馭西面走大跼踖且聽  
事逼近僊居群真遙來倏忽亡常此而羅飲已  
為哢雜又重之以小隊笙歌誼脰嗥呶走甚恐  
儻為群真所厭銜爾已而改席西園得覩花木  
少石之勝促邨浮白大稱酣暢第非走輩所宜  
得于足下者足下東吳人傑也抱琬璋之材不  
自求售而寄之乎長仲二公羽儀昭代為特名  
世乃自怡閒適為林泉勝遊花檻藥畦傍軒臨  
砌且內適中寢頗宜燕遊供幽賞非䟽逃吏所

得置足者而乃納走夷猶其間聆欬唾泛庖餽  
鯁芳蘭離芷之英幸何如之夜半歸來恍然自  
失晨圖造謝恐恩典謁者或攬足下夢寐也不  
敢爾爾敬裁短札付閭人置隱囊前儻覺而披  
之知走之所以飽德者非淺眇也

與王元馭學士

日者辱蒙延接不悵緒言詳示僊真臨降祕跡  
及曇陽師起居守已不勝忭躍竊念下走有上  
阻士得拜大君子下風已微厚幸廼辱不棄鄙

御龍子集

卷之四十六

五

薄欸語移日得與聞曠世稀闊事又何幸如之  
自遠台顏欸經數月婁擬裁候台社匆匆不果  
歉抱良多邇有來自婁東者言曇陽師於九日  
僊去守已聞之悔恨終日因思前在貴郡婁欲  
求元美先生介紹敬謁僊師乃自念疎逖燕受  
役地方遠巡不敢元美先生諭令裁書一通問  
訊師門亦復不敢曰求台下私問僊師下走是  
否道業中人以下進止辱蒙不拒守已私心志  
之矣不知曾為一訊否僊師露坐郊原者三月



于茲遠邇士人咸得瞻拜乃守已以追隨直指  
間關潤州暨陽間不獲返棹一走吳門東從與  
人後望見僊顏是非有所謂夙障者邪已矣亡  
可復言第當羽化時不無微言可以開指群迷  
者幸辱舉似共勘大道何如

附元馭回札

為別遂久病冗中未能脩問迺承手教遠頒  
豈勝愧感公於功名急流既依大道教中言  
言肝腑真可以泣鬼神公此一寸心天日鑒

御龍子集

伏初草卷之四十六

六

之矣昨者道女見公誠切已為印可臨化之  
日尤念之拳拳留經相遺容伺龕歸後篋馳  
上耳道女以離世迹似謂不死公第堅此  
雅志不誤前根則無上因果指日可證倘必  
于色相間戀戀不忘吾懼其方入于情也瑯  
琊公約與不肖結跏一室聊以謝塵萬一靜  
中有所證徹當舉似門下共勘大道耳使旋  
先此附復不宣

又與元馭

承手教知師不薄下走似欲收之督策中而走  
乃亡宿根不獲與諸高足弟子同趨門廡又何  
遇而不遇若是邇者見師八戒三嘆辭世諸語  
及辭家謝衆諸書種種玄言皆凌上乘不意末  
俗塵寰中出此上真華存而下亡論矣走不自  
揣量謹掇拾靈跡為僊傳一通欲以昭示後人  
傳不朽第淺識劣筆亡能揚厲萬一耳敢上記  
室埃刪定而布之師前有遺未審何經急欲一  
見以慰崇奉之志儻篋笥在便檢而擲下為幸  
也

御龍子集

伏初草卷之四十六

七

附元馭回札

化女已隔世不謂我公留神景慕至此伏讀  
大傳臺臺二千餘言不惟指事詳核構辭爾  
雅而隱然為二學人外護以諦將來出世之  
緣功德不淺鮮也僕入關以來頗亦欲隱括  
見聞呈大方採擇而筆弱緒亂未能成篇容  
更從容與瑯琊公稍次起緣遺事及靈蛇去  
來首尾請教爾手蹟謹檢上尚有密語勸我

公於文字色相外精誠向往他日當有良遇  
不在欲速也敢因報謝附布所聞伏惟幸察

與皇甫子循

余垂髫昔即耳皇甫先生名曰海內文豪云及  
筮仕過吳門購佳編讀之篇什逸麗往往大曆  
以上語余私心嚮慕之欲懷刺一恩司閹重未  
待介紹而止日者幼于謂余所誥詩大為先生  
所賞欲併其金帙得之余不佞不能為韵語儻  
有所吟哦適吾之適而非期于必工也則亦何

御龍子集

吹劍草卷之四十六

八

敢恩先生重遠嘉命謹錄上十餘章用塵電矚  
脫有不詭于先民幸刊落其紕謬而還之將永  
奉為渠鑒矣

又與子循

下里巴人之曲何足當子野耳乃稱之籍籍比  
于古之人耶承賜佳篇風風乎大雅遺音亡論  
體裁軼開元上即王孟遇之亦將逡巡讓牛耳  
矣何如余嘗疑嚴滄浪論詩足稱破的辟其語  
于禪家能窺不二法門也至其所自為篇辱辱

膚立耳先生服膺此意久矣至若支公論議善  
標宗會畧其文義昔人擬之九方歎其所亟稱  
余于二義何居當必有辨其中者幸明以告我

與劉子威

說者曰魏晉而下亡賦非亡賦賦其所賦矣  
國家起運同符漢祖故歷世以來文章制作駸  
駸乎軼遷固而上之所少讓者歟賦耳獻吉于  
鱗振古人傑也結腸錦帶之篇尚不足與王粲  
陶潛爭後先矧曰步武長卿也仲默之泛彭蠡

御龍子集

吹劍草卷之四十六

九

差可人意郭景純孫興公之流亞與弇州極推  
盧楠為近世巨擘鞠幽一篇足傍靈均之壇固  
也華氏祠堂等篇類焉自放矣如古何僕遊薊  
門聞譚古者選選推轂足下恨不一睹其美昨  
得大編卒業其一二亡論閎肆汪洋與海若爭  
無涯即其點綴六書與僻奇詭使楊雄徐錯執  
漆書而校駁之亡所庸其雌黃輒近世鉛槧士  
見之能不冠珥喪魄戟手而疾走也已不佞亡  
能為古文辭循行數字粗知其章句未能闡入



方壺與日有所養述聊目攄抱暢志自鳴其抑鬱固不敢與作者挈長校大也足下試目為何似儻亦歆宋景司馬之糟粕而亡其實則亦胡盧而置之不則苟可施斤勿慮郢人之鼻爾

與莫雲卿

君東南竹箭材也文辭為諸生嚆矢吳門諸耆紳先生亡不倒徙君迺君家大人歎不喜譚君也何以故語曰人貌榮名仲尼之論孝亦以行道揚名終之名之不可以已也如是君之文辭

御龍子集

文初章卷之四十六

十

類二司馬詩賦類二陸臨池藝類二王寫生類顧虎頭君之名何不成者第非君家大人所以急君至意君其最諸母徒使時人所貌在彼不在此乃所以媚于君家大人也

與張幼于

承賜佳冊盡中吳琳琅矣老母清節得名公諸鉅筆一表章之雖與天壤俱敝可也匪我公廣為先容何以得此于大方玉案之報中心藏之矣佳篇日諷詠之不啻南金偶得俚語二章錄

覽何必減雅圭鼓吹也一據

與屠長卿

昨閱足下古文辭不覺神揚揚飛動欲揮斥八極而遊六合外也無論色澤蒼潤辭旨圓轉即恍忽變幻跌宕曲詰往往有挾風霜而易海陸意可登作者之壇而執牛耳盟矣不意足下昔為青衿之遊而遽有此閑肆也然予有一藥石不敢不為知己者傾囊而眎慰以為醫不疾為功而睥睨不內耳諒足下人豪必不以芻蕘為

御龍子集

文初章卷之四十六

十一

可拒也詩以道性情文以達志意古之人內外合故言言皆實境其氣蘇平故辭旨恬澹謙冲其心無所爭故語多退抑不矜人抗已眎天下無可並軼者即無論孔父所刪定如屈宋蘇李應劉陶韋李杜蘇黃亦莫不然非惟不敢肆然于當世詩道似當爾爾近世惟李何二公始為書相駁正稍稍居已于達觀而以影响待他人則古風稍不振矣濟南以來波流益頽皆高自標榜眇小一世尺牘往來篇章指摘往往自以

為得象罔之玄珠振鈞天之廣樂而舉世皆李  
赤之迷厠鬼也雖其造詣固然而大雅實靡靡  
矣是以白雪危言等集出而齷齪者不遺餘力  
隨湔隨踏屢起屢蹶而二三公之污蟻亦太甚  
矣固其抗名振藻之道則然似非所以固和而  
全詰也使人皆齷齪吾何容喙人苟昭昭吾何  
容喙吾適吾之適而已今觀佳草亦往往有此  
然俱諸生時為之以發抑鬱之志以寫高曠之  
懷欲使天下知有東海生耳驚驚之翮未奮固

御龍子集

吹劍草卷之四十六

上

宜其四海八荒為胸臆也而今則不可復爾恐  
為斥鷃鷺鵠之笑且招蒲且之弋繳也不識高  
明以為何如予志卑卑不敢為翫語久矣欲  
以獻之同好者共養和平之福幸勿以為夜投  
之珠而按劍怒視也

與方允治太常

守已至闇塞亡能窺六執津涯偶有簞構不善  
祕藏遂掛大君子齒頰內顧不亡而顏厚蒙台  
不拒涓細使牛溲馬勃得與青芝並錄藥籠

意甚盛也守已不任榮施復辱不鄙命為佳編  
糠粃之導走非玄晏其人也何能為役重違嘉  
命敢亡一言揚詡其美少選當為馳上以俟斤  
財

又與允治

承眎佳草命下走揚摧其可否欲一刪定而付  
剞劂氏走不佞何敢置唯黃其間第卒業數過  
恍若有繫于衷者敢一披瀝以盡其愚 國朝  
文字動稱李獻吉獻吉而上宋元餘習耳亡復

御龍子集

吹劍草卷之四十六

上

置齒頰間獻吉以天挺人豪力返古始振千年  
之頽風允可嘉尚第其命意構辭獨宗左國置  
先秦兩京于不問而庀材掇英又逞逞雜出近  
代語似非鼎彝全器弇州以來始崇西京歷下  
新都二三諸君子相與芟刈蓁蕪力還周行然  
後篇章往來一軌于遷固蔚宗以還義慶而上  
間割一縷備鉅釘餘品文乃斌斌稱雅正矣台  
下卓朗開美神氣融散求之古人當不在山巨  
源下故其為文卓犖有致度非輓近世所能摹



第第方之獻吉猶為避舍恐不得與新都諸公  
結制聯鑣爾懿編具在可取而參伍之植梨摘  
櫟自別也下走不敢一一指次謹標其宗旨如  
左方幸恕其狂而置之

又與允治

台下不以走為不肖進而商及執文謂昭代近  
體終輸唐人一著而歎左袒于仲默其五七言  
古體間予獻吉二三至于樂府慨其絕響其意  
良是第采玉求珠人各殊尚吳歛楚步俗亦因

御龍子集

卷之四十六

十四

值走不佞不敢謂台下為極論仲默諸篇走服  
膺而尸祝之矣恬澹溫潤則有之其風骨靡靡  
而骨立其庀材畧約而淺斟讀之令人易盡了  
無餘致恐不得與高岑諸人校步武獻吉篇章  
雜糅不簡金礫一繩尺于少陵人步亦步人趨  
亦趨道之平頗慕莽弗論也以故不厭于衆志  
然而骨勁氣健色澤蒼黝挺然如寒松之凌雪  
脩然如孤鶴之翔空進之子美恐不多讓歷下  
興國獵高岑王孟而擬其菁華拉曹劉應徐而

魁其銜轡均希世之奇珍矣于鱗時有出入騖  
瑜不掩明卿絕無疵類琳琅耀目它如瑯邪之  
沉著吳興之融散銅梁之夷曠南海之冲穆送  
逞砂中見寶常杜元白之流不足以闕其藩籬  
而何古人之有媿也樂府諸篇漢世獨盛晉唐  
而下絕響已久白雪樓粗有雅致甌甌洞頗振  
餘聲由拳集獵其逸韻是盛唐諸子所未嘗講  
者柰之何終薄今人也走亡知識于諸君子各  
有所左袒至于索神駿探玄珠固自于驪黃牝

御龍子集

卷之四十六

十五

牡外求之而托之乎象罔之遺哲也台下亦以  
為然否

與李于田

承示江君志銘序事構辭爾雅容纏纏卓有  
佳致比前諸作便覺風骨奇勝辭致繁錯足稱  
雅正名筆矣走不佞何容置喙其間第其步驟  
紆緩叙致靡漫似不與西京比肩接踵也蓋子  
長以閑肆之材為史汪瀾橫出至不可尺寸孟  
堅從而整頓之剗繁刈歲挈之法程彬彬乎質

有其文辟大將之總六師也遷則奇正互藏風  
雲變化而莫測固則明紀律齊步伐戈戟森嚴  
見者知為節制之兵此二子之大校萬世之宗  
工也足下朗材卓識縱筆匠意亡不灑灑出人  
意表少加淘汰便是南金畧齊銜轡足稱獸步  
軼西京而上之何有哉是在足下加之意耳

與鍾給事

辱承門下約聽與善之講意甚盛也走非敢自  
外于門廡第賦性闇劣不能窺大君子韞奧欲

御龍子集

吹劒草卷之四十六

十六

區區事口耳資譚說恐非聖賢所以開人至意  
且今之學者亡不左袒浙東與新安爭牛耳使  
浙東而可以狎主齊盟也傳習諸錄固自炫耀  
一世矣何以講為猶有不然恐未可以箝天下  
後世三寸舌也吾聞預是約者不下三二十人  
山人常布之流雜乎其間真偽混淆莫可辨詰  
一有突梯倏閃者隱跡而廁其中其為吾道之  
損不為淺歟請君潛察而汰其尤吾將洗濯積  
滓與君同柱五鹿口也

吹劒草卷之四十六

御龍子集

吹劒草卷之四十六

十七



吹劒草卷之四十七

御龍子七十一

消上范守已介儒著

寧夏侯廷鳳校  
扶溝李時芳校

書類

與王敬美太常

白下奉綦履不獲兩月遷為除書所驅西走長  
安道令人懷抱甚惡中途每展佳箋誦大雅  
未嘗不蕭然自失也守已不佞亡能挂大君子  
齒頰乃足下不賜鄙夷而比之夷門之遇道臨  
亡羊重授玉案璀璨盈几此非下走所宜得于

御龍子集

吹劒草卷之四十七

一

名公者而守已微寵霧數數有之此之為感何  
言之能喻也入關後突未及黔遽有齋捧之役  
間關道路兩月于茲勞不可言及九月中浣裁  
憩敝里而塵冗復爾全集回憶白亭青溪之盛  
如隔天上矧能再踵龍門邪踟躕東望何勝銷  
魂謹頌小力走叩司閭者代白依戀私曲惟照  
鑒而揮存之為幸

與曹中諸僚

下走幸甚厚得附末寮日奉型范且聚首譚

亡非至教參苓砭石何擇焉呂故下走稱至  
陋不至要駕而實越誰之力也念釋庸言在茲  
矣日者叨移關右戴德而西臨岐亡能報萬一  
復辱供張都門兼日贖遺珍貺瑤編不一而足  
使我一介行李重增九鼎銘鏤又可罄感耶自  
離石頭日趨塵途停車消上者十日耳一入秦  
關便為俗吏日次且于兩臺之門囁嚅于諸僚  
之末塵容俗狀言之可羞期會簿書局促亡已  
回思諸丈夷猶白雲署中不翅僊曹已耳真切

御龍子集

吹劒草卷之四十七

二

真切且也材止牛馬走終勞驅策受事四旬即  
有入賀之役間關道路兩月于茲整橐櫜力莫  
斯為甚季秋中泮方旋故里稍有即次之安而  
西行之期又迫矣如何追憶曩昔渾如夢寐東  
望台光終隔五雲謹遣小力馳候關人申達鄙  
私臨楮不任寬銷也

與姜鳳阿先生

守已不敏微厚幸得為屬下吏乃錄錄庸衆中  
亡能序疑瀟仰稱德意哀至恐也辱荷矜念頌

蒙不賜督過而銘鑄其不逮使免于實隊守已至閭塞亦知遍銘五內矣逮後四月廿有六日抵關中倥偬月餘即有齎捧之役九月初竣事南下暫憇故園而災沴關憂莫知為計追惟仁慈益切詹依謹遣役代叩閤人少抒區區統惟照鑒不備

與黃大參

辱附粉榆久慕聲華日者從事都門始遂御李之願謬荷不鄙披肝膽相傾軼儻所謂傾蓋如

御龍子集

吹劍草卷之四十七

三

故者非邪感佩德私寤言莫之忘矣客路追隨尤沐雅教奚囊檢祗奉為儀刑自抵敝止以米日接塵俗鄙吝之心復生矣東望喬雲何勝詹戀茲者恭遇景度欲馳叩門唐追陪珠履後共祝南山而冗羈不遂縮地無術謹東向再拜遙頌大椿而已更敬遣小力馳獻不腆之幣用代朋尊伏惟照原莞存為幸也榮發遲速祈于來音內開示奉以行止

與沈龍江先生

昨抵都門辱承班餽之惠復賜延欸坐語移日此非晚後輩所宜得于老先生者守已不佞揣逾分涯銘刻無遺骨矣承諭書麓事不敢違命謹追隨黃聞野同至衛輝交割伊已面諾矣不必更勞尊慮佳冊謹遵諭寫一俚句其上媿汗涔淫不覺浹踵惟笑而擲之為幸

與余君房督學

久從屠長卿處稔聞盛名蓋私心嚮往焉不啻神馳左右已已乃以兩都遼邈不獲一執鞭從

御龍子集

吹劍草卷之四十七

四

事輿隸後悵然者久之日者不佞承乏關內足下亦奉簡書來校秦中士此天假良邁使得望見顏色也何幸厚如之三秦古聖賢托跡墜為文獻窟數邇來風靡人文稍稍膚立足下以東南竹箭材來削南山之竹一羽管之皆穿札利器也秦中士日夜望之矣勿復圖錦游稽王程也何如得暑方盛為道珍攝是願

與王竹溪中丞

守已亡所知識得微先人靈寵濫竽屬下吏甚



幸厚也受事以來日憊憊焉勉脩其職守而材性僻劣亡能任驅使則私心慙之矣辱蒙節下垂念粉榆不為督過誘掖而徐觀其後栽培陶鑄仁同大造守已蓋私心識之銘鐫不終忘乃者入賀之後職宜爾爾其何敢以勞費辭復荷軫念行役頒賜募金又進而勞諸內却宴語移日此尤非末吏所宜得于節下者守已蓋私心識之銘鐫不終忘拜表而東漸遠台光每一回首不任依戀旅次潼關欲度而不能者再謹遣

御龍子集

次劄草卷之四十七

五

下役代叩外闕申達下情無任詹馳屏營之至

與李侍御克民

前蒙翰諭諄覆念及生平走捧誦之餘不任感戢又辱問及蕪稿欲付梓人尤非下吏所敢陳對蓋勢分隔越不宜以瑣屑文字上厯憲覽況土直糠粃乎走不自揣時好弄筆墨雖焚裂之餘猶有存者聊備覆瓿則可以之呈于大方當有胡盧而走耳謹吐露赤衷上求原鑒如必欲備汗牛一種容選付剞劂氏完日呈上請玄晏

先生為之一導也何如

與吳郎中謙

昨駕寓會城弟目行役臨晉久失躬候及一得叩聞而星輶又匆匆西去矣平原十日之約竟不獲遂弟于台下有深憾焉留滯岐周與長安何別柰之何去彼取此重五佳日想足下對淑媛解粽泛蒲亦大愉快他又何足芥蒂跡盜自有主者承諭亦不敢不既心力藉夫寵靈終當就縛勿慮也

御龍子集

次劄草卷之四十七

六

與李主政時芳

位不滿于其德蓋自古歎之矣以汲長孺之忠欲出入禁闥而不可得他又何嘗亡論足下聲名籍甚即其治咸邑政甲三輔人咸謂省垣之選莫之舍者卒屈就常調守司空郎曹何也予甚為縣官稱不平矣則亦何事遴選為雖然士遇冷有時絀信有命遭則為龍不則為蛇亦何常之有且也國家名世多自郎曹中得之郎亦未嘗負人也請君勿薄郎且勿薄南曹郎留都

風致固自大佳往矣必有大愉快者勿以目前也

與余君房

讀并教知 足下恨弟甚第未知弟恨 足下爾 足下走商於歷漢沔度陳倉陟岐山足跡遍上郡北地諸郡亡論名山勝跡盡收目睫竹箭琳瑯咸入簿錄何大愉快也弟數月羈勒財得一舉足三峯之上便為不平過矣過矣今諸寮各散去獨弟兼總一司印累累掛肘後日緝御龍子集 次劔章卷之四十七 七

與袁西寧

長安握手方幾何時而 勛庸懋著已達宸聰璽書節鉞遽下西隍固知蜚黃驤裏非駕駘所能追逐也寮一也昔則猶稱同省今則辱附同堂矣樵筦之誼契比伯仲恨不獲日就 左右親聆 警欬爾 幕府西近玉門北踞祁連太

丈夫萬里功名此為奇勝班定遠當為北面矣健羨羨謹遣伴來候 台社兼問 榮泣之期庶便夫人前驅也

與王中丞

恭蒙 憲諭溫慰諄切復念及于豚犬某捧讀不勝感戢敢不以命自遣奉揚 德意第 老母之慟婦獨甚子女之辛酸統膝某自不能做鼓盆而歌也特強為雪涕上勸 老母下慰病兒誠如 尊諭所慮不敢過自憂損者總司事御龍子集 次劔章卷之四十七 八

與馬主政

承 諭知 臺下皈依大道蓋亦有年欲求真詮一語共證靜果第不佞闇塞亡所知識安能窺此玄關也前在雲間雖往來荆老之門實與大師未曾面質以故傳中所述未免影響况高足如元美亦不過共聽玄緒未諳要眇不佞又何能獨契真詮也八九年来化境愈隔追思曩日所云如隔三生矣何以舉似 門下耶道路



艱難誠如所 諭謹遣小力導之出境

與劉主政 奕

已不佞曷能為雕蟲業偶有所綴誤流人間遂  
使上塵 大觀聞之媿汗涔淫下矣恭聞 台  
下聲實茂著海內仰其 芳華如已者固甘心  
衙官猶以莫能為役是慰又何足挂其 齒頰  
也 縣官簡名碩達掄蜀材深為 國家得人  
慶辱荷 不鄙遠 頒翰教讀之如對 台顏  
益切神交不翅嚮逞而已容秒秋 榮旋時負  
御龍子集 吹劍草卷之四十七 九  
弩郊迎敬開尊酒論文耳不知 台臺以為何  
如

與魏司徒

走閭塞不有知識未能窺作者津筏矧知要眇  
間有所慕述聊以識行藏紀歲月非敢自衛鬻  
求為名高地邇為冗吏日執掌案牘間益踈筆  
研何足掛 大君子齒頰辱荷不鄙特 賜軫  
存兼 捐筐篚之惠玉案同珍非走綿薄所堪  
負荷念附 同聲兼庇 門牆下不敢以小應

抗 命謹九頓登嘉容崇報 布不宣

與樂觀察 正色

弟婦行年四十有五不謂復有震夙事而有之  
一異夷猶官邸粗得飽煖不謂當染疫厲而染  
之二異劇焚剝膚晝夜委頓不謂復能舉子而  
舉之三異三異具而司命者擲榆太飢矣奚而  
不亡弟素暗昧不能體子休鼓盆之指亦不敢  
蹈荀粲篤至之情第時見兒女嚶嚶不能不作  
惡抱爾辱蒙 翰慰敢不稟承 厚真本不敢  
御龍子集 吹劍草卷之四十七 十  
當緣附同袍特拜 命買醕而酌之使泉臺有  
知仰沐 德貺也

與王觀察

下走曩伏林莽即耳 洛汀王先生名暨入關  
有詒朝邑續志者捧讀之蒼翠逼人崛然與三  
峯爭翠律蓋未嘗不私心傾注之日者道出  
貴里妻擬修刺恩 司閭求一晤 台顏愉快  
其生平而行驪使者奄至其境矣倥傯期會遂  
失私衷至今蓋頰如也辱承 不鄙遠 頒翰

教光賁我邱舍何感如之謹九頓拜 命銘之  
肝鬲矣倅旋敬附 謝悰統惟 炤存是祝也

與石觀察櫟

不佞羈紲會城日食長安米數升亡能吐一奇  
樹立尺寸皆賴 臺下鎖鑰玉門道使西北塵  
清三秦晏然而不佞得安其株守則私心昕夕  
德之矣矧曰為吾中州 雋杰也私淑名德莫  
遂躬挹 堂皇下此抱何如調饑適者炊臼作  
佚房闈無主私戚固所難抑何敢計 左右仰

御龍子集

吹劍草卷之四十七

十二

歷 軫念耶辱承 翰慰負荷曷勝九頓拜

嘉銘鏤無既倅旋草率附 謝容圖報布不悉

與何侍御倅

客歲兩過 貴縣俱微 青矚尊酒論心飫聆  
教言弟至今銘在懷抱也自待罪陝右屢欲顙  
役裁 謝而 臺下有全蜀之命矣土壤接邇  
分同末吏八行尺牘不敢自通于 典謁徒懷  
區區莫知所報辱蒙 不遺蒞蒯遙 賜軫存  
臚况 瑤函爛然溢目非弟所敢望于直指使

者也夫弟握蹠庸衆人耳依附 末光已覺覲  
顏次且仕路未知庠止方思霄越之不遑敢問  
綈袍之在念孫陽一顧駕馬長嘶無乃猶可驅  
策者邪可則不忝督責為幸厚矣九頓拜 賜  
什襲藏 珍西望 蛾眉瞻馳不盡倅旋叩鳴  
謝衷白于 下執事儻一過問而鑒之幸甚

與魏司徒

蕪草何足辱 佳序辱承 不鄙過加 獎借  
捧讀之不任而顏語有之刻畫無鹽殆謂是乎

御龍子集

吹劍草卷之四十七

十二

走素闇塞亡能闕作者津筏偶有點綴適足胡  
盧大方耳命以無鹽其誰曰不然 台臺不悵  
脂澤文繡被服而芳潤之耳鑒者不遂以伍夷  
光邪昔三都暴重于玄晏語林墮廢于茂弘走  
不德何幸為 大君子齒及也謹九頓拜受  
明賜付剗刷氏冠玉蕪草耳

與李本寧

已不慧傾慕海內豪賢上自初操舫時輒聞楚  
有李翰林本寧云蓋私心嚮達之不啻願為鮐



鞭已日者承乏關內又竊睹所謂造士約及武  
關錄文政教文章咸領其大都令人嚮指咋舌  
知非海內士已耳每擬一識韓荆州恨無介紹  
為我一通刺紙也幸而天假良便俾 臺下復  
保釐我中土俾已得以齊民見于輿阜後敢為  
生平一大愉快乃 臺下不賜鄙薄傾蓋如故  
輒加筐篚之頒惠至渥也銘心不足以既感矣  
恭惟 榮蒞伊始本宜樞衣登拜 堂皇下一  
抒 賀悃而會城不得輒入遙望商雲徒切悵  
御龍子集 吹劍草卷之四十七 十一

與余君房

予嘗笑 君房垂白作老博士日事校讐不能  
如更生夜半然青藜火猶為大乙所聞問乃今  
亦到予頭上耶予不佞頑鈍無所知識百不如  
君房縣官采空名使之索駿于冀北其不蹈天  
祿之故智為尹神童所笑也者幾希 君房其

何以教我從此東西隔矣把酒論文何時何地  
也濡毫為之悵然外亡事志銘倘不忘前諾當  
附來評齋下耳何如

與艾方伯

日在秦中受 教良多不意入拜 天顏遽成  
經年離恨也荆妻豚兒相繼殞亡又有一女之  
戚家門之慘視 翁夫為特甚而皆于別後遭  
之人生悲歡曷有定耶第微辱幸離于秦後遇  
于晉龍劍合併豈故有時耶日者關右所發

御龍子集

吹劍草卷之四十七

十四

翰貺九頓拜 命託方慮 台駕逾河而東無  
以奉 復乃復得隨馬足共事太原因而傾寫  
闊襟何幸如之謹卜八月望後可來受事區區  
心事無敢告人乞向 諸老一白之何如幸勿  
以久稽王程為訝也

與沁水王

已不慧萍遊東西得從臺輿後望見 諸侯王  
甚夥顧如所謂河間獻王者未之多得獨聞諸  
薦紳籍甚上黨 玉源翁也既而代置入晉只

尺龍光不獲一遂 瞻依此心蓋悵然矣  
爾辱 頒翰貺亡論責我蓬竇且開我茅塞不  
淺也九頓拜 嘉何勝佩 德佯旋草劄附  
謝容圖端 布不備

回李觀察

日在秦中謬備末 寮第株守長安邸不獲一  
逾上郡投刺堂皇下御 李私心是切耿耿入  
計以來留滯周南者數月念未嘗不在銀綬間  
也不意代匱遷爾改官以一瞶夫充適人以木

御龍子集

次劄草卷之四十七

十五

鐸狗三晉其不為封人所笑也者幾希 臺下  
其何以督教之遠承 翰貺如拜 朋錫銘鏤  
肝鬲何既颺言佯旋附伸 謝悃不盡區區

回褚侍郎

辱在 門牆久藉 滋培日以薄遊東西不能  
脩一刺上叩 聞人罪抱何如茲托宏庇濫竽  
貴鄉自揣寡陋不足與多士周旋執圖蓋朝夕  
忡忡矣恭擬摳衣 堂皇下稟受指南而突猶  
未黔未遑奔走乃辱 翰教儼臨光生邸第齋

沐捧讀如對 台顏此東不覺東馳者數四也  
玄黃大貺何敢祇承第重違 尊命敢不九頓  
登嘉銘之五內佯旋敬裁短札附 謝容圖端  
布不備

與朱觀察

時聘

已錄錄亡足比數謬為推轂者所采挂籍寮末  
使與晉多士周旋已不敏自知亡能效萬分一  
也辱微厚幸得以鉛槧追隨 記室後私心蓋  
排躍之一抵駘澤欲遂裁竿牘敬候 台祉因

御龍子集

次劄草卷之四十七

十六

面祇領 指南開我顙蒙不謂申約多士遂爾  
稽緩行李辜也何文茲得少間謹貢八行上恩  
典謁者聊申不腆之贊倘 不鄙夷其人特  
命司進麾而頓之階下斯幸矣叱毫馳結不任  
詹依

與王侍郎

已不佞濫竽 貴鄉竊思寡昧亡能趨多士于  
周行以為縣官羞蓋眵夕忤忤然思得 大方  
家一示指南破我迷方而携之九達衢也恭惟



台下淵源河汾為海內標準正不佞所欲朝夕  
趨承領 唾吐餘珠什襲而珍藏之者柰之何  
受事伊始不遑走一介行李上叩 閣人也辱  
蒙 不鄙貺以 佳刻以先玄黃不佞蓋私心  
銘鏤之曷敢以遠嫌固避 使者自外于 門  
廨也

回李少參

歲昨關中辱承 手教如對 台顏不自意復  
有徙官之役得以鉛槧周旋三聖人之都且得

御龍子集

吹劍草卷之四十七

十七

懷刺一登 龍門前也輜軒雖遠而 德星則  
照臨只尺矣第受事伊始尚未及一通賤姓名  
于 司閣而 畢札腆貺乃不遠數千里 儼  
然臨之先施之謂何弟九頓拜 命有餘懽矣  
臺下華譽流播威鎮羗夷 開府應在旦夕又  
不知一亦 錦旋使弟得遂 瞻拜乎否也

與李觀察 時芳

日者匆匆裁 復忘及拙草事夫弟何能為古  
文辭哉偶有所論著無敢妄付剞劂者亦何足

辱 大方一囑也承 諭切責謹搽一二種呈  
覽惟不悵鄙削為愛耳

回張觀察

日在關中罪鑒良多當事者謂走不宜以蚤背  
負重任改置晉鄙使與士子周旋意以綿薄之  
質或宜此耳詎知責桑婦以雲和之瑟適見其  
袖手而汗顏也恭惟 台下經文緯武 命世  
真材名方震于華夷勲終銘于彝鼎不佞願為  
執鞭而不可得者辱蒙 不賜踈逖遠加 記

御龍子集

吹劍草卷之四十七

十八

存拜 命間感入五內矣倅旋敬附短札申  
謝不備

與呂觀察

已不敏受事以來日役鉛槧不復知筐篚事恭  
聞 台下建牙擁燾為 國家固疆場侈然有  
封狼居胥規模私心蓋嚮逞久之妻欲貢尺一  
上問 幕府起居狀次且未遑也適者辱承材  
官傳政 械中教兼損 腆貺寵責我邸舍下  
走不德其若之何任此 榮施也踧踖銘鏤外

敢効芹萍子仰答 鴻私惟 原鑒而揮頤之  
藉有休光矣不既

回李本寧

日在里中婁辱 腆貺途次又 班豐饌感饌  
肝鬲至今未知所 報乃者三元伊始 台社  
方新走以匏繫晉鄙不能馳一隸上 獻椒花  
頌而尺一瑤械又冉冉蜚越大行臨賁我邸第  
矣九頓拜 命柰之何媿汗不泚淫下也亡論  
南金晶瑩即駢麗之章銓金匱王唐四傑莫闕  
御龍子集 吹劔草卷之四十七 十九  
其涯涘也開我額固良多矣仵旋索信不知所  
云容顏裁赫蹠布腹心于 主進者茲不能贅  
也

回韓觀察 取善

走幸厚得附 令兄世講末且也南北追隨幾  
二十載亡一日不耳 節下德教也彭城之雅  
于茲十有三襖矣雲樹在念何嘗一日忘肺腑  
也日者遙挹 台光猶云雙魚莫往莫來也而  
今則得在字下矣尚不獲一隨與皂後望見

顏色悵何如之昨脩芹曝浮媿不享乃儼然辱  
以 翰貺固知所以報木桃者匪徒以稱焉也  
銘佩何既其 榮施耶敬此附 謝不盡欲言

御龍子集 吹劔草卷之四十七 二十一

吹劔草卷之四十七終



吹劍草卷之四十八

御龍子七十二

臣浦川范守已次

臣宰夏侯廷邦校

造夏略

高皇帝前紀

戊辰天曆元年

元文宗元年即泰定帝致和元年也秋九月丁丑

帝生于濠州

壬辰至正十一年閏三月朔入濠城依郭子興

○五月入甥館○收育沐英時英八歲

癸巳至正十三年春收徐達等二十四將○冬

御龍子集

吹劍草卷之四十八

一

遊定遠收廬牌砦

得卒三千人

甲午至正十四年夏六月取橫澗山得卒萬○李

善長來歸○取洪山砦得卒數千○秋七月取滁州

○李文忠來歸時年十二與沐英俱賜姓朱氏○郭子興入滁

州自泗入滁○冬十月救六合及元兵持于瓦

梁壘師還元兵薄滁我師與戰于東澗勝之

乙未至正十五年宋龍鳳元年春正月取和州還民

被掠婦女○元兵薄和州拒戰走之○孫德崖

入和州郭子興自滁來執德崖已而釋之○三

月滁陽王郭子興卒○受宋職為左副元帥○

鄧愈常遇春來歸○夏五月廖永安愈通海等

以舟師來歸○及元兵戰于黃墩勝之○六月

朔取太平府○元兵薄太平府禦卻之執其將

陳也先○取溧水溧陽句容蕪湖諸縣

丙申至正十六年宋龍鳳二年春二月破元師于采

石磯○三月破方山營執其將陳兆先○取金

陵得民兵五十餘萬○葬元御史大夫福壽○元將康

茂才來歸○取鎮江府及丹陽金壇諸縣○夏

御龍子集

吹劍草卷之四十八

二

六月取廣德州○秋七月即吳國公位○置行

樞密院以徐達湯和同僉樞密院事○聘耆舊

秦從龍迂于龍江以歸○九月徐達帥師圍常

州周士德來援獲之○冬十月華雲龍及周帥

張士信戰于舊館敗之○十有一月周人圍徐

達于牛塘達及常遇春與戰勝之獲其將張德

○十有二月寇薄廣德守將鄧愈出擊俘其衆

丁酉至正十七年宋龍鳳三年春三月徐達克常州

○耿炳文克長興○夏四月取寧國府獲其將

朱亮祖○五月廣德宣城叛胡大海趙德勝復取之○取泰興縣○六月取江陰縣○秋七月取徽州府○周主張士誠歸于元○八月克馬馱沙○九月取武康縣及吉安州○常遇春取池州天完陳友諒來犯遇春敗之○冬十有一月苗帥楊完者犯徽州鄧愈胡大海擊走之○取揚州

戊戌至正十八年宋龍鳳四年春正月以康茂才為

營田使○廖永安帥師伐石牌寇院判桑世傑

御龍子集宋史劄草卷之四十八 三

陷陳死之俘其帥樂瑞○李文忠取青陽石埭

太平旌德諸縣○三月李文忠取嚴州○夏四

月陳友諒陷池州守將趙忠死之○張士誠伐

我常州湯和擊卻之○六月李文忠取浦江○

趙德勝帥衆及陳友諒遇于石埭大戰敗之俘

其將錢清張遵道○張士誠伐我常熟廖永安

逆戰于福山港敗之○秋七月廖永安敗士誠

兵于通州○九月苗將員誠蔣美劉震率衆來

歸時楊完者為張士誠所殺故也○十月張士誠伐我常州湯

和擊敗之○徐達克宜興○廖永安及呂珍戰于太湖敗績被執囚之○立民兵萬戶府○胡大海克蘭溪○十有一月率諸將往伐婺州○十有二月克婺州今金華府○置分中書省召儒士許元等直省日講經史○取浙東諸郡

己亥至正十九年宋龍鳳五年春正月耿再成屯縉

雲黃龍山○胡大海取諸暨○二月張士誠伐

我嚴州李文忠逆戰于鮑婆嶺敗之○鄧愈伐

臨安敗士誠兵于閑休砦○張士誠伐我江陰

御龍子集宋史劄草卷之四十八 四

吳良擊走之復伐常州良殲其援于無錫士誠

兵還○三月方國珍以溫台慶今寧波來歸遣子

入質還之○金華民獻女誅之○天完陳友諒

伐我太平青陽諸縣程允同張德勝擊走之○

夏四月張士誠伐我常州吳良逆戰于高橋敗

之○張士誠伐我嚴州李文忠遣將逆戰于胥

口敗之○徐達復池州以達同知樞密院事○

總制親兵都指揮使馮國用卒○以常遇春為

鎮國大將軍同僉樞密院事守金華○六月還



自婺州○秋七月取無為州○八月徐達伐安慶及天完將郭泰戰于沙河勝之遂取潛山○九月常遇春伐衢州○冬十月克衢州○張士誠伐我常州吳良擊卻之○僉院俞廷玉伐安慶不克死之○十有一月胡大海克處州○徵劉基宋濂章溢葉琛

庚子至正二十年

宋龍鳳六年

春正月元參政袁天

祿以福寧州來歸○三月劉基宋濂章溢葉琛至金陵創禮賢館居之○以劉基參預機密宋

御龍子集

吹劍草卷之四

五

濂為儒學提舉授經世子章溢葉琛為營田司僉事○李文忠取分水縣○夏五月徐達常遇春及天完陳友諒戰于九華山勝之○閏五月天完陳友諒入太平府院判花雲知府許瑗死之○陳友諒弒其君壽輝○遂伐我金陵及友諒大戰于龍江克之友諒逃歸師追友諒于采石敗之復太平府○張德勝歿于師○六月故大海取信州○秋七月故天完將于光介椿取漢饒州以其城來歸○徐達克安慶○漢張定

遠陷安慶俞伯仲逃歸誅之○冬十有二月張士誠兵據三溪李文忠擊走之

辛丑至正二十一年

宋龍鳳七年

春二月馮勝伐高

郵○三月薛顯以泗州來歸○改樞密院為大都督府以文正為大都督節制中外諸軍○夏五月以胡大海為江南行省參知政事○六月漢人伐我廣信胡德濟及父大海夾擊敗之獲其將李道明王漢二○八月親督諸師伐漢溥安慶不克遂薄江州漢主友諒走武昌遂取江

御龍子集

吹劍草卷之四

六

州及靳黃興國諸郡師還克安慶○漢將傅友德以所部來歸○漢行省丞相胡廷瑞遣將約歸○漢將吳宏王溥歐晉祥以餘千建昌袁州來歸○鄧愈伐浮梁漢參政侯邦佐出亡遂取樂平○冬十月鄧愈取撫州○遣都事江河使元將察罕帖木兒營○張士誠伐我長興費聚赴援敗績常遇春援之士誠兵遁去○康茂才取瑞昌

壬寅至正二十二年

宋龍鳳八年

春正月辛南昌○

漢水陳龍孫本立以寧州吉安來歸○以鄧愈為江西行省叅知政事○徐達伐武昌○二月金華苗帥蔣美劉震叛殺行省叅政胡大海李文忠討定之○苗將李祐之賀仁德叛殺院判耿再成總制孫炎遂陷處州○劉基以母喪歸入定衢州○耿天璧集兵敗賀仁德于劉山進圍處州天璧再成子也○三月以李文忠為浙江行中書省左丞總制嚴衢信康諸全軍馬○張士誠兵圍諸全謝再興胡德濟夾擊大破之○夏四

御龍子集

吹劔草卷之四十八 七

月克處州李祐之賀仁德伏誅○南昌降帥祝宗康泰叛知府葉琛死之鄧愈出亡徐達討定之○五月以大都督文正鎮南昌○秋八月平章邵榮謀叛伏誅○冬十一月池州羅友賢據若以叛常遇春平之○十有二月元曹良臣韓政以所部來歸

癸卯至正二十三年

宋龍鳳九年

春正月臨江吉安

撫州判趙德勝復取之○二月張士誠將呂珍圍宋安豐破之○三月率徐達常遇春等救宋

擊呂珍及左君弼走之以宋主林兒歸金陵○師圍廬州○夏四月諸暨守將謝再興叛執叅軍李夢庚以其城降張士誠○謝再興寇東陽李文忠來援遇于義烏敗之○李文忠別誠諸全于五指巖○劉基還金陵○夏四月漢主友諒圍南昌○五月漢人陷臨江吉安府○六月南昌守將趙德勝歿于師○千戶王子明為漢所執死之○秋七月率徐達常遇春等救南昌○八月及漢主友諒大戰于鄱陽湖都指揮韓

御龍子集

吹劔草卷之四十八 八

成死之殪友諒○九月師還○冬十月復率師伐漢圍武昌○十有二月還金陵

甲辰至正二十四年

宋龍鳳十年

春正月即吳王位

○以李善長徐達為左右相國常遇春俞通海平章政事○二月復往伐漢降之以漢主理歸○立湖廣行中書省○毀故漢鏤金牀○三月封陳理為歸德侯○改翼元帥府及樞密分院為指揮使司○以劉基為太史令○新淦寇鄧仲廉叛據永豐鄧愈擊破之○俞通海略通州



○徐達常遇春克廬州左君弼走安豐○夏四月建忠臣祠于康郎山贈韓成為高陽郡侯及丁普郎等祀之○秋八月鄧愈常遇春圍贛州○九月徐達取江陵長沙諸郡○傅友德取夷陵州○九月贈胡大海為越國公趙德勝梁國公張德勝蔡國公耿再成高陽郡公俞廷玉河間郡公桑世傑永義侯花雲東丘郡侯張子明忠節侯○冬十月遙授廖永安光祿大夫柱國楚國公○設起居注以宋濂魏觀為之○吳帥

御龍子集

吹劍草卷之四

九

張士信伐我長興耿炳文擊走之獲其將宋興祖吳主益兵圍長興湯和來援及炳文夾擊復走之○十有二月傅友德克衡州

乙巳至正二十五年

宋龍鳳十一年

春正月熊天瑞來

歸贛州南安南雄韶州諸郡俱平○徐達取寶慶靖州諸郡○大都督文正討新淦寇平之○二月吳帥李伯昇圍諸全胡德濟李文忠夾擊破之○夏五月胡琛取浦城崇安建陽諸縣○元陳友定執我將胡琛殺之○常遇春取

及安陸○以鄧愈為湖廣行中書省平章政事鎮襄陽○湯和取永新州○冬十月徐達常遇春伐泰州遂及高郵

丙子至正二十六年

宋龍鳳十一年

春正月吳人伐我

鎮江○率諸師救鎮江吳人遁歸吳良敗吳師于巫子門○幸江陰○禁執林○徐達克高郵○夏四月徐達克吳馬螺砦吳右丞梅思祖以淮安府及四州來歸以思祖為都督副使○韓政取濠州吳將李濟出降○幸濠州宴諸父老

御龍子集

吹劍草卷之四

十

○徐達韓政克安豐○元陸聚以徐宿二州來歸以聚為江淮行省叅政○購求遺書○夏主使使來聘○叅政蔡哲如夏○秋七月楚國公永安卒于吳○八月徐達常遇春帥師伐吳○九月徐達拔德清遂圍湖州常遇春及吳張士信戰于舊館敗之降其將呂珍湖州守將李伯昇以其城來歸○李文忠取桐廬富陽諸縣杭州守將潘原明以其城來歸遂取紹興○冬十一月徐達圍吳平江指揮茅成歿于師○俞

通海取太倉○崑山嘉定崇明來歸○吳將朱顯忠以松江來歸○十有二月宋主林兒卒○初立宗廟及社稷○初營宮闕○考定雅樂鍾律及樂舞

丁未至正二十七年

吳元年

春正月戴德克沅州

○以傅友德守徐州○二月元人伐我徐州傅

友德擊走之○免太平應天鎮江諸郡租賦○

三月定文武取士科○俞通海卒○夏五月置

翰林院以陶安為學士朱升為侍講學士並知

御龍子集

一

吹劍草卷之四十八

上

制誥兼修國史○六月不雨減御膳免民田租

○丁德興卒○師○秋九月徐達常遇春克平

江執吳主士誠以歸○封李善長為宣國公徐

達信國公常遇春鄂國公○參知政事張昺

諛伏誅○湯和帥師伐慶元方國珍遁入海○

朱亮祖克台州溫州○冬十月徐達常遇春帥

師北伐中原○胡廷瑞帥師伐福建楊璟帥師

伐廣西○十有一月頒戊申曆○詳定律余○

廖永忠會湯和伐方國珍國珍來歸浙東平○

徐達克沂嶧益都諸郡○十有二月徐達取東平濟寧萊克濟南諸郡○胡廷瑞克光澤縣遂取部武建陽郡○湯和克福州○視園丘

御龍子集

一

吹劍草卷之四十八

上

吹劍草卷之四十八



御龍子集卷之四十九

御龍子七十三

臣洧川范守已次

寧夏侯廷琳校

高皇帝紀

戊申洪武元年元至正二十八年春正月乙亥帝卽

位○追帝四親○立馬氏為皇后子標為皇太

子○戊寅入居新宮○湯和克延平執陳友定

胡廷瑞取建寧○以李善長徐達為左右丞相

章溢為御史中丞○以李善長兼太子少師及

詹事徐達兼太子少傅常遇春兼太子少保湯

御龍子集

御龍子集卷之四十九

一

和兼諭德章溢兼贊善劉基兼率更令○建南

北郊及大社稷○定衛所官卒部領法○綏服

官入覲○二月以湯和督海運○廖永忠朱亮

祖伐廣東○以太牢祀孔子仍遣祭于曲阜○

定宗廟時享禮○禁胡服胡語○定賦役法○

楊璟取寶慶○胡廷瑞取興化汀州漳泉潮陽

諸郡○徐達取東昌及棣州○三月徐達克永

城遂取歸德許州開封諸郡○以劉基為御史

中丞兼太子贊善○左君弼以陳州來歸○彗

出昴○楊璟取全州及道寧桂陽武岡諸州

○廖永忠帥次潮州元左丞何真以循惠二州

來歸○夏四月廖永忠取廣州及海南諸郡

陸仲亨取英德肇慶連州諸郡○楊璟克永州

○鄧愈取南陽執元蔡國公史克新○徐達常

遇春取河南府及陝州潼關華州諸處○鄧愈

克裕州執元平章郭雲○立山東行中書省

以學士陶安為江西叅政○改太史院為司天

監○修女誡○以指揮沐英守建寧○繪孝行

御龍子集

御龍子集卷之四十九

二

戰伐圖示後人○勦州獻竹簞郡之○五月帝

如開封○徵賢良為守令○廖永忠取梧州○

六月徐達朝于帝所○楊璟克靖江柳州○秋

七月帝還應天○太平酋黃英衍田州酋岑伯

顏來歸○廖永忠取潯橫鬱林南寧賓象諸郡

○鄧愈取隨州信陽州○遣使賑河南諸郡○

閏七月徐達取衛輝彰德廣平諸郡○徐達常

遇春集師于臨清進克通州乙丑元主妥歡帖

睦兒走沙漠○八月以應天開封為南京

庚午徐達常遇春入元都元丞相慶童死之○  
已卯赦○初設六部以滕毅楊士義錢用壬陳  
寬周禎單安仁為尚書○帝如北京○九月達  
使求賢哲隱逸士○冬十月帝還南京○劉基  
罷○元人侵潼關郭興擊走之○陶安卒○放  
元宮人○置京畿漕運司○徐達取永平中山  
河間諸郡○詔求岩穴士○置北平府燕山六  
衛○常遇春取真定○十有一月封孔希學為  
衍聖公○碎故元水晶漏○鄧愈取均房金商

御龍子集

吹劍草卷之四九

三

諸州○馮勝克澤州楊璟及元人戰于韓店敗  
績○召劉基還京贈基祖父永嘉郡公○建大  
本堂○詔諭安南高麗占成日本君長○十有  
二月元擴廓帖木兒侵居庸○徐達常遇春伐  
太原擴廓來援遇春襲擊于郭西走之遂克太  
原及石忻絳霍平陽諸郡○汪河還自元軍○  
安南主日燧入貢

已酉洪武二年春正月免畿內及山東河南北  
平山西田賦○高麗主顓入貢○徐達克大同

御龍子集

吹劍草卷之四九

四

○日本夷寇山東○二月耕藉田○修元史○  
修皇陵○元人侵通州曹良臣卻之○南陽叛  
楊璟復平之○徐達克河中遂伐陝西○三月  
西安來歸徐達伐鳳翔李思齊走臨洮○夏四  
月徐達克秦隴鞏昌李思齊以臨洮來歸○徐  
達取蘭州○鳳翔獻瑞麥○日本夷寇崇明指  
揮翁德殲之○遣祀東海○五月甲午朔日有  
食之○徐達取涼涇延鄜諸郡○張良臣以慶  
陽來歸○章溢卒○六月元也速侵通州常遇  
春李文忠帥師及元也速戰于大寧敗之遂克  
開平元主走大興復追克之走應昌○張良臣  
以慶陽叛○秋七月常遇春卒○八月徐達伐  
慶陽○元人陷原州復陷涇州徐達擊走之○  
徐達克慶陽張良臣伏誅陝西悉平○九月以  
濠州為中都○占城主阿答阿者入貢○建功  
臣廟○元人追我師于馬邑李文忠逆戰敗之  
執其帥脫列伯○冬十月立郡縣學○十有一  
月乙巳有事于南郊配淳皇帝○甘露降乾清



宮○十有二月大賚功臣○元擴廓帖木兒圍  
蘭州指揮于光來援被執死之○定內司諸官  
○設王相府○封安南主日燧高麗主顯為其  
國王

庚戌洪武三年春正月徐達師討元擴廓帖  
木兒○李文忠帥師伐元上都○追封外祖為  
楊王○二月華雲龍克雲州○金朝興取東勝  
州○李文忠取興和○三月免畿內山東河南  
北平江西田賦○楊璟伐慈利蠻○夏四月封

御龍子集

吹劍草卷之四九

五

子機為秦王桐晉王棣燕王橐吳王楨楚王  
齊王梓潭王杞魯王檀蜀王從孫守謙為靖江  
王○徐達師次定西都督孫興祖及擴廓帖木  
兒戰于三不刺川敗績死之○右丞胡德濟及  
擴廓帖木兒戰于莊狼敗績徐達執德濟歸于  
京師○楊璟擊慈利蠻走之○元主妥懽帖睦  
兒卒○以元臣危素守余闕祠○五月初定設  
科取士格○營中都城闕○徐達及擴廓帖木  
兒戰于古城破之擴廓走和林○李文忠及元

沙不丁戰于駱駝山敗之○李文忠克應昌執  
元孫買的里八剌元嗣主愛猷識理達臘走沙  
漠○李文忠師次苦脫孫俘故元遺臣○徐達  
取鳳沔漢中○大雪○設郡縣義塚禁水火葬  
○六月日本夷寇登萊及閩浙諸郡○萊州府  
同知趙秩使日本○定太學生資格○免蘇州  
逋賦○正海嶽鎮瀆城隍諸神號○秋七月以  
劉基為弘文館學士○以楊憲汪廣洋為中書  
左右丞尋誅憲○夏人寇漢中金興旺擊走之

御龍子集

吹劍草卷之四九

六

○修大明集禮○禁侈俗○籍天下戶口于戶  
部○八月康茂才卒○徐達伐土蕃遂克河州  
土蕃酋何鎖南等來歸師次西黃河采甘烏思  
藏諸部來歸○瓜哇西洋瑣里入貢○定輸粟  
中鹽法○御史張敬之使渤泥○頒教民榜○  
九月改司天監為欽天監○冬十月周德興討  
慈利蠻○十有一月李文忠凱還獻元俘○西  
師還○諡故元主為順帝封買的里八剌為崇  
禮侯○大封功臣進封李善長為太師韓國公

徐達為太傅魏國公封李文忠曹國公馮勝宋國公鄧愈衛國公常茂鄭國公○封湯和中山侯耿炳文長興侯吳良江陰侯廖永忠德慶侯傅友德潁川侯○封汪廣洋忠勤伯劉基誠意伯餘封授有差○追封馮國用郅國公俞通海號國公丁德興濟國公耿再成泗國公○封汪興祖為東勝侯弗給券誥仍以都督自効○十有二月初立鹽法○封薛顯為永成侯弗給券誥居于海南○詔諭雲南西域諸國

御龍子集

吹劍草卷之四九

七

辛亥洪武四年春正月李善長致事○湯和傅友德各帥師伐夏○以汪廣洋胡惟庸為左右丞相○劉基致事○給功臣土田佃墾人戶○二月帝如中都尋還京○三月策士奉天殿○改築園丘方澤○劉益以遼東來歸○湯和克歸州○朱亮祖帥師會伐夏○閏月廢靖江王守謙為庶人○夏四月傅友德克階文都督汪興祖歿于師○湯和師次大溪口○傅友德克綿州遂克漢州○徵山林隱逸士○五月免浙

江江西田賦○六月廖永忠克瞿塘遂入夔州○湯和廖永忠次重慶夏主昇東歸○元人侵遼東○日本夷寇膠州○秋七月傅友德克成都四川悉平○宴饗九奏樂章成○置定遼都指揮司○八月封明昇為歸義侯○暹羅渤泥三佛齊日本諸國人貢○華雲龍襲元衆于牙頭敗之故元諸王伯顏不花等來歸歸于京師○九月庚戌朔日有食之○禁征海外諸夷○禁奏祥瑞○冬十月西師還追授汪興祖實封

御龍子集

吹劍草卷之四九

八

侯爵○十有一月陶安卒○十有二月初開茶市○徙歸德侯理歸義侯昇于高麗○壬子洪武五年春正月待制王禕使雲南○廣西蠻叛鄧愈帥師平之○實封薛顯為永城侯○徐達馮勝李文忠帥師分道伐元○二月藍玉敗元人于野馬川○李文忠師次驢駒河元酋哈喇張及我師戰于土刺河○曹良臣及元人戰于阿魯渾河敗績死之○辰州溪洞蠻別鄧愈帥師平之○三月馮勝敗狄人于別力馬



山遂克甘州○馮勝取涼肅瓜沙諸州及亦集  
乃路○立僧道周知冊○造獨轅車○夏四月  
吳良伐銅鼓五開諸蠻平之○五月徐達及元  
人戰于嶺北敗績○日本夷寇浙東○定鄉飲  
酒禮○六月賑山東免災郡田賦○句容民獻  
嘉瓜○秋七月湯和及元人戰于斷頭山敗績  
○定宦官禁令○八月日本夷寇福建○華寧  
夏府○九月安南陳叔明弒其君日燿○冬十  
月北師還○十有一月元人寇遼東○十有二  
御龍子集 吹劍草卷之四十九 九

月置省府銅匱○縱內府鳥獸○定掖庭局司  
女官  
癸丑洪武六年春正月汪廣洋謫補外○徵孔  
克表為修撰○二月罷科舉法察舉賢良○掄  
鄉貢七張唯等入文華堂讀書○編昭鑑錄示  
諸王○徵郡縣險易圖○三月徐達李文忠鄧  
愈湯和分道備邊○以都督於顯巡海洋○夏  
四月賜故功臣諡贈○諭求山林德藝士○奪  
誠意伯劉基歲祿○五月元人寇武朔徐達擊

走之○臨江侯陳德帥師伐元○六月免災郡  
田賦○秋七月以胡惟庸為右丞相陳寧為御  
史大夫○陳德敗狄人于亥刺河○日本夷寇  
萊州○八月以詹同宋濂修大明日曆○祀三  
皇及歷代帝王于京師○以功臣配享太廟○  
九月設給事中○正表箋體式○修羣經類要  
○冬十月宋晟敗狄人于亦集亦○李文忠敗  
狄人于朔州○更定大明律○封西蕃土蕃諸  
酋為其國師法王設烏思藏朵甘都指揮使司

御龍子集 吹劍草卷之四十九

十

○禁獻方物○十有一月徐達敗狄人于大同  
○閏月定糾彈宦官法○十有二月浚漕渠○  
雲南人殺王禕  
甲寅洪武七年春正月李文忠敗狄人于白登  
○二月丁酉朔日有食之○三月轉漕關西諸  
邊○夏四月藍玉敗狄人于興和○五月大雲  
○六月日本夷寇膠州○秋七月李文忠克大  
寧敗狄人于大石崖○八月李文忠敗狄人于  
豐州○吳禎敗日本夷于琉球洋○徵淮安侯

華雲龍還京尋卒○九月定人子母喪服制○  
歸崇禮侯于塞外○設市舶司○冬十月己未  
皇孫雄英生○徙江南民實中都○十有一月  
甘露降于鍾山○封卜煙帖木兒為安定王○  
詔覈死徙民數○十有二月却日本主良懷貢  
獻○任功臣庶子以流官

乙卯洪武八年春正月給無告民衣食居處  
三月選太國諸生分教北方郡縣○令有司督  
課學校農桑○立錢鈔法○夏四月帝如中都

御龍子集 吹劍草卷之四九 上

尋還京○誠意伯劉基卒○出禮部員外郎吳  
伯宗于鳳陽尋召還京○五月市馬于西蕃○  
秋七月己未朔日有食之○八月旱○免江南  
湖北田賦○開登萊河○九月改建大內宮殿  
○叅政吳雲使雲南○狄人寇大同○舉用富  
民○冬十月皇太子諸王閱武于中都○十有  
一月增六部官屬○甘露降于園立○發徒流  
人屯鍾鳳陽○十有二月狄人寇遼東馬雲葉  
旺擊走之○設都指揮使司

史巡按郡縣○設通政司○八月更定郊祀  
大祀殿○九月免江東浙西田賦○省併郡縣  
○淡巴入貢○冬十月衛國公鄧愈卒○封沐  
英為西平侯○十有一月合祀天地于奉天殿  
○己卯皇孫允炆生○濮真帥師伐高麗敗績  
自殺○十有二月乙巳朔日有食之○禁內臣  
讀書識字○松潘蠻寇西鄙○復以汪廣洋為  
右丞相○復封守謙為靖江王安置鳳陽

戊午洪武十有一年春正月改封吳王為周王  
御龍子集 吹劍草卷之四九 上

○進封湯和為信國公○李玉討松潘蠻平之  
○初制朝叅官牙牌○二月祀大社稷配淳皇  
帝○三月禁奏事關白中書省○夏四月製皇  
陵碑○元主愛猷識理達臘卒○五月命武臣  
子讀書太學○六月遣祀故元主○秋八月免  
畿內及河南陝西湖廣廣東田賦○吳浙海溢  
○彭亨百花入貢○九月有星孛于天弁○贈  
劉繼祖惠義侯○冬十一月土蕃寇西鄙○臨  
江侯陳德卒○十有二月乙巳朔日有食之



丙辰洪武九年春正月定宗王公主歲祿○二月湯和傅友德屯延安○免畿內及河南山西陝西北平福建江西湖廣田賦○夏四月乃雨○狄人寇延安傅友德擊走之○六月改行中書省為承宣布政使司○以宋濂為學士承旨子璲為中書舍人孫慎為禮儀司序班○秋七月癸丑朔日有食之○蘇湖大水○九月更定王府官制○閏九月七耀素度求直言○冬十月更作太廟○定太廟侑享功臣○逮繫平遙御龍子集

吹劍草卷之四

十二

訓導葉居昇于曹獄○禁樵牧帝王陵寢○傅友德巡蜀地○十有一月土蕃掠西鄙○十有二月賑江南湖北○置寧夏諸衛○鄧愈沐英帥師伐土蕃

丁巳洪武十年春正月宋濂致事○二月白虹貫日○收劉基占象書○夏四月鄧愈沐英破川藏蕃師抵崑崙而還○五月以李善長李文忠總中書省及都督府御史臺同議軍國重事○六月命皇太子參處國政○秋七月初命

巳未洪武十有二年春正月巳卯合祀天地于大祀殿○沐英敗土蕃于磧石遂屯東籠山○二月李文忠督戍隴西○湯和率列侯楊武于臨清○夏四月免北平田賦○五月靖海侯吳禎卒○閏月○六月馬雲帥師討大寧○秋七月丁丑討蜀寇平之○八月安置日本使人于陝西○九月沐英平土蕃寇置洮州衛○冬十有一月封藍玉為永昌侯○定致事官居鄉禮○徵永嘉侯朱亮祖還自廣東奪其官○十有

御龍子集

吹劍草卷之四

十四

二月流江廣祥于海南

庚申洪武十有三年春正月左丞相胡惟庸謀逆伏誅及御史大夫陳寧中丞涂節○革中書省罷置丞相以六部分理國政○改大都督府為五軍都督府○二月詔舉孝弟力田賢良文學之士○李善長罷○誅宋濂孫慎流濂于茂州○減蘇松嘉湖田賦○沐英帥師伐和林執其酋火脫赤以歸○夏四月張赫朱壽督舟師海運○五月甲午震謹身殿赦○御史中丞

然罷以李善長理臺事○免天下田賦○罷御史臺及提刑按察司○罷諸王府營建○六月震奉天門○置諫院官○秋七月復京官家○八月安置日本使人于川陝○九月置四輔官○冬十月詔求真才○十有二月列侯諸將屯田于北平兼訓武邊東

御龍子集  
卷之四十九

次命早寇之四十九

次命早寇之五十九

御龍子七十四

臣浦川元守已次

臣事以侯廷芳校

辛酉洪武十有四年春正月狄人入寇徐達湯和傅友德帥師討之○編氓役黃冊○三月赦免應天太平鎮寧廣德田賦○復提刑按察司○夏四月徐達師次北黃河敗狄人于灰山沐英克嵩州高州及全寧諸部各俘其狄酋以歸○頒五經四書于北方學校○五月宋濂卒于夔州○周德興帥師伐四川諸蠻峒平之○日本夷入貢安置其使于川陝○八月河決原武○九月傅友德藍玉沐英帥師伐雲南○冬十月壬子朔日有食之○十有一月傅友德克晉定州○定考覈殿最法○李雄帥師討閩廣蠻○江陰侯吳良卒○唐勝宗帥師討浙東盜平之○傅友德克晉安州遂次白石江大敗狄衆于江浙取曲靖○沐英取雲南府傅友德取烏撒城之○命翰林院平駁章奏



壬戌洪武十有五年正月沐英平滇諸郡○二月詔諭西南夷○閏月彗見○傳友德沐英克大理執其酋段世遂取鶴慶麗江諸郡金齒車理諸夷來歸○三月趙庸帥師討廣東蠻平之○夏四月免畿內浙江河南山東田賦○日本夷入貢○烏撒芒部諸蠻叛○五月皇孫雄英卒○帝視太廟○遣使求經明行修士○秋七月管陽侯楊璟卒○宣德侯金朝興卒于師○傳友德討烏撒諸蠻平之○八月吳

御龍子集

卷之五十一

復費聚平貴州蠻○初定勘合行移○丙戌皇后馬氏崩○九月雲南遺酋楊苴叛圍雲南府沐英自烏撒來援平之○葬孝慈皇后○冬十月設殿閣大學士○徵耆儒鮑恂全思誠余詮張長年以為文華殿大學士不拜○十有二月孝陵成封李新為崇山侯○設都察院○以耿炳文唐勝宗屯練陝西

癸亥洪武十有六年春正月以李文忠典太

事○徐達率列侯巡撫北陲○傳友德平

鄧川北勝諸郡平緬八百媳婦來歸○三月復鳳陽臨淮二縣民○南師還留沐英守雲南○夏四月日本夷寇浙東○秋七月分遣御史慮囚諸道○八月壬申朔日有食之○九月鄧鎮帥師討龍泉盜平之○冬十月給外夷入貢勘合○安六侯吳復卒○鞏昌侯郭興卒○十有一月定祀歷代名臣○十有二月初命郡縣歲貢生員

甲子洪武十有七年春正月以徐達守北平○

御龍子集

卷之五十二

三

湯和巡視海戍城沿海諸鎮保○二月更定都察院官制○三月頒科舉成式○申薦舉令○曹國公文忠卒○夏四月進封傳友德穎國公封郭英武定侯胡海東川侯陳桓晉定侯張翼鶴慶侯予仇成張龍王弼吳復金朝興為世侯○更定內侍監局官○秋八月定考績法○九月徵士陳遇卒○冬十月冊李氏為淑妃攝宮事○閏月○議改曆元○召徐達還京○太陰犯上將

乙丑洪武十有八年春二月五緯偕見求  
○魏國公達卒○三月策士奉天殿○初選庶  
吉士○夏四月思州蠻叛楚王及湯和周德興  
帥師平之○景雲見○誅右審刑吳庸○誅戶  
部侍郎郭桓胡益刑部尚書王惠迪兵部侍郎  
王志工部侍郎麥志德禮部尚書趙瑄等榜其  
罪于天下○秋七月五開蠻叛湯和討平之○  
免山東北平田賦○八月遣公侯還鄉○九月  
太白經天○築漳隄○冬十月頒大誥于天下  
御龍子集 卷之五十 四

孝廉  
○彗見○十有一月作觀象臺○十有二月舉  
丙寅洪武十有九年傅友德耿炳文帥師討湖  
貴諸叛蠻平之○發畿內湖廣江西諸猾胥戍  
雲貴○定輸班匠復其家○二月秋納哈出寇  
東鄙○三月白虹貫日○夏四月河南大水贖  
民粥子○五月安置日本使人于雲南○六月  
詔給耆民月廩及酒肉帛絮○賜應天鳳陽及  
天下耆民爵三等○秋七月詔舉經明行修耆

士○三辰晝見○八月修祖陵○六安侯王志  
卒○九月賑災郡○冬十月封何真為東莞伯  
○十有二月癸未朔日有食之○頒大誥三編  
丁卯洪武二十年春正月馮勝傅友德藍玉等  
帥師伐狄○焚錦衣衛刑具○二月耕籍田○  
魚鱗冊成○置浙東戍海衛所○三月師城大  
寧○夏四月周德興屯戍福建○五月狄納哈  
出北道○六月臨江侯陳鏞陷于狄死之○馮  
勝帥師追狄于金山北狄人納哈出來歸師還  
御龍子集 卷之五 五

○太白經天○閏月師次金山濮英殿狄尾我  
師英及狄戰死之○秋七月定親王歲祿○八  
月徵馮勝還京○封納哈出為海西侯○放鄭  
國公茂于龍州○置都指揮司于大寧○藍玉  
唐勝宗郭英帥師伐餘狄○冬十月宋國公勝  
歸鳳陽○十有一月永城侯薛顯卒○葉昇陳  
桓帥師討東川蠻平之○十有二月封張赫為  
航海侯朱壽為舳艫侯  
戊辰洪武二十有一年春正月傅友德帥師討



東川叛蠻○平緬蠻叛甯正與戰破之○二月平緬酋寇定遠沐英帥師往討大戰于其地平之○三月發列侯從王伐狄○夏四月藍玉師襲狄幕破之狄主脫古思帖木兒北走追及捕魚海獲其妃女子姓及其官屬以歸○俞通淵何福追狄于曲律運河降其平章阿脫木○五月甲戌朔日有食之○傳友德平東川蠻○乙酉景雲見○秋七月封濮英子瑋為西涼侯○八月北師還封藍玉為涼國公○安慶侯仇成

御龍子集

卷之五

六

卒○九月傳友德伐越州蠻○冬十月徐允恭嗣魏國公○封常昇開國公○發降狄從師道叛誅之○十有二月丁卯三辰晝見○安南黎季犛殺其主煒

己巳洪武二十有二年春二月傳友德降越州蠻○三月傳友德及諸將屯戍西南諸鄙○夏四月徙江左民田淮泗○置詹事府○五月置朵顏大寧福餘衛○六月周王橚棄其國放于雲南○秋七月西南師還○八月更定律令○

禁武臣干民事○九月丙寅朔日有食之○冬十月徙民墾間田○十有一月狄也速迭兒弒其主脫古思帖木兒○平緬夷入貢○十有二月日本夷寇寧海○沐英入朝尋遣還○安南黎季犛弒其主日烜○高麗李成桂幽其主禡復廢其嗣主昌

庚午洪武二十有三年春正月熒惑入南斗○晉王燕王督師伐狄○唐勝宗伐貴州苗平之○胡海帥師伐九溪蠻平之○二月宋訥卒○

御龍子集

卷之五

七

藍玉帥師討諸番敗其衆于大渡河○三月燕王督師出古北口伐狄○夏四月城京郭隄出紫微垣○閏月藍玉平諸番○五月肅清逆黨○殺韓國公善長○六月選用耆民○秋七月江南北海水溢○八月西師還○九月庚寅朔日有食之○冬十月封劉廌嗣誠意伯○十有二月購遺書○潭王梓暴卒

辛未洪武二十有四年春正月築寧紹海防○歲甘肅○二月更封豫王為代三漢王為肅王

衛王為遼王○三月戊子朔日有食之○策士奉天殿○狄阿札失里寇北平傅友德帥師討之○夏四月製渾天儀○五月肅王遼王谷土慶王寧王岷王閔武于臨清○六月傅友德敗狄于黑嶺洮兒河諸處○河徙入淮○秋七月徙富民于京師○傅友德追狄于打蘭尖山遂次黑松林大獲以歸○八月皇太子如陝西○九月宋晟劉真帥師伐哈密破之執其酋別列怯以歸○日本夷寇廣東○冬十月克北平田

御龍子集

史劄草卷之五十一

八

賦○以典史馮堅為會都御史○十有二月皇太子至自陝西○何福帥師討越州蠻降其酋阿資○俞通淵帥師伐古州諸蠻

壬申洪武二十有五年春正月河決湯武○令大辟囚輸粟塞下○二月俞通淵平古州蠻○高麗李成桂幽其主瑤遂自為高麗主○以列侯屯戍西北陞○三月以朱壽督海運○夏四月丙子皇太子探薨○藍玉帥師伐罕東再緯伐建昌○五月封俞通淵為越嵩侯○藍玉平

罕東遂伐建昌○六月西平侯沐英卒○秋七月琉球遣子入太學○八月葬懿文太子○九月庚寅立允炆為皇太孫○宋晟帥師伐罕西平之○冬十月沐春嗣西平侯○周興帥師伐狄大敗也速迭兒于徹徹兒山○十有一月藍玉破建昌執其酋月魯帖木兒以歸○十有二月以方孝孺為漢中教授○閏月

御龍子集

史劄草卷之五十一

九

黨與○三月日本夷寇浙東○夏四月太白經天大旱求直言慮囚○秋七月田辰朔日有食之○選秀才入直文華殿○八月徙慶王于韋州○九月赦胡藍餘黨○冬十月徙岷王于雲南○十有一月以訓導門克新為左贊善○以劉璟為谷府長史提督燕代肅遼慶寧六府甲戌洪武二十有七年春正月賑饑民○二月日本夷寇浙東○三月策士奉天殿○魏國公輝祖安陸侯傑講武海上○命韓王潘王省親



秦晉燕周齊王○成東勝○夏四月譚民  
巢○五月安南入貢却之○定武職襲校地  
例○秋八月偕大軍叛甯正討平之○冬十月  
日本夷寇金州○十有一月越州復叛沐春帥  
師討之其酋阿資遁去○十有二月女直寇遼  
東○賴國公友德暴卒

乙亥洪武二十有八年春正月周興帥師伐女  
直○沐春克越州巢其酋阿資○二月宋國公  
勝卒○三月秦王模範○夏四月日本夷寇金  
州○周興大敗女直于鎖兒口○六月除黥剗

荆宮刑○秋七月韓觀討廣西蠻平之○八月  
楊文唐鐸帥師討龍州蠻○信國公和卒○顧  
成討貴州蠻平之○免應天五郡田賦○閏九  
月更定親王祿米○罷楊雄從祀祀董仲舒○  
冬十月立太孫妃馬氏○錫文平龍州諸蠻○  
十有一月羣蠻悉平○十有二月南師還○侍  
安郭驥使西域

丙子洪武二十有九年春正月選才閭右○二

月胡冕帥師討榔桂蠻平之○夏六月築河防  
○秋八月免應天五郡田賦○冬十月曾孫文  
奎生○大賚武臣○十有二月五星齋度○定  
外官朝覲期○罷大理寺○顧成帥師討水西  
蠻

丁丑洪武三十年春正月耿炳文郭英屯戍關  
西○耿炳文平漢沔盜○二月白虹亘天○顧  
成平水西蠻○三月策士奉天殿賜陳郊等五  
身○夏四月晉王燕王閔武北陞○誅胡藍餘

黨○五月壬子朔日有食之○學士劉三吾編  
成○楚王湘王督師伐五開諸蠻○晉王燕王  
代王遼王寧王谷王督戍北陞○劉三吾暴卒  
○六月再策士奉天殿賜韓克忠等六十  
人進士出身○附  
馬都尉歐陽倫暴卒○秋七月都御史楊清暴  
卒○河決開封○以鄭沂為禮部尚書○九月  
平緬蠻刁幹孟逐其宣慰使思倫發○冬十月  
熒惑犯斗南○十有一月沐春帥師伐平緬蠻  
○十有二月帝不豫

戊寅洪武三十有一年春正月命山水河南黎  
田○二月日本夷寇山東浙東○定吏員資格  
○三月晉王桐薨○夏四月燕王代王遼王  
王谷王督戍北平○五月沐春入平綱執其首  
刃幹孟以歸○閏月乙酉帝崩于西宮○辛卯  
皇太孫卽位○葬高皇帝○止諸王會葬○裁  
冗官○省併郡縣○秋七月廢周王橐為庶人  
放于雲南○八月何福帥師討百夷平之○九  
月長星西隕○冬十月熒惑守心○十有一月  
御龍子集

吹劍草卷之五十一

徵齊王博詣京○十有二月南師還

吹劍草卷之五十一

吹劍草卷之五十一

御龍子七十五

浦上范守已介儒著

寧夏侯廷鼎校

嘉隆臣略

羅欽順

字允升號整菴吉之泰和人弘治壬子解元明  
年及第授編修歷南司業乞侍親久之復乞終  
養劉瑾怒削籍為民瑾誅復職陞南太常少卿  
南吏部右侍郎改吏部嘉靖初轉左侍郎陞南  
京吏部尚書疏乞終養許之已而召為禮部尚  
書未任丁父憂服闋起原官不至改吏部疏辭  
致仕嘉靖丁未四月卒年八十三贈太子太保  
諡文莊公忠時學持論高虛作困知記辦釋悟  
之非今行于世

李廷相

字夢弼號蒲汀錦衣籍濮人父瓚戶部尚書公  
登弘治壬戌進士及第授編修忤宦官改兵部  
郎中宦官誅復故秩歷陞中允侍講學士南吏  
部侍郎丁父母憂服闋改兵部右禮部左遂陞



戶部尚書總督糧儲仍兼學士及太子賓客父之入掌部務因疾乞休嘉靖甲辰七月一日卒年六十四贈太子少保諡文敏

### 陸深

字子淵號儼山華亭人初登進士爲翰林編修陞司業祭酒經筵進講面奏忤旨復疏陳聖學謫延平同知陞山西提學副使與御史互詰勘明補浙江提學陞江西參政陝西右布政四川左布政徵爲光祿卿改太常卿兼侍讀學士扈

御龍子集

吹劍草卷之五十一

平

### 唐龍

字虞佐蘭溪人登正德戊辰進士知郟城縣禦殺流賊有功徵爲御史巡雲南江西提學關中陞山西按察司徵爲太僕卿尋擢僉都御史總漕運入爲副都轉吏部侍郎進兵部尚書兼右都御史總督三邊軍務禦虜屢有捷音入爲刑

部尚書乞終養歸尋以薦起爲南刑部改南吏部未行改兵部加太子太保改吏部嘉靖丙午七月卒年七十贈少保諡文襄國朝不由翰林得諡文者最寡公其一也有漁石集行世子汝楫

### 張瓚附

字廷獻號東瀛滄州人初登乙丑進士授給事中擢通察左右通政太常卿通政使戶部侍郎兼僉都御史督餉延綏改宣大復改兵部侍郎

御龍子集

吹劍草卷之五十一

平

### 潘鑑

字希古婺源人兄旦兵部侍郎弟選僉事鑑登正德戊辰進士授南評事歷寺副寺正福建僉事貴州副使四川按察使江西四川右左布政改副都御史巡撫四川入爲工部侍郎採木

功進工部尚書致仕復起兵部尚書兼右副都提督兩廣軍務未至任嘉靖甲辰九月道卒贈太子太保諡襄毅

宋景

字以賢奉新人登弘治乙丑進士授睢州知州改御史予告起爲浙江僉事山西副使山東福建參政四川右布政山西左布政南光祿卿南臺副都御史總督糧儲改左都御史刑部左右侍郎南工部尚書改南吏部又改南兵部入掌御龍子集  
火劍草卷之五十一 四

王道

字純甫武城人正德辛未進士選庶吉士因寇亂乞補教職奉祖母辟地授應天教授陞南禮部主事改吏部十年陞諭德子疾起爲南祭酒復予告起爲南太常遷南戶侍改禮侍掌北雍改吏侍卒于官所著有太學億及老子易書詩春秋等億諸史論斷太學衍義論斷批點六子

書嘉靖丁未七月卒

陶諧

字世和會稽人弘治丙辰進士庶吉士授給事中  
中正德初上言遠讒佞戒逸遊忤中官以他事廷杖削籍已而復逮治謫戍肅州瑾誅放還嘉靖初起爲江西僉事陞河南副使參政按察使布政使擢副都御史提督南贛軍務進兵部侍郎總督兩廣有功入贊本兵以九廟災乞休罷歸嘉靖丙午十一月卒

御龍子集  
火劍草卷之五十一 五

趙載

字文載垣曲人正德辛未進士授戶部主事歷郎中陞陝西參議副使兵備甘肅有功進參政遂陞僉都御史巡撫其地兼理屯田入爲南京副都御史提督操江被劾聽勘癸卯十月卒

秦金

無錫人初登進士授戶部主事歷陞副都御史巡撫湖廣入爲戶部侍郎陞南京禮部尚書改南兵部召爲北戶部尚書



費來

字子和鉛山人費文憲公宏之從弟也正德辛未進士改庶吉士授編修妻婁氏宸濠妃之妹公拒濠屬濠恨之賂中貴人出中旨勒公及文憲公皆致仕世廟初復其官尋陞春坊贊善南尚寶卿改春坊庶子兼侍講掌南翰院尋陞通政使南國子祭酒南禮部侍郎改南吏侍入爲兵部改禮部兼學士尋進禮部尚書掌詹事府已而管部事太廟成加太子少保丁未加太

御龍子集

卷之五十一

木

子太保戊申加少保是歲十二月十三日卒于官贈光祿大夫諡文通居南雍陳六事居宗伯以地震陳八事俱嘉納之

陳經

字伯常益都人正德甲戌進士選兵科給事中世廟初上言請究治先朝遺姦及端大本以隆大化言皆剴切陞通參左通政通政使禮部侍郎戶部尚書總督倉場改禮部又改兵部兼督團營加太子少保予告歸家庚戌年二月四日

以疾卒

翁萬達

字仁夫潮州海陽人嘉靖丙戌進士授戶部主事歷員外郎中陞梧州知府廣西副使督兵南寧時征安南有龍州憑祥州土舍趙楷韋應李寰爲莫登庸腹心日伺我事竊告之公計擒之論死二州以定人計擒左江蠻酋侯公丁攻平諸寨尋陞參政及四川按察使陝西布政使尋擢副都御史巡撫陝西進兵部侍郎兼都御史

御龍子集

卷之五十一

七

總督宣大修邊垣增墩臺邊民賴之時諜報虜寇宣府大同帥周尚文幸之恐諜者之泄也故而係之公知其情即馳疏告急請以尚文往禦朝廷從之尚文乃往公亦督兵爲援虜不虞其至也大破于曹家庄捷聞陞兵部尚書仍總督尋召入部丁父憂歸庚戌之變帝奪情起公公至稍遲上章待罪奪官二級命以兵部右侍郎兼都御史經略紫荆諸關公疾作乞歸而疏中字訛帝怒斥爲民初在廣南答仇鸞麾下

卒驚恨之故中傷公驚誅 帝復起用公為兵部尚書命下而公已卒矣時嘉靖壬子歲某月也

溫和仁

字民懷成都華陽人由進士庶吉士授編修以忤瑾出為戶部主事瑾敗復原官進侍讀 武宗實錄成擢吏部侍郎管誥勅乞終養親終復原官陞工部尚書改禮部 帝幸承天公留守京師色視 章聖皇太后梓宮南附顯陵尋引疾致仕去嘉靖癸卯七月卒于家贈太子太保文恪

張子麟

字元瑞藁城人成化甲辰進士授南評事歷寺正汝寧知府山西叅政河南布政湖廣巡撫刑部侍郎進尚書太子太保時二親俱存乞侍養歸嘉靖丙午六月卒年八十有八

高友幾

字肅政溫州樂清人由進士授南刑部主事歷

郎中九江知府廣西叅政管田州府事戢岑猛之亂調衛輝知府江西叅政山西按察使陝西布政大同巡撫以事謫降政仕起為彬桂副使山東叅政福建布政光祿卿南刑部侍郎右都御史督漕進南工部尚書改南刑部召入北曹致仕嘉靖丙午三月卒年八十六贈太子少保謚襄簡

潘珍

字玉卿婺源人弘治壬戌進士諸暨知縣陞評事山東僉事城闕里陞副使改福建副使山東按察使湖廣布政遼東巡撫丁憂起為操江都御史南兵部侍郎改兵部以諫征安南去位嘉靖戊申七月卒贈右都御史族子旦為吏部侍郎

具翰

字受夫洛陽人與弟瀛同登進士公授南道御史論廖鵬罪置之重典陞江西僉事湖廣叅議陝西副使行太僕卿山西按察使布政應天府



尹北直隸巡撫回籍嘉靖庚戌八月卒子三樂  
三聘

周用

字行之吳江人由進士授行人歷官南兵科改  
禮科廣東參議浙江副使改山東福建按察使  
河南布政陞副都提督南贛軍務召入掌院改  
吏部侍郎調南刑部轉南院右都御史南刑部  
尚書以九廟災自陳致仕起爲吏部尚書卒  
于官嘉靖丁未正月也贈太子太保諡恭肅

御龍子集

次劍車卷之五十一

周金

字子庚應天人居常州戊辰進士授給事中歷  
太僕少卿延綏巡撫陞副都巡宣府予告復起  
巡紫荆等關入爲兵部侍郎右都理漕轉南刑  
部尚書改戶部致仕嘉靖丙午八月卒

毛紀

字維之掖縣人弘治丁未進士改庶吉士授檢  
討歷編修諭德待講學士及學士戶部侍郎改  
吏部陞禮部尚書掌詹事府隨改東閣大學士

入閣加太子太保文淵閣大學士又加少保  
英殿世廟初決策迎立封伯不拜改吏部尚  
書謹身殿大學士引疾致仕嘉靖乙巳六月卒  
贈太保諡文簡所著有鰲峯類稿密勿稿歸田  
雜識年八十三

賈誅

字鳴和臨潁人弘治己酉解元丙辰進士改庶  
吉士授編修以忤瑾改爲兵部主事祠部員外  
郎瑾誅復原官遷中允侍讀學士掌南院南祭

御龍子集

次劍車卷之五十一

十一

酒改北祭酒丁父艱服闋陞禮部侍郎改吏部  
兼學士掌詹事府亡何晉禮部尚書文淵閣大  
學士入閣辦事武宗實錄成加太子太保武  
英殿大學士獻皇帝實錄成加少保光祿大  
夫柱國尋落職公儀度秀偉長身玉立居鄉抑  
畏坦若未嘗居顯官者立義田義冢以仁其族  
嘉靖丁未八月三十日卒享年八十有四贈太  
保諡文靖二子葵萱皆瘍以從子芳爲後芳子  
瑤授中書舍人瑤子鑰

顧鼎臣

字九和崑山人弘治乙丑狀元授編修歷陞侍講  
世廟初簡侍經進進學士公講心箴  
敷陳剴切 帝注聽久之因諭鼎臣講心箴甚  
為正心之助乃御製心箴及四箴註又為敬一  
箴示天下寔公啓之 帝又命公講洪範深冬  
不輟無逸殿成命公坐講無逸篇尋陞詹事吏  
部侍郎禮部尚書俱掌詹事府獨教庶吉士戊  
戌八月晉兼文淵閣太學士入閣加少保兼太  
御龍子集 吹劍草卷之五十一 主

翟鸞

字仲鳴諸城人居京師弘治乙丑進士授編修  
逆璫時為刑部主事已而復原官陞侍讀晉學  
士禮部侍郎改吏侍入閣進禮部尚書文淵閣  
大學士丁內艱 帝南幸起為行邊使亡何仍  
入閣改武英殿加少傳兼太子太傳甲辰罷歸  
丙午年卒

張璧

字崇象石首人辛未進士改庶吉士授編修乾  
清宮災上修德勤政講學三事 世廟初侍講  
進林俊待罪公講君使臣以禮 上為之改容  
丁外艱服闋陞南禮部尚書召入北部與靈寶  
許公同入閣兼東閣大學士尋卒于官乙巳八  
月也贈少保謚文簡

許讚

字廷美靈寶人襄毅公進之子也弘治乙卯以  
禮魁于鄉丙辰登進士授太名推官入為御史  
以父居家宰改編修襄毅罷出為臨淄知縣丁  
父艱服闋陞浙江僉事晉副使改山西提學四  
川察政按察使浙江布政光祿卿刑部侍郎晉  
尚書先是有錦衣指揮施恭矯 武宗詔籍楊  
州商人袁英家至是英妻訴之公執法置之重  
典又有薛侃迎親藩之議詹啓訐銓部之詞張  
紳之薦劾朝官劉永昌之誣詆省閣公皆從容  
裁決持法甚平改戶部尚書乞歸省丁內艱起



復爲吏部尚書加太子太保又加少保 九  
災引咎自陳許致仕復起爲吏部加太子太保  
尋兼文淵閣大學士入閣 太廟成加少傅疾  
作乞休連三四上 帝罷之嘉靖戊申七月二  
十五日卒于家又四年子僎始奏訃 帝悼嗟  
復其官贈少師諡文簡年七十有六子二長備  
次僎所著有松臯集

張璉

字秉用永嘉人正德辛巳進士除南刑部主事

御龍子集

吹劍草卷之五十一

曲

嘉靖初以言大禮擢翰林學士明年進詹事又  
明年陞兵部左右侍郎復以反李福達獄掌都  
察院尋陞禮部尚書文淵閣大學士仍掌院事  
明年加太子太保不受乃改少保以明倫大典  
書成加少傅太子太傅吏部尚書謹身殿大學  
士俄與楊一清相構免歸而霍韜者論逐楊公  
復召公還久之請避嫌名 賜名孚敬字茂恭  
亡何以雷震午門西樓被劾歸尋召還進太子  
大師再進少師久之乞致仕許之明年復召

處州疾作而歸嘉靖十八年卒壽六十有五贈  
太師諡文忠

瞿景淳

字師道常熟人嘉靖甲辰會元殿試一甲授編  
修九年滿遷侍讀尋陞左諭德丁內艱歸服闋  
補故官遷侍讀學士掌翰林院尋陞太常卿管  
南京國子監祭酒事南吏部侍郎隆慶初召爲  
禮部左侍郎兼學士食二品俸亡何以疾乞骸  
骨歸明年卒贈禮部尚書諡文懿

御龍子集

吹劍草卷之五十一

五

喻時

字中甫光州人初以進士爲吳江令徵爲御史  
嚴嵩初入相時首劾其險穽不報已而巡鹽河  
東巡按四川遂陞應天府丞太僕卿僉都御史  
巡撫保定亡何改督操江進副都御史總督漕  
運俄總督陝西三邊軍務以虜功加二品俸久  
之進兵部右侍郎尋出爲南兵部三年考績被  
論歸復起爲南戶部卒于官年六十五所著古  
文辭學盤庚周禮詰屈不可爲句世謂喻氏學

劉天和

字養和麻城人正德初進士授南主客主事改御史巡按陝西爲廖鵬所構逮繫詔獄出爲金壇縣丞遂爲其縣知縣漸陞蘇州同知湖州知府山西提學副使再補陝西提學明年陞南太僕少卿尋改太常爲右僉都御史督屯甘肅改巡撫陝西加副都總理河道陞工部右侍郎尋陞兵部左侍郎兼副都總督陝西三邊軍務以軍功加右都尋加左都遂加兵部尚書嘉靖己御龍子集

吹劍草卷之五十一

未

亥大破虜于花馬池得首虜五百級捷聞加太子太保予蔭錦衣正千戶亡何以南戶部尋掌兵部乞歸許之乙巳冬卒于家贈少保諡莊襄守有其孫也

顧應祥

字惟賢長興人初中進士授饒州推官陞錦衣衛經歷廣東僉事江西副使陝西苑馬卿山東參政按察使右布政遂進右副都御史巡撫雲南以內艱歸久之復起雲南遷南兵部侍郎入

爲刑部尚書尋改南刑部居二載乞歸許之嘉靖乙丑九月卒所著有人代紀授時曆法測圓海鏡孤矢算術唐詩類抄明文集要行于世

御龍子集

吹劍草卷之五十一

未

吹劍草卷之五十一



吹劔草卷之五十二

御龍子七十六

有上范守已介儒著

寧夏侯廷秀校  
扶溝李時芳校

譜類

曹正夫先生年譜

國朝理學以先生爲稱首蓋洪永間氣龐化醇  
學士大夫不事理學談說而行多純懿第經  
生業起人務筌蹄語不復知有身心事矣先  
生崛起其間力刊陳言務研性命之精以上  
溯濂洛關閩諸賢指要其功顧不偉與嗣是

御龍子集

吹劔草卷之五十二

一

而後薛文清王文成陳胡諸子乃振其響其  
說闕肆汪洋至不可究詰而先生之名反爲  
所掩何者位卑而徒寡亡能抗其門牆而躋  
之述作之列以故所自爲書不一再世泯滅  
亡存後人何所按索而窺其月映萬川之胸  
次哉余生也輒慕先生之爲人欲修其所謂  
太極圖通書西銘各述解四書詳說存疑及  
夜行燭拙巢鳴等書一一揚摧而廣其傳不  
可得也慨嘆者久之乃撮其行藏著之譜以

寓景行高山之思云後之欲知先生者或亦  
幸此篇之不泯爾萬曆庚寅春二月有上范  
守已志

丙辰洪武九年春正月戊辰先生生

先生本姓楊氏其先平陽曲沃人五世祖  
嗣者以父命出後其舅因姓曹嗣生慶徙  
垣曲慶生仲和徙永寧仲和生伯達伯達  
生敬祖始徙澠池之窟陀里敬祖先生之  
父也娶邵氏先舉二子至是生先生焉十

御龍子集

吹劔草卷之五十二

二

有三日午刻也

丁巳洪武十年先生年二歲能識數月方名

戊午洪武十有一年先生年三歲舉子端重父

因命名曰端字正夫

己未洪武十有二年先生年四歲

庚申洪武十有三年先生年五歲

辛酉洪武十有四年先生年六歲

壬戌洪武十有五年先生年七歲

癸亥洪武十有六年先生年八歲初入里學

甲子洪武十有七年先生年九歲初讀孝經忠經

乙丑洪武十有八年先生年十歲初讀四書

丙寅洪武十有九年先生年十一歲初讀尚書

丁卯洪武二十年先生年十二歲初讀毛詩

戊辰洪武二十有一年先生年十三歲初讀禮記

易

己巳洪武二十有二年先生年十四歲初讀周易

御龍子集

洪武二十有三年先生年十五歲初讀春秋

洪武二十有四年先生年十六歲初讀通鑑綱目儀禮周禮諸子等書

壬申洪武二十有五年先生年十七歲建勤苦齋

癸酉洪武二十有六年先生年十八歲初入邑庠爲弟子員

甲戌洪武二十有七年先生年十九歲夫人陳

氏于歸

澠池陳直女字順夫直見先生勤學不倦以其女妻之

乙亥洪武二十有八年先生年二十歲初讀辨惑編○性理文集成

先生見胡仲子文集取其精要若干篇命曰性理文集

丙子洪武二十有九年先生年二十一歲辭闕佛教勝之

御龍子集

洪武二十有十年先生年二十二歲辭闕佛教勝之

有老僧諸釋典者詰先生曰秀才不信神佛未善先生曰事之如何曰佛主輪回神主禍福事則報本先生曰物本乎天人本乎祖敬天而不違敬祖而繼志是爲報本若事神佛而言行違理何云報本且佛法未入中國輪回果孰主乎神號未經封表禍福果孰主乎使世人皆事佛不過百年亡人類矣佛法將安施耶使人不積善見禍而諂神求免神豈受之乎僧亡以對



杖擊地者久之

丁丑洪武三十年先生年二十二歲勸兄弟勿析居

先生兄弟六人長竑次翊次先生次竑次靖次昱間有欲析居者先生作書勸之其略云兄弟天合夫妻人合今有兄弟分居而未聞夫妻分居者是踈天合而親人合也非惑與因作五詩使童子誦之

戊寅洪武二十有一年先生年二十三歲勸宗

御龍子集

卷之五十二

五

人勿用堪輿術

己卯洪武三十有二年建文先生年二十四歲勸父勿賽神祠

先生父號歸一老人是歲從里中約當宰社先生勸止不從不進飲食以死諫之且言賽神無益設有利害願以身當之言甚痛切從之

庚辰洪武三十有三年建文先生年二十五歲夏六月子琇生字如玉

辛巳洪武三十有四年建文先生年二十六歲攝渑池儒學事○逮繫縣獄

時部使者照刷文案以前官卷案不如式墨誤下獄先生處之泰然作詩自遣

壬午洪武三十有五年建文先生年二十七歲上書邑令請毀淫祠從之

縣令楊某者從先生言即令先生躬詣四鄉監毀淫祠百許所為設里社里穀壇使民祈報焉惟存夏禹雷公二廟而已

御龍子集

卷之五十二

六

癸未永樂元年先生年二十八歲春正月子珮生字用玉

甲申永樂二年先生年二十九歲寢疾拒用巫覡

乙酉永樂三年先生年三十歲秋應鄉試不第丙戌永樂四年先生年三十一歲家規輯略成

先生取義門鄭氏家規九十餘條自撰六十餘條為十有四篇命曰家規輯略白其父令子弟誦習而守之

丁亥永樂五年先生年三十二歲初建家祠成

初曹氏祖父從流俗事淫祠先生白父請

建祠堂依文公家禮以奉先世神主置祭

田二十畝祭帛取諸蠶桑爲籍印識使子

孫奉行焉

○赴垣曲省祖墓○秋八月子坎生

字廷玉

戊子永樂六年先生年三十三歲春三月夜行

燭成

書凡十有五篇首陳善惡禍福之由繼以

御龍子集

吹劍草卷之五十二

七

保身正家之要明禮却俗闡道闢邪亡所

不倫蓋取夜行以燭之義以告其父其父

嘉納而力行之

秋八月首舉于鄉

翰林博士馬巨江訓導李居恭所取也名

在第二爲毛詩魁

己丑永樂七年先生年三十四歲春二月會試

南宮登乙科第一○夏四月授霍州儒學

正

庚寅永樂八年先生年三十五歲霍州饑勸守

發倉振貧民○赴曲沃省祖墓○二月子環

字良玉

辛卯永樂九年先生年三十六歲迎親就養

是歲自稱古愚子

壬辰永樂十年先生年三十七歲義祠成

初父歸一老人幼孤出贅邵氏資教養焉

至是邵氏無後故別立義祠祀之亦義起

也

御龍子集

吹劍草卷之五十三

八

汾西范琮來學

父約太僕丞聞先生倡明道學遣子從學

後登永樂乙未進士官庶吉士

癸巳永樂十有一年先生年三十八歲建養素

堂○西蜀張澍張浩來學

父鑑資縣人禮部員外郎聞先生倡道霍

州遣二子來學澍蚤卒浩登宣德庚戌乙

科

甲午永樂十有二年先生年三十九歲保定王



來學

父坦祈州人給事中遺子就學後中乙科

二親歸渾池

乙未永樂十有三年先生年四十歲汾西仇鎮來學

父益浙江按察使遣鎮來學再中乙科官至膠州知州

丙申永樂十有四年先生年四十一歲赴曲沃及垣曲省墓○還渾池省親

御龍子集

卷之五十二

九

丁酉永樂十有五年先生年四十二歲孫鐸生如王子

戊戌永樂十有六年先生年四十三歲春正月母邵氏卒奔喪渾池既窆廬于墓所

訃至被髮號泣明日遂行水漿不入口者

二日中途苦塊水飲見者洒涕喪塋一依

文公禮觀者千人既葬廬于墓所不食鹽醢負土成丘植柏成林雉兔狎遊其間鄉黨異之

冬十有一月父歸一老人卒

喪塋如前而加慟

己亥永樂十有七年先生年四十四歲廬于墓所○新安游藝來學○辭開邢端修五嶽廟

遞運所大使邢端重修五嶽廟成請先生撰告文先生辭而闢之言其僭分越禮所不當爲端爲慚謝

庚子永樂十有八年先生年四十五歲廬于墓所○霍州諸生詣闕疏請先生復任不報

御龍子集

卷之五十二

十

辛丑永樂十有九年先生年四十六歲廬于墓所○三月服闋夏赴河南府秋赴京師

壬寅永樂二十年先生年四十七歲春補蒲州儒學學正鄉貢士衡政史彬楊珪張福來學癸卯永樂二十有一年先生年四十八歲主僚友妻喪

訓導周敏在京其妻適卒二子幼先生爲主其喪禁用浮屠其妾不肯服衰先生以大義逼服之周歸大悅以爲有三善

甲辰永樂二十有二年先生年四十九歲白水劉墳來學

鄉貢士也會試不第聞先生之風而來學冬報政因還澠池改葬弟昱

先是昱卒家人拘于禁忌葬不備禮先生爲改葬之素服九日不飲酒食肉

乙巳洪熙元年先生年五十歲春復補霍州儒學學正

初先生報政至京蒲霍諸生各上章求先

御龍子集吹劍草卷之五十一 士

生司銓以霍奏先至遂補霍州

河間趙本來學○拙巢成

先生所築臺屋也以拙巢名志謙也

丙午宣德元年先生年五十一歲夏五月四書

詳說成

凡三十六卷

典試陝西

得雋三十人

丁未宣德二年先生年五十二歲通書述解成

○太原彭延年考城樊希文各來學○冬十一月子璐生字美玉撰童子箴

戊申宣德三年先生年五十三歲春三月太極圖述解成○秋七月存疑錄成

序云存疑錄錄先知先覺之微辭與義而存之以釋疑焉

孫鑑生如玉子

己酉宣德四年先生年五十四歲中年單信來學○西銘述解成○秋八月復典試陝西

御龍子集吹劍草卷之五十一 士

得雋亦三十人

庚戌宣德五年先生年五十五歲冬十二月儒

家宗統譜成○孫銳生廷玉子

辛亥宣德六年先生年五十六歲作月川圖詩

其詩曰天月一輪映萬川萬川各有月圓

圓有時川竭爲平地依舊一輪月在天先生

生得太極圖之精指故爲此圖詠詩榜于

頌書閣下因自號曰月川子學者遂稱月

川先生



邠州趙新二子來學

新爲戶部侍郎遣子宗善宗吉來學

性理論成

爲沈侍御著也侍御與先生同校郡邑七  
半歲其于性理與處必欲先生立論明之  
積成侍御爲題其首曰性理論

壬子宣德七年先生年五十七歲夏六月孝經  
述解成○八月復典試陝西

復得僞三十人

御龍子集

吹劍草卷之五十一

丰

赴渾池省墓○孫欽生廷玉子

癸丑宣德八年先生年五十八歲春三月辛巳  
夫人陳氏卒

甲寅宣德九年先生年五十九歲夏六月丁丑  
先生卒于霍州○庚寅葬霍城東

去城二里高氏之原也先生葬陳夫人于  
此故就葬焉子琇璚廬于墓所

宣德十年霍州建月川先生祠立行實碑作迎  
祀軒○拙巢鳴成

初先生存時諸子各出先生手稿會集成  
帙以獻先生題曰拙巢鳴至是始編成書

正統元年蒲州建月川先生祠

正統三年孫鉞生良玉子孫鏈生廷玉子

正統四年孫鏞生廷玉子

正統五年曾孫本生如玉孫

正統六年渾池祠堂成

御龍子集

吹劍草卷之五十一

高

吹劍草卷之五十二

吹劍草卷之五十三

御龍子七十七

洧上范守已介儒著

寧夏侯廷琬校  
扶清李時芳校

教規

本道辱承 簡書謬司三晉文教顧此名州古  
稱神臯奧區聖神肇跡之所心學授守統開千  
古流澤遺馥至今不衰以故鴻儒碩彥世不乏  
人琳琅瓊璫隨在而產烏待余齷齪者更爲瑣  
琢而後登美于瑚璉也況棧樸作人青衿覃化  
有我 聖祖之臥碑十有三則 皇上之 聖

御龍子集

吹劍草卷之五十三

一

書十有八則在又何所事不佞臣奴奴緩頰與  
官師多士更始爲第銜轡徒存匪泰豆之齊輯  
騷衷猶然要駕繩墨雖具而離朱不一董正則  
柰稅亦皆欹斜已曷論岑樓余素寡昧亡能爲  
多士齊銜轡董繩墨 縣官謬采月旦畀余重  
任俾與爾官師共敦王猷用警髦此多士 勅  
若曰職舉惟爾崇伐不舉惟爾僇余曷敢不勉  
承 德意誓與爾官師衍繹 聖謨立要束趨  
多士于軌塗爾官師多士其敬聽余言是訓

行共成 聖天子右文至意則余庶幾可塞

明命之萬一余與爾官師多士之幸也亡既不  
則甲令森然余曷敢有佚罰嗚乎其尚勗諸

矢多士第一

諭尔多士其聽余訓言尔皆三晉之雋自拔于  
齊民服習古訓爲元元稱首其曷可自越厥志  
弗蹈尔元吉余惟尔帥敢挈尔元龜以與尔矢  
尔勿弁髦余訓自貽尔絀辱迪哉多士

其一曰敦本實周禮造士必六德六行備而賓

御龍子集

吹劍草卷之五十三

二

興之賓興所以顧俊材服官展采曷所庸六  
德六行爲乃古人崇重之不以六藝絀何者  
辟之樹木挺生而正直春華不茂不害爲良  
材屈曲臃腫不中繩墨雖芳華韡韡與枳穀  
等耳又何以稱焉是故我 先師垂訓弟子  
正蒙養肇聖功卽倣六行而小變其日至于  
學文則以餘力及之意可識矣夫六德賦諸  
天也居多六行修諸人也易盡尔多士鍾秀  
河岳固不敢謂亡得六得之純懿第性由天



成則所謂知仁聖義中和者或得其二三  
足以淑身而揚名余不敢苛責強爾所未備  
至若六行缺一不可爾曷不可砥礪懋迪爲  
修吉之君子也儻謂六行亦不易盡尔多士  
采芹有年固非角牴者比則孔父所訓弟子  
職又何讓焉亡論孝弟愛衆卽謹卽信卽親  
仁尔多士有能允蹈之者乎儻有之余將讓  
尔臯比有一行或苟非謹有一言或妄非信  
有一念不篤事賢師友非親仁卽今士子所

崇尚詭其衣冠闊其議論相徵遂爲俠邪行  
以跼疑鳴筆六博沉湎爲任達以居間關通  
饕餮苞苴爲豪舉以鼓弄脣舌煽搖雌黃爲  
膚敏以突梯倏閃詞譎便儼爲通脫有一于  
此何以稱謹何以稱信其不能親仁消融其  
鄙吝可知已此于弟子庸行瑣瑣者尚未修  
舉又何有丁六行六德也尔多士居常曷有  
不覲覲賓興欲一出爲縣官股肱心膂託以  
鑑自照靈瑩中曷得遜形而欲僥倖萬分一

上玷司衡計亦左矣言之可爲多士羞今與  
尔多士約務滌往行以聖賢爲必可師以訓  
言爲必可行敦德服誼求爲宇宙完人勿爲  
躍冶之金自取不祥余今不時諮訪仍有行  
檢簿置之官師密切察尔行優者校文時量  
進等級不悞獎借不則絀辱若若勿怨尤  
其二曰督文會 先師有言君子以文會友以  
友輔仁會友而以文足稱佳會良友矣乃不  
徒資口耳鬪博靡且以弼成至德爲身心切

剗可不謂益友哉輓近世友道大壞居常以  
酒食相徵逐詡詡然稱莫逆交而口不道法  
言身不履法行文焉用之又曷有于砥德也  
邇者博士弟子督令各立文會本聖門之遺  
意灋亦稱良第以程書課稅不究本源儻云  
不廢文事使人握靈蛇之珠亦何裨風教萬  
分一亡論鈔謄補湊自塗耳目也則何益矣  
今與尔多士約通學務各立會會不得過十  
許人各立司會一人司課一人司檢一人三

人者務極遴選不以年齒拘月各三會會  
文論或表策四篇司課督之同會者傳閱評  
臨月終呈各齋訓導總覽定其殿最送掌教  
覆定發落以示勸懲仍類總收貯備本道不  
時弔查其潦草塞責者教官生員一體懲治  
其司檢所主則督率同會務敦行誼其有一  
人自底弗類如前章所云爾及或悖叛六行  
情奔六德大罹于三尺則與衆攻之不悛則  
白之官師紀于劣簿其有一人孝友著稱智

御龍子集

吹劍草卷之五十三

五

仁可予但修一德一行者勿吝推獎延譽于  
官師著之優簿司會則總督課檢務主公勤  
以風厲乎諸友弗公弗勤者就官師易置其  
人勿恩我衆余行部到日仍以所開考核二  
簿如或名實大不相應尔三人各有顯譽余  
言不妄會名各齋以第一第二去勿得混  
淆課簿闔學務令同式教官裁定勿使犁雜  
自蹈不敬

其三曰釐文格語有之文章與時高下夫時曷

能高下其文哉文有純駁時乃因之汙隆矣  
則何以故文心之華也心以匠文而行寔根  
之心蔽則文必誠心陷則文必淫心離窮則  
文必邪遁時皆若而人其所敷施不卜知其  
無良也時安待而不汙今之文用以登進備  
髦矣其所關尤非淺眇日者士子崇尚鈎棘  
雅以誕漫不經之語憂世者爲之疾首近歷  
明禁犁然昭若日星博士知所以教弟子知所  
以學矣顧爲文若織錦然錦之美者古稱迴

御龍子集

吹劍草卷之五十三

六

紋爲絕技若有人焉機杼所出經緯迴旋一  
准昔人所結構幸而肖似無少差別謂襲蘇  
氏之故智則可以此而稱于人曰得天巧吾  
不信也今之模倣先正蓋似之譬之花木桃  
李芙蓉葵葵榴檠爲色不同同于適目譬之  
果蔬棗梨橘櫟爲味不同同于適口天地不  
求以此肖彼何獨于文而疑之矧近日南文  
奇詭險僻何可做尤余願多士爲文不必規  
規于先正若優孟抵掌叔敖也不惟其跡惟



其理不求其似求其合儻能融會聖賢立言  
指歸而發之自我不毀人糟粕不傍人口忽  
天機所動無不躍如縱橫闡闢自有法程若  
蘇子所謂萬斛之泉隨地而注行乎其所以  
得不行止乎其所以不得不止則神情景色衆  
妙各臻天下之至文在我矣設若未然寧爲  
瑕玉勿爲貞珉寧爲骨稜勿爲膚立余校多  
士文固無適主托壯驪黃之外當自有九方  
歟目力在平詭襲故在所弗取

御龍子集

卷之三

七

其四曰正誦習古稱離經辨志敬業樂羣夫辨  
志尚矣必以離經者何正所業也業正則志  
自辨學乃有獲近世學士家崇重非聖之書  
務博綜自爲名高上焉者駕談玄空竊竺乾  
之三昧柱下之虛無以文其固陋之說而嚶  
嚶然以賢聖自號于衆人下焉者鋪糟啜醢  
還珠買椀拾芡字爲碎金盜片言爲尺璧什  
襲燕石而不知耻豈計見者當不免于胡盧  
也余矢若儕勿蹈斯轍其所誦習五經孔孟

外泛及家國語周禮大學衍義諸帙史漢鑑  
綱外泛及名臣奏議國朝典制諸帙性理  
外泛及近思錄家禮文章正宗諸帙之上數  
者參互考訂詳味而蹈迪之足稱通儒大方  
矣何所假莊列淮南文始阿難諸經傳爲吾  
毛穎赫蹏輕重也多士戕戕校文時有不極  
力滌除者董以夏楚

其五曰釐禮俗語曰習俗移人賢者不能免故  
衆醉獨醒非所望于齷齪庸衆人也邇者風

御龍子集

卷之三

八

會之流日趨日下奢靡僭踰隨在成俗濫觴  
東南寓內靡然從之三晉舊稱儉嗇有陶唐  
氏遺風今何寥寥亡聞也亡暇贅論卽士庶  
所急四禮言之冠祭或幾乎廢矣可爲於邑  
婚喪稱家有無曉曉然欲斬然而齊一之本  
不可得柰之何以華侈相高亡所限制也中  
人產不負金聞一娶婦輒傾橐中裝而于歸  
之子厥袂太良羅綺盈筭不百襲不止奩飾  
則範金爲龜編珠爲璫少拙條脫擬于后飾

其者一簪之費黃金至一金一服之章錦繡  
至四圍且令新婦褰帷露面招搖市中弃禮  
尤甚賈太傅見之不勝痛哭流涕矣喪葬之  
家不崇衣衾而徵器具豐酒食以娛賓飯浮  
屠以資福盛幡幢金鼓以導靈輅此何爲者  
先師寧戚之指褒然莫講矣尔多士貧或徹骨  
富或束于賢父兄未必盡如所云其間不爲  
頽風所染者幾何也吾願多士亟戒之勿逐  
狂瀾爲齊民之嚆矢冠禮久廢吾爲爾復之

御龍子集

宋劄草卷之五十三

九

吾不能使人人遵吾約束但童生考取入學  
其未冠者不得私自加冠教官及司會司檢  
者督其父兄各冠其子弟延賓三加略如古  
儀而增損之本道別有成書嗣布遵行其祭  
禮則有家祠者祭于祠中無則展墓四時勿  
缺不許招延倡優黷祀敗檢至于巾服雖微  
上下有章所關尤非細故今後教官督令各  
生務戴羅紵素巾不許擅用凌雲忠靖等冠  
運者司會司檢一體究懲

其六曰華別號禮稱男子既冠而字所以表德  
者此焉攸在亡復所謂別號者故孔門師弟  
俱以字行戰國以後有樗里子寒泉子遂爲  
後世濫觴吾儒中絕無倣倣者漢唐諸名流  
可考而知迨宋叔世諸儒始以號稱然皆門  
人不敢字其師故因其所居山川菴齋而稱  
之以別于衆非朋儕相加之辭也以今攷之  
如曰濂溪須溪伊川橫渠龜山晦菴之類何  
者非及門之士私相告語邪至于同儕交相

御龍子集

宋劄草卷之五十三

十

稱謂未嘗不以字行程朱諸語錄可考鏡已  
我朝三十年前大臣猶有無號者淳樸可  
想邇來風頽俗靡人自爲號亡論薦紳博士  
弟子下至吏胥臺輿僕隸等衆亡不交相稱  
詡言之可汗齒頰甚者專用半號加以翁老  
之稱尤可厭恨乃或有名無字及有字而人  
不及知可哂尤甚今後教官嚴諭多士不得  
自立別號同儕相謂及尺牘往來俱止稱字  
不得以號相加其未冠者不得稱字父兄之



于子弟鄉黨之于親友必冠而後舉于鄉而後號以共還古道快觀淳風

其七曰精字畫夫字心畫也心正則筆正自古記之矣古文篆籀亡論漢蔡邕以次仲八分書五經于石遂爲後世濫程至于鍾王少變爲楷書世稱絕稅唐宋而下柳公權顏魯公趙孟頫諸人世不多得余曷敢望多士盡工臨池而後爲媿快也顧敬業之道此爲第一義苟運筆落紙略不經意盈卷皆潦倒傾欹

御龍子集

次韻草卷之五

七

之態雖文成蜀錦主司亦蹙額而厭讀之何論文理粗通也自今會課會考字必端楷疏朗結構有法至于校文尤要朗書大書點畫必合槩獲行各十有六字以便夜閱且以求逸少子昂于諸生中也違者置于等末仍行重朴不貸至于反切聲韻尤當留心表判中錯用一音者不取應試

其八曰講射禮古稱射爲觀德之具故聖門重之周禮澤宮選士非此莫攸辨柰之何視爲

末執而不講也世廟中俞撫臣之請刊布射儀于天下學校學立射圃率諸生偶射其間比禮容精長技意甚宋遠邇來國中鞠爲荆榛矣特鐘編磬并毀而莫之顧問以問諸生不知決拾爲何等物何論及觀德也可爲一太息今後教官務督諸生月一會射擇善射者爲司偶而靶之的擇志射者爲衆偶而羣之習比偶以射校其殿最而慶讓之仍揭示姓名及所中多家于射圃以示激勸本道

御龍子集

次韻草卷之五

七

行部所至該學仍具習射姓名冊同憲綱呈遞余將臨圃而寓目焉自行賞罰有弗修舉責在官師

其九曰安義命多士固多華胄口厭膏粱身厭綺羅其間家亡擔石儲地亡立雖量亦不少先師不云君子因窮乎不則九日三舉火十年一易衣何聲稱于古昔也子思不以其身爲溝壑又孔氏家法固爾爾今之士患貧念多乃有不顧義命而妄求者充其類如

告賑貧恤喪助婚等舉如乞學田城基壇場等處如借倉粟官舍薦館穀等爲甚或攬充驛遞廩養營謀錢糧解戶以圖乾沒武斷鄉曲以肥身家媚事官長以通苞苴誦居豪貴以潤口舌皆鄉人自好者所不爲而士甘爲之能無汗顏余少爲諸生固一貧如洗者不敢妄受一握穀自外于名教今念及諸生能不枻心動色爲求安飽計第事之無可奈何者亦安之而已矣何可背命犯義自底弗類

御龍子集

卷之五十三

三

法

其十曰儲武胄今令甲武弁中應世其官者俱羣之學校養育而薰陶之意欲得祭遵杜預其人者于諸將中也法至良備顧統袴子弟驕惰成性驅而事伊吾如華人之學梵唄也能口誦心惟者幾何今後教有嚴立之程武經百將傳等帙務令熟計通解其大義每月考諸生時亦按其書出論或策一篇草校

而殿最之以加獎罰本道案臨校執附名生員冊後同送考試其有志儒業者一體課讀論孟經史等書勿限進取假如受經而升髦之朴責又何道焉

### 矢官師第二

縣官以造士責執灋臣臣曷敢不殫精竭慮爲縣官廣菁莪化顧所部盡全晉墜封畛遼闊而士伏草茅者固無盡藏也安可家置一喙朝提而莫斯之哉所賴賢有司賢博士共運鑒陶范

御龍子集

卷之五十三

四

多士于象型耳傳不云乎豈以強教弟以悅安故爲民父母又云師道立則善人多矧多士朝夕宇下漸磨爲易入園聽函丈間淪浹爲易深苟留心于陶成其不化瓦礫爲南金也者幾希也凡我有位敬哉母渝

其一日振士風士風之不振非必倡導者自夷其町畦使人爽如敗民哉亦由上之人蓬心而虎眈之也上之人與若士者顧不同一倫類邪乃被一命尹于茲土而子弟乎若士其



眠若士亦何嘗不樂于親就覆拊而呵護之  
顧昵者標為桃李畜之若驕子使傲睨而橫  
恣厭惡者瞋之若虺蜴較轢而迸斥之使不  
得與齊民齒是其始也眈眈其眦而其繼也  
虞其噬人矣均之有蓬之心也夫士無常德  
顧所鎔鑄者何如吾能模曰模范曰范操行  
政刑可質于鬼神條教約束可比之金石若  
士者能不奉之為神明尊之若嚴君也吾願  
守令諸賢追念本源作興士氣繇役必如制

御龍子集

卷之三

五

而復抑枉必原情而雪籲廩必以時發困苦  
必以時賑固不得使青衿蹂躪閭左亦不得  
使豪俠軋軼僞髦固不得使章縫睚眦僚倖  
亦不得使狐鼠齟齬儒紳齋舍之傾圯必葺  
朔望之橫經毋輟藹然若文翁之化西蜀其  
所隆就必不寥寥若徒以簿書為勞而秦越  
其諸生惡在其為民父母也雖有善狀吾必  
畧以劣考

其二曰禁干謁夫士也清修居業不外慕以為

常顧謂貴于周賤于秦其說何居此亡亡叩  
閤而獻策巷議以撓政秦之士自貽伊戚矣  
周道雖衰舉趾若澹臺者不少也惡虐賤今  
之士去周遠甚有司少寬其楨闌輒羣然而  
就之出入無忌矣懷刺投牒枉人直已建言  
白事變是亂非甚或糾黨鼓衆恫喝官吏眈  
官寺若竈陘誠可痛恨今後郡縣諸賢務加  
防範其有如前項私至衙門者必登名門簿  
及其所犯緣由明白開注季終送道以憑查

御龍子集

卷之三

六

究若或終歲不登一人是該吏聊略相應也  
問罪不貸其有事干身已理當伸白者許具  
呈該學轉達提調官受理昭雪毋得拒絕抑  
損士風

其三曰公廉訪士行之不興寔由勸懲之無術  
吾所恃以彰善而瘳惡者惟有廉訪一術在  
顧行部所至傳舍其遽廬何可得家至而人  
訊之所賴諸賢師帥共為諮詢乃有徇愛增  
為毀譽寄耳目于反側顛倒是非混亂名實

以中傷善類而陰脫其奸回反爲吾教一大  
蠹深可痛恨吾今與諸賢約文到之日細加  
廉察毋私桃李而仇疎逃毋悅諂佞而惡正  
直毋受請託而變白黑毋通苞苴而亂珉玉  
毋以父兄之融顯而覆其子弟毋以文親之  
精絕而恕其操行大氏取信于同會而折衷  
于輿論偶得于訟牒而摠覈于微服有司教  
官不必關白固封密訂限一月內送道以憑  
摘發如或徇私開報查出教官罕問有司案

御龍子集

卷之三

七

究

其四曰端師模 國家廣厲學官婁塵 明旨  
申飭至關三途登用尤異又何塵懇切至也  
亡非欲得真師爲多士樹表振鐸陶鎔其德  
器柰之何卒歟實効也此亡它嗟老嘆卑日  
暮途窮今之官學校者什而八九亡惑乎倒  
行而逆施也則弁髦 明旨何難焉獨不曰  
官雖卑獨關化源乎祿雖薄同股民脂乎廣  
文官冷自古記之矣今有茹蔬餐糲如所謂

首宿盤者邪若之何欲謀案中裝也儻曰黑  
選諸君固世所謂齷齪者亡足深責柰之何  
領賢書與計偕上爲 國家稱雋良一仕費  
舍亦尔同流則吾不知之矣其間英流偉器  
固自不凡而雞羣獨鶴則一幾何人哉逞者  
馮翊一人爲其邑司訓索采芹者雉鷺非三  
十金不可遂爲一邑流毒至今未泯言之汙  
人口召諸君其深戒之母自隳孝廉名今與  
尔矢各務砥礪自樹母以本道所取俊秀所

御龍子集

卷之三

八

補譽髦爲出覲貨之媒可也古訓束修爲檢  
束修治紫陽誤解十脰遂開今世貪竇母借  
口 先師自壞粹白其它如諂媚有司營求  
印務濫舉鄉飲妄保節義居間用事關通過  
付苟可以潤喉習資囊橐不顧緇臆而赴之  
若聚腥膻然俱爲大戒有一于此其不爲多  
士掩口而揶揄之者幾希又何以示表率樹  
儀刑趨多士于軌途也廉察得出必奉 璽  
書從事



其五曰嚴舉保學校公論所出清議最重故凡鄉賢名宦節孝賓飲等項皆由諸生公舉官吏結勘論定而後申達監司部使者斟酌行止所關風教亦云宏鉅矣近世學校恣行已私漫然呈報至或取歡取賂不采鄉評或受其子孫請託權要嫉使因而市恩取媚無所不至有司徇情避怨聊塞責不顧羣訾其子孫苟求榮名不顧誣其先人以致是非混淆激勸失真本道之不職莫此爲大今後鄉

御龍子集

吹劍草卷之五十三

九

賢非蓋棺歲久公論已定名宦非離任歲久去思彌深者不得請祀其孝子節婦非終身無玷不得請旌鄉飲非齒德俱尊月旦共推者不得請入賓儀仍三月前申名及其歷履行誼詳奪如或舉勘不公如前所云云師生如勅問革官吏叅究

吹劍草卷之五十三

御龍子集序

昔司馬子長自謂藏書名山以俟後世桓譚知揚子雲之書必傳而憾不及見夫二氏在當時其書之成也豈不足以爲人知而二氏亦豈不欲知於人顧寥寥不見珍豔而子長欲藏而俟諸後桓譚憾不見其傳甚矣知言之難而鮮旦

御龍子集

序

一

暮之遇也曲洧范先生以著述高二代雅有成帙海內操觚士亡不知先生即出一二赫號見者不忍釋手鈔錄惟恐後則主盟而執牛耳端先生乎歸矣是二氏不能得於當時而先生於吾世得之其遇過二氏遠甚先是先生爲南此部郎南中終欲梓行先生弗應既秉憲

關中關中又欲梓行先生亦弗應速就  
文三晉三晉士人見其帙率計日錄已  
以為錄即竟未及見矣錄傳終未廣也  
于是蒲泉諸公暨郡邑長咸相與捐俸  
付剞劂氏為廣傳計時芳以黥淺任校  
閱乃不自度量而僭為序嘗聞文章與  
時高下

御龍子集

序

二

明運隆盛則人文因之以盛其體備而詣  
極度越往代弘正間古學大興惟時負  
聲稱者數人而李何為之冠嘉隆以來  
繼李何起孟衆而王李為之冠均之體  
備而詣極固其才使然要亦逢世邁會  
與偕盛耳先生與吳郡王公游其以著述  
起雖謂比肩而為也亦耳先生負奇質而

雅好古六籍百家言之所不闕每謂藝各  
有體體各有極缺一不可屋屋充篇目允  
不可欲臻妙境顧取材變化何如耳故其  
為騷賦非屈平宋玉母追又奚遺長卿平  
子之淵浩其為樂府非飲馬燕歌等母述  
又奚遺石城巫山之託興其為序記傳志之  
類非丘明遷固母則又奚遺呂覽淮南之

御龍子集

序

三

閔肆其為五七言古詩非漢魏母法又奚遺  
陶謝徐庾之華煥其為近體非少陵輞川  
母程又奚遺岑參李頎之秀雅而馥郁  
絕口出入於太白譚說悉闡乎理窟至參  
兩通極陰真秘旨實發性哲所未發而千  
古之疑始徹又非太玄陸虛諸家所能仿  
佛總之思出深湛語復巨麗囊括物理窮



六合之外先生著述至是謂之廓然備

新世之偏長膚見缺而未備要未可因

日語而獨與李何王李四公相後先已其

集自膚語而下亡處十許種總題

子蓋不惑所自出云先生自

兩江總督  
採進本

明范守己撰守己有曲洧新聞已著錄是編以集

爲名實則兼收其說部故目錄每卷惟署曰御龍

子第幾首爲膚語四卷次天官舉正六卷次參兩

通極六卷次卽曲洧新聞四卷次乃爲吹劒草五

十三卷膚語皆襲宋人緒論無所發明天官舉正

則抄撮各史天文志亦無所考正參兩通極摹倣

太元潛虛皇極經世諸書於八卦之外別爲元息

進隆中殺消沮八卦名因而乘之爲九八七十二

卦以當七十二候變象曰釋變象辭曰勇變爻象

曰繇末爲索辭八篇以擬繫辭又出諸家僭經之

下曲洧新聞雜記時事蓋倣朱弁曲洧舊聞而於

張居正屢以謀篡書之未免恩怨之詞不足徵信

歐劍草爲所作詩文自稱不作唐以後語然刻意

拳擬斧鑿之痕不化

李于田詩集十二卷

〔明〕李化龍撰

北京圖書館藏明萬曆刻本

附《四庫全書總目·場居集二

卷田居稿一卷河上稿一卷》

提要

李少保詩集叙

歲在癸卯河決單父

天子憂之召今少保大司馬李公  
治水於豫充徐揚且使近河節  
鉞諸臣咸稟而為政績亦與焉  
中秋之夕公至于濟寧惠而思

詩集序

我有詩人倡予和予之興為賦  
北海風流志憶也續始知公之  
長于詩其冬各以荒度至單父  
讎于琴臺邂逅相遇實適我願  
為獻玄珪入告之章公為之賦  
巨鰲奠四極其詩益工氣益壯



明年夏公開泐告成又濟朱  
口續往視之公讌之河上為賦  
我：山上松凡四章詩有白水  
盟心鑒以晴昊語則周公所謂  
若游大川暨汝共濟者也續獻  
誅茅小詩一章其四詩者今猶

未和蓋人各有才公才大續非  
其偶也於是公乃盡出生平所  
為詩示續：初為之諷嵩下嘆  
曰美哉翻：乎白馬金羈河朔  
少年逸氣也秋興登嶽則懷古  
之思轉深矣為之諷南都嘆曰

美哉洋洋乎博而雅麗而奇殆  
與龍蟠虎踞之勢相頡頏也落  
花行路難諸篇其寓意深矣其  
取類廣矣非漸濡於

高皇帝之澤不及此為之諷中州  
齊魯嘆曰美哉雍：乎莊而偉

辨而精若洙泗講藝白席論經  
非鴻生鉅儒不能聲出金玉而  
詞吐珠璣也為之諷田居則又  
嘆曰至矣哉憂深而思遠功大  
而衷虛悠：乎有漱流枕石之  
趣若誦逍遙秋水諸篇而神遊

於六合之外也為之韻西征則  
又嘆曰美哉沉而雄忠而不避  
難其有六月采芑之遺乎用解  
執訊獲醜以秦虜功豈虛也哉  
贊嘗竊謂古今詞人有才勝情  
勝養勝法勝而氣匪剛大其詩

必弱公於詩長短大小輕重疾  
徐無不如意則不窮于才陰晴  
舒慘悲喜聚散咸極真趣則不  
窮于情比物連類援古證今咸  
切事情則不窮于養開闔變化  
氣格音韻咸準古人而中繩墨

則不愆于法具是四者而剛大  
之氣實宣洩之故能上凌風雅  
下逼漢唐大曆而後莫敢望也  
不寧惟是凡公所為破北虜俘  
夜郎開土啓疆櫓駿流鴻雖謀  
猶壯哉亦浩然之氣塞于兩間

能籠蓋宇宙而震懼華夷也公  
年方及艾製作將益富勲業將  
益盛今暫奉

太夫人歸葬他日

天子召公作相使補山南之袞而  
作吉甫穆如之頌續猶及見之



當執弱翰以從盡錄而歸以備  
一代風雅公其許我乎作李少  
保詩叙

萬曆歲次乙巳仲春既望

溫陵黃克纘頓首謹書



李少保詩序

昔者孔子刪詩所存十五國風即  
出於閭巷婦孺之口為萬世經而  
東南無一焉東晉南宋中原文獻  
播遷僑寓江左作者相望固西北  
支淒餘裔也寧當侈然自予雄而  
目中原為儉楚乎

高皇帝由江左取天下都金陵用夏  
變夷則文獻在東南者翔洽西北  
列聖嗣之定鼎于璵則文獻在西北  
者等埒東南唐大曆以降詩道陵  
遲明諸君子力還古始其在成弘  
為賓之夔人也其在德靖為獻吉  
秦人也其在嘉隆為于鱗齊人也

皆西北產皆李姓事大奇而今有  
少保李公公又魏人也則益奇文  
正時唐中晚宋元諸調雜出能卓  
然自立不為所移如秦民湯武一  
代先驅其才具宏通韻致平暢而  
或議其乏精研之功北地模範杜  
陵如龍躍天門雲蒸雨驟而或議

詩集序

二

其蹊徑未脫稍涉粗豪歷下高華  
清絕如峨眉萬仞積雪參天而或  
議其孤峻未甚符于溫柔敦厚之  
教少保公詩三公所應有則有三  
公所應無則無石桓公述溫季言  
過于四之無不及其斯之謂乎公  
弱冠能古文辭為齊魯河洛人師

視北地歷下倍之未四十而開府  
未五十而公孤名位比肩文正東  
北討虜距倭西南定播斥地數千  
里為肥縣開洫通漕皆宇宙創見  
事絳灌隨陸元劉姚宋昔人所嘆  
其難兼者公已具足而所為詩復  
奄有三李先正之美則益奇矣晉

詩集序

三

東渡而天下勢分至隋南合而唐  
繼之合最久故唐詩為最盛五代  
分崩宋有天下勢不盡合合未幾  
而南矣雜以金遼元侏儒而明合  
之最久故詩最盛與唐頡頏公生  
畿輔股肱聲教首善涵泳彌深魏  
大名也古為冀州帝都在焉地靈



人傑天所鍾美固非偶耳世人艷  
公勲業而不悉其文章是編皆詩  
又不盡公文章而公雅不欲博名  
高其傳厯厯嗟乎此公之詩所為  
奄有三先正也

京山李維禎本寧父撰

李于田詩集序

昔孔子述六經詩居一焉世傳為  
周公作者四篇棠棣語兄弟之情  
也七月為農夫之言也東山為東  
征歸士之言也鵲鴉為鳥之言也  
其言無不曲盡其妙即東山之  
詩述在塗之零雨想鶴鳴之興

歎細至於桑蠟伊威蟪蛄熠燿  
可以觸緒生情者靡所不及而  
探其夫婦之私以新舊為譖言  
語可悅聲音可愛羈客離女所  
嗚咽涕泣而道文人墨士所極其  
心力而言者不復過此余意當文  
武成王時雅頌之詩必多出於周

公者不則孰能洋、郁、若彼者乎故詩之道至大矣至妙矣非夫洞徹無遺之識其孰能知之非夫員神不滯之才其孰能為之而世之人往、託於雕蟲之說以掩其陋夫善雕蟲者未有過於天地者也而不以貶天地之大要之出於自

詩集序

二

然歸於大雅乃足觀也以此求之昔之詩人傳稱至今者蓋亦鮮有可觀者焉嗟、難言也蓋詩必從悟入悟而後有所用其才否則以巧益其醜悟而後有所用其學否則以博益其腐故世之人於子美獻吉之詩大率隨聲妄贊耳真知之

者與有幾余友李于田自童子時授之經若其素習使之文則能文稍長見人為詩則又能詩二十成進士益肆力於詩嘗謂余曰李獻吉而後詩絕矣魏懋權之詩也唐世人莫知也然必傳懋權往矣吾二人勉之哉于田詩不專學一家然自不詭於作

詩集序

三

者其堂、正、佩玉垂紳之度可敬也而妍姿秀色可掇也其飲日歎雲龍蓋一世之氣可駭也而溫和平粹可愛也其江奔河激飛湍于寸毫可畏也而微言醞味可繹也其龍鱗鳳羽五色組紉可觀也而雅淡古質可貴也其慷慨激烈如



荆高之筑可悲也而婉孌嬋媛又可  
念也出之若不经意而寄興自逸古  
調近體長篇短韻廊廟江湖天地  
山川草木昆蟲大人兒女之情無所  
不能言無極不極其妙此所謂洞徹  
無遺之識貞神不滯之才非耶是  
故其為令則澤浸蒿少之草木其

詩集序

四

興文教則河洛齊魯之士斐然向風  
其仗鉞遼左則勒燕然之石其受劍  
征反楊首則開夜郎之塗其治河則  
馮夷效靈天吳弭首盖于田識足以  
照幾量足以持重明足以辨物方  
足以植則弘足以得人性兼群道體  
被衆美是以動與福會言與妙合

古及今立功名者不必能詩能詩者  
每以詩人終猥云非窮不工若于田  
者即未可謂聖人乎豈非萃兩間  
之靈秀應中興之輔櫟者哉識者  
實鮮後進畏其才氣或以為今之  
詩人流俗見其勲伐以為與世之  
所謂邊才等埒余之交于子田久

詩集序

五

深知之故序其詩以及其人後有  
君子必以余為篤論也

高邑趙南星譔

嵩下稿

河北李化龍于田著

汴中贈趙夢白三首

瑟瑟西風至吹我征衣裳  
征人不可見況復望故鄉  
此時逢我友乃在夷門傍  
昔為雙飛龍轉眄天一方  
丈夫有遐心寧為兒女傷  
執手未云已仰視浮雲翔  
鴈飛各有適人生亦有將  
且為解征裘同醉酒壚傍

嵩下稿

一

天海湛珊瑚方流起迴瀾  
長風一萬里波浪欲漫天  
所志在探竒寧畏險與艱  
我有太古瑟促柱為君彈  
音響六何哀知音諒獨難  
舉世各自媚識曲惟所歡  
去勿復陳結軫何時還

朝登大梁城還望三川道  
黃河流潺潺行人苦不早  
悲風生大隄四野多秋草  
景光一以逝誰能顏色好  
莫以百年身天地終

枯槁行矣崇令德榮名但自保

春日登九臯山絕頂遊鶴鳴觀

東風吹草遍山城春盡看山眼  
更明龍去深湫猶帶雨鶴歸華表不聞笙  
洪河半落函關外嵩麓遙連華嶽平  
總為探竒歸未得千岩仙籟起松聲

城樓送張學博之關中諭

城頭楊柳望中新城上開尊送遠人到虞

嵩下稿

二

功名應泮水行邊客計有綸巾十千美酒  
堪邀月百二雒關好問津此去知君能變俗  
古今豪傑自三秦

送程南陽入為吏部郎

南陽佳氣鬱菁蔥喜見飛鳧入遠空  
幾處謳歌還杜母千秋啓事復山公  
人過錦里花成繡馬踏天街月滿宮  
此日倘勞明主問莫言魏尚老雲中



寄鄭檢校思成關中八首

長安西望五雲間  
渭水黃河天上還  
一自

歲星零落後至今紫氣滿秦關

何限汀洲老白蘋  
西風萬里一孤臣  
縱然

沽得新豐酒可有燕中學筑人

家本燕山易水傍  
無端走馬入長楊  
關中

豪傑休相問不是當年秦武陽

高秋落日獨登臺  
長樂甘泉返照開  
賦罷

高下稿

一

三

凌雲應自嘆風塵  
誰問馬卿才

函關回首望中疎  
才子飄零嘆謫居  
莫倚

俠遊燕趙氣只今不是棄繻初

咸陽小吏走風塵  
醉後清狂態更新  
官仍

騎馬誰言賤劍可彈魚  
未是貧

蚤歲才名京洛聞  
府中從事謗終、此身

已被蛾眉悞官長  
從教罵廣文

搖落深悲宋玉秋  
浮生何處不離憂  
可憐

一掬綈袍淚併作黃河萬里流

送孫簿遷王官歸里

翩翩征馬嘶離群  
一曲清歌解送君  
彭澤

先生惟愛酒梁園  
賓客總能文  
二周城闕

籠秋雨三晉山川倚暮雲  
便曳長裾無不

可鄴中清讌至今聞

魏樾權見過夜酌

握手春風紫禁隈  
新豐美酒為君開  
坐中

高下稿

一

四

白雪元同調何處黃金更起臺  
關傍芙蓉

清漏近夜分河漢曙光催  
為言珍重雙龍

劍漢主今思作賦才

燕臺歌醉後贈魏二

燕臺二月春始還  
東風吹沙白日閑  
出門

是處縹緲滿那能不作遊子顏  
五侯七貴

何累、九陌相逢鞭不起  
踏、馬蹄君忽

過入門一笑情何已  
春酒春來清復清

千何惜與君傾狂吟爾自高常侍痛飲吾  
堪阮步兵憶昔相逢漳水北可憐偏側復  
偏側問字相看解果冠橫經俱帶藜藿色  
爾時兄弟並稱難我六才名季孟間青春  
搖蕩風雲合白日揮毫雨雪潛春去秋來  
那可見荏苒流光倏奔電我行作吏向風  
塵君今射策黃金殿黃金臺下多悲風易  
水蕭蕭還向東燕昭無復金求駿荆軻虛

車補

五

傳氣貫虹吁嗟英雄本無主彭祖巫咸已  
終古耳熱聊為擊缶歌時清何用聽鷄舞  
夜入天河北斗橫腰間雙劍向人鳴城頭  
吹角城烏起壺中已盡君可行

登思遠山是武后避暑處

飛峰上與白雲開萬里秋風到客顏西望  
關門仍紫氣中封浴口自青山金輿玉輦  
無消息野鳥林僧信往還芳草未零叢桂

發好携仙侶弄潺湲

送鄭思成之雲中觀省

聞君走馬向邊城二月春寒草未生關樹  
依微籠野磧朔雲歷亂傍危旌菜衣好舞  
從軍樂馮缺堪彈出塞行少壯封侯君自  
得漢庭何用請長纓

宿山寺二首

野寺秋山裡蕭條古木疎松風飛梵響花

車補

五

五

雨落禪居溪阻僧歸月天空鴈度書夜深  
鐘磬發靜者意何如

不語僧歸定支頤客罷吟白雲憐幻影流  
水見禪心風靜山花落窓虛月露沉明朝  
岐路隔引首媿東林

渡汝水有懷趙夢白

故人別後又秋風經歲飄飄似轉蓬便把  
相思投汝水隨波一夜到天中



登洛城樓

寒城四望阻煙波天畔登樓一放歌日薄  
函關秦道路天低廣武漢山河深秋萬戶  
鳴砧發向夕千崖落木多信美真成王燦  
恨故園風物近如何

永寧道中懷故令秦丈

秋山遠近帶煙霞晴色寒帷覽物華蘿徑  
逢人唯著笠石田隨處點桑麻川原脩竹

萬年稿

七

閑流水客路垂楊隱暮鴉一自仙郎鳴玉  
後平林開遍野棠花

弔子房墓

漢帝屈群策君侯獨定傾酬恩五世重避  
難一身輕黃石元籌國赤松不為名尚留  
荒塚在終古傍韓城

夜坐

客愁不可極永夜坐空城高閣流螢度虛

屏落月橫淒涼鄉土思歷落宦遊情慚愧  
陶元亮歸來松菊榮

過鞏縣李明府招飲即席有贈

吾宗豪傑本三秦結綬中原意氣真盡道  
鳴琴同宓賤寧知投轄似陳遵秋山半帶  
嵩門雨遠水金消洛浦塵明發坐携餘興  
往天涯何處不懷人

壽沈上林公從伯英請也二首

萬年稿

八

酒滿瑤池海滿籌丈人騎鶴碧山頭怪來  
名占長生籍原是蓬瀛第一流

珠履闌門共舉觴蘭孫組綬拜中堂天開  
斗極千年照地轉江流萬里長

送黃太史回封唐藩

芙蓉清露散金莖紫鳳丹書出禁城天遣  
桐珪分帝子人因玉節識星精原野遠近  
河山繞花樹參差觀闕平自昔南都康麗

地應知授簡賦三京

寄趙夢白

夷門夜月憶相攀別後音書漫往還經歲  
煙雲桐柏水懷人雨雪鳳凰山窮途阮籍  
狂難下病肺相如賦獨閑世事抽簪無不  
可風塵容易到朱顏

九日同王內翰諸君子登高

千林風雨入重陽上客登臺興未央檻外

黃花秋澹

天邊白鴈起行：官情轉憶

江湖濶世態誰憐杯酒狂揮遍茱萸人總  
健醉看落木下寒塘

送李將軍行邊

白草黃雲大漠天將軍逐旆勒燕然登壇  
雪霽千山外倚劒風生萬馬前材客如林  
探虎穴胡兒向夜走狼煙却慚絳灌空言  
武枉把長纓屬少年

寄魏懋權

篋中尚覩八行書天外空憐三載餘畏路  
風波誰好在故鄉花月尔何如山連嵩嶽  
饒鴻鴈門對漳河足鯉魚別後新詩須寄  
我向風搔首一躊躇

登阮籍嘯臺

積水平林四望開誰能長嘯更登臺清狂  
不散窮途恨禮法寧容玩世才廣武天空

嵩下補

十

雲黯澹鄴城人去鳥飛迴悲來欲下英雄  
淚蕭颯秋風萬壑哀

中秋同于趙諸君玩月

鴻鴈蕭：涼思生白雲飄渺散孤城千門  
半落銀河影一葉輕流玉露聲北海樽開  
客正滿南樓月皎興逾清六知後會無多  
健潦倒謹呼此夜情

送王太史之京



關城曙色上鳴珂木落千山征騎過洛下  
才名賈誼少漢庭賓客鄭莊多金莖舊識  
青雲氣玉署新傳白雪歌聖主臨軒應有  
問為言渤海靜風波

贈汪生讀書城西山寺二首

遠寺高僧隱深山倦客栖冥心超象海玄  
想悟金錫野色千巖滿秋聲萬樹齊晝長  
無一事清梵過前谿

卷八

十一

不識西山路因君憶化城殷函孤嶂出嵩  
少暮雲平鹿坐閑分草鶴行靜聽經向平  
多隱意簪紱媿吾生

過豫讓橋

石徑冷蕭蕭相傳豫讓橋九原孤劍在三  
晉一身遙故國山河改空林草木凋寒流  
鳴更切遺恨未全消

登叢臺

舊識邯鄲道今登趙氏臺山連三晉險川  
逐九河開地迴天垂野城荒樹雜苔綺羅  
隨逝水宮殿化塵灰霸氣千年盡雄風萬  
里來蒼蒼望不極延眺轉興哀

渡河

頻年為傲吏幾度泛長河二月風濤險三  
川驛路多海雲生極浦山雨集迴波一別  
滄洲路臨流媿棹歌

卷八

十二

昭君怨二首

月白天空夜有霜寒風如雨灑長廊窓前  
鸚鵡呼難起浪說吹簫引鳳凰

亂草愁雲沙作風那堪一騎獨和我夜來  
猶笑深宮女錯把黃金買畫工

洛陽李明府招飲劉氏園亭二首

勝地何年闢高軒此日過屏山分二室瀑  
水偕三河塵想浮雲失幽思芳草多九逵

車馬動興逐且高歌

新荷窺細沼嬌鳥語前林並是神仙令居  
忘朝市心登臺青嶂合倚劒白雲深薄官  
頻遊此誰能嘆陸沉

秋日齋居四首

五見寒城菊今來又及秋林疎蟬嘒水  
淨鷺悠々湛露隨涓滴浮雲任去留陸沉  
無可嘆吾道在滄洲

黃華稿

卷八

十一

自是枋榆翼誰圖大海南婆娑機事少緯  
繡世途諳榮啓三宜樂稽康七不堪途窮  
車自返肯共俗人談

地僻恣登眺孤城抱萬山河流依漢壘華  
掌傍秦關牧笛桃林淨漁舟洛浦閒終須  
招隱士乘月弄潺湲

何處送秋聲蕭々古樹鳴林閑不受日荷  
弱竟隨萍旅客愁偏劇孤臣涕欲橫著書

吾未老解印逐虞卿

哭戴丞三首

天遠真難問斯人竟杳然一官空白首萬  
事已黃泉故國鄖襄外遊魂嵩洛邊生平  
不下淚今日涕如漣

止謂青袍誤何緣禍轉殷屈平方問卜管  
輅已修文素漣悲流水蒼梧怨暮雲中原  
知己在解劒贈徐君

黃華稿

卷八

十二

官情真似水天路竟如鉤實有塵生甑虛  
傳孤首上龍蛇傷厄歲山澤失藏舟寥落  
庭松在悲風夜未休

送陶別駕致政歸里二首

蒹葭白露遠蒼々楚客懷歸水一方去國  
尚餘直道在掛冠寧復畏途長五湖月送  
鷗夷棹三迤雲封蔣詡堂前路逢人莫問  
姓家聲原自晉柴桑



留滯周南幾見春  
乞閑原不為思尊路隨  
獨鶴寧辭遠壁有懸魚  
始信貧京洛風塵  
違薄宦瀟湘荷艾近  
騷人相看不作臨岐  
色久識先生隱是真

送王子英轉餉之京

雲物陰、鴈陣疎上供使者意何如  
虛傳龍劍能依斗  
寶有驂騑困負車  
匹馬孤舟秋色遠  
黃花白酒客愁初  
相逢倘問元龍

萬平稿

八

十五

非

事湖海當年氣未除

京邸魏懋權過飲言別

市橋官樹鳥嚶、倦客開尊對友生  
千里江湖今握手  
十年河朔舊知名  
愁來北極浮雲滿  
醉裡西山片月明  
此別風塵俱落  
落相看何限故人情

同賈少卿孔司城登九臯山遊鶴鳴觀  
一自仙人跨玉鸞  
獨留丹竈俯瑤壇  
深潭

曲抱虬龍窟飛閣遙臨瀟  
鶴灘地捲三川  
奔廣武天圍太室拱長安  
頻來欲問無生  
訣拓落風塵魏二難

聞魏懋權登第率爾有成

錦字誰傳天上書  
故人佳問未應虛  
幾年獨下荆人淚  
此日爭看渭水車  
瓊樹瑤林增氣象  
石渠金馬聽吹噓  
天涯翹首山城吏  
慚媿河汾授業初

萬平稿

一

十六

信

聞洛中史李二君登第志喜

二月楊花飛禁城  
無人不道玉為京  
燕臺得駿俱千里  
洛下空群羨兩生  
御苑聯驄嘶曉騎  
上林把袂聽春鶯  
遙知分得金莖露  
應念文園病未平

秋興八首

徙倚高城思不禁  
天風蕭瑟入楓林  
山空薜荔寒無色  
水落蒹葭迥自深  
上國煙花

秋澹、故人書問日沉、誰憐歲晚西遊  
客搔首青霄聽暮砧

洛陽自古中原地獨抱孤城控萬山東望  
白雲封漢檢西來紫氣擁秦關君王劍馬  
留金盃帝子樓臺想玉顏風物不殊人代  
改黃河如帶只潺湲

獨上青山坐不歸誰家玉笛弄清暉寒鴻  
過塞天同遠倦鳥還林日漸微張翰蓴鱸

黃華稿

卷一

十一

思轉劇陶潛松菊志多違青袍白馬渾閑  
事汗簡英雄有是非

曾為計吏入朝班曉露初晞引珮環風靜  
九閤屯席豹雲開萬國集鸞鷟孤臣戀關  
江湖遠聖主垂裳日月關一別春明門外  
柳每從北斗望天關

傳聞鹵騎薄遼東復道軍符出漢宮萬里  
旌旗迷老上千山鼙鼓急回中胡兒淚落

關山月漢將旌旗朔漠風迂謬鑿儒慚所  
馬虛將長劍倚空同

陸渾山色接嵩丘萬頃雲煙凝素秋勾漏  
丹砂淹葛令漆園蝴蝶夢莊周金堂石室  
神僊隱豐草長林麋鹿遊最是生平耽野  
興悔將傲骨覓封侯

三花二室切雲霄縱覽神州入望遙向夜  
高僧行問偈有時仙侶坐吹簫峰前獨鶴

黃華稿

卷一

十二

窺丹井洞口長松護石苗回首浮丘接引  
處更無消息到今朝

蓬萊宮闕倚雲開早歲長楊獻賦來洛水  
同舟唯郭李梁園投簡合鄒枚談天半集  
燕王館結客金傾郭隗臺一卧荒城今六  
載寒山吟望獨徘徊

嵩陽宮

懸崖壞壁草荒、傳是嵩陽舊日宮何處



閒雲飛嶺外有時佳氣起封中鵲紋剝落  
唐碑古虬樹陰森漢柏雄指點千年成感  
慨悲風蕭颯萬山空

登中嶽

獨步崧峰最上頭憑凌萬里見高秋西連  
紫塞千山出東指黃河一線流漢時秦封  
何處所盧巖許嶺自清幽登臨頓失風塵  
色極目浮雲澹不收

三將軍柏

千年葉傍萬年枝關道將軍自漢時勁節  
元同天地老貞心真與日星垂空山日落  
群龍舞孤嶂風寒野鶴遲却怪當朝祿食  
者婆娑曾上劇秦詞

登天中閣

橫天飛閣俯神州漢、中原此上游地轉  
三河紛秀色窓開八極起涼颼峰頭夜聽

玄猿哭檻外斬看白鹿遊回首漳川何處  
是仲宣無賴賦登樓

五品封槐

秃枝老幹已龍鐘道是曾膺五品封誰向  
山中招大隱由來捷徑在崧峰

達摩面壁石

達摩此面壁形踪如可辨飛空本無迹遺  
像終成幻

登崧憶趙司理夢白

仙郎何處歌陽春一水盈、不可親三十  
六峰吟望遍平川漢、總愁人

過候氏有懷朱寄和

美人為政有輝光駐馬山阿問故疆除目  
久看新令尹田夫猶話舊循良瀟湘水落  
雙鳬杳嵩洛天寒獨鴈翔最是鵲原成悵  
望論心何處更聯牀

大梁宗留守祠

中原何處覓先封一騎胡塵盡族從玉輦  
北巡天萬里翠華南幸水千重孤臣自灑  
都門淚奸相終驚海上烽立馬荒祠心折  
盡故宮遺恨草茸茸

中州稿

主

中州稿

河北李化龍于田著

渡江

十年懷闕望千里渡江心。是日微風歛澄  
波。澹夕陰遙帆低鴈影橫吹起龍吟。莫問  
中流楫歸與卧竹林。

烏衣

寒溪疎柳帶村扉。六代煙花事已非。一自

風流王謝後至今猶自說烏衣。

過滁州石尹丁三太僕招飲

環滁山水足徜徉。遠客初歸興自長。甲夜  
尊罍逢地主。四筵語笑接天香。月寒江上  
雲連海木落淮南露已霜。飲罷擎盃聊戲  
問誰能不醉氣堂。

行經滁淮有懷開國諸侯王

天迴北斗玉龍飛。千騎從龍願不違。海甸



驟昏秦日月、風雲常護漢旌旂、河山縈繞  
藏金券、草樹蕭森冷鐵衣、潦倒儒生慚寸  
補、欲將書劍奉靈威、

### 渡淮

商氣交合浦、風葉能自由、我本北土人、五  
載客南州、南州信為美、炎蒸詎可留、十月  
清霜零、嚴裝向道周、疾暑無停景、何論阻  
且修、登山窮翠巘、臨水命蘭舟、風淒業桂  
林、日照清淮流、鯨魚出枉渚、翔鴈起沙洲、  
觀物良自遠、達生故不憂、振策首北路、天  
水相悠悠、

### 隋隄

鬱鬱隋隄柳、遙遙古道開、龍舟曾此度、雲  
漢象昭回、徙倚千年事、悲風下草萊、

### 太丘

漢業昔淪喪、貞賢委道周、枳林棲鳳羽、誰

憐陳太丘、高風悵已矣、雲樹空悠悠、

### 鄭陽

鄭侯去已遠、猶餘造律臺、刀筆亦何物、際  
會良奇哉、感慨君臣契、風雲萬里來、

### 葵丘

多難齊公子、殷憂管大夫、山川餘霸氣、冠  
帶想雄圖、落日饑鷹下、北風獵騎呼、代興  
何可再、撫劍坐躊躇、

### 睢陽行

唐家五葉妖氣起、燕入睢陽成禍水、幽薊  
胡塵動地來、下殿居然走天子、千乘萬騎  
出秦關、宛轉荒坡委玉顏、金屋佳人難並  
老、何況神州裨海間、河南河北風煙動、家  
家牛酒爭相送、時平好、佞盡侯王一朝緩、  
急誰為用、此日賢哉二大夫、同向睢陽翼  
帝國、勤王豈待尺一詔、忍死猶揮丈二矛、

固守孤城三百戰。積骸成山心不變。坐令  
雀鼠盡成空。肯留僕妾生相見。帳前羅虜  
總成群。誰其著者南將軍。嚼指感人人不  
動。飲血哭天。不聞力盡勢窮甘授首。一  
笑浮生夫何有。英名萬乘訝初聞。戰骨千  
年香不朽。從知人世有興亡。每經此地一  
沾裳。天清野曠愁雲起。遙向忠魂酹一觴。

河上歌四首

西來山色隱咸京。東去灘聲遶宋城。風帆  
不動天連海。綠水洪波無限情。  
鄴城樓閣倚天開。廣武雲深鴈不迴。千古  
英雄知多少。曾經此地泛舟來。  
風前萬馬倚雲征。白水連天下楚城。人今  
破浪來千里。誰唱瑩篴第一聲。  
一夜風生四野陰。兼天浪起波沉沉。吁嗟  
險惡那如此。猶勝悠悠客子心。

歸自江表得少春憲使書及贈詩却寄  
江南江北意何如。物色蕭條望未舒。遠道  
風塵淹駟馬。故人雨雪致雙魚。停雲不散  
南州榻。明月長懸蜀客廬。他日一尊得遂  
否。中朝新上薦賢書。

聞道從辭供奉班。逍遙踪跡杳難攀。林中  
有竹惟雲水。天上何心更佩環。五夜梅花  
清客夢。十年桂樹老寒山。不知四皓成真  
隱。安漢能無再出關。

哭劉考功墓二首

向時高飲處。老樹靜空庭。幽閣懸雙淚。遺  
孤抱一經。塵沙宿草白。風雨暮山青。莫問  
延陵劍。心期付杳冥。  
風性猶堪想。歸魂竟未明。土花開暗壁。蔓  
草蓋幽城。世自成今古。交誰托死生。愁雲  
依馬首。何處不吞聲。



別趙夢白

十年今一面、安敢怨離群、夙抱傷時晚、深  
言坐夜分、孤城屯宿霧、野樹緇春雲、新月  
隨征馬、清光倍憶君、

廣慧寺贈說法柏亭禪師

珠林寶樹影輝輝、法鼓清鐘漏欲稀、佛自  
祇園空色相、僧從初地話禪機、天花夜落  
經聲遠、香霧晨飄梵響微、塵沙喧不

空、肯令心境得皈依、

送魏季子恤刑河南

我來未暫住、君去忽匆匆、手布三懸細、身  
宣四面風、祥雲開汴水、清露灑天中、陰報  
多于氏、將無異代同、

同許駕部飲鄭計曹

九秋同落羽、三署共朝天、星動郎官聚、風  
高禁漏懸、當歌憐子夜、起舞憶丁年、良晤

知重名王孫春草遼

送蔣太守入覲回郡

楊柳青回九陌烟、使君二月罷朝天、懷中  
白璧仍歸趙、關下黃金已出燕、細雨檐帷  
春草外、和風竹馬畫幡前、不知三輔無多  
試、借寇還期更一年、

別魏光祿

客情無去住、忍使綠尊空、官况浮雲外、鄉

思暮雨中、城鴉樓曉日、宮柳變條風、寂寞

應終老、玄心萬里同、

廣慧寺贈洞空上人

君年已七十、君氣尚崢嶸、避世無名氏、辭  
家有幾僧、涼風朝卷幔、細雨夜移燈、只此  
觀禪悅、何須問大乘、

西山道中贈滕季達

不自淹行役、那因見友生、素心成獨往、

眼謝時名、水木春山遠、雲煙夕照平。幾君  
出浩劫、天外聽吹笙、

贈張汝登明府

大國多良俊、夫君信有之、春雲融雅量、秋  
水照英姿、綰符人爭逐、鳴琴俗自移、九衢  
騰天矯、萬里騁權奇、後起名逾重、前賢畏  
豈私、藉蘭慙盡省、倚玉媿瓊枝、杯酒淹城  
郭、風沙暗路岐、天涯芳草遍、回首一相思、

贈鄭公子

春草王程外、胡沙帝座傍、窮途人自苦、良  
晤興偏長、濁世佳公子、名家白面郎、芝田  
三秀馥、桂樹九秋芳、把臂林成竹、披襟國  
有香、鶯花陪笑語、雲月遞池塘、鳳豈題嵇  
叔、人今得季方、風塵隨馬首、幽意未能忘、

碧雲寺

驚嶺人、天外煙霞路、幾重橋、迴千尺、瀾石

吐萬株松、忍草經春長、曇花向夕逢、未能  
辭世網、空負上方鐘、

陘陽驛次周元孚韻

十醉中山酒、今來路更遙、天風吹白水、海  
月上青霄、舊業花三徑、春程柳萬條、微名  
何足戀、策馬度長橋、

再別趙夢白

路臨楊子宅、來去得相從、握手人千里、開  
尊意萬重、鳴禽依晚照、細草競春容、別有  
前期在天台、訪赤松、

行經博望驛漢張騫所封侯地也

短稚平蕪出、斷灣當年帶礪、六河山、誰教  
首霜來、天馬、遂使煙塵接、漢關絕塞風沙  
侵白骨、深閨霜露冷紅顏、鑿空已釀千秋  
恨、猶道乘槎犯斗還、

促魏懋誠年兄蚤駕



望月懷人幾度圓。封書走馬思翩翩。無論  
命駕能千里。且喜鳴騶共一天。汝上山光  
湖外草。淮南樹色雨中煙。僊遊星聚尋常  
事。肯把風流讓昔賢。

昆陽

昆陽城外泣弓刀。百萬軍聲逐野蒿。天意  
自嗟炎燼在。至今白水尚滔滔。

沮溺

澤國山河接戰塵。天涯何處是通津。不因  
孔轍經行後。誰識當年避世人。

楚狂

蕭韶去遠鳳笙沉。塵世何緣托好音。千仞  
覽輝誰得似。行歌空負楚狂心。

聽王霽宇彈琴

嵩山白露下。涼氣入秋襟。言訪高人室。時  
聞太古音。聲迴天籟爽。響靜夜雲深。坐久

不能去。因之清道心。

送藍都閫赴邊

河樹冷蕭蕭。送君河上橋。揚旌驅日逐。鳴  
劍破天驕。豹略三邊靜。狼煙萬里消。功成  
盡麟閣。肯讓霍嫖姚。

密縣白松相傳黃帝生焉女處三首

連枝嘉樹儼生芳。受氣應從姑射鄉。遠勢  
迥含千嶺雪。高標不散九秋霜。雲迷海鶴

寒無影。露浥瑤姬夜有香。塵世恐嫌臨太  
潔。祇宜巖穴托清光。

冰肌玉骨自何年。化入重泉倍可憐。粉蓋  
似樓臺。漢。瓊枝如舞鳳。月來遠鴈

疑衝雪。風起群龍欲上天。却恨湘妃情思

苦。止將血淚滴江邊。

二室三花勢欲分。遙從碧澗借氤氳。根生  
太古原無色。種出深宮故不群。向夜有時

留皓月。凌空常自映青雲。生平雅興今蕭索。欲賦慚無玉樹文。

河內逢徐理齋年兄

與君同作魯諸生。並有高名起漢京。幾載路岐頻落葉。三春笑語忽班荆。竹林近接覃懷市。花縣遙連濁鹿城。曾是昔人游樂處。好將十日罄交情。

送劉幼川晉楚省左轄公蜀中名家蓋

三世宦楚云

南樓明月滿胡牀。又見風流在武昌。文似相如曾難蜀。賦同枚叔近游梁。鄧中白雪高三楚。漢上青茅錯五方。誰得比君家世好。荊州累葉種甘棠。

贈王述齋晉右轄

新除五夜發明光。佳氣龍蔥綰大梁。秋露夜高金席靜。春風花動紫薇香。雲中嶽色

常朝斗。天外河流本抱陽。或履星辰應不遠。太原清蔭在槐堂。

比干墓

蜚鴻四起鹿臺秋。忍見宗枋一日休。七竅儻能迴聖主。寸心何惜瘞荒丘。蒿行落孤臣氣。淇衛滔天故國憂。封墓徒勞明后意。頑民原不附西周。

朝歌

千年世主昏亡後。此地朝歌尚有名。不為樂音傳北里。何因王氣入西京。鉅橋水淨秋蕪滿。牧野雲閒古堞平。我欲回車學墨子。清朝久已絕淫聲。

牧野

平林草樹迥含愁。猶憶當年漂杵秋。八百侯王瞻太白。三千虎賁擁前旒。孤臣西嶺餐薇蕨。聖主中原放馬牛。成敗于今俱逝



水尚聞中散薄殷周。

見三山

曉行淇上道。舉首見三山。家在三山下。飛雲不可攀。

松紹墓

巢為何人毀。卵為何人破。借問侍中血。何如王裒坐。

湯陰拜岳將軍祠

鐵馬金戈滿目悲。將軍談笑挫雄師。不因詔旨來三殿。會見旌旗遍九夷。五國秋風號二帝。西湖夜雨泣南枝。今逢絕域稱臣日。喜向祠前酹一卮。

送宋倅之平涼四首

孤城列戍曉蒼蒼。白草黃雲入大荒。迴樂峰前沙似海。行人一騎發西涼。天邊九曲轉黃河。譯使西來宛馬多。十載

和我烽燧少。漢兒一半解夷歌。

玉門天盡見流沙。風起遼聲入暮笳。投華便為班定遠。封侯萬里莫思家。

白馬青袍錦色新。行。不必嘆胡塵。君看滿眼雲霄客。不帶邊功有幾人。

清明

空堂獨坐盡初更。夜柝蕭蕭亂客情。滿目雲山迷故國。驚心風雨報清明。閒愁漸逐

十五

三春草。旅夢頻回百轉營。仕宦十年難得意。不如南畝暫歸耕。

水冶拜韓魏公祠

為公今下拜。不獨仰精忠。一代調元手。三朝定策功。清蘋羞野老。碧殿掃寒空。絕響誰為繼。徘徊意未窮。

銅雀妓

含悲辭玉輦。掩淚向銅臺。不惜空房守重

泉幾日開、鄴城雲欲老、漳水浪難迴、惟有西陵月、曾看歌舞來、

游黃華山、在林縣有掛鏡臺、珍珠簾水、相傳為高歡避暑處、四首、

佳水佳山處、幽選竒還上、最高頭、誰從世外窮三象、自向寰中望九州、玉洞不隨陵谷改、銀潢常瀉古今流、分明愛殺黃花老、爭道携錢日、將、

孤峰率律倚天開、曾是僊人掛鏡臺、絕頂疑通青帝座、高標不數白龍堆、九霄滿溢金莖露、五夜頻傾玉女杯、我欲振衣常對此、塵顏日、有飛埃、

虎聞當年事已空、高齊曾此建離宮、飛甍百丈連青霽、懸溜千尋吐白虹、山月幾窺人世換、岩花曾見霸圖雄、老僧穩卧雲林外、空谷年、栗葉風、

黃華山上白雲飛、黃華山人何日歸、花開花落僧應見、雲去雲來鳥獨依、風磴夜邀松徑月、晴嵐晝掩石牀扉、他年會作林泉主、終老看山願不違、

魯班門

巧絕天工手、平分一段雲、有詩不敢道、羞澁為班門、

掛鏡臺

玉女凌風去不還、獨將石鏡掛人間、寒光照徹三千界、身在乾坤第一山、

王母塚

幽洞響潺湲、仙源香霽間、自將鷄犬去、蛻骨葬空山、

卧佛

愛此山中色、長眠不知曉、落葉響空林、歲歲西風好、



寺

廢寺臨山澗、天風落曉霞、老僧無一事、獨坐嗅黃花、

蟻尖寨

天傾地折萬流奔、玉柱昂藏柱大坤、西極風煙三萬里、空青一點是崑崙、

百泉書院示諸生二首

炎景際林薄、群英委華滋、游目屬近郊、陰

陰清夏時、高步君子堂、崇簷畫遠迤、亭臺

一以眺、竹樹影參差、鳴禽集灌木、遊魚泳

清池、居然童冠偕、風雩良在茲、天游非外

像、真樂在內機、願言希點瑟、詠歸以為期、

昔有高世士、鑒室茲山岵、草衣木為食、渴

飲掬澗水、有時上山顛、長嘯天風起、四顧

野茫茫、冥心還太始、大道本無言、光景

已。君看山下泉、便是海中水、終。嵇阮

流、喧呶徒為耳、惟有無名公、觀物得其理、

同年焦文炳、自貴州奔喪歸、郵傳阻絕、

叩門求見、衣冠憔悴、執手淒然、特為

遣力送歸、賦以志感、

麻衣憔悴逐風塵、萬里辭官葬二親、貌似

屈平、纔罷楚、囊如季子、初歸秦、楊花飄泊

窮途恨、榆莢參差舊業貧、媿我相看空執

手、麥舟相贈是何人、

孫登嘯臺四首

九土分崩難正深、高人一嘯入雲岑、鸞音

只在山前、後煙霧茫茫、何處尋、

草衣應遠帝京塵、石室悠然未可親、廣陵

欲絕日將午、始憶山中不語人、

一派清泉、一抹山、山人清嘯在其間、向平

未是冠纓客、便逐山人去不還、

九曲黃河遠太行、天風吹草綠茫茫、中原

豪傑今誰在、獨倚高臺望故鄉、

竹園

淇園雨過曉生香、亭午無風亦自涼。睡起閒行竹樹外、不知迢迢照映迴塘。

雙柏亭

對峙空亭柏、參天下夕陰。但言青蔭美、誰識歲寒心。

書院午坐

別院入迴塘、清陰不知暑。拋書倚竹窓、微風動白茅。

榴花

萬花零落後、獨自吐芳英。不緣紅噴火、安敢向朱明。

卧龍岡謁武侯祠二首

當日南陽卧、甘心世不聞。主恩聊一起、天意竟三分。漢關迴殘照、蜀江入暮雲。山堂

蕭澗藻、千載有餘芬。

卧龍去已久、草廬猶在茲。天地風塵日、君臣際會時。有身留漢鼎、無命老王師。廟貌新中土、偏安未足悲。

夏日再過清風亭

豈有文章佐聖明、漫勞車馬日縱橫。清風亭下參天樹、歲久看人觸熱行。

贈孔炎

如姬俱漢上、屠蘇在夫君。字三秋、情五色雲、調中流水遠、隱處碧山分。更羨駒千里、驕嘶意不群。

贈子厚

十載談經擁絳紗、朱門誰信有侯芭。行來白水真人里、坐處青蓮居士家。閣上燃藜邀北斗、齋頭殺竹寫南華。懷奇莫擬通親表、詞賦如君已足誇。



西平公署

年々一此過。今夕眼偏明。樹色燈前亂。鐘聲雨後清。吹竽慚北郭。把劍憶西平。惟有長淮水。知予攬轡情。

初秋月夜水調歌頭用東坡韻

滿飲百杯酒。白眼望青天。但得賞心樂事。寧問是何年。處々天高氣肅。獨對琉璃萬頃。起舞弄清光。年年長嘯。句。

〔白雲垂青傘〕

無暇

曾見九回圓。短髮飄蕭種々。壯志摧殘落。落何處。可求全。寸心一片鐵。終古對蟬娟。

題畫四首

處々平蕪滿山々。綠樹齊尚嫵。城市近策

杖過橋西。

林溪人不來。但坐無拘束。前山新雨足。池荷半生綠。

原缺第二十三葉前半葉

遼陽稿

河北李化龍于田著

發通州

少無通人韻，誤逐軒冕遊。中歲入京華，所  
貪恩數稠。同寺但數馬，銀臺多好逌。近年  
希朝謁，僻性適與謀。塵忝非始願，于役向  
東幽。五月盛炎威，我馬發通州。火雲當畫  
懸，暵者疲道周。飛鳥歛翼棲，前旌不可留。

遼陽稿

此邦館皇畿，雄麗難為儔。樓臺羅萬井，絃  
管沸清謳。大舶汎長河，岸柳垂悠悠。憶往  
庚戌變，胡馬飲灣流。烽火入甘泉，法宮罷  
玄脩。淒涼成往事，于今患未休。慚無金城  
略，謬佐玉關籌。慷慨即長路，甘心赴國仇。

薊州

王公重設險，薊門天下壯。絕徼峙連山，嶺  
岬森相向。列戍比星屯，精卒日乘障。粳稻

來三吳，陳遠相餉。飛騎如過鳥，咫尺不  
得望。我行快所遇，但仰皇威。嗟古來漁陽  
甲，列郡無與抗。近聞胡騎入，僵屍猶未葬。  
吾聞立國謨，所重在將。緬想三犁時，有  
懷悽以愴。

永平

客行有常程，日與風沙逮。行指無終時，  
久陰晴代急。雨漲灤河，轉眄奔流滙。未論  
泥滑，爽氣朝堪愛。東望胡天低，野戍飛  
鳶墜。懷古想田疇，居然見英傑。名爵亦何  
常，肯賣盧龍塞。丈夫感知已，不辭敵所懾。  
千載有斯人，一往不可再。

山海關

莽萬重山，關居山海間。一線達天東，大  
函鳥飛還。平沙閒列戍，海氣對灣環。胡馬  
飲海來，重門常盡關。野望天昏，征人多



苦顏不涉關東路、安知邊事艱。丈夫萬里志、豈與終童班。

### 木葉山

關外多風沙、望之無窮已。乍見山突兀、綿亘數百里。上有古樹林、下有單于壘。木葉響蕭蕭、邊聲動地起。饑鷹掠近人、禿鶻鳴聒耳。我馬倦長途、欲往行且止。一望眼堪枯、荷父者誰子。遠戍難為情、傷心自茲始。

### 寧遠城

邊城總寥落、遠望如空村。雉堞擁流沙、睥睨拒可捫。茅屋不滿百、往往甲士屯。寧遠城稍大、墮頽如敗禪。近城無間井、一二老古墩。騎士自東來、勢如駭鹿奔。為報大虜入、已薄廣寧門。策馬向前去、遂忘夕日飡。亂流涉凌河、馬多河水渾。厲氣鼓三軍、誓將胡虜吞。鞭腹恐不及、殺戮到雞豚。百里

不趨利、古法何足論。

### 杏山

杏山不見杏、但見沙荒荒。虜報急如星、欲往我馬黃材官。控馬諫君行、太倏忙。烽火已斷絕、緩急何可量。前行與虜遇、勞逸豈相當。小臣不解事、仁義豈有常。誰為當一面、而令胡騎猖。策馬舍之去、擒賊須擒王。

### 十三山

杏山行未已、忽見十三山。山、滿胡沙愁對遊子顏。亦有清冷水、無情自潺潺。平生遊覽興、相向忘躋攀。安得挽天戈、掃蕩瀚海間。永清沙漠塵、燕然勒銘還。酌酒酹山靈、長驅西入關。

### 廣寧城

孤城控絕徼、四望野茫茫。居然名都會、百雉俯修隍。是時初解嚴、暑日晝蒼涼。村墟

見餘燼沙磧少牛羊。城頭樹大旗。迴風遠  
飄颻。目極盡胡天。殺氣薄窮蒼。攄馬仰空  
鳴。怒立勢騰驤。猛士坐甲嬉。求敵氣昂。  
吹角聲滿天。風雲盡飛揚。明當伐鼓出。橫  
行陰山傍。從來右北平。一戰取名王。

擄婦

嫖。楊柳絮。灼灼桃李花。狂風蔽日起。飄  
蕩天之涯。妾本深閨女。少小事田家。夫婿

卷一百一十五

五

多征行。兔絲附蓬麻。釜甑半生塵。原田多  
汙邪。里正傳收保。欲往力不加。忽聞虜騎  
入。風雨相紛拏。驅我向遼庭。遙去路賒。  
手解盤雲髻。椎結勢橫斜。黃昏辭漢徵。陰  
風號鬼車。高鼻動成羣。相凌如艾豎。生死  
兩無賴。掩泣羞自遮。中宵漢月懸。雙淚墮。  
清笳傷心三歲兒。投擲絳槎枒。病姑已橫  
令。誰為掩黃沙。一身已如此。何用多嘆嗟。

安得飛將軍。再生枯楊華。

板升

古來合浦葉。還向洛城飛。我生何不辰。終  
與故鄉違。一從辭漢關。十載隔金微。田廬  
各相望。村落亦依稀。種黍殺早霜。高秋嘗  
苦饑。比屋飼胡馬。草枯馬不肥。嘗恐虜法  
重。妻子不相依。日夕望官軍。拔我出重圍。  
昨夜聞擣巢。盡室斬首歸。窮奔幸脫免。回

卷一百一十六

六

視隣人非。髑髏入漢關。猶勝蔡明妃。邇緣  
馬市開始。換來時衣。但聞歸正人。縛送夾  
兩駝。益復鄉路絕。夜夢柴扉。哭上李陵  
臺。南望送斜暉。

回鄉

轉蓬離本根。飄飄數千里。首丘念豈忘。南  
奔自茲始。中宵發殍林。悄。陰風起。妻子  
不相聞。別淚如流水。晝伏止夜行。鼠竄荆



棘庭常恐追騎至、叢莽輒投止。已絕七日  
食、無地呼庚癸。歸來止一身、皮肉半已死。  
空村不見人、鷓鴣鳴聒耳。故居只敗牆、欲  
入縈葛藟。東征方募兵、權為荷受子。亦知  
戰士危、一飽亦堪喜。殺身報國恩、勝死胡  
沙裏。但傷舊骨肉、老稚無遺齒。在虜尚有  
家在、漢獨一已。展轉更無聊、灑泣別桑梓。  
男兒生世間、願為天子使。戰勝擁旌旄、榮

名列青史

收歛

高秋胡馬動、警報傳不息。微吏勢倉皇、收  
歛今日亟。小堡不可守、大堡終難克。數里  
聚山城、如入鬼王國。但保首領全、寧論起  
居逼。虜性多遲疑、遷延期屢忒。轉眼資用  
盡、老弱各啾唧。入堡恐後時、出堡不易得。  
以此邊方民、避官如避賊。寧甘殺戮死、不

願城堡匿。李牧守北平、頗賴收保力。終須  
決一戰、盡使匈奴北。避賊寧可常、轉益邊  
人棘。為語防邊將、戰伐各努力。

暗伏

長城起遼東、古來絕地脉。千年跡已頽、無  
計限夷貊。沿邊伏戍卒、相傳此戎索。何能  
當大敵、聊使零騎格。往往勦邊民、相視如  
累客。比閭日傳餐、女婦仍當夕。邂逅意不

津市集

懽。白刃揮几席、天高主將尊。何處論三尺  
及乎虜騎來、奔迸竟何益。吾聞漢武時、驛  
道通張掖。玉門夜不關、戎羌無遺跡。何事  
守門庭、但為蒼生厄。願言烽堠明、暗伏非  
長策。

鎮武凱歌十章

高秋明月滿榆關、大將長征意氣閒。坐遣  
偏師清瀚海、還飛三箭定天山。

遼東老將氣成虹。猿臂高彎楊葉弓。一箭  
王庭絕大漠。自將雙劍倚秋空。

戰罷寒雲舞六花。胡兒清淚灑悲笳。弓刀  
盡脫歸戎幕。駝馬全驅入漢家。

長空澹々馬蕭々。日上和門喜氣饒。西域  
浪傳班定遠。北庭親見霍嫺姚。

親裁露布上明光。一夜驪聲四海揚。但使  
征人看太白。肯教思婦怨流黃。

風雨連宵散野燐。馘來虜首積嶙峋。邊氓  
莫作尋常看。半是名王半貴人。

胡天蕭颯陣雲開。萬馬排空捲地來。戰士  
威靈摧海嶽。將軍號令肅風雷。

木葉山前萬虜屯。須臾面縛獻轅門。胡頭  
斬盡猶聞事。只喜生擒土谷渾。

親提龍劍破胡天。驃騎勲名未許前。從此  
邊城無戰伐。清歌妙舞媚華筵。

微外流雲靜不飛。將軍下馬脫征衣。只應  
日飲蒲萄酒。雞鹿山前大打圍。

登醫無閭山四首

勝覽乾坤合有緣。真遊今上次寥天。鎮開  
北極雄三輔。山障東垂控九邊。青海周廻  
絕城外。玄霄燦望萬靈先。年來氣稜昏王  
略。願借神功到八埏。

天柱高標九域東。振衣萬里受雄風。雲煙  
低擁黃龍府。日月高懸黑帝宮。截海帆檣  
來徼外。防胡士馬下回中。分明半壁歸撐  
拄。合有明禋禮上公。

十

北帝高居絳節朝。西風搖落錦林凋。眼看  
雲霧迷三島。足躡煙蘿上九霄。霜淨盤鵬  
羣點々。月寒歸鶴影蕭々。幼安布帽今應  
在。擬共巖棲伴野樵。

半生飄泊壯心殘。何意東遊得大觀。已向



寰中齊五嶽。還從世外見三韓。挂高借  
天山。勒石平臨瀚海寒。別有寶符君不  
見。試看一戰取樓關。

送王仰臺鴻臚之京二首

春郊晴望及芳菲。黃鳥如歌勸酒卮。中歲  
總難輕遠別。壯遊寧復怨生離。九衢曙色  
籠征轡。三殿晴雲捧御衣。聞道東征頻送  
喜。到時須整漢官儀。

建書

七

柳暗鶯嬌宿霧披。郊原送客早春時。人稱  
冀野駒千里。身是燕山桂一枝。上谷名王  
新拜表。中興聖主待陳詩。況逢滄海藏  
鯨日。羨爾垂綏集鳳池。

題海仙圖壽唐孺人

五岳十洲定有無。羣仙冉冉下蓬壺。元君  
暗授長生訣。王母親傳太乙符。海上雲霞  
秋不斷。天邊鸞鶴夜相呼。從今甲子三千

歲。歲。仙踪入畫圖。

秋日登樓得宋芳麓多史書却寄

蕭蕭木葉亂城頭。多難關心強上樓。身似  
劉琨居塞外。情同王粲在荊州。天因近海  
常多雨。地為邊胡易及秋。獨喜君為周柱  
史。時將書札慰窮愁。

一嶺狂風

以下四首題畫梅

四山雲影動。萬玉響珊珊。何處笛聲苦。猶

建書

七

吹行路難

煙籠寒玉

幽意滿芳林。一派寒煙束。絕代有佳人。窮  
岩抱明玉。

新稍待月

秋窗霜鏡曉。清影落寒雲。斗帳人無寐。幽  
懷併在君。

西湖雪曉

凌寒放玉姿。綽約臨淺水。何如姑射山。雲際來仙子。

送內兄歸

胡天望不極。大海多煙霧。狂風吹客心。飛挂遼城樹。無計乞此身。暫且留君住。他日東臯下。荷鋤應相遇。

塞下曲四首

半捲龍旂海日昏。唧枝一夜到崑崙。降王

遼陽稿

七

會盡三十六。不用生擒吐谷渾。

黃沙萬里接榆關。繡帽將軍奏凱還。可嘆漢家無別策。只驅紅粉度燕山。

黃龍東去海雲低。殺氣連天望欲迷。生得胡兒挾馬上。夜深一騎到遼西。

夜半遼關燧火明。匈奴鐵騎傷長城。短兵接處胡天曉。饒吹都歸入塞聲。

送胡生鳴陽歸新安。生前邑令金峰公。

子也

古道風吹紫箬冠。蕭然一騎向新安。先人到處皆知己。此去休歌行路難。

別來雙鬢忽星星。曾向髫年見過庭。莫為子雲憐寂寞。侯芭猶自守玄經。

明香一炷屋三間。千古龔黃去不還。不信居民嘗下淚。開門驗取竹斑斑。

謾憐公子逐風沙。廉吏從來不為家。盡道

建陽稿

十

寢丘居惡土。何如旅食向天涯。

贈宋山人鶴山

有待俱為累。飄然見爾真。半生嘗作客。終老不依人。醉舞龍泉劍。狂歌烏角巾。琴中送流水。曲裏和陽春。歲月煙霞癖。行藏魚鳥親。稍需婚嫁畢。相伴出風塵。

余初度宋鶴山有詩見贈率爾屬和春滿芳林暎曉城。開筵此日愧浮生。尋仙



我覺類難駐、得句君同珠夜明、四十無聞  
徒縱酒尋常有客愛吹笙、終須逐爾逍遙  
去、太華山頭共一檉、

答黃慎軒太史題扇見贈四章、次原韻、  
月華曾照國西營、笳鼓連天萬虜橫、障塞  
虛傳絕地脉、種來親見走天聲、王庭北去  
歸沙漠、酋長南來問姓名、漸喜春風關外  
度、依依楊柳伴流鶯、

浪傳談笑解重圍、夕日曾將魯戈揮、馬首  
煙塵猶未已、刀頭壯士敢言歸、風高夜太  
寒、無焰霜冷胡雲凍不飛、却憶北平良將  
日、十年獵騎近邊稀、  
遼河如帶可流觴、醉卧沙場對夕陽、風急  
雲中盤鶴鶚、草低磧裏見牛羊、自敲羯鼓  
裁新曲、誰上龍堆望故鄉、賊在朝天猶有  
恨、敢誇一戰走名王、

采薇欲賦又成虛、轉憶寒砧木葉初、遠客  
未歸雲外戍、佳人空寄錦中書、齊紈風細  
團團裏、趙壁光寒篋笥餘、何日問奇重載  
酒、玄亭一望一躊躇、

卧病寄李百原少史

波浪兼滄海、風煙接殢林、邊聲入夜急、客  
病向春深、自憐雲霄翼、誰憐狗馬心、悲君  
鑒流水、應斷伯牙琴、

送董少山得請還上谷有序

歲甲午、虜數中遼、左鹵掠、以萬計、守  
臣以聞、上震怒、文武大吏罷譴有  
差、從廷推命余填撫、大師則少山  
董公、余兩人相會京邸、曰、主憂臣辱  
寧敢愛其死乎、因長驅出關、視事、拮  
据經營、以夜為日、是歲十月、虜以萬  
騎掠高平、公與將吏飲血神前誓同

死敵因縱兵擊之斬首四百有奇溺  
死月牙湖者無筭獲駝馬及溺死者  
可萬餘殘虜徒步痛哭而歸當是時  
西虜復以十萬騎圍右屯城垂陷公  
戰罷馳赴之募壯士夜入其城以火  
鎗斃其酋首虜立解圍去捷書聞

上大歡悅晏賚賡錄如制自是諸虜遠  
塞公乃以時行邊飭戰守具出所獲

養廉粟千石給軍士挑修壕塹溪關  
倍常復時提兵出塞搗其巢多所  
斬獲虜遂絕跡又二年虜不勝其憤  
糾合東西諸酋犯廣寧聲言報復勢  
張甚公與之堅壁相對冀老其師用  
奇取之虜驚疑一夜遁去無所掠遠  
人謂虜大舉而小獲前此未有也會  
有飛語中之者流傳都下言者及之

上眷公意不為動適公亦以勞瘁乞骸

骨上重違公請予告歸李子曰公

名之際人臣所難處也公在遠勞苦

而功高未有封侯之賞中道而歸於

酬庸乎何有雖然公居成功而不耽

於寵上假元勲而不竭其力臣主

之間俱可書也獨余以白而書生謬

膺邊寄臨事而失右手意不能無少

望焉因為詩以贈其行

錦裘繡帽血痕斑破虜曾窺青海灣共道

中朝盟息壤其如盈篋下中山胡天雨雪

饑鷹健客路霜風戰馬閑一醉臨歧應自

笑當年原不望生還

木葉山前羽檄飛將軍談笑解重圍胡兒

自洒馬支泪義士齊誇貂錦衣瀚海纔消

青塚恨瀛洲早伴赤松歸良弓高鳥



嘆且喜扁舟頭不遠、

風雪河橋擁旆旌、東人夜、望樓櫓、遶關、  
從、此多烽燧、僕射誰堪是父兄、坐使千秋、  
傷大樹、何勞萬里築長城、如聞畏壘多私、  
祝、李廣重臨右北平、

洗兵無計挽天河、檣散憐予可奈何、豈有、  
書生能料敵、由來壯士自揮戈、浮生日、月、  
風前露、塵世功名水上波、他、日期、君人境、

外、湖山煙樹共婆娑、

• 送崔際虞侍御按部河南、

龍為驄馬多為袍、憲使南行意氣豪、獻納、  
西臺推領袖、澄清南國望旌旄、風搖太室、  
三花色、霜落黃河八月濤、見說此邦憔悴、  
甚、好將問俗息民勞、

送張斗南之齊河、

望、仙鳧去、齊河我舊遊、華峰當案起、濟、

水抱城流、俗漸三千士、風餘十二州、知君、  
妙為政、計自聽民謳、

送楊動宇之高唐、

人生五馬貴、况復得高唐、驛路連京國、民、  
風接故鄉行、時鴻鴈動、到日菊花香、此地、  
歌聲古、須賡麥穗章、

贈丁五陽山人 有小序

丁五陽多能人也、能書能琴能奕能、

歌、獨不能酒耳、數與對奕、數北、不任、

巨觥默而逝去、其曠達之尚也、生平、

足跡半在河南山東、青衿之士多從、

之習字、家後乃遊吾垣、所與尤衆、暇、

日偶乞吾詩、因與決賭、以三局為率、

復不勝、跳踉欲死、請復之、流汗成漿、

僅而再勝、遂為詩贈焉、山人名鶴年、

滁人、

應是遼東丁令威、當年化鶴至今歸。關中  
對局人，北醉裏揮毫字，飛。歲月總消  
筇竹杖、風塵不上芟荷衣。何時得謝人間  
事、長日從君坐夕暉。

自君之出矣

自君之出矣、目斷白狼東、思君如楊柳、惟  
悴待春風。

自君之出矣、指冷鳳凰笙、思君如漏水、滴

滴到天明。

君如天上雲、妾似雲中月、雲去無還期、月  
光任圓缺。

送丁五陽

綠柳垂絲媚遠天、中流一棹破蒼煙。大河

兩岸人無數、道是基仙復酒仙。

書劍飄零客、遠鄉從來千里不辭勞。

莫慮無知己、到處人傳丁五陽。

承白礪甫見贈之什依韻和答

誰唱驪歌起、晨鷄尚未鳴、華鎧光祖席、細  
雨暗孤城、琴寫飛龍引、劍彈猛虎行、相期  
遊汗漫、把酒計春程。



田居葉

園居四首

河北李化龍著

偶然值坎止。非關薄宦情。林泉無長物。丘壑有餘清。雲澹郊原色。風和鳥鵲聲。向來笑沮溺。今日耦而耕。  
茅屋傍河濱。田家無四鄰。琴書多俗累。水石近清真。草長疑無主。鳥鳴似有人。五侯

自抱文園病。寧曰行路難。山川憐賜沐。魚

鳥問加餐。掃石開花徑。誅茅構藥欄。尚嫌

經濟少。日報竹平安。

早年曾學道。中歲已投簪。自少封侯骨。空

餘報國心。詩筒聊永日。藥裹足知音。待此

堪終老。從教素髮侵。

露冷梧桐一葉知。涼宵對酒坐論詩。何人  
寂寞耽玄草。有客風流擅白眉。霜月參差  
鴻鴈動。秋雲搖曳薜蘿垂。滄州只在青門  
外。却悔當年解印遲。

送崔侍御還臺

關河秋盡葉爭飛。法宿流光指太微。鴈渡  
征軺辭白社。春來合殿引朱衣。花駟行步  
人應避。霜間回天願不違。努力太平公事

在。狂夫已分老漁磯。

寄題嘉樹園是東海匡公棲隱處

名園幽勝遠人寰。灌木千尋不可攀。盡道  
賓朋傾北海。由來雲月滿東山。尋仙命酒  
邀黃雀。招隱開籠放白鷗。何日向平婚嫁  
了。相從樹底弄潺湲。

靜者風流自不羣。從來名岳住匡君。開池  
半借滄溟水。架竹全留方丈雲。春草閒門

人自遠。秋蘭襟佩客相聞。致身福地知蕭  
爽。真訣何由得共分。

京洛風塵十丈橫。人間何物勝歸耕。陶公  
生事惟三徑。謝監襟期在四明。林外鷺花  
逐日換。水邊鷗鷺傍人行。新來尚苦逢迎  
倦。時有安期下赤城。

精廬東望海天低。共指梁鴻入會稽。試問  
白衣調野鶴。何如青瑣聽朝雞。一泓月

秋垂釣。萬嶺烟橫曉杖藜。却恐非熊無  
夢。齊封原自啓磻溪。

承李東昌寄詩並賀生兒荅寄

新秋捧檄出明光。才子英聲自洛陽。視草  
中朝人似玉。專城東郡地為棠。賦成已見  
高鸚鵡。政就猶堪下鳳凰。老我林泉空浪  
跡。裁詩深愧報瓊章。  
形容落穆髯刁騷。偶喜添丁破鬱陶。

乍驚珠自蚌。故人謬擬鳳為毛。青門瓜瓞  
聊傳業。白社藍輿可代勞。他日旌旄過峴  
上。將回鷄黍見兒曹。

大中丞夢池李公轉南少司馬便道過  
里枉顧敝廬賦送二首

霜旌捲霧曉氤氲。清角聲中列戟分。並海  
掃清氛。祿氣臨江佐領鶴鵝軍。卿曹遠挹  
鍾陵月。錦里先瞻夢澤雲。岐路一杯酒。

醉折梅何日復相聞。

當年請劍萬人看。直道今無行路難。苑外  
江聲閑對酒。城頭山色醉憑欄。揮毫已就  
三都賦。杖鉞還登上將壇。會見白麻催入  
相。浣花應許再盤桓。

承宋山人見枉佳什走筆奉和一以奉  
贈一以解嘲云爾

雄談俠氣與天高。到處英風屈俊髦。春日



花開仙觀裏。閑雲孤鶴對揮毫。

環堵蕭然一病身。林間魚鳥自相親。憑君  
莫話青雲事。易遣潘郎白髮新。

題扇

簪花非是老來狂。為愛東籬晚節香。不見  
白衣人送酒。空將詩卷對吟牀。

一派清溪十里山。白雲綠樹對潺湲。櫂歌  
聲裏天如水。自向滄浪去不還。

竹杖芒鞋處。春溪山遠寺。淨無塵落。

無意隨流水。誰遣漁郎來問津。

綠水青山溪復深。長林風急晝陰陰。携琴

自向蘓門嘯。煙霧茫茫不可尋。

題廬

疎林茅屋靜無塵。一卷丹經手自親。白酒

初熟秋欲老。隔溪終有送魚人。

遠水深林自隔塵。茅屋倚巉巖。道人

不與塵埃接。誰向中流颺布帆。

萬頃茫茫蘆荻秋。幽人鼓櫂向中流。急水  
灘頭誰問渡。閒身懶作濟川舟。

百里同雲四望寒。蓬門何處卧袁安。醉來  
狂殺清溪客。自起敲冰把釣竿。

園居四首

春明一以別。揮手向雲山。避世風塵外。移  
家丘壑間。半生從落。十畝自閑。

陶潛解歸來。蚤閉關。

微外干戈滿。先生已掛冠。無才宜謝事。有

病合休官。緩步花三徑。開尊竹萬竿。君看

垂簾色。未倦鳥知還。

徑仄門臨水。臺高柳向城。野夫無灑掃。種

子解逢迎。殘夢拋書續。薄田賣劍耕。自然

入市廛。不是為逃名。

檜栢陰。簇軒窗面。開修琴人暫出。問

字客頻來、俗妬煙霞疾、天全樛櫟村、還丹  
應有日、雪鶴向蓬萊、

承震華宗侯見示枉顧河上阻風之作  
荅贈次韻二首

別有窮途恨、非關阮籍狂、迴風吹客袂、急  
浪阻輕裝、悵望三秋迥、相思一水長、所  
雙鯉至、五字薄文房、  
美人何處所、河上有揚舠、天濶日難長、

狂駕暫停、以余玄草白、念爾閣藜青、定有  
論文日、長吟坐敬亭、

聽宋山人彈琴

山人彈素琴、泠然清我心、坐久不能去、為  
憐太古音、初聞落指天、風響流雲孤鶴聞、  
來往須臾移調入清商、幽閨少女怨流黃、  
俄驚風雨至、婉轉別成趣、萬點梅花落、敬  
亭飛入深潭流、復住、憶我西遊黃谷山、高

崖絕巘相追攀、玉龍千尺珍珠碎、此時如  
對山人顏、阮上蘓門眠、夜共孫登嘯、半嶺  
忽聞鸞鳳音、恍然似得琴中沙、山人於世  
無所求、草衣木食傲王侯、焚香日對枯桐  
坐、落葉滿門天地秋、伯牙已玄鍾期死、近  
世繁音多下里、總然操瑟向齊門、誰識高  
山與流水、山人別我復何之、絕調于今更  
有誰、携琴且入封隆去、鶴舞龍吟會有時、

七夕

雲物氣蕭森、寒生烟樹林、星河入夜色、牛  
女隔年心、共愛秋宵永、還愁曉露侵、何須  
天上住、離思日沉沉、

除夕用戴韻

冉冉年華暮、沾沾兒女親、乾坤無盡日、天  
地有閒人、幸少思鄉淚、還憐抱病身、堂  
前並健候、曉慶長春、



中秋夜招飲趙宋楊馬諸君子得秋字  
露冷霜寒景色幽野人清況在中秋風迴  
砧杵當窗急天近星河入檻流蘆荻花開  
人對酒梧桐月上客登樓庾公不淺今宵  
興莫拍關山賦遠遊

初度

半生飄泊帝京塵贏得霜華兩鬢新尊酒  
幸逢初度日笑談同是一家人清歌巧

三更漏明月高懸萬井春錦里風光詎  
似主恩偏許到閒身

寒食東郊

花香林影媚晴天獨步東皋意澹然  
烟霞三萬頃何須更問介推田

贈歙者

當年曾聽繞梁聲楊柳春風五夜生  
天涯成老大何堪重對不勝情

贈掾

三年趨府得人知短簿髯參未足多  
一起枋榆即萬里功名應擬漢蕭河

長歌送羅伯符

不願生封萬戶侯不願騎鶴上揚州  
但願得錢即沽酒花時日共羅生游  
羅生少年遊俠客一擲千金渾不惜  
鮮佩春江花月夜罵然許使金張宅  
傾財破產不爲艱

得癡名滿世間耐可百年渾弄酒  
初創一日不觀山中年折節罷遊治也  
學腐儒騎瘦馬臨流日捫輞川圖揮毫時取蘭亭寫  
有時斗酒詩百篇自稱我以酒中仙  
伯倫荷錦還不朽何況三杯草聖傳  
我從作令覓丹砂共君時遇上清家  
朝攀少室三花樹夜醉盧仝七椀茶  
別君二十年來久今日相逢一杯酒  
老樹婆娑祇自憐張緒風

流上何有。君能起舞。我能歌。醉後相看。捲  
白波。一嘆江湖天地老。三足之鳥。奈我何。  
今君別我。濟上玄。曾是十年舊。遊處杜陵  
臺上。聽鶯聲。太白樓前。飛柳絮。柳絮鶯聲  
自古今。人誰識古人心。它時共尔尋仙  
去。滄海茫。烟霧深。

若宋山人

空壇細草澹幽情。此際聞君擊筑聲。郢調

至今多下里。高陽自昔有狂生。寒雲夜度  
浮丘窄。清露朝零子晉笙。便擬相攜出滌  
劫。懶從塵世博虛名。

傳以部汝遇之京。枉道見過奉送一首。

並寄汪比部文仲

高柳疎槐點暮鴉。旌車忽過野人家。回憐  
蘭澤三春草。轉憶河陽一縣花。此日趨朝  
仙是吏。何來講業帳為紗。故人同學仍同

舍。為報伏生髮有華。

元日試筆

黃雲紫霧夜漫漫。淑氣祥光入畫欄。萬國  
載頌周正朔。三朝猶憶漢衣冠。椒花柏葉  
從為壽。柳色鶯聲漸作歡。管領烟霞春更  
好。江湖隨處有漁竿。

立春前一日

每從飄泊感流光。乍喜看春在故鄉。白首

幾人歸白社。青門明日入青陽。梅風破臘  
吹寒谷。雁陣凌空起大荒。任取上林物色  
好。子雲無意賦長楊。

人日

卧病文園歲幾經。蕭然短髮步空庭。共憐  
時序逢人日。自喜漁樵隱客星。雪後江湖  
猶帶白。春前楊柳未回青。行吟剩有鶯花  
約。肯向林中詠獨醒。



元稹和詩甚捷率爾答贈

一自林泉寄此身。衰顏病體逐時新。阿誰  
下榻能為客。念爾揮毫捷有神。世上風塵  
駐漫士。溪邊鷓鴣驚趁閑人。裴生自識王摩  
詰。藍水秦川日親。

贈明醫唐溫泉先生四首

黃金為骨玉為顏。曾與八公煉九還。靈藥  
幾時來海上。大丹常自濟人間。宅邊重

花成錦。肘後懸符鬚未斑。便欲相從問真  
訣。却愁笙鶴杳難攀。

吸露餐霞總未真。僊踪原只混風塵。家傳  
自古軒黃業。身是當年秦越人。藥就不妨  
歷甲子。丹成安用守庚申。何當醫國俱公  
等。壽域同開四海春。

微軀常自苦沉疴。何幸回生遇華佗。藥累  
經年淪業海。刀圭一粒度恒河。上醫豈必

論三折。塵世居然見大羅。默有清狂餘癖  
在。膏肓已入奈君何。

徐福空勞物外求。人間原自有丹丘。君王  
曾識淳于意。婦女俱聞韓伯休。杖底風雲  
天北極。壺中日月海東頭。向平婚嫁何時  
了。藥市從君汗漫遊。

七夕

飛螢過雁入新秋。爽氣遙從大火流。幾度

清砧天似水。數聲橫笛月如鉤。星槎向夜  
填烏鵲。河漢中宵度女牛。却笑巧多成底  
事。年年長自抱離愁。

秋日過成生園

徑草林花別院幽。主賓相對各悠悠。歸田  
我愛陶元亮。看竹君憐王子猷。煮茗焚香  
消白日。圍碁呼酒快清秋。溪西莫訝經過  
少。乘興還能續勝遊。

九日侍家君東園宴時家兄以病不與  
九日相逢只自寬今年何意得承歡歸來  
素對黃花酒興到從吹紫籜冠蔣徑轉憐  
秋色好菜衣未覺晚風寒茱萸遍插翻成  
感還似王維客裏看

題雲嶺貞松卷

懸厓一望翠雲重磔硤寧知何代松素節  
由來依漢時貞心端不愛秦封月明影嘆

三秋鶴風起濤驚萬壑龍試看芝苓方滿  
地華林誰復擬高踪

內弟王惟慎生子

憶汝為兒時粘竿逐鳥雀及手髮覆額新  
然露頭角風塵一別幾周星無見汝亦嘆  
伶仃白衣蒼狗須臾事跳丸日月幾時停  
今年九月九胡奴來送酒為道氣充閭蚌  
珠一夜剖爾姊忽聞喜欲狂乍如湯餅延

其口與尔共住朱陳村吾舅德宇春風溫  
堂上靈椿映萱草階前衆子羅諸孫謝氏  
由來多寶樹于公自合起高門我來携二  
客姪弟楊與劉抱兒出堂前其氣欲食牛  
酌酒与君飲此外復何求富貴福澤各有  
命巧非鸚鵡拙非鳩但願一年一舉子五  
龍三鳳何必哀生公侯俞時我曹歲以  
携酒來稱賀爛醉君家柳風梧月之高樓

題羅伯符畫竹

何處來清陰滿壁滿湘竹簞幹入層霄流  
雲飛相逐夜雨足郊園窄苔忽成族開戶  
招薰風似聞鳴簌坐久冷蕭蕭疑對廬  
山瀑想像揮毫時盪胸清萬斛愛此高士  
節堪堪出人目何當甕頭春一夜蕨醅熟  
灑然坐南窓自取萬巾漉對此斟酌之曼  
聲永淇澳



贈術士養生者

玉顏金骨出塵埃。共指仙人道姓回。明月  
每隨黃鶴下。春風幾見碧桃開。山中叱石  
白羊起。海上傳書青鳥來。今日長生悟真  
訣。世間華髮任相催。

再過成氏園四首

自識林園趣。常思載酒遊。風光如有待。客  
事解相留。蘿徑深從入。柴門晚更幽。溪邊

來往熟。片下輕鷗。

清思驚夢草。嘉會喜連枝。共逐青門隱。閒  
吟白雲詩。羊何忻舊侶。松菊發新枝。劇飲

翻嫌擾。疎簾似笑基。

高樹鳴蟬盡。空階落葉閒。令嚴酒乍急。坐  
客客先醺。短舞明華燭。長歌駐彩雲。雅懷

殊未已。清漏及宵分。

莫遣醺歌發。獨憐塵尾新。良宵偏愛客。明

月轉留人。與自燈前劇。情於醉後真。再舉  
或未可。倘許卜為隣。

秋日園居四首

庭樹冷飈。空階一葉秋。幽居二自好。高  
卧復何求。即鹿行中野。牽牛飲上流。蒙茸  
搔短髮。辛苦為封侯。

遠樹望迢遙。閒庭坐寂寥。身曾許稷契。跡  
已混漁樵。黃犢歸橫笛。白魚上鐔蕭。生來

丘壑相。叢桂不須招。

小坐挹清芬。蕭蕭木葉聞。魚鰕晚照。蒼  
樹冷秋雲。草沒牛羊迹。霜清鹿羣嗒。然

無一字。不擬北山文。

野趣秋偏洽。閒情老自諳。門前柳種五。園  
裏任開三。日夕羣鳥下。天空一鴈南。夜涼

渾不寐。明月照清酣。

田家四首

希世無長策。資身有負郭。竭來東臯下。龜  
勉事田作。且喜鹿門遠。無論癡狂惡。日夕  
下牛羊。庭空聚鳥雀。百畝俱種秫。以供卒  
歲酌。却怪少年時。妄意畫麟閣。

參昴明天東。鳴鷄聲斷續。農務各有程。夜  
起轉迫促。隣以暗相逢。但道新雨足。耕殘  
隴上雲。依稀見朝旭。婦子曉行饑。啖指前  
山綠。黃鳥鳴啁啾。布穀聲相屬。日中駐犢

歸長歌紫芝曲

桑麻日以長。灌木日以榮。所貴得天時。豈  
必竭力耕。今年禾黍好。已聞穀價平。秋來  
祀田祖。土鼓間蘆笙。向夕各醉歸。明月照  
柴荆。東鄰有遊子。驅轂振華纓。朝為石中玉  
夕為糞上英。自顧忽成笑。田居不用名。  
種穀或為稗。種豆或為荑。人生行樂耳。須  
富貴何時。隣叟夜深過。風露頗相宜。深杯

聊對酌。醉唱南山辭。感嘆昔時人。悲傷不  
自持。坐久忽相笑。吾生未有期。但云飲美  
酒。終老不須疑。

劉公望遷居

裘馬翩翩美少年。喜從錦里得喬遷。潘生  
自愛閒居賦。季子空思附郭田。柳外黃鸝  
朝並坐。樓頭紫燕夜雙眠。吾家別業元相  
近。好趁春花日。往還。

與楊惟寅夏坐

何處堪避暑。空齋盡日留。談深天籟寂。坐  
久月華流。門靜從羅雀。心閒且狎鷗。非君  
幽意合。誰共采真遊。

河上亭子四首

自識林中趣。偏憐河上亭。平田千鏡曉。高  
柳四圍青。蟬浥雲間露。鷗眠水際汀。主人  
深愛客。百遍許重經。



擾、居城市、何如此亭。湖平朝雨白、林  
遠暮烟青。荇菜翻魚藻、蕪菱亂鶴汀。問奇  
人載酒、愧我太玄經。

興來何所往、散髮坐空亭。水荇參差綠、烟  
林遠近青。牧人分犢草、漁父占鷗汀。向晚  
行歌去、惟持種樹經。

夜久不能寐、明月澹幽亭。海雲當戶紫、鬼  
火隔林青。竹韻風前葉、波聲雨後汀。十年

浪迴首、多難飽曾經。

六言

萬頃平田紫繞、千章古木周迴。興盡黑甜、  
一枕安白、墮三杯。

綠樹清泉掩映、白沙翠竹橫斜。三茅道士  
訪友、五柳先生在家。

蝸角觸蠻劉項、棘端刻畫桓文。心事一尊、  
綠蟻生涯、萬點白雲。

雨過花明小院、烟深柳暗前溪。顰頭漾處  
風軟、牛背歸來、日西。

夏日坐羽士小玄道院偶成四首

虛室耽幽賞、瀟然澹客心。門閑青草合、  
庭靜白雲深。味道窺三象、全生戲五禽。坐來  
天鏡曉、鐘磬有餘音。

陶令居人境、支公坐道場。日華明鼎室、雲  
影落經床。心懶閒應得、時清卧不妨。未論

神雋處、滿江上義皇。

泉石饒生事、江湖任網羅。雲生天乍點、風  
起樹微波。經盡應乘鶴、書成豈換鵝。浮丘  
勞接引、揮手奈人何。

彭落終非遠、樗全亦是功。龜添文武火、窗  
信注來風。清晝揮玄麈、長天送玄鴻。息機  
敢自許、或可擅壺東。

三駁圖

洲女在性不在色。良馬在德不在力。試看  
三駿出天閑。逸態悠然各自得。龍驤鳳臆  
雄且強。連錢批竹森高張。蹴步平原空萬  
馬。奚官意致各昂藏。憶昔橫行大漠天。朝  
發秦隴秣幽燕。盤鵬走兔俱在後。鳴鏑無  
聲縛左賢。即今功成身已老。迴立長風嘶  
秋草。君恩浩蕩海波寬。肯使龍媒逐飛鳥。  
風塵買駿古人心。為爾不惜千黃金。日雲

黃澤豈盛言。是常閒意更深玄。近世馬  
愛其神。仇生盡馬貌其真。天下有道却走  
馬。轉見今人勝古人。

荅白礪甫見贈之作時將入蜀

風塵黯澹錦官城。却笑書生事遠征。薄伐  
但能因舊壘。遐荒敢擬畏先聲。巴山影動  
三城戍。瀘水煙消五月兵。君是終軍饒遠  
畧。將回前勛借長纓。

雄風俠氣鬱嶙峋。青眼偏憐草莽臣。燕市  
誰為擊筑客。蜀亭尔是草玄人。酒旗茗椀  
三更月。渭樹江雲萬里春。它日角巾堪共  
隱。謾言高閣画麒麟。

題趙仲穆畫馬圖

素練驚驂驅黃金。裝絳頭長鳴天仗外。遙  
憶空垣秋坐享千鐘入。行看萬里遊。感君  
時勇拂。一洗封侯。



西征藁

河北李化龍著

西行過脩武周進士追晤於寧郭驛賦贈

迢迢追騎向河干  
逆旅相逢執手看  
他日問奇曾載酒  
此時感舊一加餐  
風塵半入青萍劍  
花鳥全依紫繡冠  
解道比鄰猶萬里  
天涯任取路漫漫

西征稿

西行過中州諸士子在所迎送感賦

半生奔走向天涯  
重入中原感歲華  
客路愁看棠是蔭  
經壇猶記絳為紗  
萍踪浪自隨征騎  
柳色依然點暮鴉  
迎送漫漫諸士子  
慙無奇字授侯芭

寧郭驛會汪戶曹周進士汪有詩投贈曰次其韻答之

五月炎蒸鬱不開  
停驂旅館暫徘徊  
三杯

潦倒聊中聖二妙招尋樞上士落筆我慚鵬  
鵠賦題詩君擬鳳凰臺折衝尊俎吾曹事  
暇日相從亦快哉

我花當日在河陽桃李盈門爾獸長一別  
但看豪士賦十年重接令公香暮雲春樹情  
難已把酒論文興不妨輦過從容時賜問  
馮唐何必嘆為郎

渡河

西征稿

五月驅車拍太行  
塵沙未已復舟航  
炎天蒸水河如帶  
長路摧人鬢有霜  
斧鉞風清雲鳥靜  
旌旗影動海蛟藏  
誓心自擊中流楫  
盡掃蠻烟返故鄉

楊公祠公名源故五官監候正德中以言事為逆瑾所中謫戍道死河陽其妻斬蘆葦葬焉

楊公祠廟大河濱立馬斜陽感慨頻豈為

輕生甘犯主由来亂世識誠臣英魂半作  
風雲氣諫草長隨日月新今日城狐天地  
滿上方請劍是何人

函關

巖城高控萬山危路入轂函感昔時合從  
止須三寸舌圖王何用一九泥雲深谷口  
旌旗閃日落關門虎豹窺今日終軍下南  
越候人無事更相疑

西征集

硤石驛用黃太史韻

飛傳入秦關長空見鳥還路危人立馬風  
急客推顏河洛三川月岷峨萬里山何時  
氣侵息十畝得歸閒  
久詠石壕吏今來過石壕山連三晉險雲  
鎖二陵高多難親雄劍閒情引濁醪簡書  
真可畏行邁敢辭勞

陝州五日

不見征行苦請看節旌新客途逢五日風  
物接三秦蒲酒憑誰引榴花只自親玄年  
角黍會歡笑及芳辰

登華

奇撰曾結區中緣策杖今登太華顛一氣  
混茫通白帝三峰翠律挿金天懸崖直瀉  
千尋玉絕頂高開十丈蓮欲問真源了無  
點擬從明月挾飛仙

西征集

九坂不羨采真遊眼吞秦封一望收塞外  
黃河趨白馬關門紫氣擁青牛明星輝映  
三千界玉女逍遙十二樓果是當時天帝  
醉浪教平地起高丘

天上樓臺白玉京削成突立氣崢嶸三漿  
夜欸西王母六博朝臨衛叔卿地迴煙雲  
依象帝秋高笙鶴響層城終須謝却人間  
事日崑崙頂上行



欲將九點辨齊州元氣茫、迴不收一柱  
獨支天西極萬年常見水東流中宵帝饗  
鈞天樂下界人從陸海遊何日休糧嘗卧  
此閒雲孤月兩悠、

### 華山

指掃蠻煙萬里還高標銅柱五雲間功成  
不受封侯印但問君王乞華山

### 馬嵬楊妃墓

馬嵬坡下草連空地老天荒怨未窮香骨  
幾迴泣夜月玉顏當日笑春風君王謾結  
來生約牛女空憐永夜同到底不知傾國  
恨金鈿猶寄海天東

### 順陵唐武后父葬處

荒原寥落石峻嶒指點前朝感廢興半嶺  
尚餘封馬鬣三泉應已斷魚燈夢中鸚鵡  
人何在塚上麒麟事可憎火盡迷樓留祠

水千年遺恨是昭陵

### 咸陽懷古

淡煙宿霧草離、路入咸陽有所憑宮殿  
已非秦日月關河曾見漢旌旗西風古道  
林鴉集落日空原石獸危欲覓遺踪無處  
問南山渭水對淒其

### 棧道二十韻

險絕驚初見開通是幾年有山皆蔽日無  
樹不參天疊嶂紛相補崩崖勢欲騫高標  
伍萬像幽境際三泉鳥道臨溪壑羊腸入  
亂烟馬行圖畫裏人宅翠微邊斷嶺經僧  
立危巖佛刹懸龍湫朝兢渡虎穴夜分眠  
迴首群峯盡駘車九折旋橋偏石嘴足徑  
窄柳垂肩雨過千巖瀑風生萬籟傳樵歌  
和語鳥客淚灑啼鵲古柏簇如薺衣猿小  
似拳陰森疑嘯鬼縹緲類登仙斫月分蘿

徑鋤雲種芋田乾坤歸歷覽參井坐攀緣  
地闢秦皇後關封漢帝前應從大禹鑿浪  
說五丁穿九域遙吞吐十洲近接連會須  
窮玄步取冠遠遊篇

柴山館和趙文肅公韻

驅車西入柴關道萬仞峯頭過飛鳥風塵  
一夕催人老世途何似雲林好待了何時  
身事了五嶽尋仙未為早君不見紫柏青

羊煙霧深桑田滄海幾平沉

樊河是蕭何追韓信處

馬蹄蹀躞劍光寒丞相留賢意未闌天地  
初交魚得水風雲忽起將登壇山形北走  
摧秦壘河勢西來拜漢官獨有夜深巖畔  
月異時愁向未央看

五丁峽行

九奏鈞天、帝醉秦公逃入咸陽戲踐華

曰河未快心後來更略蚕叢地天生安澤

有金牛帛詭原來策士謀五丁鑿石干戈

入從此秦封跨益州噫嗟五丁胡為乎天

遣西南入版圖文翁教化相如論一日聲

名遍八區憶昔秦皇漢武二奇才拓土踰

疆萬里開玉關閉後朱崖棄四海為家安

在我我上蜀山望京關煙霧茫茫見窮髮

岷江一線繫三湘雪山高映峨嵋月峨嵋

月古今在天地無情人代改不見芙蓉種

錦城但看烽火連雲海西極高懸太白星

夜寒天外倚青萍待予靜掃蠻煙後再冶

黃金鑄五丁

拜諸葛武侯墓

江流斜帶定軍山丞相英靈在此間漢業

欲終應有恨國讐未滅敢言還墳埋劍履

風雲起殿鎖松楸日月閑正是萬方多難



日為公釀酒淚潺：

飛仙閣

四壁疑無地孤標獨向天  
閑雲朝度客明月夜飛僊  
水漲蓬壺小峰危琪樹懸  
名山如有待長往是何年

千佛屋

山水清幽處忽看選佛場  
傍厓開古剎鑿石禮空王  
雲影飘香遠江聲引梵長  
玉毫

應不滅常此照迷方

趙侍御有酒餽之賜寄謝是日為中秋  
前一日不見月又播警方殷遠近戒嚴  
故及之

庭樹俄驚一葉秋  
羈人無意向南樓  
開簾不辨雙江色  
倚檻空思大火流  
焚道烟雲連殺氣  
錦城鼓角入邊愁  
勞君尺素能相憶  
對酒真同汗漫遊

西川襍詠十首

墨池

墨霧飛朝雨  
筆花亂晚汀  
不知天祿閣何似  
草玄亭

琴臺

一奏求凰曲  
風流直至今  
江邊濯錦女往往  
愛琴心

武擔

引牛便成峽  
擔土即為山  
何事修降表  
空慚壯士顏

劍閣

千秋混沌天  
可望不可至  
一從劍門開  
古今多少事

八陣圖

沙飛旗脚亂  
水落陣雲開  
不雪三分恨  
空憐天下才

杜甫草堂

頽然一老翁茅屋秋風裏  
天遣詩人來江山供馳使

白帝城

城留偏霸點天鑒托孤心  
獸有吞吳恨長江流至今

萬里橋

得意駟馮歸失時萬乘過  
得失成古今波

上長虹卧

薛濤井

可知濯錦水孕出能言鳳  
多少宦遊人盡作刀州夢

武侯廟

二表君臣契三分天地心  
為公溪下拜流淚滿衣襟

山行十首

人從山下過水從山上流  
欲窮水起處須登山盡頭

錦水綠千里巴山碧四圍  
移家堪住此猶道不如歸

無山不造天有水皆成字  
一世看不足遠遊為何事

密樹列如營亂石排成陣  
中有三國人乍見驚相評

千山復萬山天外雪屏矗  
上有綠髮翁兩

兩飛相逐

蒼藤半入戶綠水正當門  
婦子行相笑西疇刈稻孫

定軍山下踞古柏鬱成林  
一從諸葛沒戴

白到于今一片夕陽開  
紅葉紛無數不知幾許酒醉

殺千山樹



一葉疾於馬知是下江船  
經過人鮮甕城記滿帆懸

下有千樹橘上有懷清臺  
不是王孫女莫遣抱琴來

出師十首

五陵遊俠客三川輕薄兒  
一聞風塵起遂與親知辭  
寶刀耀目光馬絡黃金羈  
起視太白高日夜西南馳  
不畏殺慘慘但恐勲

名卑丈夫志四方觀、竟何為

朝登朝關巔夕犯錦江濤  
錦水下三湘南紀何滔、  
我君與天連相對雪山高  
壯哉形勝地自古多英豪  
云廣亂天紀滿地壑  
弓刀揚船游大江浪花蹴  
征袍談笑淨蠻煙商人拜旌旄

我本良家子從征已多年  
炎蒸犯百粵雨雪到胡天  
身經三百戰名姓勒燕然  
今來

下夜郎四顧心茫然  
山鬼當晝啼巴蛇氣  
成烟劍峯排青空  
鳥道出其巔相逢短兵  
接失足落重淵遙望毒霧中  
跼、墮飛鳥男兒寧聞死  
斷不裹瘡還

角聲中夜起伏兵犯前軍  
霧雨相紛紜結如屯雲  
辨色往赴之飛劍燿龍文  
猛虎嘯谷風百獸亂其群  
轉戰三百里刀血聲相聞  
獨取上將頭飛捷報明君

西征稿

二四

集兵先集糧治軍先治壘  
用火先用風相地先相水  
敗亡不足悲勝亦不足喜  
和敵不如戰避敵不如死  
莫以得士力竟貽隴西恥  
莫以讀父書竟隳馬服子

少小學技擊寶劍值千金  
身為萬夫長橫槊但長吟  
殺降古有恨攻城在攻心  
干羽格有苗安用戈相尋  
功成依大樹不言意獨深

轉粟上高山遙々如上天十鐘致一石役  
夫脛已穿雨多草木濕欲炊突無烟戰酣  
易為飽飲血如飲泉雙提血髓骸獨立萬  
峯顛

上山每居前下山每居後戰如蛟螭搏進  
如風雨驟敗上不相援圍亦不相救獨身  
援危巢單騎追窮寇七尺何足憐但願功  
名就

兩得稿

十五

一月三十戰每戰斬人頭主將多恩澤牛  
酒日相酬幕府上首功他人已見收羅戰  
歸戎行相視各悠々陳牒誰為理長揖歸  
玄休古來事皆然于今誰怨尤不見漠飛  
將白首未封侯  
辛苦破賊巢殺定日已斜亂屍相撐拄平  
路黑雲遮眉塢多黃金此物屬官家貪夫  
姿所取貞士等泥沙行間有盜竊安用戈

如麻一咲歸田廬小勝何足誇

除夜

又是一年夜仍為萬里人迴風無靜樹孤  
燭不成春自抱泉臺恨誰憐羈旅臣明朝  
看玄鴈痛哭望楓宸

得家書

驛使傳家信驚疑不敢開愁深頻問訊讀  
罷轉徘徊有棄安堂背無由哭夜臺君門

兩得稿

十六

千萬里何日定歸來

得崔侍御書

往々憐同病悠々哭所天素車馳九坂總  
帳隔三泉幽恨啣精衛衣音響杜鵑尺書  
讀未了流涕忽潸然

寄恨

欲哭不成泪由来雙眼枯傷心非故國舉  
步是窮途逝水應難返高天未易呼臯魚



終一死誰問穉生孤

早起

客路三巴外鄉心五夜中庭深難見日樹  
密易驚風不學稊秦嬾翻成阮藉窮魯連  
真達者高蹈海天東

夢

客愁何日了十夢九還家庭樹陰猶濕樓  
臺影未斜幻中忻復庶覺凌阻乘槎安得

壺公術隨風到海涯

草疏

八疏瀆天顏孤臣淚欲乾軼人尚有母  
介子可還山塵暗魚鳧國雲深虎豹關悲  
來強自解蜀道古稱難

病

一病連三月搖、命若絲蝸名真自累鷄  
骨強相支易靖三巴亂難除二豎欺無妨

從逝者恨遠北堂慈

北極

北極絲綸重南荒斧鉞開十年纏殺氣一  
日淨氛埃但取清雞塞何須問鹿臺  
天王自明聖薄俗謾相猜

累疏

累疏未回天孤臣絕可憐淚添錦水浪恨  
壓大峨巔易草相如檄難歸范蠡船何時

封馬髭腸斷蓼莪篇

凱歌十首荅郭中丞

十年井絡指櫓檣上將登壇事遠征虎旅  
夜穿雲雨峽龍淵朝下鳳凰城  
如雲列校按魚腸馬首降旗颺鬼方無數  
兇渠齊下拜軍中為有郭汾陽  
玉靶雕弓號飲飛關前談笑破重圍天聲  
動處旄頭落一夕三軍盡錦衣

橫磨十萬吐霜花風攪軍聲咽暮笳越甲  
方鳴寧愛死匈奴未滅敢言家

九霄虎豹守重關疊嶂雲霾六月寒三十  
萬人齊授甲一時平踏海龍山

重城殺氣散晴曛手縛群俘獻聖君北

玄傳車飛萬里路人爭說五將軍

紅雲紫霧抱中黃大纛高懸日月光驛騎

朝來馳露布太平天子坐明堂

西征集

九

樓船一夜散牂牁絃管春聲入櫂歌瘴雨

蠻烟新日月錦江玉壘舊山河

布穀聲催春草萋愁心無復夜郎西洗兵

不用天河水風送巴江下五溪

千載誰能問徙戎書生投筆三何功魯連

不是青雲客一夜歸心到海東

去蜀志恨

目斷天邊日神搖劍外山家門半死別客

路始生還江灝長弘血風凋望帝顏古今  
皆蜀道獨使一人難

柴關巡檢行

柴關巡檢頭成雪行來兩足如跛驚道偏  
長跪前致詞潛、兩淚先流血自稱家世  
中山人為狗微祿來西秦貧家薄宦三千  
里沐雨餐風兩度春此關設在萬山裏人  
世荒涼無可擬亂劍攢天只有山驚雷吼

西征集

十

地惟餘水鄰近居民三五村石田茅屋傍  
雲根饑鷹攫肉空出獵猛虎巡山早閉門  
俸少惟堪度半年貧役難供常例錢老妻  
絕食眠三日稚子無衣露兩肩今年代巡  
考群吏嫌我老年註休致果是偷生七十  
八何絳更應卑官位貧官只慮客途長囊  
空蕭然難裹糧山高水遠何年到饑死終  
成葬路偏願向明公乞一傳高情望看鄉



鄰面言罷鳴、哭不休欲止復啼淚如綫  
我聞此語首低垂巡檢無言我更悲我從  
前歲來西蜀意氣看人彼一時辭家甫能  
及半載地折天摧人代改妻死兄亡各一  
天眼枯腸斷愁如海爾時即欲乞身歸會  
是孤城未解圍忍死揮兵破賊壘南人始  
復識天威只道功成報天子還鄉聊博高  
堂喜平地忽驚家計來嚴君不待歌萬里  
我時痛死旋復生即時拜表達承明君門  
萬里那能遂羈旅一年今始行行、路入  
連雲棧兒啼女號多疾患一日只行一兩  
程馬遲心急空凝眄此去吾家尚二千到  
來已是六月天小祥已過大祥近便是居  
廬能幾年爾歸尚與妻孥群我歸生死  
難論欲死難為別慈母欲生何日見先君  
我昔年辭遼節錦里風光誰可埒堂前海

屋歲添籌堦下菜衣日成列高卧不堅復  
小草懊悔于今已不早縱使重焚誓墓文  
傷心風木何時了乃知人世有虧成英雄  
誤盡是虛名二十八將雲臺上何似羊裘  
釣月明乞尔一符及早還青山矗、水潺  
潺採山釣水堪終老兒孫莫遣向長安巡  
檢聞言行步輕別公明日是歸程早知遊  
占知悔不當年學耦耕

河上稿

河北李化龍于田著

視事曹州報是日截河工就志喜

雙旌矯旆指曹丘  
報道洪河已順流  
疏鑿謾傳伯禹蹟  
魚龍蚤避李膺舟  
堯天波靜支祈鎖  
漢殿風高瓠子秋  
預想撲堤楊柳色  
煙籠千里待春遊

次原韻畲霖寰年丈 謝杰

河上稿

高人啣命出林丘  
千里河從掌上流  
枉用燃犀清水怪  
已看彩鷁護仙舟  
雙旌建日春應暮  
萬寶來時歲及秋  
總待功成圭錫後  
羽旄重向鳳城遊

癸卯大水謠

人為魚船為履  
黃河從天忽墮地  
樓臺走入馮夷宮  
天吳跳波蛟龍戲  
常年懸釜炊樹顛  
今年樹杪搖重淵  
亦有攀條騎屋者

等死何須半日延  
數年禾稼今年好  
一夜

水來跡如掃  
租吏昨宵纔到門  
指櫛猶徵  
易米棗常年謂旱  
尚不如潦  
高田半收猶  
堪自保  
今年謂潦  
尚不如旱  
路斷人稀  
何方逃竄  
上帝好生  
今胡以云  
將使人盡  
而天獨存  
何日天晴  
持紙告災  
恐似去年  
不准空回  
雷聲忽填  
望雲且籲  
天任使籲  
天無寬政  
都門新下  
開山令

河上稿

因果廢寺將淪於水

淨土為人境  
祗園入水鄉  
有緣施法雨  
無力假慈航  
雷電隨天女  
魚龍禮梵王  
終貪佛日永  
東海看塵揚

治官道謠

前日水上屋  
今日水墮地  
水上屋尚可墮  
地官差至行  
河使者自西來  
馬前號令驅  
風雷州縣發  
卒治官道  
鷄犬群驚  
伍伯催



泥中治道猶自可水中治道苦殺我人多  
不愁道不成眼前何用急如火官道纔成  
使者至高車駟馬襜帷闕但見旌旗快若  
飛那知閭里空如燹滿地靈潦眼不開却  
坐官衙問水災近來是事皆須錢無錢枉  
用稱污萊歸家開門視妻子破突無煙饑  
欲死河決橋衝無路逃又聞海內皆如此  
長風颯、吹枯楊出門四顧天蒼茫此生

謝子嘉

飄泊知何處獨立空原泣數行

送漕臺楊淇園還朝

錦雲高擁綵帆開銀漢仙槎萬里回海鯉  
自驚韓檝去橋烏原傍鮑驄來軍儲十道  
歸蜚輓國是中朝仗法臺早晚明廷多獻  
納何人不羨濟川才

登太白樓

樓外山川凝素秋樓前鳬鴈滿芳洲謫仙

不見煙霞色濟水空傷日夜流賀監江湖  
思渺、杜陵文酒興悠、英靈千古應相  
接撫檻狂歌繼昔遊

與楊侍御宴南池

南池清賞憶當年洗馬鳴蟬事宛然天與  
波光齊上下人因風物幾流連來鴻去鷁  
交秋浦斷柳荒蒲亂夕煙滿酌杜陵還借  
問題詩可許萬人傳

河上稿

過濟上御史大夫霖寰先生招飲太

白樓古南池次韻

楊廷筠

高閣平臨萬里秋吏情誰謂遠滄洲參  
差綠樹當窓合隱約黃河抱席流玉塵  
揮來風拂、羽觴飛處水悠悠、金龜乘  
興猶能解不忝當年李賀遊

風流莫問杜陵年醺酒臨池興灑然水  
氣白知滄海近山光青見岱宗連揮杯

涼送千門雨搖筆寒生萬樹煙白也詩  
成誰解和清新俊逸總堪傳

中秋寄懷黃鍾梅中丞

蘆花楓葉滿汀洲爽籟清尊只自酬擬向  
南樓賒月色還從北海憶風流天邊河漢  
蒹葭夜笛裏關山鴻雁秋白露白雲總好  
在玄暉何日一同遊

和御史大夫霖寰李先生中秋見懷

河清

韻

黃克纘

瑟：西風水上海君歌明月為君酬清  
光出海寒疑濕素魄橫空澹不流彩筆  
晴分東岱色朱簾夜捲大河秋庾樓原  
自盛賓從潦倒何緣廁勝遊  
塞帷仗鉞起滄洲總為君恩未盡酬掃  
淨妖星扶北極挽回銀漢向東流麒麟  
閣上千年事蟋蟀詩中八月秋若使仙

舟能共濟逢人誇作廣寒遊

舟行大水十二韻

乾封曾漢代洛水忽堯年黑帝專三正銀  
河落九天洪荒新宇宙滄海舊桑田不見  
禾生耳只餘樹杪船為燐多溺鬼啄屋盡  
饑鶯巷灑蛟宮淚人餐玉井蓮鷗閑偏戲  
浪魚賤不論錢赤日雙龍闢白波萬馬前  
排牆驚夜雨併日冷朝煙轉眼蒼生盡傷  
心皓月懸防川謀已拙刊木事空傳何日  
宣房就長歌執子篇

月夜舟行有懷李制府道甫

涼風起江海飄蕭天地秋清夜諧賞心桂  
席東南遊星河澹清影鳬鴈宿芳洲垂柳  
媚澄波興與林泉幽長河去渺渺長笛響  
悠悠天淒風色寒雲淨月華流有美隔清  
淮桂樹小山稠曷懷希合并撫事多殷憂



思君不可見興盡木蘭舟

行經沛縣吊歌風臺時沒於水

曾是千秋帝子鄉崇墉百雉壯金湯當年  
自信河如帶異日誰知海變桑宮起不聞  
歌歌子湖沉猶見號昭陽大風一起鯨波  
動猛士何勞守四方

行部中都恭謁 皇陵有述

宇宙歸真主山川挺異人乘龍開日月逐

河上稿

七

鹿淨風塵豐沛杉榆舊幽岐雨露新陵園  
盤虎豹樓觀寫麒麟上祀光三禮明裡集  
百神徘徊松柏路稽首祝長春

徐王墳

松杉十里捲秋濤山勢重圍碧殿高霜露  
滿庭深院閉居人指點說先朝

閔子祠

閔子祠堂官道西蘆花滿地草萋萋堦前

幾箇長松樹不是慈烏不敢棲

隋隄

錦帆無復返天涯隱隱長隄陣沙家苦  
垂楊風雨夜兩行清淚怨瓊花

符籙

荒原一望暮煙平草木曾聞風鶴聲汴水  
不消亡國恨至今猶抱符籙城

虹縣虞姬墓

河上稿

八

八

楚歌一夜霜天曉江東霸氣空如掃大將  
軍排九里山獨夫命盡陰陵道子弟八千  
浪有聞八千寵愛只一身虞姬總是唧恩  
者却恐田橫笑殺人蓮花劍落佳人老死  
謝君王苦不早猶勝明妃逐虜塵玉顏只  
染沙場草劉項興亡事已非行人枉自吊  
斜暉春來試覓昭陽殿不見當年燕子飛  
寄曹嗣山中丞

濟上相逢年頗多別來踪跡總蹉跎君提  
虎旅三吳地我涉鯨濤萬里波此日加餐  
聊寄訊何時對酒復當歌五湖不淺鷗夷  
興擬待春花倚棹過

河上歌四首

西來山色隱咸京東去灘聲遶宋城風帆  
不動天連海綠水洪波無限情  
鄴城樓閣倚天開廣武雲深鴈不迴千古

河上稿

九

英雄知多少曾經此地汎舟來

風前萬馬倚雲征白浪連天下楚城人今

破浪來千里誰唱瑩篴第一聲

一夜風生四野陰無天浪起波沉：吁嗟

險惡那如此猶勝悠：客子心

行河至單父會黃鍾梅中丞登琴臺酒

後放歌

巨鰲奠四極相傳不記年忽然棄之去遊

戲清冷淵海水上天龍走陸黃河穩坐崑  
崙巔我乘博望槎隨流導百川浴日下扶  
桑返棹汶陽田十二諸侯何處所但見荒  
隴野渡橫蒼煙邂逅黃中丞單父古城邊  
握手一相笑逸興何翩：曾吞雲夢星羅以  
八九氣凌鯨鵬水激之三千班荆聊對酌  
共醉琴臺前宓子風流今已矣且將我輩  
嶽崎歷落對前賢登臺四望心茫然長河

河上稿

十

東流去不還岱宗倒影落尊前空青不斷  
海雲連蓬萊三山在眼底彷彿玉樓金闕  
亘長天便欲共君恣遊舉臨風笑拍洪崖  
肩却恐九州瀕洞從茲始我輩何由世外  
相周旋况君許身比稷契赫：高名海內  
傳天下方有事安得常晏眠但願君侯大  
手整頓乾坤了使我脫然長往遺世而尋  
仙野色蒼茫夕照偏城隅古木號饑鸞劃



然長嘯入寥廓驚起皓月當空懸為君憐  
慨舞龍泉丈夫輸心生可捐不見眼前絲  
絲輕薄何足數對酒高歌寶劍篇明日分  
手地但見草芊芊君問營丘履我修范蠡  
船待君他日表海功成青社啓記訪槎頭  
縮項鰓

送王太行使琉球

爾家何在東海西岱宗高與白雲齊爾今

河上稿

士

何往東海東中山近接蓬萊宮天王不貪  
遠人貢要使絕域皇風動九譯梯航遍水  
陸十洲樓觀遊麟鳳爾今捧詔出吳關樓  
船浮動海天寬魚眼射波紅映日蝦鬚捲  
霧雪連山乘風飛入東夷國海外臣民皆  
動色魚龍也識漢官儀鼉鼉俱戴明王德  
萬里却回銀漢槎蘭陵美酒醉琵琶雞林  
價長洛陽紙鳳闕春生琪樹霞男兒弧矢

射四方誰能長劍倚扶桑蚤見承恩歌秋  
杜徐看曳履上巖廊愧我職司稱問水放  
舟不出千餘里鵬鷃逍遙各有期河上開  
尊待吾子

濟上送黃孝廉美中之京

別君長河記秋風射馬耳送君濟水邊明  
月照霜天漫云一日隔三秋且復開尊浣  
客愁濟上山川況不惡杜甫南池李白樓

河上稿

士

李白當年逢賀監解龜換酒成歡醺風流  
輝映三千春我今與爾重開宴銀燭金杯  
映瑤席雄談高興秋天碧但道他鄉似故  
鄉不知今夕復何夕君唱白銅鞮我歌天  
馬引慷慨聊消壯士心清狂從笑輕薄尹  
君今北上黃金臺眼見驂騑道路關待下  
齊城七十二過我重傾河朔杯

送趙義生應試入都

南城曉騎影駸，送爾看花到上林。賦就  
郢人無白雪，臺成燕市有黃金。一鳴始識  
冲天志，三獻堪憐抱玉心。今日濟川真有  
待，中原何地不平沉。

寄懷山陰王積齋年丈

歸去冥鴻不可求，相思悵望五湖秋。越中  
勝地山陰道，海內高人王子猷。避世半依  
青雀舫，移家常住白蘋洲。無勞太史占星

象已分羊裘老釣鉤

送于文若還秣陵

幾從文苑讀新詩，願見真如瓊樹枝。河朔  
未成十日飲，春江忽遣片帆移。東南美箭  
三吳盡，西北高樓萬里思。聞道上卿虛左  
席，重逢端可計前期。

題畫

竹外清溪，外山禪房。遙挂白雲間，客來

演盡床頭易，始見奚奴沽酒還。

久役河上，辱黃鍾梅中丞自遠垂顧，感  
念之極，奉贈四首。

我，山上松鬱，澗中草落，不可即黠。  
黠以終老，人生非繫匏，相知豈必早。驅車  
向風馳，所思在遠道。太雲垂陰，長河流  
浩，竚立望驚波，一夕心如檣。古權方自  
今泥塗亦云好，白水可盟心，監之以晴昊。

浦上稿

古

我本疎狂士，生長在河干。餌芳魚不食，棄  
鬢亦已殘。垂老為精衛，啣泥障海湍。常恐  
羽毛摧，羞稱壯士肝。君為禹稷流，高步青  
雲端。一垂鹽車顧，預使萬人看。清言霏玉  
屑，長夏九秋寒。始信塞函谷，止源泥一丸。  
不窮章亥步，空言八極寬。

開尊臨廣野，四顧起悲風。三星忽已斜，牽  
牛當正中。玄談驚飈馳，指盡還無終。清夜



忽不懼誰障狂瀾東不惜歲月晚但傷吾  
道窮願言崇令德會使妖氛空

凌辰薄大陸送子河之隈方舟犯洪濤萬  
里長風來鶩鶴鳴中流雪浪白皚皚古來  
英雄士于今安在我君自瑚璉器我非舟  
楫材蒼蠅附天驥日月相周迴凌風一長  
嘯雲盡青天開前綏不可留且進手中杯  
明發望各天搔首獨徘徊

清江雜詩

五

加河竹枝詞十首

楊子江頭浪打船黃河溜起雪山連阿誰  
引入清溪曲却是蘇杭二月天  
百里連檣百里平一般少女一般聲清歌  
月夜天如水取次中流自在行  
迴合溪山楊柳垂曉鶯啼上最高枝却愁  
引入桃源裏旋誌長松認路岐  
雲起風回鼓亂擲千艘過盡日初斜殷勤

為附南船信黃菊開時好到家

下邳苦被北風留三日南風過濟州太白

樓頭饒月色回空及此醉中秋

麥浪翻雲四月天好風送極頭船天津

海錯任城酒何處風光不可憐

儂家夫婦太輕狂浪裏翻身有底忙不合

過洪特地早將錢買笑卧平康

湖光澹柳依葭葉初生薺葉微日暮

清江雜詩

六

唱歌聞蕩葉水禽無數傍人飛

微風初起日啣山淺浪輕舟信往還漁笛

數聲天欲暝挂帆猶及呂蒙灣

聖主垂裳億萬年九州筐篚入幽燕生成

一道銀河水多少靈槎送上天

河上雜詩二十首

半世傷萍梗今來水一方年歌餘子處  
處起宣房舟楫偏歌五蛟螭更激昂吾將

問真宰何日見滄桑

大梁形勝地自古帝王州一旦皇圖歇千  
年河水流斷隄餘戰色古樹帶邊愁欲問  
金明跡蕭蕭蘆荻秋

雲生夕照外風起大河灣兩岸堆銀闕中  
流見雪山波濤何日定農畝幾時閒羨爾  
垂綸者飄飄意不關

推蓬意岸然秋色帶長天身世中流楫功

河上稿

七

名上水船誰傳二賈策自愛五湖煙巢父  
強人意牽牛向潁川

雲日莽蒼涼經行古戰場空原沙渺野  
渡水荒芒碭英雄窟淮徐錦繡鄉河流  
都不管瀟灑下扶桑  
地濶雲垂野河迴水抱亭古藤依戶紫高  
柳插天青耐可三宵宿所嫌一棹停何時  
逃世網鴻翼此冥

炎漢興王國水多愁太陰地靈應有盡城  
市遂平沉樹罾魚龍舞波涵樓閣深懷山  
今再見誰識警予心

中夜不成寐登高望若何半天垂岸柳滿  
地走星河墟里誰家哭漁燈幾處歌關心  
無限事起舞獨婆娑

河壩駐幾許春夏再經時不見卒徒苦請  
看節候移形衰惟有骨衣敝半沾泥遙憶

河上稿

六

東園柳清陰滿地垂

高堂有鶴髮日報平安豈不慈聞戀其  
如王事艱白魚應入饌紫脯好加餐何日  
休官去相將守歲寒

頗類水犀軍風聲兩岸聞汗流疑作雨鍾  
舉忽成雲民力中原竭河流百里分秦皇  
終遠略驅石策高勳

障海須雄略刊山亦壯圖移泉施畚鍤畫



地引江湖壁馬功何遠  
焚薪計未迂自憐  
衰謝質長日在泥塗

霧失遙津樹雲開薄暮  
天河形而後濶水  
汎夜深傳調發空閭  
左誅求急目前所期  
在永賴無暇計顛連

田功纔麥浪水信已桃  
花目斷三秋稼心  
傷五色衣破村無巷  
陌廢圃有蕪葭安穩  
尋源使遙上漢槎

河上稿

一

光

萬古彭城地梯航扼九  
州如何輕閫寄翻  
以借叢投人盡城遊  
虎天寒畫舞鶴中丞  
稍快意抗疏豁民愁

水繞司空署泥深御史  
臺庭中歌在藻門  
外咏于鰲不分商羊  
舞何當旱魃來錫圭  
成底事早覺壯心灰

下邳城外路傳是子房  
橋自是天心啓應  
知帝業超苔深仙履  
沒雲暗素書遙我六

松喬侶長吟望赤霄

勝地稱汾口九泥初起  
函臨流開萬戶逆  
水上千帆湖近魚偏  
美泉香酒不凡他年  
應卜築十里種松杉

何處問瀟湘溪風五月  
涼雲生天爛熳雨  
過竹青蒼日送林原  
目宵分熠燿光沿流  
聊濯足小試六滄浪

擾看人世勞悵我生  
徃年只問水十

河上稿

一

年

載故提兵髮變千莖  
素心餘一寸明棄  
稔東泛海尼父重含  
情

即事時播叙得報

慘淡兵戈解棲遲歲月  
長心危一寸折家  
難十年強日曝寒灰  
色風迴死草光鶻開  
求劍詔不語淚千行



東省稿

河北李化龍于田著

登華不注山呈同遊諸君子

聳翠拖藍望未窮。穿崖捫磴路纔通。單椒  
畫鎖重。霧絕巘晴分面。風十里湖光  
天上下。四圍山色樹西東。與君共結無生  
約。日。峰頭禮太空。

秋日范舍虛張岐東過飲署中湖山一

覽樓

短髮飄蕭畏及秋。幽尋二仲喜相求。湖光  
澹蕩偏宜酒。山色蒼蔥欲上樓。宮樹棲鴉  
煙漠漠。池荷宿鷺水悠悠。滄州只在青門  
外。儻許相期汗漫遊。

聞警

秋盡遑中未罷兵。西來消息總關情。降羌  
不貢蒲稍馬。大將頻移細柳營。秦地山河

空四塞。胡天鼓角自三城。長纓未繫終軍  
老。倚劍中宵望帝京。

遊千佛山

龍宮驚嶺望中幽。乍喜聯鑪得勝遊。自公  
緇衣違白社。轉憐華髮上紅樓。雲蒸洞壑  
千巖雨。風起長林萬樹秋。他日休糧長卧  
此。看山弄水日悠悠。

九日登高用杜韻

官清時得自寬。佳辰勝地好為歡。閒情  
愛把陶潛菊。短髮羞吹杜甫冠。二水波澄  
霜鏡曉。四山雲淨海風寒。酒闌欲去還惆  
悵。明歲今宵幾處看。

送于完朴分守河洛

十年一劍護神州。又見清秋賦遠遊。借問  
輕車馳大漠。何如緩轡入東周。雲開少室  
三花出。濤擁黃河萬里流。聞道西垂新接



戰旌旄知得幾時聞

挽臨邑賈烈女蓋未嫁而殉夫者

蔓草寒蕪掩玉姿。輕生原不為恩私。情同  
溪井辭金後。心似延陵掛劍時。明月不隨  
僊史駕。秋風獨秀女貞枝。三齊豪傑如雲  
滿。汗簡他年知是誰。

登岱八首

崔嵬岱嶽倚蒼穹。百轉丹梯一線通。吐吸

風雲天上下。周迴日月地西東。青童駕鶴  
歸靈府。玉女鞭龍起帝宮。萬里壯遊誰復  
羨。直從太始問鴻濛。

阿閣神房不記年。由來世外有山川。祥光  
自吐仙人掌。靈液常飛帝女泉。風捲松濤  
千嶂雨。日蒸丹洞萬峰煙。凌空欲逐安期  
去。知在虛無第幾天。

風定神鰲靜不遊。振衣東望海雲悠。誰憑

日馭窮三界。獨倚天門見十洲。波吐金銀  
仙觀曉。煙沉紫翠帝京秋。乘風寄問無生  
客。底是蓬壺第一流。

玉檢金泥幾劫灰。尚留遺跡至今猜。白雲  
捧日封中出。青鳥銜書海上來。輦道蒼苔  
秦樹晚。雲屏矗漢宮開。徐生自是饒仙  
骨。一入東暎更不迴。

蓬海春濤萬里看。冷清清嘯五雲端。飛流  
任瀉三千尺。峭壁中今十八盤。風細幡幢  
朝貝闕。月明鸞鶴下星壇。尋僊吾欲成長  
往。天柱峰頭好挂冠。

中天嵐翠鬱沉沉。積氣搏空冷不禁。金殿  
分明懸碧落。銀河清淺挂瑤岑。天鷄夜唱  
扶桑曉。海鶴晴盤琪樹陰。七十二君無覓  
處。只餘冠劍影森森。

千盤鳥道轉雲蘿。徙倚層霄發浩歌。北走

峰陰凌紫塞。西來練影落黃河。諸天迴薄  
星辰近。下界蒼茫風雨多。眼底殊庭君自  
見。九還未就柰人何。

中峰自合小殊方。絕頂真疑出上蒼。八極  
風沙塵漠漠。五城煙霧水茫茫。笙簫半入  
鈞天奏。杖履平分北斗光。彩筆真成千象  
緯。擬將僊露奉君王。

魯齋殿礎生芝八韻

泰岱仙人館龜鳧。帝子疆祥暉流津水。  
佳氣繞靈光。璇闕朝生色。瓊田夜有香。六  
英團紫蓋。三秀吐青陽。阿那堪思漢。迤邐  
豈類商。靈根延帶礪。符采壯金湯。百代傳  
經閣。千年樂善堂。慚無司馬筆。同姓表侯  
E。

松風亭午坐

掌大結茅地。何妨發興豪。花香聊馥郁。鳥

語亦蕭騷。不雨池嘗潤。無風松自濤。未能  
成獨往。小坐亦林臯。

中貞席間書扇

羨爾青藜俊。慚予白社生。逍遙遺世故。翫  
骸謝時名。揮塵微風遠。握蘭香霧輕。相邀  
尋勝跡。一嘯海雲平。

登濟南城有懷鐵鼎石氏二首

層城壓濟濱。高望可怡神。地險山為帶。湖

寬水作隣。清風懷北海。霸氣想東秦。俯仰  
悲生事。飄飄愧此身。

多難傷前世。鐵公曾在茲。丹心酬主德。百  
戰老王師。斷岸殘軍壘。寒雲結陣旗。吾徒  
真有幸。偃仰過清時。

巴渝丈人歌為楊封君壽

丈人家住巴渝里。丈人日玩巴渝水。丈人  
間坐巴山巔。丈人清徹巴江底。世人有官



徒自勞。夫人白首卧松濤。世人往。號素封。丈人三命滋益恭。峨嵋西嶺一片月。歲歲年年。自怡悅。巫峽東起萬重雲。朝暮對氤氲。從今以往三千歲。鶴唳青城幾度聞。

### 閔子墓

逃名非所願。不仕李孫家。鳳去千尋覽。麟亡異代嗟。村溪通汶水。野岸滾蘆花。一下

松漿真清風。遍海涯。

### 龍山驛午睡

半世支離雅志違。暫將午睡傍親幃。夕陽自照風塵色。夢裡還家不當歸。

### 昌樂五日

又從客裏過端陽。獨對青天舉一觴。着樹未看紅噴火。凌波空憶綠為裳。轉緣齊俗憐豪俠。欲賦湘纍嘆渺茫。憂國懷鄉情萬

種。五絲能續九迴腸。

### 灘水吊韓侯信

一派東流水。韓侯此出奇。楚氣將淨日。漢業欲興時。雲度旌旗色。山餘虎豹姿。所傷高鳥盡。國士涕雙垂。

### 午發黃縣抵登州一路多山

海國天垂盡。岬夷路不平。風埃中谷起。雲火半山橫。倦馬時時立。饑禽故故鳴。暫休

熱不解。停午更東征。

### 蓬萊閣

五月蓬萊閣。無風亦自涼。連天浮蜃氣。盪日引珠光。鶴舞仙山外。龍吟帝座傍。何時逃世網。東下問扶桑。

### 七夕

暑去金飈爽。涼生玉露零。人間飄一葉。天上會雙星。望極河應淺。情深駕欲停。明知

為巧累不敢乞仙靈。

萬松亭四首

在黃花洞玉女修真處

天門繞咫尺。忽復得林臯。池寫銀河水。花  
團玉女袍。雲生山似海。風起樹成濤。幽絕  
真無比。翻嫌岱嶽高。

四望渾如薜蘿。寧知何代松。未能依漢時。詎  
肯受秦封。白日巢丹鶴。晴天舞赤龍。夜深  
游玉女。環珮響千峰。

絳闕群靈集。青林萬慮忘。應知出世界。別  
自有仙鄉。過雨朝煙閣。飛花點石牀。不須  
賦招隱。已在白雲傍。

幽尋垂欲盡。選勝復于茲。石室原無路。雲  
林不可窺。坐驚山鬼近。出恐世人疑。何日  
重來此。茫茫未有期。

桃花峪歌

泰山後路

十步渡一水。五步上一山。山水終日看。不

盡何用。桃花滿目斑。岱宗參天奇。不獨蟠  
根猶似蓬壺曉。複洞危巖幾百層。上真靈  
氣相縈繞。千山萬山相送行。前溪後溪相  
遞鳴。琤琤。琤。如有情。嗚咽。如不平。  
行人疲。劇不肯。住為逐。山間流水聲。一徑  
忽陰森。秦人如可尋。策杖聊一訪。桃源溪  
復深。平生慣有煙霞癖。對此懽然慰夙昔。  
但得終年涉水復登山。安用朱紱與赤舄。  
他日卜居此。馬在。有水可漁。山可採。為語  
山靈已結盟。三亭之南幸相待。

靈巖寺十韻

攬秀山全勝。探奇客再尋。慈雲開覺路。佛  
日上初林。淨域三天曉。空門十里陰。忘機  
僧化石。種福地生金。高閣看人代。方池閱  
古今。鐵衣留幻相。巖竇見禪心。峰合規天  
小。臺高貯月深。清泉雙鶴舞。老樹萬龍吟。



閑寂消塵慮、清虛愜素襟。皈依欣有託、慙愧未抽簪。

虞聖廟祀樂章

迎神 樂奏廣和之曲

於皇虞帝、睿德旁隆、含弘無際。昭明有融、眇靈孔嚴、靈承大東。神之憑止、既溫以恭。

奠帛 樂奏肅和之曲

歷山之陽、皇澤周遍、時和民康。作息攸晏、新廟既崇、靜嘉斯薦。玉帛虔共、惟神之贊。

初獻 樂奏壽和之曲 用文德之舞

懿哉聖功、萬方順則、以鑒以耕。皆帝之力、惟醑清芬、惟羞嘉栗。肅將明禋、洋洋來格。

亞獻 樂奏豫和之曲 用文德之舞

德為聖人、重華協帝、君哉魏、先天開世。再酌金罍、笙鏞爰備、神之來思、皇容溫辟。

終獻 樂奏熙和之曲 用文德之舞

粢盛既豐、清湑載旨、登崇惟三、明神寧止。協氣薰蒸、人神燕喜、惟萬斯年、永昭繁祉。

徹饌 樂奏雍和之曲

苾苾在御、簫韶在列、獸舞于城、鳳儀于闕。上融下朗、物康人悅、降福錫祚、醇犧斯徹。送神 樂奏安和之曲

五雲景從、四周祥風、旛旌繚繞、天門開通。

遠睇蒼梧、惟帝來復、歲脩扶祀、常綏百福。

望燎 樂奏時和之曲

有廟巖、在澤之側、南風未闕、克諧允式。燔燎以通、用康帝德、靈響萬古、天與無極。夏日邀郭夢菊、張夢夢、明湖夜泛、郭有

作、倚韻和之

平湖入夏、連朝爽、二妙當筵、一代豪、煙閣留連、初聽鳥、酒船浮拍、已持螯、風前花氣。

千巖覆雨後泉聲萬壑濤。新藕如銀絲上  
俎。游魚如蟻不容篙。清歌縹緲雲凝樹。醉  
舞婆娑酒浸袍。星迷一池天乍小。山連四  
野月初高。笙簫隔岸偏依棹。鸚鵡親人欲  
上舫。痛飲渾疑林似竹。忘機便欲水名濠。  
感時忽擊中流楫。憂國還登放客騷。却愧  
迂儒無寸補。漫將觴咏對賢勞。

橋上蓮花署中湖山一覽樓前板橋有

孔容指池蓮。穿出着花其上。以寄笑  
清溪繞一曲。高閣俯連漪。倚檻花曾見。穿  
橋事可疑。風來雲蓋遠。月上露華滋。奇藻  
吾慚爾。相看覆酒卮。

吾慕翰林周公夙矣。聞有泰山之行。滌  
觴為候。乃以王程所迫。驅車過之。投  
詩為贈。悵焉奉答。

懷賢已是昔年曾。弭節仙山喜不勝。岐路

早分人似玉。開尊空對酒如通。海天悵望  
雲縹緲。岱岳愁看氣鬱蒸。良晤有期終不  
負。比隣萬里尚堪憑。

和郭夢菊大閼兵厯下。用李于鱗韻。昔  
時危海內。盛談兵。仗鉞高臨濟上城。秋入  
郊原殺氣合。天垂溟渤陣雲生。風前鼓角  
山河動。霞外旌旗日月行。從此扶桑可  
挂。伏波肯讓漢臣名。

清濟分流帶錦袍。三齊技擊盡人豪。甲光  
映日天無色。驥足追風樹有濤。楊葉朝飛  
弓力勁。蓮花夜吐劍峰高。直從渭水論功  
伐。不與桓文作後曹。

帷幄宵臨渤海前。旌旄朝擁岱宗邊。龍文  
萬炬齊城火。虎士三雕華嶠天。陣影參差  
驚鶴集。班聲飛動斗牛懸。應知下瀨論功  
日。正是昆明習戰年。



輕裘緩帶一儒宗。南斗還憑劍氣衝。萬竈  
貔貅隨赤羽。千屯雲鳥抱蒼龍。營開乍聽  
風雷走。陣動俄驚虎豹重。燕領封侯君自  
見。清時誰道不相逢。

池

寒流清見底。曲抱昭明臺。向夜涼風發。蕭  
蕭池上來。

荷

新荷弱嬾。相與送芳華。薰風遙對酒。開  
軒十里香。

柳

老樹已婆娑。無復有生意。攀條折其枝。自  
是紫桑趣。

葦

秋風欲下來。蒹葭已蒼々。望而不可見。人  
在水中央。

榆

千章夏木清。爭及此一株。世人那得見。天  
上種白榆。

橋

清流去復回。游魚不可上。坐讀南華篇。冷  
然濠梁想。

樓

徙倚對青天。四望湖山明。漁歌靜不起。空  
然長笛聲。

然長笛聲

湖

平湖十里開。明鏡不生埃。清歌四面發。為  
是採蓮回。

吊許忠節公祠

曾向孤城起義兵。肯從逆虜更偷生。江南  
不返文丞相。河北空傳顏杲卿。遺廟風雲  
留正氣。舊游草木記榮名。即今方字逢多

雖灑淚空階無限情

黃現值雨

崩雷破萬山、急雨傾如注、蒼茫雲霧中、恍與群靈遇。

故山二首

石徑溪盤水一灣、長松落、搖堪攀、午風細入南窓夢、此地分明是故山。

故山何日是真還、且睇遙岑一破顏、明日

驅車山下去、依然身在世途間。

送春

草色青、柳色迷、園紅猶見兩三枝、嬌鶯不動黃鸝懶、正是春光欲去時、

和郭夢菊龍洞之作

萬峰回合勢龍從、金碧居然大士宮、山吐慈雲曾怖鶴、地藏法雨故降龍、洞天縹緲迷丹竈、寶樹陰森隱桂叢、明日抽簪從此

去、舊題一任紫苔封、

又和夢菊龍洞見懷之作

卧病經時已瘦生、登高無奈故人情、開尊憶我心偏切、搖筆多君賦早成、黃菊滿頭秋正好、紫萸照眼夜還明、莫言便把漁竿去、猶有山陰興可乘。

九日得李從野同年書、兼惠酒貲、却寄年、重九自天涯、每對秋英感歲華、不是

白衣携酒至、閉門誰復問陶家。

長隄落木遠紛紛、此日登高客似雲、醉把茱萸為借問、風流誰是孟參軍、

露下天高海氣寒、悲秋工部若為歡、玉山便是吾山賞、藍水還同濟水看。

朔雲度鴈入寒空、為寄魚書恨未窮、侯翰思歸君莫訝、人間何處不秋風。

酬夢菊水面亭讌集見憶之作



露下天高冷鵝鵝。孤吟無復酒盈觴。却緣  
病起情無賴。轉憶尊前樂未央。長笛短簫  
遊汗漫。柳風荷月夜徜徉。多情獨有江南  
客。為想同舟寄八行。

### 嶧山歌

大石輪囷如象卧。小石怒張如虎坐。百千  
萬億疊成山。遍體玲瓏皆可過。憶昔女媧  
補天時。煉石為九手。弄之神功已畢棄之

去。風吹雨洗到今茲。不然共平觸不。天  
柱一折石亂流。帝遣六丁移置此。時共泰  
山為博籌。其陽有孤桐。其陰有浮磬。靜夜  
擊清聲。依稀猶可聽。披蘚尋古碑。迷茫竟  
誰是。李斯小篆已無踪。秦王頌德徒為耳。  
白雲之宮白雲連。五華之高。造天側身  
踞石望東海。彷彿玉樓金闕吐蒼煙。回首  
入突奧。途遠不可到。萬轉千迴路。忽迷

蛇一徑誰能造。此中耐可絕人群。何須更  
問商山雲。但恐塵緣割不斷。空對蒼崖揖  
紫氛。夕陽欲下山。欲住無留處。興來聊取  
數石歸。袖中袖得嶧山去。

### 登嶧山次韻

地形原自岱宗分。禹貢名山果不群。紫氣  
一天常帶雨。青霞萬片半穿雲。陰森似識  
孤桐影。剝落難尋小篆文。到處探奇人始

得興。關歸路已斜照。

### 嶧山觀風亭

觀風亭上一憑欄。十二侯王指顧間。年去  
年來人自老。青山長對水潺潺。

### 嶧陽孤桐

初分天地爾從生。曾識伶倫太始聲。雲霧  
迷茫風雨夜。依稀猶有鳳凰鳴。

### 龍池

蒼山萬轉識天機。半畝方塘碧四圍。行人到此不能去。正是水深魚樂時。

仙人棚

百圍深洞挂山巔。飛鳥凌空何代仙。我欲拂水從此去。乘雲游霧不知還。

白雲宮

萬轉千迴路不平。行來足下白雲生。白雲散盡人歸去。山自蒼。月自明。

謁孟廟示諸生

日遊孔氏林。今登孟氏堂。朱扉臨廣路。櫺柏參天長。再拜瞻遺容。巖。氣軒昂。念昔戰國初。多岐嘆亡羊。儀秦恣押闔。揚墨數網常。聖途一以蕪。誰障百川狂。夫子起衰周。披雲覩天光。一馳仁義談。舉世驚蜩螗。坐令歸功者。比之堙懷襄。繁茲有本源。言利謹其防。直養乃無害。有欲自無剛。念爾

青衿子。日夕望宮牆。堯舜豈云遠。城南大道傍。勉之在及時。申言著斯章。

斷機堂

三遷辛苦傍書堂。誰信慈幃有義方。一斷機絲接聖緒。丈夫空自說剛腸。

子思書院

四極精舍對南山。天下中庸在此間。一自微言絕孟氏。至今誰復叩賢關。

謁魯子祠

遺廟崇嚴古道邊。長松礪砢午風前。不緣力學勤三省。安得成名首衆賢。苗裔趨庭依冕黻。士人立馬薦山泉。耘衣臺上徘徊久。惆悵違親已二年。

剪蠶賦

青州官署多蠟。入夜非張燈不敢行。偶步月庭中。覺足下蠕蠕然。燭之蠟



也不忍其橫乃命童子盡丙夜大索之得百枚老者尤猙獰可畏聚之一盆沃以沸湯殺之作賦快其事

繫萬形之受化鍾太乙之元精或相生而相養有獨立而獨成間偏得其猛鷲占不殺其靈明虎聞風而北渡鯉捧檄而南征菟有時而司乳象有時而代耕中孚豳豚魚之吉二南頌騶虞之徵蠶爾小醜武形

原缺

都下稿

河北李化龍于田著

初入都門魏懋忠馮韞玉携酒來看

薰風來戶牖涼月到庭除暫下幽人榻時迎長者車納言談折檻學士議焚魚且盡一尊酒論詩共啓予

同年會看花

榜下論交二十年別來興味各蕭然自憐

都下稿

蓬鬢逢春色何意花枝到酒筵世路崎嶇途九折宦情歷落柳三眠劉郎不作玄都感且醉紅塵紫陌前

送王洪陽出撫越中

龍飛鳳舞帝王州杖鉞褰帷試壯游霜簡尚搖栢府月霓旌俄度海天秋上供杼軸東南急下瀨樓船日夜流民力于今君自見好將還定答宸旒

收朔方行送梅衡湘出撫大同

中興諸將收朔方捷書夜半來未央靈武  
重開新制府賀蘭還作舊封疆叛臣盡族  
歸烟燼上將聯鑣佩水蒼耀武連營金腰  
褭獻俘載道銀琅璫武畧直宣東海外歡  
聲常在至尊傍憶昔此曹始稱賊日月無  
光天地黑捲起黃河天外流銀夏為家秦  
為國河湟咫尺入胡營潼關以西人盡兵  
都下集

香火迎王師處：謳歌勳酒旗騎士耕  
過北里田家炊黍餉東菑大宛自歸千里  
馬函關安用一丸泥河隴不聞邊燧起閭  
閻重見漢官儀歸來策勛舍元殿雲中閑  
府真天卷丈夫報國敢論功聊為官家當  
一面北地曾聞李廣名匈奴尚怯嫫姚戰  
幕南盡徙左賢營遼東遙避天山箭瀚海  
登臨偶然耳胡越一家終當見不須壯士

都下集  
曉天河坐看海宇武清晏

九日京師

九月京華未授衣閒庭斜日澹無輝故人  
不作黃花會令節空驚白雁飛西極關河  
邊燧動東征士馬旋書稀分明記得南山  
下歆賦歸與那得歸

送郭給事分守浙西

吾謀適不用何意帶橫金臣節絃如直君



思海似溪湖平一鏡曉潮落萬山沉定有  
南征賦鴻飛托好音

送馮韞玉歸省

白馬紫絲鞭承恩出未央夜直辭北闕晝  
繡下東方君方宦達胡為爾暫緣覲省歸  
鄉里君不見泰山之高：挿天見君父子  
亦如此君家大人達者流未老先為汗漫  
游白眼自成立壑相紅顏不挂廟堂憂君

都下稿

四

行偏得重瞳顧燕金文綺承恩數子舍應  
憐白日遲三經未許青春暮萬石空傳醇  
謹名二疏末路未為榮父老色喜兒童笑  
轉見千秋萬古情雲門瑯琊佳可賞華樓  
蓬閣應同往家在碧山未寂寥身居福地  
何蕭爽送君先自望君歸想見梨花邨絮  
飛蘭臺開局遙相待莫為風塵愛息機

送魏懋忠出撫山西

丈夫安用氣橫秋夢白羅官平定州處世  
何慮直如弦懋忠開府出行邊流行坎止  
適然耳造化小兒豈有權西臺御史怒如  
虎銀臺去天綫尺五富貴於我何有哉日  
抱諫書撻天鼓不癡不狂名不彰肘邊鵲  
印忽生光人生快意那有此濯足黃河上  
太行山西自用品中丞孫郭張王次第升  
一時填撫皆公等勲業如何不代興年來  
海內干戈起雁門常在胡塵裏二八軒縣  
懦夫耳此行何以報天子

都下稿

五

再送懋忠入晉二首

中丞斧鉞下雲霄六月霜寒暑氣消會見  
威名馳絕塞由來直節在清朝謳吟蟋蟀  
原唐俗表裏河山搃漢標莫以和戎稱魏  
絳古今無信是天驕

早從威鳳共聯翩十載相看獨爾偏風月

兩都朝命酒星河三署夜朝天寨惟一自  
推橫槊臥閣何人問草玄已分漁樵終混  
跡清秋莫少鴈書傳

高封君壽冊

丈人家近丈人峯美水看山樂事重懷古  
獨憐青玉案忘機誰愛紫泥封雲霄對影  
巢雙鶴風雨連天起二龍多少書生頭白  
盤婆娑猶聽早朝鐘

擬古樂府

易水歌

乾坤龍戰四海風塵壯士立節終不顧身  
天荒、水茫、白虹飲海日無光

大風歌

大風起兮雲滿天四海為家兮萬乘還宇  
宙清泰兮樂長年

垓下歌

朱雙手可拔山運去英雄一騎還虞  
何計保紅顏

高歡和敕勒歌

敕勒川雲幕地水涵天牛羊下隴坂狐兔  
走平田身經百戰人將老何日親驅萬乘  
還

獨漉篇

獨漉獨漉誰辨清濁、者為同清者為獨

七

七

翻、鴻鴈翔飛雲漢不解隨陽稻梁繫念  
水散萍浮各自隨流幸持桂楫以障蘭舟  
明月入帷流光四垂攬衣起坐素髮成絲  
神劍在床中宵發響孰是君讐奮衣獨往  
虎不出山龍不下天不愛其鼎謂我獨賢  
漢鏡歌曲十八首

朱鷺

朱鷺振華纓戢文羽魚在梁鳥在樹誰杞



詠書樞天鼓

思悲翁

思悲翁浮雲蔽日不照中情狡兔未死之  
狗先烹諒人罔極誰能自明會弋長弓以  
薦鼎羹

艾如張

艾而張羅壯山已遍南山更多諺言高障  
天雀飛將奈何歸棲岩阿四時和

上之回

上之回

上之回金椎盡胡天開親將十萬羽林材  
登高丘望四極：望不見狼煙直天行雲  
從相驅馳天子萬年以為期

翁離

擁離築高宮望四野蘭為柱蕙為瓦蓬蒿  
四周慎爾居者

戰城南

戰城南良馬足壯士肝寧聞死不生還清

華深烏鵲號敵在門壘在郊是臣死地安  
能逃良馬格鬪死驚馬嘶路傍忠臣去不  
歸良臣坐廟堂千秋之名良可傷

巫山高

巫山高江水深登高望遠涕沾襟極目不  
見愁人心水湯、石無梁黃鵠摩天飛選  
兒歸故鄉

上陵

上陵美下津寒沙棠之檝木蘭船黃金為  
柱蛟螭盤芙蓉為佩紉芳蘭與波上下騁  
遊閒白鴈翔黃鵠舉激滌泉澹容與仙人  
絲下來哀音何靡、拜手獻瑤觴萬年祝  
天子

將進酒

將進酒未渠央天地寧若臣康平人唱莫

人觴日不足夜方長紛佳哉以放歌良工  
自若奈若何

君馬黃

君馬黃臣馬赤二馬相得周八極遨遊四  
海何時息戒思美人適勞我心望而不見  
山高水深解車放馬與君歸徘徊四顧涕  
沾衣

芳樹

芳樹上

芳樹上有日月下有蘭池黃鵠隨風翻飛  
下海上不見天我心孔悲妬人之子口生  
波君有他心可奈何吾將去君黃鵠舉吁  
嗟君乎誰與侶

有所思

有所思乃在天之涯艷如翡翠羽穠如桃  
李花吐咳生芬芳指爪亦堪誇凌風一振  
袂軒：似朝霞問以大秦珠縵用折疎麻

君有他心忽委中路唾并發梁義不返顧  
衣不如新人不如故君其三思無使再誤  
秋風下來合浦葉迴投君明月冀君心開

雉子班

雉子班大澤裡五步啄十步止雄飛翻雌  
哺子黃鵠一起千萬里高車駟馬如流水  
王孫不歸意如此雉子集於梁終當返故  
鄉

聖人出

聖人出

聖人出金鼎調玉燭和鳳在山龍遊河邊  
不塵海不波八荒庭四夷賓明德哉君之  
臣望西方思美人

上邪

上邪我欲與君心相結天長地久無終極  
日月在天水行地是為我心與君意山已  
平海已竭當此時與君絕



臨高臺

臨高臺望四海六鰲不見三山在海水澄  
江水平澗芷汀蘭日夜生黃鵠高飛傍帝  
京皇帝壽萬年微臣賀太平

遠如期

遠如期瀚海北陰山側解解來同觀上國  
雅樂陳匈奴賓今日方知天子尊撞大鐘  
擊大鼓左賢上壽單于舞玉門開宛馬來

卷下補

主

和撫四夷不易哉

石流

石流湯、江水無梁秋風四起黃鵠高翔  
石中有玉江有蘭予以問之大江南美人  
不來摧肺肝

鷄鳴歌

乾坤龍戰風塵裡大戟長刀亘百里霜華  
滿地天如水晨鷄三唱征人起樓頭少婦

心已死腸斷心傷遠游子

秋風詞

霜風動地兮起秋聲草木搖落兮鴈南征  
澤蘭殞葉兮菊落英美人不見兮繁我心  
遊樓舫蕭鼓兮汎中流白水清山兮寫我  
憂天荒地老兮長此悠

天馬歌

天馬來徑萬里星之精龍之子天馬來入  
漢家跋西極度流沙天馬來服上皂噴玉  
英嘶春草天馬來歲執徐為君王駕鼓車  
天馬來喋龍荒馳極天殪天狼天馬來歸  
有德游玉臺服萬國

浚水蘭詞

鴻鴈向南飛少婦攜寒衣此時木蘭女長  
嘆出重閭莫道生男好生男亦須早種穀  
不成穗不如路傍草阿爺當遠征阿弟長

未成木蘭是長女只得赴嚴程脚放不須  
纏髮解不須盤長矛腰細鎧飛上錦鞍韉  
甘泉烽火高結伴向臨洮共指身軀小不  
知膽氣豪曉渡黃河水夜宿黑山秋驚心  
雲黯黯刮面風颭颭胡騎滿三邊麾軍擊  
左賢輕車馳大漠長劍破胡天一戰匈奴  
走滿地收生口凱奏大軍還正南看北斗  
歸來血洗箭直入明光殿天子重邊功水

都下稿

庚

書

陸開高晏木蘭前致詞本是里中兒不願  
官封五等貴但願歸家拜嚴慈駟馬送兒  
歸還鄉着錦衣爺娘迎十里催笑氣如飛  
小妹與我齊小弟亦有妻一家對面笑忽  
然傷心流涕各悽悽開戶坐空床重整舊  
時裝當窓理雲鬢對鏡安鴨黃出門拜故  
侶滿路生輝光相顧各嘆息流淚兩三行  
本是春風楊柳枝與我十年臥雪共眠霜

解道生女亦不惡何但男兒當自強不信  
木蘭當日苦請君走馬向沙場

企喻歌

猛士健於虎一戰走三軍身為白鷄子橫  
飛百鳥群

天寒水草枯飼馬到中宵寧使身無肉但  
求馬上膘

頭戴鐵堯鉞身著鐵裋襠今番值敵手死

都下稿

書

戰一千場

戰場是死地將軍是苦虫死是將軍死功  
是衆人功

燕歌行

秋聲蕭蕭木葉飛草木黃落鴈南歸君獨  
遠遊音信稀天涯何處是金微傳聞談笑  
解重關天長地遠是邪非明月皎皎入羅  
帷空床獨守素心違晶晶天宇列星輝明



河牛女各依；我獨胡為處空閨淚下如  
縑不可揮何時罷戰解戎衣相迎笑下流  
黃機

東流之水西飛鳥滿林秋氣鴈群呼念君  
客游天一隅風沙黯淡滯長途封書欲寄  
信使無長天遙望寸心孤撫琴動操聊自  
娛哀音激淚滿羅襦漫長夜自嗟吁自  
嘆生來命不猶獨抱冰心映玉壺回天轉

月下書

日只須更對影相看明月珠

四時子夜歌

早行楊柳陌黃鳥鳴關石關昨日起新  
碑獨自還

採蓮下南渚新荷四面開月明仍蕩槳

子並頭迴

庭前木葉下月照流黃機經緯不分明滿  
懷縈亂絲

刮地起寒風雪滿前山巔兩山對白首相  
依幾萬年

夜度娘

儂來雪始零儂去雪盈尺不畏雪中寒但  
畏雪上跡

秋胡行

金石易鐫人心不可知金石易鐫人心不  
可知雲雨翻覆岐路紛馳背面相笑對面

都下稿

七

相欺扼吭拊背惟恐後時歌以言之人心  
不可知

賢聖易值笨伯難為逢賢聖易值笨伯難  
為逢謂人為拙謂己為工康瓠自寶周鼎  
非同雖有波斯掩面相攻歌以言之笨伯  
難為逢

東海終塵利源何得乾東海終塵利源何  
得乾雖刀是競戈戟相殘朱衣相愛安於

太山汶頂折足難戢狂瀾歌以言之利源  
何得乾

下流易處高名未可居下流易處高名未  
可居蘭蕙紉腰蕭艾盈車東家自聖西隣  
自愚青蠅一點白璧終渝歌以言之高名  
未可居

瑯琊王歌

馬八尺強雕鞍百寶裝秣用黃金槽勒  
下稱

月紫絲纒

鳥有白鳳凰人有瑯琊王桃花開滿路紫  
馬踏春陽

溝水自流東飛雲自歸西壯士陣前死孤  
兒路上啼

秦麻將上苑終不忘故山大夫擁節旄終  
不忘鄉關

渭水挹長安春風十二閑五色飛龍馬羅

戰嘶風還

生男湏作王生女湏作妃納涼芳樹下清  
陰四面垂

山中有虎豹水中有蛟龍人中有瑯琊王  
磊萬夫雄

懷中五尺刀被底千金姊日夜兩纏綿同  
半渡同死

早朝詩和岑

下稱

春迴紫禁氣猶寒漏盡黃扉夜向闌三殿

煙花籠漢闕兩階文物列周官雲開玉陛  
風初動日上金莖露漸乾咫尺天顏真有

幸昇平際會古來難

和杜

五始正當開左个三春甫及薦櫻桃拆殘  
虎旅聲方息漏盡鷄人唱漸高受計天階  
陳玉帛頌恩帝力到秋毫微臣猷納真無



補慚愧雲霄一羽毛

和王

授曆新添碧海籌迎陽尚御紫貂裘龍飛  
共祝三千歲虎拜遙瞻十二旒瑞氣籠煙  
百道轉祥暉捧日五雲浮朝下鑒坡綵視  
草內人宣敕進詞頭

和賈

夜色葱籠禁籞長祥光繚繞曉雲蒼九重

都下稿

介

煙霧開春殿一派笙簫奏大章鳳輦下時  
雙闕動龍旂拂處百花香微臣自愧衰殘  
質常沐恩波事聖王



南都葉上

河北李化龍于田著

中秋曾計部過飲江署

青楓白露暑初收握手相看杜若洲湖海  
交遊今對月天涯羈旅况逢秋山連蜀道  
千峯出水下吳閭九派流別後懷人應有  
夢煙波何處問扁舟

秋日張司理過飲江署

南都稿上

一

集

闕城秋色晚蒼蒼江畔逢君乍憶鄉客裡  
弟兄俱意氣天涯雲物總淒涼三山木落  
猿聲急八月風高雁陣長此夕無妨各盡  
醉故人明日棹相將

江上送周元孚三首

客居甘索寞佳會何可常今夕復何夕共  
君此傍徨憶昔京華遊意氣競飛揚飄風  
吹藋起零落天一方中情難具述相傾但

沾裳俯觀江漢流仰視明月光起坐復躊躇慨慷以相將

我、山上松湛、江中水物性有固然一成誰能改長安饒貴遊結綬何累、車馬耀中達騶從生光彩遇合各其時榮華有消毀且復事遠遊登高望滄海一息為千秋困頓何足悔

浮雲西北馳遊子東南行臨流瞰長江舟楫劇從橫萬役各有託日月如流萍志士多苦心安知中不營我有一尊酒斟酌叙平生君行不可留一語再三傾駐立望江干惻愴難為情

### 孫夫人祠

孤峰獨障海天東上有前朝妃子宮人玄明珠辭漢浦鶴歸華表怨江楓三令割據青山在異代蒸嘗白帝同却笑姑蘓墓上

月當年歌舞只秋風

### 贈劉翁

少微偏映大江東前輩風流喜見公倚杖總看形似鶴揮毫還擬氣成虹山村水郭人長往玉樹芝蘭樂未窮渭曲莫言能久卧君王計日夢非熊

### 賦得兩峰為郭太翁壽

雙峰峯峯切雲霄下有幽人卧獨驕靜夜常看金寶氣清時共識鳳凰毛曾城斗入三江遠絕壁平臨五嶽高會有龍迎凌倒景十洲縹緲聽吹簫

### 鰲磯春望

獨上春山縱目初長林掩映見平蕪風前過雁來三楚天際歸帆下五湖故國千年王氣盡浮雲萬里客心孤憑軒欲賦還惆悵羞向登高論大夫



贈黃翁

長江迤邐帶青門，大隱翩翩江上村。  
蔣詡蓬蒿三徑滿，陶潛衡宇一松存。  
看雲不廢東山屐，愛客頻開北海尊。  
媿我風塵稱傲吏，十年飄泊信乾坤。

秋日同歐來何賈黃魏徐七省丈遊燕

子磯

清秋飛蓋躡龍嵎，又見淮南聚八公。  
地近

南中集上

由

新全光

爲衣磯是燕山連，鍾阜氣成虹旆去。  
芳洲外岸葦蕭蕭，夕照中把酒臨江君不見。  
六朝寂寞草連空。

送閔生入京

碧眼青衫者誰子，閔生獨步長江記。  
十年携劍走吳門，裏中有刺誰知己。  
君不見吳江之水百丈清，見君詩思亦如此。  
有兄况是秦越人，藥市遊名幾見春。  
經旬苦雨無

人到弟唱兄酬，若有神男兒豈必車生耳。  
五月披裘亦可喜，雌伏雄飛定有時。  
鑒子成名何足齒，燕臺宮闕多光輝。  
昔日昭王今是非，樂毅已往劇辛死。  
會取黃金如斗歸。

寄魏懋權四首

初秋涼氣迴庭樹，何蕭蕭明月照牀帷。  
四顧心無聊起坐，彈鳴琴清商淒以焦。  
一彈

南中集上

五

大才

雙鶴翔再彈，雨雪飄曲高誰見賞。  
知音久寂寥，披衣步前庭慷慨以逍遙。

北方有佳人，若絕世容天桃李華。  
一笑傾人城，繫昔燕婉初中堂。  
獨目成遺我合歡帶，兩鴛鴦。  
鳴羽翼一朝弄棄置，等流萍。  
棄置有時老會合，有時好我心良匪。  
石河漢終枯槁。

浮雲西北馳，大江東南流。  
方舟沂泗之前

路一何修是時金商凝玉衡指孟秋寒霜  
露野草長林不再稠平楚一以眺殺氣薄  
高丘念我同心人一別乃三秋願為雙黃  
鵠比翼摩天遊爵羅正縱橫哢吭徒相述  
四運有代謝寒暑一何迫人命非金石寥  
寥生滿百為歡實及時誰能久行役命駕  
千里遊所思在燕陌燕中饒貴遊十五公  
與侯鐘鼓羅前堂曲譙列珍羞生無食肉

南齊書

六

相相將返舊丘振衣太華顛洗耳黃河流  
萬期在須臾曠心何所憂

李山人持趙夢白詩來謁贈之

蕭瑟深秋短髮新每逢搖落獨傷神誰知  
朱雀橋邊客曾是玄都觀裏人薊北風煙  
雙倚劍汝南花月一沾巾與君俱抱元龍  
氣好向天涯作比隣

同王辰孺登雨花臺

與君初握手興到即登臺無復高僧隱空  
餘明月來諸天行處合下界望中開會欲  
辭塵鞅相經日幾迴

寄劉宜陽

為問神仙令年來興若何渡江鴻雁少入  
夢白雲多政美山成錦官清縣傍河當時  
握手地回首一悲歌

寄李洛陽

南齊書

六

七

別君明月夜見月即思君北海尊應在南  
天涯不聞三川環近郭二室倚晴曠清興  
今何似悠々日暮雲

寄張偃師

留滯周南者親情我共君三年幾夜月一  
別兩秋雲花縣仙為令江城鷺與群寄書  
何日達天末有斜曛

李生將遊吳越率爾贈之



李君酒酣耳熱叩缶歌莫哀問君東遊吳  
越此去何時迴百粵青山連震澤五湖白  
浪撼胥臺李君此行何壯哉三尺夫容照  
秋水中流棄劍長蛟駛扣榜應逢漁丈人  
扁舟誰識鴟夷子江東才俊古來聞好拜  
要離塚上雲倘然邂逅無知己便去東依  
滄海君

贈張幼于

南中稿上

吳中高士雅相聞朱雀橋邊喜識君見說  
諸王俱僞爽由來小謝最清芬揮毫南國  
流春雪握麈西山起暮雲蜀客猶能頻載  
酒幽樓倘許細論文

答張幼于柬李工曹轉驗封魚致別意

用來韻

紅亭綠樹映傳杯張翰思尊江上迴日落  
雁鴻迷楚甸天寒廩廩散蘓臺扁舟每憶

山陰興飛蓋還憐鄰下才莫以巨源交便  
絕野人前路在蒿萊

而中同黃道登邀歐楨伯張幼于飲徐

氏東園得門字

上客衣冠集名園草樹繁竹林雙把臂風  
雨一開尊夜色迴青嶂濤聲動白門近來  
曹務簡幽意許重論

送張柱史請告歸蜀

南中稿上

九

霜天雪霰大江東卓蓋西飛畫繡同令有  
臨邛應負弩人為桓典正乘驄巴渝水落  
青楓遠巫峽雲深白帝雄病渴相如能久  
卧金莖露滿集靈宮

哭劉考功四首

河橋一相送計日望歸舟誰念三秋別俄  
成萬古愁江天迷漢節風雨暗吳鉤欲下  
巫陽問茫茫不可求

南北風塵役頻年我共君天邊還結綬地  
下已修文萬里悲流水湘江怨暮雲山陽  
他日笛悽斷不堪聞

慘淡陳情表孤臣恨未窮祇疑天路遠何  
意夜臺空故舊憐優孟君王問所忠延陵  
別後劔蕭颯向悲風

尚憶招尋屢還憐意氣豪人琴忽爾絕山  
水竟誰操零落孤鴻影淒涼雙鳳毛天高

南中稿上

無可問江漢日滔

送李觀察入蜀二首

君為驄馬使風采萬人傳南國無多日西  
陸更幾年雙流環白帝九坂界青天會上

峨嵋望長安近日邊

忽爾三秋別居然萬里行橋邊迎駟馬劍  
外度雙旌玉壘無今古雪山有重輕西川

天下險莫負錦官城

月夜與于侍御遊靜海寺

空亭俯瞰大江濱上客登臨絕世氣天外  
梵音風細細溪邊漁唱月紛紛楸梧遠近  
連吳苑巖岫參差帶楚雲頓覺浮生無住  
著好將福地擬平分

至日同諸省文齋居對雪和歐楨伯

陽生佳節俗相看蘭省齋居集漢官葭管  
欲迴東帝氣瓊花忽散北風寒宮中積素

南中稿上

迷金爵天外飛英拂露盤一自仙郎裁郢

曲方知白雪和人難

送張郎中出守淮安

雪滿江天送客舟淮陽竹馬待君侯十年  
畫省推高第千里專城據上游帆掛廣陵

明月夜濤迴桐柏白雲秋漢庭長孺誰堪

比卧治應分聖主憂

題畫美人



三月輕寒試薄紵遠陽夢破鷺鷥侶閣堦  
獨立怯東風一片春心嬌不語千愁萬恨  
玉葱知腸斷娥眉半鎖時但使封侯人竟  
逐肯辭青鬢耐相思

秋日蔣計部過飲江上

亭臯木葉近中秋上客開尊賦勝遊露冷  
霜淒天澹江清月白夜悠々羊腸世路  
收棋局雞肋功名付酒籌試向六朝看往

南齊上

庚

三

事繁華不見水空流

送鄭郎中兵備粵東

十里垂楊聽馬嘶使君建節簇青谿握蘭  
畫省香猶在下瀨樓船路不迷地入羊城  
天欲盡山連象郡日偏佐遙知百粵功成  
後應揭銅標漢柱齊

夏日同屠碩江俞李五省丈游莫愁湖

登樓

水氣林風相與清溪邊鷗鷺近人行官閒  
杖履堪乘興地僻湖山好結盟萬木陰森  
高閣敞千帆掩映大江橫不日登望思吾  
土總為東南四美并

大司寇潘公留餘堂

西京世業古今傳爭及君家祖德偏門似  
于公容駟馬堂如楊氏集三韁上台履曳  
星辰近甲第雲開日月懸聞道芝蘭方競

南齊上

庚

三

長應知七葉珥貂蟬

潘中丞留餘堂

陽曜無恒晷陰暉盈乃昊大化有迴環三  
儀時消息彼美抱明淑知白守其黑高步  
躡曾戀馳輝不可即朝攀桂樹枝暮玩烟  
霞色知足豈願餘所保在玄默潛光靡終  
幽綿延食舊德乃知九派長源自岷山域  
之子善持盈勒銘以自敕勞謙得其柄考

祥詎有極

潘中丞讀書臺

海嶠鬱菁葱高臺入望雄棲巖看隱豹攬  
轡憶乘聰灞上蓬蒿徑淮南桂樹叢探奇  
尋禹穴吊古望吳宮霞斂千林暮濤迴萬  
壑風稽山遊謝客峴首卧龐公物外襟期  
遠寰中塵慮空翹車迎渭水天仗就空同  
八極為霖淵三台賜履崇玄亭連條野長

南中稿上

古

表大江東

芝林行為潘司馬賦

海上仙山十二樓珠宮貝闕連青丘瓊田  
萬頃平如掌瑤草金光日夜浮仙家種芝  
如種稻上真一餌三千秋寰中誰解逢三  
秀世外徒聞更十洲君侯自是神仙流家  
在吳興若雲頭蚤歲雲霄翔彩鳳壯年滄  
海狎群鷗負薪再奏行河績曳履還趨上

國遊近聞福地真蕭爽芝草如林匝地長  
嶺上團圓紫蓋垂風前曄曄青雲朗豈但  
商山飢可療還如謝砌芳堪賞時有群仙  
共採之山頭笙鶴閑來往古來達士多長  
生况君功業在平成子房自是赤松侶方  
朔原為太白精神芝以茹雲輶超會上三  
山頂上行

王懋欽比部以使事至金陵賦贈

南中稿上

十五

洛下當年憶聚萍相從誰復嘆飄零天涯  
一別人如兩江左重逢客是星吳苑春深  
雙闕紫秦淮日暮萬山青風塵把臂還何  
處莫向尊前更獨醒

送沈郎中兵備江西

為郎十載羨休文憲府新開列戟分倚劍  
共瞻牛斗氣建牙親統鶴鷺軍潯陽九派  
平吞楚廬嶽千峯半挿雲回首舊遊佳麗



地過江魚雁好相聞

送來郎中兵備粵中

節使橫行五嶺任到來草色正萋萋  
伏波銅柱標猶在楊僕樓船路不迷  
百粵風迴絕徼外九疑天盡大荒西  
壯遊遠略如君幾勲業應知南斗齊

送朱比部北上二首

白門風散柳花香送客臨流各盡觴  
此夕

南中稿上

十一

莫成容易別古來天塹是長江

春明一別十年餘遮莫江潭愛索居  
都下若逢相識問元龍豪氣未全除

暮春雨中同方鴻臚顧司勳吳駕部集

歐虞部青谿館

細草遍江湄三春欲盡時  
筵開水部宅人赴竹林期  
柳暗千門雨花明五夜卮  
醉來渾未去重坐一論詩

陳尚書

大白橫天晝不滅漁陽甲士明於雪  
長驅直度天塹來江頭百萬皆流血  
天子倉皇下殿走漢官重整東都列  
此日誰為扣馬人陳尚書者心獨烈  
西州豈有降將軍吾頭可斷心難折  
面前昂鏃甘如飴一笑仰天身已裂  
吁嗟乎壯士胸中一寸丹風胡爐裏  
三尺鐵芳蘭寧復畏當門絲蕭艾

南中稿上

十七

蜀足說君不見七葉雲孫稱鐵面  
飛章再入明光殿

茉莉

南國芳華幾度新與君長夏倍相親  
風前素面偏宜曉月裏飛香不動塵  
幽窗故應嫌粉黛薔薇猶自讓丰神  
霍家小玉真堪擬莫近耽詩薄倖人

送大家宰趙公子告歸里

都門供張盛如雲誰復高風得似君  
新使星辰閑聽履非日霧雨故藏文  
碧山氣爽浮晴靄條野雲開對夕曛  
共道至尊方側席可能長伴鷺鷥群

江上再送周元孚

尊酒江城倚棹過柳絲桃葉亂青莎  
暫將琴韻操山水莫為鴻飛怨  
爵羅三楚風煙牽夢遠六朝花鳥喚  
愁多從知別後懷人

南中稿十

八

六

虞長在東來萬里波

夏夜顧司勳歐虞部吳駕部劉廷尉過

集如蘭閣

明月侵階入高樓向夕看喜逢蘭省客  
來就竹林歡露重桐陰深風輕笛吹寒  
出門相送羅壯斗漸闌干

得鄭思成山東書却寄

寐炎方客迢迢北地音十年湖海淚千

里鵲鴿心夜月關山迥晴川煙樹沉  
何時共尊酒搔首一長吟

石城懷古

天邊睥睨望崢嶸羈客登臨百感生  
花鳥無情隨逝水江山有恨寄空城  
降王已散金陵氣商女猶傳玉樹聲  
獨有景陽宮柳在寒鴉飛盡暮雲橫

送留守大司馬王公入為大司農四首

南中稿十

八

九

江上旌旗望幾重樓船鉦吹發高春  
南征節鉞分熊席北極星辰傍袞龍  
天下軍儲歸計相漢庭食貨領司農  
富民已識中朝相會見千秋早定封

聞道中興帝業新何人出入領朝紳  
三江波靜勞今陝九府泉通借秉鈞  
日近楓宸瞻劍履風高彤閣聽絲綸  
東南民力公須見好布陽和萬國春



蚤年俠客雅相推曾共荆卿擊筑來當日  
白虹臨易水于今紫氣滿燕臺三朝冠蓋  
崇元老八座勲名切上台此去乞言成令  
典休徵原自佩刀才

舊國風煙接帝鄉薊門雲樹鬱蒼蒼素韃  
未入春明柳絮戰先過畫錦堂槐棘一時  
生氣象麒麟百代倍輝光獨憐白下登龍  
客橋首青霄水一方

南中稿上  
送人遊黃山

見說黃山裏仙源引徑深爾今乘興去挂  
杖一登臨落日千巖紫秋風萬壑陰浮丘  
如可遇為寄白雲心

題碩道行鋤雲釣月卷二首

木落秋山空霜風吹短髮幽人夜未眠獨  
釣一溪月

西山新過雨爽氣散秋雲獨自倚鋤逆那

堪持贈君

同省中諸君子集道行文半陟樓二首  
勝地官為隱清曹吏亦仙聊從蔣詡徑一  
問子雲玄布席花侵座開尊竹近延高秋  
文酒會永日得周旋

劇飲歡無賴登樓意若何天清垂露重地  
迫得山多官臨觀魚鳥幽期洽薜蘿主人  
情未已乘暇數經過

南中稿上  
送劉長欽備兵滇南三首

越雋梁州外披圖萬里程今君持使節幾  
日到昆明北戶疑天盡南流見海平殊方  
還重鎮努力事繁名

霜寒江水深霜葉下新林落日故人酒秋  
風旅客心三湘煙樹渺六詔海天沉倘作  
南征賦雲霄一寄音

焚道猶防險交人未息戈誰能憂戰伐爾

去靜風波微外堯封盡天邊漢使過策勳  
須定遠投筆意如何

孤蓬歌勸魏伯子酒

君不見孤蓬無根隨風起才入南原復北  
里男子墮地難自由胡風越枝誰能擬此  
時落拓江頭客他日昂藏柱下史片言不  
合明主意雷電下擊衆辟易由來天怒  
不終朝外補無何移善地西風一葉渡江

南中稿上

十一

來携我共醉金陵肆憶昔逢君歲在酉君  
家兄弟好身手縱橫綵筆旁無人有時予  
我為小友落葉辭風已十年君今事業成  
不朽吁嗟乎丈夫垂名動萬年著朱騎馬  
亦何有亦可踉蹌將席鬚誰能齷齪甘牛  
後君家仲子最相知別時為道李生否東  
南佳麗自江鄉六代衣冠在建康三山遠  
峙連朱雀二水分流繞鳳凰與君吟賞終

應遍肯曰飄泊減奚囊飲君酒為君歌大  
夫舌在豈蹉跎古來腐令及盲史文彩風  
流尚不磨一詠一觴身可老浮雲滿天其  
奈何君不見結綺臨春今在否斷煙疎柳  
夕陽多

趙叅藩致政歸貽書有無魚無車之嘆

解印風塵事清莫將榮悴浪關情由來

陶令惟耽酒豈有龐公更入城卧閣幾回

南中稿

十一

蘿月上垂竿何限海雲生即今江漢思歸  
客每憶家園羨耦耕

同魏懋忠訪李道甫和韻

浮雲何處望長安尊酒天涯暫卜歡握裏  
靈珠只自好調中白雪擬誰彈楓江雁鶩  
乘秋下水國蒹葭倚醉看共是懷鄉吾更  
久不因蕭瑟罷憑欄

至日行早朝禮魏伯子有作輒爾屬和



陽回無夢到燕山為和陽春動客艱雲裏  
金莖天共遠江頭瓊樹日堪攀星霜漸老  
魚龍夜環珮時依鷁鷺班準擬窮愁惟此  
日東風猶恐帶愁還

登鳳凰臺次李太白韻

鳳凰不共謫仙遊臺抱長江日夜流江頭  
雨散千門柳臺畔煙銷萬古丘北去闕山  
連海戍南飛雁驚起汀洲浮雲猶是當年

南中稿上

二

二

色極目天涯無限愁

送歐楨伯還南海四首

威鳳生南國羽毛五色輝朝餐琅玕實暮  
宿梧桐枝迴翔千仞間高覽及良時踟躕  
北來遊帝庭以為期君王重嘉瑞阿閣典  
之棲其鳴以為律其羽以為儀一朝憶丹  
穴脩然辭帝畿豈不愛明時物情各有宜  
仁禽可長馴何以殊鷁斯矯翼入青雲可

望不可幾以茲重感嘆三復逍遙詞

我后開明堂弘藻修西京王風一振響六  
音誰希聲夫子起海隅文雅獨從橫曜靈  
無匿景列宿收其精坐令徑寸翰不翼蜚  
八溟超來游舊都得我若平生良夜美遨  
遊玄言四座清授我以蘭芷報子以杜衡  
眷言金石交明信著丹青如何念里廬解  
組事南征朱絃一罷響流水空冷冷商風

南中稿上

二

二

起四帷鴻雁長哀鳴黯然傷離別豈但故  
人情

青谿嘉樹林枝葉相回依落葉苦隨風宛  
轉不能離何況吾典子同心而分攜長江  
急暮流寒日澹無暉翔禽叫遠渚浴鳥上  
枯枝人生非繫匏飄飄何可知長笑一兮  
手慷慨命楫師去々各勉旃萬里猶比肩  
吾聞羅浮山蜿蜒數百里長松作龍鱗矗

矗雲霄裏上有安期生下有鬼谷子君今  
歸故鄉携家住山圪拄杖躡其顛長嘯天  
風起為鍊大還丹服食後茲始揮手謝時  
人遺世如脫屣三山路渺茫回風寄知己  
老柏行有序

伏承

大冢宰畢公出示兩賦老柏行沉雄典  
重殆與此柏同其參天凌雲之致者

南中稿上

二

壬午

所謂身有之故言之親切爾耶不揣  
敬和一篇非敢屬白雪之章聊以見  
高山之仰云爾

天官列署端門傍中有老柏千雲長結根  
不知自何代傳聞培植始 高皇枝葉扶  
疎形貌古輪囷老幹十圍強憶昔此柏初  
種時孤根翻受桃李欺三春艷色知誰好  
一片貞心只自持滄海桑田幾變改始信

雅操終難移莫言材大難為用故國今回  
喬木重晚照成霞尚滿天清宵帶月還樓  
鳳磔所寧惟傲雪霜崔嵬耐可充梁棟君  
不見秦時松嶽頂空街大夫封又不見陶  
家柳柴門只對先生酒何如黛色上參天  
街甍不動九秋延更將香葉和天酒為壽  
君王億萬年

對雪酬范比部介孺

南中稿上

二

壬午

江天漠漠雪霏霏粉署仙郎坐息機池上  
孤松當戶長山前獨鳥向人飛書成壺遂  
時相問玄就桓譚曉共依同是閒曹吾更  
嬾曰君翻欲遂初衣

金陵歌戶曹祠部二李君過飲作

金陵城上鳥啼雲金陵城中人閉門歲暮  
天寒風雪冷蕭騷客况詎堪論若非閑尊  
得二子那能沉坐不銷寬倉曹灑落真吾



契觴至即傾逸氣存祠部寥、獨醒者公  
榮不飲何足云有時浪譚亦可喜但唱田  
家老瓦盆自從渡江兩歲半北人南客誰  
能慣澤國淒迷煙霧深江天雁落蒹葭乳  
仲宣四望豈銷憂宋玉三秋益增嘆二子  
真成空谷音兼之十載舊同心酒人擊筑  
曾燕市羈客操琴更楚吟未論失水魚相  
洵且喜鷺風鳥共林與君相向轉相親百

南中稿上

庚

壬

庚

長愁殺人

折梅

百卉凋霜日孤標放萼晨天然冰玉質滿  
洒大江濱傍閣添詩興巡簷悵旅人隴頭  
春信早何處寄情親

次魏伯子寄弟之作因寄家兄

衝飈飛雪滿江天轉憶河梁怨別年秋後

雁鴻應自苦春來池草更誰妍迷方尚抱  
千齊瑟失路方思負郭田同是連枝同落  
葉白君腸斷鵲鷦篇

題余太史伯祥溪雲閣四首次原韻

十里青溪此地幽選奇還架最高樓城頭  
山色蟠龍虎郭外江光亂馬牛近市孤煙  
依徑草危橋晴日映車油百花潭上分明  
似臥看滄浪自在流

南中稿上

庚

壬

庚

承明曉漏暫相違溪上年、俗事稀社燕  
頻來綠識主沙鷗不去為忘機紅葉翠條  
參差長澗葉汀花取次飛却笑昔人王給  
事柴門空閑幾曾歸

高樓一望接新林四野蒼茫起暮陰山勢  
西來秋色遠江聲東下海門深風高吳苑  
疎槐冷雨積秦淮蔓草侵不用登臨傷往  
事水流雲在足知心

高閣朱欄面、開登高作賦。雄哉橋邊  
柳色明魚笥。苑外鶯聲喚酒杯。盡棟飛雲  
心共遠。青藜試火夢初迴。却愁東觀招賢  
入問字。何時得再來。

問李道甫病

飛雪兼天入望平。蕭條逐客臥江城。金莖  
有露應難得。消渴何須似馬卿。

代東招懋忠

南中稿上

三

雨雪連陰後。江天向暮時。官梅忽放萼。耐  
可對吟詩。

孟侍御再以言事外補二首

賜環纔著惠文冠。又見孤臣涕淚殘。長孺  
幾曾忘禁闥。靈均何事復江干。吳門霜落  
丹楓冷。漢朔雲深白日寒。宣室求賢知不  
遠。天家雨露自來寬。

見說群賢滿漢京。如君翻自下承明。道逢

三黜方成直。名在千秋始是榮。閭闔天高  
清夢渺。江湖日遠壯心驚。須知薄罰恩仍  
重。莫向湘潭詠濯纓。

送張幼于遊天目和魏大

老厭金門召。窮看寶劍文。名山勞遠夢。別  
酒對晴曛。掛席三江水。扶筇萬壑雲。如聞  
歌伐木。吾亦倦人群。

得魏懋誠書却寄

南中稿上

三

久斷燕中信。尺書得爾來。神龍一失所。象  
鳳任相猜。岐路楊朱泣。浮雲李白哀。寸心  
將素月。萬里入君懷。

白下逢孫夢旭

別久驚初見。無言意轉親。以吾淹歲月。念  
爾滯風塵。春草依遊子。江梅傍故人。新詩  
應更好。百遍過相論。

如藥行



有腹不飽千鍾粟有口不饜五侯鯖丈夫  
途窮寧餓死豈有夷齊解治生翠柏可食  
霞可餐自緣吾道屬艱難縱然掉臂歸鄉  
里猶勝騎馬向長安志士由來多苦心茹  
蘼之節直千尋君看五月披裘者道上應  
知不取金

為道甫題十八學士登瀛洲圖

李生自北來示我瀛洲圖何物良工饒能

南中稿上

三十一

大

事物色生態班：殊細草垂楊夾廣路清  
流萬頃相縈互雕欄玉記翳脩篁方花古  
礎排雲霧座中高會十八人金銚掩映珊  
瑚聚憶昔真人起晉陽紅雲紫氣抱天長  
龍鱗鳳翼爭攀附入幕始知壽策良唾手  
中原經百戰投戈息馬南高譙奉教但知  
天策府承恩豈識金鑾殿荷芰香氤水閣  
涼長筵列俎促飛觴瑤殿紅內府將大

官之膳實中央伶官襍遯奏笙簧六博來  
勝誇身強有時散步窺金塘揮毫落紙如  
雲翮醉來酩酊發清狂門外僕馬亦輝光  
丈夫遇合始知奇瀛洲仙客真似之圖中  
意氣猶堪挹文采風流自一時中天一夜  
長星走禁地未幾兵在肘就中密議皆公  
曹虎觀談經亦何有貞觀號時雍唯聞田  
舍翁此圖胡為不得與秦王無乃似葉公

南中稿上

三十三

還君瀛洲圖贈君瀛洲歌丈夫直須身後  
名眼前富貴浮雲過不見一區楊子宅千  
秋所就孰與多我欲頓纓狂願恣長往吁  
嗟乎瀛洲之圖奈何

題漢宮春曉圖

漏水丁東銀箭促鵲鶯啼破楊枝綠萬戶  
千門金鎖開六宮佳麗爭結束湘筠乍捲  
射朝陽長信新傳時世妝金鈿低亞盤雲

小翠黛輕施初月長歛袂共辭雲母帳彈  
碁圍草嬌相向玉腕藏鉤人不知銀瓶瀉  
水花無恙妙舞清歌態更閒度曲先翻雉  
子班囊琴欲脫還無語怕到湘江損玉顏  
花鬢歷亂春無主起向堦前問鸚鵡閑行  
不到殿西頭只恐驚鷗翅白苧莫道深宮  
樂事新君王只向畫中親誰知紫塞黃沙  
外別有昭陽第一人

南唐書

卷一

三十四

遂溪尉

遂溪尉者鄭子之大王父也尉葉隄  
障水為德於遂溪甚鉅民至于今猶  
然尸祝之乃其後有鄭子為武選而  
李子為作歌代遂溪人歌焉

海水上天河下為萬里波輟輟迹人遊桑  
田可柰何一解使君一何仁一身當百身安  
甬沉璧馬捧土塞巨津二解民以不復魚陵

以不復襄遠亦以相羊近亦以相羊三解何  
用報使君廟貌與生同何用祝使君七相  
與五公四解門前樹采旂殿中紫驪駒千秋  
萬歲期海水東南流五解

落花詩三十首和沈石田韻

轉眼韶華屬暮春原南水北樹全貧但憑  
青帝長為主何意東風苦不仁寂寂柴門  
朝病酒溶溶院落夜傷神綠珠珍重傾城

南唐書

卷一

三十五

色自墜高樓不嫁人

深紅淺白幾悠々九十春光忽盡頭萬樹  
穠花辭上苑一天風雨逐東流啼鶯有恨  
憐金屋乳燕無情度玉鈎斜倚危欄看不  
盡江南江北總堪愁

幾夜東風錦作堆尋春猶記玉山頽千林  
似罷魚龍戲萬點偏飛鸚鵡杯五解用移燈  
深夜照誰教宣詔隔年催一般零落千般



恨獨閉柴關不忍開

紫陌紅塵幾處游無端風起使人愁尋仙  
止見桃花水飲恨空悲燕子樓嫩蕊飛殘  
空翠在芳英落盡故香留因傷春事如人  
事貴賤同歸土一丘

一春景物一春遊無奈春迴滿目愁十雨  
五風俱是障千紅萬紫盡歸休歌殘瓊樹  
鶯須老唱到楊花蝶也憂少婦關心知更

南唐書

卷一

三

切封侯人遠莫登樓

樂游原上日沉西綠暗紅稀路上迷芳草  
拍天人欲老垂楊夾岸鳥空啼東風近  
悲游子春日凝粧對小樓南浦向來曾送  
遠清尊總在不堪携

嬌姿艷色只須臾結綺臨春樂事無舊  
漸添頭上白新愁寧復鏡中朱沾泥水  
僧歸定化石山頭女望夫自是繁華容易

了翟公門巷有榮枯

尚憶園林全勝時容華豈數賣珠兒紅英  
辭樹春將晚綠葉成陰物自私蕭史有心  
隨弄玉吳王無地醉西施呼僮莫向階前  
掃易惹閒愁兩鬢絲

一歲歡娛幾日中那堪愁雨復愁風望來  
草樹連天碧飛入宮牆滿目紅三殿柳衰  
眠不起六宮人老色俱空明年此際知誰

南唐書

卷一

三

在惆悵煙花洛水東

零落殘粧已失真鉛華何處與傳神連朝  
舊雨逢新雨此日看春不當春綺陌有時  
飛白雪天涯無地覓紅塵不知成毀尋常  
事只恨流光不待人

一自飄零損翠眉芳心寧復早春時無家  
蔡女船中拍失意班姬扇底詩風定滿池  
繁敗絮天晴百丈樓遊絲只愁花盡催人

老為問東皇借一枝

萬樹榮華幾日新  
纔看著態已成塵  
惟餘朱雀橋邊草  
不見玄都觀裏人  
靜夜誰傳羌笛怨  
深宮齊唱渡江春  
向來多少尋芳興  
燕嬾鶯癡大可嗔

野渡春潮舟自橫  
黃鸝不語燕飛輕  
因知寂寞空中色  
却似悠悠世上名  
此日妬風還妬雨  
向來傾國復傾城  
幽閨兒女多情奈

南中稿上

三十八

李

思纔說看花淚已盈

細雨斜風釀晚晴  
白蘋綠芷一齊生  
試看重碧連天遠  
且覓殘紅遶樹行  
別院簾櫳迎社燕  
上林羅綺轉春鶯  
顛狂莫被花相惱  
曠有葵榴照眼明

東風一夜撼千門  
綠樹陰濃非故園  
盡舫半閒桃葉渡  
酒旗齊卸杏花村  
青原不盡虞姬恨  
紅淚偏驚望帝魂  
好謝苑中諸女

伴明年為揭最高旂

由來好事每忽忽  
何況穠華本自空  
繫日已無千丈線  
過時誰恨五更風  
一場春夢隨流水  
萬點愁心付落紅  
安得年年三月閨  
重教沉醉百花中

空堦夜雨伴啼痕  
知道朝來幾樹存  
盡燭高燒愁伏枕  
薄羅初試怯憑軒  
因辭翠袖方知恨  
倘墮文茵亦是恩  
却似明妃悲出塞

南中稿上

三十九

塞珮環聲斷月中魂

飛來飛去洛陽城  
總是春閨嘆息聲  
一入園林人欲老  
詎須桑海事堪驚  
紅顏不辨千年計  
明月寧堪幾日盈  
富貴危機亦若此  
到頭何物定輸贏

十分景色不堪誇  
何況開時不在家  
有約難留風裏絮  
無媒偏送鬢邊華  
杜鵑啼盡春將老  
海燕飛時日正斜  
嫩綠池塘明日



是夜深擁被聽鳴蛙

尋花問柳憶追陪却恨青鞋去不迴映水  
自矜蝶共戀沾泥誰遣燕相催長洲日暮  
風偏急永巷春殘月自来更有幽人情趣  
別萬竿脩竹對啣杯

天香國色一身全許嫁東風六風緣日煖  
蘼蕪隨意長春歸楊柳伴愁眠幾隨明月  
期三五一出深宮恨萬千辜負紅顏無可

南中稿上

甲

道夜來懶上載花船

一歲難逢四季春翻雲覆雨好誰嗔花陰  
不管啼山鳥柳絮偏傷渡水人惜別吳姬  
頻勸酒憶歸蜀魄幾沾巾憑君再結來年  
約珍重香車與繡裯

尋春曾上望春臺李徑桃蹊六快哉轉眼  
韶光三月暮驚心風雨五更催黃金大藥  
何由得白日游絲幾度來惆悵往時行樂

處村原門巷遍青苔

江頭獨樹尚含榮蝶使蜂媒幾度爭穉澤  
重来何處賞陽城一笑可能傾非關中酒  
先憔悴不為耽詩已瘦生莫道騷人情思  
苦水流花謝自關情

閉門無柰寸心悵及至看花恨轉添偷眼  
蜻蜓空掠水近人蛺蝶故窺蘼蕪前春色  
真堪惜林下香風亦自恬且共清尊消永

南中稿上

甲

夜輕紅重碧幾迴拈

樓外聲：叫子規落時恰似未開時益郊  
得意來何暮杜牧尋春去較遲芍藥半依  
紅砌長荼蘼早對綠蘿垂隔牆蛺蝶多  
過偷得芳心付阿誰

向夜深心付盡闌當空愁見月圓：春歸  
江上花零落人去天涯路渺漫蓮浦蕩舟  
期後會香街走馬憶前歡那堪明日東風

盡一夜燒燈睡不安

花開花落總成空  
底事年年懊惱同  
不道佳人多薄命  
何關喬木易高風  
一群嬌鳥藏深碧  
數點寒鴉傍晚紅  
安得勾芒長布令  
羅幃繡幕坐當中

揮戈無計挽天邊  
把酒寧須到水前  
金谷滿園俱是恨  
武陵何處不堪憐  
難將絃管酬佳節  
且與蜉蝣論大年  
爭似鬢絲禪榻

南中稿上

四十一

全元

畔四時長結靜中緣

已祝東風且莫吹  
忽經新雨竟無遺  
登樓不見青絲騎  
對酒空歌白苧辭  
歛袂推窓人去後  
挑燈不語夜深時  
和詩三十愁難盡  
百感傷心只自知

遊桃花塢四首

江郊疑入武陵春  
欲向漁郎一問津  
流水不知遊子意  
汎花只傍帝京塵

十里平隄萬樹紅  
依稀猶似洛城東  
玉顏不及桃花色  
歲歲含情笑晚風

最是江南二月春  
六街何處不紅塵  
無端風起花如雨  
愁殺玄都觀裏人

故園風物近如何  
尚憶三春樂事多  
不介千林渾似錦  
年々只在客中過

椿萱三壽圖三首

掛冠神武鬢初斑  
更向雲間煉大還  
欲識

南中稿上

四十二

仙家真歲月  
滄波萬頃峙三山

玉樹深棲雙鳳凰  
和鳴應律日鐙鐙  
何人錯比英皇事  
百歲于今未是長

仙郎畫省羨含香  
文雅風流自鄭莊  
最喜晝遊娛彩日  
一齊三獻紫霞觴

送何水部奏績之京

嬌歌急管促行杯  
南國詩名水部才  
署裏梅花仙吏去  
江頭楊葉錦帆開  
趨朝北闕



晴雲滿挂笏西山爽氣來見說上林春更好相如詞賦可能裁

吳明卿東遊泊舟江上同歐楨伯李惟

寅方子及携具訪之得過字

西來一棹下滄波共識關門紫氣過七子才名吳質少六朝詞客秣陵多江雲入暮依尊酒浦樹含春起嘯歌剩有平原十日興五湖煙月柰君何

南中稿上

四十四

同魏大過道甫贈之

念爾南遷後江猿助苦吟一春嘗獨卧二仲日相尋久座庭花落長談夕照侵陸沉無可嘆劍氣比雄心

道甫得家報云有回祿之警

爾宅今餘幾焚如亦可傷無家依帝里有淚傍他鄉鴻鵠歸方晚鰥鵠計未藏廬天地在起舞向蒼蒼

重遊桃花塢四首

自識桃源路年々載酒來風流常不減物候任相催小徑紅香入深林紫霧迴勝遊誰忍負百遍進餘杯

麗日千林曉明霞萬樹新出郊迷晉苑隔水問秦人鳥喚曾遊客花濃再渡津羈棲常過此何異故園春

江湖渾汗漫避俗鳳城南魚鳥閒相就林

南中稿上

四十五

泉懶自諳風憐三月浪雨愛百花潭彷彿習池勝山公幾度酣

暝色下新林歸途煙霧深竹枝留晚興桃葉繫春心後夜懷金谷前期付玉琴自今仙路近乞假日追尋

送姜戶部之京

司馬交遊少嗣宗禮法殊世多疑傲吏吾自愛潛夫別酒都門道懷人明月珠漢庭

楊意在無事嘆窮途

送頌道行副憲山東六首

不謂棲遲久知音日以稀江花明祖道春  
草上征衣零雨傷孫楚微霜憶李頌贈言  
多苦調始覺素心違

江左多才子稱詩總讓君五言齊吏部諸  
體鮑參軍落日秦淮水長天岱嶽雲自傷  
絕調遠不但泣離群

南中稿

四十六

竹林誰把臂客舍爾連牆易失論文友難  
投照夜光片帆辭水國千騎下東方他日  
懷梁甫逍遙倚報章

預想宣猷處高城撫上游談天來白馬負  
海見青丘鄒魯三千士齊秦十二州大風  
應未減好向古人求

藉甚東吳彥還家意氣殊揚舲開震澤畫  
錦上姑蘇北里新歡館南隣舊酒徒三齊

人吏待慎莫戀尊鱸

十年君始調而我尚三年生離元自苦同  
病况相憐水驛千條桺江津萬里船招尋  
應有夢好記白門煙

送汪主客歸大鄆里二首

為郎已十載不改尚玄心復向新安去江  
天雪正深黃山堪發興白社足知音坐惜  
同人遠相思楓樹林

南中稿

四十七

昭代際休明衣冠集舊京誰其持雅道爾  
復事王程雨雪悲遊子鶯花念友生後期  
知遂否各自愛榮名

署中桂花獨早三首

愛此幽香負先秋花事饒主人行復隱桂  
樹莫須招

冬榮特見賞爾性故宜寒冷署原無暑無  
妨逼夏看



南州爾獨先寒暑添清韻何異海棠香  
欲換佳郡

江上送內弟

楊柳垂絲黃鳥呼春江送別眼堪枯故鄉  
親友如相問萬水千山一病夫

贈蜀郭隱君有子為儀部郎

彩羽知丹穴方流記玉淵巴江環白帝汶  
頽界青天井絡遙經緯賓渝近接連風煙

六言稿上

一

口上

開爨道花柳帶秦川摘藻相如賦探奇楊  
子玄典刑人共仰耆舊俗相傳靜者心多  
逸幽人興獨偏遺榮山澗曲避世海雲邊  
隱几松風爽垂綸藻荇懸窓含千頽雪鹿  
鎖一林煙白社人長往青城鶴共旋五溪  
遊目外三峽掛帆前歲月郊居詠乾坤秋  
水篇竟迴俗士駕誰識孝廉船芝醴非無  
種衣冠不乏賢虬龍甘獲落鵬鳳竟騰鶩

視草星辰近含香粉署妍橋邊看駟馬林  
外引雙旃紫詰鸞迴紉青林錦作川扶搖  
鵬九萬赫奕劍三千我讀先賢傳君家祖  
德延西臺桓氏貴東海暴公鮮持斧威名  
重乘驄意氣宣一經傳相業萬石陋中涓  
未許公慚長真成蕙繼荃代興猶未已太  
史華如椽

六言稿上

一

口上

南都葉下

河北李化龍于田著

為李道甫題張平山秋江獨釣圖

弘治以前稱盡手南有吳偉北張路近來  
無復真平山往々贗跡爭流布君從何處  
得此圖生氣爽々饒天趣長江萬里天相  
通遠山疊嶂與爭雄草木黃落山如赭孤  
亭一樹疑丹楓江中老人意態殊高髻當

頭鬢髮枯獨坐小艇波浪間天風獵々吹

其鬚直釣直落江之底寧知意在得魚無  
得非嚴光輩或是王弘流伸足不識天子  
腹垂綸常在三石頭丈夫風致合如此採  
山釣水堪忘死玉璫誰付鼓刀人巢父所  
以洗其耳張也真畫師李亦得盡肯近時  
江南人但重文太史剩水殘山亦自精雕  
績無乃乏神理君但寶此圖吾當與爾俱

窮愁泥人誰能那明日抽簪沉五湖喚取  
畫師急添二子扁舟裡為狂為愚二任傍  
人呼

再送顧道行八首

春草萋々春鳥呼春江送別客心孤楊花  
不作飄零色直伴仙郎下五湖  
留省棲遲同舍郎青袍白馬日相將無情  
最是江頭水一夕牽愁萬里長

君向三齊我滯吳同心不必怨殊塗鮑山

山下還重訪可有當時管大夫

打鼓發船水亦香賢聲何處不輝光男兒

會作千年業況是塞帷鄒魯鄉

雲中泰岱暇中看第一人登第一山莫向

吳門問白馬鄉思易入使君顏

北海曾傳歷下亭千年重見李滄溟君為

二李脩遺廟詞客于今尚有靈



一自蕭韶叶鳳凰大風東海尚泱泱吳中  
季子今仍至聽樂應知六代良

江南文士六朝遺送客爭歌白苧詞君自  
泰山梁甫在殷勤為唱四愁詩

贈宋徽侯之京二首

五原賓從曉相看羨爾曾登上將壇暫解  
犀符辭白下獨携龍劍向長安樓船畫戟  
晴雲色甲第宵分禁漏寒倘值南征重佩

印能無小隊駐江干

列侯冠蓋總紛紛儒雅風流會有君客散  
縱然門似水賦成還擬氣凌雲胡牀舊識  
南樓月甲帳新開左傳文見說北平多虜  
騎可能久卧故將軍

送于前渚侍御北上

旌旄萬里入長安嶺樹千盤阻笑歡北斗  
天低星是法西臺日近易為冠紅雲不隔

重瞳問白簡常飛五月寒國是即今猶未  
定遲君風采衆人看

送王督學請告歸里

河橋柳色上征衣迴馭王陽計豈非高卧  
不妨藏鳳彩清時誰復問漁磯關門紫氣  
晴相引嶽頂青蓮晚共依抗疏傳經名尚  
在未應長掩故園扉

羅浮歸客篇送歐賴伯南還

一葉下金陵千林暑氣歇出門欲送君立  
馬不能發鳳凰臺前江水流莫愁湖上繫  
蘭舟吳宮晉苑俱牢落與爾同當萬古愁  
古人不見今人存今人還向古人論眼看  
荊棘纏黃土誰復簪裾耀白門自古河清  
真難俟富貴何為在適志彭澤原為避俗  
翁達夫不是風塵吏一榻清風萬卷書食  
中有魚出有車高卧可以傲天子問君何

物勝吾廬句曲山下羅浮路可惜故人從此去故人一去不復返千山萬水唯烟霧莫向東陵羨故侯明年我亦掛冠游若見中原來紫氣便從關外覓青牛

贈徐茂吳

久卧元龍百尺樓偶然下榻對南州莊生已負沉冥志若士能期汗漫遊楚澤雲連千嶂雨吳宮木落一天秋明朝欲逐輕舸

去煙水茫茫未可求

楊妃打獵圖

長安城中胡鵲嘯長安宮中妃子笑洗兒纔罷賜金錢三郎走馬巡長徼嬌質脩容倍可憐牽來紫駝錦鞍韉當階上馬嬌無力控馬兒郎美且鬢南苑朝來大合圍玉靶雕弓並轡飛金丸忽向雲中去落得雙鴻帶笑歸君王騎射應無比況對明

皓齒射雉還同賈大夫非熊不數周天子獵罷仰天歌鳴、漢家成帝何為乎飛燕幾曾離豹尾空將羽獵大誇胡胡越一家詎有極眼前豈料成敵國鼙鼓一聲塵滿天婉轉娥眉留不得誰畫此圖意甚長為戒禽荒與色荒憑君更覓羲之筆再寫相如獵諫章

水調歌頭中秋夜飲和東坡韻

莫惜金尊滿皓月正當天為問月中仙子竊藥自何年天上五雲宮闕海外三山樓閣清露九秋寒跨鶴閒來往幾許勝人間○倚危樓橫玉笛莫歸眠從來世界缺限難共月同圓六代繁華富貴千古英雄豪傑到了竟誰全一笑浮雲外舉手謝婵娟

送唐仁卿之京

三署誰知己如君復遠行春江人倚棹岐



路客沾纓候吏憐  
孫楚君王問賈生  
夕虛清切地未許計歸程

至日齋居夜坐

霜天盡角動高城  
有客端居對月明  
江上形容雙鬢短  
天涯歲序一陽生  
紅梅忽送三山色  
白鴈仍傳萬里聲  
不是愁長同弱線  
異鄉佳節自關情

送李對庭入賀還過成都故里

南中稿下

七

我為北客淹南紀  
君是南人故北征  
海內弟兄誰在眼  
天涯去住總關情  
燕雲晴護千官列  
蜀道春看駟馬行  
逢有壯遊成萬里  
能無彩筆賦三京

送譚侍御子誠赴謫過長沙故里

秋老關河白日陰  
孤臣去國若為心  
一鳴仗馬辭丹陛  
九尾城狐自古今  
宣室有時終賜問  
湘江無恙且行吟  
杞人多少憂天

淚悵望扁舟更不禁

送范介孺之京先過沔上里

談俠推驚座窮經  
妙斷輪高才甘漢落薄  
官走風塵劍劃長江水  
琴操故園春三都  
聞已賦莫不獻楓宸

義夫吟為程公作

東飛伯勞西飛燕  
天長地久寧相見  
莫開金屋選蛾眉  
丈夫有心人不知  
不見屈原

南中稿下

八

沉伯奇死世間誰最苦  
逐臣與棄子滿堂  
花燭樂喧闐四野冰霜寒齒  
所以義夫心在彼  
不在此吁嗟乎青天萬仞挿峨嵋  
義夫之義亦相似

謝公墩

秋草吳王殿西風白下門  
淒涼千古事只有謝公墩

喜家兄至答魏懋忠見貽之作

拙官交遊少他鄉信使遲  
三秋悲落葉千里聚連枝  
喜劇衣裳倒歡餘涕泗垂  
同人莫見問或恐動相思

追送方戶曹

經時不相見聞已去江東  
耐可隨漁父誰能買畫工  
天寒桐柏水木落潁陽風  
莫遂成長往休聲滿漢宮

蘭亭圖

南中稿下

水綠山青春畫長群賢雅意在流觴  
江南處堪遊賞何必驅車向洛陽

長千古意

三山依觀潮六代盛衣冠風流擅江左  
花月滿長干長干花月劇堪憐紫綺輝煌映  
日鮮戚里歌鐘懸地底侯家舞袖起天邊  
千金蹀躞龍為馬百寶雕鏤玉作鞭代薪  
費蠟寧論桂買埒鋪金不計錢高架玉樓

巢翡翠別開金屋貯嬋娟玉樓金屋連天  
起礙日排雲三十里藻井光依玳瑁梁盡  
欄晴護瓊瑤地五夜銅龍銀箭催枕上佳  
人夢不迴願為共理枯猶抱誓作連環碎  
始開共理連環情不竭更覓幽期幽闕  
望海朝乘溪殿雲吹簫夜逐秦臺月漢殿  
秦臺去不還暫將歌舞度芳年花前習蝶  
移金粉帳底燒香弄紫煙別有妖童自玉

南中稿下

十

人迎風一笑九秋春春郊柳眼青偏嬌秋  
月蓮心苦更真春去秋來樂未已雅心却  
逐侯遊子魚裏藏刀封豕摧江中舉劍長  
蛟死一擲千金不足論竭來袷服過倡門  
弱絮千條縈柳陌嬌鶯百轉喚桃根就中  
樂事少人知開筵先唱長相思流蘇帳底  
春宵短孔雀屏前畫漏遲此際寧辭千日  
醉此時寧負百年期却言豪舉亦尋常時



來輒化為侯王海上樓船凌曉日門前榮  
戟耀秋霜曉日秋霜那在眼江水東流去  
不返祇言百歲競繁華豈意一朝時勢轉  
青草池塘靡靡游白門臺榭松榛滿石子  
岡前高坐人蕭然一榻四無塵閉門不管  
花開落綠竹青苔幾度新

送魏孝廉還

秋風忽遣白雲移遠客鄉心入夢思歸去

南齊書

卷

上

斑衣違子舍到來庭樹秀孫枝江天浪破  
翔鴻影海國春生泛蟻卮會見奚囊佳句  
滿靈光一賦未為奇

得鄭思成山東書却寄二首

滿目秋風送雁群吳江楓葉落紛紛憑高  
一望空翹首直北長天起暮雲  
雙鯉遙將尺素書故人心迹近何如十年  
只似潘懷縣欲賦閑居恨有餘

送李子明之京二首

不堪飄泊感偏到別離顏薊北天俱遠江  
東客暫還風霜疎草木鴻鴈落關山滿眼  
思鄉淚沾君衣袖斑

故里皇居近茲遊忽不違趨朝瞻象闕  
退食掩園扉產似釋之減人同商也肥江  
鄉春色好莫遂問初衣

挽趙參藩二首

南齊書

卷

上

汗漫無勞賦大椿因君翻惜幻中身青山  
自返騷人骨長夜誰迴萬古春路入延津  
龍化劍月明華表鶴歸神江雲渭樹三千  
里誰是山陽笛裏人

垂老孤槎萬里還江鴻海鶴共悠然誰知  
驛返邯鄲日便是身騎箕尾年關去青牛  
沉紫氣樓成白玉泣蒼天獨憐家學諸郎  
在似不似童烏但守玄

如蘭閣聯句

長干萍聚日同是旅遊人

張獻翼

湖海君仍

在風流我更親

魏允貞

三山低晚照斗酒共

佳賓

李三才

意氣看蘭蕙襟期洽隱淪

李化龍

淹留庭款暝談笑坐添春

獻翼

臥失元龍傲

交如公瑾醇

九貞

心並遠萬里德為隣

化龍

冠蓋知名舊文章結社新

才

星光厭華

省霜色動青蘋

獻翼

楓陛終思漢桃源豈避

南中稿下

東

主

秦九貞

淒涼懷故國

酩酊任天真

才

明發愁

迴首緇衣又化塵

化龍

江上送家兄

送客臨江渚

江水流湯

雨

雪何飄蕭北

風淒以涼

羈心易為感

遠望自多傷

我留

淹旅食君歸

奉高堂

高堂生素髮

沉痛切

中腸欲進一杯酒

傾淚忽盈觴

仰視林間

鳥分飛各異行

風急寒沙起

脊原萬里長

樓遲狗薄祿羞稱志四方久官減君產吾

欲還南岡願言理敝廬養拙晚相將

徐園送徐茂吳東歸得重字

秦淮東下海雲封送客離筵恨幾重我自

經年淹省署君今何處采芙蓉蘭橈桂楫

前村雨漁火楓橋後夜鐘見說故園三徑

在儻容求仲一相從

俞公臨卜居陽羨贈之

南中稿下

東

高

卜築新來好金鷺洞口邊松杉盤石徑鷄

犬隔人煙錦里行將老龐公隱不還問津

知有處早晚覓漁船

除夕

夜色千門漏漸沉青燈濁酒自高吟窮愁

不共年華盡拙宦空驚鬢髮侵細柳迎風

應嫋寒梅帶閣故陰明朝怕見王孫

草鄉路萋迷何處尋



元日

曉日曛曛引瑞烟每逢佳節轉悽然天涯  
遊子仍千里江上孤臣又一年是處椒花  
傳舊俗誰家梅蕊弄新妍故園物色應相  
待擬共春鴻取次還

王小岡生孫

最喜先朝大司馬孫枝四世更森然因知  
將相非無種會見衣冠不乏賢合浦暉

南中稿下

卷八

十五

珠吐月藍田詩：玉生烟年來懷抱經春  
好擬上君家玳瑁筵

同方子及比部邀吳明卿大參歐楨伯

水部並陸無從諸山人遊天界寺

寶塔凌初地珠宮遶化城林深仙梵徹室  
迴慧燈明花落三天雨潮迴萬籟笙小山  
俱舊侶白社復新盟趺坐諸塵寂長歌百  
慮輕參禪諳正果問法得無生飽對青精

飯齋分碧澗羹靜依龍藏宿閒傍虎溪行  
灑落丘中賞棲遲方外情勝因從此結長  
願謝逢迎

壽何年伯

浮名不換芰荷衣蚤向風塵悟息機家有  
青氈容翫麟子成朱鳳會翻飛天空七澤  
雲方遠春滿三湘草正肥欲頌南山歌未  
就郢中白雪和原稀

南中稿下

卷八

十六

壽王母

急管繁絃簇畫堂未須弱水羨瑤觴北山  
節使新將母南國名家舊姓王階下斑衣  
花作隊天邊綸誥錦成行却慚五載棲遲  
客空指浮雲道故鄉

壽周年伯

吳門煙樹稱心期大隱由來在盛時峴上  
龐翁仍令子商山角里復齊眉五湖月泛

尋仙棹三徑雲籠上壽卮樂事君家那得  
似長江無盡六無虧

人日

厭見天涯歲序新誰能薄祿老風塵三年  
浪跡方憐我七日迎陽又到人雪久江湖  
餘黯澹春寒梅柳失精神鳳凰臺上休回  
首鴈後歸期未有因

人日雪

南中稿下

十七

人日陰晴紀歲華况逢飛雪倍堪嗟浮雲  
變態真難料世路崎嶇未有涯凍冷關河  
鶯不到迷漫浦樹雁無家匣琴佩劍寧須  
問起傍官梅望曉霞

贈李年伯

丈人家世傍商巖老入京華更不凡談俠  
總羞稱季布生兒但喜類陳咸春風門巷  
從荆杞夜月江湖信布帆為問當途車馬

客幾人端不負青衫

壽魏年伯

行藏莫問呂虔刀白髮滄江照錦袍陶令  
五男無絃筆蔣生三徑有蓬蒿時披玉籙  
寧辭倦歲近金章返告勞人世丹丘真不  
遠三山浪說海雲高

和唐人人日譙大明宮賜綵樓人勝應

制

南中稿下

十六

平樓飛閣俯遙津翠輦紅旗及早春七葉  
仙萸通御氣千行弱柳拂清塵綵綵映日  
新添樓花勝裁雲巧象人便祝皇情同泰  
道年々歲々樂芳辰

得傳生書却寄並致意社中諸子四首

蓬鬢三春曉魚書萬里情誰能憐鮑叔爾  
自足康成旅雁東南下浮雲西北征何時  
重握手尊酒話平生



薄劣分符地三花二室間無能稱保障幸  
不負雲山生事關河遠勲名歲月閒風塵  
浪回首慙媿鬢毛斑

五載烏衣巷千秋白下亭感時聊翫觥懷  
舊恨飄零日落中原紫天迴大海青形踪  
勞見問寂寞守玄經

尚憶棠陰外諸生擁絳紗遺經慙伏勝奇  
字得侯芭北海搏雲翼南溟上漢槎狂夫

南中稿下

十九

時失喜憑酒向天涯

挽洛下李年伯

尚憶相看貌似童別來消息有無中豈隨  
越客遊天姥定向蓬山拜木公洛下煙雲  
誰杖履伊川草樹幾秋風生芻欲束關河  
遠惆悵滄江日夜東

元夕招魏樵忠李道甫小飲如蘭閣鄒

爾瞻適至因同集

澤國江山幾度新上元燈火一相親風前  
謾憶華陽漏月底聊開若下春五夜銀花  
迴朔氣千門河漢轉游塵即看列宿光南  
極好倚高樓望北辰

十七夜省中諸君子讌集

銀燭金盃擁絳紗上元佳興未全賒月華  
尚散千門彩火樹猶開九陌花雲裏歌聲  
傳子夜尊前妙舞屬盧家與君會盡今宵

南中稿下

二十

醉明日風塵未有涯

送唐仁卿歸省

春風解綬及朱纓南去仙舟不可攀總為  
天涯憐白髮遂從海上領青山人過大庾  
花爭發路入羅浮鳥共還我亦有親歸未  
得臨歧空羨舞衣斑

魏大見示近作且云郎君有書來言定

中取負者盈門且於宦遊避之無遽

歸也為之一笑依韻和之

郎君書到緣何事應念若翁天一涯校尉  
有厨聊縱酒東陵無地莫言瓜浮生多累  
惟婚嫁在事堪愁自鬢華我亦欲歸未  
得淹留不獨苦思家

枯魚過河泣

枯魚過河泣失水嗟何及為戒勸與鯉勿  
復隨水出

南唐書

主

楊白花

楊白花飛去落誰家朱樓繡戶空相待將  
絲芳草遍天涯誰遣春風不暫息歌罷新  
詞相向泣

游靈谷寺

松門蘿徑曉陰、龍象經行尚可尋僧去  
名山閒白社客來福地遍黃金谷中響悟  
真空性石上泉明不住心莫謂此中常闕

寂繁華六代幾銷沈

過孫夢旭兵部飲得東字

中州憶共風塵吏爾入吳門我亦東白水  
一江猶似洛青山四面總如嵩焚魚酌醴  
情偏洽刻羽流商調轉工同病相憐真足  
老天涯寧復怨途窮

古行路難十首

尊有程鄉若下之美酒帳有南威西施之

南唐書

主

明粧堂有陽阿激楚之妙舞爐有都梁艾  
蕪之清香人生快意何慮一日須盡三  
百觴不見王侯將相身亡後千乘萬騎榮  
北却送者歸家親者去墓前松柏纏風霜  
有酒豈能入泉路有花何肯發枯楊我欲  
蹈東海上蓬山騎鶴仙人去不還山長海  
澗知何處對酒且歌行路難  
崑山簪中一片玉精光萬丈天相屬琢為



寶玦奪兕工面、連環斷復續獻君聊用  
表同心豈料非君心所欲投淵抵鵲猶自  
可泣血未盡剛吾足世間萬事誰能定與  
腐神奇遞相勝西施負薪嫫母抱百口自  
明誰爾聽有色豈必住金屋有才豈必食  
天祿孔聖不王麒麟死何況我輩區、爾  
拔劍出門去絕塞遠從征轉關三千里殺  
人無留行上簿一不應文吏坐持衡幕府

南中稿下

二十三

已置對功大誰為明英雄豪傑豈有常時  
命不偶空昂藏李廣不侯馮唐老用文用  
武自君王歸來杜門長嘆息漸、秋風吹  
四壁

我從峽口來君從峽口去江海浩無涯險  
處偏相遇人生落、豈有爭無奈彼此兩  
相形鵲鵲豈復愛腐鼠一犬吠形百吠聲  
有矢莫上絃有蘭莫當門南山之南北山

此食霞飲水可長存

裁布為射的置在百步外萬人競為射誰  
復相憐愛處世何用示人難往、無心成  
禍端直木見伐鳴雁死臃腫卷曲長得安  
古人只道伯夷賢不遇孔丘亦徒然江上  
丈人江邊女捐生排難誰為傳明日抽身  
去解印付督郵高車與四馬棄之如雲浮  
上堂拜父母入室擁衾裯啜菽飲水吾將

南中稿下

二十四

老千秋萬歲誰能謀

君不見鳳凰臺前人已去後人來又不見  
長千里昔時樓榭今荆杞白雲蒼狗只須  
更世間反覆何所無衛青未遇平陽奴衛  
青既貴平陽夫萬事無如眼前好守株待  
兔胡為乎莫笑老兵不識丁讀書萬卷何  
足憑君不見洛陽雪凍儒生死開門四壁  
羅書史

墮地稱男子便是東西南北人二十辭家  
觀上國一日聲名四海新爾時意氣無千  
古便謂高閣畫麒麟十年一官不得調二  
毛種、坐沉淪明時何敢稱拙宦自是歎  
岑厯落人解事無如妻與女謂君但索長  
安米丈夫豈肯腐草同欲飛無翼聊復爾  
君不見劉向一官三十年楊雄默、守吾  
玄生平不學干時策嘆老嗟卑空爾然

南中稿下

十五

結髮為君婦君為紅顏我少年流蘇錦帳  
鴛鴦枕恣歡極意相纏綿插天畫海與君  
誓但願生死不相捐而今我亦非衰老君  
心已向新人好為君製衣裳君視如麻縷  
為君羅酒漿君棄如泥土大山可摧海可  
枯君心何時改其圖新人織縑故織素將  
縑比素不如故妾非覆水猶可收只恐君  
心不自由

登城一眺望滿目草離、迷漫瓦礫荊棘  
裏云是六朝臺殿之遺基當其得意日為  
歡恐後時臨春結綺遙相望美人狎客相  
追隨月沉星散樂未了國亡家破同秋草  
景陽荒井隊胭脂寒鴉衰柳離宮道誰能  
吊古不傷悲誰能對景不淚垂吞聲躑躅  
行且去千年萬載知有誰

南中稿下

十六

客從何方來言自故鄉里面貌不可知語  
言依稀是故鄉親友今何如人情不復似  
當初輕裘肥馬諸年少路逢長老不下車  
謂客開口勿復言得時為是勢為尊不見  
山下松山上苗由來地勢非一朝窮途賤  
辱固其理折額稿項向誰驕

子還里

東魏懋忠十四韻時以俸入不給遣妻  
拓落一官改飄蕭百態攻埋輪違漢關襍



被下江東豈勝隨陽鴈虛驕伏下聽二難  
從官達八口自途窮桂玉關留滯庾廖歌  
屢空淒涼慚稚子潦倒笑山翁索飯啼無  
已傭書問未終高吟驛德耀獨往待龐公  
更乏胡威絹誰嫌崔烈銅他鄉孤客淚岐  
路落花風骨肉煙雲隔艱危去住同無家  
別未苦薄祿術難工望眼并州外愁心盡  
鷓鴣中解脫仍壯士長嘯送歸鴻

南中稿下

二十七

公無渡河寄周元孚

公無渡河、溪豈有極流沫三千里百怪  
所出入陽侯鼓洪濤寧見天與日爾舟信  
堅爾楫誠良風波四起亦難當公無渡河  
公竟渡之以身試險體髮離披我欲訴天  
公銀漢無津誰與通我欲讓河伯魚龍塞  
路誰為白公乎公乎竟不還笙篴再鼓涕  
瀾潛

送劉給事兵備臨鞏

共憐新命下明光遣鎮秦關萬里長自是  
西軍須范老豈同內史卧淮陽蒲萄夜泛  
羌人醉首霜秋高宛馬強定遠功成金印  
在壯猷及早繫名王

孫夢旭以詩投贈依韻謝之

江天漠、雨濛、風景依稀洛水東乍觀  
雙珠來合浦還如聯步躡高嵩前薪寂寞

南中稿下

二十八

彈冠嬾末路蕭條伏枕工一咏一觴君共  
我十年不調未為窮

寒食

節候催貧病風光似去年冥、寒食而漠  
漠禁城煙閉戶儲書帙傾囊數俸錢生平  
不得意安用介推田

送郭侍御之山西僉憲

前年明月九秋開君騎驄馬入南臺今歲

春花縈柳絮君持繡斧山西去丈夫仕官  
少輝光到處看君滿路霜兩地壯遊渾不  
減濯足長江上太行君家舊住古邯鄲過  
日兒童夾道歡錦衣白日歸鄉里豈似盧  
生夢裏看渭樹江雲千萬里相思望無  
窮已倘因花月憶江南為附飛鴻書一紙  
夜出鳳臺門尋牛首寺

南中稿下

卷

十九

少無逢世資雅意睇林泉世網誤相纓  
纓已十年譬彼禽與鹿纓珞偶糾纏豐草  
長林思寤寐豈相捐幸茲素心人三五各  
時賢偶然幽抱合命駕無留連中宵出郊  
坰僕夫忻周旋清露滴瀼瀼暗泉流涓涓  
境靜心俱寂山深意更便漸看群星沒梵  
宇白雲邊日出萬象開金碧暉以妍行  
指上方拜首至尊前慈航倘相接披緇此  
安禪

曉登牛首遊弘覺寺

中宵尋古寺際曉始登臨日上千林采風  
生萬壑陰虛堂懸塔影遠岫落潮音不到  
人天外誰知出世心

牛首

龍宮驚嶺帝城邊躡蹠攀蘿路幾旋望裏  
三珠明下界坐中雙闕近諸天慈雲不斷  
千年洞法雨常飛百丈泉一自高僧諳正

南中稿下

卷

二十

果至今誰是大乘禪

白雲梯

青山在其下白雲在其上雲深難久留一  
下一惆悵

芙蓉閣

萬木響山風如是潮音落高覽四天空人  
在芙蓉閣

文殊洞



隱窟嵌懸崖此中含群動貪佛坐忘歸  
明月來相弄

辟支洞

層巖入青冥中有光明窟  
整入不敢留空翠侵人骨

留雲亭

人來白雲迎人去白雲送  
來去成古今閑盡白雲洞

虎跑泉

三十一

一泓菩提水清冷浸雙樹  
夜靜少行人山僧歸騎席

獻花巖

洞壑雲霄外虛堂圖畫間  
僧歸花不發落照滿空山

塔影

倒垂千尺塔空中呈幻境  
半天響鈴鐸應

知形問影

魏俞陳三省僚遊清涼寺山以事不預  
遙想登高處清吟屬大夫山邊千木合江  
上一帆孤古寺傷前代遺宮問霸圖無由  
陪勝賞搔首坐躊躇

送唐仁卿謫判海州四首

岐路誰能辨宜君知者希風波千里失江  
海一帆歸白簡容疎放青編有是非由來

珠樹鶴

三十二

珠樹鶴偏背帝城飛

空濶驂騑步崎嶇  
帝鄉關一鳴猶未斥九折自應還  
花落江頭雨春歸海上山不須  
占紫氣玄草在人間

大壑雲霾日高天  
晝起雷不因成獨往那得犯群猜  
謹議排鸞掖長歌下鳳臺聖朝  
溪雨露未許賦歸來

半生曾學道中路失明時  
抗疏能無罪移

官合有私江門新柳暗海國暮雲遲努力  
紅顏在前期未可知

送屠冲陽考績之京

不作鍾情別君行是壯遊薰風吹祖帳明  
月送仙舟日上雙龍關人依五鳳樓選曹  
虛舊席空望大刀頭

送松坡畢公轉大司徒北上

寵渥三朝屬上賢樓船長夏坐江天星辰

南中稿下

六

三十三

程

最近尚書履山海全歸大府權九塞煙塵  
還處萬方水旱自年一老臣合有匡時  
策好上幽風七月篇

山居十二詠有小序

伏承 大冢宰畢公以山居十二景  
圖見示蓋曩謝政家居時所為結社  
行遊之勝事云月不廢遊、不擇地  
乃其曠懷 帝開陶化里俗開舒雅

抱堅持晚節種、可想見焉不揣淺  
陋輒咏短章非敢曰紀公勝遊聊藉  
以寄余仰止云爾

萬春嵩呼

紫殿三朝隔丹衷五夜新江湖常戀主草  
莽亦為臣環珮依南極風雲護北辰却憐  
黃髮老踪跡類封人

長林社論

南中稿下

八

三十四

得道唐桑楚宣風陳太丘身仍居異壘化  
已漸中州耕鑿千家聚絃歌萬戶稠君看  
瞿圖射稍用即東周

崇明歸詠

曲水開新晏蘭亭續舊遊江山欣對酒花  
鳥愛登樓着屐村、好尋僧處、幽醉歸  
歌古調佳興滿滄洲  
陵陽獻穗



生事年々好平疇  
繞舊廬輕花風外落錦  
浪日邊舒負郭居堪老  
為農計未踈豈無鐘鼎  
食雅意不關渠

蒲沼添籌

命代惟申甫何妨五日生  
尊開蒲九節林秀芝三  
英海上籌連屋人間花  
滿城絲絲無用續夜々  
德星明

金城避暑

南中稿下

三十五

三十五

碧沼環珠閣開窓四面涼  
飲還疑河朔人果到羲  
皇地僻名堪避時清卧  
不妨蒼生望霖雨巖壑  
可終藏

舒溪汎槎

帶郭清溪勝乘流日幾迴  
人疑天上坐棹自鏡中  
開野老醒仍醉翔鷗去  
復來虛舟隨所適莫問  
濟川才

秋亭飲月

何處秋容好空亭月色清  
乍經纖霧點更作九霄  
明照席金波爽穿林玉  
露輕坐看天路近身世  
已蓬瀛

仙峯陟頂

萬丈躡丹梯秋深嶺樹  
齊浮雲孤嶂外落日大  
荒西菊蕊清堪把萸囊  
醉更携年々人健在百  
遍此攀躋

丹竈回陽

南中稿下

三十五

三十五

雲霧仙人洞溪山處士  
家荆薪煮白石丹竈養  
黃芽歲月風中絮乾坤  
海上槎却疑變理在不  
必問丹砂

雪閣奇觀

窈窕陵陽閣偏宜雪後看  
千峯寒矗々萬玉響珊  
々世外饒清興寰中得  
大觀不須成穩卧瀟洒  
亦素安

松坡晚節

落、長松晚清陰大壑前霜標常捧日黛  
色已參天一自全高節誰堪論大年惟應  
千歲鶴時戲紫霄煙

送鄒爾瞻司封北上二首

喜聞求直道君復返南轅萬死孤臣淚三  
遷聖主恩經年辭禁闥何日到都門過  
虞流民滿國將獻至尊

葵藿寧違日鴻毛已順風帝心憐慙直

南中稿下

三十七

朝議借清通閭闔開周道雲龍集漢宮萬  
方觀砥柱好障百川東

林水亭

莊生自知樂蕭子亦會心豈非人境內而  
無塵慮侵翳然亭榭交竹徑宵深沉曹務  
豈不聞簡寂亦園林澄泓見游魚高樹隱  
鳴禽清風時一來萬籟相和吟觸景無餘  
賞澹懷有知音羲皇去非遙神契方自今

望關亭見鍾山

宏敞天官署睨肱象關間憑高一眺望遙  
遙見鍾山回矚五色雲縹緲故宮閒憶昔  
高皇起伏劍關天關血戰走八戎名都控  
百蠻卜世永蒼姬乘龍遂不還天晴麗宮  
闕月明響珮環依然龍虎地風雲不可攀  
臣甫咏昭陵流涕以潺湲

哭魏懋權一百韻

南中稿下

三十八

江海中奔潰雲雷晝滿盈問天傷灝渺望  
日失崢嶸造物情何甚英雄氣不平撫牀  
顛慄澹返袂涕縱橫痛定疑仍訊情真駭  
始驚九成摧大呂列宿掩長庚怪事誰能  
解窮途爾遽櫻夜臺曾有伴幽關想無晴  
憶昔鍾元氣相傳降嶽精渥洼天馬健合  
浦夜珠瑩灑落千夫俊嵯峨大國楨垂天  
看天矯浴日擬溟泓博古探黃絹攜文擅



赤城萬言工曼倩五字薄陰鏗花發江淹  
筆書來渭水璜身仍一芥隱譽已萬雷轟  
軒奩人中鶴逍遙海上蜻名流心並折朝  
貴蓋先傾道大俗寧舍才高運自亨天衢  
招絕影溟渤徙長鯨日月開三殿雲和奏  
六韻高言低泰華遠韻失鷦鷯賦奏登司  
馬書陳得賈生衆咸推嶽、君但守經、  
羸馬依朝署閒庭藝杜衡官曹秋共寂心

南中稿

三十九

事水同清拙宦疑顏駟剛腸類禰衡風稜  
存傲儻世態少權擎幕府惟稱客王門肯  
作伶危言觸御猶雅意掃撓槍自愛稽中  
散誰疑阮步兵波瀾迴欲倒權橫翦初萌  
意氣千人廢冠簪半菽輕孤踪憑側目群  
吠任同聲神理寧終假天心自可貞虺蛇  
一夜圻松柏九秋榮世仰風雲氣家懸月  
旦評山翁勞啓事王惠擅時名出入無崖

籬門庭絕送迎題才秋後鑑比德菊中莢  
鐘鼎非虛器龜龍自上楨品流稱簡要銓  
管式章程會擬登三事何期夢兩楹當門  
除蒞芷平地走鼯鼯松折千尋嶺霜飛六  
月霽世途一日短天視九秋盲避世無金  
馬修文有玉京鵬來人尚賦鳳去彩空呈  
赤水探何處白鷄識已成國香零九畹庭  
樹萎三荊嘆逝蒼龍關懷人朱雀析鶴原

南中稿下

四

四

悲愛弟鴈影泣難兄四立徒空壁一徑當  
滿簾書囊擎稚子總帳撻孤婢華髮親仍  
健荒煙骨自縈感恩來大鳥行道惻群氓  
存沒交遊恨淒其朝士情中原埋趙璧同  
黨羅齊盟淚盡山陽笛天高子晉笙清琴  
斷流水喬木偃華薨無復扁舟興空懷絮  
酒誠吞聲看絕筆飲泣對來俾爾自違長  
笑人猶享大烹慶殃真塞馬消息總棋枰

尚想當途掖嬾年喜合并著鞭忝上駟  
律讓先鳴白眼時相假清言日再賡情親  
晨共爨意得夜同行飲劇彈長鋏談深擁  
短檠並看珠錯落相示玉琮琤歷落生涯  
晚棲遲歲月更身俱許稷契鳴豈效鶻鷃  
問事常懷繫辭家並請纓上珍仍俟駕蹇  
步遽先征臺起來燕骨石開得楚珩彈冠  
憐若々伐木愛丁々官跡同牛鼎交情擬

南中稿下

四

四

鹿茸江雲淹李白燕市老荆卿遠澗埋幽  
草天庖薦太羹各矜千仞覽誰問五侯精  
宦久心逾壯途遙力並勅尚虞終落々豈  
謂遂榮々昨日書猶在何年願可營哀音  
傳撤瑟苦調已移箏劍化延津水麟傷大  
野耕秦關沉紫氣漢殿冷金莖腸斷燕山  
月心搖易水旌未須論命駕會是罷聽鶯  
有恨成哀郢無緣續報瓊先登今寂々後

死謾錚々涕泗還開篋倉皇罷舉觥已知  
質去郢底用壽如彭黥々終銷骨悠々未  
解醒斯文丁百六吾道墜宗枋酬諾頓看  
劍招魂暫折蔓遠遊成汗湯仙路豈蓬瀛  
厭世神應泰歸真道已宏畏途人自苦王  
樂爾誰爭青草城邊路白楊隴上塋千秋  
不朽在天道豈難明

送沈繼揚之京

南中稿下

四

四

金陵已四載君自在鍾離鍾離歸未久君  
又上京師人生落々似參商兩貴心期各  
自將比隣萬里猶非遠何況相看水一方  
江水秋來清見底聞君為政亦如此莫問  
悠々世上兒大畜不入俗人耳長才合受  
安危計如君豈是錢刀吏驥足服箱未見  
奇龍泉斷甲方知利近聞虜騎薄遼東君  
名曾奏明光宮此行曾取黃金印早晚飛



書附塞鴻

吳念郁給諫見示魏懋權所評拙詩一

帙惻焉有感輒成二絕書以歸之

燕中無復舊相知零落天涯老漸離縱使

他年重入座也應不似和歌時

三尺絲桐委路塵鍾期何處更相親與君

對灑秋風淚同是山陽笛裏人

送李對庭之京

南中稿

人

四十三

送李對庭

萬里西遊駕新從劍閣還秋風吹易水又

入紫宸班日月高三殿雲霄列九關羨君

留省吏歲：奉天顏

送俞選部奏績之京過里觀省令子義

烏君時亦將以述職入都故及之

秦淮烟樹渺依稀去鷁乘秋健若飛江左

風流歸畫錦吳門山色落斑衣三春走馬

朝青帝五夜含香近紫薇更喜雙鳬占令

子石家門戶倍光輝

送范原易守南昌范先為南城令二首

吳楚分雄鎮藩宣急俊人清尊三署月皂

蓋九江春懸榻風流遠徹天寶氣新此邦

知見信舊識范丹貧

聖主中興日高賢出守時誰堪循吏傳爾

自古人期襟帶三江闊襟惟萬戶私滕王

閣尚在暇日一題詩

南中稿

人

四十四

本

送馬君之官塞上

投荒無足嘆太息此今携白日隨天遠浮

雲向客低關山秋度馬風雨夜聞雞莫擬

懷沙賦邊城只暫栖

題商山四皓圖

秦漢之間上武功儒生盡向山中老往々

名姓落人間至今知有商山皓滿地干戈

四不休老人只共水雲遊荒徑無人松桂

晚日：青山對白頭廣武城邊初罷戰十  
道求君：不見耐可消閒一局棋那能更  
識侯王面誰遣山前一騎馳此時翻恨出  
山遲黃鶴一飛橫四海始信留侯智數奇  
自是良工用心苦展卷居然見省宇却恨  
徵書入畫圖坐令此山已無主松風蘿月  
可為群胡然一詔上青雲懸圖莫近鍾山  
麓恐有幽人更勒文

南中稿

四十五

病鶴賦

司封署中故有二鶴翩翩對舞意甚  
得也其一不知何自而折其翼顧影  
徘徊慘焉不樂感而賦之

繫仙禽之受化秉灝澔之金精和八風而  
翔采峙九野以揚聲飲青田之霄露餐紫  
蓋之朝英聆清商而遠唳背瑤水以長征  
舞閭門而羅市翔候氏以揚靈爾其逸氣

凌雲勁翮排霧蹕躡仙山迴旋天路翔鷗  
仰以弗及弋人狡其奚慕胡時命之不常  
兮羈鷹隼而猜之嗟萬仞之遨遊兮遙繒  
繳而來之甘鍛羽以鷄棲兮為苑中之翔  
禽就樊籠之秦養兮戢江海之遐心棲閒  
署以遲迴兮空庭閒其無人聊盤跚而應  
節兮復搨翅以何心步閑階而顧影兮意  
煩惋而不禁充耳目之近玩兮何摧折之  
相尋視燕雀之意得兮復啾啾而見侵信  
失勢在須臾兮洵倬詭其奚云若乃清霜  
夜度白露晨流千山一照萬籟同秋睇遙  
天之清迥時引吭於高丘援南征而弄笛  
繫北望以登樓亦有雲天黯淡風雨淒其  
點鼠夜嘯飢鳥晝啼乍荒涼之滿目倚松  
徑而長悲奇穉寒乎中夜原惜誓乎江湄  
又若玄冥司辰寒威四起積素兩楹同雲



百里念瑤海之茫々叫朔風其不已明妃  
驚紫塞之塵中郎泣單于之壘又或旭日  
始旦流雲四除林風乍起奮翼焉如俯狝  
踪而四顧長絕想於玄都却掃敬通掩衡  
茆而飭恨數竒李廣撫鳴劍而長吁夫小  
大之賦形兮各受性之所宜故鵬鷃之殊  
途兮均逍遙以忘機享爰居以鐘鼓兮羗  
驚悼而低迷况遠韻之卑棲兮誰悵鬱而

雨後

四十一

甘斯望雷門而不見兮想華表以逶迤何  
衛君之難邁兮帳軒車之來遲倘史公之  
可作兮願瀝血而飲之彼皮相若叔子兮  
乍氈毼而見嗤吾不難以脩翎甘寂寞兮  
恒長技之誰知翼天聽之或卑兮願乘風  
而問之亂曰何知本末得勢乃強兮羈龍  
最鳳狝兔披猖兮真腐神奇極乃還常兮  
六翮既脩雲路未央兮一舉千里何不藏

兮天網恢々疇能張兮

場居稿上

河北李化龍于田著

徐解元伯裕自東省見過枉莫先人兼  
視荒隴于其行也妻其不任賦詩送之  
曾向稷丘識魯連相者已是十年前何因  
負笈來千里更復驅車酹九泉風雨綈淹  
孺子榻松楸忽送孝廉船臨岐解贈雙龍  
劍願取精光燭斗邊

易居稿

二

寄題尹中丞桐園四首

美人家在漢江頭面水開軒足勝遊良會  
每飛清夜蓋幽懷常對碧山秋鴨頭波漲  
春浮蟻鶴背風生月滿樓蝶夢未回漁唱  
曉青蘋紅蓼兩悠悠

名園十畝傍昭丘三楚煙雲一望收種竹  
偏宜臨曲水滋蘭最喜近清秋仙靈美瑟  
瀟湘浦醉客揮毫鶚鵠洲讀罷南華清夢

遠遊：何日不天遊

何處登高有大夫北齊南越總雄圖三山  
雲物連東海八月濤聲滿太湖淮浦猶憐  
生桂樹湘潭還愛長蘼蕪蒙莊自足濠梁  
樂其奈蒼生望未蘇

青袍綠鬢憶當時並馬長安覆酒卮一別  
風塵俱黯淡半生踪跡任參差我從白社  
隨黃綺君向蒼山問紫芝地北天南千萬

場居稿

二

里夢尋何以慰相思

桐園襍詠十五絕

蝶夢

春風入原林落花閒不掃清夢快幽尋  
心滿芳草

碧玉亭

修竹不受暑凌風清且寒嗒然無一事坐  
對碧琅玕



葡萄亭

明珠十萬顆向日濕濛濛  
披襟坐長夏人在水晶宮

長春巷

月上千機錦風來十里香  
終當辭世網長與踏春陽

棲雲樓

憑虛出四天餐霞有餘味  
何當賦大人一

場亭稿

上

三

寫凌雲氣

來青亭

溪溜響冷林烟入杳冥  
開軒聊騁望天際萬山青

柏籬

翠柏苦堪食成林碧四圍  
歲寒吾與爾作意待人歸

果苑

此邦千樹橘差足比封君  
日馳果下馬相隨麋鹿群

雒山館

前林雒山館是向栖雲路  
山深雲氣濃咫尺驚相遇

柏屏

山人亦有事讀易與焚香  
昔年種柏子今來如許長

場亭稿

上

四

曲沼

竹樹夾清流迢遞荷花渚  
人在木蘭舟遙向南楚

芟池

荇葉密田田荷香遠微  
棹歌四面起知是採菱歸

濠濮間

莫言一曲水何限逍遙意  
自從蝶化入魚

鳥翻相避

浣芳沼

藝蘭滋九畹種菊吐三英自識滄浪趣令  
人愛濯纓

清遠臺

獨步上高臺遙望不極長嘯起秋風蒼  
茫水天色

寒食前一日雨中小樓獨坐楊惟宋以

場屋稿

上

新作見示喜而有作

輕陰冉冉近清明小閣疎簾無限情不為  
禁烟傷往事却緣聽雨幸餘生溪邊漸起  
三眠柳苑外時聞百轉鶯珍重子雲玄草  
就陽春未敢和新聲

送馬生遊梁

暖風駘蕩到沙頭君去夷門是勝遊梅萼  
柳條俱弄色相携明月上孤舟

贈耐老翁

鄒縣孫翁余令嵩時主簿也別來二  
十餘年今已八十有六矣千里徒步  
訪余田間自稱耐老翁喜而有贈  
回首周南事非故人何意款柴扉多君  
衰白神猶王愧我支離願久違纓冕  
能薦鶴夢風塵端不染荷衣從今頓悟行藏  
理欲把雲臺換釣磯

場屋稿

上

贈震華宗侯

君以天潢之派擷藝圃之芳樂善  
不減東平傳經雅符子政昔余視學  
共探伊洛之原茲方居廬數枉瑤華  
之贈是用托之言志以代論心云爾  
中州詞客向來多君有才名子建過下捷  
秋雲低二室揮毫春浪滿洪河閒門敢謂  
繁桃李講席應憐廢蓼莪聞道皇家方結



網更生早晚沐恩波

蘭溪王山人見枉即辭去山人久寓寧陵蓋呂喬二公上客云賦此送之

南原春盡柳花飛習隱新栽薜荔衣遠客乍投青玉案幽人頽落白雲扉相逢敢恨論心淺惜別還憐會面稀遙憶美人烟水濶因君一問北山薇

送趙登隆應秋試

場屋稿

上

十

離觴倚笑傾君去是雄行獻玉憐三剛驚人羨一鳴霜蹄千里健風翻九秋輕他日平津閣無忘轅固生

送楊惟寀應秋試

秋期今又到此去定先鞭自長燕臺價誰朝蜀國玄牟千推練筆尺五近青天記取高樓思捷書及早傳

將赴河上答魏中丞次韻

松栢三秋涕淚懸驚聞詔下九重天自緣承乏聊行水敢謂匡時擬濟川滄海終須歸禹貢洪荒或恐類堯年方憐四載從今始遙望東山快錦旋

送馬生應試

綠楊曉霽暑風清快爾題橋試壯行白雪自來非下里青雲此去是先聲槐花弄影三秋月桂蕊飛香五鳳城多少故人高著

場屋稿

上

八

眼齊將片玉羨科名

南樂莫魏牟伯贈懋忠與諸郎君

秋水蕪蔭無定蹤長途絮酒快相逢丁年把臂曾三鳳子舍論心又八龍已見謝庭饒寶樹何妨陶徑撫孤松從今歲鼓山陰棹次第看人上九重

魏懋忠草堂和趙夢白韻

塵踪幸脫山公啓茅屋偏宜杜甫詩瘦影

看來和月舞殘書吹落任風欺  
稅回江海還須我管領烟霞好  
共誰却笑南陽輕起臥無端博取大名垂

### 蘇武牧羊

皓首邊庭幾日歸鄉心但逐雁南飛  
嚴風朔雪迥如鐵獨倚龍堆送落暉

### 子陵釣臺

客星帝座兩相爭臥蹴君王夢不成  
任使

鴻管稿

上

九

雲臺萬丈遺風能及釣臺清

### 趙清獻鶴

玉軫霜翎傍客歸清風習習雨霏霏  
世人愛學西川守十萬腰纏跨鶴飛

### 子路負米

跋涉長途強自支人生幾許奉親時  
南游漫說千鍾享洒淚空原不盡思

坐魏懋忠草堂壁間四絕率爾和之遣

日云爾詩云乎哉

元禎奕北有詩走筆和之

勝敗渾閒事何須較一枰對碁著自失  
覓句思偏清百戰從輕敵三盃且解醒  
塞公真達者得失不關情

元禎對奕奕北略無愠意詩以謂之

清時何處試玄機坐隱聊揮大將旗  
泝水

終成韓信陣固陵已走項王師金戈鐵馬

揚春稿

上

十

渾無用鶴唳風聲盡可疑勝固忻然敗亦喜  
應知蘇子是相知

癸卯守歲是年余五十矣

五十是明朝寒燈坐寂寥無聞只自嘆有  
恨共誰消雲暗天星沒風淒庭樹搖知非  
應已晚素髮久飄蕭

春日宋張成李秦楊馬諸君子携酒見過  
夜飲極驩忽談及往日薄游郡城之



事于今幾三十年矣愴焉感舊情見乎

詞

絳燭高燒星滿天故人清興各驩然高歌  
宛轉雪為調縱飲流連酒似泉花柳春風  
同此夕江湖夜雨憶他年浮生握手非容  
易莫惜青樽日往還

送宋鶴山山人歸

山人學道封龍山已有高名動世間山人

楊君稿

上

上

吟詩高陽里復有新詩滿人耳世情多金  
羨五侯山人五月尚披裘亦有傾身事權  
利山人懷中無刺字魯望江湖號散人次  
山嶽崎嶇漫士南風微來紗帽涼山人別  
我向何方只恐丹成去不返華表千年白  
鶴翔

三月晦日張德揚招飲郊園賦贈

年光物候兩相催坐見芳林滿綠苔東帝

辛留春一日西園何惜酒千杯花因媚客  
香偏艷鳥為親人去後回莫以後時游興  
緩竹溪荷淨好重來

挽封中丞魏年伯百歲老人詩

登堂十載記容輝南極星光拱太微三度  
雲中看鳳舞四朝天上見龍飛精還河岳  
神猶王名在春秋願不違獨有中丞雙泪  
盡風林寒夜雨霏

楊君稿

上

上

其二

浮生日月逐流塵大藥黃金總未真身昔  
誰為千歲計于今親見百年人身依列宿  
青天上神返仙臺碧海春最是謝公門下  
客西州一望一沾巾

和王銀臺中秋前三日林塘汎舟二首

若耶溪上試新裝風送蘭舟野興長擬向  
波心賒月色却從水面接天香樓臺弄影

窺雲幄鳬鴈親人宿露房共道東臯秋更好無功何惜醉為鄉

萬點芙蓉一鏡開喜從朝市遠塵埃花如絕代傾城色客有西園作賦才素月流雲波上下短簫長笛夜徘徊清流況與玄亭接乘興須來幾百迴

挽汪中臺太守

為政聲名擬昔賢傳家經術在新編誰知

場亭稿

上

三

鵬鴉搏空日便是龍蛇入夢年禁闥有人直夕漏野棠無主冷秋煙子雲寂寞侯芭遠痛哭西風羅草玄

贈沈仁父山人

松桂花開臥正深高人過我好論心河懸鄒衍談天口囊貯相如賣賦金五岳游來風浩三山歸去海沉橋邊黃石君應是他日相思亦易尋

送凌闇如孝廉應試入京

自是東秦第一流相傳家學起尼丘高名久動雙龍闕大手堪修五鳳樓會見衣冠班玉笋還期姓字覆金甌老夫已分鷓鴣隱笑指鵬鵬萬里游

承張魯源社長過訪奉贈

秋原握手不勝情三十年来好弟兄楊子門前同載酒黃公壚畔共聽鶯風塵黯

場亭稿

上

十四

心俱倦鬢髮蕭蕭氣未平涉盡世途吾已悔衡門翻羨魯諸生

贈黃美中孝廉

黃石山人不出山止將名姓落人間忽忘甲子看新曆獨守庚申煉大還垂柳長蒲秋澹浴鳬飛鷺晚間慙子潦倒塵埃客悵望高風不可攀

和黃中園中韻一首



因尋楊子宅忽到辟疆園畏日堪留客薰  
風為掃門題詩花滿徑談劍酒盈尊暇日  
頻過此相從莫厭煩

再贈美中用園中韻

寂々林中士蕭々河上園何須謝逋客此  
處是閒門花柳開三徑烟霞共一尊吾生  
愛丘壑重過可相煩

賀成為蒼吏部美璋一首代羅山人

易居稿

上

五

旭日晴光映錦袍華筵春色醉仙桃家傳  
龍種駒千里代有人文鳳一毛架上金根  
垂世遠庭前玉樹接雲高野人深愧平津  
客再世交游亦自豪

送二劉生應試過衛上里用趙義生韻

葉竹蕭々衛水流清英千載未應休謝家  
寶樹枝成玉鄴下詞人姓是劉朱戶半迎  
休汝騎黃河滿望濟川舟雙飛並擬冲天

鶴共道難兄在上頭右大劉生

中壘千年世澤長高崗今見起鸞凰會稽  
舊業傳康樂汝穎新聲重季方鵬翼九天  
凌海色杏園十里放春光二郎騰蹕何須  
問王氏槐陰正滿堂右小劉生

送王銀臺射斗入京

陽回春信到梅花應律風催上漢槎一臥  
雲山歸杖履重來冠蓋動京華銀臺啓事

易居稿

上

其

留丹闕銓省題名隱碧紗天上故人應有  
問狂夫常是飽烟霞

醉後走筆示成為蒼

君不見李于田一生辛苦少人憐三月開  
河萬艘集翻令妬口操其權又不見成為  
蒼千生萬死犯權璫虎口脫身幸得免南  
遷留部且為郎世間萬事誰能定得之不  
得曰有命孔丘坎軻顏回天造化小兒自

為政戒今分老松楸間定不置身虎豹關  
右軍誓墓梁鴻隱鴻飛杳：誰能攀丈夫  
七尺會自管鶴頸自長鳬足短三沐三薰  
何可常一立一壑從吾嬾成為蒼我今與  
爾歌滄浪天長水濶風波惡且伴接輿學  
楚狂

任公子釣海圖

呂望釣磻谿興周更落齊嚴光釣富春一

場屋稿

上

下

絲九鼎新公子何磊：偉然釣東海垂竿  
六鰲連投餌三山改五石勞女媧八極走  
章亥儼然罷釣開心顏天地清寧日月閑  
大人舉動當如此下士悠：那可攀

宿魏園贈主人茂才

塵沙正滿眼此地喜停車鳥咲芳林靜花  
明綺慢舒憐君谷口宅似我輞川居好作  
裴王侶常來賦遂初

示內代馬生

共守蓬茅十二春何須一語便生嗔會稽  
印綬終須在不見當時朱買臣

又代內答

楊花如雪草萋：獨守閑門日又西九日  
清齋一日醉誰能慣作太常妻

楊惟寀生女賀之

君家瑞氣接蓬萊第一仙人下鳳臺從此

場屋稿

上

下

玉皇香案吏年：取次入門來

蛟宮霞色映生綃產得明珠字阿嬌咏絮  
吹簫莫漫擬應將漢史續班昭

居然仙女董雙成暫下瑤池地上行不信  
謝家多寶樹瓊花蚤已一枝生

錫未封胡未足奇君知誰定作門楣願得  
暫為湯餅客明年重寫弄璋詩

送崔侍御振峰晉同卿之京八首



十年雲臥老商顏一日徵書出漠關共羨  
霜旌遙拓府又看駉馬入天閑翔鳥自遶  
朝夕樹叢桂空懷大小山正是黃金收駿  
日誰教名姓落人間

回首都門攬轡初西臺風采好誰如楚天  
公子思芳草蜀道降王走傳車勞績自應  
還待從忠良端合奉宸輿長驅八駿昨  
君事好共相如賦子虛

場屋稿

上

九

爽氣初迴五夜鐘奉車切近玉芙蓉欲從  
西極來名馬合向東山起臥龍十二驂駒  
風日上三千株杜錦雲重自憐久抱煙霞  
疾翹首清塵未可從

頻年形影共相依蛩負蠅飛願不違劍外  
共臨雲鳥陣林間同試芟荷衣龍媒自合  
歸天苑漁父還應臥釣磯會見元戎開幕  
府晝游小隊過柴扉

海內謳吟想太平羨君聳轡入神京天從  
路鼓開星駕入傍乘輿指月卿會使五  
龍夾日上何須八馬躡雲行君王若問  
垂綸客為道駕駘怯遠征

尚憶揚旌下劍門曾從晉國屬橐駝方  
不待三年克銅柱居然萬古存此日參乘  
推石慶向來叱馭見王尊憐余朽盡庸  
骨快爾飛騰報主恩

場屋稿

上

十

萍踪猶記十年前問馬曾游薊北天上苑  
春嘶金驪裏長楊曉度鐵連錢幽居自愛  
長林草高步君馳大鹵煙鵬鷗逍遙各有  
適臨岐解贈繞朝鞭

建旗伐鼓快春游結駟鳴鑣入帝州折檻  
排雲周柱史揚鞭數馬漢通侯臨風贈別  
雙龍劍對月懷人五鳳樓浴日補天公等  
在野人常得伴沙鷗

送成為蒼吏部之南都四首

金陵佳麗帝王州君去揚帆是壯游宦籍  
天官收物望詞人江左擅風流清尊夜例  
三山月綵筆春生二水洲好向六朝尋勝  
跡煙波莫起故鄉愁

榻管千秋起大名彈琴十載著循聲人從  
卓魯推三異天遣班張賦二京山近日瞻  
龍虎氣臺高時聽鳳凰鳴周南未許嗟留

楊希補

全

七

滯終上堯階佐太平

蚤歲逍遙白練裙于時詞客正紛紜尋春  
曉渡秦淮水望闕晴看鍾阜雲酒聖戒  
慚畢吏部詩名君是鮑參軍逢人為道吾  
將隱不遣山靈再勒文

一官今昔喜相同斑馬蕭蕭吾道東老我  
林居成簡嬾憐君朝論在清通回琴點瑟  
情難已渭樹江雲望未窮應念離群多感

慨好音時附北來鴻

魏顯伯太史枉過草堂以所草其先司  
馬遺事見示命為墓文悽然有感率爾  
賦贈

執手相看淚萬行誰能感舊不悲傷通家  
今日如乳李交誼當年薄范張綠竹青山  
惟繫馬白雲丹檻已亡羊中郎總有如椽  
筆只是絕絃恨未忘

楊希補

上

七

贈彭山人

病廢交游少看君意不違人如黃叔度詩  
擬謝玄暉白社閒松桂青山長蕨薇鴻冥  
天萬里應憶款柴扉

挽魏中丞見泉十首

雲黯星沉萬壑哀中天半夜走風雷人間  
易值龍蛇厄天上偏驚箕尾來關外清風  
揚伯起晉陽高節介之推百身欲贖嗟何



及痛哭秋原首重回

垂髫握槩入陽平便識君家好弟兄爾自  
談經屈五鹿誰能握筆賦三京生前白璧  
酬知己身後青雲起大名惆悵十年三鳳  
去杜陵何日不吞聲

鐵冠曾戴擬神羊伏檻寒飛六月霜片語  
星辰俱動色一鳴台鼎似無光展禽直道  
應三黜馬氏白眉自五常不是疾風摧勁

楊居構

上

三

草應從九辨問沅湘

江籬岸柳影參差猶記秦淮把袂時六代  
煙花行並馬三山風月坐彈碁君平棄世  
身如葉庾信哀時鬢有絲今日夜臺無李  
白誰堪尊酒共論詩

燕京慚愧廁清華載酒相過日易斜興劇  
青驄朝問柳詩成彩筆夜生花銀臺出入  
同隨輦栢府東西兩建牙何意舊游成隔

世傷心流涕滿天涯

滄江不是學垂綸就養甘為草莽臣曾聞  
未聞五鼎貴巢由幾見百年親干雲闕閼  
光南極滿地芝蘭拱大椿豈意王戎成死  
孝九泉還自舞衣新

天長地濶兩茫茫悵望無由問彼蒼吾道  
祗傷麟在野世途何意海為桑愁看北渚  
腸千結路入西州淚萬行何日九原人再

楊居構

上

四

起招魂吾欲下巫陽

炙鷄絮酒憶年時兩地俱成嘆逝悲訪戴  
綽迴江上棹留徐忽訝路傍枝秋空寂寞  
雲中鶴古道哀號柳外鴉從此無心山水  
調伯牙絃絕為鍾期

梁木摧頽自古今九衢槐棘謾成林家餘  
方朔囊中粟世仰龍逢地下心馬鬣已香  
埋是玉螭文會見字成金中郎莫詫如孫

筆代有西園翰墨林

歲星自合迺天關直節高風不可攀一代  
勲華存正史千秋斑管在名山笥經豈但  
傳歆向心事真堪對孔顏懊恨白頭失郢  
質臨風釀酒淚潛

門人尹不賓就試天雄以資斧不足冒  
暑而迺明發渡當首途余甚憐焉稍為  
資給而送之以詩

楊希補

上

辛

誰道儒為席上珍此身如織走風塵今者  
逐鹿應先得箇是高才疾足人

書劍飄飄似轉蓬丈夫何必嘆途窮大鵬  
自是天池物看取逍遙六月風

得留守大司馬月峰孫文書却寄四首

鴨江龍府共風煙回首萍踪已十年西北  
浮雲從蔽日東南神劍自衝天衣冠豐鎬  
聊分陝襟帶江湖遠護燕尚念白頭樗櫟

客鴈書時渡到林泉

江城南望渺蒼烟總有音書動隔年歲晚  
可能頻命駕詩成猶是共談天無勞憂國  
人如杞會見招賢駿入燕此際應輸林下  
客石蘭花底弄清泉

江雲渭樹冷秋煙尊酒論文定幾年懷遠  
正當歸鴈候開緘却對養花天從來章甫  
偏游越寧復心情更到燕若問野人何所

楊希補

上

辛

事背山新甃濯纓泉

鳳臺花柳散雲煙正是高人分洛年前後  
主恩曾建節東南軍令已攄天心知楓  
陛終思漢眼見絲綸早出燕他日軒車  
應過我先驅好致惠山泉

送易海洲年丈撫楚

方城漢水控神州君去楊旌是勝游開闢  
荆襄新象魏談兵黔楚舊風流時巡夜聽



湘靈瑟坐嘯秋登庾亮樓大別峰頭多過  
鴈可無書札到滄洲

送崔仕竿茂才應試蓋京兆公冢嗣云  
長安秋望五雲高羨爾詞場試彩毫華國  
共推鸚鵡賦承家實有鳳凰毛燕臺坐長  
千金價碣石行生萬里濤林下風流成二  
老向風瀝酒興陶

范默和山人臥病蕭寺詩以問之

場屋稿

上

辛

西江高士近如何  
應事經時不見過  
懷刺半如狂處士  
棲禪渾似病維摩  
壯心已逐窮途盡  
春思偏於旅客多  
暖日暄風堪載酒  
相逢應得醉顏酡

挽范默和山人

槿花辭樹一身輕  
感慨令人氣不平  
家在西江天萬里  
神游東岱月三更  
溪閨曉夢猶占鵲  
同社尋盟祇聽鶯  
獨有五言詩句

在詞林終古見長城

送張東山之宣府

關山衛水幾經年  
又擁單車欲問邊  
大手共推高虎觀  
雄心聊復試龍泉  
時平陰磧銷兵甲  
夜靜春城沸管絃  
莫為封侯學定遠  
丈夫肯負筆如椽

午日拜先隴

地下親難起  
天中節又來  
不禁兩眼淚重

場屋稿

上

本

奠九泉杯大壑  
風號樹暗雲晝  
隱雷有絲誰續  
命飲恨重徘徊  
事往音容有心  
傷涕泗連佳辰  
逢五日幽恨已  
三年晚照辭流  
水重雲隔遠天  
懷沙真有恨吊  
古倍悽然

送新安程茂才長白游汝上即歸延津  
就周餘臺金吾師席

柳煙晴颺葛衣輕  
送爾薄游鵝鴨城  
此去

中原開講席向來南國有詩名雲溪嵩少  
河流急天入梁陳麥浪平何日論文還握  
手陽關重唱不勝情

喜九十老人孫泰川至

隱几蕭條臥竹根忽驚屐齒到衡門扁舟  
訪戴入千里下榻延徐酒一尊愧我凋殘  
成蒲柳多君意氣洽蘭蓀將鬚把臂還相  
問却老何方可共論

楊公稿

上

元

贈孫泰川

清時出宰洛城南屈指流年三十三當日  
爾為髯主簿于今我亦老瞿曇從教雪盡  
千莖髮尚有河懸一夜譚星聚真成五百  
里那能相對不沉酣

又

九十老人孫泰川童顏崔髮人中仙入門  
一笑興翛然與君昔同單父堂君當其時

鬚勝長髯歸囊無宿黍糧歸來躬耕汶陽  
口瓶有儲粟但沽酒兒啼女號無不有承  
家雖有五男兒大者舌耕人中眉小者浪  
蕩無立錐君終不問家人事顏然輕世而  
肆志遨遊日辨登山屐年今九十身婀娜  
五年兩度來訪我夷門布席常虛左我今  
行年五十強君來正當病在牀始知海水  
斗難量我但偃仰君酌酒醉後狂歌仍鼓  
缶自言須活九十九留君不住飄然歸薰  
風習、動征衣疑是當年丁令威待君百  
年我亦長二老風流常來往天壤之間真  
蕭爽

送孫泰川

人生七十古來稀九十看君貌尚肥念我  
能乘小蹇至思家還抱破琴歸清風遠送  
雲中鶴素月高懸水上扉筋力如斯真不



老他年重訪釣魚磯

鄧內黃朝天歌

赤驥噴長纓風光滿路生一朝發衛水十  
日到燕京天子坐明堂五始三朝夜未  
央天邊日月瞻龍衮雲東簫韶引鳳凰  
聖主臨軒初受計君侯獨最中興治賦就雕  
龍美二難政成馴雉稱三異此日天家恩  
數綢黃金如斗下龍樓潁川已拜黃丞相

楊名稿

全

半

河內還思郭細侯簪笏親承魚水歡更為  
君王策治安寧民遍起千間厦籌國全輸  
一寸丹丈夫得志合如此不然何以報  
天子富貴浮雲何有哉要令勲業垂青史老  
夫偃蹇臥河干最愛君侯禮數寬高山流  
水音曾賞白雪陽春和獨難今日送君意  
不忍秋空無計留高隼江漢惟看渡虎圖  
雲霄已唱飛龍引一曲陽關不再陳即今

海內有風塵杜陵有句為君贈記取臨危  
莫愛身

送馬元禎應試四絕

涼風細雨氣如秋尊酒相看話遠游此夕  
莫成容易別明朝天際是孤舟  
相如作賦欲凌雲落魄江湖世不聞此去  
會承明主問一時待詔不如君

楊名稿

全

半

黃金此日滿燕臺眼見驂騑道路開誰遣  
涓人收駿骨于今真是劇辛來  
莫訝龍鐘驢背生十年三輔舊知名剖來  
始信陵陽璞一見應償十五城

送汪敬仲游梁

詞人久矣斲柴荆握手看君眼乍明身藉  
一筇游萬里詩憑五字號長城自裁白雪  
成高唱不附青雲起大名今日梁園多賦  
客應知授簡讓鄒生

贈張少府

青袍白馬雅相聞  
淮海維揚合有君  
筆陣健如王大令  
詩才清似鮑參軍  
從教伏檻龍為友  
會見冲霄鶴不群  
松竹滿庭公事少  
何妨尊酒日論文

黃龍丹鳳久知聞  
却讀哦松幾似君  
淮海詩稱何水部  
令公政倚郝參軍  
豹章隱霧終成彩  
驥足服廂也不群  
他日漢庭誰第

揚

上

世

一蕭曹獨冠子長文

汪敬仲久客汴上無所遇而歸以四詩  
來別意殊黯然依韻答之病中無好句  
不足存也

客情殊黯淡  
世路轉艱關  
不作冲天舉  
空成落羽還  
遠遊人易倦  
虛左事難攀  
從此歸山隱  
桃花流水間

客游春日暮書到夏雲繁不是歸鴻翼爭

來羅雀門五言聊玩世一劍自酬恩且泛

三江棹觀濤秋水原

杜陵詩自聖李廣數原奇不吝黃金盡偏  
於白髮期亂山一騎遠落日片帆遲何處  
無知已茫茫信所之

血淚三年盡膏肓二豎來高天無可問逃  
水竟難迴短髮俄成素衡門久不開無由  
除老病逐爾向天台

楊

上

世

病中答徐仲昇次來韻

穩臥耽朝爽獨醒  
納夜涼病憐七尺  
簾靜愛一爐香  
楨食形將老冥心  
日轉長觀濤頓起  
色旋緝髮遑蒼

送吳春宇歸夷門名醫高一世而詩更  
工故及之

遊梁還適衛幾日  
復回車多病全憑  
汝論詩更起予人  
間知姓字海上得  
方書有暇



仍相訪留徐榻尚虛

題崔德嚴渭陽晚渡圖

三峰刺天，風急風吹渭水，波立乾坤。  
震掉魚龍寂，何人獨棹孤舟入風波，愈起  
意愈閒。指顧如失，雪連山，須臾維舟坐彼  
岸。掀髯一笑，開心顏。昔有姜子牙為漁渭  
水頭，三千六百釣，往，用直鉤，一絲繫九  
鼎，遂開八百秋。今之舟子無乃是不然，何

楊希甫

卷上

七

以衝風破浪，飄然一葉，犯鯨流。客言崔德  
嚴曾為渭南令，三年值凶災，民莫必其命。  
閭閻多餓殍，崔符有隸，境滿眼風波，惡救  
荒難為政。德嚴為治之神閒，而氣定有如  
秦越人，手到無留病。竟以治行徵，父老交  
相慶，遂為畫此圖。聊表一錢敬，戚生重為  
臨。妙得山水性，德嚴手自題。長吟發高詠，  
中渡憶北堂。感慨懷溫清，乃知有道者萬

念出於正，披圖我亦劇相憐。良工取義非

徒然。神禹乘龍開夏口，傳說為舟濟大川。  
渭水之清，見底名侯清節亦如此。華山  
之高，揅天名侯高誼萬人傳。西臺十載  
霜為簡，內史經年蒲是鞭。即今廬居已三  
載，嚴廊屋席常相待。會如博望泛靈槎，直  
上九天絕雲海。伐石華山重勒銘，渭水涵  
凝頌聲高山流水終無盡。何限千秋萬

楊希甫

卷上

七

古情更啓齊封對，北渚玉璫自是礪礪侶。  
封書為寄戚不磷，重寫同舟崔與呂。

賦得慈綠堂四絕為戚太夫人壽不磷

母也

堂上巢雲鶴，堂前長籜龍。兒孫千萬箇，春

雨簇芙蓉。

節父凌霜雪，寶成飼鳳鸞。百年三萬日，日

報平安。

渭川千畝陰相生亦相養不信慈母心但  
看孫枝長

是誰寫此圖掛之壽萱堂為誦淇澳詩以  
介萬年觴

重午後二日徐吳葉馬四君子小集次  
韻

別業開三徑同人共一尊沅湘事已遠風  
雅意猶存自愛高陽里誰書廷尉門讀騷

場春稿

上

其

兼飲酒澤畔亦君恩

送徐仲昇

南州孺子久知名俠氣翩翩逸思生常以  
孤高存士節更於然諾見交情公車擬載  
三千牘明月應償十五城此去何人不下  
榻詞場綵筆任縱橫

送陳大行中怡使秦遼魯枉過敝廬

西秦形勝甲三齊星使高臨日月低涇渭

潯聲迎畫舫崆峒雲影接丹梯東歸父老  
扶鳩杖北上烟花送馬蹄愧戒草玄無一  
字煩君載酒問幽栖

寄題伯榮宗正鵬適園四首

國是成周國園為梁孝園簪纓狎蘿薜城  
市入山樊花月分蒸火雲變度鶴軒八公  
時聚首相視總忘言

鵬鶚雲天外鷓鴣叢薄間一枝殊駘蕩萬

場春稿

上

其

里任艱關月隱高低樹雲深大小山浮丘  
勞接引長嘯出入寰

談經新祭酒開第舊家名高臥夷山曲行  
歌汴水涯春雲流洞壑秋月冷蕙蔭戎亦  
青門客懷君五色衣

春樹響丁丁春郭水泠泠想像夷門外王  
孫草又青酌泉心逾爽坐石酒全醒何日  
携琴往論文坐小亭



戚不磷為內黃鄧明府上客久矣忽爾  
見枉仍返內黃即歸吳下賦贈

籍甚三吳彥論文意氣校赴徵初入洛作  
賦舊依劉才美東南箭情深西北樓王尊  
臨白馬尹喜御青牛咏月揮銀管彈魚罷  
蒯緱開尊雙嘯傲吊古一夷猶忽枉山中  
駕來群水上鷗夜啼鳥啞野興鹿呦呦  
信宿歌維摯盤餐恣獻酬忘形歡栗里迴

場舊稿

上

光

首念并州再下陳蕃榻重登郭泰舟雌雄  
寶劍合來往德星流乍切白雲想驚看紫  
氣收江天迎桂檝霜雪冷貂裘故業蓬蒿  
入新知琬琰留遐觀成萬里大業已千秋  
命婦開書篋呼兒理釣鉤萱堂饌魴鯉蔣  
徑過羊求花月舫清賞雲霄憶好逑春來  
鶯語滑應事采真游

送沈相公還歸德里

漫從供張羨賢哉司馬翻成入洛來國論  
正期扶社稷天心忽復感風雷東山明月  
光仍滿四海蒼生首重迴惆悵白頭林下  
客不眠終夜望三台

和葉茂先校贈之作

謝客緣迺暑相逢意爽然清姿雲吐月秀  
句玉生煙愧我稱前輩因君畏後賢江山  
逐彩筆何處不翩

場舊稿

上

甲

久矣稱才子猶然困旅游幾人能下榻五  
月尚披裘興滿三江棹詩輕萬戶侯相期  
惟汗漫分手各悠悠

挽 賜谷王師四首

嘯傲寰中八十春一生心事出風塵簪纓  
不繫煙霞客漁釣終為江海人尚與鸞書  
徵角里何期龍劍化延津羊曇誤入西州  
路痛哭秋原淚滿巾

垂髫曾入少年場日侍文翁坐講堂楊子  
玄成還問字相如賦奏已為郎漁陽人憶  
張君淑絳帳吾懷馬季長手把辦香天萬  
里朱公終擬葬桐鄉  
地北天南三十秋飄萍泛梗各悠悠怪來  
師席惟成總不見門生雪滿頭虛擬黃金  
求大藥終傷夜壑失藏舟五湖煙月誰為  
主恨殺天邊白玉樓

楊君稿

上

半

聞道賜湖似輞川右丞晚興轉翛然移尊  
泛月鷗隨棹掃室焚香鶴弄煙穩在人間  
全入聖縱歸天上亦為仙從今不草招魂  
些矯首雲霄頌大年

送李孝廉歸巴江

太平策上出金鑾歸去宜辭蜀道難漢水  
連雲天萬里楚山過雨路千盤巴童歌裏  
風迴棹杜宇聲中月上灘多少鄉人揚意

在可無回首憶長安

題徐生泰山讀書卷

爾入空山習靜虛還如李白在匡廬天門  
日射幽人榻海嶠風生放客居霽色遙分  
匹練馬仙游時下五雲車此中好學孫明  
復莫擬相如封禪書

贈于穀峰相公四首

卿雲捧日上彤墀丹鳳啣書下紫泥龍臥  
十年遠漠關鵬飛六月到天池清朝合用  
山東相黃石原為帝者師多少蒼生懸望  
眼謝公端不負明時

曾持典學說甘盤載領秩宗握省蘭

江

闕絲綸新寵渥東朝羽翼舊衣冠輪

碾月開周道堤柳垂沙集漢官正是朝

廷更化日一時新政萬方看

縹緲穀城帶晚霞山中宰相此移家驚看



歲士門前柳忽作平章毫裏花長樂春雲  
連賜第未央曉月照宣麻舊游觴咏林泉  
滿處：新題擁碧紗

多難十年九域同狂瀾誰障海天東帝從  
碣石開新館人向靈光仰舊宮魯澤游麟  
原聖瑞岱雲作雨自神功登龍有客空皮  
骨但頌賢臣表大風

題張少尹迎養冊

楊州稿

上

畢

揚州鶴讓板輿先一路風光到縣前松蓋  
當庭猶弄影萱花映戶已開筵舞翻彩袖  
雲成幄饌入河魚酒似泉捧檄初心端不  
負榮親况有頌聲傳

即事四首

年來失意事取次到房帷薄命偏憐汝傷  
心好訴誰人應疑兔魄天亦妬蛾眉落葉  
西風裏空階無限悲

依：千里外舟：十年強細柳眠春雨繁  
花殞早霜易殫別鶴標難覓返魂香何處  
關心切開簾月滿床

坐消魂黯：轉憶鬢青：月冷增長夜天  
高落小星歸真辭愁界竊藥返仙舟向夕  
迷群鴈嘹：不可聽

玉吐天邊月金移地上蓮傾城空有貌駐  
世竟無年雲盡悲巫峽春歸泣杜鵑白楊

楊州稿

上

畢

風雨夜流恨滿山川

早起無事偶拈汪敬仲冊走筆和之遂  
盡六首一揮而成文不加點亦一快也  
未酬返哺志敢望尺書徵猿鶴真為侶冠  
裳恐未應窮來惟有淚析盡已無肱諸葛  
成何事君其問薛能

驛書來帝里簡命屬兵曹國是真難定戎  
機可試操誰能校袂起我歆鑒坏迹不見

東山下依：雲月高

頻年惟抱病十載故談兵生事耽三徑交  
游疎兩京菊開元亮宅柳長亞夫營出處  
難同調應知寵若驚

艱關歷萬死忝竊冒三孤祗可常校轄何  
堪再剖符開軒恣偃仰招客對盧胡處士  
家何在荒城號婦姑

濫恩真寵鶴薄枝類屠龍自尔三秋葉誰

物居稿

上

果

言萬里衝愁容青鏡改舊業紫苔封莫擬  
蓬山近煙霞幾萬重

楊子談經日桓生問字年途窮憐我病客  
散覺君賢醉酒臃腫月裁詩瑪瑙天此中  
堪共老莫問祖鞭先

送趙義生之封丘令

馬蕭：車斑：旌旗夾道若連山兩地傾  
城出土女迎送不離百里間車行炙馬行

酒路傍折盡千株柳中有一人意黯然是

君三十年来友三十年前好聲價君真豪  
舉我其亞詞場何止數千人往：落筆出  
其下人世紛：如碁局萬態升沉隨轉燭  
事去神龍忽失水時来珉石亦成玉我似  
春花向日開高牙大纛上燕臺君如厄閭  
黃楊樹十上公車不一遇人生窮達各有  
時古人有語君須知衛青不敗由天幸李

揚唐稿

上

果

廣無功為數奇君今得縣大如斗孤城正  
對黃河口仰面折腰絕可憐沐雨餐風無  
不有到家不滿六十里人間快意却無此  
宓子彈琴若可聞買臣畫繡差相擬男兒  
有身百事宜大鵬一舉即天池漢時循吏  
君曾見拜相封侯搃可期况君名擅儒林  
傳天中日月雲中電會看漢殿下黃金豈  
但河陽稱花縣我老年来身意衰蕭然一



榻臥茅茨衡門最近分符地麥穗興歌可  
和之送君不唱陽關調相思早晚堪相召  
明日此時已放衙向風瀝酒成西咲

盧守之山人贈詩依韻和之

世路蹉跎歲月遙何煩往事說垂髫黃龍  
清酒慙安蜀鐵馬金戈愧入遼華髮我甘  
守寂寞紫髯君正及騰驍即今方寓需才  
日應會風雲上赤霄

場名稿

上

畢

送趙文甫茂才隨任封丘

離心忽漫到文無秋水秋風滿客途葉縣  
乍驚鳬化烏鵲川早見鳳將鵲南溟咫尺  
看鵬運東郡尋常效鯉趨後夜思君何處  
寫一窓明月浸冰壺

送張開州之戶部十四韻

鬱渚衡廬氣氤氲楚澤香看花來上苑剖  
竹下清漳道大鸞棲枳風行雉翳桑煦和

冬暴日擊斷夏飛霜避影無豺虎來儀有  
鳳凰嬉游歸灝沕弦誦起洋洋高步騰霄  
漢英標騰廟廊身依清切地手綰度支章  
國計紆天府軍儲餉朔方勲名卑管晏品  
望冠裴王鵬鶚三秋健蕪葭八月蒼皇途  
車發官道柳行去思憑苗犢清陰菱  
召棠無由陪祖道遙頌帝圖昌

借隱軒

場名稿

上

畢

郊居西隣張郭田氏宅南一園花木  
蔚然甚有雅致索題於余：謂君園  
近吾場圃可借以隱因名其軒曰借  
隱而贈以詩

柳塘花塢接清芬城市山林此地分野望  
平收千頃月幽棲靜對一溪雲沿流飲犢  
逢巢父取酒烹魚問細君好借高軒成隱  
趣鶴書不到驚鷗群

送譚孝廉階上計舅氏胡明府入京應

試十絕句

才子風流自錦川少年聲價萬人傳  
揮毫未數河東賦不待吹噓已上天  
看花今日經花縣奪錦明年羨錦城  
白壁黃金交漢闕方知似舅即賢甥  
應制群才集漢京一時文彩動公卿  
遙知三策賢良後多少詞人讓董生

場居稿

上

卷

五色龍文手自裁君王一見笑纔開  
時人謾訝成都客親見天孫織錦來  
芙蓉城上動旌旗想像相如擁傳時  
駟馬橋邊人盡望舊題彩筆尚淋漓  
兩京詞客正紛紛寂寞誰憐楊子雲  
一自長楊成賦後中朝多少薦雄文  
檐簷趙魏渡游燕吐氣成虹易水邊  
俠客如雲心盡折知君先著祖生鞭

詞源倒瀉楚江水文戰平開八陣圖  
一日聲名擅天下古今豪傑只三蘇  
親隨計吏入長安馬首行人夾道看  
共說名門宅相好雄文循政對登壇  
狂夫樗散鬢如絲布席羞稱一字師  
只待飛黃騰踏後向風瀝酒慰相思



場居稿下

河北李化龍于田著

放歌贈盧守之君自周元孚所來將謁  
趙夢白

夢父逐日任公釣鰲天壤之間亦足以豪  
公從何來龍伯國人九尺有奇昂然一身  
一揮萬言一飲百斗既雄於文更豪於酒  
君王好文渡好武凡網安能絀龍虎三吳

場居稿

下

但事王長公三楚惟師周二魯戒亦當年  
有薄名檐簋躡蹻燕王城結社吟詩周與  
趙漸離擊筑對荆卿東水西日三十年世  
人不復重才賢君獨傾囊尋我輩昨日游  
楚今游燕相見無言但豪飲脫帽露頂長  
風前我友更有李道父其人負奇如虎怒  
君亦游淮曾見之如此交游亦有數自言  
結交重心知不問王公與常布游客皆如

辭上鷹貴人亦是草頭露一諾堪將萬戶

輕九原止用一身赴諸公相重各有以世  
人那得知其故丹心如日黃金如土止求  
慕義與酬知何用翻雲更覆雨有絲但繡  
平原君無米惟乞謝仁祖葉公好龍不好  
真韓幹畫馬不畫神世人有眼空如炬誰  
識天涯澹宕人我飲君酒為君說君見夢  
白心已遂便與十日飲千日醉歸來高臥  
衡門內谷口惟應長蕨肥杞人無事憂天  
墜為君作歌一放言君但豪吟吾且睡

場居稿

下

挽郭文學

遺經獨抱寸心孤傲睨乾坤一丈夫高節  
自應凌日月壯懷何意老江湖生前白馬  
馳雄辨身後青蠅吊腐儒有子公車方待  
詔會看鑾誥下黃墟

送朱文學之宣雲文學蓋侍御懷石公

冢嗣故云

都門攬轡憶風裁白簡清霜滿柏臺駿骨  
忽摧歷塊步鳳毛空負煥天才被裘犯暑  
心如絮懷刺投人色似灰此去宣雲多父  
執為言親見孝標來

甘霖謹贈胡明府

雲漢：風颭：樹頭少女逐鳴鳩三日甘  
霖霑四野千村萬落起新謳去年旱今年

場屋稿

下

三

旱三年兩度歌雲漢去年雨今年雨三農  
九穀盈田畝誰其致者胡使君桑林不用  
責躬文齋心便起天邊霧步禱儀生足下  
雲土龍泥人真可咲縱陰閑陽亦不妙決  
獄全憑德意通隨車只用精誠召吾侯美  
政格皇天天為吾侯種福田從今一歲三  
十六太史頻書大有年

壽胡太夫人七十

劍門咫尺逼天關常有天人住雲山地湧  
芙蓉鋪錦繡山開石鏡照容顏峨眉不是  
人間有漢水原從天上還聚秀含靈一萬  
春今來孕出太夫人生將井絡鍾元氣降  
處西南集上真年垂三十始從嘉歸綵兩  
月便移家待得風塵清四蜀已驚名姓滿  
三巴傷心怕見蘆花絮慈雲常護三荆樹  
月下惟聞機杼聲燈前共咀熊連味群從  
聯翩一鳳奇早見相如奏賦時到來花縣  
稱仙令向日萱堂是女師不愛高堂與大  
厦不愛高車與駟馬但願桑田多馴雉誰  
遣家園有寄鮓即今兩漢首循良早晚徵  
書出建章鳳詔龍文來漢闕童顏鶴髮照  
滄浪石不見西王母戴勝金花把大斗又  
不見女懷清高臺萬仞對青城後千百年  
膠事又夫人儼之德與壽德厚常開卓魯

場屋稿

下

四



先壽高猶在錢鏐後吾侯愛日願日長吾  
民祝母願母強侯如大海浮天地母似丹  
山長鳳凰如今總是古稀年萬里長江初  
放船直從滄海行銀漢安問三千與大千  
和成為蒼過東園韻十首

郊園水木湛清華慚愧開時枉在家魚笥  
早來從廢壞藥欄雨後轉欹斜借君暫酌  
千杯酒代我聊酬萬樹霞林下一人終不

城居稿

下

五

負年：爛醉碧桃花

衰殘一倍惜年華小隱林棲八九家霄漢  
無勞人北望崦嵫不見日西斜千雲漸長  
兒孫竹課雨時占蚤暮霞避世牆東無不  
可會心何必上林花

園林入夏轉光華明月白雲滿謝家天外  
水萍千頃碧門前風柳萬條斜開尊小酌  
林間玉杖杖長吟雨後霞却憶少年成吏

隱時從二室問三花

世情一半競繁華多少王侯將相家十二  
樓臺簾雨散三千歌舞鬢雲斜從他醉殺  
天邊月輸我吟殘嶺上霞共爾五湖狎作  
長笑拈綵筆對生花

暑氣林風動日華頓令塵世有仙家竹穿  
小徑堂：出柳引新枝故：斜客到清言  
霏碎玉詩成翠色飲明霞居然天際真人

城居稿

下

六

想何但新庄勝浣花

涕淚三年長鬢華艱危偏到野人家窮來  
始信天難問病裏驚看日易斜客散尊空  
惟對月田荒粟盡歆餐霞不因寥落悲生  
事玉井蓮開十丈花

曉起兒童汲井華恍疑身在上清家丹扶  
鷄犬雲相逐鶴引笙簫日未斜弱水逍遙  
玄圃月瓊樓縹緲赤城霞此生已出人間

世不向長安問薜花

誰傳除目發京華豈有衰年更別家飄泊  
半生情落莫蕭疎兩鬢影橫斜儘教白壁  
微黃綺何似青山臥紫霞共爾他年成二  
老焚魚酌醴對看花

雨餘滿目長菁華粧點溪山處士家林外  
水移痕迢遠天邊風約鴈行斜賞心小閣  
溶溶月快意長空片霞縱有三公吾不

場屋稿

下

換雲霄漫說紫薇花

閒愁容易鬢生華蚤晚尋仙定出家酒醉  
秦天終是夢戈揮魯日始難斜蓬萊清淺  
千年水閣苑霏微五色霞嘯傲乾坤吾不  
老坐看人世闌空花

和張敬中前韻五首

寥落荒園寂不華柴桑居士此為家移旌  
忽訝高軒過命酒徐看夕日斜到處清光

留綠野杖來佳句起青霞老夫病裡渾生  
色重九還期就菊花

高才南國擅精華名法篇章總大家松署  
不歆年正少萱堂將母日初斜清標爽  
人中鶴逸韻軒嶺上霞為問風流誰得  
似揚州觀裏有瓊花

茂宰循聲梅日華髯叅短簿總名家哦松  
自覺風流遠看竹何辭石迳斜酒盡雙旌

場屋稿

下

驚鳥雀詩成五色爛雲霞狂夫穩作鷓鴣  
隱臥對清時滿樹花

朱明溪處見朱華法醞傳來自法家布席  
共憐竹日淨披襟獨受柳風斜幽人病染  
三年艾仙吏詩騰萬丈霞何日觀濤占起  
色分題賦遍滿園花

一臥經時兩鬢華寂寥渾是子雲家門如  
羅雀賓朋散身似秋蠅景色斜雅致君歸



輝草木俗情吾已負煙霞論文尚欲重延  
款起課兒童掃迳花

贈大司馬邢崑田時次公方泰捷南宮  
蓋余行學時曾辱一日之長故及之

共指青齊勝事饒鬱葱佳氣接層霄孔庭  
詩禮傳東國邢氏文章擅北朝早見天人  
崇漢武會看勲業翊唐堯談經却憶十年  
事桃李陰陰海色遙

楊唐稿

下

九

西巡尺組擎名王東下滄波海不揚帝  
以四征勤叔虎天將七葉寵金張霞裳翠  
奪雲門色雲蓋高連岱微光他日列卿應  
更表誰能世綰徹侯章

邵母節壽

吳門高隱日相從落葉辭風恨幾重無渡  
堂中巢翡翠何妨江上老芙蓉清秋白月  
閑孤鶴大澤玄雲起二龍自有慈烏能返

哺五雲早下紫泥封

婦姑城南雲樹秋泉臺人去恨悠一三春  
弱柳憐青鬢五夜寒蛩到白頭獨鶴自隨  
冰月老孤鶻終作鳳凰游于今定逐西王  
母環佩逍遙十二樓

蘭蕙中樞大國香萱花獨自秀高堂采采  
絕代佳人柏飛作西臺御史霜地長芝苓  
遊鳳馭天垂錦繡煥龍章君看華表千雲

楊唐稿

下

十

出始信清風萬古長

嘆逝無勞悲此身此身久作未亡人無天  
可戴方知苦有子為儒未是貧華國世推  
金駟驥承家代長石麒麟吾家大母曾相  
似靜夜猷詩淚滿巾

贈黃子

湖海遨遊起大名十年談口動公卿  
昨不必觀天地片語尤能決死生  
龜策爾從

操季主升沉吾自信君平高秋落木西風  
道笑別天涯無限情

送項海鵬入遠

驚風冷月淡秋煙尚憶嫖姚出塞年夕客  
戎曾凋漢節重遊君欲勒燕然霜蓬捲地  
心堪折野燒連天馬不前見說遺黎殘破  
盡逢人好為計安邊

贈白礪甫

楊希稹

下

十一

經歲不逢白礪甫重來隻鬢轉蕭然家惟  
四壁囊如洗庭有諸郎衣半穿生事止餘  
三寸舌文章不博五銖錢何時得似侏儒  
飽且醉清尊卯色天

得楊霽寰司馬粵西書並見懷之作却

寄一首

九疑天盡大荒西開府聲名南斗齊青瑣  
十年焚諫草蒼梧萬里化雕題霜前桂嶺

林無瘴雨後灘江花滿谿此日高情誰得  
似親裁佳句問幽樓

重陽日承岳斗元比部遠來枉吊賦此  
送之時岳將北上

病苦頻年廢蓼莪煩君雞絮故相過論心  
暫對陶潛酒遺世終乘范蠡舸歲晚山中  
多桂樹時危林下少風波前旌會接長安  
客為道冥鴻遠尉羅

楊希稹

下

十二

送唐昭父遊秦歸楚

才子英聲似魯連涉江獨誦遠遊篇三秋  
烽火經秦塞一路霜風到楚天酒後常提  
如意舞詩成任取衆人傳終校萬里封侯  
筆肯放班生早着鞭

送汪敬仲東遊謁于相公

汶水梁山發興新馬頭秋色浣征塵應知  
東閣招賢地合有西園列坐人詩就朝吟



青玉案酒闌夜倒白綸巾為言魚水君臣  
日早擁安車上紫宸

壽汪太夫人

父為俠子為儒尚武攻文恣所如母為萱  
子為桂收實採華俱可貴新安江水天下  
清生男為雄女為英惔然豐獄埋龍劍自  
有崑丘吸鳳笙黃山高入雲上有雲中君  
東皇與太乙絳節朱旗分侍從西王母抱

場眉稿

下

三

持玉籙文共為夫人壽四萬八千春偉哉  
敬仲稱人子遠遊初返大鄣里杖底高懸  
五嶽圖尊中滿貯三江水管絃沸厥華鏗  
明綵衣舞罷清歌起母似彭錢已足奇子  
齊李杜尤堪喜燕罷徐開五色囊五采龍  
文萬丈光註成道德五千字一字一年始  
是長落盡蟠桃素變海猶有仙人介壽觴  
送盧守之北遊

杖策遵燕路檐簷下楚天論交千里外吐  
膽一尊前匹馬行長坂冥鴻入亂烟酬恩  
在知己秋水拂龍泉

和馬元禎春遊之作

春信綠看過土牛乍驚楊柳弄輕柔林泉  
有約來黃綺風月多情到碧油花底青樽  
常不負天邊白日去從道東陵瓜地新來  
好嬾向人間說故侯

勸唐稿

下

十四

五嶽草堂歌贈杜將軍

我昔牧河洛嵩高在封內二室三花間時  
與山靈會繼為齊魯遊驅車上泰山南望  
見吳門大海環其間西征而過秦華嶽起  
嶙峋舉手捫仙掌恐驚天上人世間嶽南  
五我已游其三南衡與杜常虎視日就  
便欲往從之一覽衆山小男兒志四方何  
必婚嫁了將軍居然有奇志擁旌建節皆

閒事蓋茅一祀瀚海南五嶽名堂真可異  
我聞人言山不在高水不在深岡巒回合  
草樹陰森一丘一壑可眺可吟五嶽不遠  
只在人心何況黃河九曲灣胡天萬里接  
榆關沙飛鳥鳴日杲山青雲白水潺湲  
中有一人坐草堂韻字深沉氣昂藏緩帶  
輕裘只自得投壺雅歌以為常此已置身  
天地外芥子不啻須彌大有時壯觀天地  
易居稿 下  
間五嶽如礪河如帶何必登高丘望遠海  
只今三山已沉六鰲已改今古茫知誰  
在元氣淋漓收不得雲將何由問真宰我  
望將軍更有進焉虎必在山龍必在天物  
固有之人亦宜然我聞將軍家近居延河  
湟在右宣雲在左宜與單于從事朝那駿  
馬輕車長弓大笥耳後生風鼻頭出火更  
逐驕虜出燕然曉題名姓上凌煙凱奏已

馳青海外巾角方過草堂前鷄槍枋榆鵬  
運海試誦莊生第一篇

壽劉節母七十

鳳凰出丹山文彩雙脩並栖珠樹林和  
鳴命匹儔羽儀一朝垂鳳去鳳獨留念歆  
隨君往群鷄鳴啾雙羽宿空林長鳴望  
北幽榮華一以謝安知春與秋聞道蓬萊  
水曾為清淺流山海有變遷天道長悠

易居稿

下

未

坐見雙鷄成應律響琳瑯一鷄上天池啣  
圖十二樓一鷄向秦臺河洲咏好述為巢  
阿閣顛飛來拜冕旒榮光被丹穴聲華遍  
十洲閭風廉曾城開晏崑崙丘繡鸞具九  
色日隨西母游一鳴八百年安問海中籌  
何如王子晉來往碧山頭

榆谿釣徒歌贈杜將軍日章有小序

將軍將種也而好文工詩蚤歲解組



隱跡漁釣若將終身焉茲介劉觀察  
書自數千里外求余詩其雅致有足  
多者故特為獎藉以成其志云爾

年來海內號承平胡越一家不用兵塞外  
煙塵息瀚海邊頭絃管沸春城將軍似是  
杜當陽文彩風流不可當碑勒峴山光冊  
府註戎左傳檀詞塲時清難著祖生鞭歸  
臥城南尺五天故業重看三徑闢新詩任

楊春補

下

上

取萬人傳畏逢醉尉灞陵西且自垂竿坐  
舊溪三千六百聊張釣不是磻谿望啓齊  
臨流鎮日涼風發浩歌滄浪振林樾波文  
綠染萬山雲水光白映一溪月我願將軍  
常樂此採山釣水堪忘死但使邊烽永不  
飛何妨漁父垂青史老夫十載學從軍飄  
泊空驚鷗鷺群為君喚起濠梁興莫遣悠  
悠俗子聞

王山人往歲相過曾贈以拙詩一律茲  
再來出一冊相示和章盈帙矣而山人  
之落拓如故也率爾有感再有此贈  
別來衰鬢嘆蓬飛再見居然白紵衣訪隱  
誰能依柳市問奇君數枉柴扉隋珠照夜  
新篇滿范甌生塵俠客稀莫向青山悲不  
遇古今惟有首陽薇

題羅伯符效倪雲林山水

楊春補

下

上

蒼崖一帶橫雲表古木蕭森竒不了林端  
茅屋忽成村商山歆暝終南曉陡覺群山  
勢欲降前通波烟浩渺之長江中流掛帆  
者誰子白雲四起歌滄浪銀河直下五雲  
端縹緲空亭對急湍少陵於此得佳句五  
月江深草閣寒羅阿癡倪雲林曾中丘壑  
竟誰真曾見米家風致亦如此轉見今人  
勝古人我歎因之謝天伐坐臥煙霞弄明

月淨掃石泉一片雲相期與爾煉金骨

贈馬元禎一絕

書廢獨披樂志論囊空不草送窮文說與世人渾不解閑搔短髮看秋雲

中秋夜坐贈馬元禎

萬里晴空捲片雲閒庭梧葉落紛紛惟應今夕天邊月一段清光始似君

中秋夜飲贈王子柔

書

下

五

閒雲飛盡海天寬銀燭金尊徹夜歡為問今霄天上月故園曾得幾回看

秋日同黃美中親丈王子柔內弟洵背

河泛舟

晚烟漠漠水蒼蒼一片平林帶夕陽把酒

放歌秋色裏不知何處是瀟湘

蓼花無數送扁舟一曲清溪萬頃秋此際

風光何所似樓紅蕭鼓下揚州

長天秋色下垂楊風起汀花夾岸香自是

此中堪避世誰傳落事到滄浪

年々湖上好經過嘯月吟風樂事多一笑

莞然成莫逆利名原不到漁蓑

短棹孤舟信往還鶴鵲鷗鷺滿清川主人

不是尋常客好借靈槎送上天

叔度汪波迥不群王郎好武渡知文此中

便可開三徑千古求羊屬二君

書

下

五

遙空萬里淨無雲一曲霓裳五夜聞此際

素娥應有意天香桂子落紛紛

洪河東下海雲連明月當空一鏡懸耐可

乘流天上去何妨平地有飛仙

長堤高柳接青天鼓棹隨流夜未還漁唱

樵歌雙勸酒不知今夕是何年

十分景色近中秋二妙相從湖上游寄謝

長安車馬客饒君拜相更封侯



贈內弟王子柔

當時烽火照西川，曾共驃姚出塞年。  
赤羽獸揮援虎穴，白夷親見染龍泉。  
軍聲轆轤道，千山動凱奏明光。  
五夜傳罷戰，歸來無一事。夢回猶記望狼烟。

哭社兄董元仲吏部三十韻

攤書淚滿眼，為檢故人詩。  
一字堪生色，今為絕命辭。  
疇昔與夫君，契分故不淺。  
詩書

場居稿

下

廿

費討論花月，恣游衍獨鶴在鷄群。  
惟戎與論文，紅顏辭絳帳。  
彩筆上青雲，手種河陽花。  
身視山公草，浮囂非所耽。  
榮名以為寶，置身翰墨場。  
脫從天官署，一麾乞未得。  
竟把漁竿去，行吟漳水頭。  
吊古思悠々，五車當萬乘。  
一日足千秋，道在困亦亨。  
身隱形不悴，已與世相忘。  
豈謂神猶忌，何日玉樓成。  
逍遙上帝京，未了生前事。  
止遺身後名。

憶予弱冠年，頗負風雲志。  
孰是同心人，夫君與魏二。  
魏阮傷宿草，君亦歌薤露。  
風流

雨絕天文彩，花辭樹後死。  
何可知傷心，淚盈把茫々。  
宇宙間誰是長生者，從此罷談玄。  
蕭然辭世緣，風斤斷郢質。  
流水絕牙絃，源悲南浦雲。  
痛哭西州路，百羽集詞林。  
何新可代故，河山成緬邈。  
雲樹想清芬，人間絕問字。  
地下可修文，絮酒路迢迢。  
臨風一

場居稿

下

廿

放招九原何日起，松栢影蕭々。

中秋月下飲成孝廉本生馬文學元禎

王將軍子柔醉後放歌

青天一片月，流影照中秋。  
霜落劉琨塞，風生庾亮樓。  
樓下梧桐一葉飛，誰家玉笛弄清暉。  
座開北海尊，常滿客到西園醉。  
未歸一年能得幾，中秋一秋能得幾。  
邀遊何得尊前不暢飲，試看大火已西流。  
擎盃向月

醉嫦娥問爾年來樂幾何便令三萬六千  
歲繞得一年一嘯歌我輩少年顏色好曾  
向月前幾醉倒今日相逢似昔時相看不  
覺容顏老人世真如草頭露痛飲高歌亦  
有數但憑潦倒足平生莫向風塵悲不遇  
君不見楊子雲閉門自草送窮文天祿閣  
中形吊影清靜由來也悞人又不見新息  
侯北伐南征到白頭毒霧愁雲驚墜水始  
場下

稅朱和陽中丞二首  
一代英雄盡開書老淚彈星精箕尾動創  
氣斗牛寒遺愛存銀夏豐功勒賀蘭丹心  
應不滅風馬入長安  
想像英風在依稀梁月看雄談空四座俠  
氣失三端南楚悲襄漢西軍泣范韓將門  
傳世業文武並登壇  
送崔際虞京兆入京  
場下  
白蘋紅樹滿斜陽繫馬離亭酒一觴鮑氏  
威名仍奕々田郎義概自堂堂東山尚帶  
煙霞色北闕重瞻日月光此去持衡知  
不遠好客漁父臥滄浪  
贈劉心田廷尉  
十年臭味兩心投何幸今來恣晏游自是  
飲醇先已醉非關枝轄苦相留玄談不負  
清秋夜高咏應懷明月樓却恐東山新起



以重來興盡剡溪舟

題崔京兆柳屏園

帶郭園開景物新  
門前五柳淨無塵  
柏臺舊是青驄客  
栗里新為白社人  
花樹千行  
渾似綺池臺  
四望穩成春  
謝公已為蒼生出  
倘許移家暨卜隣

三李二鮑石趙七公子  
招飲李罔卿綠雨堂時罔卿在都門郎君二妙在座

場亭稿

下

三

萬綠成圍雨氣深  
群賢雅意此招尋  
登堂想像蘭臺客  
對酒驚看玉樹林  
幽竹留雲  
雙鳳舞  
古槐受月一龍吟  
頻來狎作松筠主  
休閑柴門滿院陰

送王籲吾守德安

雙旌五馬五花聯  
共指龔黃作牧年  
身繡九秋辭漢署  
熊車十里下江天  
荆鄆風塵  
三湘接雲夢  
烟波七澤連  
南楚正當多事

後循聲早達至尊前

送尹不賓游梁晉

簪冠藤笈入檐簷  
共識詞人此代興  
晉水濯纓情汗漫  
梁園授簡氣稜層  
烟雲盪日  
滄中微風雨連天  
起二陵他日歸裝應不薄  
奚囊滿貯玉壺冰

寄梁原沙年丈海南

升朝一別梁南海  
雲樹迢迢有夢思  
鴻雁

場亭稿

下

某

不傳天外字  
風塵應惹鬢邊絲  
閒看五指  
仙人掌坐誦一編  
蘇子詩  
萬里人歸憑寄語  
而今不似少年時

寄蔡梅岩年丈海南

海天萬里寄相思  
尚憶湖陰把袂時  
秋入八閩鴻鴈少  
梅開五嶺驛書遲  
梳柳樹繞珠人室  
松柏雲深陸相祠  
何日歸朝還過我  
柴門尊酒話居夷

送廣文張洞山先生掌教漢陰

一瓊幾見大河秋又奉新除事遠遊賦就  
四愁臨漢水傳來六藝到梁州春風西拂  
秦雲棧化雨東隨楚澤流遙想談經清暇  
日忘機應憶海邊鷗

賦得黃鶴樓送易中丞入楚

危樓百尺倚晴空鶴馭蕭蕭望未窮臺檻  
半歸神女夢軒窓四起大王風天連江漢

場居稿

下

廿

千帆出地接荆吳萬里通遙憶美人煙水  
濶武昌明月許誰同

寄題劉厚吾觀察太乙樓一首

重樓十二影蕭森未數西園翰墨林家學  
不緣天共遠星精何意夜相尋于今屏翰  
推申甫自古文章在卯金翹首榆關千萬  
里勝游何日共登臨

一笑齋詩有引

夫雍門動操汎濶沾俠客之襟楚澤行

吟憔悴損貞臣之色何者感慨至則三

籟並以移心結想殷則五色皆能喻志

是以征人思婦蒲柳之質蚤凋放子逐

臣霜露之感特甚矧伊人士顯在周行

嚮用之志方殷謠詠之口乍值失勢則

一落千丈懷君乃一日三秋古多寄託

於聲色之間今亦感發於波吟之際尼

場居稿

下

廿

父所為倚蘭而嘆少卿所以循弁而悲

者也吾門留銓成為蒼氏丹衷烈烈天

骨稜比德則鸞鳳和鳴砥節則冰霜

等潔十年花縣召杜興歌二載粉闥裴

王嗣武馳驅皇路崇臚非遙萋菲卑詞

官階乍左衆有淪落不隅之嘆若無懣

憤不平之心惟是感日月之已逝時寄

指以咏言悼勲業之無聞或倚樓而清



嘯爰從古句載著新篇託之閨闈寫其  
繾綣人有因之嗣響余亦屬而和歌別  
有緒言聊為弁首嗟乎升沉靡定仁義  
何常山水寄懷情鬱其誰語頭臚如  
許髮種以奚為九州總是畏途生不  
成名身已老一人足為知己世皆欲殺  
我獨憐所願君子居貞達人委運含芳  
龍馥蕙蘭成大國之香流耀垂輝日月

場居稿

下

卷

仰經天之照載題四律著在左方

賦得苦調琴先覺

隱々天邊恨冷々指下吟未成山水曲早  
見鳳鸞心腸斷清商奏魂消綠綺音哀絲  
悲獨夜一別到于今  
曾聽求凰操俄成孤鳳吟不應流水引轉  
寫倚蘭心別鶴三秋唳清猿一夜音瀟湘  
天萬里灑淚到如今

賦得愁容鏡獨知

別恨盈秋水離憂入遠山一從鸞羅舞無  
復玉為顏思盡形全改情深鬢欲斑終期  
三五夜開閣畫雙鸞

情懸千里道恨壓萬重山拂照傷金釧開  
奩痛玉顏崔微真未寄徐淑鬢初斑何日  
還眉嫵峨々月並彎

題竹溪館二首

場居稿

下

廿

才美東南士北游諧賞心軒開千畝竹門  
靜一溪陰穉解無龍臥實成有鳳吟生平  
愛李白得爾足知音

六逸稱前代竹溪舊得名從無俗士點賴  
有此君清風響秦松和雲梢岱麓平青蓮  
今再見東望不勝情

題呂仙像

閒雲飛盡海天孤瀟灑乾坤一事無此是

神仙真氣象悟來全不用工夫

寄于文若太僕

驂騑十二壯天閑羨爾逍遙法從班關下  
晴光籠冀野城頭爽氣薄燕關賦成羽獵  
淵雲後詩擬車攻雅頌間莫上金臺憐駿  
骨長林豐草遍秋山

失鸚鵡

學語憐鸚鵡翩然返故鄉金籠曾有夢玉

場居稿

下

廿

鏃已無光羈束傷前事翻飛逐舊行此情  
誰得似漁父臥滄浪

約文會示諸生有引

夏月倏臨秋期行漸蟾宮在望矧丹桂  
之森：駒隙難留訝青驪之冉：嘉此  
及門之序誰非大國之香典試額者博  
人賈勇固投石超距之時遺甄收者摻  
土重來亦破釜沉船之日覩余魯質辱

主齊盟爰擬十五之期聊舉尋常之會

歇假一日而見君武庫兼携四寶以就  
戎文房浮英華湛道德誰肯甘玄白之  
嘲採春芳收秋實余願下雌黃之目庶  
乘六月而聳垂天之翼行從萬里以畢  
運海之心老夫耄矣追惟少日翹然興  
見獵之思多士念茲願及韶年劃矣奮  
揮戈之志使不再往朋且方來別製五

場居稿

下

廿

言以當四教

百川東赴海二曜西經天五運有代謝萬  
化亦推遷乍見炎威熾忽驚涼颼還黃小  
能幾時轉瞬已華顛誰為王子喬煉形終  
百年  
百年不須更擇術在經始發足一不戒岐  
路成千里自古賢聖人各務憂勤理大禹  
惜寸陰日昃文未已尼父絕韋編周公亦



十起譬彼地成山一簣寧堪止解戀息中  
途掘井不到水覆杯不可收傷哉情游子  
情游曷可常緩步失康莊啾々百鳥群分  
飛各異行斥鷃槍枋榆天池游鳳凰孰是  
懷鉛者營道以同方嚮往各差池羽翼乃  
不張天馬騁八極驚足委道傍末路誰能  
齊首途宜自強自古榮名客原從翰墨場  
翰墨非勲績榮名亦儻來丈夫志四海夸

場居稿

下

草

毗非所裁無令地維缺要使天門開黃鵠  
游萬里毛羽胡為哉洪河資巨艦大厦須  
長材大業垂千秋英聲落九垓願言各努  
力無令壯心灰

送高蹇瘁

十年曾是魯諸生買駿燕臺已著聲經學  
爾為劉子政鄉居我愧鄭康成雄談四座  
風雲起大業千秋日月明吾道已東君記

取逢時會見泰階平

潘伯房吉源雙壽詩有序

宇內山川之氣自西而東屆於齊魯大  
海環之鬱積不散鍾靈孕秀發為人文  
其道德文章功名壽考往々為九州之  
最自孔孟而來以至於今指不勝屈即  
潘伯吉源房公其一也公家在齊之青  
州奮趾甲科由行人為御史出為蒲泉

場居稿

下

詩

大僚高節直氣淑問榮名布滿海宇年  
甫踰耆即致其仕而歸海內縉紳東望  
扼腕咸有當年莫殫之嘆乃公恬然安  
之尋壑經丘明農課子徜徉容與二十  
年如一日焉而其元配夫人亦與之偕  
德儼隱今且並躋八十鶴髮鳩杖逍遙  
海濱元嗣蔚居君亦已成進士為中舍  
金相玉質冠冕朝紳三齊七人咸歌咏

嘆羨以為不可幾及嗚呼盛矣吾嘗待  
罪三齊往來海上習知青州之地西有  
泰山東有渤海山盤水滙灝氣所鍾而  
郡當其中二五之精融鑄攬結於是乎  
山為雲門園一竅以揅雲霄大地居人  
如對天闕水為天齊淵江溪五里海溪  
十里而此水中天地而為之膺元精之  
所會也聞之地之大者其殖產必豐公

場居稿

下

堂

孚山水之奇揔扶輿之秀取精多矣發  
祥厚矣故德為全德福為備福其昭明  
顯融足以蔭群生而輝奕世其高朗令  
終足以綿霍筭而永龜齡則今日之八  
十猶其始基之也夫天地之精有所凝  
聚必有所發舒故道德文章功名壽考  
皆天邑地符必至之期於此有缺於彼  
有補理有固然非偶而已也以公之德

溯孔孟之真源毓河山之粹氣上之宜  
調鼎和羹宅三垣而斟大斗次之亦擁  
旄建節據上游而稱連帥乃僅一居  
內臺數蒞外服位不配其德施不窮其  
積是謂冲而不盈缺之必補者也夫道  
之真以治身其緒餘以為天下國家其  
緒不殫則其真不散蓋自今而往如崗  
如陵如川之至如日之升後天地而凋

場居稿

下

堂

三光未足以窮公與夫人之壽也何但  
八十已乎余門人孝廉楊子文昌為蔚  
居君丙午所薦士其同門多士以師門  
有大慶求余文以為公與夫人壽余輒  
為原本山川推極道德序其所繇以得  
壽者並為四仰之歌以遺之令齊魯人  
士得有所考鏡焉

一歌曰我所仰兮在泰山蒼穹萬仞闢天



關瑤草金光滿目斑伊人居之神獨王  
騰不階靈壽杖何以致之三花釀蓬壺對  
飲天鷄唱

二歌曰我所仰兮在東海吐納萬流溼真  
宰萬歲千秋色不改伊人居之百谷王泓  
渟千頃波汪洋何以致之天女漿安期對  
酌灑扶桑

三歌曰我所仰兮在雲門石崩雄盤天地  
場居稿

根九域崇瞻象闕尊伊人居之迴高步璇  
霄日與群真遇何以致之金莖露青山不  
改紅顏駐

四歌曰我所仰兮在天齊大海迴環雲霧  
低群仙於此躡丹梯伊人居之醉持螯清  
流洗髓渡伐毛何以致之度索桃更三千  
年聽雲璈

內弟王子柔連舉二子詩以賀之

美莫美雙鵲喬奇莫奇兩鳳凰有鵲鳳  
有子鵲班成列千官肅鳳律和鳴五色起  
盛事而今在素封休徵自昔傳青史父為  
王母為寶王氏三槐未是奇寶家五桂今  
來又君不見烏衣王海沂康義與猷覽典  
祥又不見寶侍御驥之子鳳之鵲若清水  
在玉壺王郎豪氣不可當千金一擲少年  
場克讓不數吳季子好客渾如漢鄭莊即

場居稿

下

末

今年已四十六榷粟常歷季主卜一朝忽  
報珠生蚌十日又見牛舐犢伯仲之間能  
幾許決旬兩迓充閭福憶君隨我下蜀江  
但祝行間多受降不殺由來有天報逆知  
有子必成雙里居近渡傳高誼腹產都歸  
仲與季孔釋抱送豈無因振：公姓原天  
意我願二子他年一為武一為文出入承  
明金馬署統領鵲鵲龍虎軍于時王郎已

作擁旄客父子開門各列戟鳳溝還為將  
相家鶴城人羨神仙宅我老已作厖眉叟  
過君無言但指口只求案有肉尊有酒秋  
有菊春有韭清歌妙舞無不有醉後一傾  
仍百斗大郎左二郎右群從如雲繞膝走  
君送柴門一揮手亦知此事在他年渴餅  
且招呼盧友

伯榮宗正餽戒春盤卷謝

楊居稿

下

范

凍徹黃河十丈冰何緣進鯉坐相仍開緘  
轉向梅花笑覓句還因柏葉增老去層巖  
羞後飲春來社讌愧先登夷門虛左君須  
記楊柳垂絲興可乘

挽郭二守

有官佐郡擁熊車有子為郎典石渠經學  
已傳劉子政詞人忽病馬相如無妨秋草  
埋金骨會見春風下玉除尚憶玄亭曾載

酒潛、老淚滿襟裾

挽吳止菴

寰中清淑凝漳水海內英雄起相州七子  
衡文推大雅三吳讓國仰前修青雲射策  
嚴徐最赤縣分符卓魯優政就行春馴雉  
子時清簪筆上螭頭馬收冀野千金價鵬  
運滇池萬里游直道何妨黜展季閒情聊  
渡樂莊周繫心廊廟三春草浪跡江湖一

楊居稿

下

中

葉舟五柳正欣琴對酒九天誰遣玉為樓  
精還箕尾層霄霽名在江河萬古流客散  
西園門似水神歸東極氣如秋范張舊約  
空成幻嵇呂相思不可求何日九原人再  
起向風灑淚寄松楸

送地仙熊見龍東游一律

好向南陽再起阡君來造化已無權身隨  
大禹窮山海眼見重黎絕地天別著新書



名相冢間廢舊韻號游仙東行定到三山  
項更訪安期問九還

除日得本寧太史總憲晉中書却寄

河山表裏壯游哉三晉還應借楚材元禮  
望高秋憲府相如名在集靈臺霜清朔塞  
鴻書動雪盡春波魚素來計日安車出上  
黨五雲法宿接中台

戊申元日試筆

楊居補

下

呈

老去林泉迥自諳屠蘇涉飲愈清酣春秋  
已過五十五甲子還當三百三報國有心  
終向北垂天無力更圖南衰年轉覺忘機  
事經卷茶鐺寄一龕

和此日不再得示諸生

謀食先錢罇製錦始疑桑少壯不勤修轉  
眄悲老蒼東流無返水西日豈回光無言  
卒歲難努力在春陽吉人日不足先聖有

義方神劍埋豐嶽天際吐光芒志士厲潛  
修何用復不戚尙往墮迷途天地易播糠  
俗學事夸毗良賈必深藏科名亦等閒願  
留百世芳吾當衰憊年羞言百鍊剛自恨  
老無成中夜起徬徨弱冠志願閔行：道  
更長岐路滿荊棘何處尋康莊君子抱明  
德文藻挾天章願為聖賢徒無逐聲利場  
臨仁無水火牧心有牛羊混沌不可鑿純

楊居補

下

呈

白莫相忘舜文非絕德丈夫宜自強上漢  
須靈槎渡海資巨航天柱與地維撐柱在  
剛常大業樹千秋修名永不亡桑翰獵浮  
榮流浪終可傷申言重相訂幸恕老夫狂

郊行過張德揚園主人城居忽憶舊游

漫賦

古木寒塘不見春衡門深鎖淨無塵舊游  
朋輩今何在半是山陽笛裏人

松竹陰森小院幽，寒林斷隴帶平丘。  
種瓜合在青門外，任取傍人說故侯。  
條風駘蕩柳搖青，一派斜陽照小亭。  
安得主人重載酒，開軒為寫種魚經。

長歌贈張德揚

少年學擊劍，落魄無所成。  
折節事詩書，槩槩向陽平。  
陽平舍裏士如雲，意氣相看我共君。  
楊柳春風晴對酒，梧桐秋雨夜論文。

場居稿

下

四

壯志直將游萬里，雄心並欲走三軍。  
華髮流光不相待，白日行天放海濶。  
造化小兒真弄人，魚有隱鱗鳳藏彩。  
我自天涯作宦遊，一頂儒冠君未改。  
從古大才晚始成，陵陽未剖連城韞。  
君不見嚴子陵一釣桐江萬古清，  
羞將鼎足談侯霸。肯問雲臺將相名，  
又不見公孫弘五十猶然牧澤中。  
一入長安名便起，平津開閣坐三公。  
况君富有

五車書，南面百城。總不如况君貴為萬人傑。  
五等三垣堪等埒，他年一舉便冲天。始信鰥鵬果變絕，不然玄草在人間。  
奕世亦有桓君山，咲我一生殊草草。學劍學書俱未了，當世好武我尚文。  
當世用少我已老，漏盡鐘鳴尚未休。驅車又向長安道，鳳凰萬仞覽輝時。  
鵠嚇腐鼠自言好，何日解却腰間綬。抽却頭上簪，飄飄逐爾向空林。  
閒

易若稿

下

四

觀甲子窮三象，靜守庚辰五禽關。  
外青牛堪度世橋，邊黃石是知心騎。  
二茅龍天上下不辨仙踪，何處尋

送張蓬玄節推入為吏部

黃金聲價重燕臺，早見驂騑道路開。  
三輔亭平推飭法，九流澄敘待題才。  
花明省署輶車入，月滿長安劍佩來。  
從此遺賢出草澤，山公啓事日邊迴。



贈吳生

長夏苦炎熱煩鬱不可理  
颯然清風來頓爾豁塵滓  
吳生魯中彥蚤歲富文史  
清姿湛玉壺潭水澄無底  
政習軒岐言冥心契太始  
曾晤長桑君遂起虢太子  
餘力汎百家浩蕩長河汜  
四座伏雄談海嘯天風起  
味似中冷泉術從上池水  
戎老倦長途衰顏日相擬  
一從臥湮霞膏肓裏不復  
求治療但喜識君耳何日  
如嫁畢從君入藥市朝採  
華井蓮夜擷湘江芷曠然  
汗漫游何必金張里解珮  
以申章終當力踐此

哭趙文甫茂才

十年文譽滿燕京賈誼才  
華子建名已分人間金馬  
貴何期天上玉樓成西河  
自洒離群淚東魯誰憐慟  
哭聲天道有知應不沒非  
熊端可異重生

場居集二卷田居稿一卷河上稿一卷

直隸總督保進本

明李化龍撰化龍有平播全書已著錄其平生以經濟著平播治河諸疏表表當代原不必以詩見乃必欲以功業兼文章其畫蛇之足乎

# 郊居遺稿十卷

〔明〕沈懋學撰

故宮博物院圖書館藏明萬曆三十三年何

喬遠刻本

附《四庫全書總目·郊居遺稿

十卷》提要

沈太史郊居遺稿

太史宛陵沈公及第已何遽歸  
已何遂不起未及有所張設建豎  
於世然天下人自縉紳以至婦孺  
皆知有沈太史蓋風流之士惻其  
標格豪俠之夫重其意氣菁華之  
輩美其詞章慷慨之徒推其直亮  
近代賢人君子得意名場其聲之  
噪而為人所趨附未有如太史者  
自江陵既沒世道一更向時士大夫  
稍能自異者皆有大償太史所持論  
光於日月而年齡不逮莫究厥施志



士為之捐心名流因而奪氣良足歎也余後太史六年入詞林每想望其丰采而不得見而余戚林而卿者嘗接太史歡能言其事以暇輒相遇從抵掌譚說令人神王太史有猶子曰有巖今為漳郡丞曰有容今為淞閬帥皆以兩卿故與余善余嘗從閬帥索太史所論著欲為詮次而未能而儀部何穉孝輯而序之以歸閬帥刻焉間以一帙寄余白門余生平雖誦慕太史然意其人或個儻恢奇不受制於繩墨乃今讀

二

其言尺寸以倫常為標以檢押為防以明體適用為學問之宗以進禮退義為仕宦之準求之先進蓋庶幾羅囊正之真脩而不為楊用脩之曠達使其永年所成就造詣殆未可量而惜哉其止此也世人但知太史爭江陵奪情事以為欲上封事而不果而不知太史所注復於張氏父子之間正色於朝紳挽留之日其詞宕苦而意最委婉懇篤蓋真欲以天經人紀維持世道以忠告報知己者遺編具在使其時阿

三

附諸人今日讀之猶將擊節歎賞  
不能自己而柰之何當日之不然也  
功名得失之場真有人迷惑而失  
其本心者假令太史當時亦默然  
浮沉其間幸而無恙不過多立朝  
數載天下後世稱太史者不過曰此

四

鼎元之有寸華者耳誰復有問其  
遺事掇拾其遺文款戲感嘆而欲  
其與天壤共敝者此固太史之所以  
為不朽也太史子有則舉孝廉能  
世其家而郡丞再蒞閩皆稱廉吏  
閩帥有海上功林西卿沒所以存

恤其妻子不遺餘力其篤於人倫如  
此殆有太史之遺風焉後之徵沈  
氏者可以觀矣

福唐葉向高頓首簞



五



沈太史郊居遺稿序

國朝以狀元大魁躋位鼎鉉著名  
公輔不可勝記其不仕而稱者吾  
得四人焉則羅彞正舒國裳羅  
達夫楊用脩四君子之四君子者立  
朝論事或有不同類皆輕溫飽之  
志尚沆慨之節而宣城沈公君典寔  
與伯仲其出處之跡頗類彞正而  
其時其勢微有異者彞正得昌  
言廣論於不諱之朝身雖遭斥竟  
無有逢干之恐以得遂章雲之抗公  
之所處則猛虺磨牙毒蛇當道宵

度不足膏碁鎖而口業以為斧鉞故  
公之飄然而去堅然而卧即無彞正之  
遭而青天白日之氣烈風震霆之象  
均足皎然於人之耳目公既以持論奪  
情不合時相雖不及露章顯諍然  
時相業聞忠告之言惜乎其徒陷  
於諛佞之輩不數年間時相僅以  
要領劫而公已淪墜九原之下世道  
人心之不幸其可悲也公兄子有容  
來為閩閩帥出公遺集示予蓋玄  
公物之二十餘年時公子有則已登  
薦書而有容之兄有嚴方以德廢

守奉諱家居有則至泉則述德  
慶君與聞帥君之意使予為公訂  
而刻之予讀公之集論學則懲良  
知末流之弊而必躬行實踐為宗  
論政則鄙當日綜覈之嚴而以王  
道寬大為本蓋學問文章出於正  
義非徒用一節自皎者公夙承尊  
甫侍御公家學既端以脩又故慕  
尚豪傑長者傾財好客說劍談邊  
慨然有烈丈夫之風其文采歲華  
襟懷磊落直欲置身古人之間固  
未嘗拘攣咫尺步趨之誼乃其心

事較然終不放焉措於非義之塗  
不仁之事蓋庸夫孺子皆知公之為  
正人傑士斷乎其必為之也天假公  
年必有潛心默會以進於聖人之道  
而當日公所以自待既高天下之慕  
公者六臂交踵接竟不得以其間  
有所著述以垂於後然則公壽不  
長殆天靳之至其心跡物論已足  
見於後世矣予為諸生上計時過  
吳越間是時公方舍承明著作之  
庭縱遊江以南江以南人士慕誦  
公甚而予缺於一見乃今得讀公



父於公之兄子勅、尚有生氣其猶  
交公之存也夫其猶交公之存也夫

晉江何喬遠書于鏡山之

自誓齋

萬曆三十三年乙巳歲臘

日



沈太史郊居遺稿

序文

台山葉先生諱向高

匪我何先生諱喬遠

誌銘

霍林湯先生諱賓尹

表

奔洲王先生諱世貞

傳

赤水屠先生諱隆

輯

男沈有則士範父

沈有貽士叔父  
姪沈有嚴士莊父  
沈有容士弘父  
沈有恒士一父  
沈有望士翹父  
孫沈壽元

沈壽康  
沈壽廣  
沈壽庾  
沈壽辰

沈太史郊居遺稿目錄

卷之一

五十言古風

辨志詩

哭貢玄畧先生

次答陳冠遶見懷兼致少明光達伯仲

送崔伯溫之塞上

贈東谷吳山人

燕市逢李將軍

同馮開之湖上喜遇梁山人伯龍

五七言排律

壽李石翁相公七十

賦閒園咏蘭

賦贈楊大司徒

劉山人長卿過訪郊居小集

送詹伯子還豫章

五言律詩

二月同禹金侍宛翁老伯泛雙溪



酌王仲房

旅泊

秋夜病起

寄評梅禹金病

寄劉小園

奉懷王城墩先生二首

夏日梅子登邀同張有光吳廷承麻得

之劉子功汎雙溪得陽字

送黃兆駟赴皖城周振之約

目錄

次東龍郡丞身之二首

次答塞郡丞汝上二首

別塞汝上

過謝氏莊讀書處有感

游上谷

雨霽

石湖訪王龍岡命酌

登席丘

同湯義仍夜坐次韵

送吳生之湖陰

有感

別莫雲卿

溪上逢楊汶所

客新都懷禹金伯杞萬仲昆上

送酒呂茂才

麓峯訪王元宣元嘉二內弟

清隱芥

松隱芥

目錄

白雲寺

柏觀寺

麻姑山

登小崑山

登翠雲憑虛閣

寄莫雲卿金臺

立秋日病中任

東塞汝上

京中訪湯義仍就宿

入院

讀中祕書二首

同魯直卿張景仁二太文瀛洲亭小集

署中看卷得寒字

署中霍得園字

署中白菊

送郭雙井司訓崇德

送黃葵易封唐藩

送鄭蘭石冊封寧夏

送任山甫奉使還滇中

次韻別崔大伯溫

次懷梅禹金

朝回得禹金書

得禹金論文書時讀書中祕

得孫子成書

讀書中祕懷王城敬先生

夏日同歐博士禎伯顧光祿未潛張光

祿元易集李明府于美宅分得才字

七夕懷梅禹金

次答張白門

送胡仲魚還歙二首

十月即事次答許太史穎陽

舟遇余太史伯祥小集言別

同朱任菴飲李乾堂使君舟中

清源留別李仁卿使君

同張儀部飲部青螺官舫

寄張幼于

寄汪子建

移疾歸止翠雲蘭若二首

彭玉潤見訪翠雲次答

次答邵長孺

東藩子會二首

未度元振諸子集翠雲得天字

端陽后二日同吳立之貢玄忠徐汝法

汝美敬亭小集二首

梅元振過郊園見訪次禽



主穠日有感

李季宣約為黃白游不至貽書見裏來

華次答

送到山人長卿還楚

孫強恕年丈過訪郊居賦別

東嶽廟樓贈萬伯丞

夏日宛溪即事

送張有光赴燕二首

舟中集李宣質甫話舊得孤字

携尊過季宣舟中同文仲質甫對雨分

得飛字

陳少明黃伯羽過訪次答

梅元振過訪小集

訊梅禹金李文仲山中

送禹金遊白門

得潘子會書

得程天錫書

李明府邀游黃白病不能赴走華謝之

同方平子虛泊嚴陵遇孫惠甫詩見

投走華次答

江行即事同子虛得多字

初易館訪汪巨源同子虛分得初字

孤舟對雨同方平子虛得孤字二首

同方平子虛伯雲庠丘夜集分得看字

虎丘對雨同俞公臨莊靜甫程子虛限

韵二首

挽吳崑麓年伯

訪俞公臨濠上居限韻

吳惟用惟中邀集石亭山分得臨字

集胡明府所同吳亦行分得羣字

同唐世輯孝廉集其未明府君仕優軒

次俞王仲房寄懷

敬亭集謝少廉余仲齡何叔度得看字

集張大來宛上言別

聞壽卿將北渡淮為其兄子華壽曉送

次答莊靜甫時將有九華之游

敬亭望九華山

題石屏隱君卷

次舍郎汝翼言別二首

次舍郎汝翼訪余邨莊之任

同劉傳二明府集廬山寺言別二首

寒山寺

同毛仲車沈伯宏集汪子建

吳門惜別

別吳子器

別謝交可

同梁伯龍馮道立登法相寺

宿定慧寺

益林隱小舟中阻風泊關外

贈葉山人茂長

次答卓漱甫見遲

同朱文臣馮開之集真如寺

別朱明府文臣

同道印上人宿淮雲寺

海陽集魯于健明府

訪王山人仲房

仲房潭上園集青蓮社諸子得思字

同程方平胡舜卿程子虛登桂佛寺

山字

集王貞伯園亭留別新安諸子得青字

別魯明府

黃清甫曹任之過訪郊居次答

同萬伯武集殷使君園亭

七言律詩

春日同史司理仲致集梅禹金天逸閣

得文字

次別吳元稷

同蹇郡丞汝上龍郡丞身之史目理仲

致登敬亭

次韻東郡丞蹇汝上侍寒以部使者委

駐桃州

次舍蹇汝上郡丞



送徐使君汝和守成都

登翠雲臺張伯起幼于兄弟

送唐憲使吉甫督河大梁兼呈吳明卿

觀察西亭中尉二首

同張有先梅子登吳廷承泛舟雙谿

同梅九溪謝文淵諸公集天逸閣

上元夜集江伯禹館

上元集管子乾

同汪仲嘉謝少庶吳元常高君翰諸子

登散亭分得孤字

次梅禹金同史劉二司理集龍郡正齋

寄汪仲淹

次答王山人

懷南都傅司徒

留別水西杜諸子

堉林

率諸進士上表謝恩

早朝

次答梅純父大參公

懷王城墩先生

同趙太史定宇顧光祿夢洲集錢景川

所分得逃字

聞梅純父先生計二首

和李于美五君子詩

送趙太史汝師還吳

九日對菊館課題

次舍周民部元孚二首

次舍歐楨伯博士

次舍劉憲副念菴

人日孫太史以德顧光祿亦潛張光祿

元易李明府于美萬太史仁甫管山

人建初過訪分得書字

春日李通侯惟寅魏文學季朗任別駕

山甫過訪分得生字

次別于谷峯韓敬堂二太史

次別陶應中比部

次別曹直卿太史

留別吳環洲司馬

留別李于美諸子

次答李伯承符卿

濠河次答顧太史學海

次舍張伯起見象之作

次舍黃使君過訪不遇有懷之作

寄戚總戎南塘

秋日得周元孚書次韵却寄

目錄

寄懷吳少司馬環洲

松隱奔感舊

敬亭懷管登之馮開之二子

江山人子建過訪郊居

吳廷承自汝州告歸

懷吳司馬

登九華山得霸字二首

白岳喜會于健明府至

喜遇馮開之湖上

南高峰絕頂二首

同沈嘉則馮開之屠長卿泛舟清溪

登觀復樓傷受軒宛谿二先生

次舍禹金

同李季宣夏質甫王用甫泛舟白溪得

尊字

贈近舍李公

平日舟中同文仲送別季宣得湖字

送別李文仲之秣陵

目錄

十三

陳少明過訪次舍

方山人于魯過訪次舍

孫以德携酒慧山集莊靜甫俞公臨

安茂卿分得龍字

登銅官山望太湖有懷任山甫

卷之三

五言絕句

西郊

送別汪生雲瀛



萬竹軒偶題

僧中方偈

問月臺潘司理題開園十八首

薇苓館

難老亭

清華軒

九山中亭

夕佳亭

六觀亭

目錄

二十四

宮槐塢

女真陌

玉鏡池

贊雪亭

芙蓉洲

秋江石舫

結翠亭

載酒亭

飛花塢

羣戴閣

隱翠亭

題畫二絕

柳塘春意

秋山飛瀑

送僧佛肩游白岳

次舍屠長卿四首

七言絕句

山中聞子規甲子歲思母作

目錄

二十五

寄評梅禹金病

登敬亭山絕頂

登碧亭

解嘲

志感

天高山雪

寄披雲鄭山人

王山人仲房自塞上歸贈二首

汪山人子建自塞上歸贈二首

送朱虞對自省親所歸越

送岑生歸建平兼寄潘子會二首

謝蔡道卿贈佩刀二首

白雲方丈寄東王山人仲房

示水西社諸子

寄梅惠夫

哭子使君維禎拜輓左夫人三首

有感二首

得唐憲使吉甫書

次荅禹金三首

次禹金俠少行二首

寄懷王南易

送程夢龍游楚

和禹金二首

壚頭

上方制府凱歌七首

解雙佩劍贈雷將軍二首

送容姪出塞四首

送譚山人歸粵

送屠長卿全穎上三首

送郭梅井倅辰州

集李于美宅次歐頑伯人字

署中聞子規

送貢懷墩任淞江藩幕

聞管登之被謫

送談見河游塞上

送黃侍御按宣大

送吳元生還歙

寄朱重慶

發潞河

留別沈穉亭

次荅王山人仲房四首

懷仙曲

傷離二首

寄李明府惟寔二首

寄盧明府伯仁



玉女峯

玉柱峯

魚龍洞

龍泉

摩空亭

摘星斧

梨溪道中

石鏡晚行

雍溪道中

題雲庵次汪伯玉韵

棲霞洞

白岳宿黃道士山房

示向道士

天門

訪馮開之湖上時開之尚隱城中

小憩南高峯石壁

從石屋訪烟霞洞天同梁伯龍得寒宇

水樂洞

玉女潭

慧山泉

開之席上贈張四還青溪兼柬屠長卿

明府

同馮開之俞孟盛雨中泛湖遲沈嘉則

不至

贈沈孟嘉訪開之湖上

卷間戲贈伯盛

次舍梅元振見表

雪中解雙佩劍贈金吾沈駕部四首

過宛溪先生舊館東與金四首

東程天錫

題畫

答梅時甫兼約過山中

送青田謝居士歸越

卷之四

廷試策

擬揀建言諸臣令大學士張居正再奏

疏

傳

陳貞甫傳

程母傳

記

重脩南陵縣志序記

重脩旌德縣志序記

新城碑記

卷之五

序

考溪集序

贈郡侯鳴峴鄭公入覲序

贈郡丞龍石湯侯入覲序

送鄭郡侯考績序

曹侯健歷年文考績序

旌德盧明府東麓年兄考績序

黃侯慶齋先生上績序

贈桐川刺史何公序

大司寇萬安朱公七十壽序

王龍翁老師八十壽序

壽邢筠山公六十序

壽吳隱君七十序

卷之六

尺牘

上梅宛溪翁大參

奉父少參公

慶周都峯翁給諫

慶唐極參茂才

與黑雨亭參將

舍唐盡齋

寄兄家報

寄諸伯亦兄弟

復王仲房

答梅禹金

舍許宗明孝廉

與湯伯御孝廉



與黃兆聖

上王龍谿先生

與董理軒眎

與梅宛老

與梅禹金

與徐覺愈觀察

與李時岳直指

與王龍翁

與張岱與太史

目錄

與吳子道太史

與李義河大司空

與趙汝師太史

與張質齋孝廉

與李于美明府

與張岱與

與方金湖公大司馬

卷之七

尺牘

與戚南塘總兵

與王荊翁

與戴愚愈太史

再與王荊翁

與朱金逵太史

與唐魯泉給事

與黃健所直指

與梅禹金

寄梅伯杞萬仲二文學

目錄

與徐錦衣爵

與賈春宇觀察

與耿楚侗翁

與程子虛

與戚撫兵

與方元洪

與朱明虹太守

與塞理卷刺史

與宋易山開府

虞歐陽宗翰

答馮開之太史

復屠長卿明府

與伍公子

寄周洞巖先生

與劉旋宇孝廉

寄羅近溪先生

與張伯起孝廉

寄梅禹金

寄梅伯托萬仲

上陸五臺大司寇公

卷之八

尺牘

復王龍溪先生

畬徐魯源

報屠長卿

東諸廣文先生

復劉正峰明府

東俞公臨

復唐魯泉給事

復吳文臺茂才

上陸五臺公

五議

卷之九

尺牘

復查毅齋觀察

復屠長卿明府

畬李季宣孝廉

與張周田兵憲

復許樵南孝廉

答孫子成茂才

復孫和宇茂才

畬俞震澤

與丁右武司法

與周海門主事

復曾健丞明府



與張麗江

與蘓懷愚明府

舍殷無美孝廉

與李湛邦

與耿楚侗翁

與周小魯廷尉

答屠長卿

舍彭欽之茂才

答徐孟孺茂才

答莫廷韓茂才

寄張伯起孝廉

寄張幼子

寄管登之觀察

與張岱與太史

卷之十

尺牘

與周元孚民部

舍唐極座

復丁海陽

與屠長卿

與丁右丞司法

報京中諸同年

祭文

祭宛溪老伯文

書院祭宛溪公文

祭貢受軒先生文

祭楊妹夫文

誌銘

明刑部觀政進士伍蓋吾先生墓誌銘

徽府教授唐公毅先生墓誌銘

郊居遺稿卷之一

宣城 沈懋學君典 著

溫陵 何喬遠稱孝 校

姪 沈有嚴

沈有容

男 沈有則 輯

五七言古風

辨志詩

元化何茫茫大道曠以平烈風吹果日迴颺蕩

詩

卷之一

前楹萬物逝相謝不朽者脩名達士捺鴻鉅寧  
爲衆庶營戒孫有遺言緬懷太上情安能自汨  
沒秋卉同枯榮聖賢皆度世詎用謀餘生來馬  
糴輕肥結交誇逢迎豈不懿里閭祇恐傷幽貞  
浮華竊虛技詞賦蜚英聲壯夫恥雕蟲攀悅何  
足呈古人先大節不媿敦心盟見之重廊廟隱  
則游蓬瀛知遇倘弗藉斯世堪鈞衡弘施需寰  
宇正氣凌太清此身尚鴻毛寵辱誰能驚塞余  
分薄劣遭時列紳纓慙經濟術空言寡所程

歲靡大官錢朱芾紛相嬰飛駒易過隙畫虎終  
何成念茲多踧踖竚立以忤怔願棄桃李華歆  
東葵藿誠勗哉景前哲庶以訓 聖明

哭貢玄畧先生

高門著宋元家世南埒陌昭代湖厓公擣藤稱  
詞伯夫子間氣生髫年事探賸文章落鳳毛意  
氣凌鵬翮出入綜丘墳縱橫徧老釋思研周孔  
情算枚孫吳魄按劍詫投珠連城空抱壁披雲  
叫 帝閭不售天人笑幽窓更下帷經史深尋

詩

卷之一

二

繹仰止喙前脩浮華竟虛柵近邇瀛伊不遠窮  
洙泗朕靜中見天真返視窺霧珀私淑盡名賢  
淵源究義畫良知悟妙詮玄語嗟陳迹大道合  
形神功行尤銖積豈效倡狂徒利名恣景射賓  
興謁建章論事誇精覈振鐸匡廬春花明函丈  
席簾庭化雨新鹿洞和風開絳帳轉天臺青衿  
快親炙聲華滿薦書視篆多興華四境聞絃歌  
百年思棠澤稍遷胄子師敦學兩亡數駿馬黃  
金臺秋光開碣石高談驚四筵炯々雙瞳碧吾



道稱宗盟北方讓儒碩

憂勤褰素惟游刃餘煩劇誅求戒隸胥勞費均  
郵驛保甲奸民消常平倉廩益經綸陋繭絲雅  
素揀冰蘖庭馴霍霍雖壁秀青青麥期月已風  
行鄒魯回途掖高名泰岱低大畧滄溟窄拭目  
展弘猷廟堂進周顒以茲命世材永為扶宗祏  
豈知請謁踈遂坐公卿責並用闢三涂誰哉破  
資格夫子澹蕩人直尋羞枉尺鳳鸞千仞遊嘆  
彼鴟鵂嚇卧轍竟難番不赴長沙謫拂衣歸故

詩卷之一

三

園情與閒鷗適離邊晚菊芳湖上晴雲擘嘉會  
集群英玄機開心易先人少負墻北面頭終白  
伊余參與回登龍自嘯昔嗟嗟辛未秋唁我溪  
堂夕追往撫孤兒恩私迨臧獲春來別師門遙  
挂澄江席 召對偶遭時謬厠金門藉翹首敬  
亭山烟蘿杳相隔遙思尺素傳忽詫桑榆迫方  
迎季子璽遂易曾參簣聞訃疑復驚悵望文星  
圻天乎萎詰人不使年滿百長慟淚珠寒殘月  
吐空壁古今總逝川飛駒易過隙觀生去若浮

幻世同為客堪悲大壑舟謾說崑崙核何當跨  
霍還一問青松宅天葩揖廣成從之鍊金液

次答陳冠庭見懷兼致少明光庭伯仲

吾生薄浮榮拂衣歸青山夢和明月冷心與孤  
雲閒懷君石際遙對酒難成驪池草春日芳藂  
桂秋堪攀援琴一鼓之流水餘潺潺天葩入望  
晴白雁迴林端

送崔伯溫之塞上

宛水春來煙景多放舟欲下聞驪歌美人投筆

詩卷之一

四

懷班業舉杯亡柰離愁何玉關萬里未為遠春  
華回首秋雲捲丈夫立志須及時况是皋蘭氛  
侵躋曾聞五道出將軍伐謀待爾成奇勛卿心  
莫作江南夢驥足應空冀北群交河日淡胡笳  
徹雙劍龍文飛白雪天驕斷臂取封侯知君不  
負今朝別

贈東谷吳山人

黃山之峯三十六中有幽人卧東谷白龍潭上  
弄晴雲青天綠水芙蓉簇百年自此足逍遙咲

殺風塵空碌

燕市逢李將軍

燕丘自昔多豪英悲詩慷慨雄風鳴少年結客  
重然諾訓恩誰是夷門生看花此日長安道飛  
度五雲雙鳳曉得意羞誇疾馬蹄心期千古知  
音少與君相遇帝城東秋色晴開碣石宮  
樊黑對尊前月肝膽堪投一咲中自憐曼倩金  
門隱喜爾過從凌皓景擊筑高歌傍酒人劇談  
三日醒初醒狂來拔劍說龍庭拂拭霜鋒血尚

詩

卷之一

五

腥遙浮殺氣陰山北神物還驚會有霸國士酬  
知生死見恨殺少卿終負漢一室常自破重圍  
漫說勞師經百戰驕胡今款受降城貢琛重譯  
稱寧平玄機久握陰符髓待時一試烽塵清虎  
頭須臂封侯骨况逢聖主真明詔太史亡勞  
嘆數奇麒麟高閣看掀揭

同馮開之湖上喜遇梁山人伯龍

敬亭煙雨片颿東剡水青山入棹中孤雲高鳥  
凌瑤空初陽堂畔春融融澄湖明月清尊同松

風平場鳴焦桐彈缺悲詩曲未終翩翩匹馬來

梁鴻十載頻勞尺素通思君千里憐飄蓬相看  
無語凝方瞳飛飛燕子窺簾櫳設云白鳬似老  
翁猶然灼灼顏如童主人移酒穿花襲危樓縱  
目低崆峒倚劍雙看落斷虹憑闌一咲生雄風  
六橋三竺多龍宮嵐光樹色何菁葱吾將跨霍  
開鴻濛瀛洲杯底流雲紅金丹紅骨同飛翬葛  
洪結伴游亡窮

五七言律

詩

卷之一

六

壽李石翁相公七十

瀛海神仙侶清朝輔弼臣系沿周柱史名冠漢  
平津玄鼎調前殿金貂接后塵四時霖雨洽  
六合景風瀉曾受留侯術還全蒙叟真冥棲依  
桂樹開徑足松筠苑或游鴻寶居猶夢紫宸河  
車運已久火棗致能頻霍髮神彌王修齡祿益  
臻八龍初欲化雙鳳舊相循綵服分行戲朱絃  
度曲新香浮千日酒雲聚十洲賓側忝通家誼  
兼存繼世親物情臨妙歲燕喜後良辰芳德猗



瞻企芹心可重陳大椿遙有祝燁燁八千春

賦閒園咏蘭

奇卉鍾靈惠幽香擅衆林紫莖標秀質綠穎結同心  
瑞協燕姬夢詞傳楚客吟葉含金苑媚芳映玉池  
深入室風先度臨堦月半侵露餘凝淺色日麗見  
餘馨景共花燈落芬從石徑尋青陽羞競節綠綺  
自知音結佩操堪擬摘愁思不禁滿卽花萬種歎  
此勝繁陰

賦贈楊大司徒

上國推良佐詞林表大方學從登仕益名自碩  
儒彰偃息玄常草遐觀思復揚堂臨西塞迥檻  
頻雪川長爽氣分銷暑慈雲接道場秋花餘桂  
子春色簇蘭芳徑草紛紫帶池松迤奏臺榛觲  
風蒲塌披快月臨窻談注天河水藜然太乙光  
雕龍寧謝爽吐鳳已徵楊二陸堪同執三丘敢  
綴行道存浮歎用言在斷輪忘帝寵司農詔  
民謠卽伯棠還期作霖雨蚤晚遍遐荒

劉山人長卿過訪郊居小集

石頭城上月曾此共披襟病骨長相憶仙踪未  
易尋却居堪寂莫世事總浮沉寶氣迴雄劍希  
聲託素琴鷺花供媚景雲樹帶輕陰話舊青山  
藹傷離白髮侵狂來猶故態興到且高吟酒灑  
江煙暝燈窺夜雨深滄洲吾道在莫負百年心

送詹伯子還豫章

執林風采復誰曹卓犖推君伯仲豪博學人懷  
遠韶筭承家世佩呂虔刀庭標荆樹留春日雲  
護棠華著水臯佳氣自通姜氏被交情却咲范

詩卷之一

生袍吹埤幾醉琴堂月歸樾先浮江國濤澤豹  
斃知成荅隱桂歎未許放山逃園尋金柜頻携  
酒亭傾澄溪獨釣熬橘柚井煙秋色迥池塘芳  
草夢魂勞漫憐紫氣分龍劍佇看青雲起鳳毛  
歌罷不堪醒后別山川長望動離騷

五言律詩

二月二日同禹金侍宛谿老伯泛雙谿  
雙谿環碧玉春日此維舟興自無陽洽心將造  
物游晴江紅雨度芳草翠烟流僊侶同歌笑渾

疑到十洲

酌王仲房

謫僊千載見意氣爾堪儔寶劍知神合明珠豈  
暗投時名輕落魄古道重交游春洽平原酒還  
堪十日留

旅泊

旅泊芙蓉渚孤帆幾燭明鴈隨黃葉落湖向白  
雲平江海烟塵暗家山夢寐清獨憐回首處風  
急莫後聲

詩

卷之二

九

秋夜病起

客路驚秋早鄉心恐病餘相親惟藥果自遣有  
琴書新鴈催黃落涼蟾透碧虛年來愁沈約華  
髮已蕭疎

寄訊梅禹金病

梅生隱吳市多病類休文玉貌耽詩瘦玄情薄  
世氛蟬鳴梧葉下鴈去滿烟分雙屐秋風健應  
歌疊嶂雲

寄劉小園

劉郎相見日把酒問桃花一別經殘夏笑容忽  
已華垂綸閒水月結屋老烟霞莫詫仙踪邈天  
台舊是家

奉懷王城墩先生

久負西山約風塵且散裘雙谿空月白疊嶂自  
雲浮渴憶金莖露愁看玉樹秋縣知賦搖蕩倚  
劍獨登樓

二

作客三秋莫山中桂樹新孤城懸落日逆旅憶

詩

卷之二

十

易春經濟先推較文章老斲輪太平奇策在終  
豈混風塵

夏日梅子登邀同張有光吳廷承麻得之  
劉子功汎雙谿得陽字

山色昭亭迥谿沿杜曲長揚舫迴浦樹把酒醉  
斜陽棹倚沙鷗近風牽水草香疎狂君莫訝塵  
世且和光

送黃兆聖赴皖城周振之約

叔度三年別相思夢轉勞可堪寒把袂忽漫夜



乘舸月漾波千頃霜侵鬢二毛桐江秋色遍應得醉醇醪

次懷龍郡丞身之

五月披雙練曾同李郭舟龍谿春樹隔牛渚暮雲愁病骨元多恨知心未易求重來堪盡興山色一尊收

二

對酒每成醉今宵獨不驩一時傾蓋易千載賞心難山雨消煩暑江風怒急湍有懷非放達念

詩卷之一

十一

爾雅能官

次答蹇郡丞汝上

宛句足優游谿雲引釣舟愁人殘月色憶爾謫僊傳蟬咽林逾靜漁歌景自幽十年懷一刺今日為君投

二

意氣重交游千秋剡水舟時名吾自媿古道爾堪傳日涉芝山迫雲深竹徑幽別來愁按劍明月向誰投

別蹇汝上

四牡行春暇晴雲戀酒卮祇憐高會意翻係別離思柳色迷芳草鶯聲隔舊枝敬亭愁獨眺天遠片帆遲

過謝氏庄讀書處有感

昔日傳經處清秋靜掩扉谿雲澄綵色山雨弄晴暉砌冷新苔長樓空舊燕飛浮萍看聚散心事幾人違

游上谷

詩卷之一

十二

殺氣邊庭肅征輶上谷晴餘霞明古堞落日隱孤城寶劍寒飛色胡笳夜斷聲名王今款塞何處請長纓

雨霽

雨過空山靜雲收遠樹浮斷虹侵澗落涼月抱江流霽坐烟光濕風餐海氣秋沉吟縱目沙鴈起滄洲

石湖訪王龍岡命酌

秋色三槐徑春風五柳家湖開天鏡曉橋鎖月

城霞北海清草滿西園若照斜玄心非寂莫問  
字有侯芭

登虎丘

危磴攀蘿上珠林石鏡平雲鋪千頃澹海湧一  
峰晴洗劍看龍躍開尊聽雀鳴胥江縈素練落  
日滿孤城

同湯義仍夜坐次韵

江城來上客花雨見新栽小閣青山莫孤雲白  
杜開片言清病骨三舍讓雄才明月中宵共偃

詩八卷之一

十三

踪破錦苔

送吳生之湖陰

送君出門去苔徑落花深遠別滯尊酒悲歌傷  
寸心鳥啼灌木晚帆挂綠蕪陰望裏度明月清  
光流素襟

二

敬亭一夜雨宛谿春水生陰晴變林木聚散悲  
雲萍雙劍搖星氣孤蓬帶月明時人輕落魄莫  
漫託交情

有感

生平憐俠節世態薄狂奴意氣千金盡勲名一  
劍孤浮雲愁李白岐路泣楊朱好棹扁舟去春  
風自五湖

別莫雲卿

杯酒憐傾蓋相看意轉豪攀龍寒倚劍乘鳳夜  
吹蕭俠氣黃金盡才名白雪高期君燕市裏擊  
筑醉胡貂

溪上逢楊汝所

詩八卷之一

十四

敬亭堪托意誰繼謫僊吟憐爾多風尚高踪復  
此尋烟花回白眼雲鳥識玄心尊酒春谿莫青  
山自古今

客新都懷禹金伯挹萬仲昆玉

醉撫浮丘鶴天都起莫愁夢回芳草合谿帶碧  
雲流雪曉驚華髮春寒戀敝裘梅花堪自折誰  
為寄滄洲

送酒呂茂才

風流河朔輩縱飲見天真日醉堪藜杖霜寒尚



葛巾酒禪君自悟客路若為親一斗聊相贈應  
生彩筆春

鰲峰訪王元宣元嘉二內弟

曲曲鰲峰路携琴為爾來樓臺凌日出睥睨傍  
雲開愧我郊居賦憐君獻闕才僊橋流水意景  
夕且徘徊

清隱斧

淨土黃金布空林白石橫雲流清磬濕月浸莫  
松寒飛瀑侵花牖鳴禽傍藥闌未湏窮紺宇此

詩一八卷之一

十五

地足盤桓

松隱斧

群峰迴蕙菑孤梵隱菩提寶砌空花繞珠林返  
照低閉門流水靜高枕亂雲迷杖底藤蘿月隨  
鐘度虎溪

白雲寺

絕壑藏金相疎鐘出翠微鳥隨紅葉下僧傍白  
雲歸掃榻人天近譚經梵雨飛不緣窺淨界誰  
解世情非

栢規寺

地自祇林勝名從栢規傳迴谿清磬繞密樹亂  
泉懸石映空門月橋分斷壑烟慈燈醒夢幻吾  
此証青蓮

麻姑山

仙人馭孤雀何處訪方平野鳥窺山澗殘花點  
石枰雲痕丹竈濕斗氣劍池橫夢隔青霞侶空  
邀五舌笙

登小崑山

詩一八卷之一

十六

周原迴列岫片石湧平湖水國雲常冷漁舟月  
自孤卧龍丹壑杳浮鵠碧天俱坐對波光夕悠  
然醉玉壺

登翠雲憑虛閣

獨上憑虛閣疑聞碧落歌海雲棲棟宇簷月挂  
藤蘿雙塔標林杪孤城傍水阿世氛真可洗誰  
為挽銀河

寄莫雲卿金臺

壯爾策高足于時起大名黃金元滿市白壁自

連城雪憶燕山色風傳郢客聲  
前門看落日千里片心明

立秋日病中作

一葉驚搖落雙谿隱淪青山高  
病色白眼過時人氣逼三秋早  
空徒四壁貧床頭看短劍空  
負百年身

東塞汝上

搖落江天色新愁一葉知  
壯心縻驥足秋黛冷蛾眉  
野竹鳴蟬急高城度鴈遲  
郢書千載意豈

獨慰相思

京中訪湯義仍就宿

自爾龍谿別南州榻已懸  
傾心重此日鏡髮是吾年  
恠事成詩聖閒情託酒禪  
獨憐千里駿秦曲在幽燕

入院

春色通華省瀛洲景故偏  
綴從太史列綺集群僊  
花氣含烟暖鶯聲薦雨鮮  
玉堂明月散猶自理瑤編

讀中秘書二首

麗日凌雞樹晴雲灑鳳池  
沉沉中秘錄藹藹吉人姿  
墨璫瑤燦龍綃錦繡披  
聖恩春浩蕩儒碩况吾師

二

幸從天祿閣誰羨鄴侯書  
論世思姬旦逢時陋子虛  
苔深閒睡雀水淨愜游魚  
北望雙龍闕紅雲擁帝居

同曾直卿張景仁二太史瀛洲亭小集

麗景金鋪轉閒亭玉署通  
簷餘留几席翡翠撲簾櫳  
徑草含衣綠池花映酒紅  
瀛洲僊侶集長日坐春風

署中看花得寒字

故苑聽鶯轉長安立馬看  
香飄鷄樹暖影寫鳳池寒  
初蒞臨瓊砌藂芳覆玉闌  
停盃堪自惜莫待雨摧殘

署中鶴得園字

爾自僊家種來停玉墀  
園順神看飲翻俛首媿



乘軒獨立窺天靜高鳴警露繁豈無江海思為  
戀稻梁恩

署中白菊

千林搖落後新菊獨含芳不羨黃金蕊堪裁白  
玉堂影疑清夜色染木天霜為愛秋容淡携  
尊玩素粧

送郭雙井司訓崇德

相送都門曉河堤極色新歌驪燕市酒携鶴越  
江濱覺世高鳴鐸傳心老斲輪漫言官獨冷桃

詩一八卷之一

十九

李盡含春

送黃葵陽封唐藩

聖主崇磐石詞臣奉削珪分封桐葉遠別緒極  
綵迷白雪梁園賦春風駿馬蹄鄒枚同作客名  
豈長鄉齊

送鄭蘭石冊封寧夏

漢制素黃土秦封紫泥梓材堪借喻蘭坂欲  
留題雨浥邊塵靜春和塞日低知君持使節磐  
石重關西

送任山甫奉使還滇中

翩翩金馬使燁燁若鷄文入貢花時麗迴車草  
色分才名題別駕客路嘆離群獨醉蒼山月應  
飛白嶽雲

次韻別崔大伯溫

敢忘勞瘁志病骨自難支霄漢縣清夢烟霞慰  
遠思晚雲迷客路晴日漾流澌把袂牽離思鶯  
聲上苑枝

次懷梅禹金

聽鶯金馬署春思逐花飛著作堪多病明光幾  
少微極條垂弱線槐蔭結重闌吾道滄洲在期  
君掃石磯

朝回得禹金書

曉色鳴珂入瀛洲退食餘日遶飛五鳳雲外墮  
雙魚道自金蘭契文將玉篆舒加餐交誼在猶  
愧八行書

得禹金論文書時讀書中秘

萬卷窺龍藻雙麟度鳳池有文傳六籍片語折

郡疑色動青藜火春含玉樹枝如何天祿閣空  
爾寄遐思

得孫子成書

豈獨長相憶詒書古道存斷金堪色動投壁見  
情敦操履先身範經綸重主恩停盃三復罷  
蘭臭滿芳樽

讀書中秘懷王城墩先生

青藜凌曉色絳帳憶春深獨擬登樓賦空懸獻  
闕心鶯聲通玉署鶴怨托瑤琴莫道瀛洲勝翻

詩八卷之一

廿一

令思不禁

夏日同歐博士禎伯顧光祿叔潛張光祿  
元易集李明府于美宅分得才字

鳴琴多暇日尊酒漫論才星聚郎官舍群空駿  
馬臺迎涼分碧草飛藻映瓊杯不是金門隱誰  
從賦客來

七夕懷梅禹金

萬鵲看星駕雙龍鬱斗陰獨憐今夕會誰慰隔  
年心素月銀河濕玄蟬玉露深有文羞乞巧為

爾聽秋吟

次答張白門

把臂秦淮上論交酒共傾別來春色近回首莫  
雲橫花極瀛洲勝莓苔故苑清遙憐河朔會月  
滿石頭城

送胡仲魚還歙

漫誇浮丘鶴燕臺行莫春任狂甘受妬能賦不  
愁貧眼底青雲薄尊前白髮新桃花谿上月遲  
爾靜垂綸

詩八卷之一

廿一

二

孟嘗誰再邁何處老馮驩任俠黃金盡酬知白  
壁難鄣山芝自茂易水月空寒揮手從茲別冥  
鴻萬里看

十月卽事次答許太史頴陽

感慨風塵裡行藏總陸沉浮雲迷日色歸鴈滿  
霜林世鮮連城璧人疑躍冶金青山堪獨住明  
月一披襟

舟遇余太史伯祥小集言別



莫辭今夕醉已是隔年期去鷓鴣迷芳草啼鶯戀  
別枝雌雄身似劍憂喜鬢成絲珍重長安道春  
風上苑時

同朱任奔飲李軋齋使君舟中

春色浮青雀清源此共過人憐僊侶舊棹倚月  
明多酒漾桃花浪雲流桂楫歌飲醇吾已醉譚  
笑破風波

清源留別李仁卿使君

澄江雙棹去北海一尊開流水還堪奏離情若

詩八卷之一

廿三

為裁極絲含雨結花片捲春迴別後款蓬望明  
珠近夜來

同張儀部飲郭青螺官舫

休文今謝病歸思片帆懸野色憐傾蓋鶯聲醉  
別筵座依雙桂樹艇進百花川回首燕山月春  
深隔紫烟

寄張幼于

耻為浮榮縛春迴范蠡舟看花懷舊侶對酒破  
新愁野樹晴雲泊危檣夜月流歸來堪結社同

醉五湖秋

寄汪子建

扁舟過濟上無數極花飛疑是山陰雪因思訪  
戴歸危檣孤月瘦遙岫片雲微何日滄洲畔同  
君醉夕暉

移疾歸止翠雲蘭若

多病凋華髮幽棲愜素心片雲歸鳥狎孤徑落  
花深座攬千崖色簷留半壁陰浮生僧共話山  
月墮珠林

詩八卷之一

廿四

二

偶作逃禪客翻悲泥世心倦游青鬢老高卧白  
雲深野鶴窺丹鼎幽花醉綠陰小山多桂樹况  
復倚雙林

彭玉潤見訪翠雲次答

免病休文疏歸棲謝眺山郊居傳賦草谿閣頻  
潺湲度世思飛錫逃禪學閉關翛然無一事喜  
雨破苔斑

次答邵長孺

坐爾昭亭上因嗟行路難  
徑深紅雨暗山迥翠雲寒  
石榻禪心冷川原野色寬  
投人休按劍明月好同看

東潘子會

別後初通籍歸來憶引觴  
時名疑幻影吾道自滄浪  
玉鏡雲痕淨瑤臺月色涼  
相思緘尺素華髮歎潘郎

二

避跡來初地諸天聚惠星  
一尊含雨白雙眼向

詩一八卷之一

廿五

山青落月窺泉竇飛雲點  
石屏間奇堪載酒頻到草玄亭

叔度元振諸子集翠雲得天字

坐爾敬亭意相看自謫僂  
松風侵半榻花雨淨諸天  
野色清尊合幽心片月懸  
醉餘時一望帆影破江煙

端陽後二日同吳立之貢玄忠徐汝法汝

美敬亭小集

不盡看山興翛然出世心  
命從絲縷續交自布

水深斷壑蒼松色孤尊翠竹陰  
還堪邀素月尊酒問東林

二

敬亭堪共眺雲鳥挹花宮  
古洞含深碧叢林綴小紅  
振衣霄漢近將目梵輪空  
坐聽疎鐘雨禪心對遠公

梅元振過郊園見訪次答

郊居耽寂莫喜爾片帆東  
珠漾青蓮雨花翻白稻風  
孤亭千嶂合一笑萬緣空  
漫促雙谿棹鷺

詩一八卷之一

廿六

聲灌木叢

立秋日有感

墜雨猶乘暑峰雲忽變秋  
千林搖霽色一葉墜新愁  
日月看籠鳥行藏付海鷗  
豈須成伯越方作五湖游

李季宣約為黃白游不至貽詩見懷走筆

次答

閒殺白鷗盟滅書見爾情  
素琴絃外賞雄劍匣中鳴  
濁世真流寓空山好避名  
玉龍潭上月千



載憶孤清

送劉山人長卿還楚

千里勞相憶看雲到敬亭登堂山月白歸路薜蘿青在駕行還止飛觴醉復醒心期知不負飄轉歎雙萍

孫強恕年丈過訪郊居賦別

有客乘春過江煙一棹開故交今下榻多病且唧盃花影明書幌鶯聲傍劍臺如何千里駕忽漫別愁催

詩

卷之一

廿七

東嶽廟樓贈萬伯武

白眼踈塵壒玄心卧草亭雨餘浮素練花外列瑤屏臣質堪操斧君才自建瓚試看東壁色藜火夜深青

夏日宛谿卽事

積水浮青嶂晴霞帶錦城登樓紆遠眺掃軌罷逢迎草色沿谿潤葵心向日明綠烟迷宛曲默坐聽流鶯

送張有光赴燕

送君歌欲罷極色暗前津別去心何遠愁來意轉親月中燕市酒天上漢宮春出處關吾道無忘白髮新

二

對酒忽千里長歌思不禁遙天雙闕晚落日片帆陰柳色浮青雀江聲入素琴敬亭山上月偏照別離心

舟中集李宣質甫話舊得孤字

謫僊來宛澤携得片雲孤谿月搖晴練江波湛

詩

卷之一

廿八

夜珠臨流堪擊棹解佩且呼盧莫問飛揚意風塵暗九衢

攜尊過李宣舟中同文仲質甫對雨分得飛字

河朔堪高會空江暑氣微青尊寒欲濕白髮病應稀積雨迷村漲沉雲護釣磯風波維棹穩何處片帆飛

陳少明黃伯羽過訪次答

我向青山卧君從白嶽來斗間雙劍合湖上一

尊開片月懸藜杖浮雲隱釣臺未須論世故早  
晚向天台

梅元振過訪小集

地僻稀人跡何來剡水舟片雲將野色孤月下  
江流聖世紆群策愚公自一丘尊中餘綠酒醉  
殺五湖秋

訊梅禹金李文仲山中

自結閒中侶豪華薄五侯雙龍侵斗暗孤鶴入  
雲愁月抱瞿硎石天空謝眺樓吾將同賦隱蓑

詩  
卷之一  
桂小山秋

送禹金游白門

吾生苦局促念爾勝游時去住青山在悲歡白  
髮知月明桃葉渡秋爽竹枝詞莫作經時別美  
容難寄思

得潘子會書

桐水度魚書東田矚望餘清霜棲樹濕涼月入  
窓虛長圓秋無恙玄心晚自如菊花堪薦酒惆  
悵隔郊居

得程天錫書

澄江秋色裏白鴈尺書開不減加餐字翻生遠  
別哀彩紅煙欲斷明鏡月還來何日桐川曲看  
花一舉杯

李明府邀游黃白病不能赴走筆謝之

鴻鴈天都下飛雲接敬亭沉吟頭欲白遙望眼  
能青僂令憐同調漁人笑獨醒丹砂疑託隱為  
我謝山靈

同方平子虛泊嚴陵遇孫惠甫以詩見投

走筆次答

嚴瀨春迴棹清風此對君山光當檻落鳥語隔  
林聞客路迷芳草江流覆亂雲孤舟尊酒合莫  
雨故紛紛

江行即事同子虛得多字

疊鼓嚴陵下乘春一棹過江晴清瀨澗山莫白  
雲多斷浦眠鷗鷺懸豈挂薜蘿片帆隨去住倚  
醉和漁歌

初陽館訪汪巨源同子虛分得初字



草樹迴春莫湖山入夏初客來剡谿棹人著茂  
陵書磯上堪垂釣臺邊好卜居百年嘉會少肯  
使綠尊虛

孤舟對雨同方平子虛得孤字

雨釀春谿莫雲迷晚棹孤高林愁鶴鶴遠浦暗  
旅蒲看纜偏沉錦淩波故散珠天涯同是客尊  
酒對如對

二

吳山飛片雨越水暗扁舟沃野桑宜晚平田麥

詩人卷之一

世一

釀秋沙露饑鷺冷雲傍卧龍浮飄泊孤尊在歌  
聲動客愁

同方平子虛伯宏虎丘夜集分得看字

片石平開鏡清尊共倚欄鐘聲迴岫遠松色灑  
衣寒冥悟空塵幻沉吟坐夜闌劍池孤月墮直  
作寶珠看

虎丘對雨同俞公臨莊靜父程子虛限韻

勝會堪相慰名山偶共登慈雲籠萬象法雨沐  
三乘紫潤池邊樹青迴石上藤總教愁點澹不

減氣憑陵

二

扁舟吾自適彼岬此先登雨色迷初地雲心悟  
上乘花霑紅墮葉枝濕紫垂藤說法空禪刹催  
詩憶杜陵

挽吳崑麓年伯

愁絕龍蛇歲歌聞薤露辭賢人成異世作賦失  
同時寒日荒原澹陰風夜壑悲獨將梁木淚洒  
向繞林枝

詩人卷之一

世一

訪俞公臨濠上居限韻

雞黍故人約來過杜若洲雲蒸千嶂合月抱一  
谿流藁桂開詩社垂楊繫釣舟名山堪託隱同  
作采真游

吳惟用惟中邀集石亭山分得臨字

石亭勞賞酒高會自名流墅吹歌鷺合谿光浴  
鷺浮暗香來宋徑空翠落虛樓勝有煙霞癖從  
君愜勝游

集胡明府所同吳叔行分得群字

花下開尊酒春風思欲煦聚星高列宿歌樓過  
流雲吏隱銅官曲僊來王女群五湖堪託迹明  
月許平分

同詹世輯孝廉集其叔明府君仕優軒

西堂偕小謝暇日此論心濁酒沈清漏孤懷託  
素琴雲標秋色老月墜井煙深倚醉歌鐘發霜  
風滿竹林

次答王仲房寄懷

獨坐敬亭上孤雲繞大鄣山情吾不厭世味爾

詩人卷之一

廿三

能忘敢謂新交懶猶聞故態狂白龍潭月冷早  
晚問軒皇

敬亭集謝少蕪余仲齡何未度得看字

小集敬亭上江城畫裏看煙光移座暝松影薄  
衣寒片石新詩社雙谿舊釣竿芙蓉堪共采秋  
色滿闌干

集張大來宛上言別

郊園閒沈約詞賦長張衡聚散空塵跡行藏總  
舊盟敬亭流色藹宛水照心明知爾傳經日聽

驚念友生

閱壽卿將北渡淮為其兄子華壽賦送

不堪搖落侯惜別轉依然挂席來秋雨鳴柳下  
夕煙應傳叢桂賦蕪湖棹華篇一片南山色貽  
君進壽筵

次答莊靜甫時將有九華之游

生平幾不借偏與薜蘿親秋色遙侵客山光近  
媚人但教青眼舊莫詫白頭新明月珠林滿期  
君問梵輪

詩人卷之二

廿四

敬亭望九華山

敬亭一以眺天外九芙蓉久矣懸清夢誰哉啟  
秘封浮雲高鳥沒落日綺霞重舊是僊人宅吾  
將跨白龍

題石屏隱君卷

小築臨谿室羞縈負郭田江湖龍性在風月虎  
丘偏知己盃中酒留賓架上編脩然無所事入  
望水雲連

次答鄔汝翼言別



病餘成獨坐天削敬亭孤忽爾成雙棹悠然下  
五湖清秋閒擊楫落月且呼盧不盡尊前意愁  
雲鎖綠蒲

二

湖光回檻近山色入門多正爾交歡甚其如別  
思何晚煙籠橘柚秋水映藤蘿一唱易闌後誰  
聞白雪歌

次答鄔汝翼訪余村庄之作

曲水千花巖平田五極庄自能同白社何必問

詩八卷之一

卅五

青囊月色穿幽徑雲心抱小堂有書聊適意敢  
擬鄴侯藏

同劉傳二明府集虎丘山寺言別

鳴琴多暇日列綺共深秋霸氣餘禪刹民風暢  
醉游歌殘雲抱石客散月移舟回首吳門樹煙  
光翠欲流

二

雙星明淨界孤月隱高秋幸足杯中物聊成世  
外游愛離原幻相去住總虛舟試問當年事胥

江日夜流

寒山寺

偶泊寒山寺祇園尚可尋過橋分野色擊竹見  
禪心月抱空江冷雲籠別徑深鐘聲來夜半漁  
火出前林

同毛仲章沈伯宏集汪子建

五湖雙棹隱吾自適吾生偶集山中侶閒過海  
上城清尊沉夜色片雨挾谿聲莫道星占異危  
人半是名

詩八卷之一

卅六

吳門惜別

把酒吳門道那堪惜別深斗分雙劍氣雲謝片  
帆陰柳色低紫棹鶯聲晚出林如何今夜月偏  
自照離心

別吳子器

爾自佳公子翩翩迥不群清才傳冰雪奇氣欲  
凌雲頽水星初聚延津劍遞分驪駒歌在駕醇  
酒尚餘醺

別謝友可

十年懷謝眺此日分初投白雪歌中散丹霞望  
裏收僊游凌楚岫俠氣攬吳鉤尊酒成佳會那  
堪賦別愁

同梁伯龍馮道立登法相寺

逃名恣奇尚結伴愜幽尋星動諸天色春舍萬  
綠陰一燈侵月曉孤磬繞雲深法相空禪脫翻  
悲混世心

宿定慧寺

落日松峰暝盤雲石徑懸泉開雙虎穴鉢枕一  
龍眠梵影空明月鐘聲落莫煙夜深看寶砌片

片長青蓮  
詩卷之一

武林隱小舟中阻風泊關外

欲鼓栖谿棹風波不可行白龍游自隱青雀臺  
還驚雨暗薰葭色雲低鶴鶴聲坐看懸席者得  
意向孤城

贈葉山人茂長

之子吳門俊脩名且避名飛雲悲碌耳落日聽  
鶴戾不問家人產偏憐國士情吟遠有雙劍時

向匣中鳴

次答卓漱甫見遲

偶來東海上高卧愜幽心我自吟邊老君能物  
外尋飛花頻送酒對月且披襟山色疑黃鶴翩  
翩下石林

同朱文臣馮開之集真如寺

別後懸清夢尊前見素心春風幾樹合夜雨一  
燈深去住空塵幻行藏總陸沉未須悲往事且  
為理鳴琴

別朱明府文臣

片語成佳會孤尊又別離澤雲歸巨壑花雨散  
高枝事業青山在交情白髮知駕鶴湖上月長  
自照相思

同道印上人宿淮雲寺

大夢誰離幻同君卧夕陽一燈懸寂照孤磬繞  
清涼鶴警中宵露烏啼落木霜覺知非寤寐吾  
此証空王

海陽集曾于健明府



千里心相慰三秋髮欲絲  
即看投轄日猶憶寄書時  
暮雨松蘿合春風桃李知  
醉來還促席不覺漏聲遲

訪王山人仲房

月明遲草閣春色盡花村  
為問南原隱因開北海尊  
地偏心更遠身老舌猶存  
醉裏頻舒眼青山直到門

仲房潭上園集青蓮社諸子得思字

千里慰相思鶯聲出谷遲  
好奇人載酒結社客

詩八卷之一

卅九

譚詩山月窺玄草潭雲護紫芝  
行藏俱有託應不負心期

同程方平胡曄卿程子虛登桂佛寺得山字

彷彿桃源路相看但碧山  
石浮晴水澗松老白雲閒  
晚霽醒詩思春風醉客顏  
商歌誰自苦把酒聽潺湲

集王貞伯園亭留別新安諸子得青字

名園開祖席高閣聚陳星  
墅樹春雲白燈花夜

雨青交情餘短劍身世等浮萍  
莫漫拚沈醉江潭有獨醒

別曾明府

裏語嫌宵短浮踪覺世輕  
鶯啼春欲曉鳩喚雨初晴  
對月丹心苦臨波白髮生  
惓惓難別意不獨為交情

黃清甫曹任之過訪郊居次答

澹泊吾生事寒江一釣舟  
何來丹壑侶忽破碧山幽  
水月空塵想煙霞總勝游  
阮家貧莫惜十

詩八卷之一

四十

日醉堪留

同萬伯武集族使君園亭

玄圃臨池曲青山抱郭斜  
高情閒日月逸氣上煙霞  
問易知奇字談詩見大家  
共捐塵俗累莫惜醉春華

郊居遺稿卷之二

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

七言律詩

春日同史司理仲瑛集梅禹金天逸閣得

文字

詩八卷之二

滄洲高閣頰林曛謝眺風流雅好文綠酒有緣  
誇勝賞青山無語謝塵氛風飄萬點春將暮月  
射千櫺夜欲分百尺卧來靈漢近憑君詞賦氣  
凌雲

次別吳元稷

霜凝秋色冷鷗群江上離歌未忍聞客路漫教  
憐范叔郊居應自老休文醉來鏡水孤黃鶴歸  
去天都卧白雲尊酒祇愁容易別青峰何處不  
思君

同蹇郡丞汝上龍郡丞身之史司理仲瑛  
登敬亭

山迴飛鳥白雲殘千古昭亭不歇看星聚諸天  
堪動色月明雙練欲生寒尊留竹葉清浮座替  
盞蓮花翠繞闌散髮狂歌呼李白知君元是宦  
情寬

次韻懷郡丞蹇汝上時蹇以部使者委駐  
桃州

才人白雪老愁邊遷客從來說盛年百里春迴  
詩八卷之二

芳樹密雙谿雲斷晚山連郊居自愜東田雨轍  
跡遙分北郭烟回首敬亭飛鳥外可無佳句到  
青蓮

次答蹇汝上郡丞

千載青蓮豈後身昭亭雲鳥若為親風流自爾  
能輕世意氣憑誰不負人四牡馳驅春色動一  
時題品物華新已知調合陽阿曲肯使孤桐爨  
下陳

送徐使君汝和守成都



一曲驪譚江上村昭亭秋色照離尊三湘雨雪  
巴山出五馬風流漢代論文傳諭蜀川成錦檄  
下平蠻劍作門得請便宜堪報主黃金何意  
獨承恩

登翠雲懷張伯起幼于兄弟

秋色蕭條鎖翠雲憑欄舒嘯渚烟分夢迴少室  
多春草愁入昭亭帶夕曛東上傳燈龍卧鉢西  
風把酒鴈呼群吳門練影三千丈遙落澄江散  
綺文

詩八卷之二

三

送唐憲使吉甫督河大梁燕呈吳明卿觀

察西亭中尉

中天嵩嶽勢雄哉憲府遙臨帝苑開秋老夷  
門餘俠氣春迴洛水見仙胎青雲色動梁園蓋  
白雪名高楚客才自是明時憐雅會好携尊酒  
向平臺

二

中州飛蓋紫雲屯好奏平成報主恩嶽雪含  
光搖兔苑河流寫影挂龍門信陵意氣能虛左

枚叔詞華肯讓尊遙集吹臺聽郢曲和譚應自  
屬王孫

同張有光梅子登吳廷承泛舟雙谿

芳林烟景醉春空帆挂浮雲疊嶂東桺葉半堤  
孤唱近蓮花雙漿一尊同沙晴鷺浴澄溪月日  
暖鶯啼灌木風江左才名堪作楫莫將消息五  
湖通

同梅九溪謝文瀾諸公集天逸閣

複閣登眺晚晴敬亭斜日入盃平烟雲繞檻

詩八卷之二

四

浮春色草樹迴風起莫聲孤月近含顰練淨餘  
霞遙帶萬峰明南樓此夕環賓從不減當年庾  
亮情

上元夜集江伯禹館

江淹池館醉春華燈火遙連十萬家色倚青萍  
還吐焰光搖彩筆欲生花凌雲樹影繁星落照  
夜珠含寶月斜恍惚天都僊宴罷玉龍飛繞赤  
城霞

上元集管子乾

停盃賦就彩雲生秀句還堪接五城斗射燈霄  
霜劍合春迴練水夜珠明交驩客舍慚枝未清  
渴文園病長卿月滿天都清吹發欲飛仙馭啟  
瑤京

同汪仲嘉謝少蕪吳元常高君翰諸子登  
敬亭分得孤字

敬亭深注白雲孤不狀相看舊酒徒松繡雨苔  
迴石徑竹團晴靄映屠蘇尊前攬勝群峰出花  
外徵訝衆鳥俱今古淨名成底事且留春色醉

詩卷之二  
呼盧

五

次梅禹金同史劉二司理集龍罷丞韵

彩筆流光照錦袍每逢佳會與偏豪漫誇狗監  
千年遇擬破龍門萬里濤放達已知達俗尚交  
驩元不為名高夜來太史占星聚紫氣還堪傍  
爾曹

寄汪仲淹

秋老霜林約晚寒因君萬里憶長安燕臺自動  
千金色宛水空懸十日歡樹宿凍雲迷大陸梁

含明月照虛闌新裁好寄江南客白雪梅花擬  
共看

次答王山人

木落空江入檻流白雲蕭瑟坐高秋王猷不減  
扁舟興謝眺還登疊嶂樓霜後寒花堪自老兩  
中濁酒漫同幽從來傾蓋須臾事一傍郊居即  
舊遊

懷南都傅司徒

十載箕星照帝京九天霖雨慰蒼生西臺秋  
擁登車色北斗春高曳履聲江轉石城雙闕迥  
樹連鍾阜五雲平知公門客多奇士彈鋏馮驩  
敢自鳴

詩卷之二

六

留別水西社諸子

新都諸少自賢豪落魄從人笑爾曹望裡黃山  
春正杳和來白雪調還高友聲日暖傳空谷客  
夢星寒味大刀惜別設勞重賞酒交情久已醉  
醪醪

瓊林



瓊林高宴敞蘭臺彩仗遙看五鳳四十里鶯花  
隨馬駐九天簫管度雲來金貂滿座春風暖玉  
醕當筵麗日開醉向曲江歌湛露千門佳氣接  
蓬萊

率諸進士上表謝恩

九天佳氣鬱葱葱鱗次千官拜舞同金殿曉光  
含露紫玉墀春仗簇雲紅函章早奏雙龍闕  
袍錦先開萬綠叢願共群英抒赤素敢云白日  
照孤忠

詩二卷之二

七

早朝

新沐恩波謁紫薇九重春色曉霏霏卿雲深護  
雙龍隱瑞日平臨五鳳飛鶯傍玉簫流彩仗花  
侵宮錦映朱扉丹心已辨訓明主常得從容  
侍禁闈

次答梅純父大叅公

玉樹當庭月滿墀過從曾問子雲奇龍門舊屬  
通家誼鳳闕新承聖主知臺上春風羞駭骨  
溪邊秋色醉鴟夷聽鶯忽動鄉關憶千里檄書

識典彙

懷王城墩先生

憶昔傳經折衆紛河汾風月許平分王通獨抱  
中原策宋玉空憐九辨文壺嶂秋高鴻鴈影五  
湖烟滿白鷗群青楓颼颼悲搖落日斷昭亭日  
暮雲

同趙太史定宇顧允祿夢洲集錢景川所  
分得遜字

詩二卷之二

八

握手燕臺解佩刀喜逢同調興偏豪青萍出匣  
明珠斗彩筆流光照錦袍吏隱金門官自冷禪  
栖塵世酒堪邀漫驚搖落西山色碧漢晴含素  
月高

聞梅純父先生計

廿年烟月卧滄洲何事陽春一旦秋賦起長沙  
悲鵬至書來曲阜嘆麟游幽心已化瞿硎石高  
詠空遺謝眺樓遙望林丘頻雪涕寒雲漠漠繞  
虛舟

二

當年曾問子雲玄，夕松臺隔幾千寂。莫故琴  
消白雪，淒涼高閣。莽蒼烟澄，溪月浸虛簷。冷古  
木霜凋，寶劍縣梅福。恍疑駭，宦去空教，羈思悵  
遙天。

和李于美五君子詩

風塵空自慨于今，出處由來總陸沉。千古綱常  
看直節，諸賢經濟識雄心。雲埋駿骨金臺迥，雪  
擁梅花玉樹森。抱病不堪聞擊筇，西山明月照  
孤襟。

送趙太史汝師還吳

莫怨清朝見逐臣，主恩深處五湖春。烟霞乍  
可丹心老，霜雪驚看白髮新。愧殺時名成畫虎，  
愁來吾道繼書麟。獨醒未許漁人笑，歸去花谿  
共釣綸。

九日對菊 節課題

重九斷砧催木葉，兩三叢菊伴浮觴。把將桑落  
黃偏嫩，揜並萸房紫更香。老圃霜華標晚節，閒  
庭秋色醉寒芳。相看此日羞蓬島，不羨龍山落

帽狂

次答周民部元乎

小齋春雪閉苔班，病骨那堪意未閒。隱吏敢辭  
金馬署，謫僊偏愛敬亭山。愁添鏡裏清霜色，笑  
看刀頭明月環。沈約郊居曾擬賦，夢魂久矣度  
江關。

二

燕市相逢好和譌，驪駒翻柰別愁何。引醪醉處  
思公瑾，種樹閒看問橐駝。一舸春風回笠澤，三

山秋月隱藤蘿。長安目斷浮雲色，敢謂林泉樂  
事多。

次答歐禎伯博士

多病經年損舊顏，江南春色好投閒。雲飛浴水  
雙龍化，月滿稽亭一鶴還。阮藉未能忘白眼，玄  
暉元不負青山。浮沉玩世知君意，肯似東門薄  
抱關。

次答劉憲副念庵

花柳千門醉夕曛，肯令春色愧移文。月明草閣



琴心冷日落西山劍氣分懶癖謾譚溫室樹孤  
踪堪卧敬亭雲何時再向玄都觀把酒看桃一  
對君

人日孫太史以德顧光祿叔潛張光祿元  
易李明府于美萬太史仁甫管山人建初  
過訪分得書字

人日春風變柳初聯鑣詞客問閒居西山霽雪  
來寒色北闕浮雲散斗墟擊筑共傾燕市酒閉  
門誰著茂陵書陸沉金馬堪多病歸去宣城有

詩

卷之二

十一

春日李通侯惟寅魏文學季朗任別駕山  
甫過訪分得生字

長安梅柳醉春晴詞客同過漉酒生劍倚重霄  
明北斗鍾鳴斜月隱高城行藏自許塵心遠歌  
笑能令病骨清謝眺青山頻入夢還愁佳會隔  
群英

次別于谷峰韓敬堂二太史

病來翻憶故園春敢謂驅車隔市塵愁裏自憐

千日醉眼前誰是百年人長鳴獨鶴歸南國四  
首群星拱北辰佐理廟堂多俊傑烟霞應許畢  
閒身

次別陶懋中比部

床頭看劍負平生得乞雲山病骨清一日愁來  
雙鬢短五湖歸去片帆輕上林雨露新鶯轉疊  
嶂烟霞舊鶴迎珍重清華深醞藉莫將枝葉博  
浮名

次別曾直卿太史

年來多病檢方書夢入雙谿把釣餘賈誼豈能  
忘涕淚嵇康元自媿羸疎翻愁草色春將晚却  
笑桃花錦不如戀別可堪風雨夕江天搔首坐  
踟躕

留別吳環洲司馬

雲中春晚淨狼烽念別愁看極色濃漢地烟晴  
嘶萬馬胡天星彩憶雙龍憐君紫塞邀黃石慰  
我青山伴赤松麟閣佇看標駿業可從瀛海問  
僊蹤

留別李于美諸子

把臂忻逢舊酒徒長歌何事託驪駒百年病骨  
憐雙鬢一片歸心落五湖紫禁啼鶯春色早青  
山携鶴月明孤從來按劍無因得珍重清時照  
乘珠

次答李伯承符卿

懷君長日對青峰避世今堪伴赤松自識烟霞  
秋色老從教桃李露華濃孤桐去就堪携鶴雙  
劍雌雄欲化龍敢謂山中忘祝頌明良千載憶

相逢

詩八卷之二

十一

潞河次答顧太史學海

北山猿鶴漫移文歸去江東日暮雲幽壑清風  
應屬我空梁落月倍思君鶯啼上苑千花合龍  
化延津一水分多病可堪愁遠別虛舟香篆夜  
氤氲

次答張伯起見懷之作

三徑歸來舊鶴迎敬亭秋望不勝情城書忽爾  
傳千里秀句還看歷五城雲物漫牽塵外夢月

華常照座中盟世途總與蓬蒿別誰識江東有  
步兵

次答黃使君過訪不遇有懷之作

孤雲雙練寫清秋寂寞玄心足卧游蘿薜每勞  
題鳳筆煙波甘隱釣漁舟一時華轂榮徐穉千  
載青山見子猷念爾春風馳四牡獨看明月吟  
滄洲

寄戚總戎南塘

擁節當年壯出師材官盡是羽林兒龍庭赤日

詩八卷之二

十四

迴長戟瀚海陰風肅大旂一自上方分間治到

今西域奉朝儀漢家共倚嫖姚重聖主無勞

拊髀思

秋日得周元孚書次韵却寄

敬亭秋色白雲垂迴鴈峰高尺素遲歌逗楚蘭  
看錦字夢懸燕樹憶瓊枝鍾期流水琴三疊謝  
眺青山酒一卮莫道天涯人更遠芙蓉聊為寄  
相思

寄懷吳少司馬環洲



敬亭翹首望三台秋色遙從萬里來天上星文  
扶日月營前威令變風雷每思白日禹知己敢  
謂明時棄不才謝眺青山常不改片雲孤月照  
登臺

松隱菴感舊

湖上秋光映少微故園仍試薜蘿衣雲松火煖  
丹初熟水竹烟晴翠作圖悟到死生今即古看  
來出處是邪非萬緣總入禪心冷月滿珠林一  
鶴歸

詩一

十五

敬亭懷管登之馮開之二子

病骨遙辭駿馬臺誰知龍種亦無媒歸來早謝  
馮生缺老去空憐管子才晚岫飛雲高鳥盡秋  
原落木斷鴻哀相看不厭餘山色何日同君一  
舉杯

汪山人子建過訪郊居

環堵蕭然水上居自臨松月榻玄書仙踪漫隱  
吳江釣春色遙迴楚客車望裏孤雲堪共狎門  
前五柳未全疎頻年病懶羞稱伯報爾新詩媿

不如

吳廷承自汝州告歸

五馬曾行汝洛春歸來甘自作閒民吳公赤縣  
傳循吏謝眺青山見主人雲抱玉林芝草茁丹  
含珠露藥苗新如何陌上驅車者空向花谿羨  
隱淪

懷吳司馬

帝里遙看萬堞明玉關春到綠烟晴鼎金自媿  
燕臺駿伐木還聽上谷鶯細柳旌旂開曉色長

詩一

十六

楊詞賦壯邊聲投醪瀚海群英集借箸誰能助  
請纓

登九華山得靈字

袖拂孤雲度石屏月明飛錫下僊靈江涵練影  
浮烟白山插蓮花逼漢青北望王京開碣石東  
來真氣接稽亭冷然恍欲乘風去未許人間識  
歲星

二

九片芙蓉列翠屏誰憑雙屐慰山靈杯翻雪浪

蓬瀛白杖撥秋雲泰岱青日月吐吞元幻相軋  
坤離合總虛亭閒人自隔塵寰夢狂殺當年卧  
客星

白岳喜魯明府于健至

百轉丹梯玉樹隈天門奇絕見瑤臺氣占令尹  
青牛度笙引僊人白鶴來烟雨半從雲外落笑  
容全傍月中開王喬忽爾飛雙鳥到處晴峰破  
綠苔

喜遇馮開之湖上

詩二卷之二

十七

携得孤雲出敬亭逢君湖上眼雙青即看石屋  
憐同病未許江潭笑獨醒花泉春陰偏鬱鬱山  
舍雨色故冥冥尊前已識忘言意永夜漁歌好  
共聽

南高峰絕頂

杖錫高披宿霧開脩然東望白雲來乾坤下界  
空千劫吳越中天此一臺絕巘飛虹堪倚劍澄  
湖落日且啣杯青蓮片片遙相映手挽長江駕  
鶴回

二

馮虛一眺海門開吹徹瑤簫彩鳳來絕壑下臨  
仙子宅高峯遙順越王臺雄風萬里潮三泐霸  
氣千秋酒一杯松頂月明清露冷瑤空飛度紫  
雲回

同沈嘉則馮開之屠長卿泛舟清溪

片片晴雲覆釣艖短桡輕吹下平江簾移海上  
青山九棹起尊前白鳥雙脫浦烟波能媚客春  
風田畝見為邦醉看花蒲河陽縣坐理琴絃月

詩二卷之二

十六

在窗

登觀復樓傷受軒宛溪二先生

登樓誰復聽琴聲二老空留死後名涕淚兩行  
多國士東芻千里半門生澄湖曉散雲林雨文  
脊秋含鏡水晴不必山陽聞短笛望中搖落已  
傷情

次答禹金

已從瓊閣散鴛班不必移文自北山愁裡世情  
空半榻病來禪思破三關儘教日月供幽興翻



嘆風塵損舊顏千古敬亭高氣色  
君攀

同李季宣夏質甫王用甫泛舟句溪得尊  
字

郊居已下南州榻句水重開北海尊  
斷岸落紅明浦漱疎簾移樹出江村  
帆檣曉帶青山色煙草晴翻碧浪痕  
倚醉未須勞擊棹頻年多病負君恩

贈近齋李公

詩八卷之二

十九

蓬瀛東望隱飛仙玉洞丹成不記年  
悟道蛟龍窺海月忘機鷗鳥下江烟  
千秋大業追玄草一片閒心託酒禪  
處好山看不厭風流應是李青蓮

午日舟中同文仲送別季宣得湖字

與客維舟泛翠蒲烟籠雙練入蘼蕪  
漫看雨色迷三楚耐可離愁逐五湖  
黃鳥故憐尊酒暮青山遙帶片帆孤  
絲絲難繫東歸棹寂莫江干聽鴈呼

送別李文仲之秣陵

柳色陰陰野漲平青山遙接石頭城  
離愁隱約孤雲起客路遲回片月明  
斗落尊前分劍氣臺空江上憶簫聲  
漫憐六代浮華夢好向蓬丘共結盟

陳少明過訪次答

片帆江上破晴烟擬是揚雲載酒船  
醉裡逃名真累月閒中觀化任流年  
天開窪壘千峰立檻落魚梁四水連  
不為故人能問字祇餘長日北窓眠

詩八卷之二

廿

方山人于魯過訪次答

賦就歸來已白頭故園猶喜集名流  
尊開水國魚龍起病吟秋聲蟀蟋愁  
自分玄心甘寂寞且同清夜美遨遊  
狂歌倚醉堪相和明月高懸謝眺樓

孫以德携酒慧山集莊靜甫俞公臨安茂卿分得龍字

磴道遙臨萬壑松逢君偶爾寄浮踪  
風搖灌木

無巢雀雲擁江潭有卧龍峭壁細垂青薜荔深  
池寒浸紫芙蓉一尊漫對今宵月已覺愁城破  
百重

登銅官山望太湖有懷任山甫

逕轉丹梯萬壑秋銅官高枕太湖流登臺忽憶  
任公釣託隱還浮范伯舟雲黯千峰迷白嶽月  
懸雙洞潏滄洲僊人咫尺無消息悵望青天起  
暮愁

郊居遺稿卷之三

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

五言絕句

西郊

出市西郊遠西郊野色偏密雲含晚照疎樹澹

秋烟

送別汪生雲瀛

問君何所之云向黃山去月滿白龍潭色映桃

花樹

萬竹軒偶賦

深林一高閣坐頻萬琅玕月浸平湖碧風生絕

壑寒

僧中方偈

有方固不然無方亦不是亭亭石上松明月窺



真諦

題潘司理賦閒園十八首

問月臺

高臺敞月明  
叢桂節寒影  
把酒問嫦娥  
何異清虛境

薇花館

仙省紫薇郎  
歸來頭未白  
笑對紫薇花  
丹顏駐金液

難老亭

彭殤誰短長  
一醉千秋微  
亭中荷鍾人  
何意尋丹訣

清華軒

雲流樹色清  
月澹波光夕  
軒中高卧人  
夢隔紅塵陌

九山中亭

孤亭傍野開  
檻外群山集  
一嘯亂雲飛  
空翠忽堪拾

夕佳亭

千林紫翠重  
嵐影迴斜照  
閒看倦鳥歸  
凭欄舒嘯

六觀亭

已知空即色  
何處著真觀  
一片秋江月  
清光萬里寒

宮槐塢

輕陰結翠帟  
苔徑薰風好  
悠然午夢長  
何處啼黃鳥

女真陌

不逐紅芳歇  
還凌青女粧  
亭亭倚朱檻  
長日對潘郎

玉鏡池

波光開玉鏡  
孤月涵春姿  
世態浮雲變  
憐君鬢不絲

攢雪亭

春雪灑僊葩  
枝枝弄晴旭  
堪憐太素姿  
獨對人如玉

芙蓉洪

芙蓉傍清渚秋色鏡中開影落尊前月沙鷗拂檻來

秋江石舫

石舫泊秋江自識虛舟意誰哉持片帆漫試衝波技

結翠亭

鬱鬱池亭栢寒雲翠欲流琴心三疊罷風送莫聲秋

載酒亭

詩卷之三

晴波漾落花日日看君醉莫道酒泉遙小艇能頻載

桃花塢

潘郎花萬樹妬殺河陽春不識煙霞路空令問舊津

群鷺閣

帶月搗黃庭滿目雲山變不見換鷺人池水披雙練

隱翠亭

雲深蔣翊徑翠色凌孤松杖挂藤蘿月悠然聞莫鍾

題畫二絕

玄心只自知奇字曾誰識柴門盡日關窻落寒松色

二

結屋對青山久矣塵機息堦前餘決明非愛好顏色

柳塘春意

詩卷之三

孤舟蕩渚烟柳色珠林莫垂來千萬條難繫春光住

秋山飛瀑

樹深山意秋月澹波光夕閒看晴雨飛獨對雲林濕

送僧佛肩游白岳

一錫散春雲千峯迴夕照紫霄看雨花悠然發長嘯

次答屠長卿



獨坐敬亭上天語若教聞頻世堪遙謝驚心日  
莫雲

二

登樓聊瞻望落日渡頭喧江上來雙鯉波光直  
到門

三

同心臭如蘭斷金吾與子出處豈殊方時行即  
時止

四

詩卷之三

東方亦僊侶避世來金門當年為吏者居官長  
子孫

七言絕句

山中聞子規

甲子歲思母作

強枕雲根一醉眠夢魂猶與斷機懸兩行血淚  
啼難盡敢託來生化杜鵑

寄訊梅禹金病

十載風塵常作客三秋藥裹尚憐君敬亭雲樹  
澄江上目斷歸鴻帶夕曛

登敬亭山絕頂

醉指孤雲伴碧松四天飛雨濕芙蓉東來忽接  
吹簫侶咲跨陵陽雙白龍

登稽亭

玉削稽亭氣鬱葱群僊曾此聞鴻濛一聲鐵笛  
梅花落散盡浮雲月滿空

解嘲

笑弄烟霞不記年春風五柳自依然貧家莫道  
無生計賸有城東種秫田

詩卷之三

志感

獨坐胡床對晚峯柴門時倩白雲封虛名總是  
浮生累應俟功成伴赤松

天高山雪

青天嵐影闌嶙峋雪撲梅花弄早春醉倚雙鉤  
長笑罷滿空驚散玉龍鱗

寄披雲鄭山人

陵陽千尺盡芙蓉曾此披雲聽晚鍾愁殺白龍  
秋漠漠空留明月浸寒松

王山人仲房自塞上歸賦贈

白髮青袍此壯游歸來江上一竿來相逢話到  
陰山北寶劍猶看殺氣浮

二

遠游為赴將軍約不為將軍勒石還却笑黃金  
遊海上高風千載壓祁連

汪山人子建自塞上歸賦贈

玉關秋色總堪愁萬里鳴鞭此浪游直是壯心  
消不得籌邊何意取封侯

詩卷之三

二

塞門寒色擁黃雲日落燕山酒易醒春水五湖  
歸夢香尊前長揖大將軍

送朱虞封自省親所歸越

石帆秋影帶斜暉海上離心一鴈歸四首敬亭  
千嶂外蒼茫遙見片雲飛

送岑生歸建平無寄潘子會

憑君花外試清歌四座春生醉巨羅一曲正堪  
留晚照人間何事別離多

二

山堂飛鳥自依人柳外風和細捲綸此夕送君  
桐水曲月明應醉鏡池春

謝蔡道卿贈佩刀

十年精鍊化成丹鑄就吳鉤雪色寒五嶽浪游  
堪作佩斗華常得醉中看

二

秋曉驚看劍氣新青蛇隱隱赤花鱗提來滿座  
天風動多少雄心欲許人

詩卷之三

九

白雲方丈寄懷王山人仲房

檻外青山片片浮孤懷閒對白雲流五溪練影  
搖晴雪何處扁舟度子猷

示水西社諸子

壚頭日月醉春晴裘馬人看意氣橫寄語新都  
諸俠少高陽不是浪成名

寄梅惠夫

逸足元空冀北群渥洼無意炫龍文即今伏櫪  
甘憔悴一遇孫陽自識君



哭玉使君維禎並輓左夫人

誰領風光在水西  
錦雲寥落謫僊題  
花飛烟雨迷紅白  
月冷空山猿自啼

二

興盡王猷路欲迷  
青山是處草萋萋  
孤舟早已藏幽壑  
積雪愁看照剡溪

三

絃斷琴心別雀驚  
岩潭露冷月空明  
秦臺深鎖春雲碧  
何處雙吹白玉笙

詩二卷之三

有感

裘馬翩翩任酒狂  
黃金結客少年場  
而今囊罄從人笑  
意氣猶堪狎孔方

二

自耽寂寞草玄經  
濁世那看白眼醒  
知有黃金高北斗  
也應難傍子雲亭

得唐憲使吉甫書

漢庭司馬擅雄文  
一自游梁賦便聞  
望入龍門河影斷  
忽看雙鯉墮青雲

次答禹金

飛瀑迴溪瀉碧雲  
溪亭日誦五千文  
仙才縱避人間世  
流水桃花自識君

二

獨眺高樓頻翠雲  
遙看山色總成文  
瞿硎積有烟霞癖  
卜得幽居欲傍君

三

幾屐飄飄欲御風  
孤懷咄咄漫書空  
眼前齷齪君休問  
好共消沉一醉中

詩二卷之三

次禹金俠少行

構得吳鉤百寶新  
青蛇隱隱赤花鱗  
雄心直欲凌千古  
恩怨何曾計一身

二

醉博臬盧上玉樓  
逢人肝膽片言投  
此身尚許酬知己  
說甚千金不掉頭

寄懷王南陽

憶昔歸舟棹月華  
江城愁聽落梅花  
但能一顧雙谿畔  
不惜黃金盡酒家

送程夢龍游楚

秋風蕭瑟鵝鵝寒萬里長江一釣竿到日武昌魚正美漫將長鋏傍人彈

和禹金

史鳳風流滿墮簪鑠蓮燈照合歡衾迷香舊愛曾誰托惟有梅花解此心

二

武陵春色醉桃花此日重來玉女家仙客不迷源上路飛霞遙帶一溪斜

詩卷之三

壚頭

壚頭相傍意何深四壁蕭蕭不厭貧向識茂林詞賦客漫疑春色動琴心

上方制府凱歌

揮塵風塵瀚海清單于三款受降城當年破虜勞深入堪笑嫖姚橫得名

二

細柳營開鼓角閒旂旂日暖耀陰山歌聲夜度祈連北誰道春風隔玉關

三

旄頭昨夜歛寒光翹首青天日月長大信自能乎點虜奇功不數繁名王

四

西北遙看大漠開月明寒浸白登臺即今塞草青如許不見胡兒牧馬來

五

重門月白息狼烟制勝謀堪出萬金方叔壯猷千載見漢人空自勒燕然

詩卷之三

六

初發匈奴大難端漢庭謀議駭千官只今論定收功日西北青天倚劍看

七

上谷遙臨幕府高閒來詩酒集群髦試看千里燕山月夜七清光照彩毫

解雙佩劍贈雷將軍

千載雌雄鬱斗南移來上谷拭蛇含春間細柳雷聲午驚看雙龍起碧潭



二

吳鉤雙入孔章提紫電流光白日低胡虜漫教  
南牧馬干將今正在關西

送容姪出塞

一騎乘春出玉門長安明月照離尊丈夫莫負  
封侯骨須定天驕報 主恩

二

爾自吾家千里駒霜蹄汗血羨長驅一逢伯樂  
空群日嘶向胡天夜月孤

詩入卷之三

十四

三

白草黃雲上谷秋翩翩裘馬度邊樓玉河景物  
饒春色携得風光伴壯游

四

從來壯士重橫行况復春風度北平莫戀江南  
楊柳色須教重築受降城

送譚山人歸粵

塞門曾見擁前驅一片鄉心聽鴈呼駿馬黃金  
臺自迥空餘明月度驪駒

送屠長卿令穎上

捧檄翩翩意不群春風遙度帝鄉雲知君製錦  
承萊彩機上今看五色文

二

秋色晴開碣石宮酒人燕市敢爭雄驪歌漫向  
尊前度誰共消愁一醉中

三

塵世相逢總陸沉虛堂秋月自鳴琴莫嫌五斗  
令腰折堪慰當年負米心

詩入卷之三

十五

送郭梅井倅辰州

一簾秋水照官衙是處清光散紫霞無欲久知  
叅上德肯因勾漏覓丹砂

集李于美宅次歐禎伯人字

桃李含晴帝里春繁陰酣對鳥聲頻看花莫厭  
今宵醉花下曾經醉幾人

署中聞子規

一片愁心託杜鵑望中阡樹斷蒼烟可憐蜀魄  
啼明月白髮催人又隔年

送貢懷敏任浙江藩幕

憐君吏隱傍烟霞春滿錢塘十萬家  
歌笑儘留湖上月一尊晴對紫薇花

聞管登之被謫

兩疏經綸見國工多言誰復問窮通  
鯉溪傳檄波初定鵬嶺回車氣尚雄

送談見河游塞上

萬壑雲屯塞日低玉關春到綠烟齊  
流星抱劍蛇含冷夜聽邊城玉勒嘶

詩卷之三

十六

送黃侍御按宣大

幾年曾築受降城上谷窮郊萬里平  
攬轡自君酬夙志黃河流入漢家清

送吳元生還歙

慷慨悲歌燕趙心貧餘客路一瑤琴  
陽春自古人難和爾去誰從伴苦吟

寄朱重慶

孤鴻漫度蚤蓂月五馬遙分劍閣烟  
調飛白雪知難和疏乞青山敢自便

發潞河

牙樯遙趁北風斜無限愁心託暮鴉  
回首西山春色杳平河楊柳帶殘霞

留別沈樟亭

余歸吳越爾留燕銀燭清尊照別筵  
小艇西湖明月夜美人遙憶白雲篇

次谷王山人仲房

意氣相看爾最豪相知元是布衣交  
故人若負昭亭社豈獨新都有客嘲

詩卷之三

十七

二

同君常醉酒家胡眼底誰看一日無  
別後陸沉金馬署却教豪俠笑雄圖

三

一別山中薜荔衣却從明月望清輝  
漫憐千載彈冠意念爾翻愁白髮稀

四

一望黃山盡白雲愁來把酒對桐君  
悲歌慷慨空相憶不使英雄老策勲



懷仙曲

何處吹簫弄紫霞青天孤絕倚靈槎江空露冷  
銀河濕獨坐秋宵望月華

傷離二首

獨倚朱絃夜色深孤舟斜月對霜林青天無語  
長河滅惟有江流識此心

二

仙路迢遙擁翠幢雲霞空負彩鸞雙瓊簫聲斷  
愁無賴殘月依依半入窓

詩卷之三

寄李明府惟寔

春滿涇川十萬家一尊高閣煩平沙漫將烟雨  
疑紅白桃李河陽關綺霞

二

蒼然平楚莫雲低潭水桃花路不迷一片遙心  
傳尺鯉忽隨明月度琴溪

寄盧明府伯仁

花裏鳴琴宦夢殘雅知僊令宦情寬柳山山色  
青如許尊酒從教盡日看

王女峯

王女峯迴王柱東霞衣遙映海雲紅飛流千丈  
晴虹落環珮依稀下碧空

王柱峯

獨眺峯頭灝氣分瓊簫吹月集僊群天開玉柱  
三千丈坐煩溪山盡白雲

魚龍洞

青天綠水湛芙蓉溪轉千巖瀉玉淙怪石倒懸  
寒滴翠坐看晴日起魚龍

詩卷之三

龍泉

水落魚龍白日秋澄溪倒影碧空浮仙人掌上  
芙蓉露化作人間玉液流

摩空亭

萬仞峯頭一振衣十洲遙見白雲飛塵寰未是  
仙人宅且向瑤空馭雀歸

摘星斧

碧霄雲馭自僊僊一咲黃塵隔大千不是長庚  
翻入夢人間何處覓青蓮

琴溪道中

千載琴僊跡尚留尋常溪谷見丹丘當年賴鯉  
今何在洞鑠寒烟一水流

石溪曉行

濛濛空翠撲征衣側徑迴溪湧石磯影落碧霄  
零欲濕流雲晴繞玉龍飛

雍溪道中

一道飛泉繞萬峰藍輿遙落紫霞重月明雍水  
來黃雀雲起陵陽化白龍

題雲弁次汪伯玉韻

白岳靈區隱少微千峰秋色澹荆扉閒亭獨坐  
渾無事片片晴雲亂撲衣

棲霞洞

紫鸞飛度赤城標携得晴霞散沈寥玉洞夜深  
寒不寐醉邀秦女弄瑤簫

白岳宿黃道士山房

采得瓊芝滿袖四千林明月上瑤臺夜深天頂  
雲璈集疑是僊人駕雀來

示向道士

玉洞瓊棲夜氣清紫霄時聽步虛聲玄珠罔象  
曾誰識只道人間片月明

天門

誰將玉斧闢玄關天上樓臺白日閒朝罷紫清  
香霧靄碧霄遙跨彩鸞還

訪馮開之湖上時開之尚隱城中

偶騎玄雀到人寰知爾春深尚閉關一咲浮雲  
飛海嶠六橋明月浸湖山

小憇南高峯石壁

斷崖千尺削芙蓉一錫閒雲落晚鍾獨倚月明  
清嘯發居然天半走群龍

從石屋訪烟霞洞天同梁伯龍得寒字

雲迷石屋夏生寒洞口桃花化作丹王磬一聲  
清梵落烟霞飛繞碧闌干

水樂洞

古洞流雲一水晴遙飛清露滴空明不知玉女  
搖僊珮却向人間聽樂聲



王女潭

澄潭千頃豁丹丘倒浸青天十二樓雲散莫山  
孤月上恍疑神女弄珠遊

慧山泉

石迸臨池護紫烟月流寒影自潺潺不知真二  
涵金液空道人間第二泉

府

開之席上贈張四還青溪蕪東屠長卿明

花月雙看水上居凭欄誰放綠尊虛滿即莫漫  
詩一八卷之二

至

同馮開之俞孟武雨中泛湖遲沈嘉則不  
扁舟烟景澹平湖寒入清尊憶酒徒橋鎖浮雲  
環碧玉波承疎雨濺琉璃

贈沈孟嘉訪開之湖上

初陽臺上紫雲停何處瑤簫入夜聽載酒看花  
歌白苧直教明月下西泠

花間戲贈伯武

蒨座春風散綺霞橫經終日對林花尊前桃李  
看如錦不數紅粧出絳紗

次答梅元振見懷

太史周南任久滯閒庭無事日垂簾懷人耐爾  
逢秋色水落明河欲抱蟾

雪中解雙佩劍贈全吾沈駕部

雪滿長空朔氣封斗間猶自紫雲重定知此夕  
雌雄合莫向延津化作龍

二

雙劍遙將一寸丹佩來常得醉中看照人起覺  
雄心熱不道芙蓉雪色寒

三

贈爾龍泉意獨深莫將容易市千金雙看雪暗  
桃花血莫負當年報主心

四

斗落青紅照雪明蛇含初挾夜長鳴若教匣裡  
雙龍並便是人間萬事平

過宛溪先生舊館東禹金

欲向閒亭問字來  
隔溪花草開池臺  
沙留月色虛舟度  
竹助秋聲亂笛哀

二

誰憐虛館碧雲橫  
流水悽然斷夜聲  
不見宛溪溪上客  
寒波空自照心明

三

一夜霜風咽曉嘶  
文星遙落楚江湄  
江邊秋冷藏書閣  
猶有餘光照玉芝

四

溪流縈月小樓西  
曾此停盃辨六迷  
山月不知人已去  
夜深猶自浸寒溪

東程天錫

歸來高卧敬亭雲  
把酒看花忽憶君  
宛水烟霞堪放棹  
北山猿雀漫移文

題畫

石榻閒雲度碧岑  
虛窗寒影落松林  
沉吟獨對澄溪月  
惟有梅花識此心

答梅時甫燕約過山中

一鴈飛來破渚烟  
澄湖秋雨足東田  
郊居風月堪邀賞  
不用相如賣賦錢

送青田謝居士歸越

一片雄心落酒禪  
西湖深處卧雲烟  
六橋花柳春如海  
儘許閒人一醉眠



郊居遺稿卷之四

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

廷試策

皇帝制曰朕惟自古帝王撫運握圖統一寰宇所以綜輯庶務調劑群品其道蓋多端矣至

策卷之四

語其治效自詩書所述章灼較著則莫盛于虞周夫其七政齊庶尹諧六府修三事治與夫謨烈佑啓禮樂刑政煥然也朕甚嘉之慕之未審果繇何道而致然歟或謂舜兢業萬幾文王自朝至日中晏不遑食也惟其精勤故化理若是然書稱庶獄庶慎文王罔蕪而孔子復謂舜無為而治何歟我

太祖神聖乘乾再造函夏建立法制博大詳密用以躋世平康與虞周媲美御曆三十餘

年早朝晏罷未嘗時刻少怠其所以畏天人

而衍昌祚者視舜文其道同歟朕以冲昧獲

纘丕基慄慄夙夜圖所以順帝則建皇極以

庶幾帝王之治者今且五年經費節矣而帑

庾未充賦歛寬矣而民生寡遂守宰久任矣

而吏治罔宣五籍加覈矣而武備靡振豈因

循之積習難驟變歟久弛之舊章難遽舉歟

茲欲革文冒破拘攣使人得其情事循其理

將何如而後可蓋盛帝顯王人稱之必曰大

策卷之四

有為乃復有謂王者中心無為以守至正此

其說安是將各有主謂不相蒙歟抑或其道

相須也予大夫習先聖之術其於治理之原

講之豫矣尚各摭所蘊明著于篇

臣聞帝王之御世也固有宰制天下之大體

尤有運量天下之大機何謂體總宏綱急先

務任人以圖治而不自用以勞天下者是也

何謂機疑志慮勵臣工及時以省成而不自

逸以忘天下者是也以大體宰制天下則化

洽于無為而帝則順矣以大機運量天下則  
功成于有為而皇極建矣是其無為也正以  
握有為之權也而非逸也其有為也正以達  
無為之用也而非勞也使執有為之說而紛  
然自勞其身則萬幾之繁萬民之衆由一人  
而叢勝焉即或有刑名之淺效而無以培惇  
大之休申韓之所謂有為也固非帝王之所  
先使泥無為之說而肆然自逸其身則萬幾  
之繁萬民之衆以一人而廢弛焉即或有清

策  
卷之四

三

淨之小康而無以建精明之治黃老之所謂  
無為也亦豈帝王之所尚哉是故善治天下  
者既不一于有為而機常運于無為之中又  
不一于無為而體常宰于有為之際古帝王  
所以人得其情事循其理而萬世稱之為盛  
德大業者此道行也歟欽惟

皇帝陛下 稟聰明睿智之資 備文武聖神  
之德應五百載之昌期而誕膺  
寶曆繼億萬年之正統而丕振

瑤圖

威德布于華夷賢才列于中外四時順軌萬國  
承休人已安事已治矣而猶

聖不自聖進臣等于 廷俯賜

清問惓惓于有為無為之辨且欲使人得其情  
事循其理以圖帝王之治臣固仰窺

陛下大有為之心矣顧臣伏處蓬藿未知事君

之道未諳治國之謨愧無以對揚萬一雖然

臣嘗聞之事君如事親親之欲有為也子代

策  
卷之四

四

之親之精神日運於內外上下之間而庶事  
則未嘗自勞也知所以事親而孝可移于忠  
矣又聞之治國如治家家之不能無為也主  
制之應酬出納至米鹽瑣屑之務各有司存  
而主之精神未嘗不貫也知所以治家而理  
可通于國矣况臣今藉有司之舉得親 文  
陛立 赤墀生平之所誦讀願達于天下見  
于 明時者此可以酬其志也敢不摠一得  
之愚備



聖人之擇哉竊惟天生民而不能以自治也于是立之君以主之又慮君不能以獨理也於是立之臣以佐之是君者代天以理物而臣者代君以有終者也君惟代天以理物則天之所欲為者君任之矣而安可以無為也臣惟代君以有終則君之所欲為者臣任之矣而無庸于自為也嘗觀之天矣於穆之真玄機之宰凝然不動已耳而四時之吏五行之佐順序而成其化化之成也四時五行之功

策  
卷之四

五

而昊天一元之運固未嘗一日息也使其或息則四時五行且無以自運而何有于化哉夫自其凝然不動而四時五行為之宣其化也謂天有為不可也是天之體也自其四時五行之成化而天未嘗不運也謂天無為不可也是天之機也人君代天而為之子位曰天位職曰天職民曰天民德曰天德道曰天道心曰天心而不憲天以弘化可乎是故觀於天之體也得宰制天下之大體焉虛心應

物而不以物累心虛已任心而不以人役已常處於閒靜之中以總宏綱以急先務固不敢屑屑焉以自勞觀于天之機也得運量天下之大機焉心常運物而不縱心以遺物已常體人而不適已以病人獨操夫精勤之柄以凝志慮以勵臣工亦不敢悠悠焉以自逸惟其有是體也人代之為矣安得而不謂之無為惟其有是機也已為之運矣安得而不謂之有為而要之有為者乃所以成其無為

策  
卷之四

六

也百工之熙必率作而後興事惇大之裕必明作而後有功萬世帝王撫運握圖統一寰宇所以綜輯庶務調劑群生者其道寧外于此乎是故七政齊庶尹諧大府脩三事治治效莫盛于虞矣舜固不自為也任之禹益羲和皋夔諸臣者得其體也而兢業萬幾舜寔未嘗一日而忘精勤之慮焉然則孔子稱其無為而治者謂其所任得人耳豈曰兢業可忘耶謨烈啓後咸正罔缺禮樂刑政煥然維

新治效莫盛乎周矣文固不自為也任之周  
召呂散諸臣者得其體也而自朝至於日昃  
不遑食文定未嘗一日而忘精勤之慮焉然  
則書稱庶慎庶獄罔兼者正謂其所任得人  
耳豈曰勵精可已耶洪惟我

太祖高皇帝神聖乘乾再造函夏竭心思以創  
制立法內外相維巨細畢舉具載一令甲今  
不暇殫述而御曆三十餘年早朝晏罷未嘗  
時刻少怠其所以畏天人而衍昌祚者真如

東  
卷之四

七

舜之兢業萬幾文之日昃不食固未嘗執無  
為之說忘率作之權而君臣交儆以屢省厥  
成者正所以成無為之化也躋世平康虞周  
嬾盛信有由矣而誰謂其道之不同於舜文  
哉肆我

皇上講學勤政法天行而不息詢事考言治日  
起而有功帝王之大經大法治天下之宏規  
也大書而揭諸殿廷自敬天至節用十二  
事治天下之切務也懸牌而置之座右申

飭有司而責之乂任屢警邊將而要其乂安  
蠲逋賦以厚民生節經費以裕國計孜孜焉  
精勤之念誠有不遑暇豫者宜天下之人盡  
得其情事盡循其理也而乃有不然者宜有  
以厘

聖心之憂矣夫因循之積習固難驟更也而更  
之者未必有實心乂弛之舊章固難遽舉也  
而舉之者未必有實政欲充帑庾而司農之  
用果實能一毫不妄費乎節儉之躬行不可

集  
卷之四

八

不思也欲厚民生而司賦之吏果實能一毫  
不妄取乎閭閻之疾苦不可不察也守令乂  
任矣而率多取辦于文具求其能解紛興化  
鮮渤海之理也而何惑乎吏治之未宣伍籍  
加覈矣而率多致飾于聲容求其能禦侮折衝  
鮮鴈門之良也而何惑乎武備之靡振夫臣  
未盡賢而政未盡實則

陛下與諸大臣議政于上恐未可遽云舜之無  
為文之無憂也夫古今之人心一也以區區



漢宣之綜核即能回虛耗之邦致吏稱民安之效曾謂今日寧平之世乃令之而不從倡之而不化耶

陛下誠率先而振作之不厭乎感格之難不循乎故常之迹時

召見二三大臣及有司之可與議者條國家之舊章舉當世之闕遺必欲見之推行而要之治效實節經費自宮闈先之而帑庾可漸充矣實寬歛賦自郊圻先之而民生可漸

厚矣任守令則

嚴勅監司精慎舉核毋徒徇于文具而吏治可漸宣矣覈伍籍則

嚴勅督撫糾察勤惰毋觀美于聲容而武備可漸振矣其要主于擇人而其權歸于核實由是文冒可革拘攣可破積習可更舊章可舉人不敢欺而皆得其情事不敢廢而皆循其理而本其機則惟在

陛下與二三大臣如舜文之精勤以率之夫然

後庶慎庶獄不必垂而無為之化成矣夫此之謂精勤所謂精勤云者有為之義也而因以致無為焉猶二之也臣又伏讀

聖制終篇有曰盛帝顯王人稱之必曰大有為乃復有謂王者中心無為以守至正此其說安是將各有主謂不相蒙歟抑或其道相須也噫是可以觀帝王經綸之學矣夫中心無為矣而曰以守至正得非守之於為乎昊天之道顯仁藏用曰顯曰藏而有為無為體用

一原矣帝王之大有為也以天運以時行而不以己為焉則雖淵微宏密而非無也雖振勵發舒而非有也故曰至誠經綸而無所倚也彼沉空守寂以為無徇生執象以為有均之畔道而已惡足以治天下噫天下之溺久矣譚有為者猶曰不離乎倫類也而假禪幻之旨餘以文其無為之旨卒使天下信空虛而忘實用而精勤之說幾不復聞矣

陛下循其名必責其實度其始必厚其終以至

誠之經綸發顯藏之妙用不特挽人心而維世道乎而得情循理之效又不足言乎此真大有為之畧也若夫為知幾為謹獨固至誠入德之方而自警十二事所兼括也何敢為費辭哉臣不識忌諱干冒

宸嚴不勝戰慄隕越之至

奏疏

擬棟建言諸臣令大學士張居正奔喪疏翰林院脩撰臣沈懋學謹奏為懇乞天恩俯

奏

卷之四

十一

容直言以明國是以植天常以隆

聖化事昨該某官某人等疏論元輔張居正禮宜奔喪守制奉

聖旨云臣聞之不勝驚駭仰惟

皇上聖德寬弘天覆地載即位以來請學勤政敬大臣體群臣矜不能赦小過至于忠言讜論往往曲賜優容未嘗以逆耳見罪今一旦有此處分在某等積誠未孚不能仰體德意致干罪譴夫復何辭然臣愚以方今星變脩

省正宜廣求直言共面消弭之實即使某等言之過當亦宜俯亮其愚深維其意恕其狂瞽以倡忠直之風況某等所言實為天理民彝之正實係安危理亂之機乎夫人之所以無愧于天地神明者惟此不忍之真心在也居家以真心事父則為孝秉國以真心事君則為忠天下未有不孝于父而能忠于君者亦未有能忍于家而不忍于國者今居正與其父相別一十九年竟成永訣病不視醫歿不視歛相望千里抱痛終天居正之心必有摧裂欲死而不能以一刻安者使或安之是忍人也不孝之子也安望其效忠于

陛下乎昨見居正屢疏乞歸臣知其心大有不忍惟以仰承

皇上再四勉強至意不得不從彼既痛其父之死而不獲一見又苦其身之留而不獲一行愁懣慘傷方寸既亂縱

陛下為社稷為蒼生留之懇切而居正終不能



如昔日之安心辦事矣况密勿首臣將賴之以光輔孝理率正庶僚若身犯禮義之閑而復不容人之議其後將來上行下效附影隨聲豈特損居正一人之名節際朝廷一日之紀綱而已哉今廝徒賤隸苟有人心談此無不色變而在朝諸臣依阿澠忍緘默苟容科道耳目之官職與天子爭是非者又且曲為調護交疏保留附會成風逢迎不耻臣竊憂之夫使居正之不奔喪果大義耶則諸臣

策一 卷之四

十一

于聞計之時當慨然陳疏矣遲疑旬日而衆議未同蓋亦揆之于義有未協反之于心有未安耳及見

皇上留之既懇居正不復決行而乃依違陳乞忠干

陛下者固如是乎夫始之不肯保留者真心尚存而終之共為保留者富貴之心奪之也天下之所恃以安且治者在

陛下一人而

陛下之所恃以察安危明治亂通壅蔽者在諸司百執事若言官則尤其最要者

陛下深居九重即至聰明神聖亦豈能徧物而知而諸臣又附會逢迎以自結於大臣各保其富貴則壅蔽何由而通治亂安危之機何由而悉是果社稷之福哉某等觀此風聲氣習憤激于衷不忍居正之陷于不孝不忍諸臣之陷于不忠又不忍朝廷之為諸臣所欺終至於壅蔽而不達故爾冒死陳言原其心不過愛

策一 卷之四

十一

陛下憂國家耳

陛下誠宜優容而獎誘之使緘默者自羞剛貞者自奮風行海寓曉然知

陛下之重綱常如此庸忠直如此不為群奸之所壅蔽也如此回心向化如草木之從風而靡非星之環極而拱是真聖帝明王之舉動也今赫然威怒暴摧直臣正士之氣臣不暇為諸臣惜為居正惜但此聲一聞天下有以

窺朝廷喜怒大臣有以制臣下死生世習委靡人心抑鬱萬一有不肖者當此事機竊美威權潛移政柄人人以其等為戒妄附明哲保身之義各懷趨炎固黨之私雖有社稷之良謀蒼生之至計誰肯為

陛下言者試一思之寧不可為寒心哉夫居正之終喪計日可還天下尚無大可慮也而忠言不用則後之可憂者什百于此

陛下允宜權其事之輕重審其害之淺深矣臣

策  
八卷之四

十五

以草茅賤士濫廁清華非不知忍默之足以保富貴也然不忍忘二親奠飧之訓不忍負陛下知遇之恩思元輔之去留為天常所係思言官之忠佞為國是所關思直節之不容為禍機所伏惟恐由此習成阿附之風養成因循之敝以遺大害于天下故敢披瀝血忱上千天聽伏惟

皇上仰觀天象下體人情效文帝之止輦受言邁宋太宗之引衣容諫宥某等之狂直以作

天下之忠允居正之奔喪以作天下之孝庭天常由之以植國是由之以明社稷由之而無隱憂蒼生由之而成大化天下幸甚萬世幸甚臣不勝懇切祈望之至

傳

### 陳貞甫傳

陳貞甫者諱忠言更以忠字貞甫陳氏之先著嘉定高祖景祐與吳僧道衍善嘗詒衍詩諷之隱已行佐文皇帝靖難乃自遜徙無錫其後遂

傳  
八卷之四

十六

為無錫人景祐生昱昱生周咸以廩吏知名載邑乘中周生鳳是為公父以公貴贈寧鄉令母王氏贈太孺人公生而穎卓軼群見甫十歲能屬文讀書不韻韻文墨要以識其大旨年十七補邑博士弟子試屢高等嘗一不第輒憤而嘆曰文夫貴所樹耳必低眉搦管乃可揚後世名彼伏波定遠何人哉則讀陰符孫吳子諸書而又饒氣力能開二石弓間從材官習騎射擊劍談兵無能難之者寧鄉公病肺不問家人生產



重以徃後歲侵從人貸累于錢家益落里中豪  
有構寧鄉公于部使者下之郡公慷慨折辨于  
庭郡大夫壯其詞直禮而釋之竟以不直坐豪  
于是鄉大夫僉曰陳生豈徒少年艷文詞碩其  
中隱然有鱗介亡何寧鄉公卒逋可二千金生  
計日益困公嘗貸五十三家不符一錢而其廬  
且中兵燬公止鷄栖中披瓦礫鉅細身之日居  
積給內外而諸逋稍次第償公既勞治生又數  
奇五試而五黜人或謂公莽蒼過時徒名高也

傳 卷之四

十七

若公奮臂起吾即不得博一第亦安能跼蹐間  
巷中無生計從人呼馬牛乎吾聞燕冀故多節  
俠軀轂下士人雲集吾將游其間歲甲子遂入  
賢更今名為太學生時南充陳公為祭酒試而  
奇之遇以殊等齊人王生榮與公同舍以試事  
被誣當坐戍公心知其冤引諸生為訟于祭酒  
得脫戍落為諸生已王生復與計偕造公謝公  
固拒之慈溪袁公為左相以詞賦自豪因門下  
生張翊啓事佳訊知公代構即介以請公公謝

不往袁公乞之祭酒且以幣先公乃往報謝一  
見款語命酒驩如平生袁公性褊好嫚罵人而  
獨禮公公亦不以儒生故下袁公是秋試復黜  
將歸而松陵王山人遇公婁江王大史許遽深  
相結不忍別時與王山人說劍擊筑或取醉燕  
市和歌狂呼以自快好士者聞公名多自結騎  
先公而公故厚自匿獨與范烏程顧通州戚泗  
州及王山人輩分曹酣飲賦詩微曙以為常已  
公南還益屏博士家言不治而治佛老置家政

傳 卷之四

十八

不治而治鳴玉園將無意進矣會丁卯有詔詔  
天下士文當崇雅道毋務浮華諸故人勸駕乃  
復如燕舉順天鄉試公亟馳歸拜寧鄉公王孺  
人墓下歔歔不能起後五年謁選于天官多止  
公者公笑曰吾即不失為朝廷刺一州長十室  
之邑尤可自見奚必階甲第起乎就寧鄉令寧  
鄉楚巖邑多甲族比歲游饑多流冗而邑田多  
入豪右時而徵歛冗食食民卒莫能逋請于部  
使者履畝均賦而籍之減虛稅累千百計邑有

王潭江民病涉公捐俸為民倡邑中賢豪率輸金受事不踰月而梁成先是畜夫歐賢變賦從弟賢時歲課時故逋匿變捕之急時怨其迫已遽焚舍手刃其妻以姦狀誣變抵罪歷數令率以變多貲避嫌終不為白且死公訊狀立出之坐時罪市民楊茂春崇火鬼夜輒儲水懸燈聚族而守公過而恠為茂春告之故公怒曰鬼也而厲吾民神不職耳若以詞來焚其詞于神且為文呵之妖遂寢湖北道胥有檄偽盜于邑者

傳

卷之四

十九

公閉諸獄胥不得橫索錢以蜚語聞謂公傲我移怒于獄公嘆喏曰盜吾良民又辱吾吏何顏庚儼然臨吏民乎輒投劾乞歸凡三上而兩臺諸司慰番彌懇部使者舒公過寧鄉諭公公跪而請曰明公必不去令者盡得縛橫胥謝吏民乃可卒如請始出視事癸酉秋公有校士之役舉兩名士而楚錄多歷公手部使者知公廉為致傳入覲而人亦稍忤公矣公累荐稱湖湘治行第一云越乙亥拜寧州公蕭然故索赴寧州

州在萬山中故盜藪且無城郭移牒城州餘十四年而不克公為埴踰五月而城成盧源劇盜盧尚貴尚豪李大奎等數十百人行剽掠購交郡邑掾隸為間伺捕檄未發而盜輒遁去出沒無常公移文與之更始不率則密遣騎鄭子章艾春捕獲其黨而尚貴等尤擁眾竊發公乃請巡臬駐寧州兼隸楚興國七州縣兵委總轄戴嘉亮日訓練之以為備公鞠獄適有盧尚元證人死罪者意其為盧源人陰持之盡得諸盜名

傳

卷之四

二十

計誘至悉繫獄尚崇匿大奎慮且及縱之源僅縛其五公陽遣勞尚崇而陰馳其守丞召嘉亮密示方畧設伏甲期夜半抵賊巢及曙合圍而賊始覺而逐我兵矢著尚崇額巢且火賊黨不能戰俱就擒獨崇脫走卒出伏路亦就擒斬獲五十餘人公報備兵王公王公大喜曰州乃今稱寧矣部使者嘆其不以先開開府亦疑自屈功不報頃萬載令攻大奎源而其黨十餘人從間道竄寧境上公且計擒之而道路偽傳盜



犯寧州部使者會失王府印倉皇待罪不暇核  
遽張盜勢以聞公方身歷諸哨請得鄧子龍領  
密計盡梟大盜窮寇而疏下公竟以貶秩去矣  
州人慟哭載途車不得發部使者尋悔之無不  
扼腕太息者公居家且葺丁丑蒲州相公強起  
公補寶鷄令寶鷄遁出華陰公驍驍自青柯坪  
緣鍊鎖登三峯信宿乃下時關中大旱公兩禱  
雞山禱輒雨民張崇禮崇女鬼死五十餘人訴  
之公公檄城隍約三日滅祟而祟果滅民稱公

傳  
卷之四

廿一

神明庚辰徙知光州州吏事久弛尉置座于堂  
令學官于州門鳴騶騎公至憚公莊廉就要束  
州病輸稅不時公命以錢易金一金千錢如市  
例令民得自輸而主者無所侵漁以故稅不督  
而辦州故多冒胥而楊朝欽及其子陞尤驚為  
旁郡偵者他道巧中人公得因始令狀捕朝欽  
父子按驗諸奸事如固始言成朝欽于邊陞罪  
咸等死州人大悅上蔡民王淮與王維訟而巨  
猾牛應魁欲鬪兩人俱傷之嗾淮持械過維詒

維出維懼不出則殺淮維舍旁詐畧創血大呼  
維殺淮維坐法憲司有疑其獄者屬公讞公發  
應魁謀抵之維咸死崇藩壻持五子不法事聞  
于朝議下屬公及確山王令案其贖狡璫某有  
所挾願使郡邑公獨不屈讓璫曰若以王赫我  
今令王子輕犯法者誰也吾曾以三尺法繩若  
若無類矣璫氣奪避去王令快之曰微公吾黨  
几為老璫所笑諸有難獄率委公公卒無留事  
即倦強自奮不欲以倦稱屬冒寒疾踰月而病

傳  
卷之四

廿二

蓋凡五上乞歸不報八月公以疾稍差強起視  
篆未几病再舉遂不食再上書不待報而歸歸  
不再旬而竟卒嗟嗟往余過梁溪得公舍中人  
言公輕財好施與嘗于溪東為其宗姻子弟開  
塾館葬蒙師馮某歲修其祀事割田若干畝佐  
其甥華某甥死而終不收閩人有窮而歸之者  
為治閩中萬里裝舍武進謝令終年白其罪有  
德于公者公西走京邑往來七千餘里不休其  
他質行甚具而性闊達不羈多負氣見所不平

髮上指穿冠喜面折人過至有片善輒亦心喜也或以勢厚自多色不及公而語遽拂衣去不與接談而人出公下者又折節敬共無忽興故豪然不豪酒會良朋佳山水流覽高談談兵畧俠游劍術即長飲不至醉醉則悲歌慷慨願橫行匈奴間其于文不肯沈思取立辨習六代即類六代習昌黎眉山諸家即類諸家詩雅曾可誦所著尺牘若干卷渭濱雜草及詩文若干卷而尤長尺牘其議論蓋大都本經濟云

傳 卷之四

廿四

史某曰余故與貞甫同年友善貞甫又嘗為余言胡原荊之為人云二人者皆梁溪人也貞甫初困于貧以計然策節齋理家家遂給至其習文而文習武而武習吏而即吏可不謂才廼竟邑若州而不得越尺寸以功名顯豈非命耶貞甫居嘗言丈夫不勒勛祈常則有蓬瀛可問耳而竟勞瘁以死然死之日褰帷視天怡然就木不以志不竟齎恨此亦庶幾能定矣夫死生大事余雅知貞甫生平于其死充足徵生云

程母傳

程母者歛長原程季公德一嬭也出大里汪氏汪與程世為婚媾母之歸程季公方笄然孤也堂有假姑色屬難近伯仲如各不相下母一身承湊理之間操作井臼自比于臧獲婢妾冀得人懽心而不少對也季公少而伯仲搃利權母諷季公公不事詩書以取世資業恩自封而局處一室異日將何所藉耶季公乃修計然策南走吳北走燕相時高下而與物宜利稍稍歸之

傳 卷之四

廿四

至是鼎立于伯仲矣而母猶兢兢治內不遺錙銖季公業益厚式廓益增歲入菽粟黍麥以萬計而母善佐之也然性愛人喜施予族中娶嬭待母而舉火者若干人而竟絕口不言惠初季公未有子母為之迎媵乃舉守約其後八年母舉守道而愛約不衰所娶嬭賢母益善遇約嬭守道長治博士業母嘗力程督之凡客從兒游者至必設酒肴苟可以羞盤飧畢具惟恐無以佐客驪也季公嘗娶邯鄲姬人或微諷之母曰



良人什九在外念無以待朝夕者吾今得釋慮于外姬物故母且為之含哀其慈祥類如此萬曆辛巳母病疽自頸屬項決潰如盆家人皆以為不起母卧床褥然殊不苦而恍惚若有所見母酷信浮屠氏言持戒甚謹而嘗塑大師像于庵及鑄金身于九華人以為得浮屠氏之報理或然也母所同居諸子孫嬾數十餘輩即其嬾姑時或反唇而以母處之終無幾微見顏色且所短長無不待母而決可謂女君子矣

傳一

廿五

沈仲子曰二女同居其志不同行自古記之矣新安俗多悍妬今慘嬾且若束薪况妾媵乎乃若汪母任束薪而不懟而親以其勞為江汜之行則余未嘗得耳其儔也其危而後生天之所報施善人如是浮屠云何哉

記

### 重修南陵縣儒學記

萬曆丁丑余第進士奉 旨讀中秘書適南陵林侯修儒學落成偕廣文 謀走陳生一言

請記其言曰南陵學舊在邑東隅稱弗利嘉靖甲子知縣事邵君永春以籍山橋西易崇教寺故址建置宮牆規制畧備久且圯鳴盛請之督學使者及諸院臺報可聚材鳩工修圯墉缺為學門一居廟門左為廟門二前為櫺星次為戟門中列六楹為先師廟左右各楹為東西廡廟之後為明倫堂堂之左右各為齋堂北十步創建尊經閣六楹左右各為室五閣之後為敬一亭為啟聖祠為鄉賢祠為名宦祠又建東西號

傳一

廿六

房各十楹為諸生肄業所若神厨神庫倉廩廨宇以序陳列而大小廣狹規模各惟其稱工始於六月念八日凡三月而工畢南陵自移學後向缺記今再造鼎新而邁太史及第第一官詞林大開文明之會吾夫子在天之靈若有所待敢率諸博士弟子員以請願記之且為吾夫子明道術使多士藉以指南斯文章甚陵陽吏幸甚余惟南陵吾桑梓地林侯嘉惠多士士且蒸蒸起為吾桑梓光此其德宜傳之永久况拜命

之辱何敢以不文辭至謂明道術藉以指南則  
余愧不敢任雖然余嘗聞吾先子敢為多士諗  
之父母之命子也始就外傳即能屈首受業輒  
沾沾喜及籍庠序以經術鳴喜滋甚至召對公  
車策名就列喜又甚矣出而從政第令慕尺寸  
之奇效刀錐之用則喜又益甚矣况立德立功  
立言垂不朽哉使徒掠頭榮誇里閭于世無所  
建明神雖王弗喜也林侯父母吾春穀蓋不獨  
以科名望諸博士弟子矣夫 太祖 太宗定

記 卷之四

廿七

天下其雄才大畧超軼百王視儒者宜無當二  
帝心而干戈甫定即建學祀吾夫子示儒者萬  
世法其深意可想也豈直世所稱儒生挾文藝  
取科名已哉林侯以父母之心修祖宗之典唱  
夫子之教新多士之耳目多士之游是學也蓋  
亦知所自新矣探賸索隱曰吾新吾見也博問  
廣詢曰吾新吾聞也如英咀華曰吾新吾業也  
是尚得為自新乎新爾見矣而于道無見焉飾  
虛見爾新爾聞矣而于道無聞焉飾虛聞爾新

爾業矣而于道無定業焉飾虛業爾譬之宮牆  
丹漆藻繪非不燁然文矣而朽木糞土之  
質猶故也是尚得為自新乎夫學非徒宮牆云  
爾也士游于斯將使之從事于學而致之用也  
虛則不實矣不實則無當于用日將吾夫子之  
宮牆日談吾夫子之道術而不當于用務學之  
謂何是故仁義禮智信道之經也學之準也其  
用達乎天下貫乎古今有弗仁焉吾學之有弗  
義焉吾學之有弗禮焉智且信焉吾學之學至

記 卷之四

廿八

而道成道成而用致庶幾無愧于夫子之徒乎  
而今之所謂士者與古異古之士下而為實其行而偏守而固執而不心通未明也今則不然道之不明而志學  
實學而不實空言之弊也視彼挾文藝取科名  
者雖自謂有間哉而用之無當則均夫亦存之要  
矣故夫子教之以仁仁統四德也求之仁而離  
故孟子教之以義義仁之裁制也求之義而恣  
故程朱教之以禮禮仁之節文也求之禮而拘  
故王文成教之以致良知智仁之明覺也是四  
者皆持以維世風而知是說易至于蔑準繩弛



品式學人士以知識為性真而不反其所以為  
良以本體即戒懼而不思其所以為致言日肆  
智日窮而道日敝卒之濶畧乎事為空虛乎仁  
義而跖跬乎名節之藩籬斯世將安用之君子  
曰道統于仁而成于信信貫乎四德猶土旺于  
四時也學而信焉則仁為實仁義為實義禮為  
實禮智為實智皆存之為實心而措之為實行  
積之為實德德而之為實功文文而之為實言而致致之為實  
用多士之自新計無出此已不然負祖宗之典  
負夫子之教負父母之心即接踵以科名顯愧  
學之實矣實矣取于儒哉余不佞敢以是勗多士  
報林侯云林侯萬曆甲戌進士鳴盛名字其福  
建莆田人

重修旌德縣儒學記

今天子廣厲學官與天下更始其事載功令中  
當是時人自為師家自為學海隅效風喁然顧  
化于是盧令君為旌德之三年而飭其學宮與  
事會先是為旌德學者陋弗稱前令秦君稍葺

之矣盧君繼來與司教事者謀務廣大之審曲  
面執鳩工庀材不憚徵嚴以及此役然後其殿  
上可建三丈旗殿下可列數百人蓋堂堂焉可  
以馮鬼神其廡下周還其美兩兩如翼可以宅  
幽其左右介五分其廣以為之深楚楚焉可以  
藏器其講堂屬寢室並閤洞以澤森森焉可以  
敦教至其從事之屬猶猶焉規其池溶溶焉望  
其門修修焉而旌之學埒上郡矣史某曰夫以  
余觀盧君于是役也其知為政矣凡政之道相  
時者工因民者利規其地宜則易化示之象儀  
則易從明其職事則無不當夫士民之秀也儒  
術要焉教化尚矣故言游武城不廢絃歌子賤  
單父亦唯鼓琴俗吏始一切弁髦視之而務期  
會簿書其或守官如蓬戶猥云從頌以待後來  
乃若操約程范務以兢兢職脩具矣且吾聞之  
不言而喻者天也因象而陳者地也君德無如  
與天同行臣道有終應地無疆故時教必有王  
業退省必有居學冬春異肄絃誦異事先聖先

師異祀冬陳其象以示其可故曰民可明也以  
君所為象事昭矣君子以禮防民國奢則教又  
儉國儉則教之以禮旌德負山阻險其民畜而  
野于文作而行之是在不後且盧君越人越固  
文物之國也四方于是乎觀禮于其地也可謂  
曰宜語曰素則易華華不可素璞則出雕雕安  
能璞質則可文文不再質旌邑質矣然因之以  
琢磨申之以丹鉛庶幾質有其文今日之事其  
命維新其于民也可謂曰因禮時為大雖有鉞

世

世

基不如其時雖有褒德不如其宜登高而嚮應者  
聲疾上好明服下多明德盧公飭修士行允稱  
上意其于時也可謂曰申時以立政地以利之  
象因于民禮從其俗以稱厥職一物而五美具  
焉故曰盧君于是得知為政矣昔者巴蜀無文  
字以繩為約束文翁教化而後蜀中諸生比于  
鄒魯之鄉一時有長卿淵雲之屬盧君凡所以  
佐學官者不遺餘力如旌有興起若淵雲之屬  
是不可知是在諸士勉旃時固不可失也盧君

名耕與余同藉進士

### 新城碑記

邑學宮在城西南隅迤麓側倚其面不員異方  
少齊岡陵斜帶堪輿家言之也遠賓則丈脊華  
陽諸峯原隰稱矣近軌則城城之迤麓而側倚  
也于法不利余聞其言而弁之謀于詹令公允  
令公之令余邑也勤事善廓無廢不舉有慮必  
更與百姓共之是役也神聖焉依敦學茲植豈  
可視為駢枝緩于鳩務乎令公儼然恭虔興靈

世

世

淵之止極廓乎高墉督大廡舍其經費一取之  
贖刑無所預莞庫之士卒之事倍功半不日成  
之維豐維崇褒成履畫登而望其嶺翼如也若  
列屏若張衣而設表輔其眉淵如也其嚴以深  
若雲斯翳而月斯弦循其雉堞而從眺其睥睨  
言言如也其觀以玄若羅星宿而縣象魏森焉  
具矣夫常人憚于庾始習者視已成事繆以因  
仍玩愒為得計耳何必改作乎令公振躬不顧  
其私功在作人寔以僕殺此之為德被于世世



者也彼春秋于中城武牢成周之役必謹書以垂後人是宜銘曰

惟王建國正位辨方戴墨履式厥有城隍屋因業成文以化光玄象詣陳華芳用臧震絡南導巽維西倚星壁若違景圭是紀大人造物百雉云始圖效上圓形潛陽軌高墉廓矣翼翼巍旁蕪疊阜懸應翠微示瞻有象洪化方基雲興漸渥日出初輝大作克襄一勞永逸襟帶宮牆表裏原隰仰協三靈冥符四極休德嘉昭鴻明載緝告靈既饗孰建之常祉福信臻熙事備章五典敷著多士思皇尚哉華觀永久勿忘

郊居遺稿卷之五

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

序

考溪集序

翟公以名進士起家為駕部郎用不竟歸卜築

序

考溪之上屬諸名公記之頌讀之暇會景抒情嘗偕二三子唱于而喁喁和焉集成將授之副墨問序于余余惟翟公之才吏治兵戎無施不可而竟以才見忌乃公不為咄咄書空而託之乎山水咏歌以暢其志亦庶幾哉古之遠觀者矣獨慨夫士君子立學修身非將以待用乎于時弓旌之命巖穴無遺非將以用之乎而才如翟公者乃使之不用而託康濟于山水咏歌此其故余難言之矣余聞之學以用世為功以用而

不用為則乾初之為潛龍勿用其見惕躍飛也  
因時而達用焉達于用而所謂勿用者宵々  
嘿嘿流行于用之中老氏亦言之三十幅共一  
轂當其無有之為用也夫離無而用有則金柅  
偕極而用首則龍亢故曰顯諸仁藏諸用無仁  
不顯無用不藏有無相生維道之門翟公少孳  
孳學道令公而用也吾固知當其無有之為用  
而必有所以勿用者今時當勿用矣碩猶託其  
用于山水咏歌之間余以謂公之進也實用而  
不用公之退也不用而實用一顯一藏感通基  
命其與造物為游者非耶是集也而何可以山  
水咏歌概公也

贈郡侯鳴峴鄭公入 親序

明年春 今上當受計郡國郡有守有相三載  
相計其所屬而質之守守計其所統屬而質之  
上蓋令甲也于時已卯寧國太守先生方治行  
而其相三大夫祖于河上膝席前請曰守五馬  
北矣下走不能以功曹從頃之 天子將徵計

于寧國守主臣所為寧國計者何太守先生矍  
然起噫嘻夫不佞何計哉郡次守為丞遂舉觴  
觴丞曰子丞主甲兵而相不佞者寧國襟山帶  
江登在三輔越昔多故寔所必爭比募白徒為  
兵尺藉虛具或操挺而呼中夜難與覆盂矣而  
以不佞當事則境內不復以鷸冠聞即校武之  
役一旦而錄上司馬凡二十餘曹臣所為計寧  
國甲兵者其丞在郡又次守為倅舉觴觴倅曰  
子倅主錢穀而相不佞者寧國故多本富實亦  
外殷而中瘠也賦稅它郡且鈞之寬則逋而病  
國亟則峻而殘民屬者山若螟澤若潦饑而不  
害輸課如期俾上緩于督責而下免于轉徙臣  
所為寧國錢穀計者其倅在又次守為司理舉  
觴東鄉而觴司理曰夫子司理也非主刑獄而  
相不佞者耶郡往敦朴稱治易近稍高自負而  
強有力者多借寵狡無籍者多馮生自不佞三  
祀于斯也爰書稀少肺石幾亡人臣所為寧國  
計刑獄者其司理在噫嘻于不佞何計哉三大



夫並膝席謝謂郡有長猶射有鵠而左左之而  
右右之郡有相猶車有輪而前前之而後後之  
方太守入郡而問郡大計亡如前三事而下矣  
則嚴失伍勅修庠而疆事以平歲侵為請上蠲  
租什二平私糴斥公廩以之課集而不擾訟者  
朝而造不事飧夕而造不事饗無先入無深抵  
而民志畏皆太守以焉二三子決筴壹稟于守  
而守卒不以長人而自用曰是維爾二三子為  
政惟爾之能請射與車喻今藉令布鵠在右禁  
拾于左鳴鸞在前格輪于後其不至反擊而中  
折也者幾希即二三子抑安所傳其辜乎蓋聞  
之天道為而不宰有而不居守其以天自處矣  
二三子其敢貪天功為己力敬謝不敏次第起  
修爵無算禮成則御者拊騾去史氏某曰郡太  
守蓋今襄陽鄭公云余在京師觀鄭公恂恂長  
者也已為余郡守官若處子而御下若神明其  
究則務舉大體期與民休息故察足及魚而終  
不以其故損仁才足割犀而終不以其故掩德

至余聞所為計于三大夫者其難居先若忍辭  
諸已其獲居後無求多于人則虞廷之揖讓也  
非耶夫當虞氏群后肆朝而課其最固未嘗不  
重有功然以禹功在平成而帝兢兢焉示之不  
伐又未嘗不美能讓今上方修郅隆之業詔  
庶司面見東朝脫問寧國太守何以治寧國使  
盜賊日少徵發不後時囹圄虛守具以狀對無  
如龔渤海之于漢曰君安得長者之言而稱之  
彼其善則稱君順道也此其賢則推人厚道也  
主上神聖不常軼重華而上之協恭和衷何論  
漢事史氏願簪筆載諸蘭臺之上三大夫者二  
李公丞蘄水倅南海人司理姚江史公而鄭公  
由戶部郎出守  
贈郡丞龍石湯侯入 覲序  
獻歲庚辰春 今上當受計天下郡國桐川郡  
守吳大夫先以遷秩行孫大夫九月至例不往  
郡丞湯侯代入 覲湯侯吉豐人也世業儒術  
其先大夫嘗治廣南有異政侯服膺庭訓起家



山藩政司理稍遷今郡丞郡故繁劇管三輔內地食貨殷饒然俗咸任氣四郊多跼蹐之民稱難治侯職在典清軍籍其役監關踐更故事丞始到郡諸行卒饋送有差怠事者許出貲贖畢汨侯蒞治一切革去宿敝與民更始每朔望詣庠集諸生脩禮誨德答諸生有不贍者分俸以給且令三老具其下縣子弟稍才者使就學舍次喻孝弟力田嘗有劇盜戕民甚督府移檄追捕比歲不得索益急侯上言請以緩待廼開閤

序  
卷之五

六

自咎曰何斯民之不善猶爾豈吾教之未行耶于是民私相謂吾儕小人郡公以子視之有父若此倍之不祥乃奮力原跡竟獲盜每視獄輒慘然不憚數命作糜粥食鉗鈇之衆瘠者因賴以存郡城隤不甞知侯晝夜勞先諸役卒未決旬而報竣嘗為民陳便益十二事部臺使者以其循理悉可之凡諸所善政詳具郡冊中于時汝南吳大夫為郡守以嚴明著尤孚心于侯合德贊務以共厥職民奉吳大夫之法而服侯之

惠淳風駸駸焉矣部使者監臨諸郡稱桐治最前后交譽大夫于 朝旌侯凡若干檄亡何大夫被擢即省侯署守事視昔尤慎鄉大夫文學比比著辭頌之別駕濮公為先大夫同舉孝廉素亢直不輕許可人獨善侯會侯課篋屬行乃命其子若從孫兩生術侯政事徵余言為贈余驗諸先民政寬則民慢猛則民殘寬猛相濟政是以和乃今觀二君之治益信云夫君子語相濟豈直行事在寬猛之間哉譽其俗度其時

序  
卷之五

七

考其人權斯三者而寬猛得矣桐俗故當嚴治而時有吳大夫其人湯侯以寬濟之宜也然民之為道嚴則易生敬心寬則易生怠心二者之政視寬為難故用寬以成治名自昔循吏亦固多見在于太叔為政不忍用嚴猶有荏苒之患自非達權君子其孰能用寬耶漢之善治良二千石潁川渤海最見稱顧其時上之人不以文繫得一切便宜從事夫以郡佐局于繁文嚮使龔黃受職才安所施又可得與侯同日稱名哉



方今主上明睿急于任賢當事者必錄侯治  
行以聞賜金增秩將與吳大夫同膺褒顯茲以  
大覲往蓋其時也世之人嘗怪乎橋渡淮而北  
植之輒變為枳此殆性之未貞卒移于氣也乃  
若松檜生于丘逕其枝幹固與衆卉異藉令遷  
之山椒則蒼然森蔚拱彼雲漢豈惟厥性不渝  
且潤土膏據形勝而本日益茂貞使然也惟君  
亦能持其永貞所在以治桐之心臨其下而又  
權寬猛以善其用于弗窮名實彌彰足垂不朽

序  
卷之五

史氏當簪筆載諸蘭臺之上奚以不佞私言為  
哉君行矣遇吳大夫其亦以是語之

### 送鄭郡侯考績序

夫士平居諷說詩書稱引古昔循良之風不啻  
身遭其時觀其事至用一第起家乃輒戾其所  
習倍經殉時假權而逞私可勝道哉以不佞觀  
郡大夫鄭公之行豈惟近世之所難即古之良  
大夫母能踰也吾郡僻在山谿其俗任氣好聞  
至觸憲綱有力者能以千金貸刑百金貸笞凡

此往往有之自公至雖世宦家不敢撓其三尺  
法他勿論已然公之視黎民率用豈弟民咸愛  
而畏之御群吏持大體不苛吏亦無敢怠事者  
其禮鄉縉紳縫掖之徒愈益謙篤而人至私相  
誠未嘗不嚴事公夫世有厲威稜鎮物者物或  
易之而公溫溫德讓乃不獨使人愛而敬畏則  
至矣是遵何德哉無欲也有欲則威稜亦易無  
欲則溫恭亦成也是時某郡李公為郡丞會稽  
史公為司理公愛二公以誼闡示其中不欲以  
賢能獨居既而二公相繼遷去則以朱黃二公  
來補公友之如一語曰君子蘭秀無在而非好  
也非謂是耶公自筮仕貴為二千石而衣布衣  
同列有佩服縞繒者公不欲自異勅制一鮮衣  
鮮衣則對客而退食仍服其常者嗟乎在漢之  
言循良者大都先惻愍而後風采以風采示其  
下而使作吏之民馳于駭電未若穆乎沉厚外  
埋其照而中實有所燭者也公之材身兼數器  
如大海之為百谷王無所不包亦無所不注矣

序  
卷之五

而未始以材嘗事以事鉤奇穆然沉厚而已然  
以德教易繩墨能使民反其本則潁川渤海流  
聲尚矣廼今徵吾郡之風即龔黃公又何讓哉  
且吾郡困于玄冥累有凶年公則置繇發庾振  
其罷絕民籍生者歲數千人矣夫主上養恤  
元元懼一夫之不獲安至勤切也公竟以此為  
急傳上意深矣今公以秩滿赴闕下考不  
佞竊以為憂頃者郡丞李公司理史公赴明詔  
時郡中士民惶惶如失所恃然賴公在郡既而  
得朱黃二公佐理如初民以是恬然安業今公  
奏績于上上按公牘有異政必以優禮待公且  
超遷公矣天其或者開右吾郡使公得如古例  
以中二千石復治郡事士民幸哉或謂不佞曰  
太史豈忘漢之鄭莊耶夫鄭莊每入朝必推轂  
天下長者彼其位不踰孤卿猶且推賢如此矧  
今主上道軼唐虞三事大夫功埒稷契明察  
若燭日進賢如轉環即論今之長者公其人矣  
藉第令主上有意借寇吾郡三事大夫能復

使公守郡哉誠若是言則當事者為國謀則忠  
如吾郡何雖然凡守郡國良二千石多自臺省  
遷者公雅示人以德願公于時復推子文之誼  
以告來者則吾郡徵惠尤多公其無忘哉于是  
公臨行朱黃二公率諸邑令君祖公于候館乃  
索不佞言以為贈不佞病卧郊園何能操觚屬  
辭彰公萬一第直述公之行如是不更益一辭  
焉朱公某郡人為郡別駕黃公郡之司理為閩  
人云

序卷之五

曾侯健齋年丈考績序

今夫主持天下使兆民享安靜和平之福者非  
君與相乎君相不能以其身勞天下所賴與共  
理者守若令也故君擇一相相擇一冢宰冢宰  
擇守令而分任之于是九官百執事舉守令之  
所職者各考其成而天下治然守之體尊而勢  
稍遠獨令親民近若一家而相聯若一體其惠  
易流虐亦易及民所宅生蓋惟令是視矣令可  
易為哉且也地異宜民異習時異尚治之者異



操吾欲斟酌調停默持其柄而弛張之非急功名者可與議也可與議此道者其惟休易令曹侯乎休易故新都嚴邑民俗習于賈稱多財黠訟訟不勝卒能以財致強有力者術勝之先有令茲邑者以卒易敗而邑遂號難治矣侯由合肥著名當事者重侯請移治休易客有諷侯者曰今天子明聖綜覈尚嚴而休易俗狡悍多積蠹其政莫若猛猛則取赫赫在旦夕耳侯曰令稱親民焉用猛且天子仁覆天下豈欲以嚴繩

序 卷之五

十二

下哉將用法以成其仁也昔漢宣帝時天下吏風靡于刻核矣碩帝獨取寬和一黃霸而趙韓之屬卒至不保其身意可識已故為政者獨患率易耳易而猛政之救也苟急于名如民何敢謝客于是下車召邑父老子弟至誠諭之期與更始慮情易流而約之慮交易泛而擇之慮訟易煩而簡之慮刑易嚴而寬之慮舉動易輕而慎重之慮吏胥易肆而防範之慮衆言易淆而拆衷之因其地以宜其民酌其時以矯其治敝

其于事若迫而後應若蓄而後施若有所待而不盡其用而神精至意深入于民真若一家之相為周旋一體之相為聯屬也以故侯初至無赫赫之名居二年而政通人和上下胥悅侯善為令豈獨長于才蓋以識勝矣先是侯令合肥餘一期暨治休易于令例以三載考績當事者復重侯留治休易如久任令計冢宰上休易令治狀相應喜冢宰得人天子行且有褒嘉之典以風天下之為令者侯益安其位以行其志而

序 卷之五

十三

休易日享安靜和平之福以順治于侯然則休易果難治乎哉余春仲登白嶽友人別駕任君追尋于碧霄峰上任君相與議理道獨識侯深衷為余道其槩因屬余次其語為侯考績賀亡何余取道休易歸與侯譚累侯蓋家學淵源深會明德親民之旨若其才識足以運量天下而不露休易特小試牛刀耳余向所云侯善為令殆薄視侯哉

旌德廬明府東麓考績序



余嘗讀班氏循吏傳見所著皆郡守事僅一名  
翁卿者有潁陽上蔡稱而亦不載其治行班氏  
漢良史豈宜濶畧如是哉蓋漢法郡守無總軍  
民權專制千里時政皆自守發之令惟厯厯奉  
行而不能自為德也明興大率類漢而懲諸跡  
專恣之弊守不得擅興軍旅選用人才其權較  
漢稍輕而期會簿書訟獄田賦悉委之令守獨  
總其大綱耳以此令最號責重而於民最親亦  
能自行其德矣今 天子銳意昌明嚴勅守令

序 卷之五

十四

久任責成一時承風者未免刻深武健民或不  
堪間欲矯以寬和又幾廢事不知 天子意在  
嘉德元令無廢格彌縫非欲其刻深武健博虛名  
而詒實禍也而廢事疲民者亦豈寬和之過哉  
為其不善用耳乃今觀于盧侯蓋能善用寬和  
者旌德故吾郡下邑以盧侯才智臨之若駕海  
艘而載之斛千不足難侯明甚侯出之從容而  
行之愷悌穆乎諄乎致懇切之愛于旌人而邑  
之漏繇者匿賦者橫索而侵漁者豪滑之設械

併而武斷者罔不察知姓名陰籍記之而不輕  
發第計夫家盈縮之數均徭役置櫃于庭令民  
自輸其稅敢有額外需一錢者以賊論親行規  
山與田正其經界即強者人不得匿田田不得  
匿賦約田與賦相准而官民不至兩困又取猾  
之尤者十數人置之法訟有累歲不決者侯一  
訊立辨申明保甲盜相戒毋入旌舉約于鄉興  
敦敦禮省浮費革冗員公廨囹圄倉庾靡不叙  
緝鳴琴多暇讀書如諸生又時進諸生從頌與

序 卷之五

十五

語文而親為校閱脩飾學宮分俸以給日會開  
召鄉三老為談說孝弟力田事咸叩首稱盧君  
侯不我欺轉為子弟誦說之不已此其廉廉德  
讓庶幾君子之遺風矣昔漢武帝末用法深郡  
守尉諸侯相二千石欲為治者大抵尚嚴酷則  
為能事吏民益輕犯盜賊滋起至作沉命小吏  
畏誅雖有盜弗敢發恐不能得坐累亦使不言  
上下相蒙迨于不振大將軍光輔昭帝遵用武  
帝法度而宣帝綜核名實綱益密事日益繁延



年廣漢輩赫赫如神而黃次公獨用寬和為名  
至考其政則曰選擇良吏分部宣布詔令及務  
耕桑節用殖財種樹畜養鷄豚米食穀馬靡不  
究心吏民見者語次詳問它陰伏以相參考寬  
和如次公詎至廢事乎哉侯為政蓋放次公今且  
三載矣而田野闢橋梁飭獄無厲男安耕女安  
織士立風行民淳盜息凡今所謂責重而自行  
其德者侯一切不動詳辦之其刻深武健即稱  
小治乎而亦安能出侯上也制三載考績冢宰

序卷之五

十七

以侯最上之 天子應得增秩賜金風郡吏如  
漢所以表穎川者余內弟王子其館于旌嘗從  
諸生與聞德化丐余一言為侯考績賀余媿班  
氏史才聊為叙術之如此

### 黃侯復齋先生上績序

寧國北在三輔俗故淳朴而野于文無大豪舉  
善訐之奸無大獄訟訟而不勝則已固不終訟  
謝玄暉謂荒堦少爭辭蓋自宋齊以來矣嘉隆  
之際一二舞文法吏聞其民以自便其私而風

漸漓訟日以侈民故有善訐聞于 朝者歲丁  
丑襄陽鄭公以戶部郎出守政廉靖不苛能參  
伍相比以知物即郡中數十萬戶田廬井奎一  
一皆知而復能以重持之不用文深黠有力者  
惴惴焉讐服而奉法者有所託以自存吏治而  
民安之后三年司理姚江史公遷職方郎去晉  
江黃公代至則問政于鄭公而後行事鄭公曰  
子理官也所執者三尺法耳然法天下之平也  
天子將用之以成其仁獨取刻深武健乎哉子  
為政要在仁心為質矣夫政猶藥也入以中和  
之劑舉效疑緩若必責功于旦夕且莫如金石  
然盧扁終不以旦夕之效易其業子之政京口  
也能用醇聽以和其民不為速化而又持之于  
是郡又何難焉黃公曰謹受教退而修其政而  
政成又明年別駕麻城朱公至會郡國例入賀  
天子萬壽朱公以次議行而黃公理郡合京計  
秩滿三載當奏績天官請得以便宜行鄭公為  
請于中丞部使者黃公代往八月戊申偕諸郡

序卷之五

十七

國吏上 壽萬歲成禮 天子賜燕已黃公乃  
詣天官報政如故事 天子嘉其奉職循理令  
還郡治如故十月癸巳黃公至自考績鄭公朱  
公郊勞焉庾置酒玄暉高齋飲黃公為歡黃公  
避席而前曰臣藉寵靈于二三執事惟是三尺  
法為斤斤庶幾夙夜以免官謗爾者受命 闕  
下蓋曰寧失不經其所稱考成考其仁之實耳  
臣是以知 聖天子方仁壽天下不為旦夕功  
易久道之化彼以刻深武健承風者謬哉臣乃  
序 卷之五  
今知所以用法矣而自惟政後尚有大難 天  
子明見萬里群臣稽首主臣奉承不違故以稱  
上意則難鄭公譬如巨室煥然棟隆朱公佐之  
才具矣而臣以樗櫟充其間以承下風則難法  
峻則民殘弛則民慢民殘法病民慢法亦病臣  
尸法官即亡敢峻法亦豈能有所損益于法以  
參和則難願公終教之鄭公朱公前曰司理之  
所謂難乃其所以為易也黃公再拜鄭公亦再  
拜是日也冬日載和霜降天見鹿食于場鶴鳴

在陰鄭公賦天保朱公賦南山黃公賦木末迭  
為浮白盡歡而退百姓聞而歌之曰維弟維兄  
維侯之朋維父維母維德之府于是益若于法  
罔敢二政教大行而邦人沈生紀其事

贈桐川刺史何公序

昔鄭子產鑄刑書君子謂政尚寬其次莫如猛  
寬則民慢猛則民殘其敝均也故曰寬猛相濟  
政是以和夫所貴乎相濟云者豈不寬不猛之  
謂哉時當嚴也即精明振刷而不病于殘時當  
寬也即安靜和平而不病于慢惟其用之宜耳  
鄭當公室凌夷私家橫恣之極故子產以嚴治  
之藉令刑書在前則僞也不復為猛矣況于太  
叔提衡左右罔敢二心蓋子產獲和衷之益而  
鄭稱善國于春秋有以也今 天子加意元元  
鑒廢墜彌縫之敝而屢 勅守令甚嚴一時承  
風者奉行操切或不顧民崑而徒博嚴明之譽  
不知 天子之詔為民也不宣于民矣其政且  
也寬嚴之用譽其地而權之以人即地當嚴治



而前乎此者業已用嚴則濟嚴者宜非寬和不  
可倘復以嚴繼之何以善後哉桐川為三輔內  
地當吳越之交其勢頗重而食貨殷饒俗咸任  
氣固當以嚴治者歲甲戌汝南吳大夫來守是  
郡修明法度亡論黠詐豪強一裁之以法屋五  
年其威刑所懾四境風清矣嗣是姚江孫大夫  
守三月去而冢宰遼刺史桐川得楚黃何大夫  
若曰何大夫宜桐川也者于是何大夫繇閩武  
平奉命至下車問俗知嚴之後宜濟以寬也

序 卷之五

用循其法而意主于仁與諸大夫約曰毋刻以  
虐民生毋墨以侵民利毋怠以廢民事毋猜以  
亂民心諸大夫唯唯簡訟節勞興教敦義即郡  
中素號強梗者亦寬之令其自新弗專任斧斤  
為也朞月而化行適問卿李公獎其始政而諸  
大夫中有張子者為不佞誦之且謂大夫博極  
群書尤精數學鍾律重緯悉得師傳政之有本  
如此不佞私惟桐川先有吳大夫而法不撓庶  
幾于產刑書哉而今何大夫博物如僑蓋善用

其法而不至于殘者均之惠人已張子相大夫  
如約無二心其子太叔乎先是何大夫令葉繼  
蒲鞭而治再令武平以公平著績二邑民至今  
有去後思觀桐川始政而諒其道愛僑也誠不  
得專美于前矣不佞蓋嘗讀漢宣帝紀稱帝綜  
核名實錯用法理而趙京兆廣漢銳精足以應  
之私人交口助其赫赫然不能深當帝心而  
其所尊寵者乃在寬和之黃霸班氏述京兆發  
奸摘伏中人之陰若神鬼守令咸內遜居下風  
語津津無容口至其傳循吏則舉潁川而不及  
京兆繇此可以知吏治之所先矣况繼嚴而治  
者哉天子加意于民而何大夫之政以宜民  
應無異潁川黃金璽書之賜將不于奉行操切  
者而于何大夫寔寵詒之不佞敢紀其畧以俟  
史才如班氏者

大司空萬安朱公七十壽序

明興至嘉隆之際所稱大臣者三公蓋華亭徐  
公關西楊公萬安朱公海以內三公鼎立若泰

岱衡華南北相望云毋論荐紳先生絕席而奉起居即天子逴宵旰之慮當展而聽且曰此三人者社稷臣也將目屬者久之當其時揚公以吏議著徐公以革政顯而朱公用治河底績初河決自華入飛雲橋截沛沛水逆流歷湖陵至谷亭其南溢于徐俱與漕爭道朱公以大司空往公謂夫水之通可順而與疏不可逆而與爭執不得避則已執得避則不如避之善而諸臣多不便公者交難公河性豈有常如某所為徒損縣官金錢耳當是時天子猶不能獨當公言而公守初約不以人言貶國計逮逾歲而事竣矣夫漢武帝之威南撻百粵北誅匈奴其威單矣然竭天下之力于河沈璧馬從官負薪石而厘勝之故至于豔說帝以神仙者必曰河決可塞而朱公以新河平漕政事半功倍名聲與徐楊等朱公為司空九年歸老天子存水土功加公太子太保賜授節以歸今五年餘矣于是客有問于某者曰若三公則信以偉矣第

鄙人所知者朱公朱公行年七十猶有嬰兒之色髮髮白矣而行不杖身若偃倭不勝衣矣而小物必勤壽之徵也然則亦有養生之道乎曰有生猶水也水之道順之則通否則溢生之道順之則和否則賊朱公時而于于時而瞿瞿施而不既用之不勤其歸也課葵藿群鹿豕怡怡然不問外事有詔以事者飲之醇酒交于天和食于地德而與物無競恬愉不矜反其玄伏而不以欲滑其神是所謂行其所無事水之道也蓋其初以養生之旨治河為天下壽而既以治河之道養生為朱公壽其壽也又奚惑焉客曰唯唯朱公所以壽者既聞命矣然何以壽朱公曰所以壽朱公者何可倭指公筮任三十餘年為司空者十有餘歲艾而為卿者而為孤其位自執戟而師保其錫自銀青而玉節寵矣以是壽之宜歌彤弓在周公奭分陝公旦主東夾輔少主于斯為烈若于近事是在朱公宜歌二南三公者功成名遂身退差池其羽可用為儀



而其子輩翩翩鴻漸世濟其美得全全昌君漢周氏韋氏為世祿家宜歌假樂他將作多事坐絀少府金錢公受事獨持當否即治河治宮治山陵諸役省累萬億天下咸共祝之願壽萬年也宜歌南山有臺至于漕粟之道世世便之觀河洛而思禹功則公百世之壽也為猗子歌以亂焉故曰所以壽公者多矣于是客唯唯稱善奉而退太史氏曰三公皆所謂遇合願朱公幾議格于前而徐公幾不免于後獨楊公別歷中外亦復備嘗諸艱然三公各有成績故時人為之語曰皤皤者乎君子得與小人獲廬壽者則譽三公則都予與計偕時尚及見三公于朝而先大夫按閩中則朱公為學使者與交驩逮不佞成進士與公次君同籍是役也以郭簿文尉故然僕亦願有言以先御者

王龍翁老師八十壽序

萬曆戊寅夏五月沈生某請告歸止翠雲蘭若友人查子鐸蕭子彥過訪與同志數十人俱相

勞苦已杜子質揖沈生曰敬亭自李青蓮相看厭千載生色而吾郡之稱于江左又不獨以文名也諸士風天下歸淳焉至道術之明庶幾鄒魯則龍溪王先生倡之嘉靖乙未先生為南職方講王門良知之學吾郡貢先生玄畧周先生順之梅先生純甫子大人思畏並受業于先生而學因得聞其槩戊午先生過宛由九華抵新安諸郡士颯颯乎多所興起廼定會所于涇之水西與緒山錢先生主教席而信從者日益

衆甲子郡守羅公即開元寺故址建志學書院先生數過之深山窮谷戴白垂髻圍法堂觀聽者幾數千人而絃歌之化遍四境矣夫青蓮一詞人耳敬亭籍之生色猶千載不忘先生重吾郡以道術此其德視青蓮何如哉子承家學于先生誼尤殷乃今歸又先生八十初度期也可無一言為壽沈生曰先生之壽即吾子言之矣夫壽非以年歲計也以年歲計則詩所謂萬有千歲眉壽無害者世豈真有其人詩人之旨

語道可久耳先生以道師天下而吾郡獨先沐其化天下從先生之化而道日益明先生百世之師也而獨以年歲壽乎竊聞之先生之學以致良知為宗知者天地萬物之靈樞而時致良知則朝乾夕惕不為昏氣所乘念念貞明古今一息斯通乎晝夜之道而知通乎晝夜自能通乎天地而範圍不過自能通乎萬物而曲成不遺先生以道師天下殆有得於此乎雖然此神易之道未易言矣曰範圍是天地之量吾知足以包之故不過曰曲成是萬物之情吾知足以悉之故不遺握此靈樞以運量天下迹可也無迹可也名可也無名可也可仕可止可久可速可語可默可暫可常而吾之用常不屈而道常不窮存此謂之存神見此謂之見易故曰神無方而易無體易窮則變變則通通則久通其變使民不倦神而化之使民宜之必如是而後可謂通晝夜之道知而必如是而後可謂曲成不遺範圍不過先生以道師天下殆能進于此乎夫

序  
卷之五

廿七

青蓮一詞人耳與敬亭相看厭禱獨契也惟神通乎物故山與人兩無厭心不厭故久久故千載不忘先生學不厭而教不倦也神與天下通矣久道成化青蓮云乎哉夫知天地萬物之靈樞也所謂神也人同此知而致之各有其道伯夷知有清柳下惠知有和青蓮知有灑樂故致之而神皆可以通百世况先生神易之妙用常不屈而道常不窮謂其不能與天地萬物通者否也吾故曰先生百世之師也而獨可年歲壽乎諸子舉手曰杜子能言先生之壽而沈子能言先生之所以壽此足以壽先生矣請書之為先生祝

序  
卷之五

廿八

### 壽邢筠山公六十叙

余嘗讀吳越春秋范蠡當越句踐困會稽時以其計報疆吳刷耻成霸念長頸鳥喙不可共安樂嘆曰計然之策十用其五而得意既以施國吾欲施之家廼乘扁舟浮江湖變名姓適齊為鷗夷子皮之陶為朱公十九年間三致千金而



再散分于賓友昆弟說者謂蠡挂名仙藉特沉  
浮于世一見其奇云夫士君子抱奇策取世資  
孰不欲垂功名于不朽哉碩遇各有時時非霸  
越即蠡何以施也故進則王霸退則江湖要以  
達權觀化視所遭矣而或者遭時遇主不一建  
王霸之謀終其身于江湖之樂則亦意有所重  
遂輕功名于敝屣耳故霸而江湖者蠡也時不  
偶而江湖者蠡也意有所重而江湖者亦蠡也  
以是觀今吾邢公其殆蠡之流亞與公為金陵

序 卷之五

之淳陽人少警敏讀父書力治博士家不第循  
例補太學生又不第乃改授錦衣千戶性慨慷  
直諒重然諾不能脂膏狗人然遇海內名士輒  
傾肺腑交懽始終不二臨事好謀謀屢中宗  
黨有大議必裁決于公不則可否成敗莫當也  
世宗朝提緹騎出入殿庭宿禁衛惟謹居官  
不斤斤法家而法不可私即豪貴無所避金吾陸  
公知公才將重任之適聞母夫人訃號慟乞歸  
歸則祭葬以禮竭若力為諸昆弟先不較多寡

見善而為必曰此吾親所訓我者見不善而止  
必曰此吾親所戒我者歲時泣奠居常一有感  
觸輒咨嗟不已服既闋或勸之出公曰吾始就  
此為親耳親不待矣取浮榮為乃築室湖濱于  
茲烏老湖有小島曰釣山公每駕小舫盤桓其  
上釣游鯉弋高鴻彈琴咲歌以樂志自號曰釣  
山先生又善治產能擇人而任時積居與時逐  
不責于人恆貧困好施周急如不及若公者非  
蠡之流亞與以彼其才使得一佐會稽下風豈

序 卷之五

惟砥礪崇階上伐而意重于親遂隱不仕蓋庶  
幾終身知慕者且也四海一家無所事爭時明  
主聖無所事去水雲在眼無所事五湖公之異  
于蠡者迹也而英雄長策之餘猶能託之消息  
盈虛以饒其貲而仁及賓友昆弟誰謂公不蠡  
若哉夫蠡奇士而以道術仙人莫測其終始人  
亦詎能測公公之壽當與挂名仙藉者等矣矧  
公之子繼鯤德器文章裒然為士林稱許行將  
光大其業而衍慶于無窮彼朱公長子吝中子

驕少子無所取裁繼世者且不足稱安得與公  
比壽哉吾友姚孝廉君為公子師公又嘗因孝  
廉交于不佞以故知公最深今年正月四日為  
公六十生辰孝廉君偕二三兄弟屬一言為壽  
乃叙述其生平如此

### 壽吳隱君七十序

新都南渠吳君今年壽七十其宗人介所親徵  
余言為壽余未習吳君謝不敏既乃持其鄉大  
夫游公所著仁壽堂記以請游公為先大夫莫

序  
卷之五

逆交余雅敬信之觀記所稱則吳君可謂質行  
君子矣君先世多用監筴起家當其翁時業已  
不貲君自為童即愿謹不事外飾天性仁愛能  
孝事其親昆弟五人咸相友暱里中父老獨奇  
其異質僉遇以成人禮以故君年輒獲嘉譽洎  
壯習故業為庶賈能擇人而任善與時遂未幾  
貲益振居常喜論儒術每延章甫之士處已受  
其所未聞者士或迫于餘力數貸贖之其宗人  
故多貧婚喪咸仰給君家且數世矣而君善視

之如一日或有匿其金者衆請鞠之官君竟置  
而不較嘗浮江入楚值風濤破它客舟君懸重  
購呼善泅者拯其危卒賴君力獲存者十餘人  
且給其資裝使歸十餘人感泣謝不忍去頃乞  
君之名歸誦其德于冥冥以庶幾報君萬一當  
是時江淮大賈無慮數千家其名皆出君下議  
者以為君長者獨能急人之阨人亦以是推之  
矣君之名實誠悉當將公言則仁者之壽自公  
享之固宜夫天地之大德曰生人得之為仁而  
其端則發于不忍不忍生機也忍殺機也養生  
家多宗老氏其旨故深微未易測要不過四殺  
機為生機耳惟生生不已故壽吳君不忍與天  
地之生機合今君年七十老矣即未嘗從事養  
生之術而猶然力強神逸耳目聰明豈非仁壽  
之徵歟且也昔之緣小業而致鉅萬用薄伎而  
登素封者多矣名皆湮滅無所稱載至太史公  
傳貨殖亟稱鴟夷子無乃以其積而能散為賢  
乎吳君急人之阨而不忍以居積自私殆庶幾



所謂富而好行其德者亦可傳矣使其繼君代  
不乏賢修業而息之演德而流之則君之生機  
直貫乎百世而垂之無窮此其為壽不亦悠遠  
乎哉乃若君之子或用文學發跡藉名成均冠  
裳裒裒視昔為榮則將公業已彰之矣茲不具  
論

郊居遺稿卷之六

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

尺牘

上梅宛溪翁大參

精舍中辱翁德誨惓惓若以為孺子可教將躋

尺牘卷之六

之成人之列也者辨志之言於迷寶炬終身之  
誠斷欲鑿刀時時銘鏤心骨匪直書紳已也大  
都利欲牽情不得解脫皆因此志不立徒發意  
興漸至因循要不可以言志使果有必為聖人  
至死不變之志乎則凡千態萬狀可愛可求可  
憚可懼者舉不足以動其心矣學也不才已逾  
弱冠深悔悠悠竟日碌碌終年自聞至教每以  
責志為事且感先母夢中之訓益覺世事雲萍  
人生幻泡惟全歸一着乃是緊關從今獨行獨

寢必求無媿于天猶懼後之悔今亦如今之悔  
昔耳所恃父師作則朋友相規當不至墮行真  
冥報顏白日以負厚望也老父承翁所夕為侶  
受益良多白頭蘭臭相期綠野烟霞共適兼之  
斯文交儼後學景從即古張程誼不多讓第老  
父邇來以先母暴露山隈日抱幽憂寢食都廢  
潯翁時與談笑庶幾稍解愁懷乞翁念之山中  
離索時值新秋碧落烟橫茆葦月澹風嘶林木  
水漱汀沙猿嘯峰頭鍾鳴谷口懸棺累累魂夢

尺牘卷之六

二

依依而馬鬣有懷牛眠未卜尚不能忘情霍權  
脫履龍門翹首輝光傾心謦欬若夫開元諸士  
仰賴師模匡直提撕翁當不勸但微言既絕大  
義多乖間有放浪一生不思名教故或能脩形  
迹遂謂英才欲求直悟本心終鮮奇質更祈循  
循勉勉善誘曲成如俗學支離湏太展點鐵成  
金之手或天機活潑幸勿遺信心畧迹之疑時  
人耳目斯道宗盟繼往開來其責攸萃蓋亦不  
得不然也無知孺子冒瀆鈞嚴如忘形鹿豕取

善莠莠使宛水淵源遠探洙泗于翁有厚望焉  
裁書叙心伏幾垂照震聾震聵

奉父少叅公

兒往承父親庭訓及諸師友教言輒以大丈夫  
自期彼時發志未嘗不真而以漸因循竟成歎  
落今刻自振勵于間常嗜欲頗從減省凡有過  
差即內為磨刮必求行不媿影寢不媿衾乃能  
質神明對星日不然終是昭昭伸節冥冥墮行  
試一回思汗出浹踵也昨夜夢母親語兒曰女

尺牘卷之六

三

兄多病于壽無礙惟女雖覺神王前病已之死  
而生幾復死矣我哀告天帝傍司簿之官亦為  
踧而求之留女住世蚤脩命猶可延即不然亦  
成就一顏子言訖欲去兒牽衣悲號一蹶而覺  
覺來猶恍然親遺貌聞遺音也嗟嗟母即死猶  
念兒不置若不遵誨蚤求進脩不如速死耳生  
十年何益邪父親近日懷抱少暢否兒不能所  
夕膝下奈何

復周都峰翁給諫



使來辱手書訓誨諄切感感人當季世自立爲難貶道同流義所不可信心徇道譏怨交衆雖然行有不得已未盡耳人何尤哉尊諭歛晦含章納污藏垢積精誠孚天意不惟處季世當然君子闇然之學正如翁訓也不肖兄弟往聞父師之教聽若恒言湯不知省玩時文過蓄罪萬千回首思之汗出沾背今願同令嗣諸兄互相觀摩以求繼述望翁時賜鞭策焉

復唐極齋茂才

尺牘卷之六

四

下榻幾番屢陳蔬食益強希古道信兄知我耳兄剛果端方以古豪傑自命微有好難自是之念所謂瑜不掩瑕者則鑠金銷骨之謀所自起乎公孫碩膚赤烏凡几氣象何退讓心志何謙卑兄慕古豪傑莫若姬公誠爾則溫潤而栗然自稱純璧矣必物之同已則異必物之是已則非言固有味然畢竟有重已輕人之意一重一輕便自分同異自別是非必已能異物必不同矣必已無非物必不是矣轉移之機蓋在已不

在物在微不在顯也兄試思之母迂弟言岐峰兄與弟交十餘年表裏始終不差毫末古君子其人也前事真有救焚拯溺狀蓋爲兄苦心者深矣兄能不忘交儆彼必盡言弟不敢贅顧此兄縝密出百難中人廼以多心病之程子云人不可言無心只可言無私心今人無心者非訓也弟交此兄得之令兄屏山丈兄不知此兄不知屏山丈乎俾旋炒炒上復不盡縷悰嘿計心知能通言外

尺牘卷之六

五

與黑雨亭參將

公真當世全才哉方今操鉛槧則曰文持劔楯則曰武而鉛槧果盡文劔楯果盡武乎以公運籌深謀折衝大勇足稱全耳不佞方弱冠輒以古人自期殊竊欲效全才也者今年三十有二丈不如隨陸武不如孫吳猶然故吾也而汗蓋不忍言楊東海邇來何似不佞嘗託之汪伯玉司馬公諒能為青眼聽松即寒壯心不易今持曼刺投門下交當得之目成無俟不佞言也縷

縷不盡持公鏡融

畚唐極齋

猶子卒業龍門未及寓書鳳谷非敢慢也橫逆  
頻仍應酬旁午復以馮夷爲祟八口嗷嗷兀坐  
無聊榻管輅廢以故遂乏尺素陳寸丹耳嗟乎  
沈生急難扶危竊意人同肺腑及茲困頓無一  
垂憐俠氣忠謀姑寘勿論即絲毫稱貸未肯相  
通甚則侮信售奸險同下石世態交情良可太  
息已結屋東田自分逝世蕪理舊業計效焚舟

尺牘卷之六

六

今春光九十過半有奇枵腹任農無能治室城  
氛囑望負此罵花嗟乎沈生既阻科名復荒程  
几彼蒼鑄我竟何如耶居恒鬱鬱幾去人間所  
藉詩酒酣沉差堪自慰正月丙寅舉一兒眉目  
大類阿翁儘可咲弄長而負薪與其兄各業漁  
樵庶幾鹿門伴隱前此窮愁悉若浮雲矣辱使  
存問兼損腴儀感戢在衷念不可報嚴姪素知  
研究而容姪亦且收歛務勤非德教相戒何以  
有此再誦手章令人折屐子弟輩競輝閥閥即

困阨終身甘心焉况區區塵寰冷眼竟何足回  
吾白眼邪來諭致聲汝祺敬聞命矣伋旋附謝  
因布腹心草草不周伏幾財咎

寄兄家報

新正之三日發舟龍溪得繼山元秀兄弟爲奏  
資斧明日長行二月之四日始至京邸爲懷良  
苦而爲時且亟卒卒赴試敢垂涎甲第哉賴祖  
宗之靈吾兄之訖三場未盡費力卷偶屬華翁  
老師房謂乃去塵言獨抒質悃取填八十一名

尺牘卷之六

七

殊出望外第二親捐養時增風木之悲累日應  
訓之暇輒涕不能禁夜來夢構新居父親顧弟  
曲爲獎勉計博此一第差足快泉下心廷對  
在即亦不敢望居前惟除授一職效命三年俾  
母氏得膺封典寔第至願則兒書生未諳世  
故凡事未免煩兄料理一切支費幸從簡約併  
督家之人舉動務從收歛弟惟家運要在人培  
所願于同室者德不可忘讐不可計兄爲徧達  
之冗次附報平安諸不悉



寄諸伯叔兄弟

繆屬華翁老師見錄已非意想而 廷試復偶  
合 聖心以一甲三名更爲第一姪則何德仗  
天地祖宗護佑父兄伯叔提撕迺得此耳每念  
雙親不待五內如焚殊不覺及第可羨顧及第  
安足羨惟是 君師之恩當圖報稱既已事  
主且無以有身姪即不材斷不敢忘忠孝之訓  
子姓資敏者衆伯叔兄弟刻意督教毋負家聲  
衣冠者晉謝郡縣旂扁外幸毋更往諸弟姪諒  
尺牘卷之六 能曲體第僕從輩嚴加防束恐其不守矩矱放  
縱凌人頃具書郡縣公亦達此意矣里中一二  
見侵侮者不特毋寘口吻抑亦毋存胸臆非慮  
爲人所窺故爲矯飾不沒恩不宿怨處世之道  
元自宜爾且亦培養元氣之一端也冗極草率  
稟聞它容 肅布

復王仲房

不佞辱老丈忘年忘形交有日矣自愧不能效  
雄飛副厚望郊居懶賦咄咄書空生平所稱

友附心知者皆病不佞任俠輕財又羞問家人  
生業甘心困窮數年來大都薄視狂奴不復相  
親狎惟老大禹金二三兄弟謂不佞意氣詩文  
庶幾古道乃交驩不替共勵遙心生我父母知  
我鮑叔蓋不獨夷吾有心知矣春遊黃白間遇  
蒙款愛冬暮殯二親正初始追計吏於燕自謂  
久不作經生語何敢妄希甲第將謁選一方盡  
心率分圖報 君親三年後即賦歸來相羊五  
嶽從吾所好且得追老丈仙踪而主司意尚質  
寔不佞文直寫胸臆不事詞華適與之合遂辱  
見收至對策又荷 聖明知遇竊自愧懼恐負  
殊恩念失怙恃感增風木不知及第爲可愉快  
也韓將軍來得奉手札如空谷足音喜也可知  
至謂欲登嵩嶽飛喬履邀晉霍走齊梁燕趙與  
沈生遇且將壯遊上谷雲中自標奇爽矍鑠此  
翁信不負豪舉哉沈生即清約俠氣猶存升斗  
之需尚堪佐故人長安酒資也雄篇投贈愧不  
敢當韓君遠歸未能次答近作亦未及錄呈容

別寄櫟案草草

答梅禹金

不佞弟生平落魄不羈足下嘗謂弟任俠納社中與語古詩文及偶博一第廁詞林則狂奴故態或又殷足下憂矣夫士先器識後文藝粗知讀書時即聞此言然亦僅聞之耳未嘗有味乎其言也乃今深味焉始知諸君子取人無不執此為定衡者將寓書左右一致蕩蕩而雲翰遠頒我心先得三復至教其臭如蘭彼驟得富貴

尺牘

卷之六

十

輒恣意驕人詎非器識不弘耶足下所嘗經怪者固弟所鄙薄而不敢為者也足下習不佞故狎孔方則知今日之塵視軒冕亦猶是矣如論詩文過漢唐諸杰及七子短長若持衡而登錙銖不爽即數君子集一堂聽足下平章並當解頤第前所云器識猶或二之耳夫文藝有餘而器識不足即造詣遍漢唐儕七子綜之無當於用縱令譚經濟如指掌而播弄昔賢凌爍時品視彼富貴驕人間不能寸具隻眼者且由此識

其微矣奈何欲運天下而治安之也不佞一入畏途自知歛飭足下幸無以故態憂不佞顧不佞所願效於知己者亦非徒以文藝小視禹金禹金勉之哉蒼頭行便附布腹心冗劇潦畧不周尚容嗣寄

答許宗明孝廉

彰君挈尊翰至捧誦令人悽然知文之所丁即弟疇昔之歷諸艱也動心忍性天意攸存湯雨優游已遠祇若况可藝且棄乎親心即天心視

尺牘

卷之六

十

於無形聽於無聲古孝子仁人用心何至哉願大效之無遺天親憂耳繾綣遙心愛莫為助薄物少為薪水之資人生憂瘁誰則無之緣此累心便非豪傑且讀書修藝識見為先精神為本胸次為樞不敢優游而又不失之跼蹐即不日親鉛槧而雅意自存文章自別也芳園佳景伯御良朋考古証今相期蘭臭下幃共勵脫穎可知弟繆廁清華託交俊乂應酬旁午汗馬均勞謝客不情勉支病骨索詩冊簞日積案頭耗氣



妨功莫能自省誼殷棄梓却執為難踈戚後先孰非運量旅中二僕書記乏人尺牘片言並由親製縱知愛養執亦未能惟以稱物平施當機順應主持在我迹類行雲煅煉成金琢磨就玉常動常靜神不稱疲題復舊規抽書藝苑師嚴課篤責重功專仕籍平章品高德器曩聞庭訓今益信之弟少畜餘貲廣交任俠既以二三友人邀社詞賦爭雄未許雕龍幾成畫虎茲乃顯觀嘿省就實歛華所云晦以用明才而示拙弟嘗致力來教適符敢不佩承以酬明德然亦竊分藥石共儆韋弦尤望弘敷用箴多士前聞歲早謗謂兆弟大魁弟才謝商霖禍貽宋虐何如不第澤及粉榆有以誚弟者弟謂天福一善人將膏潤天下詎反令鄉黨蒙舊家報來知兩澤沾濡喜真忘寐弟不敢謂福天下而先已免禍鄉隣矣不然將安所逃罪邪吳役旋便布腹心孫君子成弟稱心友文章德行兩冠時髦文與交驩進脩並益冗中草草不次臨楮神馳

與湯伯御孝廉

春仲分携今且七夕矣萬鵲填河雙星麗漢隔年之別尤慰今宵吾二三兄弟奈何南北各天難期佳會也兩通尺素未盡寸丹遠辱瑤函寔深感藉誼聯一體固知為不佞喜動精神然使不佞弟有媿科名不將貽丈憂邪悚仄文章器識自古後先之而君子且曰文人無行夫行本也文末也譬之木焉根枝花實一氣貫通豈文人必無行哉獨其博物誇多摘萃炫彩衆不及此便覺氣驕凌轢時流雌黃古道虛名標榜引以自高綜之器小易盈無當于用及其不達湯曰忌才嗟夫忌才者古今有之即使不忌而置之高位天下事豈驕恣者所能任耶今之以富貴驕人者無智愚皆鄙之文藝驕人器識猶是也弟方持此自脩願與丈同佩韋弦毋忘交儆吳役旋便附布區區冗中不次

復黃兆聖

兆聖客吳十餘年矣倚門翹首白髮誰憐蓋每

爲兆聖傷之不知兆聖亦嘗寄一音以慰北堂  
耒也吳許公文章事業庶幾不愧科名今距宋  
嘉定丁丑三百六十年僕偶繼許公及第而人  
品百不及一至忠孝文武聲聞過情竊自慚慙  
實求樹立紹軌燭芳毋致貽敬亭宛水羞則僕  
誠不敢不勉也 朝廷用一人將以福天下若  
幸博一第輒煩里甲指貲相贈是天下未蒙其  
福而鄉隣先受其災矣邑侯周卹未諒愚衷妻  
子卻金實遵母訓分固宜爾何意服人狀元考  
未盡真縱真亦多幻語惟陰德二字足以風  
世耳何可泛櫟傳聞刻以滋惑也況士君子維  
人心傳百世有無限當爲美事兆聖亦何獨於  
此汲汲乎先君鳴琴於趙持節於閩備兵於楚  
未敢云宦績著聞而惓惓爲解紛興化去暴除  
殘無媿職守若乃造士作人心維道脉散財極  
困志切民生解組歸田身先孝弟鄉邦宗族寔  
惠均沾月旦有評無煩僕贅今宦遊各處俱已  
崇祀而鄉賢竟以無人請託尚未入祠先君病

尺牘 卷之六

十四

華時諭家兄云鄉賢係輿論之公請乞乃士人  
之耻汝等以此事吾目不瞑矣僕兄弟即欲  
揚先德紓孝思何忍悖訓吾鄉固多持公議志  
風猷也者而俗套既成事難正合僕兄弟亦不  
敢妄言以累先君子泉下也宗明美質仁心足  
稱英杰天將大任動忍未增今得伯御同事芸  
窓相期蘭臭並然聯璧不數斷金矣兆聖幸更  
砥礪之郡邑兩侯並求繼美使一天湛露四境  
生春僕之心僕之責也奚俟叮嚀哉歸省一詩  
奉酬尊命仲卿之託另報魚書  
上王龍谿先生  
不佞學繇先子得聞道教嗣且負墻言益沾濡  
化雨披拂春風即駕駘之資亦知策勵願怙恃  
並失無志馳驅冬暮殯二親正初倥偬北上擬  
謁選勉職三載圖冠帔報北堂私願足矣乃者  
倖博一第荷 聖明知遇俾廁詞林責重恩深  
懼難報稱又二親不待榮益增悲兩世交驩情  
關休戚知門下爲不佞喜亦爲不佞憂也頃接

尺牘 卷之六

十五



手書肫肫教愛佩切肺腑所云月會之規責以始終信志自信自脩自命自立豈敢隨人避忌顧時當橫議藉此文奸亦甚不少必分淑慝始懲勸有機混處無權豈堪辨析雲萍聚散總屬虛文消息從時轉移有道形聲互異歸在相維邇已題復舊制共諸吉士開館讀書朝入暮歸不暇舉約同館三十人觀摩規勸即此是朋即此是會亦即此是學一分門戶便覺心私夫學之於朋如魚之於水不可一日離相嚅相吻不

尺牘卷之六

十六

若相忘于江湖之為愈誠哉是言已師相舉動難必其旋至倡實學一端真良工苦心愚也竊識其意矣蓋文成王夫子常訓詰章句溺心之時舉致良知三字提醒人心挽回世運傳流漸遠議論漸玄造詣漸踈宗旨漸失以知識為真際而不察其所以為良以本體即工夫而不思其所以為致高者借鋒于禪幻卑者射影于利名而取義洪爐不分真偽姦雄亡命歸斯受之一入交游遂稱同志假途託迹妄擬清談甚有

恣已猖狂率人悖亂機成黨禍大壞師門不思易之後將何極然則今日之事或猶忠于文成非有心相反不立町畦共成寔德殆有見于嚅吻者之為私而江湖之為大乎竊聞古之立教者孔曰為仁孟曰集義宋儒崇禮文成致知言各不同而旨歸則一五行綜之以土五常成之以信欲倡道於今不曰立誠為要哉吾師透悟入微出言為訓顏氏而後語聰明穎達者不必南北嚮虛讓矣惓惓普化老且不哀至謂有心

尺牘卷之六

十七

救人不嫌拖泥帶水甚盛心也第愚意尚有欲請于門下者惟吾師俯垂聽焉夫君子維持世道幾定于意而俗成于風意運而人從風行而化達不問隱顯率此倡明吾師繫天下之望即今高卧抱道自守神機嘿握寓內從風而靡矣易曰鴻漸于逵其羽可用為儀吉正此謂也嗟夫聞伯夷之風者頑夫廉懦夫有立志聞柳下惠之風者鄙夫寬薄夫敦况吾師以道樞風天下其振勵而自新者又當何如吾師計不出此

而和光同塵日與諸人辨說恐天下竊言而畔道因迹而疑心即所謂從井而以救人矣察意之端知風之自幸更留神以收桑榆之效不勝大願受翁師僊遊哲人其萎哀悼莫勝昨得家兄寄來柬知蒙枉弔且動諭不佞家人以歛飭清約為務感德感德茲以敝鄉戒丞之任便布腹心語擇藹蕘知師不罪環環天風良便蘄惠德音學不勝主臣悚仄

與董理軒視醴

尺牘卷之六

十八

都門浮遠參承梓里且叨覆露荷仁佩誼交切肺衷馳馬春行僅隨諸大夫後一致餞私未申惘然乃承謝及愧心矣淮陽水患異常黔黎幾為魚蟹豈惟商憲因哉古治水無如大禹然究其作用疏濬居多乃蘇無成功惟勞堤障水性難逆而易順安可與爭禹父子一順一逆而厥功成否竟殊後可鑒已僕嘗過高郵營地勢詢之父老舟師咸謂海口壅河流緩故水常泛溢而沙淤漸高堤與歲增水隨堤溢徒為一方患

耳今不求其原開支河導之入海而徒與水爭勝是足鯨而非禹也功安得成乎明公軫念地方國計勢得自行其謀幸更博詢與當事諸公建久遠之策無信一時苟且彌縫之詞天下幸甚朝廷幸甚辱下問敢臆對如此開館正冗擬案草草不周

復梅宛老

尺牘卷之六

十九

通籍後羈紲畏途弗克昕夕滄洲侍譚笑遙瞻疊嶂不勝依依且念從遊時心非惜陰志非垂遠湯聆教旨不寔體而深維焉即今追思昔言欲事事求正遠隔數千里外徒切心馳竊自恨悔悟晚李公來辱賜函知伯亦念可與言興思不寔浮萍聚散感遇懷人落木飛雲尤悽旅况受軒先生棄後學長往碧溪先生又偕與仙遊興起斯文惟伯獨任吾鄉英俊故不少一時且肫肫嚮道伯何患無可與言者立德立功立言三者古人所貴姑無論太上而寔心求得即可成章唯伯因資善誘使之群飲而各充其量



焉斯道幸甚天下幸甚器識文藝之辨不佞姪  
嘿察而有觸于心故以進之禹金丈顧語器而  
繼之識則固有淵涵經濟在也詎獨氣象若愚  
若怯已乎乃今所云器識姪又竊憂之矣蒙諭  
言之不易祇書諸紳姪生平未嘗以薄為道里  
人或自謂不復相天下士而姪則何敢有概于  
中館中肄習真可自策不刊第終日公會作課  
如游膠序時尤自笑經生夙逋未盡償耳先君  
得祀書院伯主其議而群英從之存歿均感顧  
以碧溪先生刻意尚行終其身無纖毫瑕類詎  
可使獨遺乎惟伯裁之李公旋便謹附此上陳  
不盡縷衷伏幾財答

復梅禹金

不佞居燕且八越月矣故知足下以不佞弟先  
驅色喜然玉森園久不過沈生得無撫景增離  
愁乎西山秋色落日飛鴻萬里懷人可勝岑寂  
足下簡質之性不狎于俗人游恍不佞弟所習  
浮沉人間入羣不亂尤足下新詣哉不佞弟所

願效于左右者器識文藝之辨為以所能媿人  
者設爾至如六經載道而行達心而止即文即  
識即藝即道誰得而二之兼能時出于足下有  
厚望焉嚮者寓書友人偶為慨世數語若乃厚  
粉榆氓德怨平心率物寔非有概于中即足下  
所云戚屬數百曹弟皆竊附故舊不遺之誼豈  
並能根核問辨顏色者哉不廣之疑足下當一  
笑而破矣館中作課授書卒成故事然有志者  
亦可藉此避輪鞅博古今顧安得與足下共事  
耶別駕公旋附報草草不次

與徐覺齋觀察

戚君來奉領腆惠誦手教殷殷高誼溢于筆端  
且聞篤信好學毀譽得失付之浮雲甚欽慕之  
古今質美者多不學以故局于一偏難以適用  
丈素蘊和平之氣持介特之操而又能學以濟  
之不器豈絕德哉顧時之所謂學吾惑焉譚良  
知者率以知識為性真以本體即戒懼卒流禪  
語于王文成致良知三字湯不知求而任職蒞

官每每廢事分門立戶好為人師將以萬物爲體則淑慝莫辨無所勸懲是高者趨于空譚卑汚者籠于名利險詐而犯法者藉以爲避禍之淵敝也久矣嗟嗟學本于心而實用形于物學之爲人子爲人臣爲弟友皆學也百姓日用而不知君子求知而終未嘗離于日用顧可外倫物別求學哉彼其泥迹脩名而不反本于心談心而不實體于日用皆非也孔子曰君子之德風又曰舉直錯枉能使枉直此可以觀成物之妙用矣若徒空談無實且以虎猖狂犯時忌一遭凌挫使天下以爲諱且戒焉是風自我息也務學之謂何顧文知風之自以樹風聲而彰風教不屑屑以迹成物斯世其有賴矣周君行便附此起居臨楮馳思欲言不盡

答李時參直指

都門幸遂識荆榮生御李仰承左顧深感先施別來落水飛鴻懷人思切遙頌鼎札俯慰離心明公八彥齊名孤忠比德士評才識屈指誰先

顧尤博訪經綸下詢愚昧淵謨弘度山海長城不佞久困經生筮通仕籍夷情民瘼小子何知然沉服虛懷敢僭一言于下執事夫西虜議和東虜議戰而守則兼在所先和而懈戰而疲當事者不可不深慮也二虜殺勢相依潛謀叵測東侵遼左歲警狼煙倘不一大創之屢犯屢使全歸寔輕中國東疲於戰將西玩其盟和亦未必能久也故今日之機係遼爲重嘗有言安宣大則九邊安制東虜則西虜畏一失此機則後將莫挽矣顧遼左年又禦寇力倦財虛即張制府有諸葛之才李將軍有淮陰之勇易挽群議難策萬全非重捐金募死士以待虜寬文法定深謀以安遼不可誠不惜數十萬之貲養敢戰之士二三萬人擇名將十餘人日訓練如法俟其來也誘之深入設伏搗虛攻瑕披亢一舉而芟之則東虜窮西虜服九邊可圖數十年之安矣一時之費雖覺重于常年而總計之尚省數十萬語云成大者不惜小又曰不一勞者不永



逸機在今日不可失也惟明公其實圖之菊菰  
諸島民之結廬其中者以數萬計撫而用之亦  
可壯遼左之威明遼左之利明公一加意否至  
虛心定品藻不褻愛憎堅心樹遠猷不搖近利  
仁以撫義以威固明公素裕者不佞何敢殫  
瀆聽邪時方同諸吉士肄業館中日公會作課  
如經生因自咲宿逋未了使索書旋乃釋課  
案草草上陳語多無次惟財答

與王龍翁

都門兩接手書深銘厚德臧丞去便曾附候起  
居計已徹玄覽矣身任斯道以興起後來原不  
當因人變易但進止語嘿道在隨時亦未可執  
成心味保身之哲也處士橫議且伏禍機時欲  
易之著心漸重羅遠溪先生稍不知止幾犯危  
鋒有識者當自權矣漢禁黨人宋禁偽學遂釀  
成諛佞因循之俗而國祚終衰彼時禁之者意  
其為黨且偽也不暇思及風聲快于一擊而當  
世諸賢持氣節恣虛談以犯時忌或亦不能無

罪耳嗟夫君子身任斯道固將興起後來顧使  
人以我為諱且中滯道樞小之賈禍于身大之  
貽禍于國講學之謂何竊謂心有常主道無定  
形成物為功趨時為用窮通異跡藏顯同歸徒  
欲明道覺人而不思趨時成物吾未見其道之  
能明也已愚生末議或無當左右心願今時弊  
當懲時幾當答歛之足存風教而倡之適鼓禍  
機不敢不盡言于門下惟師深省羽儀之義嘿  
弘成物之猷高尚維風詡言敦化偕茲同志共  
勵清脩繼聖之時消人之忌上以扶運下以全  
身斯道幸甚天下幸甚機決此時遲則難挽故  
不佞持通家世講之誼敢爾僭言死罪死罪

與張岱與太史

昨得令大父太老先生凶問即過唁老師客一  
切謝弗見病未疇藥物未視歛終天之恨如何  
可言老師當業有歸期矣頃聞 皇上勉留自  
是戀戀盛心歸不可已也

與吳子道太史

我輩昨日之議謂 皇上勉留雖切必不能挽  
政府之行昨猶首鼠而今似無行意矣世道人  
心所關不少奈何

與李義河大司空

相君之不奔喪固留自 朝廷詎不忍怒竊謂  
伏 闕苦陳暫求歸葬 聖心猶或可回乃請  
之未報遽爾辭祿謝恩而七七期中竟于喪次  
議政相君之心安乎在朝諸臣亦得謂相君之  
心安乎况臺省言官也力能言則言之不能則

尺牘卷之六

廿六

調停其間私為勸駕又不能則即漫無可否亦  
庶幾足以自全而顧欲交疏留之不佞始聞之  
唾而不信適於明公所見所為疏大用侘傺于  
中以脂韋為結納之計而不顧百代之綱常以  
職掌為富貴之資而不惜萬世之訾議奈何其  
見之左也相君輔理之忠在人耳目儻一歸盡  
孝將永稱天地間完人而已意已不欲歸臺省  
諸君復堅其不歸在相君固非所以自愛而必  
欲其留反令白璧蒙瑕亦豈所以愛相君耶不

佞謂相君之歸必不可無而臺省之疏尤宜垂  
寢諸君即思嚮食之斯語終不易矣明公相君  
所親信而諸君所矜式者萬惟以忠孝相提掖  
曲為周還顯正人心嘿維國是蓋在此時明公  
其速圖之義切心惶語無倫次死罪死罪

與趙汝師太史

角之倚之當如昨議願此心怵怵殊不能一息  
待也奈何

復張質齋孝廉

尺牘卷之六

廿七

昨奉手札謂今日之事盡孝於忠行權於經是  
矣是矣顧不佞前所奏記意或未蒙深察耳夫  
經權忠孝之說學士大夫類能言之即諸子疏  
中多書生語然亦豈不知天下有此義哉獨有  
見其是又謂時勢尚可一挽其智或偏其心或  
隘而其說宜並存於天下以俟相時度勢者之  
擇術於經權也昔太公伯夷並就養於西伯一  
則鷹揚飛鉞一則扣馬採薇君子不以為異心  
即太公亦未嘗以伯夷為非義也老師之留為



世道計而諸子之疏亦為世道計獨奈何視為  
狂童斥為讐黨乎二語出而天下疑所云力不  
能救者人不之信矣夫宰相為天子定社稷福  
蒼生必以安人心培善類為首策古今未有失  
天下志阻天下善而可以有為者人心疑則奸  
雄借指善言阻則諛佞從風天下將有假豪傑  
非常之說以伺其意者而忠言日遠富貴之徒  
日近迨事機大謬初心而後悔之無及矣橋梓  
何不早察其微邪不佞復念 皇上大婚成禮  
機局稍更老師之所以維持而左右者不可無  
術故不佞以為老師之歸葬當乞於報訃之日  
而不當議去于大婚之後前日倘乘諸子之疏  
懇切請行經權忠孝兩得之豈非豪傑而聖賢  
哉今事已無及而機尚可為在橋梓誠宜深思  
而預計之也不佞之心蓋不徒以老師不奔喪  
為離經而實以不力救言官為失策乃門下云  
云或未深察故復陳固陋如此病中據案不盡  
頓言辱尊翰更欲枉駕過我不佞即嘔血欲死

當拊床一吐肝膽也附復不盡

答李于美明府

不佞江左狂奴未知經濟顧忠孝一念死不敢  
忘江陵公之不奔喪也不佞謂人子至情豈能  
若是愬獨以 君命艱留或非得已然玩其匹  
夫小節豪傑非常等語已竊疑之嗣聞意不欲  
往而臺省且交疏保留不惟綱常頓廢而諛佞  
風行大違國是以專擅之謀際逢迎之習恐非  
社稷之福也廼寓書李司空勸其歸葬力止二  
疏不謂二君以不佞為迂譚而疏終不可止也  
不佞竊憂之欲上疏明綱常破專擅罪逢迎而  
言過切直趙君顧我謂為世道計不可無言其  
奸未露亦不必深誅如此因阻不佞宜稍委曲  
不佞謂言宜直不直則曲曲則靡于世道無補  
趙君又曰綱常之疏有人為之不必功自己出  
名自己成直則流毒薦紳于事無益不若僅存  
大義使之愧心足矣况委曲言之于君不可于  
我則無害於義君毋徒過激為也不佞因約曰

若處諸君過當必上疏陳之兩日後乃忽傳  
駕帖廷杖諸君而小疏已具申王徐三師謂事  
已如此不及林同死無益坐阻不遂鄙心志不  
獲伸遂成幽憂之疾然亦何顏貪位上負天  
子下負諸君哉國家之禍機已成不佞之歸計  
已決非敢忘君勢有難以依違者耳五君子  
詩足徵忠悃謹和峻韻一章惟俛惠財割幸甚

與張岱輿

昔者不佞候龍門欲圖一面嚴不可請今病二  
旬生死未卜昨蒙老師賜問已感厚恩乃重車  
騎且升堂下拜不佞何敢當昏憤中驚聞之便  
欲屈至榻前叩首以謝而道從已發矣悵悵老  
師之留原出聖明眷注且古之豪傑為天下  
安危一己之虛名弗顧也亦安得以常行議之  
顧皇上留之既懇矣老師亦不忍忍然請歸義  
而保留之疏似出逢迎此諸君所以有激而言  
也言者既不體皇上憂天下至意又不諒老  
師不得已苦心致干罪譴夫復何辭但非常之

事守常道者弗知耳且子之孝臣之忠同倫一  
心原無軒輊老師以純忠報主而容諸君存  
孝之說以植綱常收人心廣相業計當出此而  
廷杖之舉老師竟不力救足下亦不進一言老  
師不得稱純臣足下不得稱諍子矣天下所係  
以爲安危者在老師而老師英風獨智位絕百  
寮諛者不欲規愚者不能規而疎遠者不敢規  
負直者疑而未即規非足下深思預圖之則人心  
可諫來者猶可追唯足下深思預圖之則人心  
尚可收相業尚可廣天下久安常治而禍機不  
起足下家世亦永有光即不佞犬馬填溝壑亦  
含笑九原也不佞與足下非特年誼雅以意氣  
相許敢僭妄陳衷幸賜裁察

與方金湖公大司馬

辱枉車騎失迓為罪星變異常已多惶懼直言  
者復爾斥辱尤切感憤寢食未寧遂成幽憂之  
疾不克候謝門下懇欲乞歸尚祈吾師曲成之  
耳聖世重熙九夷寧謐相君輔理功不可誣



今 皇上懇留誼亦不忍恣然者定謂以必去  
為義哉顧聞計後作用難語其旋蓋初疏惟知  
哀痛倉皇何暇解說匹夫小節等語得無啓人  
之疑乎非常之事惟非常人知之衆心未愜也  
倘艱乞奔喪守制不允則伏 闕苦陳 聖心  
必為感動遽爾謝 恩人之疑愈深矣况 聖  
諭七七日內謝事守喪而乃與聞朝政雖其心  
惟恐差謬或本忠肝而作事過出尋常何以自  
解于天下夫臣之忠子之孝兩係綱常原無軒  
輊相君所執即忠也而孝之常議本在人心一  
疏持衡自不可少臺省不言反文章保之於既  
留之後殆屬逢迎附會尤激常心矣吳趙二君  
於相君有龍門之誼恐他人先言必直傷大體  
故為委曲陳情蓋忠于相君者倘能虛心達觀  
反加禮遇再疏乞歸即真出 聖怒亦危言解  
之豈非豪傑而聖賢者哉一旦斥辱五臣人心  
不屬恣君心傷國體世道殊大可憂生平相業  
頓覺瑕疵矣此時正當大計事在老師守道不

違以安天下屬望不淺失之東隅在老師為相  
君收之素榆者力擬千鈞萬無輕發且相君欲  
安社稷收人心機尚有可為者惜其未可與語  
耳老師為朝廷萬世計幸一畱心素有嘔血之  
病偶爾復舉生死未卜老師愛不肖如子不肖  
未有以報恐憂懣以死終負深恩故漫瀆鈞嚴  
期少申酬德之念伏枕草草惟師慈鑒財

郊居遺稿卷之七

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

尺牘

報戚南塘總兵

不佞辰心知之雅又竊念翁當國家長城萬里

尺牘卷之七

每願翁壯猷秉鉞人無間言使華夷莫受其福

即日效帷幄謀猶媿無當于用况一歲僅奉四

劄劄猶不及盡露肺腑哉乃翁虛懷采納屢勤

報章杰哉大將軍益令人心死矣嗟嗟沈生少

年任俠學擊劍不成去學兵法又不成去學為

文辭期博一官許國即馬革裹屍不恤也乃今

謬膺特選遽廁清華臣子極榮濫竽非分鞠躬

盡瘁何足以報 朝廷敢負德偷安溺心泉石

姑無論有職當盡有恩當酬即生平狂志亦不

欲氓氓無聞乃爾也顧邇來異星示儆恐承平

日久將伏隱憂每懷杞人之慮嗣政府以 聖

諭勉晉業已在京守制而臺省交疏保之幾于

上言德政頗羞附會尤激常情五君子數語持

衡亦夷齊扣馬之意乃大遭斥辱重禁弗言鬱

鬱孤忠難於直遂睠茲逢迎之習漸開專擅之

門良為世道太息且政府以如此才識如此遭

逢如此時勢而竟以易處之事為相業疵深為

可惜幾欲自效愚衷稍資藥石而屢觀章奏不

尺牘卷之七

惟不察人心不思世變而竟視諸君為狂童為

讐黨為憮邪悍然不顧言未易陳展轉憂惶遂

成心病遷延數月藥餌罔功非乞骸骨歸病未

易愈故決計請告耳至如翁受恩膺任與它將

殊僕不得奉命周旋已非致身之義又何敢為

翁道五湖佳勝第士君子志欲報國要在乘時

今時人且疑翁矣漸多裁制志且莫伸縱更十

載薊門非復往年指顧獨奈何忘介石不寶良

弓哉事濟而名毀上也德修而謗興次也無濟



于時且累厥德而徒以一死塞責又其次也翁  
所卜居願聞其旨若謂古來將傳百無一全清  
濁滄浪均之自取惟翁財譽毋罪狂譚嚮者仰  
訊邊才邊畫屢辱晉心深銘厚雅友人方端伯  
素志勲名久之不偶少年授五千文字將了初  
心究養生家言能呈大旨舍姪有容多力善騎  
射志在籌邊昨欲請之方老師令其效勞宣大  
今不佞歸計已決先令東反感翁德意已入肺  
衷它日倘簡材官納履門下尚有期也力疾草  
尺牘

此附謝不盡言

### 復王荊翁

連日聞此異事頗生憤世心顧發狂乃生董事  
若老師似不宜太露耳途人唾罵恐亦未必能  
歸也 朝廷倚重能幾何人默挽潛維始稱造  
化在手願老師靜探元化動握神樞以答天下  
之望幸甚生非敢為套語亦非敢為避禍謀願  
老師所處時位天下方以經綸醞藉屬之僅僅  
成氣節名豈老師所自處耶恃老師忘形之愛

輒爾僭言死罪死罪筆札恐泄事機面言又駭  
觀聽不若從容俟之 二祖列宗在天之靈亦  
必洞鑒耳謹此布腹心不盡

### 與戴愚齋太史

適辱臨教雅意諄懇淵深感切五內矣史筆係  
國是凡事斷自內閣已非古意况竟秘科中不  
付耶書似不可不上上書似不可不公高明財  
之謂俟時豈非明哲所尚願使後世議史後南  
派恐門下亦與有責也願門下無從顧人叩謝  
湯及此不次

### 再復王荊翁

君子任世道之責無論治亂並藉經綸如必俟  
河清始出則夷吾不佐齊仲尼不相魯矣生所  
云非敢欲老師磨甿避禍但願為世道忍須臾  
不去何如

### 與朱金庭太史

辱臨教抵謝史館為國是所關凡事斷自內閣  
已非古意况科中竟以已私匿疏草耶因循退

避後竟若何欲一振直筆機在此時也竊謂上  
疏則能復舊制恐心或異同且言未必用上書  
則稍明事機恐言多避忌且勢未必行然一人  
為之不若衆人共舉耳說者徒委以俟時何年  
始得奉職乎南狄之直千古見稱况共上一書  
庶幾轉移萬一未必以直賈禍萬望主裁無使  
廢一代史書幸甚病不能起願人代謝附布腹  
心伏惟財咎

復詹魯泉給事

大廣人卷之七

五

承傳論謂士君子處世當平心易氣為國家樹  
遠大之猷區區一事之忠一時之憤不與焉旨  
哉愛我之言寧不佩感第今之時事彼固未之  
目擊而不佞第所處猶或未盡設身耳江陵公  
之不奔喪也初疏已有匹夫小節等詞人竊料  
其不欲乞歸請之未報遽爾辭祿謝恩 聖諭  
七七期中竟于喪次議政當是時人頗擬弟有  
一峰之疏而第政繆以遠大為心未舉也公得  
皇上勉留札輒決不復行臺省諸君不為調停

暫令視壘而且交疏保留附會逢迎大率國是  
第竊深憂越兩日而吳趙二太史及諸比部委  
曲陳情遽遭斥辱弟欲更疏掄之而莫能自遂  
張太史七人及張黃門疏入不報今且禁白頭  
封即有忠言何由上達睠茲時勢尚可栖栖為  
富貴計耶張何二天卿以不保留罷七人中習  
君謫張趙二君遷弟求請告不許行且以次及  
矣杜門謝客已兩月餘禍福死生亦惟居易俟  
命耳吾鄉宦遊者即未能立德立功立言垂不  
朽而大都自持氣節不肯依違依違于時者鄉  
論輕之使弟依違貪昧于富貴之計得矣如負  
天子何如負良友何如負吾鄉先達與二親  
平日之訓何文素愛我以德諒亦不欲弟之為  
此也陪都諸公恐惑于風旨尚期文為砥柱障  
此頽波蓋言官係 朝廷耳目通壅蔽持風紀  
植綱常咸賴焉元不宜以風旨為語嘿者弟倘  
得生還尚圖把晤于龍江之渚或出或處歸潔  
其身勉矣心知努力自愛



答黃健所直指

吳制府便翔草草具候人來辱賜札新書之賜  
深荷紀存兄淵源之學經濟之才無施不可宣  
大九邊要地 天子以兄持繡斧往倚賴匪輕  
今宣大人憂之而弟則謂虜方得利荷 天  
子恩並生矣何忍言叛兄與吳制府及諸司諸  
將經畧昭威信虜又何敢言叛顧虜酋得利諸  
部落或以禁槍掠食生畜幾盡未免包藏禍心  
倘順義既哀那吉又弱力不能制諸夷將有它

九龍集卷之七

七

變所市馬未必得用士卒久不習戰鬪氣不壯  
或有怠心且赴工竭力叩賞削財兵勢日替養  
士馬蓋今日第一謀即撫賞亦機權在我而虜  
不得有挾求即有警亦勝算在我而虜不至無  
備入我常為主虜常為賓叛服聽之此為上策  
故古稱賓四夷得主道也惟兄念之金翁方老  
師每服兄才華明敏心事坦夷陽和之別迄今  
繫思云弟讀書足稱吏隱弟病且兩月請乞骸  
骨歸終制于人不可得奈何使旋附此上謝庸

率不莊惟高明財幸

寄梅禹金

昨鄉人來聞老伯訃南嚮悲號五內焚烈嗟嗟  
分在若翁情同猶子滄洲叙勝載酒問奇蓋未  
嘗數日隔也別幾何時竟成永訣耶二月受翁  
師卒今老伯復與僊游邦殄儀刑後生誰範顧  
念德音在耳手澤如新憶往愴今百身莫贖生  
死聚散更慨雲萍富貴何為令人徒脫矣足下  
庭趨忽罷塊枕多愁月冷陵陽雲迷宛水遙想

九龍集卷之七

八

孝思懇至苦楚萬端弟乃羈此浮蹤弗克向寢  
門一哭與足下執手同悲夙誼謂何痛心欲死  
新阡藏玉卜吉何方堪與家言禍福固多實冥  
然一體求安未宜草草惟足下其實圖之老伯  
母皓首增哀得無過慟令弟令即諒日見徇齊  
預徵遠器玉樹瑤芝或能解憂矣弟目擊時艱  
欲言中阻杜門謝客業已六旬懇疏請歸尚制  
于人未得遽遂鄙志聞老伯訃更怵鄉心即不  
允引疾計當乞休耳令兄行便附此聊布哀衷

薄儀奉之几筵同鄉議致真當奉執筆之役更致區區也回首傷心淚隨筆墮荒迷不次伏冀鏡融

寄梅伯挹萬仲二文學

聞宛伯計悲痛奈何吾郡自玄暉太白流寓垂光都官繼之邁迹數百年來幾稱絕響宛伯崛起騷壇衰然大雅學人士漸知向慕古文詞禹金盞濟其源聲華茂著伯仲升堂入室訂異叅同此道遂昌文明日啓敬亭宛水千載一時幸

大廣卷之七

九

謝有靈應知色喜而都官世業君家擅之此其功德常歸宛伯無疑已今棄諸後進馭宦僊游乘化全歸復何遺恨而儀刑頓失藝苑生秋憶往愴來可堪悲慟不佞弟少年孟浪功乏下惟宛伯辨色根核間接與議論使得與聞要旨稍稍勵志思從二三兄弟共策不刊延今幸廁清華德音日遠顧名服訓尤媿詞林別且未期竟成永訣南天極目慄矣魂飛中秘讀書循循就列傷心時事將乞骸骨歸計隱同吳市哀續楚

歌而去就之權尚多潛制不易為謀自分杜門行常削籍迹疑過激心愜無慙世事雲萍人生電沫林泉樂志何取風塵問之禹金當識其榮嚮承昭札期許過情愧不敢任至因遇恣心若里中所見猜者寧死不忍為也風便附布私悰落月滿梁浮雲在眼離情別恨書不盡言

與徐錦衣爵

政杜門時兩辱左騎何以教我執事故忠於相君者得無以復出為忠于僕乎僕父知盛念第

大廣卷之七

十

歸志已決欲從人脂韋以苟富貴死不忍為吉凶禍福天定難移一切聽之已耳且執事亦嘗讀太玄經乎經曰天道福順而禍逆山川福庫而禍高而易之詞亦曰知幾其神乎幾者動之微吉凶之先見者也嗟茲時事大是可虞况執事以布衣博此要樞榮極矣猶然沉湎利祿湯不知止恐將不保首領為天下笑是又僕之效忠于執事者無視為杞人之憂何如何如

復賈春字觀察



景造薊遼過漁陽見山川多雄奇秀鬱意地  
人傑當有生時經世之彥生於其間迨翁守江  
都才名藉世私謂嚮所擬漁陽俊傑翁殆其人  
哉至晤友人來參戎永祚述德最詳不佞益信  
之矣濫竽通籍讀中秘書未數月乃抱幽憂之  
疾杜門謝客七旬于茲遂未敢致斗仰之私於  
下執事乃今辱翁翰惠先施感媿交集且幸得  
通悃款慰我神交顧時位偶乘淺中誨忌乞歸  
田里漸遠台光汀樹浮雲塞門落日論心報德  
未卜何從耳不佞江左書生未諳國家大計札  
諭謂留心邊事揣已增慙胡運正衰且有諸名  
公干城石畫無足深憂第念撫賞機權主之自我  
虜酋叛服視若賓之去來無損于主故古稱賓  
四夷以在我得主道也至廟堂成策則大挫東  
虜使貢市之盟有所懲而益固實為要策乃今  
未必能行也綜之國勢有重輕時宜有先後不  
佞所私憂者或不在西北耳正束裝冗冗膚率  
陳情諸不盡言伏冀財答

復耿楚侗翁  
使來詢知老師服闋福復嘉勝殊慰遐思元輔  
聞喪皇上勉留懇至誼固不容瑣瑣請行而  
作用任情人心未愜業已謝恩守制臺省又  
交疏保留奉承風旨諸君子一疏持衡復遭斥  
辱傷國體恣君心相業頓覺瑕疵甚為可惜  
使如老師輩在都門時聞箴規語當不至是乃  
今見益偏量益監視諸君為狂童為讐黨異已  
則斥同已則庸漸開專擅之門大長逢迎之習  
忠良日遠世道可憂不知終作何狀學抱幽憂  
之疾已上疏乞歸矣辱命投書以杜門謝客今  
已七旬莫能為計嘗謀之周公祖昆玉初謂老  
師遠在數千里外即不作此一書亦非過簡嗣  
知禮以奠稱必在家未舉然不報於義弗安  
故不敢復阻耳春間老師當入都門調護善良  
屬望不淺第親疏遠近心迹易疑為力頗難願  
百凡珍重趣裝冗甚附使陳情膚率不莊伏惟  
師慈財幸

報程子虛

不佞之辱交于足下蓋勲業相期未嘗效塵世人徒慕富貴爾也乃不佞久不作經生語濫廁詞林大出望外不佞所不慕者倘來矣哉足下所素期不佞者不識將何以副厚望也且亡論分當自盡即知遇恩深亦念不可報足下更何以教我我用脩博洽直一文士事耳不佞欲姑舍是尚期忠孝不愧科名第此身易捐德與功未易立也足下更何以教我酒人意氣足下近之

大慶卷之七

十三

答戚總兵

履端新慶祇賀不佞請告歸謝眺青山有先人之故廬在昭亭雲鳥宛水烟波春棹五湖足以自樂即今九夷重譯萬國咸寧歌詠太平遠觀世味富貴何為令人疑脫矣翁功高熊虎名重麒麟天子倚以干城何可言去顧滿盈之戒

抑足深思赤松之游固即黃石之畧也不佞歸卧白雲當營丹室以俟知己方山人失路增愁負翁知遇初謂其頗習養生家語故令一證玄關乃今從昌平而東亡繇覓矣札中念之不寘足似高風薄儀附報殊媿草草束裝正冗惟翁照原幸甚

復方元洪

扇頭佳製可與青蓮諸子把臂入林不佞思不負謝眺青山當執鞭作者顧安得從足下傳肘後方乎故人詞客即彌侍教已媿倒施以晚見加不敢聞命南還尚在春莫俟金玉重不佞行念想大逾饑怒足下何忍以病辭不佞即技窮學步亦當強綴數語志別也

大慶卷之七

十四

答朱明虹太守

徐簿行曾上八行承翰惠下及則前書尚未徹記室乎莫愁湖上論交燕市甫能握手輒草草別去聚散雲萍真成惆悵虛梁落月時疑顏色相親也不佞偶爾通籍金馬且荷聖恩與清



華之選碩顧名自媿尤懼恩重難酬又二親不待榮亦增悲未知顯揚何計今時事紛然五湖入夢病乞骸骨歸卧青山敢營谷口之廬與禹金輦結昭亭之社以待明公功成身退共策不刊耳人旋謹此申謝正趣裝冗甚草草不周伏惟財譽

復襄理菴刺史

飛翰至知夙寄八行已徹玄覽薄儀俚語殊竇鈞嚴辱謝及益以嘉惠愧心矣時事紛然杜門且累月病乞骸骨結社昭亭俟知已功成同招太白揖玄暉共圖不朽至舉明主於三代之隆則自有諸名公在非不佞學所敢知也佯旋附此上謝草率不周恃心炤

答宋陽山開府

學也辱國士之恩念不可報病骨歸心杜門百餘日已上疏乞歸久踈問候然此心則時飛度江關恍觀光霽矣方今逢迎日甚專擅漸開士氣萎靡人心抑鬱即有天下萬世之志業不可

為如翁才名德望振古人豪友已無慚何殞厥問激切請歸不可謂非超見顧聖明眷注恐未即遂心出處浮沉綜之玩世若陪都散秩要未足展經綸也使旋力疾具復不盡頌陳

復歐陽宗翰

初入畏途應訓不給尋且杜門引疾無意交游遂失裁候白壁未售浮雲在望人非按劍明月堪投迺世態如斯恐難措置禍兆已萌忠謀莫展不如避世可以自全即今疏乞青山束裝俟命匡廬諸勝且得浪游翹首清光當有日耳佯旋據案草復伏惟照在王臣

答馮開之太史

足下兄事不佞不佞亦偃然手足視之足下不罪狂奴乃更相切劘虛懷實意千古空群矣足下即未歸志則常在五湖烟水間不佞為足下擇釣磯待恐率沉淪富貴未必能塵圭組耳倉卒言別不及致一芹顧辱款惠殷殷令人增慙病者何敢當贐乃教我意寓於物又不敢辭歸

服山人衣柔約自全以報足下漢餅壹事統扇  
壹柄附往亦願足下無忘三緘也伏枕舟中艸  
率奉報青山孤月無限相思

復屠長卿明府

姜山人前五日行曾具八行問足下亡恙適弟  
移疾登舟使者乃持尊翰至沾沾色喜善病休  
文亦忽覺忘呻吟矣別數月益無日不與開之  
談足下謂令非足下物大為苦之及諗足下政  
聲籍甚相與撫掌笑曰嚟乎長卿勉為令矣吾

東廣卷之七

十七

兩生何過計也今謂遭人無短長惟與以鑿折  
而又善謝過嗟乎長卿真能勉為令矣吾兩生  
何過計也一紙慰我已仍高情奈何復損瑤貺  
展玩佳篇令人豁目顧沈生才拙不能為文章  
即抱珠璣無以飾用若謂閉門著書開之事非  
不佞事也且邇多愁病數月不梳頭不對客惟  
開之時見過不自知其鄰肯今不佞歸青山卧  
開之又苦岑寂喜尚有箕仲在閒曹耳家母未  
來妻兒輩初至燕又歸矣金山人不肯遠遊則

五金即當留窮頤上令奉太夫人杯酒何必瑣  
瑣完歸足下或猶未骨肉我乎紫絨一端附致  
太夫人幸進之

與伍公子

不佞幸與尊君同第相得甚驩未兩月而尊君  
遽舍我僊游迄今念之猶悽然泣數行下也恐  
弗為之誌銘尊札至誦劉孝廉所為狀無容增  
減僅次其語成章屬應溥年丈寄左右腆惠媿  
我甚不敢拜嘉敬謝使者足下故自趨庭有常

東廣卷之七

十八

訓今且失怙宜自立自成無負純仁語先大夫  
嘗云安福如魯多賢人可卜築不佞每夢寐不  
忘足下服膺庭訓又事賢友仁何業不就幸更  
虛懷樂善無睨匪人以終令德不然負仁里負  
世家非尊君志也白日易流勉矣自愛劉君神  
交有年右武應溥諸年丈每傳其高誼遠識尤  
切傾企足下想常與周旋幸為不佞致意今請  
告歸當由匡廬相訪即不堪遽出門亦隔年期  
耳舟次草草不具



寄周洞巖先生

不肖辱師教有年矣倖博一第以冗奪未候起居翰惠先施後久稽裁謝罪歎何如病骨不耐馳驅恐糜廩祿青山歸卧實愜閒心瞻茲世運所遭恐未免黨偽之禁而洪都為賢才淵藪首觸禍機同志諸君或未啓微後將莫林潛培善類惟在寔証寔脩門戶虛談適增時忌願吾師默持元化一挽頽波彼漢之黨人宋之偽學一禁而國祚遂移實關元氣非小雖以邪害正罪不可逃而自我致之亦與有責吾師以為然乎風便附訊倚棹不共伏惟師慈財答幸甚

與劉旋字孝廉

先君師事東廓翁兄事雙江念菴二夫子洞崖先生則訓不肖近溪公祖則守宣城不佞熟聞江之右多英賢嘗殷神往矣及倖博一第從丁右武甘應漣鄒爾瞻諸子游又習知足下懷瑾握瑜甘心家食身標素梓化而善良雖不能至然竊願為執鞭屬耆伍生馳狀請其父效之君

誌諦觀之則狀足下所著也言言道義尤切傾心昨移疾出都門正東裝草草脫稿屬應漣報命未暇通尺素于左右乃清源值甘伯翁官舫輒復布此并錄一章呈教嗟嗟效之質實君子既長已矣生死浮休雲萍增慨瞻茲世事尤觸遐思夫此道俱生從人實體反躬信德善俗徵仁聞達並稱徑庭自別空言誨忌漸擬清流元氣攸關然宜深省時當橫議多藉禪鋒投隙令乘禍萌黨偽欲培善類寔須不立門戶各固藩籬顯証嘿脩始為學術不然即見徹玄微僅成頰舌翻悲斯道何補生民竊聞化以風行幾由意決形聲互異歸在相成願足下識之且聯屬同志共宰化機慎勿歸咎于人更以貽憂于後也不佞歸卧青山非敢偷閑忘世獨念功疎靜養用歉時乘將學開關潛占隱見足下粉榆運量小試經綸故稱高致然時行時止孔孟真詮作意沉淪元非龍德且士君子為世道計尤不忍私澤一鄉亡執成心方為妙手湯陳鄒見凡

下謂何舟中橈案不周伏幾財簪

寄羅近溪先生

都門叙別極感教思時事難知遽使老師高卧  
東山令人動滄江之想念筮仕方及半年未堪  
上疏嗣以愁心病骨不耐馳驅十月二十二日  
杜門至中春始遂歸志片帆南下頗愜閒情獨  
君恩未報莫解于心耳三教故出一原然論學  
則宜從正常垂訓使天下向風方禪世道邇來  
辨說多借禪鋒且一體為名不分真偽姦雄亡

大續集卷之七

廿

命歸斯受之一入交游便稱同志假途託迹妄  
擬清流睽此頽波莫知所底夫咸輔頰舌所執  
已卑而佛氏其餘尤乖正訓驟聞可喜實際何  
存即茲侍法堂更無一人可語經綸實學况猖  
狂自恣多敗師門投隙可乘禍萌黨偽一時意  
興不啻危機撫景深思寔且悚惕不肖嘗謂機  
由意決化以風行歸在相成不嫌同異今佛儒  
並闢意已不純竇聽厭觀何由風動夫漢禁黨  
人宋禁偽學一發而元氣索然遂移國祚彼邪

害正罪固難逃而自我致戎詎能無罪士君子  
講學脩身原為世道計而危善類所學謂何不  
肖此言似為狂率然事多目擊機觸心憂不從  
此嘿挽潛維恐貽禍非淺惟門下靜觀元化動  
握神樞寔體寔脩知微知著功從豫立妙在時  
乘毋執成心變易從道若佛法既深即當以禪  
宗為教不必更授以儒也舟次清源偶晤甘伯  
翁行便附此申候爰布腹心詩扇述懷伏祈介  
藻二位令郎道丈不及具八行各以一扇致意

大續集卷之七

廿

主臣

與張伯起孝廉

客歲足下過濟陰聞不佞登第今未及期第復  
過此誦足下詩神悠然嚮往矣且憶甲戌春與  
足下之畏伯仲登太白樓狂歌問酒今美人各  
天亦貽之矣且化為異物死生聚散真等雲萍  
睽此隙駒堪同丘向貽足下書尚欲足下勉  
作經生語由此致身不負經綸之具乃今世道  
可憂辟世金馬門者且欲深遊學吳門市卒何



敢復望足下混世也晤令姪原正年丈聞有家  
報往報倚棹草草起居足下向次峻韻一章又  
未寄今再賡短歌并呈粲正計四月可至宛陵  
至則尚當杜門謝客九月可為黃白之游明春  
鼓棹胥江窮吳中勝槩則同足下過我郊園呼  
三賢為十日飲吾兩人者固不宜各滯一方耳  
不盡

寄梅禹金

嗟嗟足下抱憾數月矣宛陵落日苦塊增愁乃

不佞弟無繇一唁足下徒望高山雪涕託短賦

伸悲也

賜日九迴臨風氣結今從明主乞青  
予許三年高卧矣歸日即當問問几筵長號洩  
痛與足下慨往傷離共紆積鬱顧時方移病未  
堪遽至城中計解纜湖濱暫于郊園棲息俟人  
心少定始得潛買小舟至寢門一慟耳聞訃及  
哭伯翁數言用寫哀哀附微蘊結稍拊讀禮幸  
惠手裁嚮者伯翁曾以詩志喜弟次答二章未  
暇錄寄今併呈一幅為我焚之事亡如存弟不

敢有渝志也至淮先發价旋匆匆倚棹不次

寄梅伯挹萬仲

膺月曾託令兄寄答八行至否嚮讀足下所貽  
書謂出則伊周處則巢許僕與賢伯仲分任之  
夫士君子道當經世志在濟時用行舍藏惟時  
所值伊周望我固非其人巢許自居尤未敢聞  
命伯仲高才遠識豈故隱淪者哉出處能一視  
則與時偕行無所不可倘有心乎分任思為伊  
周巢許所嗤也疏乞青山舟迴宛水周旋鞭弭

共策不刊不佞益將從伯仲于喁前後不獨令

二三兄弟相視雄飲笑風塵中人足下能儲斗

酒待我乎碧雲溪上不佞當訪瞿硎邀太白揖  
玄暉與爾伯仲一暢幽懷耳至于身親見之自  
任天下重不佞敢謂無此心顧進退有時非我  
所能與也次淮遣使附布區區奉和陽春敢呈  
剴削

上陸五臺大司寇公

不佞見時即聞明公山斗高名先大夫且辱莫

送交竊自附通家子矣顧曩因經生樊籠倪首  
幸茲通藉明公且為畫錦游無從樞謁願左識  
荆傾仰丰標大逾饑想頃者 聖明眷注晉陟  
崇階謂趨順風望光霽有期矣乃不佞病甚疏  
乞青山五湖返棹即道逢僊舟北上莫能強起  
向牙櫓再拜通慇懃也黯矣消魂可勝延結江  
陵相公遭逢才識千載一時宗祏賴之真不可  
舍 朝廷休居終制至奔喪僅違數月固人子  
迫切深衷自不容已者豪傑非常書生譚之爽

東坡全集卷之七

廿五

色且眷晉既切相公已不忍辭而臺省交章幾  
于上言德政故二三子生死爭焉見雖蔽影心  
實持衡虛已優容益微雅量昔者呂尚膺揚而  
夷齊叩馬君子兩是之今日之事猶是也何過  
罪乎二三子即二三子罪謫自耳如天下人心  
何相公故豪傑而衆人不皆豪傑也詎能置百  
喙辨哉君子亦貴乎握機運化嘿安人心爾矣  
邇者懇疏請歸視塋預定浮言潛培國體雖惜  
其稍失先後着而較之不行固不啻什伯千萬

矣人傳明公貽書謬謬稱大臣風節即相公至  
情定筭擬有此行而明公之功自不可掩然不  
佞尤謂從茲以往為相公計安社稷猶多勞尊  
慮耳夫詢謀貴博受善貴虛義取相成道羞偏  
黨故日月互藏其宅舟車各效其長益梅異味  
而和羹水火殊性而濟用功弘並育妙在同歸  
若伐異而黨同是升沉妬景水陸消途變夫執  
一物以烹飪庖人挾一味以調鼎而參苓薑桂  
不得同劑相佐使也必同已者而後與則協贊

東坡全集卷之七

廿六

之庭無吁咈和氣之侶無虎爭麗澤之交無規  
切犯顏強諫不為忠直諒多聞不為益而朱雲  
魏徵唐介韓琦之儔不立于英詎之朝也豈獨  
才賢以耻阿附斥哉又將有假豪傑非常之說  
以伺其意而售其奸者而讒諂而諛之人至矣  
語曰千金之裘非一狐之腋言用人也士君子  
操脩盡由此道而相臣任天下重尤在所先上  
古諸名公所以顯鴻業垂休光並可考鏡而三  
代之下軌轍非殊是故戶牖奇計智矣而交驩



之策啓之陸賈曲江直道賢矣而軟美之諷取  
之長源姚之敏宋之毅才矣而知古今典厥政  
資之高仲舒齊濟至懿侯擇術于蓋公懷英儲  
藥于行冲新豐受召于子壽自昔相臣未嘗任  
已也如必同而後與則一已足矣何以人為  
昭代不設丞相而入閣辦事職在論思漸至擬  
旨進呈爰彌政府蓋權無所統勢必歸之入贊  
萬機出撥百職儻非翕受何以兼知 宣仁以  
還居政府者若干人類皆以用人而裕用已而  
敗若嚴高之自用皆相公所目擊其敗者况才  
如相公識如相公老成諳練如相公寧獨不辨  
此哉昔者徐相公弘度過信人言而待問諸君  
湯不相體叅之私薦襍之曲說相公旁觀起獄  
預有所懲且 主少國疑執持當定多言亂聽  
恐滋紛更以懲弊之心際鎮靜之時操凝成之  
柄而已之才識足辦經綸人之謀猷或迷肯綮  
是以不惑人而信已也詎知 懲心者每易至  
于過而用人在我道貴趨時尤未可執而不化

今四方寧謐事有成規較之定鼎之初稍有不  
同似宜博訪深思相資為用曰私薦曰曲說吾  
置之不聽已矣何遽至併廢人謀也信已則聰  
明不克周知尚同則小人得以投其所好相公  
固未必廼爾而威聲氣勢漸有可憂不可不為  
相公預計也且天下之事機決于意俗成于風  
意運而形從風行而化達今使天下聞風者皆  
曰相公不用人言而人更得以窺其意之所向  
此豈可以令之當世哉夫大臣以天下為一身  
原無異同原無恩怨頃者二三子之疏多常人  
語固未足與探相公心議天下事而意之端風  
之自相公獨不能超然遠覽穆然深思而遽以  
異已懷忿心僕竊為相公不取也杖謫言官處  
之誠為過重而片言不採人或心非在相公固  
將謂二三子以我要名肺肝未淨不知二三子  
由此立名渺乎小矣而相公倘一優容便同覆  
載明珠照夜螢火無光太陽東昇繁星自失譬  
之波橫江海蕩乎無聲而大浸稽天洪濤浴日

固無競于溪澗之急流也彼急流者順之則潺  
潺耳湲湲耳扼之則震相公不忘二三子反以  
堅書生之說資孺子之名是所謂擇細流而扼  
其急奔之勢也何取于善策哉相公才如此識  
如此遭逢如此願附青雲樹勛業者誠惓惓不  
能舍而相公亦自謂能番心天下士嘗手記而  
心存之獨無敢言于左右者即欲有建明而英  
風獨智位絕百僚疎且卑者言未易達達之亦  
未易詳不佞辱年家子意最渥知最深思效一  
得之愚數矣而近名是懼出位是慚又竊見疏  
中語一則曰狂童二則曰奸黨三則曰憮邪若  
終未忘二三子也者不言則慮在國家欲言則  
恐招尤悔而彷徨過計抑鬱深愁竟成心病偃  
卧百日餘遂乞骸骨此意故未伸也第念明公  
德望才名素為相公推重非明公不能詳言亦  
非明公不致深信故敢吐膽下執事夏五相公  
當奉命還朝計得與明公叅密議伏惟擇可言  
之會收罕譬之功釋諸子以安人心集衆思以

廣忠益使相公為全人建全業 聖世屈全策  
得全昌 國家臻全盛享全福天下幸甚萬世  
幸甚病中謹陳崖畧未罄鄙衷伏惟崇炤



郊居遺稿卷之八

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

尺牘

復王龍溪先生

前者辱賜先君墓文兼示易繫大義感刻感刻

尺牘卷之八

卧病數月蒙 恩放歸當即叩首師門致謝而  
沉疴未愈政從事方書服藥杜門尚難遠出俟  
賤恙少愈或能一候于金波園也承手諭誘以  
盡言深服老師弘度夫致良知自能知語知默  
知進知退道在隨時無成心可執誠哉斯語顧  
今人自反語默進退孰通知乎夫已與人原無  
二理外與內原無二機二之則不能通天下之  
感矣子張問達孔子以質直好義察言觀色慮  
以下人語之夫子張務外人也孔子不獨以質

直好義自信而必欲其審言色以下人豈更益  
之務外哉竊謂言色在人而察且觀焉慮以下  
為良知之妙應本如是其合外內而通入已也  
不然則語默進退媿隨時之義矣吾師自信稍  
過而人且未必直言效忠任已以應物而不顧  
其安卒之滯于應迹而又或滯焉放過未嘗因  
人反已酌已維時豈良知尚有所未致邪時海  
內誠不無私議吾師者議者固皆捕風捉影未  
足深求迺歛德辟難倘亦學問中之一事乎今  
人之言固有謂人之口如幻泡如浮雲惟自信  
其心無待于外而不知行有不得皆反求諸已  
信已而忽人非學也又有謂吾之學如天之覆  
如地之載不必拘拘細微檢點而不知天地間  
一草一木莫非精神流貫圖大而忽微非學也  
又有謂狂士志大言大行不掩焉可接聖門真  
脉而不知庸言之信庸行之謹行顧其言不敢  
不勉以無所掩飾之心造篤實光輝之極方為  
性命真脩言有餘而行不足非學也良知自能

反求良知自能入微良知自能顧行而有不然者顧得為致良知乎君子當橫逆之來必三自反所謂自反正自己脚跟下究竟着落非徒于世法從違計安頓也不肖服父師之訓有年何敢諱學從氣魄上承當從知解上湊泊以調停為知幾以計筭為經世是誠有之顧不肖竊謂專一調停計筭而遺却本原固不可為學有本原則調停亦知幾之所不昧計筭亦經世之所不遺而槩以為外而棄之反覺分外內岐人已

尺牘卷之八

三

而視千聖經綸無倚之學尚隔一塵耳羅近溪先生膏棒至京張次君約不肖同會直卿訪之淨業固宜提要領示准的勵精神使知嚮往鼓舞春風正曲成後學之術挽回氣運之機而顧與二僧逞機鋒譁談竟日次君失望大起厭心而相公召責之命至矣夫範圍曲成即係良知妙用而先生不知也倘亦以調停計筭為徇外耶先生此行非惟自取侮辱而善類沮抑之端亦從茲著聖學果如是乎能致良知者果如是

尺牘卷之八

四

乎不肖嘗觀今之高明豁大者皆種禪根而假聖學為訓學聖則學學禪則學不燠明白擔當而援聖入禪推禪附聖則本原先已不清何以成已成物君子取善貴廣受善貴虛即蕩蕩工瞽動植飛潛皆有可取何分于禪第倡道率人立言垂訓要不可不正耳夫天道消息盈虛循環倚伏盛明必有大晦異巧必有奇窮今此學可謂極明談此學可謂極巧而晦與窮似不能免惟身任斯道者動心忍性實證實脩不事浮談不立門戶潛扶善類嘿轉化機始有益身心有裨世道不然人厭語而我不能嘿人厭進而我不能退人厭玄虛而我不能實非惟疎于察言觀色慮以下人不足以經綸天下而良知亦未必如是昏昧也且即嘿而語存即退而進存即實而玄虛存體用一原顯微無間成已成物自有真機機慎則學審機藏則學深機密則學不疎機員則學不滯而良知則天之機學之則也不審不深而疎且滯焉可以驗其機之未必



當知之未必良矣況今之學不患其不明而患其不真不患其不微而患其不達不患其不自信而患其不能隨處反躬因時以風天下不真則明者晦之機也不達則微者粗淺之機也不反躬不足以風天下則自信者自誤之機也老師聰明穎悟問世之英而此或不能無失意者成心未盡忘而隨時之義未盡察與藥石之言不肯謹終身銘勒而不肯所陳狂瞽之見亦願老師俯聽曲從以全善類老師齒德俱尊經歷

東坡先生卷之八

五

甚練何侯不肯蟬鳴乃及門之徒率以言爲諱老師即懷武公交儼之念誠孰從而聞之不肯從先君侍教師門有骨肉之誼又未可與它及門者同日語故凡四呈肝膽言多直率自知干冒鈞嚴而心則效忠之至也伏惟畧抵忤之詞諒相成之志維進退語默之義一外內人已之觀識消息盈虛之運使風動四方忌消多口以永千百世道脉開千百世太平斯文幸甚不肯幸甚若謂門生小子不宜直言觸忌學也罪則

何辭

答徐魯源

仰山斗餘十年今始得參芝宇聆霏談真良晤也精神模範見即知為有道令鄙吝潛消而平實之言懇惻之意又藹乎可親不佞何幸得此邂逅哉無善無惡之訓豈至善之本旨正欲自濟其惡而為此玄飾之詞耳今學人士大都好更先正彞訓以新奇微妙眩人耳目而求之踐履不啻秦越何補於身心何益於天下古人之

東坡先生卷之八

六

訓或粗或精或微或顯各有攸當吾必欲總而釋之以玄虛之見已非實用况精粗微顯原自同歸有心區別反二之矣取厭于人大率言煩而行畧言玄而行肆者致之欲免禍善類此真不可不懲也孫萬諸君卓有擔當且芝蘭之氣金玉之資可與共學適道者見問當自識之辱賜緒山先生續訓祇謝先生所為墓誌能發問學大意第學與政原非二端政即學之實用學即政之實功先生於先君政事叙甚畧而獨言

講學便能化盜安民似微有未實先君自為令  
至藩臬無事非學欲倡明此道每先足食足兵  
使民相信然後闢書院集友朋究性命故人不  
以為虛譚而深信之即兵備江防先擒盜而後  
延先生開講今謂一講學而盜即就擒稍失先  
後著耳此亦世人疑信之機故滂及之非敢私  
議先生也草草奉復

報屠長卿

姜固孟行草草附八行數日後僕得請出都門

八續卷之八

七

泊舟路水亭足下書惠亦復草草謝恨不盡區  
區迺今觀足下措置則僕區區焉者亦何足效  
之左右哉足下意氣詞華高視寰宇僕與開之  
二三兄弟每以踈曠跌宕為足下憂足下宜入  
詞林醞藉一二十年終成遠器于今奔走蒲伏  
煩勞才弗宜也豈知足下才如裨龍變化不可  
捉摸至額上未兩月而化行以萬金之役二十  
餘年不可必就之工而忽焉落成官不告費民  
不告勞足下不動聲色運之譚笑之間而民且

信之十甫下車之日非至誠動物默宰化機未  
易至此不意長卿意氣詞華之外復有此妙用  
也聞之喜甚呼兒煖床頭新酒滿斟十餘觥對  
客譚足下娓娓漏四下不寐問來使能道足下  
守已愛民之詳又訊知老伯母萬福僕精神快  
爽欲狂頓忘其病上司待諸令嘗卑視之以令  
才可卑視且令多自卑保富貴取容今足下自  
處高才復高人亦安得卑視足下顧有才者多  
易露或至抗人又或以文章發揮疑于標榜誨  
忌招尤區區所願效于足下者行寬大而能出  
脫于深文議息肩而能調停于督責不以統指  
為通人而又不恃已長傲物不以逢迎為忠厚  
而又不暴已志沽名勤時政矣而又不效鷹鷂  
敦古道矣而又不為迂闊長卿更進此竿頭稱  
全人矣母以僕言為不情也僕意氣稍似足下  
不能脂韋突梯坐邀尊貴而詞華才識仰足下  
若在雲霄九月病卧旬日十月以憂時增劇終  
不能讀書中秘遂移疾歸夫士君子自期寧在



尊貴得行其志即卑官可為也不得行其志即  
高官何益僕初進詎敢望有為顧使其言行即  
其志慰耳足下愛我知僕必有今日苟依阿取  
憐不負足下哉今歸矣敬亭雲鳥澄江水月疊  
嶂烟霞足以自適誰謂謝家青山非僕受事物  
也若姬孔豈非人豪時遇難必但行藏進退求  
兩相期無愧心兩相見無愧色耳足下清約甚  
貺遺過厚得無傷惠乎筍簞荒涼之物侑緘謹  
以曉白二端奉老伯母充夏葛雲履二雙奉足  
下祝其旋幸照存之

東諸廣文先生

抱病初歸未能候謁兩承枉顧誼篤先施感悚  
感悚門下鐸振陵陽化行桃李德稱模範位屬  
賓師不佞輩為諸父兄弟延道駕固有主道  
在也刺以晚投實乖大義即諸先生謙又君子  
觀過知仁顧不佞獨能安于心乎謹以原刺完  
璧更與諸先生約幸毋過稱有不如約者辭弗  
敢見由衷之語伏惟昭原

復劉正峯明府

歸卧敬亭蘭若病甚尚羈裁候乃辱翰惠先施  
曷勝叩感學也仰叨覆露為憇粉榆故苑蒼苔  
先塋宰木並賴翁無恙此其德更深等儔百億  
恐寒家子弟或恃愛煩瀆鈞嚴屢禁諭之聞爾  
有而同姓者冒稱宗族狂肆臺端乞翁廉  
究重懲庶消奸蠹不然僕之罪即盈案牘何以  
自明乞諒由衷之言曲為防禁不致索寒家元  
氣感德當世世弗諼也使旋先此上謝尚容嗣  
鑒郵悰

東俞公臨

不佞神交足下足下固未習不佞也而遽以佳  
章見許陳義甚高倘不克副厚望寧不負足下  
知人之明然足下不輕許可人而獨許可不佞  
不佞死不敢負辱諭來月之二日游敬亭當令  
謫仙千載生氣謹戒酒樽以俟從者俚言奉報  
俛惠剋削

復詹魯泉給事

舟渡龍江阻風三日時移棹避喧遂未敢專人  
候問辱使惠感感弟歸非敢沽名實病不能肄  
習館業如兄云云愧矣愧矣江陵相公之事未  
可輕議才識操持如此公者絕少但初聞計時  
決志一歸人或有言力為解排是留在天子  
而相公不得已之心明矣倘以今日之歸移之  
數月前則潛培國體默定人心功與德不尤深  
于數年安靜哉至其視聽即還朝寧不惟  
天子眷眷不忘而天下亦願其還還政府也故

尺牘卷之八  
弟謬謂天子留則言官當以綱常論去相

公去則言官當為天子趣還非為已也非

為相公也為天下也為國家千萬世計也不力

止保留之疏于前而阻趣還之疏于後於弟所

見稍相反耳高明以為何如風便草復不盡

復吳文臺茂才

承寄名喻書曾具啓復不知何故未達記室嗣  
兄臘八寄者則未之見也江陵相公之事未易  
漫言都門諸學士大夫輩亦多上書如足下語

蓋紛紛入相公耳矣江湖以國自是忠誠不合  
時人亦何足計顧士君子原為世道不徒近名  
若壽之鏤局喜為名高者所為非士君子鞭辟  
著已之學吾兄收而讀之誠是也歸卧敬亭日  
多酬應行且入山中從事藥果矣不知吾兄抱  
恙未專人問安歉歉使旋先此復容嗣布

上陸五臺公

前舟中潦畧具陳計徹玄覽矣歸卧郊居日親  
藥果病雖小愈而元氣甚虛即衣冠色澤不減

尺牘卷之八  
常時而精神尚未復營衛尚未調也天壽在天

脩身俟命人生是寄乘化何悲顧親志未終

君恩未報心多愧歎耳倘不遽先犬馬填溝壑

則從門下資藥石範馳驅尚有日也明公碩德

長才推尊當世運道樞維國脉並係此身伏惟

珍重今天下論學太明而反身則昧組文太密

而行事則踈立門戶太高而居已則下甚則藉

道侶為利媒託儒林為奸藪猖狂自肆大破藩

籬而義取洪爐難分真偽一稱同志便恣高譚



頗為時厭厭則忌忌則惡惡則禁此機之必至者也末學虛談固為可戒而風聲所樹尤貴深思柄政者先實而後虛貴實而賤虛用實而棄虛自足以風天下若以禁為名號則人將諱學而奉行風旨者又且懲創過之善類將有併受其害者察察人心預權事勢恐漸多流弊在明公誠當潛培而早挽也世道大機經綸妙用明公獨見無俟曉曉而聖取芻蕘通言必察故敢效一得之愚於門下私憂過計竊議數條陳瀆

宋廣文卷之八

十三

鈞嚴用資采擇議中多觸時忌而實皆先事之謀當機之策明公默存大意而上下其議以圖千百年長治蒼生幸甚斯道幸甚

一議權古者皆設丞相而我太祖高皇帝特為罷之六卿分職互制潛維蓋恐其權之偏重也然昔者丞相雖柄生殺予奪之權而以已意弛張天子得以制之國朝不設丞相權無所統各有參差朝廷難以獨理故以大學士入閣辦事參決萬機迨英宗時三楊當國票

首處分蓋天子冲年謀議無所取裁經濟未能遽熟不專任輔相政易屬于中官故事權不得不一然而身代天工口代天言雖無昔日官名而權且過之矣相公于定鼎之初亦猶三楊時勢賴其鎮定執持四方寧謐即今主上春秋鼎盛英睿日新權綱首宜總攬若每御講筵不徒陳之書史而且謀議經綸俾漸開識見理道若何錢穀若何甲兵若何職掌若何人心若何事勢若何治機關係若何孰為利之當興孰為害之當革孰為弊源之當塞孰為祖宗

宋廣文卷之八

十四

法度之當遵一一條陳而熟計之主上既知大意則凡事於便殿親為裁決而相公與諸大臣從而贊是非佐可否使權歸天子而海內曉然知聖明之睿斷如此聖明之遠畧如此聖明之深憂而旁燭如此衆孽不萌華夷共仰如星拱極如草從風豈非千萬世之至計耶不然即今聖君賢相操縱以時無弊可憂無災可致而貽之數十百年之後傳流漸遠委

任更專萬一有不肖者當此事機潛移政柄徇私植黨簒弄權綱將有臣子所不忍言者相公故不欲以救時之相自居而常思為國家千萬世之計獨不念及此乎竊嘗聞之權者天子所以整齊群品奔走萬方之具可操而不可失者也權在 天子則治在中官則亂在輔相則介乎治亂之間蓋賢則治不賢則亂賢不能預定而心迹不能預明未可執已之賢律後世之不肖有遠識者要在乎約身奉上以善遺其後

久隆卷之八  
十五

耳博陸非不忠也而無術致君終貽禍君子知天下之不可先也而後之知天下之不可上也而下之進退語默辭受從違握其機而不露使吾之身常不殆而道常不窮而後可語聖哲之學即忠臣重于體國不為身謀然與其利國而病身孰若身與國而俱利故曰存我所以存天下安我所以厚蒼生况約身奉上以善貽其後尤 國家之大利耶且權既下移人皆覬覦已不能舍何以正人今中貴如其其者相公每

事調護亦或微有望報之意在人以權市德而在我以德假權將漸倒持太阿而授之以柄此尤不可不慮也吾能奉大權歸之 天子且自約其身為中外得有所恃以責備于我此所謂身常不殆而道常不窮者也相公生平喜子房之為人籌之必審而行冲備樂輒爾多言又或 朝廷大政非外臣之所能知而賢哲淵謀非常人之所能識藉茲過計可測深衷故議權二議言今夫天下之勢譬則人之一身天子元首也腹心也大臣股肱也群臣百體也中官營衛也黎民元氣也西北脊背也東南臟腑也漕河腸胃也徐淮之間咽喉也而言官則耳目也耳必聰目必明而後股肱運百體從營衛調元氣固脊背臟腑腸胃咽喉無梗無虞而元首常端腹心常泰耳目不得其職則欲身之安而不可得也人君之威昔人譬之天譬之雷霆譬之批逆鱗越深壑喻直言之難也誘掖獎勸以風諫者尚恐恤身家戀妻子而重于忤主也

久隆卷之八  
十六



況禁之乎又況廷杖而謫戍乎是故聖君賢相每每曲賜優容即言之不當議或不公亦且不加罪責以養言官之氣其見誠深遠矣相公當顧命之重寄抱經濟之訐謨天子幼冲國家以安靜為體恐言者紛紛反滋惶惑先帝初年言官可鑒故確守成規不為異說此正維時妙用非粗淺者所能與知顧異說不可有也善言不可無也庶事之紛更不可為也言官之直氣不可挫也一切不聽人言未免執之太過

天啓六年

十七

流風漸漬或戒一鳴臺諫諸公未嘗不論時事而深衷微志日伺意指所趨以相公之賢事專報主意指必端伺之尚無害也以茲積染漸有可憂頃者相公以天子親晉已不復請而交章頌德似屬承風不言之于請去之時而言之于既留之後雖曰不逢迎吾不信也瞻茲氣象豈明時之所宜有哉士君子受職居官一心謀國身且忘之況言責是司當與天子辯是非爭可否即朝廷意有所向猶宜引之當道揆

之大義約之深思益梅相成水火相濟而乃今竟以風言為語嘿恐慚忠直矣二三子謂相公以純忠自許臺諫以將順自居則匡正之常謀綱常之常說有不可不以一疏持衡者而槩加廷杖半戍邊關人皆曰相公當國庶事惟康而獨不能容此數人度尚未廓人又皆曰天子春秋方盛圖治方殷而過罪言官機有可憂相公何無一言抹解此雖閭閻私議而實人心所係國體所關相公獨未念及此耶直言既斥則逢迎者愈以為得計而欲其盡忠論列永無望矣阿附之風漸不可長而當事者未必盡賢萬一習尚苟容勢成壅蔽治亂安危之故誰肯輕斧鉞陳大計而冒天威哉善謀國者士氣不可使之萎靡人心不可使之暗昧人主之意不可使之惡異而尚同相公際此休明成規既定倘能恢弘度獎直言挽頽風培正氣俯從千萬人正論遠貽千百世嘉謀即周召奚多讓哉君相聯天下以成其身而耳目則所最先者故次

議言

三議才夫古之學校將儲材以待用也今之學雖非古之學矣而儒其師儒其服儒其居約之以盤辟委蛇之文督之以訓詁詞章之業以養其禮義廉耻之心猶古之意也 二祖間停制科而終不可罷者蓋有深意存矣何者欲富欲貴人之同心也人方少時即從事于詩書父之所詒師之所教宗族鄉黨州里之所榮皆是物也以是物而博富貴蓋已淪肌浹髓深入而不自知即有魁傑之材奸雄之氣亦漸消磨于此矣求富貴而得也固 朝廷效職之臣也求富貴而不得也則日復一日年復一年以期後獲不念舍舊業圖新功或有不肖之心亦自惜其羽毛束身俛首縱奸雄魁傑當消磨之後挫折之餘而志亦莫能自奮矣賢者才者博收而歷試不肖者亦潛制而無它此 二祖籠天下之至術使之可由而不可知者也正嘉之間生儒太濫漸有不守卧碑冒免差役把持有司者故

聖明御極之初下沙汰生員之詔而進取數狹入學難于登科奉行者又不仰體 君心每入少而汰多處之不堪怨聲載道窮鈍者去而事商賈事農工尚為正務稍有才而耻為耕販者或入郡縣為積書為滑吏為刁豪入山澤而為盜入都市而為奸橫恣害人湯不自惜以彼其才雖非經世之必不可遺而亦器使者之所當並錄也不能羅之使為 朝廷之用而反驅之使為盜賊之資豈 治安之 夫奸也盜也刁豪也滑吏積書也前此未嘗無也然而為此者必其才不能以詩書博富貴者也有誦讀之能而濟以詩書之識其為害或尤劇耳較之冒免把持之害尚可禁制者果孰重而孰輕耶且 詔書謂提學每年一巡歷則府州縣各如數得進生儒數尚未甚狹也今勢不能一年一試有兩年一試者有三年始一試者而數則未嘗增也假以一小縣一年一試則進十五人三年計之則四十五人矣今三年一試亦僅只進十五人是



不遵巡歷之期而獨限生儒之數 明詔之恩  
尚未及于天下也遠之則不能探 二祖之微  
意近之則不能推 主上之深恩且將驅有才  
者而為不善也寧不為千萬世慮耶至問舉德  
行以風民俗別設網羅以蒐異才尤今日所當  
並舉者自今縱不能廣收博取以效用于當世  
消變于將來亦宜遵奉 明詔以每年之數積  
而計之庶可以弭人怨而集衆長倡文風而消  
隱禍也故次議才

尺牘卷之八

廿一

四議虜昔辛未春愚下第獻策李相公曰黠虜  
款塞千載制禦之機不可失也梁以息有  
則主盛吉能亦不可以遽許當有機以制之請傳檄曰  
俺答之封為縛叛人趙全輩也封市酬其功耳  
爾吉能何功哉爾無叛人可縛固有故地可歸  
也歸我河地南則吾封市如俺答不則開關絕之  
吉能倘果以河套歸是不費斗糧不勞匹馬不  
輸寸鐵而坐得善地也即封市庸何傷不以河

套歸則每年撫賞俺答重利以誘其心彼見俺  
答之利若此即河套可棄矣蓋其利封利馬市  
甚于利河套也此所謂表餌之術也至土蠻求  
而不得必且構兵吾聚財練甲犒士如李牧厲  
門計俟其深入大舉而殲之土蠻大創不敢復  
窺俺答有所貪又有所畏則貢市之盟必固而  
數十年可高枕無憂矣故曰安宣大則九邊安  
制東虜則西虜畏一則誘之以利一則警之以  
威皆息肩之會所當急圖者而李相公不及謀  
也吉能之市業已許之彼且日居河套近地若  
飛蠅之集腥膻也閉關之策久不可行而土蠻  
之寇今且七年未有圖大挫者每入必得志而  
去使俺答諸部落有輕中國心昨報捷遼東差  
快人意然兵雖強而實寡勢雖勁而尚孤器械  
錢穀且不足用也乘此為李牧之謀倘亦久安  
之策乎至宣大相距數百里而遼勢雖唇齒而  
難未易援今若無庸此慮而數十年後當懷遠  
憂愚嘗縱觀榆林舊縣東起新平西連得勝不

過百數十里一晝夜可鳴鞭至也倘能轉脩邊  
之後直築一牆兩鎮鈞連犄角且其間土地杉  
松利將百倍取其材木陶冶可興不煩多費罷  
中城守之此所省兵糧若干萬一狼烽有警兩  
鎮連兵何亢不批何虛不搗言之今日似為迂  
譚而貽之後來實為大利人或謂此地屬胡未  
必可易而不知黃台吉固將利數千金指也昔  
年有朱參將者欲行愚見試問之欣然首肯今  
獨不可易耶至臧扣存以恤軍嚴出入以防變

尺牘卷之八

廿三

裕兵食以待戰明恩信以服夷諸所常言不具  
論論其大者故次議虜

五議河我國家懲宋失燕雲之既定鼎北燕  
執稱建瓴坐鎮胡虜而縣官錢穀資之東南故  
運漕關係獨重長河萬里趨刼淮流積沙淤淺  
而高寶諸湖奪水利決遙堤浸民田廬為害最  
甚今廟堂急為議之矣議者曰禹之治水水  
之道也徒築堤防而不能導下流開海口是是  
繇而非禹也其言似矣而不知所以導且開者

不在分下流而在分上流不在用人力而在用  
水力不然即下流易弱人力易窮而海口終不  
能關也議者又曰不大費者無奇功不一勞者  
不永逸此憂國之忠也而不知事務時宜有不  
可臆度而懸斷者徐邳淮楊之間沙積日高河  
流日淺水至必多泛溢即今土著群黎僅業未  
盡廢家有餘貲者耳窮餓之夫不轉填溝壑則  
皆散而之四方矣滿目蕭條城郭半為土壘咽  
喉之地湯沐之鄉不意其可痛至此也倘興大

尺牘卷之八

廿四

役顧募無人欲聚多官供億尤苦河濡未理將  
有它憂識者慮焉愚嘗謂河猶虜也皆當以不  
治治之難者曰古之治河獨河耳今之治河兼  
為漕也不治河漕將焉賴愚應之曰所謂不治  
云者豈竟置之不問哉夷狄而中國也歸則不  
拒去則不追而練兵選將收保儲材必不可不  
預至有甚不得已者始一大舉殲之若窮黷  
以勤遠畧則為害尤深耳故治河猶治虜也冬  
春則其勢稍殺夏秋則其勢甚狂于稍殺時約



諸漕艇速過淮徐禁私裝則不至滯淺禁私市則不至緩期運固坦然無留棹也夏秋之間時有猖獗吾惟堅壁清野以待之而當築當脩當通當塞者以時舉功可矣若動大衆是與窮黷同謀吾不知其可也自古及今治河者自神禹而外皆未有百年之計而今之時勢尤難聚衆興工吾故曰不治治之便夫淮揚之民皆赤子也不治則盡為魚鱉矣奚忍哉噫此愚所謂以不治治也黃河之歷萬里納百川而東注也即流之迅速本未易歸而反多積注曩者徐呂二洪樹巉巖之石而河流且曲故水不為災後有事于洪者惡其損舟而去之無湍石則流緩而沙淤而河又決而直行不迴曲則逕趨而易達沙淤則淺而無所歸易達則浸而不及洩此民之所以多水害也策之莫若稍分上流為數道而以五材堰節制大河東之使曲折而流急流雖急而非若湍石之損舟也急流則沙不積而曲折則水至遲沙不積則河不苦于增高而水

至遲則下流可以漸洩昔禹之治水其分也酌天地之盈而濟之以虛其合也酌天地之虛而濟之以盈因水勢也上分而九則勢殺而不泛不衝下合而一則勢歸而不淤不塞今分上流制直流而入海又合為堤且固浸且消而海口且自闕矣民之溺庶幾其可拯乎故吾之所謂以不治治者蓋欲不勞大衆以安民而時舉便宜以捍難猶之乎無庸窮黷而不忘脩攘者也然治虜則貴識夷情治河則貴知水性而以夷攻夷以水治水此其尤所當先者哉至徐邳淮揚之民困窮極矣雖聖恩蠲其風逋而改折徭役之煩新稅催科之苦則尤莫能強支也蓋地多衝沒而無可耕之土民多逃散而鮮力耕之人較田地戶口原額或不止減其十之三矣即有存者利未易興民未易使而尚欲槩以原額計糧吾恐日增逋負而無益于胥隸之誅求也莫若盡弛其遭水患者更量其不遭水患者以定稅又或施命以慰安之損惠以賑濟之而

冗員冗食不必增設以滋供臆之煩民之溺庶  
幾其可極乎夫今之議河誠急方俛俛然增設  
以圖功也而愚曰不必增設若迂緩而不情矣  
不知人是其見而謀未必同人懷其私而力未  
必協權折則勢分而論議多則成功少况又煩  
供億以苦民乎倘能專任二三確見長才者而  
不使衆人叅之至府州縣賢能之佐則不嫌多  
取以待用譬之將兵者任之既專它將不得以  
亂其策而又偏裨足任使善拊循焉未有不咸  
功者不然將為道傍之築室將為宋父之握苗  
而繁令弗更窮民弗恤吾恐運之害不在于河  
而在積困疲勞之衆也若海運之說深伏危機  
有未可以輕言者故次議河

郊居遺稿卷之九

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

尺牘

復查毅齋觀察

王生來辱手札初還酬應頗冗未及裁候乃惠

翰再頒感藉無已卧病敬亭慨增風木淒然雲

鳥何意塵勞顧親朋友視相踵應接未遑溽暑

且勞遂兼病肺因潛歸小寓就醫師而人復知

又漸多過從晚理雙棹將避迹郊居耳君子之

學閑然日章蓋從簡淡入也即不顯篤恭無聲

無臭亦不過簡淡之至寧有所加顧簡淡以為

已之心言非徒擇此簡淡之迹倘心非簡淡即

勢利紛華絕不相近亦山中之煩瑣濃艷人也

且以為已而必欲離此世情恐終非千聖經綸



之旨第吾輩執之未固慮其嘿制潛移又不可  
不知所擇耳君子以天下國家為心當嘿運化  
機潛培善類名不必已有也際此時勢實證實  
脩不必更立門戶恣虛譁以滋時弊蓋今之學  
可謂大明而論此學可謂太巧盛明必有大晦  
異巧必有奇窮此消息盈虛之數握機者知之  
不令其明而晦巧而窮斯得之矣若因此忌諱  
豈自成自道之學哉門下存實心敦實行是挽  
頹風可消妬口幸更以此成就後學斯文幸

尺牘 卷之九

甚天下幸甚倅旋草草附謝兼布腹心伏幾  
財譽

### 復屠長卿明府

不佞幸得與足下同第嘗過從言則願吾兄弟  
輩無負所學無負君親頃者諸君建言而鄒  
子一疏過于激切即氣未平識未甚達然語直  
節則延年諸君讓之矣弟目擊其既倘斃杖下  
弟固願從之游九原乃天幸得不死之子既成  
夜即弟又何顏立 朝次鵷鷺哉且觀此風聲

氣象深有可憂竟成心病杜門百餘日始得乞  
骸骨歸非有所託也謂心慕雲壑遠集為名高  
與為不佞名位咄嗟者固遠于名實至謂廟  
堂不可聊而之山林則吾豈敢足下知我奈何  
亦復云然乎弟生平謬思立德立功垂之不朽  
文章尚非所志富貴不足言矣今茲病卧種又  
見二毛形日衰憊精神亦漸不耐馳驅鬱上郊  
居真有不樂欲向足下聆霏譚起我沉痾且將  
豪飲招家周八公之屬一暢愁懷顧病益劇不

尺牘 卷之九

能作遠游從容圖之弟嘗喜鴟夷子房長源之  
為人勲名既就即脫屣去睠此時勢勲名非所  
期矣陵陽白龍琴高穎鯉時時招我勾漏令果  
丹砂哉幸遺數丸使脫苦海佳刻讀之令人灑  
然即青蓮當無多讓近作二章錄呈見志弟素  
不文且足下稱大雅海內無兩何敢布鼓雷門  
獨念足下奇績不可無一言紀其事勉強應命  
乃屢損幣金則愧心甚矣家母及妻兄輩俱仗  
庇粗安聞老伯母尊妙為福足下又自有承譽

可喜第不聞生兒消息每為足下關心耳使去  
草率叙衷劍合無時不盡軫結

答李季宣孝廉

燕市相逢知足下非冗客矣廣陵辱詩教至真  
州又承顧惠殷殷情深誼篤意氣寧與塵世交  
同語哉歸來便附致謝未得專候中甚媿之迺  
蒙垂念飛示佳章漢篆齊統並徵厚愛氣浮寶  
劍光燁明珠第恐郊居荒陋難以貯此奇珍耳  
初約秋中偕游黃白以暑中百務未完尚費訓

尺牘

四

應且友人謂弟以病歸即小愈亦未堪遽出僕  
意業置浮榮不為所縛安得樊籠俛首隘我天  
游擬九月終稍稍了俗務已即覓浮丘之窟登  
天都偕足下招宣平狂歌長嘯作佳會耳倘以  
八月至恐未得追隨杖履也俚言次答書扇引  
情不盡

與張周田兵憲

明公處則鳳舉出則鷹揚大丈夫當如此矣昔  
蘄陽官署得承芝宇誠服明公為天下異才迺

今醞藉益深經綸益熟九關措置嘗竊聞之至  
詞賦直接漢唐固緒餘也不佞二十年流落昨  
從數千里躡簷簷走京師上書不敢望第擬  
浪游甘肅榆林固原諸塞且將謁明公放言天  
下事得遇知己稍效其愚又或侍明公片言指  
點附聲攻玉僅慰生平已矣迺幸荷 聖明留  
直 命 不獲樞衣門下延結為勞頃者借重  
明公節鉞坐鎮江南不佞故無能面承德誨然  
福星晉臨溪山無恙父老子弟得安享太平即  
聞問篇章便翔易達亦不佞嚮所云足慰生平  
者亡何病甚乞骸骨歸計歸且從門下交驩沾  
沾自喜四月湖上園人傳明公駐秦閣遲交代  
不佞日呻吟藥裏未能遣一介近雙旌上轍積  
悃今聞從者業已渡江開府行事又未能即趨  
候台臺中賀罪歎何可言不佞曩奉大君子教  
不敢自棄嘗懷臧孫言願圖所謂不朽者于太  
上以及其次迺今幸遇主復病免不任馳驅二  
親不待風木增悲咄咄郊居顯揚無計不知大

尺牘

五



君子復何以教我玄暉太白父待仙才何日駕  
臨當勅敬亭山靈走孤雲衆鳥迎明公于九華  
之東也馳力代申儀狀別具據案潦畧伏惟財  
啓主臣

復許鰲南孝廉

歸卧郊居便多懶癖竟未起居門下反辱詒書  
誦之能愈疾矣一峰公之植綱常念庵公之脩  
性命均昭代不愧科名者僕何人斯敢希  
先哲况經綸參贊尤未易言者哉昨幸遇

尺牘

六

主矢心圖報二先生吾師之意更從此立根  
不徒自了顧蕭索難久蒲質易凋多病趣歸  
甘心泉石君恩親志兩負生平方切慙悚  
丈乃獎許太過益用汗顏矣使旋附謝不次  
伏冀鑒原

答孫子成茂才

敬亭把臂未盡欲譚私心固耿耿也辱諭請告  
與立朝不同未宜正言激怒事機交誼兩識深  
衷顧弟謂士君子以身許國即當公爾忘私臧

口保真非人臣無以有已之義江湖廊廟均切  
憂懷非以歸田遽忘國計江陵公之才識遭  
逢目所僅見人獨未有明目張膽者耳開誠論  
說庶幾有濟于時濟時則道行矣即身不見用  
何損况江陵公特此一事之失若能悔過可策  
來勲猶未可以元祐之事疑之者第一介書生  
荷聖明知遇即剖心碎首難以酬恩倘藉正  
言可回治運吾願慰矣它何恤哉度世料人竊  
嘗留意如無濟于時而徒召甌于已弟亦未敢  
不為天下愛此生也感足下雅情謹此附謝專  
翁老伯潛德流光人人頌報雖懷高尚勿慕浮  
榮而藉茲表俗實邑侯盛舉令孀孀節聞亦舉  
行弟當為言之督學止臨郡然乎時屆新秋同  
王師及諸知己過郊園心話一二日亦大可喜  
事南薰解愠荷芰生香滿目溪山足供笑語閑  
門誦讀或滯生機盤礴常羊反能發逸興助雄  
文也何如何如

復孫弘字茂才

督學使者發新安時得一把臂論心嗣是弟卧  
郊園足下亦歸僊里竟月餘不通聞問耿耿何  
如應訓旁午寔為困頓足下惓惓手諭感切肺  
衷第弟雅好客即病諸過從者誼不能辭且先  
大夫之門生故吏間來自千里何忍絕之弟寧  
無長慮殊難緊避耳有田十頃不必益業儉以  
養庶可以足用有子二人不必加勝靜以養德  
可以延年顧復為逐逐富貴從欲計哉泉石之  
好業已成癖敬謝從者容才之度慷慨之節譽  
我過情而知人之明從容之慮第真愧之不敢  
不勉山中靜養業諒日新仁心實行天意所鍾  
則百斯男據理可卜居易俟之郊園春色種種  
撩人蒙許回車懸榻以待

答俞震澤

不佞即儒生然喜扼腕談天下士聞公名謂當  
世所稱英雄等耳病乞青山艤舟淮水辱公傳  
呼顧我倚檣一視意氣如故交疊疊雄譚足投  
肝膽才名不虛大矣不佞幸託交左右深慰生

平恨挂帆草草未得盡領經濟弘猷不勝馳  
戀歸卧郊居杜門掃軌媿未顯人申侯乃蒙  
惠詒遠及翰諭肫肫情浮言外媿交誼矣勞使  
走千里而遠且適不佞百冗蠅集遂稽旬餘意  
稍暇盡言請政而逐逐應酬竟無息肩期也乃  
潦畧復命容更覓便布區區耳薄物另陳諸惟  
心照

與丁右武司法

弟與丈遇於燕時吾兩人並落魄意固相得甚  
驩也乃竟同榜為兄弟幾天合矣茲讀書中秘  
又苦應訓不得昕夕聆高論及丈受官出春明  
門則又悔恨未嘗棄它事請益身心然臨岐數  
語旨哉固資之吾生不窮者敢不日三復祇若  
深思以求弗愧惟是愁心病骨不解依違疏乞  
青山自甘窳些特君恩未報無計顯揚言之  
慙汗耳丈維時以道總吏于儒實用實功仁流  
海上視區區焉者其登巖下瞰哉敝鄉湯丞使  
便附此起居千里相望片言金石



與周海門主事

龍江片晌晤言即歲餘尚宛然望光霽聆金玉音也兩寄八行以隔江未達乃辱遠使下問郊居惠之腆貺感藉何勝弟不佞疎直無它腸又不善逢諛察言色為語嘿人多以狂奴薄視之獨二三兄弟原心畧迹私厚不佞而丈更以臭味相投契愛獨至此其感真切肺腑衷矣丈金山玉海芝彩鸞章介石比操澄江同潤兼之樂善好脩進何可量猶然虛已下及芻蕘不佞弟誠心服焉豈能有所裨于左右惟願丈以天下萬世為志毋屑屑于一時耳弟偃卧山中杜門謝客絕不聞人間事所諭真骨肉之教謹用銘心開之體何似丈得留連旬日弟顧渴思不得一晤也燕磯之約未卜何期尤為耿耿俾旋附謝諸惟財譽不周

復魯健齋明府

日耳丈政聲沾沾喜甚頃便候尺一殊媿潦草乃辱厚酬情敦辭盛感悚何如弟病懶日深甘

心丘壑經綸事業仗諸公為之名為造物所忌即寔稱亦浮漚眎之況聲聞過情耶執影附聲多失情寔在人士浮慕者若相傳以為名高耳煩劇不足以累弘才但恐一起厭心益為煩困隨時執機以運之事將次第舉矣此固丈素裕者弟言無能加益也使旋附謝諸不盡言

與張麗江

不佞弟別丈十年所矣幸博一第意得附致青雲未幾疏乞骸骨無由執鞭遙望匡廬殷殷神往丈為遷客諒詞賦日益工亡論一篋謗書年來漸白而名山吏隱主恩故已深哉且得王麟洲先生輩上下交成相得驩甚文章政事日益有聲知丈宦情當不自苦獨弟病渴文園何時得侍丈游登瀑布峰索仙人沆瀣瓢清我病骨也獄吏侯生便附起居摠案不盡縷衷伏幾高明財幸

與蘇懷愚明府

吾同榜兄弟固多賢哉乃若老成練達稱濟世

才則皆三舍讓門下矣不佞弟身兄事之心師  
事之每思步趨令德而未能也燕臺半載即兄  
兄未能日聆教言然一望光風輒令人心醉春  
明分手目極長雲未幾病乞青山郊居擬賦杜  
門謝客一歲于茲水隔雙魚未申問候乃辱翰  
儀先施倍增感悚廬陵劇邑小試牛刀諒游刃  
有餘地者實心實政仁言仁聲文並得之不佞  
弟何能贊一辭無已則惟宜土俗合人情乎弟  
非敢謂丈有關失亦非敢以務外之言進蓋以

東坡先生集卷之九

十一

今之守令多刻核為名高不暇同民好惡昔子  
張問達孔子不獨告之質直好義而又益以察  
言觀色慮以下人師務外人也而孔子惓惓於  
言於色於人豈更求之外哉此可知人已內外  
之當一視矣昨猗猗侯生人行擬脩啟附布腹  
心而楊使持尊札適至遂草草報謝據床揮汗  
不盡縷私遙望匡廬可勝瞻翹

答殷無美孝廉

僕歸益志在五湖乃歲餘不出游則病肺未痊

耳今春強起將訪足下謁王元美先生復以浮  
言杜門姑寢遠出之念洞庭山靈得無笑我然  
孤雲衆鳥不厭相看敬亭固足以自樂也僕生  
四十一年矣一當世用敢誣已無是心哉顧英  
才濟濟一病休文何足與譚經濟即懷經濟空  
言無益于時先時而譚人以為迂後時而抹機  
會已左哀謝以及大都當世士安于積薪而  
憚于徙薪以趨承見所長者謂之德器以謙嘿  
藏所短者謂之知幾彌縫苟且其殆安所稅駕

東坡先生集卷之九

十三

邪僕自惟此後復能得四十一歲乎功名終朽  
富貴何為歸來歛精蓄神絕意外好即詩文僅  
僅應酬不以近名為念心知過訪始一具飲食  
然亦勿染愛離若浮慕來者一切謝之知雄守  
雌玄同可學向所謂痛哭流涕長太息者不足  
滿一笑也千里命駕深荷高情病阻鵠茲豈彼  
蒼有意令吾二三兄弟不偕笑語王同伯顧茂  
險張仲立諸丈故僕願締交者計今赴試陪都  
不知何時能一握手耳尊恙已幸即過我郊居



郊居頗閒寂堪譚心事也使者告旋立候作書  
據案炒炒佳章未卒業不敢虛作諛言然誦二  
三章便令心快至寄僕七言尤工媿不敢當耳  
尊賜拜領王元美先生不敢率爾具啓容別候  
屠長卿汪子建書並乞轉致不一

與李塏村

小力旋辱翰賜何生至復荷惠存翁之垂愛厚  
矣顧鄙人奚以訓明德哉竊聞之友重三益道  
貴知幾今之為軟美可喜者門下當不少亦有

凡清卷之九

十四

直諒多聞先時而計者乎古之人處盈盛而戒  
防淫也翁當世人豪固未必縱心富貴倘云人  
生行樂得無忘兢業之思乎願門下深惟天地  
專一翕聚之機默持消息盈虛之柄歛精定志  
戒聲樂罷佚游以培福壽以訓子孫令百世而  
下稱李次公為賢詰較疲神雜好以快一時所  
得不既多乎不佞誼忝通家且承垂愛惓惓無  
已故敢以忠言進幸勿罪為迂譚老相公華誕  
不佞不能躬祝謹以俚言薄幣見意乞命使引

致之別具一片納諸左右凍雲宿樹相望依然  
幸惠德音以蘇積鬱

復耿楚侗翁

三復手札及誦與張陽和公書知老師志在天下  
萬世彼潔身全名未融形迹者真淺夫也愧矣  
愧矣至誦寄貴鄉同志柬為近翁老師洒淚又  
論為生死志仙佛無益也老師教不肖何至哉  
稻君八年執政天下賴之不救言者大失人望  
意見取同而順適已意者日見親用少規諫未

凡清卷之九

十五

克猜疑而承望風旨者又日益深刻也此可憂  
耳陸廷尉李司空相繼謝病張鄧二太史恐亦  
難為力也令第三臺先生不得請便宜隨寓而  
安老師在外猶可自行其志不必起他念且相  
君重世所歸賢者是猶扶植善類之一機也拂  
其意益堅其猜忌之心矣惟老師識之二魯丈  
有帷幄之感頃得書情甚苦顧自苦無如命何  
一毫怨尤即為古豪傑所笑矣想老師亦嘗詒  
書解之也後子感老師問及力不能作楚游奈

何

復劉小魯廷尉

不佞即僻處敬亭然聞楚名賢有小魯公父矣  
孫子剛過宛上則又道明公動定甚詳百行從  
心一真動物如瑞芝生滿廬次則孝思篤至固  
上格玄穹下通厚地明公真天下師表哉不佞  
枕庸庸無足比數然景行賢哲實出肺衷願步  
步趨趨永言私淑門下讀禮數年海內罔不引  
領望明公登廊廟展經綸弘功業非私也方今  
時明主聖政大有為之會文筆札武干戈直  
諒精勤濟濟多士至靜樸元化動握神機道運  
謀猷功深調燮則非明公不可伏惟明公自愛  
天下幸甚青山病骨寂寞自甘左辱教言敬謝  
從者據案草率布衷伏乞高明財登

答屠長卿

擬春莫赴開之西湖之約當共開之候高齋數  
日嘯歌舒我蘊結奈彼蒼妬勝會令長女殤方  
謀歸塋慘痛終日且冗劇不能遂初心矣不佞

第戊寅夏首歸卧敬亭藥裹困百二十日始見  
賓客游士多浮慕而來贐之厚則力有未能薄  
則唇稽而腹誹反滋多口別時又多索薦書不  
與則色怒而去且以已意飾浮言致傷大體以  
故弟每辭病不見惟故友及知己先之者留郊  
居一款語耳孤雲閒往閒來差自適志顧宗族  
親友視不佞第若萬石家每每以義責望弟第  
雅好急人嘗勉應之又不欲苟取傷廉故多窘  
薄田十頃成巨浸居十之八稍稍謝不給則謂  
弟變故常矣兩年來布衣蔬食人漸信之不復  
過責而夙逋輸子錢歲三百金不敢失約所入  
之租不及半而用復倍此亦未免累心不佞第  
烏稱豪矣經春風雨寂莫柴荆骨肉慘傷情況  
殊惡足下乃謂弟不失逍遙或未悉弟行藏邪  
足下為令勞萬民良苦然滿縣花繁士民同樂  
上奉太夫人稱觴為壽而嫂氏且如鼓瑟琴天  
倫至樂不易三公且諸詞客迭奏易春和詞飛  
羽視弟蓋逕庭矣開之留齋頭當有新裁獨恨



第不能共事足下能無意乎孟孺欽之並稱佳士孟孺樂府擅場而人疑落魄欽之涉世高論而詞賦少讓徐君弟竊意其為人若此高明謂何辱二君意氣翩翩詒書蓬翟感篆實深報二君有尺牘有詩二君當示足下不璫璫呈瀆管夫人畫蘭大是佳品置之小室日玩之佩尊惠矣徧索篋中無可奉報容另圖致區區耳

答彭欽之茂才

不佞移疾歸敬亭卧兩改歲矣而不能一出游

尺牘未奉之九

十九

交賢豪士乃勞足下先施不佞主臣不佞何敢稱才顧生平意氣頗見喜于諸豪俠乃今病且憊幽憂寂莫意氣索然宜為賢豪所笑而足下顧獨投交且擬之韓荆州願識之至封萬戶侯不易也不佞主臣不佞何敢當此夫太上立德其次立功其次立言不佞嘗志欲有所立矣而四十餘年生同草木特受知聖主未報涓埃是負天子西北虜酋東南漕賦祖宗微意營衛隱憂惟此時當變更之會酌量機宜未易

以圖過時則敝而不能乘勢建久安之策坐失事機是負平生天祿石渠優游閒雅可以避世可脩大業策不刊而不佞湯賦郊居隱淪泉石是負科名歸來辱諸賢豪詒書期以經世之勲而不佞懶癖日深無能為役又或期以脩辭之業而亦以懶廢即答書答寄懷諸什亦僅草草不欲苦思不能與諸社長左提右挈登壇樹幟圖身後名是負良友即今鶯花在眼山水可親而不佞日閑柴荆坐縈孤悶天殽未解益以骨肉慘傷片語無成一身如寄是負春光嗟嗟沈生愧初志矣足下何取于不佞哉惟是廷韓過許長卿暱交足下復信耳遂令明珠投暗然不佞方因長夜望見明珠驚喜不任何敢按劍也讀足下近體二章或未盡所長讀木几兄譚意弘遠精深當常置案頭自勗彼蔡邕之寶論衡視足下所著何如哉曹使至適羈山中為亡女卜塋趣歸率爾附報不盡言

答徐孟孺茂才

嚮者得長卿明府蒞謂足下欲顧不佞不佞喜  
座上客得孺子謹下榻俟之任之至乃知足下  
以母夫人尊恙中輟既感足下存念又恨足下  
不一訪敬亭令孤云宋莫已又念足下以母夫  
人疾從醫師問湯藥情苦甚孝思可則也即未  
握手足下然足下真可稱吾友矣年來抱幽憂  
之疾未能一拂眉山水間與諸賢豪相倡和習  
懶且成性而筆札尤疎未嘗申尺素于左右足  
下不鄙遺不佞又不罪簡亢而誼重先施詞盛

尺牘卷之九

二十

幣腆媿心欲死不佞生來落魄恥近名僻處雙  
溪寡良朋之益無片長可受知于世甫通藉可  
避世金馬門自全其愚而偶以狗馬病請歸歸  
則日卧郊園兀然甕牖進之無以報 君親之  
恩而退之無能脩青山之業自分隸落等耳足  
下奚取于不佞哉惟是殷無美莫廷韓長卿明  
府過為游揚得辱交足下甚幸且懼倘無能樹  
立不將詒足下羞為諸君知人之累乎頃擬魚  
服赴開之武林之約或偕詣清溪從足下一嘯

詩破我孤悶不幸天刑之人會長女殤慘痛中  
無心及此風雨經旬柴荆獨掩遙瞻雲樹悵矣  
神飛足下博雅而長于詞昔曾讀所為古樂府  
即深義多未解而渾雄工麗有目者共識之五  
七言絕句寄到即挑燈卒業并玩扇頭二章並  
臻佳境至族譜之作益稔孝思徐相公云觀其  
守可以知義觀其重祀可以知仁觀其行于家  
可以知其施于國知言哉湯次一章奉報即書  
素統方入山中卜葬亡女而曹使來乃趣歸草  
草附荅不佞亦雅稱有情癡手足下書所述生  
平種種同調情益馳結足下矣足下倘然命駕  
登敬亭呼玄暉太白一醉憑虛閣庶兩癡不負  
交情耳日望之

尺牘卷之九

廿一

### 荅莫廷韓茂才

一別七年無由再晤即尺素亦竟浮沉人生聚  
首足稱難矣然不意仲淹音問一疎至此也足  
下為江左奇英四十不第不佞百不及一乃竊  
科名真可媿心顧足下可垂之百世者自在也



不佞弟甫通籍遽以病歸其中大多委折非面  
譚不悉世受國恩涓埃未效生平自許謏無  
建明而幽憂之疾竟成棄人良可忤悒郊園索  
莫終歲呻吟初還尚有交游徂春遂多謝絕孤  
雲自狎世務不關懶已性成何能再出伏承明  
諭足仍心知擬二月游黃白即從武林約開之  
烟霞石室間魚服訪長卿于青溪與諸賢豪望  
海上蓬山謁王先生以還彼蒼見妬風雨經春  
忽三月長女以危疾問醫竟不起慘痛欲死遂  
負初心誦足下所詒書知亦喪佳兒為情良苦  
尊翁先生抱疴當以孫故足下能不失湖上袂  
襖之期乎當掃室俟之閒閒之近于二氏著力  
果然乎否弟亦雅服此兄高明而慮其終趨小  
徑欲一訪之方以亡女卜葬縈心不暇及此耳  
曹使告旋草草附報不盡相思

寄張伯起孝廉

足下竟不赴春官耶不事王侯高尚其事得此  
占矣顧不知雄心果能自戢否不佞弟病歸歸

益病家姊小女又皆病病者數人且經歲情況  
甚惡弟今仗庇能強起登山而家人呻吟之聲  
尤未絕耳即欲約足下游五湖終以此羈紲  
未能自脫也徂歲歲凶鄉多盜入城又多俗冗  
常郊居間一入城未有不疲神而反宗族姻戚  
多厚望于弟而弟力又不足以應諸求者欲苟  
取一芥死不能也無以謝人人且不信援義責  
我謂我若變常度然以故常避人郊居免責乃  
生平好游而今兀坐一室戀戀見女子弟也媿  
英雄矣足下仰奉母氏承歡而鳳雛又日翩翩  
異凡子知足下樂甚何從一對酌聞高論開我  
塵襟也臨書神往

寄張幼于

不佞歸郊居且兩年病懶杜門久疎廢人間事  
未嘗一遣候足下兄弟徂秋勞足下使問歸迫  
僅據案草報章發行意不旬日當走信謝足下  
不謂馮夷肆虐環郊居皆巨浸墻傾屋摧從者  
舉疲于遷徙而家姊小女並構危疴百憂集焉

乃一遲至此罪當請荆矣讀足下所為五言詩  
及太學賦可應漢弘詞科屢試不第豈工鼓瑟  
而不投好竿者耶不佞竊謂明制以文論表  
策取士士即當以此為羔雉不脩本業一意衡  
古即英雄無以自進古所云天下士豈獨高詞  
賦哉太上立德其次立功其次立言言固難與  
功德爭上也立德無事制矣至功非遵制莫能  
有所建立士奈何未視時製邪且不佞觀今之  
詞賦家輒自處作者薄待當世即李于麟王元  
美汪伯玉輩猶曰姑舍是吾不知其所負真有  
過于諸名公而不揚揚訑訑志趣可知矣藉令  
所負過諸名公而以文藝驕人較彼以富貴驕  
人者吾不敢謂其有差等也彼富貴驕人人皆  
賤之此獨足貴乎頃者譚學滿天下言高而行  
卑風稍變矣而譚藝滿天下亦言高而行卑恃  
足下二三兄弟能維持世道耳不佞病稍間然  
尚未能移棹太湖約足下登洞庭望東海蓋有  
待也先此申候不盡不盡

寄管登之觀察

都門從足下集元宰開之二三兄弟聞所未聞  
誼且篤甚未幾弟移疾歸足下外補元宰奉使  
而開之亦請告矣雲萍聚散寧有常哉恃此心  
恒不二耳足下大疏不至得罪幸矣遷嶺南後  
憂上疏得無犯多言數窮之戒乎初謂足下即  
桂冠或不獲遂今聞翩然歸矣五湖烟水春色  
秋光無所不適顧不知足下雄心能自冷否弟  
歸來終歲杜門應酬都廢常郊居間一入城入  
城輒多病去年數百畝皆成巨浸八口無資而  
宗族親友又多挾義厚望于弟無以謝人常鬱  
鬱不樂家姊小女且並構危疾牽係不得出游  
遙望洞庭栩栩神往矣足下居家何為能訪弟  
敬亭乎當為足下呼玄暉太白浮大白共衆鳥  
孤雲一醉爾元宰有帷幄之感情苦甚聞欲乞  
歸開之居武林不歸就李情亦苦難語人也弟  
將訪之烟霞石屋間趣其仍家就李慰乃公心  
以莫春相期儻足下比過湖上得一聚首論心



亦大快也老伯母萬福令子輩亡恙併訊縷縷  
不盡容面陳

復張岱與太史

都門共事承明情同骨肉高軒適楚弟政在告  
會左班荆尋舟子東歸則吳楚各天鱗鴻未便  
缺然聞問詹遡可知以弟筮受師恩報宜國士  
而雙旌已北想結瀛洲乃下部沈疴既收且臚  
已無出山之念詒書報至敬謝注存儻不即填  
溝壑猶得歌咏太平仰瞻弘業耳伏枕草勒布  
衣是在高明財幸

尺牘卷之九

其六

郊居遺稿卷之十

宣城 沈懋學君典 著

溫陵 何喬遠穉孝 校

姪 沈有嚴

沈有容

男 沈有則 輯

尺牘

與周元孚民部

宣城尉舍人子行魯附尺書報佳章之賜嗣聞

尺牘卷之十

足下駐清原方欲覓鯉魚申候起居而朝禮名  
山遂淹黃白及四月終歸則尊札又先至矣念  
足下不忘第第亦殷殷難忘足下此其故若有  
宰之者吾兩人所未解也計簿附尊名此亦常  
事何怪焉榮枯蕉鹿得失黃梁升沉蝴蝶總之  
與我無與細讀來札似為佳保不平足下過矣  
夫賈生通達國體讀其策至今猶惺然慕之以  
彼其才識足以幹旋造化勅造漢家而文帝病  
其稍輕出為主傳惟賈生不知帝意卒至悵悵

無聊以死而主恩則已深矣足下今日之事焉  
知非主恩哉願動心忍性增益不能天生足  
下當不終令其無用于時也裁書叙心臨風殞  
涕

答唐極齋

別且隔三時矣不佞偃卧郊園將自適其適不  
幸天刑之令長女殤觸目痛心幾成狂疾且諸  
弟與鄉鄰構爭大戕和氣與聞召毀坐眛不情  
遂託之天目因泛小刀泊西湖上登兩高峯望

東海十洲歷歷幾欲從赤松子游矣雨甚趣還

還則舊業東田盡為商羊所據流亡滿眼攘奪  
漸興即郡邑加意救荒而事多掣肘人和未集  
積貯且虛鵲鵲一枝巢棲未穩不知作何究竟  
耳足下兩歲無秋與不佞同病而事之難于部  
署復倍之不佞故不問家人生產尤為足下不  
憂矣往常資之稱貸出入無經今以告人無  
應之者八口嗷嗷莫知為計况足下一寒至此  
乎不佞山林骨相無意雲霄時事雖隱懷而

忠謀難入且以磨兜堅自警願效金人烟霞竟  
爾驚心何論它事年逾強仕尺寸無期日惟香  
爐茗碗坐作蠹魚狐劍勲名五湖踪跡何足辱  
諸君垂訊至云誠與才合豈足下亦不知故人  
將軟美意沈即乎長兒文每出新語次兒已就  
外傳日可誦數百言禮度雍穆間作成人語差  
散人懷頃接賢郎手神日上甚為足下喜之鄧  
將軍者豫章人力能舉大刀衝敵不避危險蓋  
勇士也不佞東行不入城不會公府諸同籍物  
色者逃去獨將軍以開之密約單舸索會得與  
把酒盡驩足下何從聞其人乎經義玩未完以  
春莫痛亡女故授之家僮忘所在計藏群籍中  
卒難檢奉幸稍寬之平頭報命篝燈捉筆草草  
不知所云

復丁海陽

不佞友稱廣交矣可語心曲者不數人也至準  
之道誼約之性情期之經綸化育惟公一人而  
已諄諄之教謹銘胸臆不佞從諸大臣百執事



周還竊嘗謂張江陵公足擔當天下車而江陵  
以才憐不佞又以子同年故甚相敬愛敢不以  
忠孝相期忍負知己屬者奪情上意誠諄切  
不容辭而不佞固懇其一行語其子太史者再  
而太史不報同館君子諷不佞曰惜時無羅一  
峰者不佞應之曰一峰誠足稱直道哉第時事  
微有不同唯晉京守制之疏稍欠次第耳得臺  
省一人言之足矣似可無煩館史也諷者唯唯  
別去數日臺省交章保晉諷者曰前望臺省足

不續卷之十

四

音而今顧如是天子留矣何保為於是奮疏  
論臺省逢迎將貽患干國又數日并刑曹三  
君付廷杖江陵不力救且詈為狂童為讐黨  
為險邪不佞竊慮此言一倡阿諛者庸直言者  
斥為萬世憂亟擬一疏抹之抹諸君成江陵也  
會二三座師謂諸君既杖無益于事阻不得上  
憂鬱成疴遂乞骸骨歸先是謁李司徒遇臺中  
君示以留疏不佞堅謂其不可上一書李司徒  
止之不果所請及聞疏益疑而浮言日蜂起矣

頃吳生被逮當道且深求之而復有宵人者中  
于江陵謂不佞煉丁甲劍術于名山中未識其  
意何居不佞寔有戒心數月坐卧一小榻未嘗  
出門人果以調停衽席周旋世情眎我我甘心  
受之而公顧不欲耶春初以來凡過從者皆以  
病謝弗見頗多閒適公能命駕當聯床請玄旨  
以保餘生伏惟矜其不能而終誨之幸甚

### 與屠長卿

頃得拜太夫人撫弄快婿復聆肝鬲語殊足賞

不續卷之十

五

心足下處事師真力脩大道百凡亦自恬淡和  
平足徵精進微聞冠蓋之間猶有後言豈至誠  
終不能動物耶抑足下功多為已不欲合時耶  
吾儒之所謂達不獨質直好義而必察言觀色  
慮以下人其用心亦甚密矣且機緣未至尚當  
混俗和光不宜任情以階怨惡足下聰明絕世  
而又以道為飯豈宜有此顧弟休戚相關為足  
下慮或者一意抱朴守真日默眼前光景將不  
覺與世相違耳惟足下深思之幸甚弟過惠山

嘗邀以德丈一晤而別甚暢也抵舍來亡恙蒙  
許大士像未携歸師札併乞見還冗中草草

### 復丁右武司法

足下文章節義國士無雙不佞弟甲戌邂逅中  
已投分左右而丁丑得同遇主則忱所謂天合  
非人謀也連檣燕市冗困不及把手為驩未幾  
足下司理漳州而不佞弟亦以病罷開之元季  
登之又各散去感今念昔黯矣銷魂弟荷主  
恩即致身何能報稱顧伏枕青山已成懶癖行

尺牘

六

藏有數未敢違心尚難遽承尊命若足下平反  
實政隨事効忠固無所事奇亦無所事隱且聞  
耿師相得驩甚當日進之閔顏不獨以文章節  
義自命尤不佞弟所欣慕焉何時而承道論啓  
我迷途極目雲山不勝莞結弟歸來已餘三歲  
杜門湖上日狎孤雲昨始為開之約歷天目登  
兩高峰游六橋三竺從太湖買舟而還觀人情  
險譎復卧郊居未敢輕出長卿令青溪汝虞令  
漳浦政事卓然可紀並稱神君洵大可喜昨過

武林諸郡邑皆潛跡獨不能遊青浦令摸索乃  
為留二日今可無議獨稍稍任情不得諸巨室  
心諸巨室心故難得奈何以長卿當之也天下  
事惟懼則慎慎則不敢任情而裁之以理足下  
謂廩廩自懼得之矣今之賢者多執義為可徑  
行而不知濟以禮遜信固聖賢制事定矩也惟  
足下精進百尺竿頭為天下全人不勝大願世  
人皮相不足多尤獨求此中無愧耳矣汝虞丈  
不獨締好長安道中蓋往年從宛中識面尚在  
與足下投分前也尺牘附函中轉致之使旋揮  
汗草此所詒過腆然知己之惠敢不拜嘉謹稽  
首謝使者別幅再布腹心願足下教之不盡不  
盡

### 報京中諸同年

不佞弟歸卧青山今且四載竟未通尺書聞問  
足下詎敢一日忘霄漢故人敬亭獨坐日狎孤  
雲遂成懶漫且計故人能諒我於形骸之外也  
時明主聖講藝脩文從諸君子圖策不刊固



千載盛事况家慈未膺 封典每用歎中大計  
時告期已滿遙聞多口遂爾逡巡事定後亦思  
一出以報 君親而瘍發于臙若示之罰遷延  
兩月卒未能行乃罷出山之念長林豐草鹿豕  
偕游歌詠昇平仰瞻大業或出或處不媿同心  
蘭臭嘉言願乘風便片鴻遙度神與俱飛矣

祭文

祭宛溪老伯文

嗟乎公沒期矣公不沒千載庶幾矣乃其等為

祭文 卷之十

公悲且哀常恍然如有所失其等心知之難語  
人故也公與先大夫常同為博士弟子同舉于  
鄉同官臺省于燕先大夫桂冠歸未幾公亦歸  
居同里出同遊飲同席同主盟多志同道同  
相規切同獨形兩耳先大夫子視公之子而公  
亦子視其等其等以它故往則已不則無日不  
侍公側疑則解憤則怨悱則發憂則遺之安失  
則廸之正暇則携尊酒看花問竹登閣賦詩間  
引古今名儒杰士示之法程蓋舉措皆經綸嘆

譚皆子史步趨皆矩矱維持左右皆生成而某  
等之事公也無父師矣迨先大夫棄諸孤而公  
撫摩益至其等即不幸無怙尤幸有公為之依  
皈也公碩復棄其等何之耶方某博一第公詒  
書寡交游簡宴會崇儉約數語深切事情而悵  
別悲時言言肝鬲及其辭公而北公又舉觴觴  
其贈之行時公固無恙也其等南望依然意歸  
泮伏謁公床下慙慙道離愁聆教戒載酒問奇  
如昔而公顧遽以疾報不起矣嗟嗟公道德功業

祭文 卷之十

文章正論世藉以維鄉邦藉以重董董其等二  
三猶子之父師公也何可一日無哉而公碩棄  
其等何之也其等升詒穀之堂恍若公之曳杖  
而吟也而蒿里歌聲殘矣入滄洲之圃恍若公  
之携侶而遊也而白馬賓從散矣登天遠之閣  
恍若公之凭欄而嘯也而山陽短笛哀矣即公  
千載而下有不沒者在而亦安得如疇昔之奉  
父師而周旋也嚮也悲先大夫而慰一見于公  
今也思公之不可見而益悲見先大夫之無從

況某等視公二子之榮榮不啻痛苦之在躬也而又安能已於憂心之冲冲某等之蘊結難以語人者敢陳薄奠而一告于公公故愛某等猶子也尚其默鑒而潛通也哉

書院祭宛溪公文

嗚呼世復有言準動繩方嚴正直如公者耶鴻才淵識明通敏練如公者耶匠史宗經博綜醞藉如公者耶公為諸生時輒留心經濟及第進士用之皆素裕者若司理若給諫若守牧若備

兵若督學叅知隨試輒起大名用未竟以母老乞歸歸則日與諸後進論文講德疊疊不休偕受軒貢公古林沈公並主盟志學書院諸後進集堂下常數十人皆嚴憚公公每發言悉中肯綮醒精神徹肺肝令人傾服晚造詣益純與人益和適諸後進常執經辨惑載酒問奇日聞所未聞君子謂公用雖未竟而為政于家為德于鄉猶用也而公亦自忘其身之不用于天下矣迨二公相繼沒公益孤肩道益力諸後進惟公

是式而天不憖遺一老吾輩將誰依耶嗟乎山頽川涸隕乎改觀旁人之相與指而追其高且深者尚興慨未已也況仰止而飲流者哉公沒至今越一年所矣曩會如期輒至有問輒盡言乃今歲不一至欲傾耳片言而不可得聞也如之何其不悲耶靈輅在駕永隔幽明椒漿一奠與涕俱零嗚呼痛哉尚饗

祭貢受軒先生文

惟公誕會純德秀稟元精垂髫穎異銳志文明屬詞比事匠史宗經風搖雲起玉璞金鏗出入孫吳縱橫佛老志遠維飛才高鳳藻詞賦旁搜經綸深討白璧難酬明珠空抱下惟發奮摘實探幽思樹後軌仰止前修浮華勿取詭遇還羞約身古道邁品時流漁洛窮源上通洙泗先覺是師良知自致時繹新功日思微義似蘭斯馨如利斯嗜處士橫議競尚玄虛爰端型軌尺步繩趨倡聖人學為君子儒門多高第朋至斯乎竟蹶賢科尚賓觀國射策明廷金臺動色振鐸



匡廬弘開道域桃李春風郁然榮植化行白鹿  
官冷青氈侶携孤鶴庭有三鱣橫經楚水雅思  
翩翩口碑誦德薦刻徵賢視篆未幾利興弊革  
境轉絃歌蔭垂棠澤士服其程民遵其業滿縣  
栽花兩岐秀麥尋遷曹監益起聲華壁池玉潤  
碣石天葩受知政府五馬開衙東平借冠皂蓋  
飛霞游又凋殘盤根煩劇郵駟均勞隸胥消蠹  
保甲常平既安且富合浦明珠高齋歛霧爰修  
文教鄒魯風旋基年奏績月朔朝天送歌庶禱  
系文卷之十

納旭隋掌銷璣周閑老駟梁木既壞壑舟乃藏  
儒林落日執苑摧芒風烟慘澹雨露淒涼歌傳  
蒿里笛感山陽計聞于燕骨驚心折白馬空悲  
素車永訣宿莽凝眸青松閼宅嶂迴魂搖江寒  
淚結春愁夢奠夏泣焚芝守官在遠久缺陳詞  
秋迴北鴈寄此哀私明靈如在庶幾來斯嗚呼  
痛哉尚饗

祭楊妹夫文

人皆謂天道有知何獨于吾兄無知耶人皆謂  
天心至仁何獨于吾兄不仁耶吾兄生而多疾  
尊人托之先大人遂于都門聘吾妹為兄室長  
而疾久不痊尊人且捐館兄之母屬姻戚將議  
改婚吾妹謂業已許楊誓不復改歲丁巳兄成  
婚禮相敬如賓以多疾故廢應酬兀坐一室餘  
二十年吾妹舉案惟謹即百用不給每脫簪珥  
佐藥裹資意終其身艱苦事之不恤也胡天不  
憖遺一病夫耶嗟嗟今來古往人誰不亡顧吾  
兄生而病病而死死而無後令吾妹形影相弔

稱未亡人弱女單孫旁宗未立天乎兄何可遽  
亡耶兄亡在丁丑十一月時某方承乏詞林某  
尚游燕未返歿不視歛喪不視事祭不視品獨  
吾妹桔据辦祔身祔棺之具即竭心神亦草草  
矣天之虐兄何至此極耶即兄之受于天者固  
甚薄而吾妹之至誠積苦天宜鑒之天果有知  
耶無知耶仁耶不仁耶吾妹廢宅業為兄卜居  
于姑山之西置宅一區田數十畝思終焉合塋  
常周旋于兄側當以其宅具祠田具祭兄即抱  
疾而沒固可瞑目九京矣丹旌載揚靈輜欲發  
薄陳一奠用薦幽明慘淡風烟悽涼霜月泣淚  
長號骨驚心折嗚呼哀哉尚饗

誌銘

明刑部觀政進士伍蓋吾先生墓誌銘  
萬曆五年丁丑三月沈子某同伍進士蓋吾君  
登第越一月而進士君卒時同年具區馮子夢  
頑健齋曾子乾亨義巖甘子雨南阜鄒子元標  
治喪事沈子往哭之許為誌又一月而進士君

輿視還又三月進士君子承慰當書以孝廉旋  
字劉子元卿狀屬甘子乞誌銘沈子悲進士君  
賢而天且業已心許不忍辭乃誌之按狀進士  
君伍姓名惟忠字效之蓋吾其別號也伍氏家  
世荷溪為安福著族成進士十三人里選幾三  
十人以忠孝褒表起且名宦鄉賢者後先相望  
君高祖休祥封刑部員外郎體祥生希魚贈知  
州希魚生箕登正德辛未進士累官山西按察  
使箕生仲生補邑弟子員仲生娶尚書劉文懿  
公孫女生三子長惟仁少惟烈君中子母劉氏  
孕君有奇夢見時即敦敏有大人志長耻放蕩  
澆漓之習思挽俗以躬心行兩符不設城府而  
沉潛鎮靜裊身肅然與人交必致其情久而不  
懈故不作譁浪語鄉人或交嗤焉漸信其無偽  
皆傾服達者由此知君為端人深器重之其族  
大尹公晉壇以文名奇君文曰是吾家千里駒  
也州守公九亭以行誼名奇君行曰是能紹先  
輩事業者邑令胡君蓮渠陳君寅齋兩君子重



許可人皆賢君君生平足賢匪直以文藝見也  
吉安故多賢而安福尤以正學著首君惓惓講  
德問業不少休師事文莊鄒先生三五劉先生  
念菴羅先生究陽明王先生良知之旨而實致  
之不為虛語若慎所傳君應禎聚所鄒君德涵  
畏所劉君臺京所劉君以中教所彭君洛四山  
鄒君德溥輩皆兄事之嘗率家之子弟月作德  
業會推九亭公主之又時會舉子業親甲乙其  
文即獎掖中數語之德業曰讀書獨博一第耶

誌銘卷之十

十六

邑人士多從君遊如劉孝廉伯仲蓋其高第第  
子云傳經時私相期許不為富貴謀門人有不  
就繩墨者動舉盧駱王楊為戒意懇語嚴聞者  
愧汗凡所用不敢自是必動咨詢雖弟子輩所  
陳說當其秉輶自引過且揚詡示樂善意無沮  
人言亡論德義切磋即舉子業亦不厭數易草  
其虛懷惟日不足類如此性尤孝友父死哀毀  
骨立喪不越禮父嗜飴君遂罷食飴嘗講魯論  
至父母之年不可不知輒悲咽不自禁弟子為

之廢卷母劉稱未亡人志茹苦君將順周旋曲  
申中結兄弟友愛甚篤憂喜同之既析產庶弟  
生君撫恤至誠欲以私產相遜而弟竟殤不果  
隆慶庚午君以春秋魁鄉闈與劉子同榜故登  
科例建坊郡邑衆將謀諸當道君語劉子曰古  
稱不朽謂是耶且第令科建一坊郡邑寧有隙  
地往予目擊權貴家毀兩廨舍益所建坊址毀  
舍者道哭而徙私心悼之吾輩幸舉于鄉即不  
能福業梓奈何效彼為事雖竟不能寢然人多

誌銘卷之十

十七

建君言比歸為文告祖父慷慨以王曾范仲淹  
自期士林傳誦嘗有誓書之恥士氣日卑不一  
刺于執政執政心重之又曰士欲自守其本在  
淡薄故布衣粗糲不逐華靡至族人之貧者縮  
費相周無難色昔游螺川同舟人被酒遺囊金  
去君亟棹舟追及還金人欲分金謝不受丁丑  
廷試賜第二甲五十七名書及家人言言道義  
曰吾所以得竊一第皆先代修德之報宜持盈  
戒滿以培之母改弦易轍自伐其本又曰宗族



宜崇禮讓勤職業敦節儉乃可培祖宗德澤又  
曰吾平生立志欲遠宅心欲宏德施欲厚俗態  
欲革與子曰吾平生以希文為期吾子亦當以  
純仁自勉都下與同年聚談無它泛語衆或囂  
然君惟據胡床兀坐或邀予與馮子魯子甘子  
鄒子諸同志間議應酬論心考志而已往進士  
試各衙門觀政讀律應故事入則聚奕為譌出  
則投刺諸大夫歸則邀諸朋友從事杯酌倦則  
寢君謂有職當盡毋玩日時試比部多究心疑

誌銘卷之十

十八

獄讀律刻畧求通疑不解不置思也寓城西一  
禪室二童朴不善時飲食公事畢即騎馬走長  
安道中不欲失禮于人夜讀書每至漏三四下  
黎明復起應事如初人皆稱君實心實事可大  
受為世珍然竟以此損神氣膺疾進部司尚再  
飯飯罷忽自詫曰何頭眩乃尔即強自正襟危  
坐而病竟不支鄒子遽扶腋起目瞑矣嗟夫嗟  
夫世方尚文少質尚虛少實使學且仕者皆質  
實敦本如君天下何憂不治哉吾輩方望君以

質實勞天下而君且先虛文者死矣豈乾坤氣  
運偶故厭此耶抑君厭世也嗟夫嗟夫天不可  
詰亦不可知彼虛文撥根本者死而死耳生亦  
死耳君即死固自有不死者在也乃為誌而繫  
之銘銘曰惟君則德葆毓浮風惟君則學切磋  
收功無生獨契不死誰同勒銘貞石永賁丘封

徽府教授詹公毅齋先生墓誌銘

徽王傳毅齋詹公以嘉靖壬戌七月十一日卒  
十五年為萬曆丁丑其從子明府君事講同余

誌銘卷之十

十九

成進士居都門數過余言其家世斤斤重操行  
而述公及其尊人訥齋公事甚詳亡何明府君  
出為余邑而會余謝病郊居屬余誌其尊人墓  
業報命矣頃公之子事謨復屬明府君于余請  
誌公余謝不敏明府君申之曰家大人已不朽  
于太史顧吾伯翁猶吾翁乎太史不幸惠一言  
吾何辭于伯子余居嘗慕公之為人爰受陳公  
廷霖狀撫其軼事而誌之公諱達字達卿江西  
樂安人父諱崇熙正德辛未進士歷太僕丞雅



有經術學者稱文峯先生母潘氏封孺人生文  
夫子五公其叔子長迪仲璉季道最幼週是為  
明府君父公少靈穎日能誦數千百言年十四  
中丞林公試而奇之補邑弟子員既而督學蔡  
公如林公周公而徐公適來試公高等公故  
不欲以名高諸弟子愈益恂恂然持已故莊敬  
人亦不敢以非禮干之時吉水周先生太史羅  
先生講王文成之學公乃游二先生間受傳習  
錄以歸已復從鄒文莊游而其學益進退則與  
其友陳公九川及王魏諸公相質辨必合迺已  
也始太僕公舉進士以仲兄璉從閩廣流寇陷  
樂安母孺人以節死兄迪從之二弟方被執賊  
勢甚張公獨行僵尸蹀血中追林之悲號備至  
賊為感動至寧陽柴岡竟以二弟還哭母孺人  
哀幾絕越十年太僕公卒于官公力疾走數千  
里迎其喪喪舟行左右徒步趨歸治喪事事如  
禮庚子貢上春官明年授霍丘訓導科條一稟  
于文定有不贍者斥俸給之六載掌陽穀教事

造士視霍丘等士多興起又六載遷徽府教授  
繼母謝病公遽投檄歸歸而構一室藏書萬卷  
日諷詠其中至忘寢食遇族黨姻戚必以禮客  
至即蔬食菜羹款洽竟日然足跡不入公門不  
好侵郡邑大夫權郭令以親用事厲公不報餽  
之罰鍰不受而前后郡邑吏以故並稱公長者  
鄉飲則大賓屬公矣壬戌公誕辰賦詩自勉期  
以全歸四月疽發背危甚家人多惶惶公張目  
笑曰疇能免此乎何嬰兒為也事謨求遺言公  
曰無離正人無廢正學無輟二子教足矣語畢  
而逝距生弘治壬子四月初一日享年七十有  
一所著有中庸說請益稿藏于家明府君言公  
歲時伏臘祭必虔事繼母謝孺人如母孺人家  
居無惰容無苟訾無遺行無滿心其兄弟自相  
師友也大都公孝友方嚴有行義抑亦德禮君  
子云史某曰余觀于詹公而深有感于論道者  
焉夫道載乾坤乾非坤則百物無所麗心非身  
則百行無所承文成蓋惡俗學支離而曰致良



知者謂心能攝身其指要眇乃學者以偏識為知以頓悟為致而不復綜之實脩甚則汎洋自恣并其矩矱弁髦之以今觀于詹公嘗私淑諸先生矣豈不多性命微言至其操行一又何篤也彼空言者徒有內媿耳公世居邑后高祖伯善曾祖啟泰祖遵訓世有隱德至太僕公用逢掖起家而公伯季代興以操行著江右一時宗之子孫冠蓋相望人皆以為善徵云公墓在平山之陽銘曰性則道修則教亦莫不邵民是則

是傲老子曰下士聞之則大咲

郊居遺稿十卷

安徽建德縣人

明沈懋學撰懋學字君典宣城人萬曆丁丑進士第一授翰林院修撰追謚文節事迹附見明史田一備傳是編詩三卷雜文七卷萬曆乙巳其兄子有容刊於福建懋學官翰林時值張居正奪情與吳中行趙用賢謀各上疏吳趙皆受杖去國而懋學疏章為人所持不果進乃貽居正子嗣修書又與工部尚書李幼滋書以爭之今集中有擬救建言諸臣令大學士張居正奔喪疏一篇蓋卽其時未上之稿然非擬疏之難上疏之難也既未上矣存之何為乎



[ G e n e r a l   I n f o r m a t i o n ]

书名 = 四库全书存目丛书 集部 第一六三册

作者 = 四库全书存目丛书编纂委员会编

页数 = 7 3 2

S S 号 = 1 0 4 8 7 1 7 1

出版日期 = 齐鲁书社 1 9 9 7 年 7 月第 1 版